



გამოიცა უიომინგის მონასტრის ლოცვა-კურთხევით.

შემდგენლები: გელა აროშვილი  
ზურაბ აროშვილი

რედაქტორი: მანია ინდუაშვილი

წიგნი გამოიცა უმეღბანელთა ხარჯით

უმომსავლის ნაწილი მოხმარდება უიომინგის მონასტრს

4702017200

ა \_\_\_\_\_ ბრძ.—91  
ბ (605) (06)—91

© გ. აროშვილი,  
ზ. აროშვილი, 1991

## ნებარი ავგუსტინე

დასავლეთის ეკლესიის უდიდესი მასწავლებელი, ავრელიუს ავგუსტინე დაიბადა სამხრეთ ნუმიდიის პატარა ქალაქ ტაგასტში, ჰიპონიის მახლობლად, 354 წლის ნოემბერში. მამამისი პატრიციუსი. წარმართი იყო და მხოლოდ მაშინ მოინათლა როდესაც ავგუსტინეს 17 წელი შეუსრულდა, რის შემდეგაც მალევე აღესრულა. თავის სიცოცხლეში იგი ცდილობდა ავგუსტინესათვის კარგი განათლება მიეცა, მაგრამ მისი აღზრდის ზნისა და ხასიათისათვის ყურადღება არასოდეს მიუქცევია. დედას, მონიკას ჭეშმარიტად ქრისტიანული აღზრდა ჰქონდა მშობლებისაგან მიღებული და გამოირჩეოდა ზნეკეთილი ბუნებითა და სათნო, მშვიდობისმოყვარე ცხოვრებით. მონიკა 23 წლისა იყო, როდესაც ავგუსტინე შეეძინა. საკუთარ შვილს ყრმობიდანვე ასწავლა და შეაყვარა იესოს სახელი, მაგრამ მიუხედავად ამისა, ავგუსტინე მაინც უზნეობასა და გარყვნილ ცხოვრებას მიეცა. ეს განაპირობა მისი დროის მანკიერ ზნეჩვეულებათა გარემოცვამ, ცუდმა მეგობრების წრემ და თავისუფალმა ცხოვრებამ. ჭაბუკი ავგუსტინე აფრიკელისათვის დამახასიათებელი ტემპერამენტით ჩაეფლო გარყვნილებაში. ბიბლია მკვდარ წიგნად მიაჩნდა და მას როგორც პოლემისტი, ისე კითხულობდა. მისთვის დაიხშო სულიერი კარიბჭე, რადგან გულწრფელობისა და მორჩილების გარეშე მიეახლა საღმრთო წერილს.

17 წლის ავგუსტინე კართაგენში გაემგზავრა განათლების მისაღებად. აქ იგი იოლად აღმოჩნდა მანიქეველთა ბადეში, რომელნიც თუმცაღა ხშირად ახსენებდნენ მაცხოვრის სახელს, მაგრამ თავისი სწავლებითა და ცხოვრების წესით მტრები იყვნენ ქრისტეს ეკლესიისა. მათმა სწავლებამ ავგუსტინე საკუთარი ცოდვების თვითგამართლების სენით დაავადა. ცოდვები უმნიშვნელოდ ეჩვენებოდა და მათ თავისი ნების გამოხატულების შედეგად კი არ მიიჩნევდა, არამედ როგორც გარეშე ბოროტი ძალის ტირანიას. ჭაბუკი ავგუსტინე ისე ღრმად ჩაეფლო ამ მწვალებლურ ჭაობში, რომ მეგობრები და ნაცნობებიც კი ჩაითრია. ცხრა წლის განმავლობაში იყო იგი

მანიქეველი. შემდგომ ავგუსტინეში თანდათან ეჭვმა დაისადგურა მანიქეველთა მოძღვრების მიმართ. მან დაინახა, რომ ისინი ნგრევაში უფრო წარმატებული იყვნენ, ვიდრე შენებაში. ავგუსტინემ განიზრახა კართაგენის დატოვება.

ღელა ნეტარი ავგუსტინესი, მონიკა, უსაზღვროდ იყო დამწუხრებული შვილის მანიქეველობით. მან არ მოისურვა გზას აცდენილთან ერთ ჭერქვეშ ცხოვრება და აღარც ტრაპეზს იყოფდა მასთან. მონიკა, როგორც მკედარს ისე დასტიროდა შვილს და მოუკლებლად ლოცულობდა, რათა ღმერთს იგი ქეშმარიტი სარწმუნოებისაკენ მოექცია. ხედავდა რა დედის ამგვარ მეცადინეობას, ერთმა ეპისკოპოსმა ის ასე დაამშვიდა: „იცხოვრე ისე, როგორც ცხოვრობ და შეუძლებელია, რომ დაიღუპოს შვილი ამ ცრემლებისა“.

სამშობლოში დაბრუნებულმა ავგუსტინემ გრამატიკის მასწავლებლად დაიწყო მუშაობა. 29 წლისა იგი შეხვდა სახელგანთქმულ მანიქეველ ეპისკოპოს ფავსტს. მრავალთათვის ფავსტი იყო „მახე სიკვდილისა“, მაგრამ ავგუსტინე მან თავისდაუნებურად დაიხსნა მწვალებლობის ბადისაგან. მანიქეველის სწავლებაში და ცხოვრების წესში მან მრავალი წინააღმდეგობა აღმოაჩინა. ფავსტთან საუბრის შემდეგ ავგუსტინე რომში გაემგზავრა. ამ დროს იგი წერდა: „ისწრაფე იქით, საიდანაც ანათებს ქეშმარიტება.“ რომში ავგუსტინე დიდხანს არ გაჩერებულა, იგი თავის მეგობარ ალიპიუსთან ერთად მილანს გაემგზავრა, რათა წმ. ამბროსი მედიოლანელის ქადაგება მოესმინა. „მე მასთან ღმერთმა მიმიყვანა, რათა მის მიერ ღმერთთან მივსულიყავი“ — წერდა იგი შემდგომ. წმ. ამბროსიმ ის მამობრივი სიყვარულით მიიღო. მისი ქადაგებების მოსმენა ავგუსტინეს უდიდეს სიამოვნებას ანიჭებდა. მალე დიდი მღვდელმთავრის მეთვალყურეობით მან საღმრთო წერილის შესწავლა დაიწყო. ღმრთის სიტყვამ მასზე გადამწყვეტი ზეგავლენა მოახდინა. ავგუსტინე და ალიპიუსი კატეხიზატორთა ბეჭითი და მორჩილი მოწაფენი შეიქმნენ, თუმცაღა ნიჭითა და ცოდნით ბევრად აღემატებოდნენ თავიანთ მასწავლებლებს. 387 წელს, აღდგომამდე რამდენიმე დღით ადრე. ავგუსტინე ალიპიუსთან ერთად მოინათლა, მთელი თავისი ქონება ქვრივობაოლთ დაურჩიგა და ბერულ მოღვაწეობას შეუდგა. საოცა-

რია მისი უკანასკნელი საუბარი დედასთან. „...ერთადერთი მიზეზი იმისა, რომ ამ ქვეყნად დიდხანს მეცოცხლა, ის იყო, რომ სიკვდილამდე მეხილე მართლმადიდებელ ქრისტიანად. ღმერთმა კი უფრო მეტიც მომმადლა — დღეს ვხედავ, რომ ყოველივე ამქვეყნიურზე ამალღებულხარ და თავი უფლისათვის მიგიძღვნია. მაშ რაღა დამრჩენია ნე ამქვეყნად“. ხუთი დღის ზეშდევ მონიკამ უფალს მიაბარა სული.

391 წელს ჰიპონიის ეპისკოპოსმა ვალერიმ ავგუსტინეს პრესვიტერის წოდება მიანიჭა. მრავალმხრივი და ხაყოფიერი იყო ნეტარი მამის მოღვაწეობა ამ ხარისხში. მან დაარსა აფრიკაში პირველი ქალთა მონასტერი. მავრიტანიაში მისი მეცადინეობით აღიკვეთა საშინელი ადამი, რომლის დროსაც ქალაქის მცხოვრებნი ორ შეიარაღებულ ნაწილად იყოფოდნენ და სასიკვდილო ბრძოლას იწყებდნენ, რომელიც ერთ კვირამდე ვრძელდებოდა და ქალაქი უაზროდ დაღვრილ სისხლს მიჰქონდა.

თავისი ცხოვრების 45-ე წელს ავგუსტინე ეპისკოპოსად აკურთხეს. მალე მან ჰიპონიის კათედრა დაიკავა. ღვდელმთავრობის ოცდათხუთმეტი წელი ნეტარმა მამამ მანიქეველობის, დონატიანობის და პელაგიანობის წინააღმდეგ ბრძოლას შეაღია. ამ პოლემიკაში იგი მხოლოდ კალამს როდი სჭერდებოდა, არამედ პირად დისპუტებზე ამარცხებდა მწვალებელთ, მისი საუბრები კი შემდგომ მორწმუნეებში ვრცელდებოდა. სახლი ნეტარი ავგუსტინესი მუდამ ღია იყო ნაცნობთათვის თუ უცნობთათვის. თავის მაგიდაზე ასეთი სიტყვები ეწერა: „ვისაც უყვარს ზურგს უკან ყვედრება სხვათა ცხოვრებისა, იცოდეს, რომ ეს მაგიდა ამხილებს მას“. მისი ქადაგებები არასოდეს ყოფილა რიტორიკული, ანდა უმაღლესი ღვთისმეტყველების ნიმუში, როგორც, ვთქვათ, კაბადოკიელი მამებისა. ისინი განკუთვნილი იყო უბრალო მეთევზეებისა და ხელოსნებისათვის და არა ანტიოქიელი თუ კონსტანტინეპოლელი არისტოკრატიისათვის. ამ ქადაგებათა უბრალოება მეტად ახლოს იყო სახარების სულთან.

ნეტარი ავგუსტინე თვითმხილველი იყო მრავალი სასწაულისა, და არა მარტო მხილველი, არამედ თავადაც მრავალსაკვირველ საქმეს ადასრულებდა. მისი ლოცვით არა ერთი

სნეული განკურნებულა. 430 წელს ჰიპონია ვანდალებმა გადაწვეს. ერთადერთი, რაც ცეცხლს სასწაულად გადაურჩა, იყო ნეტარი ავგუსტინეს ბიბლიოთეკა. მალე დაეცა კართაგენიც. ჩრდილო აფრიკის ეკლესია მძიმე მდგომარეობაში აღმოჩნდა. ავგუსტინე იყო ჰიპონიის უკანასკნელი ეპისკოპოსი, მან საკუთარი თვალთ იხილა საყვარელი ქალაქის სიკვდილი, რის შემდეგაც დიდხანს აღარ უცოცხლია. იგი 430 წლის 28 აგვისტოს გარდაიცვალა.

ნეტარმა ავგუსტინემ თავისი მოღვაწეობით წარუშლელი კვალი დატოვა ეკლესიის ისტორიაში. ის იყო ნაკლებად მტკიცე, ვიდრე ათანასე დიდი, ნაკლებად სწავლული, ვიდრე იერონიმე, ნაკლებად მჭევრმეტყველი, ვიდრე ოქროპირი, ნაკლებად ღრმა, ვიდრე გრიგოლ ღვთისმეტყველი, ნაკლებად გამჭრიახი, ვიდრე ნეტარი თეოდორიტე, ნაკლებად ძლიერი ეპისკოპოსი, ვიდრე ბასილი დიდი, ანდა ამბროსი მედიოლანელი, მაგრამ თავისი მოღვაწეობის მრავალფეროვნებით იგი ბევრს აღემატებოდა. ის იყო უდიდესი მასწავლებელი ჩრდილო აფრიკისა. ერთერთი ყველაზე ნათელი ადგილი მის ცხოვრებაში იყო ხილვა ყრმა იესოსი, რომელსაც სურდა მთელი ოკეანე ერთ პატარა ქვიშის ორმოში მოექცია. სწორედ ამ დროს ავგუსტინე ცდილობდა საკუთარი გონებით ჩასწვდომოდა წმიდა სამების საიდუმლოს. ამ ჩვენებით კი უფალმა ნეტარ მამას კიდევ ერთხელ დაანახა სასრულობა და უმწეობა ადამიანის გონებისა.

1 ნეტარი ავგუსტინეს კალამს ეკუთვნის მრავალი თხზულება (მისი ბიოგრაფის თქმით მათი რაოდენობა ათასოცდაათს აღწევდა). აღსანიშნავია მისი „აღსარება“, „ღვთის ქალაქის შესახებ“, ჩვიდმეტი წიგნი პელაგიანელთა წინააღმდეგ, კომენტარები დაბადების წიგნისა და სხვა. იგი ცდილობდა მისი ნაწერები ყველასთვის მისაწვდომი და სარგებლის მომტანი ყოფილიყო. „უმჯობესია გრამატიკოსებმა განგვაქიქონ, ვიდრე ჩვენი აზრები ხალხისათვის გაუგებარი იყოს“ — ამბობდა იგი.

ქეშმარიტი სარწმუნოებისათვის

(თავდაპირველად ნეტარი ავგუსტინე საუბრობს მასზედ, რომ ქეშმარიტი სარწმუნოება არა აქვთ არც წარმართებს და არც რომელიმე სექტას, არამედ აქვს მხოლოდ ერთს — ქრისტეს კათოლიკე და სამოციქულო ეკლესიას; შემდეგ ის განგვიცხადებს საღმრთო განგებულებას ადამიანის ხსნისათვის, რაც შეადგენდა კიდევ არსს და საფუძველს ქრისტიანული სარწმუნოებისას, და უკუაგდებს მანიქეველთა შეცთომილებას, განსაკუთრებით კი — მათს შეხედულებას ორ დასაბამზე, და ბოროტების წარმომავლობისა და არსის შესახებ. კვლად, ნეტარი ავგუსტინე საუბრობს იმ ორგვარ გზაზე, რომლითაც ღმერთის მიერ განგებულია ადამიანთა ბედი: ანუ ღმერთი ორგვარი სახით მოუწოდებს ადამიანს ხსნად — მორწმუნეთ — ეკლესიის ავტორიტეტით, მოაზროვნეებს კი — გონების მეშვეობით, რამეთუ ის ადამიანი, რომელიც გონებას ეფუძნება, მდაბალ საგანთაგან ღმერთამდე აღმაღლდება, მიიქცენ მიისწრაფვის და ამ ზესწრაფვაში თვით მანკიერებებითაც კი დაიმოძღვრება. მანკიერებათა სამგვარ სახეობაზე ნეტარი ავგუსტინე აქ ვრცლად საუბრობს, და თავის მსჯელობას იმით დაასრულებს, რომ დაასკვნის: ქეშმარიტი სარწმუნოებით შემოსილებმა თაყვანი უნდა ვცეთ ერთ ქეშმარიტ ღმერთს, ანუ ყოვლადწმიდა სამებას — მამას და ძეს და სულს წმიდას — რომელსა შეენის ღიღება აწ და მარადის და უკუნითი უკუნი-სამდე. ამინ.)

თავი I

ფილოსოფოსები სხვაგვარად ახწავლიდნენ სარწმუნოებას სკოლაში და სხვაგვარად აღიარებდნენ მას ტაძარში.

რადგან გზას სათნო და ნეტარი ცხოვრებისაკენ ქეშმარიტი სარწმუნოება გვიჩვენებს, განმადიდებელი ერთი ღმერთი

თ ის ა და წმიდა კეთილმოშიშებით შემეცნებელი ყოველგვარი ბუნების დასაბამისა, ვისგანაც იწყება კიდევ, სრულ-იქმნება კიდევ და შენარჩუნებულია კიდევ მთელი სამყარო, — ამიტომ იმ ხალხთა შეცთომილება, რომელთაც მრავალი ღმერთის თაყვანისცემა უფრო სურდათ, ვიდრე ერთი ქეშმარიტი ღმერთისა — ყოველთა უფლისა, ყველაზე ნათლად იმ გარემოებით ცხადდება, რომ ამ ხალხების ბრძენკაცებს, ანუ ეგრეთ წოდებულ ფილოსოფოსებს სხვადასხვა ფილოსოფიური სკოლები ჰქონდათ, ტაძრები კი — საერთო. არც ხალხისათვის და არც ტაძართა ქურუმთათვის საიდუმლო არ იყო, თუ როგორ ძალზე განსხვავდებოდა ამ ფილოსოფოსთა შეხედულებანი თვით ღმერთთა ბუნების შესახებაც (სხვას რომ თავი გავანებოთ), რადგან არც ერთს (ფილოსოფოსთაგან) არ ეშინოდა თავისი აზრის გამოთქმისა, და რომ შესძლებოდათ, თითოეული მათგანი შეეცდებოდა ყველა დაერწმუნებინა თავისი შეხედულების სისწორეში; — მიუხედავად ურთიერთსაწინააღმდეგო აზრების ჰყრობისა, ყველა ისინი, თავიანთ მიმდევრებთან ერთადვე სრულიად დაუბრკოლებლად ეთაყვანებოდნენ საერთო სიწმიდეებს. ახლა მე არ ვისაუბრებ იმაზე, თუ რომელს ამ ფილოსოფოსთაგან ჰქონდა უფრო სწორი და ქეშმარიტებასთან მიახლოებული შეხედულება; ჩვენთვის, ვგონებ, იმ ერთი გარემოების ცოდნაც საკმარისია, რომ სარწმუნოებრივ საკითხებზე ისინი ერთ აზრს ადგენენ მთელს ხალხთან ერთად, პირადულად კი სულ სხვადასხვაგვარად ფიქრობდნენ და ხალხსაც თავიანთი მოძღვრების შესაბამისად უქადაგებდნენ.

## თავი II

როგორ ფიქრობდა ღმერთებზე სოკრატე. — არსებული სამყარო, რომელსაც ღმერთად მიიჩნევდნენ.

მაგრამ სოკრატე, როგორც ამას გადმოგვცემენ, სხვებზე გაბედული იყო, რადგან (ღმერთსავეით) იფიცავდა ყოველ ძალს, ქვასა თუ სხვა რაიმეს, რაც კი თვალწინ ჰქონდა და რაც, ასე ვთქვათ, ხელში მოხვდებოდა. მე ვფიქრობ, რომ სოკ-



რატესთვისაც ცხადი იყო: ბუნების ყოველი აღმონაცენი, წარმოშობილი საღმრთო განგებულებით, ბევრად უკეთესია ადამიანის ხელით ნაქნარსა თუ ნებისმიერი მხატვრის მიერ შექმნილზე, და ამის გამო უფრო მეტადაც იმსახურებს საღმრთო თაყვანისცემას, ვიდრე ყოველივე ის (ადამიანის ხელთა ქმნილებისაგან), რასაც ტაძრებში ეთაყვანებოდნენ. დიახ, მას, ალბათ, ესმოდა ეს, მაგრამ იმის გამო კი არ იფრცავდა ყოველივეს, თითქოს ჭვა თუ ძალდი მართლაც ღირსნი იყვნენ (მისი აზრით) ბრძენკაცთაგან თაყვანისცემისა, არამედ იმიტომ, რომ შემძლეს გულისხმა-ეყო, თუ რა ღრმა ცრუმორწმუნეობაში იყვნენ მაშინ ადამიანები ჩაფლული; ასე, რომ იმათთვის, ვინც თავისუფლდებოდა ამგვარი ცრუ-რწმენისაგან, საჭირო იყო ჩვენება ასეთი ცრუ-რწმენის უღაბლესი და უსაძაგლესი საფეხურისა, რათა მათ დაენახათ თავიანთი უწინდელი მდგომარეობის მთელი სისაძაგლე; ანუ მათთვის საჩინო უნდა გამხდარიყო, რომ, თუკი სამარცხვინოა ღმერთის ქმნილებათა გაღმერთება და თაყვანისცემა, რამდენგზის უფრო სამარცხვინო უნდა ყოფილიყო ადამიანის ხელთა ქმნილების გაღმერთება და თაყვანისცემა! ამასთანავე, სოკრატე (ამით) ამხელდა იმ ადამიანთა (ფილოსოფოსთა) საძაგელ შეხედულებას, რომელნიც ამა ხილულ სამყაროს უზენაეს ღმერთად მიიჩნევდნენ, და აქედან გამომდინარე, დაასკენიდნენ, რომ სამართლიანი და უპრიანი იქნება, თუკი ყოველ ჭვას ვცემთ თაყვანს როგორც უზენაესი ღმერთის ნაწილაკსაო. ხოლო თუკი მისი ასეთი დასკვნა მათ აღაშფოთებდათ, მაშინ ისინი შეიცვლიდნენ შეხედულებას და ერთი ჭეშმარიტი ღმერთის ძიებას შეუდგებოდნენ, რომელი ერთადერთია უექველად აღმატებული ჩვენს გონებაზე და რომელმა შექმნა კიდევ ყოველი სული და მთელი ეს სამყარო. და სოკრატესაც ეს ჰქონდა მიზნად, როცა ყოველივეს ღმერთსავით იფრცავდა. |

1. შემდგომში, დიდად საამოდ წერდა პლატონი, თუმცა არც თუ ასეთივე ძალით დარწმუნებისა, რადგანაც ამ ჭურის ფილოსოფოსები იმისთვის როდი არიან შობილნი ამქვეყნად, რომ ცრუ-რწმენისაგან და ამაქვეყნიურ ამაოებისაგან გაათავისუფლონ თავიანთი ხალხის აზრი და მიმართონ იგი ერთი ჭეშმარიტი ღმერთის ჭეშმარიტ თაყვანისცემად. ამიტომაც

იყო, რომ თვით სოკრატეც (გამორჩეული ფილოსოფოსთაგან) თავის ხალხთან ერთად კერპებს ეთაყვანებოდა; და მისი სიკვდილისა და დაგმობის შემდეგ უკვე ველარავინ ბედავდა ძალისა თუ ქვის დაფიცვას, თუმცა წერილობით ამის გახსენება შემდგომშიც შეეძლოთ. რით იყო ეს განპირობებული — შიშით მკაცრი სასჯელის წინაშე, თუ ეს დროის რაღაც ნიში იყო, — ამის განსჯას აქ აღარ შევუდგები.

### თავი III

ქეშმარიტი სარწმუნოება — ქრისტიანული სარწმუნოებაა, რომელმაც ადამიანები იმაში დაარწმუნა, რაშიც, პლატონის შეხედულებით, მათი დარწმუნება შეუძლებელი იყო.

თუმცა კი, იმ ადამიანთა ნებართვით, რომელნიც დღესაც კი ასე ეთაყვანებიან ამ ფილოსოფოსთა თხზულებებს, მე უშიშრად და გადაჭრით ვიტყვი, რომ სულ მცირედ საჭოკმანოც არ უნდა იყოს ის, თუ ქრისტიანულ დროში რომელ სარწმუნოებას უნდა ვაღიარებდეთ, რათა მან ქეშმარიტების შეცნობამდე და საუკუნო ნეტარების დამკვიდრებამდე მიგვიყვანოს. და მართლაც, პლატონი რომ დღეს ცოცხალი ყოფილიყო და ჩემი შეკითხვა პასუხის ღირსად ეცნო, ანუ თუკი, უკეთ რომ ვთქვა, მისი რომელიმე მოწაფე პლატონის სიცოცხლეში ჰკითხავდა მას, მისგანვე შეგონებული იმაში, რომ ქეშმარიტება სხეულებრივი თვალებით კი არ იხილვება, არამედ წმინდა გონებით; რომ როგორი სულიც არ უნდა ჰქონდეს ადამიანს, ამ სულს ძალუძს ნეტარი და სრულყოფილი შეიქმნას; რომ მის მიერ ამ ნეტარებისა და სრულყოფილების მიღწევას ხელს უშლის მხოლოდ ვნებებით აღსავსე ცხოვრება და ცრუ (მოჩვენებითი) სახეები გრძნობისმიერი საგნებისა, რომლებიც შემოიჭრებიან რა ჩვენს არსებაში გძნობისმიერი სამყაროდან, და შემოიჭრებიან რა ჩვენივე სხეულის მეშვეობით, ისინი სხვადასხვა შეხედულებებსა და შეცთომილებას აღმოაცენებენ ჩვენში; რომ ამიტომ ჩვენი სული უნდა განიწმინდოს საჭკრეტად საგანთა უცვალებელი ფორმისა და მარადიული, ყო-

ველთვის თავისი თავის ფარდი სიმშვენიერისა, რომელიც არც სივრცეში არ დაიყოფა და არც დროში არ იცვლება, არამედ თავის ყოველ ნაწილში ინარჩუნებს ერთიანობასა და იგივეობას, და რომლის არსებობასაც ადამიანები არ აღიარებენ, თუმცა კი იგი ნამდვილად და უზენაესი სახით არსებობს; რომ ყოველივე დანარჩენი იშვება და კვდება, ირღვევა და განქარდება, მაგრამ რამდენადაც არსებობს, ამდენად, უეჭველია. საუკუნო ღმერთის მიერ არის შექმნილი მისი ქვეშაობები ის აგან; რომ ყველაფერ ამას იმ ზომით აქვს მინიჭებული გონიერი და მოაზროვნე სული, რათა შეეძლოს დატკობა მისი მარადიულობის ქვრეტით, რათა აღიესოს და დამშვენდეს ამ მარადიულობით და შეიძლოს ღირს-ყოფა მარადიული სიცოცხლისა, მაგრამ სანამ სიყვარულისა და მწუხარების გრძნობას განიცდის აღმოცენებად და წარმაველ საგახთადმი, და სანამ ამა ქვეყნიურ ჩვეულებებსა თუ სხეულის გრძნობებს დამონებია, იგი იკარგება (იბნევა) ცარიელ აჩრდილთა შორის და დასცინის კიდევ ყველა იმათ, ვინც კი რაღაც ისეთზე ლაპარაკობს, რაც გრძნობისმიერი თვალებით კი არ აღიქმება და აჩრდილისებრ კი არ იაზრება, არამედ შეიძეცნება მხოლოდ გონებითა და სულის მოაზროვნე ძალით, — ჰოდა, თუკი-მეთქი, ყოველივე ამაში თავისი მოძღვრის (პლატონის) მიერ შეგონებული მოწაფე ჰკითხავს მას — საღმრთო პატივს ღირსად თუ მიიჩნევდი ვინმე დიდსა და ღვთაებრივ კაცს (თუკი ასეთი გამოჩნდებოდა), რომელიც ადამიანებს ჩაუნერგავდა რწმენას თუნდაც მხოლოდ ზემოჩამოთვლილში, თუკი, ამასთან, მათ არ შეეძლებოდათ ყოველივე ამის შეცნობა, ხოლო თუკი ვინმეს შეეძლებოდა კიდევ ამის შეცნობა, მაინც, ამაო შეხედულებათა მიზეზით თავისუფალ ადამიანთა ბრბოები საყოველთაო შეცთომილებაში იქნებოდნენ ჩავარდნილიო, — ამ შეკითხვაზე, როგორც მე ვპგონებ, პლატონი ასე უპასუხებდა: ესევეთარი საქმე შეუძლებელიაო ადამიანისათვისი ანდა ამის მოქმედებას მხოლოდ ისეთი ადამიანი შეიძლებდაო, რომელსაც თვით ღვთაებრივი სიბრძნე და ძალი აღირჩევდაო ამ საქმისათვის, აღირჩევდა იმგვარად, რომ აღმოიყვანდა მას საგანთა ჩვეული მდინარებიდან და აკვნიდანვე განანათლებდა არა კაცობრივი სწავლით, არამედ თავისი შინაგანა

ნათლით, და რომელსაც მიანიჭებდა იმგვარ წყალობას, განამტკიცებდა ისეთი ძალით, და, ბოლოს, განადიდებდა ისეთი ღირსებით, რომ მას, ამ ღვთისაგან რჩეულ ადამიანს, თავისი უზენაესი სიყვარულითა და ავტორიტეტით შეეძლებოდა მთელი კაცთა მოდგმა მხსნელი რწმენისადმი მოექციათ; ამასთანავე, ასეთი ადამიანი მოიძაგებდა ყოველივე იმას, რაც ეგზომ სურთ თავისთვის გარდაქცეული (წასდენილი) ნების მქონე ადამიანებს, და დათმენდა ყოველივე იმასაც, რისაც ეგზომ ეშინიათ ამ ადამიანებს, და მოიმოქმედებდა ყოველივე იმას, რაც საკვირველი იქნებოდა მათთვისო. აი, ვგონებ, ასე მიუგებდა პლატონი თავისი მოწაფის შეკითხვაზე. ხოლო ასეთი ადამიანის საფერ პატივს რაც შეეხება, ვფიქრობ, ამის გამო შეკითხვაც კი სრულიად ზედმეტია, რადგანაც უამისოდაც ნათელია, თუ რა პატივის ღირსი შეიძლება იყოს ღვთაებრივი სიბრძნე, რომლის შეგონებითა და წინამძღვრობით რჩეულ ადამიანს შეეძლებოდა ადამიანთა მთელი მოდგმის ხსნა: ასეთი ადამიანი დაიმსახურებდა რაღაც დიადს, საკუთრივი მნიშვნელობით, რაღაც აღმატებულს ყველა სხვა ადამიანზე.

და, აი, ყოველივე ეს აღსრულდა! ამისთვის ხმამაღლად და ცხადად მეტყველებენ წიგნებიცა და ძეგლებიც. მოციქულებმა, გამორჩეულებმა და წარგზავნილებმა მსოფლიოს ერთი ქვეყნისაგან, რომელშიც ერთადერთში თაყვანის-იციებოდა ერთი (ქეშმარიტი) ღმერთი და სადაც სწორედ ჯერ-იყო შობა ამგვარი კაცისა, — ამ რჩეულმა მოციქულებმა თავიანთი მოღვაწეობითა და ქადაგებით მთელს მსოფლიოში აღანთეს ცეცხლი ღვთაებრივი სიყვარულისა, დანერგეს და დაამკვიდრეს მხსნელი მოძღვრება და სწორედ ამ ღვთაებრივი მოძღვრების ნათლით განათლებული ქვეყანა დაგვიტოვეს ჩვენ. თუკი გარდასულ დროთა გამო არაფერს ვიტყვით, რისაც ყოველს შეუძლია არ ირწმუნოს, აწინდელ დროზე ხომ შეგვიძლია ვთქვათ, რომ ახლა ყველა ხალხში გაისმის ეს ქადაგება: „პირველითგან იყო სიტყვაჲ, და სიტყვაჲ იგი იყო ღმრთისათანა, და ღმერთი იყო სიტყვაჲ იგი. ესე იყო პირველითგან ღმრთისათანა. ყოველივე მის მიერ შეიქმნა, და თვინიერ მისა არცა ერთი რაჲ იქმნა, რაოდენი-რაჲ იქმნა“ (იოანე 1. 1—3). იმისთვის, რომ სული ადამიანისა განიწმიდოს და გაიგოს ეს

ქადაგება, შეიყვაროს იგი და თავის სასარგებლოდ მიმართოს, აგრეთვე იმისთვის, რომ ძალი მისი აზროვნებისა უფრო განმტკიცდეს და გაციკროვნდეს ღვთაებრივი ნათლით, ძუნწათათვის ითქვა: „ნუ იუნჯებთ თქვენ საუნჯეთა ქვეყანასა ზედა, სადა მლილმან, და მკამელმან განრყუნის, და სადა მპარავთა დათხარიან და განიპარიან; ხოლო თქვენ იუნჯებდით საუნჯეთა ცათა შინა, სადა არცა მლილმან, არცა მკამელმან განრყუნის; და სადა არცა მპარავთა დათხარიან და განიპარიან. რამეთუ სადაცა არს საუნჯე თქვენი, მუნცა იყოს გული თქვენი“ (მათე 6, 19—21); მფლანგველთათვის კი ნათქვამია: „...რომელმან სთესოს ხორცთა შინა თვისთა, ხორცთა მიერ თვისთა მოიმკოს ხრწნილებამ, ხოლო რომელმან სთესოს სულსა თვისსა, სულისაგან თვისისა მოიმკოს ცხორებამ საუკუნომ“ (გალატ. 6, 8); სულით ზვიადთა და ამპარტავეანთათვის ნათქვამია: „...ყოველმან, რომელმან აღიმალლოს თავი თვისი, იგი დამდაბლდეს, და რომელმან დაიმდაბლოს თავი თვისი, ამაღლდეს“ (ლუკა 14, 11); ასევე მრისხანეთათვის ნათქვამია: „... მე გეტყვი თქვენ არა წინააღმდეგომად ბოროტისა, არამედ რომელმან გცეს შენ ყურიმალსა შენსა მარჯვენესა, მიუბყარ მას ერთკერძოცა“ (მათე 5, 39); მშფოთვარეთათვისაც ნათქვამია — „გიყვარდედ მტერი თქვენი“-ო (მათე 5, 44) და ცრულ მორწმუნეთათვისაც „...აჰა ეგერა სასუფვეელი ღმრთისაჲ შორის თქვენსა არს“-ო (ლუკა 17, 21); ცნობისმოყვარეთათვის (მიმომწვლილველთათვის) ნათქვამია: ნუ ეძიებთო ხილულს, არამედ უხილავი მოიძიეთ, „რამეთუ ხილული ესე საწუთრო არს, ხოლო არახილული იგი — საუკუნო“ (II კორინთ. 4, 18); ხოლო საზოგადოდ ყოველთათვის კი ასეა ნათქვამი საღმრთო წერილში: „ნუ გიყვარნ სოფელი ესე, ნუცალა რაჲ არს სოფლისაჲ ამის. უკუეთუ ვისმე უყვარდეს სოფელი ესე, არა არს სიყვარული მამისაჲ მის თანა, რამეთუ ყოველივე სოფელსა შინა ესე არს გულისთქუმაჲ ხორცთაჲ და გულისთქუმაჲ თვალთაჲ და სილადე ამის ცხორებისაჲ. და ესე არა არს მამისაგან, არამედ სოფლისაგანი არს“ (I იოანე 2, 15—16).

თუკი მსგავსი გამონათქვამები ამჟამად სრულის ხალისით და მოწონებით მოისმინება მთელი მსოფლიოს ხალხების მი-

ერ; თუკი ესეოდენი სისხლის, მოწამეობრივი კოცონებისა და ჯვრების შემდგომ (ქრისტეს) ეკლესია ეგზომ განდიდებულა, კიდევ უფრო დიდი ძალით შემოსილა და ბარბაროს ხალხთა შორისაც კი განვრცობილა; თუკი ახლა არავინ აღარ ჰკვირობს იმ ათასობით ჭაბუკთა და ქალწულთა ცხოვრებას, რომელთაც უქორწინებლობა დაუმარხიათ და უმანკო ცხოვრებას ეწევიან სულის ხსნისათვის, — (ხოლო, სხვათა შორის, როცა ეს პლატონმაც სცადა, მალე იმდენად შეეშინდა თავისი, იმ დროისათვის გარდაქცეულად მიჩნეული, შეხედულებისა, რომ, გადმოგვეცემენ, გაულო კიდევ მსხვერპლი ბუნებას თავისი უმანკოების, ვითარცა ცოდვის აღმოსაფხვრელად); და თუკი ასეთს რასმე ამჟამად უწინდელივით უცნაურ საქმედ კი არ მიიჩნევენ, არამედ პირიქით, უმალ იმას გაიკვირებენ, თუკი ვინმე უმანკოების წინააღმდეგ იტყვის რაიმეს; მაშასადამე, თუკი ამგვარი აღთქმა (უქორწინებლობისა) და ასეთი ვალდებულება ღმერთის წინაშე უმანკოების დამარხვისა ადამიანებით დასახლებულ ყველა ქვეყანაში ქრისტიანული წეს-ჩვეულებითაა კურთხეული; კვალად, თუკი მსგავსი საგნების შესახებ ყოველდღე იკითხება საკითხავი ეკლესიებში და მღვდელმსახურნი ახსნა-განმარტებასაც იძლევიან; თუკი გულში მჭიღს იცემენ ისინი, რომელნიც ცდილობენ ყოველივე ეს თავიანთი ცხოვრებითაც აღასრულონ; თუკი ამ ძნელადსავალ გზას იმდენად მრავალნი ადგებიან, რომ სიმდიდრისა და ამაჰვეყნიურ პატივთაგან განდგომილი ადამიანებით, რომელთაც მთელს გულით მოსურვებიათ თავიანთი ცხოვრება ერთ უზენაეს ღმერთს მიუძღვნან, აღივსება ოდესღაც უკაცრიელი კუნძულები და საუდაბნოო ადგილები; და ბოლოს, თუკი თვით დედაქალაქებშიც, პროვინციის ქალაქებში, ციხე-სიმაგრეებში, ღაბა-სოფლებსა თუ ცალკეულ დასახლებებშიც იქადაგება და სასურველად ისახება ყოველივე ამაჰვეყნიურისაგან განდგომა და მსახურება ერთი ჰეშმარიტი ღმერთისა, და ეს იმდენად აშკარად, დაუფარავად ხდება, რომ ადამიანთა მოდგმა მთელს ჰვეყნიერებაზე ყოველდღიურად თითქოს ერთხმად შეჰღალადებს ღმერთს — უფლისა მიმართ აღვიმადლოთ გულნიო, — მაშინ, თუკი ყოველივე ეს ნამდვილად აღსრულდება ამაჰვეყნად, განა კვლავაც ღირს, რომ წუხანდელი სიმთვრალისაგან

ნაბახუსევისათვის ვზრუნვიდეთ, ანდა მკედარ, უგნურ პირ-  
უტყვთაგან ვეძიებდეთ საღმრთო სიტყვებს; ანთუ ღირს გახა,  
როცა ვინმეს სიტყვას მიუუგებთ და ვეკამათებით, ვამჯობინებ-  
დეთ პლატონის მაქებარი და მაღიდებელი ბაგენი გვექონდეს,  
და არა ქეშმარიტების სიყვარულით აღვსებული გული?!

#### თავი IV

**მთლიანად გრძნობისმიერს მიცემული ფილოსოფოსნი  
გაკიცხვას იმსახურებენ.**

ამიტომაც უნდა უარვყოთ ხოლმე ისინი, რომელთა შეხე-  
დულებითაც ამა გრძნობისმიერი ქვეყნის მოძაგება და სათნო-  
ებით განწმედილი სულის მიძღვნა უზენაესი ღმერთისადმი,  
მის და დამორჩილება — ამაო საქმეა, ანდა ბოროტი საქმეა;  
ესევეითარნი სხვა სახის დასაბუთებათა საშუალებით უსდა  
უკუვაგდოთ, თუკი, საერთოდ, ღირს მათთან საუბარი. იპათ  
კი, ვინც ამას კეთილ და სასურველ საქმედ მიიჩნევს, დაე, შე-  
იძეცნონ ღმერთი და, დაე, დაიმდაბლონ თავი ღმერთის წინა-  
შე, რომელსაც ყველა ხალხისათვის შთაუწერგავს რწმენა  
ყოველივე ამისა. ასეთი რწმენით სხვების შეგონებაზე, რა  
თქმა უნდა, ისინიც არ იტყოდნენ უარს, ამაო საქმედ რომ მი-  
იჩნევენ ყოველივე გრძნობისმიერის მოძაგებას და ღმერთი-  
სადმი თავის მიძღვნას, — უარს არ იტყოდნენ, რომ შეეძლოთ  
ეს, ხოლო თუკი ვერ შეიძლებენ, მაშინ, ყოველ შემთხვევა-  
ში, შურით მაინც აღივსებიან შემძლეათადმი. მაშ, დაე, დამორ-  
ჩილდნენ იმას, ვინც მოიმოქმედა ეს და ადამიანებს ამის  
რწმენა შთაუწერგა! დაე, განიგდონ თავისაგან ცნობისმოყვა-  
რეობა და ამაო პატივმოყვარეობა, და დაე, გულისხმაყონ, თუ  
რა განსხვავებაა მცირედთა მერყევ, არამტკიცე მარჩიელობასა  
და ხალხების განცხადებულ ხსნასა და გამოსწორებას შორის.  
აკი ასეა ხომ: რომ გაცოცხლებულიყვნენ ის ადამიანები, რომ-  
ელთა სახელითაც ესენი ეგზომ იქებენ თავს, და ენახათ, რომ  
ქრისტეს ტაძრები სავსეა მორწმუნეებით, საკერპე ბომოხეპი  
კი დაცარიელებულა, ხოლო მთელს კაცთა მოდგმას დროე-  
2. გ. აროშვილი

ბითი და წარმავალი ნიკეთეების სანაცვლოდ საუკუნო ცხოვრების სასოებად და სულიერ, გონიერ სიკეთეთა მოსაპოვებლად მოუწოდებენ, — რომ ენახათ ეს, განა ისინი (თუკი მართლაც იმდაგვარნი იყვნენ, როგორებადაც მოგონება წარმოგვიდგენს) ნამდვილად არ იტყოდნენ ამას: „აი, ყოველივე ის, რაშიც ხალხთა დარწმუნებას ჩვენ ვერც ვიოცნებებდით! ჩვენ უფრო მათი ჩვეულებების წინაშე ვიხევდით უკან, იმის ნაცვლად, რომ ჩვენს რწმენაზე მოგვექცია ისინი და ჩვენი ნებისადმი დაგვემორჩილებინა?!“

ამრიგად, ის ფილოსოფოსნი როგორაც ჩვენს გვერდით რომ აღმოჩენილიყვნენ, უექველად მიხვდებოდნენ, თუ ვისი ავტორიტეტით არიან ადამიანები დარწმუნებულები, და თავიანთი სიტყვებისა და შეხედულებების მცირეოდენი სახეცვლილებით ნამდვილად ქრისტიანები შეიქნებოდნენ, ანუ იმგვარადვე მოიქცეოდნენ, როგორც მოქცეულან ძალზე მრავალრიცხოვანი პლატონიკოსები როგორც ჩვენი დროისა, ასევე ცოტა უფრო ადრინდელნიც. ხოლო თუკი არ აღიარებდნენ ამას და ასე არ მოიქცეოდნენ, აღვსილნი ამპარტავნებითა და შურით, მაშინ მე აღარ ვიცი, შეძლებდნენ კი ეს ფილოსოფოსნი, აღსავსენი ესოდენი უწმიდურობითა და შეკრულნი ასეთი საკრველებით, კვლავაც მსწრაფველნი ყოფილიყვნენ იმისადმი, რაც, მათივე სიტყვით, უნდა შეადგენდეს კიდევ ძიებისა და სურვილთა საგანს ჭეშმარიტებას მოწყურებული ფილოსოფოსისათვის. რამეთუ მე არ ვუწყი, იყვნენ თუ არა ესევეითარი ადამიანები დაავადებულნი კიდევ სხვა, მესამე სახის მანკიერებით, — კერძოდ კი ცნობისმოყვარეობით ეშმაკთა გამოკითხვისა, — იმ სენით, რომელიც აიძულებს მათ ეშმაკს მიმართონ ხოლმე შეკითხვით. სწორედ ამ სენით არიან აკი შეპყრობილნი და ქრისტიანულ ხსნას მოკლებულნი ამის გამო ის უკეთური ადამიანებიც, რომელთა წინააღმდეგაც მიმართულია კიდევ ჩვენი აწინდელი სიტყვა, ანუ წარმართები, — იმიტომ, რომ ეს სნეულება მეტისმეტად ბავშვურია.



## თავი V

რომელ აღმსარებლობაშია ქეშმარიტი სარწმუნოება.

საღმრთო ნიქის — სულიწმიდისათვის.

მაგრამ როგორც არ უნდა ყოფილიყო ამ ფილოსოფოსთა პატივმოყვარეობა, ყველასთვის გასაგები უნდა იყოს, რომ სარწმუნოებას არ უნდა ვეძიებდეთ იმათთან, ვინც ხალხთან ერთად ერთსა და იმავე (საერთო) წეს-ჩვეულებებს აღასრულებდა ტაძრებში, თავიანთ სკოლებში კი, იმავე ხალხის თანდასწრებით დაუფარავად გამოთქვამდა განსხვავებულ და ურთიერთსაწინააღმდეგო შეხედულებებსაც კი ღმერთებისა და უზენაესი სიკეთის შესახებ. მხოლოდ ეს ერთი სენი რომ განეკერნა ქრისტიანობას, ამ შემთხვევაშიც კი არავინ არ უნდა დაეჭვდეს იმაში, რომ ეს მოძღვრება ყოველმხრივ ქებას იმსახურებს. მართლაც, ქრისტიანობის დადგინებათაგან მომორჩეული მრავალრიცხოვანი მწვალებლობანი აღსატურებენ, რომ მამა-ღმერთზე, მის სიბრძნესა და ღვთაებრივ ნიჭზე ქეშმარიტი სწავლებისაგან განსხვავებულად მბრძანებელი და სხვათა ამ სახედვე დამმოძღვრავი ადამიანები არ დაიგვიბიან ჩვენთან ერთად საიდუმლოთა ზიარებისათვის. ჩვენ გვწამს და ასეც ვასწავლით, რომ ადამიანის სხნის ამ მოძღვრების გარდა არ არსებობს სხვა ფილოსოფია და სხვა აღმსარებლობა, რომელშიც ქეშმარიტი სარწმუნოება იჭნებოდა, და ისინი, რომელთა სწავლებასაც ჩვენ არ ვიწონებთ, არ დაიშვებიან ეკლესიაში საიდუმლოთა საზიარებლად.

ამ მხრივ, ნაკლებად უნდა გვიკვირდეს იმათი საქმე, რომელთაც ისურვეს ჩვენგან განსხვავებულები ყოფილიყვნენ თავიანთ საიდუმლოთა აღსრულებაშიც, როგორც არიან, მაგალითად, ე. წ. სერპანტინები<sup>1</sup>, მანიქეველები და ზოგიერთი სხვაც. ჩვენს ყურადღებას უფრო ისინი იმსახურებენ, რომელნიც იმავე საიდუმლოებებს აღასრულებენ, რასაც ჩვენ, მაგრამ

<sup>1</sup> „სერპანტინები“ — ბერძნულად „ოფიტები“, გნოსტიკოსთა ერთი განშტოება, რომლის მიმდევრებიც გველს (serpens, იწის). ანუ გამომოდელს, მატურს — უზენაესი სიბრძნის განმაცხადებლად მაინუნდნენ.

მოშორებიან ჭეშმარიტ სწავლებას და სურთ უფრო თავიანთი შეცთომილება დაიცვან, ვიდრე კეთილგონიერულად ესწრაფვოდნენ გამოსწორებას, და რომელთაც, მოშორებულთ ეკლესიისაგან და მოკლებულთ მის საიდუმლოებებში მონაწილეობას, თავთავიანთი სახელწოდებანი მიუღიათ და საკუთარა ცრუ-რწმენით აღსავსე სწავლებანი შემოუღიათ, თუმცა კი ისინიც, გარეგნულად, თითქოსდა იმავე საიდუმლოებებს აღასრულებენ, რასაც ჩვენ; ამგვარნი არიან, მაგალითად, ფოტიუნანნი, არიანელნი და მრავალნი სხვანი. სხვანი არიან ისინი, რომელთაც განხეთქილება შემოუტანიათ ეკლესიაში. მათ შეეძლოთ ბზესავით დარჩენილიყვნენ უფლის კალოზე საბოლოო გაღწევის დღემდე, თავიანთი უკიდურესი უგნურების მიზეზით ამპარტავნებას რომ არ დამონებოდნენ და ნებაყოფლობით რომ არ გამოცალკევებულებოდნენ ჩვენგან. ხოლო იუდეველებს რაც შეეხება, ისინი, თუმცა კი თავყვანს სცემენ ერთს ყოვლადძლიერ ღმერთს, მაგრამ ეძიებენ რა მისგან მხოლოდ წარმავალ, ხილულ სიკეთეთ, ამით ზურგს აქცევენ ღმერთს და, თავიანთი უკიდურესი უგნურების გამო, არ ინდომებენ შემჩნევას დამცილებისაგან აღმოცენებული ახალი ერისა — უფლის ჭეჯილისა, და ამგვარად კვლავაც ძველ ადამიანებად დარჩენილან. მაშასადამე, თუკი ყოველივე ეს ნამდვილად ასეა, მაშინ არც წარმართთა აბდაუბდა შეხედულებებში, არც მწველებელთა ღვარძლში, არც განხეთქილების შემომღებთა უძღურებაში<sup>1</sup> და არც იუდეველთა სიბრძავეში არ უნდა ვეძიოთ ჭეშმარიტი სარწმუნოება; ხოლო უნდა ვჭგონებდეთ ჭეშმარიტ სარწმუნოებას მხოლოდ იმათთან, რომელნიც საყოველთაო ეკლესიის წევრებად, ანუ ღმერთის მართლიად მადიდებლებად იწოდებიან, ანუ იმ ადამიანებში, ვისაც წმიდად და შეურყვნელად შეუნახავს მართალი სწავლება და ჭეშმარიტებით აღიარებს მას.

<sup>1</sup> განხეთქილების შემომღებნი (ანუ განწველებისა) არ ითვლებოდნენ მწველებლებად (ერეტეოსებად), და მათი დაბრუნება ეკლესიაში უფრო ადვილი იყო, ვიდრე მწველებლებისა.

## თავი VI

ქეშმარიტი სარწმუნოება მხოლოდ ქრისტეს კათოლიკე ეკლესიაშია, რომელიც ყველა არსებულ შეცთომილებასაც კი თავისი წარმატებულობისათვის იყენებს. კეთილთათვის, რომელნიც ზოგჯერ მშფოთვარე ადამიანთა მიერ განიღვენებიათ ხოლმე ეკლესიიდან.

ეს საზოგადო, მთელს ქვეყნიერებაზე ფართოდ გავრცელებული ეკლესია ყველა ამ შეცთომილსაც თავისი საკუთარი ზრდისათვის იყენებს, ასევე მათს გამოსწორებასაც ესწრაფვის, თუკი ისინი ისურვებენ და გამოიღვიძებენ თავიანთი ძილისაგან. იგი იყენებს წარმართ ხალხებს — როგორც რამ მასალას თავისი მოქმედებისათვის, მწვალებლებს — თავისი მოძღვრების განსამტკიცებლად, განხეთქილების შემომღებთ — თავისი ერთიანობის წარმოჩენისათვის, იუდეველებს — შედარების გზით თავისი სიმშვენიერის განსაცხადებლად. ერთთ ეკლესია თავისკენ მოუხმობს, მეორეთ — განაგდებს, მესამეთ — თვით განეშორება, მეოთხეზე — აღმატებულია, ხოლო ყველას კი აძლევს შესაძლებლობას მონაწილენი შექნან ღვთაებრივი მადლისა, იმ სახედ, როგორაც ჭერ-არს მათთვის: ზოგს განანათლებს, სხვებს გარდაქმნის, ანდა ახლად მიიღებს, ანთუ ხელახლა დაუშვებს თავის წიაღში. ხოლო იმათ, ვინც ხორციელად ცხოვრობს და ფიქრობს, ეკლესია დაითმენს როგორც ბზეს, რომლის ქვეშაც კალოზე უფრო უხიფათოლ ინახება მარცვალი მანამდე, სანამ არ განთავისუფლდება ამ საფარველისაგან. მაგრამ რადგანაც ამ კალოზე თითოეული თავისი ნებითაა მოხვედრილი — ან ბზეა, ანდა მარცვალი, ამიტომ, რომელიმეს ცოდვასა თუ შეცთომილებას მანამდე ითმენენ, სანამ ცოდვა ბრალმდებელს არ შეეყრება, ხოლო შეცთომილება კი — კადნიერის შეუპოვრობით არ დაიწყებს თავის გატანას. ხოლო მას შემდეგ, რაც განიკვეთებიან ეკლესიიდან, ამგვარი ადამიანები ან სინანულის გზით კვლავ უბრუნდებიან მას, ანდა დამახინჯებული თავისუფლების გავლენით უწესობაში ეფლობიან — ესეც ჩვენდა დასამოძღვრავად, ან განხეთქილების შემომღებად გვევლინებიან, რათა მოთმინება-

ში გვწურთნან, ანთუ რომელიმე ახალ მწვალებლობას აღმო-  
აცენებენ — ჩვენს გამოსაცდელადვე და ჩვენი კეთილგონიე-  
რების წარმოსაჩენად. ასეთია ხვედრი იმ ხორციელი ქრისტიან-  
ებისა, რომელთა გამოსწორებაც შეუძლებელია და ეკლესია-  
ში მოთმენაც.

ღვთაებრივი განგებულება ხშირად დაუშვებს ხოლმე იმა-  
საც, რომ ხორციელ ადამიანთა მიზეზით თვით სათნო ადამი-  
ანებიც განიდევენებიან ქრისტიანული ერთობიდან. თუკი თა-  
ვის ამ დამცირებასა თუ წყენას ისინი მოთმინედ გადაიტანენ  
ეკლესიაში მშვიდობის შესანარჩუნებლად და არ აღმოაცენე-  
ბენ არც ახალ მწვალებლობას და არც განხეთქილების შემომ-  
ღებად შეიქნებიან, მაშინ ჰკუის სასწავლ მაგალითად იქცევიან  
ყოველთათვის, თუ რა ჰეშმარიტი ერთგულებითა და წრფელი  
სიყვარულით ხამს ღმერთის სამსახური. ასე, რომ ასეთი ადა-  
მიანები ან იმედოვნებენ კვლავ ეკლესიას დაუბრუნდნენ, რო-  
ცა ქარიშხალი ჩადგება, ანდა — თუკი ეს შეუძლებელი შეიქ-  
ნება იმის გამო, რომ მშფოთვარება არ დამცხრალა, ან ფრთხი-  
ლობენ, თავიანთი დაბრუნებით არ აღმოცენდეს ასეთივე თუ  
უფრო მძვინვარე უშლიც კი, — მათ სურთ სასარგებლონი  
იყვნენ იმათთვის, რომელთა შფოთსა და განწყობასაც დაუთ-  
მეს; და ამისთვის ერიდებიან ყველა იმ თავყრილობებს, სადაც  
განხეთქილება შეიძლება წარმოიშვას, და სიკვდილისაც კი  
არ ეშინიანთ იმ რწმენის დასაცავად, რომელიც, როგორც მათ  
სჯერათ, იქადაგება ქრისტეს ეკლესიაში, და ასე, საკუთარი  
თავით მოწმობენ ისინი ჰეშმარიტი სარწმუნოებისათვის. ესე-  
ვითარტ ფარულად განუმზადებს დიდების გვირგვინს მამა-  
ღმერთი. ამგვარი ადამიანები, ალბათ, მცირედნი არიან, თუმ-  
ცა მაგალითი მათებრი აღმსარებლობისა არ გვაკლია; უფრო  
მეტეც კია ასეთი მაგალითი, ვიდრე ეს ჩვენ შეგვიძლია ვივა-  
რაუდოთ. ამრიგად, საღმრთო განგებულება ყოველგვარი სა-  
ხის ადამიანებსა და ყველანაირ მაგალითს იყენებს იმისათვის,  
რომ სნეული სულები განკურნოს და ახალი ერი აღმოაცენოს.

აუცილებლობა ქრისტეს ერთი საყოველთაო ეკლესიის  
სარწმუნოების მიღებისა. რას აღიარებს იგი.

ამ მიზნით, საყვარელო რომანიანე, — რამდენიმე წლის წინ რომ აღგიტყვი, ჭეშმარიტ სარწმუნოებაზე ჩემს მოსაზრებებს გადმოგცემ-მეთქი<sup>1</sup>, და რაკი ვგონებ, ახლა დამდგარა შესაფერი დრო ჩემი აღთქმის აღსასრულებლად, — მე, შენდამი სიყვარულს ძალით, უკვე აღარ ძალმიძს დაუსრულებლად ვკოჭმანობდე და სამომავლოდ გადავდებდე ამ საქმეს, მით უფრო, შენის მხრივ ესოდენ დაჯინებული თხოვნის შემდეგ.

ამრიგად, მას შემდეგ, რაც უკუგდებულნი არიან ისინიც, რომელნიც არც თავიანთი სარწმუნოებრივი წეს-ჩვეულებების აღსრულების ქაშს არ სიბრძნისმეტყველებენ, და არც თავიანთი სიბრძნისმეტყველებით არ განათლდებიან, და ისინიც, რომელნიც თავიანთი ამპარტავენებისა თუ ცრუ-შეხედულებებისა, ანდა გაბოროტების მიზეზით განმდგარან ჭეშმარიტი სარწმუნოების დადგინებებისაგან და მოკლებიან ეკლესიასთან თანაზიარობას, და ბოლოს, მას შემდეგ, რაც უკუგდებულნი არიან ისინიც, რომელთაც არ სურთ გაციისკროვნება წმიდა წერილის ნათელით და არ სურთ ჰქონდეთ მადლი სულიერი ერისა, ანუ ახალი აღთქმის მადლი, — ერთის სიტყვით, ისინი, რომელნიც მე უკვე მოვიხსენიე ძალზე მოკლედ, — ჩვენ მტკიცედ უნდა ვიპყრათ ქრისტიანული სარწმუნოება და ერთობაში ვიყოთ იმ ეკლესიასთან, რომელიც ჭეშმარიტად არის საყოველთაო ეკლესია, და ასეთად იწოდება არამხოლოდ თვისიანთა, არამედ მტერთა მიერაც; რამეთუ თვით მწვალებელნი და ანევე განხეთქილების შემომღებნიც, საუბარში არათუ თვისიანებთან ოდენ, არამედ სხვებთანაც, ნებისთ თუ უნებლიეთ, ქრისტეს ჭეშმარიტ ეკლესიას მოიხსენიებენ ხოლმე სწორედ როგორც კათოლიკედ, და არა სხვაგვარად.

ამ სარწმუნოების არსს, რომელსაც ჩვენ უნდა მივსდით, შეადგენს საღმრთო გადმოცემა და წინასწარმეტყველება

<sup>1</sup> ნეტარი ავგუსტინე. „აკადემიკოსების წინააღმდეგ“, წგ. II, თ. VIII.

ღვთაებრივი განგებულებისა ადამიანთა მოდგმის ხსნისათვის, მოდგმისა, რომელიც უნდა შეიცვალოს და მომავალი საუკუნო ცხოვრებისათვის იქნას შემზადებული. რაც უფრო მალე შეიქნება ეს ჩვენი რწმენის საგნად და ცხოვრების ისეთ წესად, რომელიც თანახმიერი იქნება საღმრთო მცნებებისა, მით უფრო მალე განიწმიდება ჩვენი გონება და შეიძენს უნარს სულიერ საგანთა შემეცნებისა, რომლებიც წარსულისა თუ მყოობადის საგნები კი არ არიან, არამედ მარადიულ საგნებს წარმოადგენენ, ყოველთვის ერთსა და იმავეს, ცვალებას დაუქვემდებარებელს, — ანუ შეიძენს უნარს მამის, ძისა და სულიწმიდის შემეცნებისას.

შევიცნობთ რა ყოვლადწმიდა სამებას იმ ზომით, რა ზომითაც ძალგვიძს მისი შეცნობა ამქვეყნიურ ცხოვრებაში, ჩვენ მცირედი ეჭვის გარეშეც კი ვაღიარებთ, რომ ყოველ გონიერ, სულიერ თუ სხეულებრივ ქმნილებას, რაკი ის არსებობს, თავისი არსებობა და თავისი სახე მიღებული აქვს ამ შემოქმედი სამებისაგან, და სწორედ მის მიერ წარიმართება ესოდენი სიმწყობრითა და წესრიგით; ამასთან, ეს ისე კი არ უნდა გავიგოთ, თითქოს ნაწილი ქმნილებისა მამის შექმნილი იყოს, მეორე ნაწილი — ძისა, სხვა კი — სულიწმიდის მიერ შექმნილი, არამედ უნდა ვიცოდეთ, რომ ყოველივეცა ერთობლივ და თითოეული ბუნებაც ცალკე შექმნილია მამის მიერ ძით და სულიწმიდის მადლისაგან. რამეთუ ყოველი საგანი, სულ ერთია — სუბსტანციას ვუწოდებთ მას, არსსა თუ ბუნებას, ანდა სხვა რამ სახელს, ერთდროულად ატარებს თავის თავში ერთსაც, მეორესაც და მესამესაც, ასე, რომ წარმოადგენს რაღაც ერთიანსაც და სხვათაგან განსხვავებულსაც თავისი სახით, და არ არის ამოვარდნილი საგანთა რიგიდან.

რასაც ჩვენ თავდაპირველად რწმენით აღვიქვამთ ხოლმე ავტორიტეტის შუალობით, იმას შემდეგ გონებით შევითვისებთ. ეკლესიისათვის მწვალებელნიც სასარგებლონი არიან.

რაკი ჩვენ ყოველივე ამას შევიმეცნებთ, ისიც ნათელი შეიქნება ჩვენთვის, რამდენადაც ამას ადამიანი შეიძლება მისწვდეს, თუ აუცილებელ, უეჭველ და სამართლიან კანონთა ძლით როგორ არის ყოველივე დამორჩილებული თავის ღმერთისა და უფალს. აქედან გამომდინარე, ყოველივე იმის გაგებასაც ვიწყებთ, რაც მანამდე მხოლოდ ავტორიტეტის ძლით გვირწმუნია, წარმოვიდგინოთ რა ამას, ერთის მხრივ, როგორც უკვე სრულიად უეჭველს, მეორეს მხრივ ისეთად, რაც შეიძლება და უნდა იყოს კიდევ უეჭველი; ამასთანავე, ჩვენ ვწუხვართ იმ ურწმუნოთა გამო, რომელთაც ის უფრო ურჩევნიათ, რომ ჩვენ დაგვცინონ, ვიდრე ის, რომ ჩვენთან ერთად და ჩვენს მსგავსად შეუდგნენ ქეშმარიტ რწმენას. რამეთუ ისეთ ქეშმარიტებებს, როგორიცაა უწმიდესი ხორციელ-ქმნა (სიტყვისა ღმრთისა), ქალწულისაგან მისი შობა, ჯვარზე სიკვდილი ჩვენი ხსნისათვის, მკვდრეთით აღდგომა, ზეცად ამალღება, ჯდომა მარჯვენით მამისა, ცოდვათა მოტევა, განკითხვის დღე, მკვდრეთით აღდგომა (შესვენებულთა) სხეულებისა, — ყოველივე ამას ჩვენ ყოვლადწმიდა სამების მარადიულობისა და ქმნილების ცვალებადობის შეცნობის შემდგომაც მივაწერთ უზენაესი ღმერთის მოწყალებას, რომელიც მან ადამიანთა მოდგმას მოჰმადლა, ოღონდ ჯერ — ოღენ რწმენით, და არა — გულისხმის-ყოფითაც.

მაგრამ რადგანაც ძალზე სარწმუნოდ არის ნათქვამი მოციქულის მიერ, რომ „წვალებაცა ყოფად არიან თქვენ შორის, რადთა რჩეულნი იგი თქვენ შორის გამოჩნდნენ“—ო (1 კორინთ. 11, 19), ამიტომ ვისარგებლოთ ამ სახის მოწყალებითაც საღმრთო განგებულებისა. რამეთუ მწვალებელნი იმ ადამიანთაგან გამოჩნდებიან ხოლმე, რომელნიც რომც ყოფილიყვნენ ეკლესიის წევრნი, მაინც შეცთომილნი იქნებოდნენ და ადრე თუ გვიან გაამჟღავნებდნენ თავიანთ შეცთომილებას. ხოლო

როცა ისინი მწვალებლებად და ამით გარეშედ (ანუ ეკლესიიდან განკვეთილებად შეიქნებიან ხოლმე, მაშინ მეტად სასარგებლონი ხდებიან ჩვენთვის, ოღონდ იმიტომ კი არა, თითქოს ქეშმარიტებას გვასწავლიდნენ, — ეს ხომ თვითონაც არ უწყიან; არამედ იმის გამო, რომ ხორციელ მორწმუნეებს აიძულებენ ეძიონ ქეშმარიტება, სულიერთ კი — განაცხადონ იგი. ქრისტეს წმიდა საზოგადო ეკლესიაში პრაველი ადამიანია ღირსეული, გამორჩეული ღმერთის წინაშე, მაგრამ ისინი არ განგვეცხადებიან ხოლმე ჩვენ, როცა ჩვენ, საკუთარი უცნობლობის წყვილიადით დამტკბარნი ვამჯობინებთ უფრო ძილს მივცეთ უმეცრებისა, ვიდრე ქეშმარიტების ნათელს ვკვრეტდეთ. ამიტომაც პრაველნი ესევეთარ წევრთაგან ეკლესიისა მხოლოდ მწვალებელთა უკეთურობის ბილვით განიღვიძებენ ხოლმე ძილისაგან, რათა უფლისმიერი დღე იხილონ და განიხარონ.

მაშ, ვისარგებლოთ მწვალებელთა შეცთომილებებითაც, ოღონდ იმგვარად კი არა, რომ მოვიწონოთ ხოლმე ჰათი ცრუსწავლება და ხელი შევეწყუთ უთავბოლო ხეტიალში, არამედ ისე, რომ თვით ჩვენ, ეკლესიის მართალი მორწმუნენი, კიდევ უფრო ფხიზელნი და წინდახედულნი შევიქნათ, რათა შეუწყვენლად დავიცვათ ქრისტეს ეკლესიის სწავლება მათმიერი მზაკვრებისაგან. და ამ დროს, დაე, თუნდ ისეც მოხდეს, რომ ვერც შევიძლებდეთ მწვალებელთა მოქცევას ქეშმარიტ სარწმუნოებად და ხსნას მათი სულებისას.

## თავი IX

**მანიქეველთა უცოპილებისათვის. ორი დასაბამისა და ორი სულის შესახებ.**

ჩემის მხრივ, მე დარწმუნებული ვარ, რომ ღმერთის შეწევნით, ამ ჩემს შრომას მართლმორწმუნე და კეთილმოშიში მკითხველისათვის მნიშვნელობა შეიძლება ჰქონდეს არა ერთი რომელიმე მწვალებლობის უკუსაგდებად, არამედ, საერთოდ, ყველა არაქეშმარიტი და ცრუ-შეხედულებისაგან თავის მოსა-



ზღუდად. მაგრამ, ამასთან, უპირატესად იგი მიმართულია იმ მწვალებელთა წინააღმდეგ, რომელთა შეხედულებითაც არსებობს თავისი დასაბამით ორი ურთიერთსაწინააღმდეგო ბუნება თუ სუბსტანცია. შეურაცხყოფილი და უკმაყოფილონი არიან რა ერთი ნაწილით არსებული საგნებისა, და დასტკბებიან რა სხვა საგნებით, — ისინი ღმერთს მიიჩნევენ შემოქმედად არა იმ საგნებისა, რომლებიც არ მოსწონთ, არამედ მხოლოდ იმ საგნებისა, რომლებითაც დასტკბებიან. და რადგანაც ამ ადამიანებს აღარ ძალუძთ თავიანთი შეხედულების შეცვლა, რამეთუ უკვე საბოლოოდ გაბმულან თავიანთ ხორციელ გულისთქმათა ბადეში, ამიტომ ისინი ჰგონებენ, რომ ერთ სხეულში ორი სულია დამკვიდრებული: ერთი — ღმერთისაგან მომდინარეობს და თავისი ბუნებით იგივეა, რაც ღმერთია, მეორე სული კი, ვითომცდა, — ბნელი წარმოშობისაა, და ეს ბნელი სული არც უშვია ღმერთს, არც შეუქმნია, არც აღმოუცენებია და არც თავისი თავისაგან განუგდია, არამედ ამ სულს ჰქონდა თავისი განსაკუთრებული არსებობა, თავისი ქვეყანა, თავისი აღმონაცენი, თავისი ცხოველები, და ბოლოს, თავისი მეუფება და თავისი საუკუნო დასაბამი; მაგრამ ეს (აბსოლუტური) სული ოდესღაც წინ აღუდგა ღმერთს, და ღმერთმა, ვითომცდა, სხვა ღონე რომ არ შესწევდა და არც საშუალება ჰქონდა, რითაც დაუპირისპირდებოდა და სძლევდა მტერს. იძულებულმა ამ გარემოებით, გამოგზავნა ამ (ამქვეყნად) თავისი კეთილი სული, რაღაც ნაწილი თავისი არსისა, რომელთაც, ვითომცდა, შერევნითა და შეერთებით, როგორც ამას ეს მწვალებელნი ჰბოდავენ, მტერი უფრო თავშეკავებული, ზომიერი გახდა, და ამგვარად მშვიდობაც ჩამოვარდაო (ღმერთსა და მის მოწინააღმდეგე ბოროტ სულს შორის).

ახლა ჩვენ არ შევუდგებით მათი ამ შეხედულების უარყოფას, — ეს, ნაწილობრივ, უკვე გავაკეთეთ. დანარჩენს კი, ღვთის წყალობით, შემდეგში გავაკეთებთ. წინამდებარე შრომაში ჩვენ, შეძლებისდაგვარად, და იმ დასაბუთებით, როგორითაც უფალი იხებებს ჩვენს შეგონებას, წარმოვაჩინოთ იმას, თუ ვით უძლეველია ჰეშმარიტი საჩქმუნოება ამ ცრუ-შეხედულებათა წინაშე, და ვით უძლურია მართალ მორწმუნეს სული აღუშფოთოს იმან, რისი გაგლეწითაც ადამიანები ამგვარ

შეხედულებათა მომხრენი ხდებიან. თავისთავად ცხადია, რომ ყოველივე, რაც კი ჩვენს შრომაში მცდარი აღმოჩნდება, მხოლოდ მე უნდა მომეწეროს, ხოლო ყველაფერი, რაც მართლად და ჭეშმარიტ სარწმუნოებასთან შეთანხმებულად იქნება გადმოცემული, უნდა მიეწეროს ერთადერთს — მომმადლებელს ყოველგვარი ნიჭისა — ერთს ჭეშმარიტ ღმერთს. ასე ავტორ-თათვის ჩვეული სიმდაბლე როდი მალაპარაკებს! და მე ვისურვებდი, ჩემო რომანიანე, რომ ამგვარად, პირველ ყოვლისა, შენ ფიქრობდე, ვინაც სხვაზე უკეთ უწყი ჩემი სული.

## თავი X

საიდან აღმოცენდება ჭეშმარიტ სარწმუნოებაში შეცთომილება და ღმერთის შეწევნით, როგორ აღდგება ხოლმე! კვლავ თავის ძლიერებაში სწორი სწავლება.

ამრიგად, დაე, შენთვის ცნობილი და გასაგები იყოს, ჩემო რომანიანე, რომ სარწმუნოებაში შეუძლებელი იქნებოდა არსებობა რაიმე შეცთომილებისა, ადამიანის სული ღმერთის სანაცვლოდ რაღაც სხვა სულს (ძალას) რომ არ ეთაყვანებოდეს, ანდა რაიმე სხეულს, ან თავისსავე აჩრდილსა თუ სხვას რასმე, ესევეთარ საგანთაგან, ერთმანეთთან შეერთებულთ, ანდა ყველაფერ ამას ერთობლივ; ვერ იარსებებდა შეცთომილება, ადამიანის სული რომ დროებით შეეთანხმებოდეს ხოლმე ამქვეყნად ადამიანთა მოდგმის ერთობას და მარადის საუკუნო ცხოვრებაზე იფიქროს და ერთს ჭეშმარიტ ღმერთს განადიდებდეს, რომელი საუკუნოდ უცვალელებელია, ცვალებას დაქვემდებარებული ყოველი ბუნება კი მხოლოდ ამ პირობით არსებობს. ხოლო სულს რომ ცვალება ძალუძს, კერძოდ — არა სივრცობრივად, არამედ დროისმიერ, — ეს ყოველმა სულმა უწყის საკუთარი სულიერი მოძრაობის მიხედვით. არც რაში დარწმუნება შეიძლება საძნელო იყოს ვინმესთვის, რომ სხეულიც ცვალებადია, და იცვლება როგორც დროში, ასევე სივრცეშიც. და ბოლოს, აჩრდილები სხვა არაფერია, თუ არ სხეულის გარეგანი სახისაგან სხეულებრივი გრძნობის საშუალებით გა-

მოხმობილი სახეები, რომელთა აღბეჭდვაც მეხსიერებაში ძალზე ადვილია გონების მოქმედებით იმ სახითვე, როგორადაც ილქმული არიან; ანდა, ასევე ადვილია, მათი ნაწილებად დაყოფა, გაზრდა-განმრავლება თუ შეკვეცა, გაწევა თუ მოწესრიგება, გადაჯუფება თუ ერთურობაში ნებისმიერად გადახლართვა, — მაშასადამე, ყოველივე ამის ქმნა ძალზე ადვილია გონების მოქმედებით; მაგრამ ძალზე ძნელია მათგან (ამ აჩრდილთაგან) თავის მოზღუდვა და მათი ზემოქმედების თავიდან აცილება იმ დროს, როცა ჭეშმარიტებას ეძიებ.

ამრიგად, დაე, ნუ ვემსახურებით ქმნილებას უფრო მეტად, ვიდრე შემოქმედ ღმერთს, და ნუ დავიღუპავთ თავს საკუთარ ზრახვათა მიზეზით, — სწორედ ამაში მდგომარეობს ჭეშმარიტი სარწმუნოების არსი ჩვენთვის. რამეთუ მთელის არსებით მივეახლებით რა საუკუნო შემოქმედს, ამით ჩვენ თვითონაც უსათუოდ აღვივებით ამ მარადიულობით (ანუ საუკუნო ნეტარებას დავიმკვიდრებთ). მაგრამ რადგანაც თავისი ცოდვებითა და უძღურებით დამძიმებულ, შებორკილებულ სულს ადამიანისას თავისით არ შეუძლია არც დანახვა ამისა და არც, მით უფრო, მიღწევა, რადგანაც ღვთაებრივის მისაღებად ადამიანური ყოფის პირობებში არ არსებობს არავითარი საფეხური, რომელზე ამალვებაც ადამიანს შეეძლებოდა ამქვეყნიური ცხოვრებიდან, რათა ღმერთის მსგავსი შექმნილიყო, — ამიტომ, იმისთვის, რომ მან გაიხსენოს თავისი თავდაპირველი სრულყოფილი ბუნება (შექმნილი ღმერთის მიერ თავის ხატად და მსგავსად), მთელს კაცობრიობას, ღმერთის გამოუთქმელი წყალობით და დროებითი განგებულების ძლით, შეწევნა მოემადლება სწორედ ცვალებადი, საუკუნო სჯულით სამსახურებლად დაბადებული ქმნილების გზით. ამგვარია ჩვენს დროში ქრისტიანული სარწმუნოება, რომლის შეცნობასა და აღსრულებაში მდგომარეობს კიდევ ყველაზე სანდო და უტყუარი ხსნა ადამიანის სულისა.

ქრისტიანულ სარწმუნოებას მრავალი სხვადასხვა საშუალებით შეუძლია თავი დაიცვას ამაოდ მოლაყბეთაგან, და განეცხადოს თავის მართალ მაძიებელთ, იმიტომ, რომ, ერთის მხრივ, ყოველადძლიერი ღმერთი უშუალოდ თვით მიგვითითებს ხოლმე ყოველივე იმას, რაც ჭეშმარიტია, მეორეს მხრივ

კი, იგი კეთილ ანგელოზთა და ზოგიერთი ადამიანის მეშვეობით შეეწევა კეთილმსახურ სურვილს ადამიანებისა შეიმეცნონ და მიიღონ ჭეშმარიტება. ამასთანავე, ღმერთი ყოველ ცალკეულ შემთხვევაში იმ საშუალებას მიმართავს, რაც უფრო გამოსადეგად მოაჩნია ადამიანის მოსაქევეად. ჩემის მხრივ კი, ხანგრძლივი განსჯისა და ფიქრის შემდგომ იმის თაობაზე, თუ როგორი მგომბნი ჭეშმარიტებისა და როგორი მეძიებელნი ჭეშმარიტი რწმენისა მინახავს ჩემი ცხოვრების მანძილზე, და იმის გათვალისწინებითაც, თუ როგორი ვარ ამჟამად მე მწველებლებთან სიტყვის-გებასა თუ ჭეშმარიტების ძიებაში, — მე გადაწყვიტე ამ მიზნით გამოვიყენო ის საშუალება, რომელიც ქვემოთა წარმოდგენილი ჩვენს შრომაში. რასაც მასში ჭეშმარიტს ნახავ, (ჩემო რომანიანე), შეიწყნარე და ქრისტეს ეკლესიას მიაწერე; ხოლო თუ რასმე არასწორს შეხვდები, განაგდე შენგან და მე, უძღურს, შემინდე ეს შეცდომა როგორც ადამიანს! რაც აქ საეჭვო იქნება შენთვის, ის ირწმუნე, ვადრე შენი გონიერება არ გიკარნახებს ანდა ეკლესიის ავტორიტეტი არ დაგიდგენს მის უარყოფასა თუ ჭეშმარიტებად აღიარებას, ანდა იმასაც, რომ ასეთი რამ, მიუხედავად შენი ეჭვისა, ყოველთვის უნდა გწამდეს, თუნდაც ვერ შეიმეცნო. ამრიგად, რამდენადაც ძალგიძს, გულმოდგინედ და კეთილი მოშიშებით მოაპყარ გულისყური ქვემოთ გადმოცემულს, რამეთუ სწორედ ესევეთართ — გულმოდგინედ და კეთილმოშიშთ შეეწევა ღმერთი!

## თავი XI

**ყოველგვარი სიცოცხლე — ღმერთისაგანაა. სიკვდილი სულისათვის — არის უწესობა (გარყვნილება).**

არ არსებობს სიცოცხლე, ღმერთისაგან რომ არ მომდინარეობდეს, იმიტომ, რომ ღმერთია — უზენაესი სიცოცხლე და წყარო ყოველგვარი სიცოცხლისა, და არ შეიძლება არსებობდეს ისეთი სიცოცხლე, რომელიც თავისთავად, ანუ როგორც სიცოცხლე — იქნება ბოროტება. ბოროტად სიცოცხლე იმდენად შეიქნება ხოლმე, რამდენადაც იგი, თავისი თავისუფალი

ნებით, სიკვდილს მიესწრაფვის. ხოლო სიკვდილი სიცოცხლისათვის — მხოლოდ უწესოებაა, რომელიც ამგვარად იმიტომ იწოდება, რომ — არარაა. აქედან განობდინარე, ყველაზე უწესო (გარყვნილი) ადამიანები არარაობად იწოდებიან. მაშასადამე, არარაობას ია სიცოცხლე მიესწრაფვის, რომელიც ნებაყოფლობითი განდგომით განეშორება იმას, ვინც იგი შექმნა, და ვისი არსითაც იგი (თავდაპირველად) სტკებობდა, — ანუ არარაობისაკენ ისწრაფვის ის სიცოცხლე, ღმერთის სჯულის საწინააღმდეგოდ, სხეულით დატკებობა რომ სურს, იმ სხეულით დატკებობა, რომლის მთავრად და განმგებლად ღმერთს დაუდგენია კიდევ სიცოცხლე. სწორედ ეს არის უწესოება (გარყვნილება), და არა ის (როგორც ზოგიერთი ჰკონებს), რომ თვით სხეულია, თავისთავად, არარაა. რამეთუ ყოველი სხეულიც, თავისი ნაწილებით, გარკვეული თანხმობისა და ერთობის მატარებელია, რის გარეშეც იგი სულაც ვერ იარსებებდა. მაშასადამე, ყოველი სხეულიც იმის მიერ არის შექმნილი, ვინც დასაბამია ყოველგვარი ერთობისა და თანხმობისა, ყოველ სხეულს აქვს თავისი ფორმების გარკვეული ჰარმონია, ურომლისოდაც იგი სრულიად არარა იქნებოდა. მაშასადამე, სხეულის შემოქმედიც ის არის, ვისგანაც მომდინარეობს კიდევ ყოველგვარი ჰარმონია, და ვინც არის კიდევ თავისთავად არსებული და უმშვენიერესი ყველა არსებულ ფორმათაგან. კვალად, ყოველ სხეულს აქვს განსაზღვრული (გარეგანი) სახე, ურომლისოდაც სხეული არც არის სხეული. მაშასადამე, თუკი ვინმე იკითხავს — ვინ შექმნაო განსაზღვრული სახის სხეული, — დაე, ის მოიძიოს, ვინც სახით ყველაზე მშვენიერია, რამეთუ ყოველგვარი სახე და გარეგნობა მისგან მომდინარეობს. ხოლო სხვა ვინ შეიძლება იყოს ეს, თუ არ შემოქმედი ღმერთი, ერთი ჰეშმარტება, ერთადერთი ხსნა ყოველთათვის, ბირველი და უზენაესი არსი, რომლისაგანაც აქვს კიდევ არსებობა მონიჭებული ყოველივეს, რაც არსებობს! რამეთუ ყველაფერი, რაც არსებობს — სიკეთეა, რადგან არსებობა უზენაესი სიკეთისაგან აქვს მიღებული.

ზემოთქმულის გამო სიკვდილი არ არის ღმერთისაგან, „რამეთუ ღმერთმან სიკვდილი არა დაჰბადა, არცა ჰნებავს წარწყმედაც ცხოველთა“ (სიბრძნე სოლომ. 1, 13). რადგანაც

უზენაესი არსია მიზეზი იმისა, ყოველივე არსებული რომ არსებობს, ამიტომ იგი იწოდება კიდევ არსად. სიკვდილი კი აიძულებს არ იარსებოს (მხოლოდ) იმას, რაც კვდება, და იმდენად აქვს ძალა, რამდენადაც მოაკვდინებს. რამეთუ საბოლოოდ რომ კვდებოდეს ის, რაც კვდება, მაშინ, უეჭველია, იგი არარად იქცეოდა, მაგრამ მოსაკვდომი იმდენად კვდება მხოლოდ, რამდენადაც ნაკლები ზომით მონაწილეობს არსში; მოკლედ თუ ვიტყვით, ეს შემდეგნაირად შეიძლება გამოვხატოთ: ყოველივე მით უფრო მეტად კვდება, რაც უფრო ნაკლებად არსებობს. მაგრამ სხეული ნებისმიერ სიცოცხლეზე უფრო დაბლა დგას, რადგანაც, როგორც არ უნდა იყოს სხეული თავისი გარეგნული სახით, იგი სწორედ სიცოცხლის წყალობითაა ამგვარი, იმ სიცოცხლისა, რომლის მიერაც წარიმართება ან ყოველი ცალკეული სხეული, ანდა, საერთოდ, მთელი სამყაროს ბუნება. აქედან გამომდინარე, სხეული უფრო მეტადაა დაქვემდებარებული სიკვდილს, და ამ მიზეზით უფრო ახლოსაცაა არარასთან; ამიტომ ის სიცოცხლე, რომელიც სხეულით დასტკბება და არ გულმოდგინებს ღმერთის წინაშე სათნოებათა მოსაპოვებლად, აზარაობას ესწრაფვის, და აი, სწორედ ამგვარი სიცოცხლე არის კიდევ უწესოება (გარყვნილება).

## თავი XII

### დაცემა და აღდგინება სრული ადამიანისა.

ხოლო ასეთი (უწესო) არის ხორციელი და მიწიერი სიცოცხლე, და ვიდრე იგი ამგვარია და ვერ გათავისუფლებულა ყოველივე იმისაგან, რაც უყვარს, მანამდე ის ვერ დაიმკვიდრებს ღმერთის სასუფეველს. რამეთუ მას ის შეჰყვარება, რაც (ყოველგვარ) სიცოცხლეზე დაბლა დგას, რადგანაც სხეულის სიყვარული, ამასთანავე იმგვარი სხეულისა, რომელიც ცოდვის მიზეზით დაზიანებულა, უმდაბლესი საქმეა, არარაობასთან მიახლოებული; და იქამდეც კი ზიანდება ამგვარი სიყვარულით, რომ მიატოვებს ხოლმე იმას, ვისაც იგი უყვარს, იმიტომ, რომ მასაც, რაკი სხეული შეჰყვარებია, ღმერ-

თი მიუტოვებია. მან (სხეულის მოყვარულმა სიცოცხლემ) უგულვებელყო მცნება ი მ ის ა, რ ო მ ე ლ მ ა უბრძანა: „ყოველისაგან ხისა ჭამით შკამო, ხოლო ხისა მისგან ცნობადისა კეთილისა და ბოროტისა არა შკამოთ, რამეთუ რომელსა დღესა შკამოთ მისგან, სიკვდილითა მოსწყდეთ!“ (დაბად. 1, 16—17). ამის გამო, იგი სასჯელთ მიემთხვევა ხოლმე იმიტომ, რომ შეიყვარებს რა უდაბლესს, ამით სიკვდილს მიაწევს საკუთარ თავს, რომელშიც განწირულია სიამეთა დაუკმაყოფილებლობისა და მწუხარებისათვის. რამეთუ სხვა რა არის ეგრეთ წოდებული სხეულებრივი (ხორციელი) მწუხარება, თუ არ მაღიად დაზიანება იმ საგნისა, რომელიც წახდენამდე მიუყვანია სულს ბოროტი გამოყენებით?! ხოლო ეგრეთ წოდებულ სულიერ მწუხარებას რაც შეეხება, განა ეს იმ საგანთა მოკლება არ არის, რომლებითაც სული დასტკბებოდა, ანდა იმედი ჰქონდა, რომ მომავალში მიიღებდა მათგან სიამოვნებას?! — ყოველივე ეს ერთად კი ბოროტებად იწოდება, ანუ ეს არის ცოდვა და სასჯელი ცოდვისათვის.

თუკი სული ამქვეყნიური ცხოვრების მანძილზე სძლევს თავის თავში იმ ვნებებს, რომელნიც თვითვე აღმოუტენებია იმით, რომ ყოველივე მოკვდავით და სხეულებრივით დასტკბებოდა, და თუკი, ამასთანავე, ირწმუნებს, რომ ამ ძღვევაში ღვთაებრივი მადლი შეეწევა, რითაც ღმერთის მსახური იქნება თავისი აზრითა. და კეთილი ნებით, — მაშინ, თუკი ამას შეიძლებს ადამიანის სული, იგი უეჭველად აღიდგინება და მრავალი ცვალებადი სიკეთისაგან ერთს — უცვალებელ სიკეთეს მიექცევა; იგი გარდაიქმნება არა ქმნილი სიბრძნის მიერ, არამედ ყველაფრის შემქმნელი ს ი ბ რ ძ ნ ის მიერ, და დასტკბება ჭეშმარიტი ღმერთის ჰერეთით სულიწმიდის მიერ, რ ო მ ე ლ ი არის ნიჭი ღმერთისა. ამგვარად ადამიანი სულიერ არსებად შეიქნება, რომელიც ყოველსავე განიკითხავს, თვით კი არავისგან არ განიკითხება (I კორინთ. 2, 15) და რომელსაც უყვარს თავისი უფალი ღმერთი ყოვლითა გულითა თვისითა, ყოვლითა სულითა თვისითა და ყოვლითა გონებითა თვისითა. და ასევე თავისი მოყვასიც სულიერ ადამიანს ხორციელად კი არ უყვარს, არამედ ისე, როგორც თავი თვისი; საკუთარი თავი კი ყველას, ვინაც მთელის არსებით შეჰყვარებია ღმერთი, სული-

ერად უყვარს, — „ამათ ორთა მცნებათა ყოველი შჯული და წინააღმდეგობის დამოკიდებულ არიან“ (მათე 22, 37 — 40).

აქედანვე გამომდინარეობს ისიც, რომ სხეულებრივი სიკვდილის შემდგომ, ჩვენი პირველი ცოდვისათვის რომ გვეწია სასჯელად, ჩვენი სხეული შესაბამის დროს და დადგენილი წესით აღდგენილ იქნება თავის თავდაპირველ სიმტკიცეში, და ამ სიმტკიცეს იგი თავისი ნებელობით კი არ მოიპოვებს, არამედ ღმერთის მიერ გაძლიერებული სულის ძლით. თავის მხრივ სულიც თავისი ნებელობით კი არ განძლიერდება, არამედ ღმერთის მიერ, რომლითაც იგი დასტკებება. ამიტომაც სული უფრო სრულყოფილი ცხოვრებით იცხოვრებს, ვიდრე სხეული; რამეთუ სხეული მაშინ სულის მიერ იცხოვრებს, სული კი — მარადის უცვალელებელი ჭეშმარიტების მიერ, ანუ ღმერთის მხოლოდშობილი ძის მიერ. მაშასადამე, სხეულიც ღმერთის მხოლოდშობილი ძის მიერ იცხოვრებს, იმიტომ, რომ საერთოდაც, ყოველივე მისით და მის მიერ არსებობს. მისი ნიჭით, მართალ სულს რომ მოემადღება ხოლმე, ანუ სულიწმიდით მხოლოდ სული კი არ იქნება მრთელი, მშვიდი და წმიდა, არამედ სხეულიც მისით ცხოველ-იქმნება და თავისი ბუნებითაც სრულიად განიწმიდება; რამეთუ თვით უფალმაც ბრძანა! „განიწმიდეთ პირველად შინაგანი იგი, ...რადთა იყოს გარეშეცა მისი წმიდა“ (მათე 23, 26), და აკი მოციქულიც ამბობს: „უკეთუ სული იგი აღმადგინებელისა იესუსი მკვდრეთით მკვიდრ არს თქვენ შორის, რომელმან — იგი აღადგინა ქრისტე მკვდრეთით, განაცხოველნეს მოკუდავნიცა ეგე ხორცნი თქვენნი დამკვიდრებულისა მის მიერ თქვენ შორის სულისა მისისა“ (რომ. 8, 11). ამრიგად, ცოდვის აღხოცვით ის სასჯელიც წარიხოცება, ცოდვისათვის რომ მიგვიღია. მაგრამ სადღა იქნება მაშინ ბოროტება? ნად იქნება, სიკვდილო, შენი ძალისხმევა? „სადა არს, სიკუდილო, საწერტელი შენი?“ (I კორინთ. 15, 55). არსი სძლევს არაარსს (არარას), — და მაშინ სიკვდილიც ძლეულ იქნება!



ანგელოზთა განსხვავებისათვის.

განწმენდილთ ბოროტი ანგელოზიც ვერაფერს ავნებს, ანუ ეშმაკი, რადგანაც იმიტომ როდია იგი ბოროტი, რომ ანგელოზია; არამედ ბოროტია იგი იმის გამო, რომ საკუთარი ნებით შეიქნა გარდაქცეული. მაშასადამე, აუცილებელია დავუშვათ, რომ ანგელოზნიც ცვალებადნი არიან თავიანთი ბუნებით, რამეთუ უცვალებელი მხოლოდ ღმერთია. მაგრამ თავიანთი თავისუფალი ნების წყალობით, რომლითაც მათ ღმერთი საკუთარ თავზე მეტად შეპყვარებიათ, ისინი (ყეთილი ანგელოზნი) მტკიცენი და შეურყეველნი ჰკიებენ ღმერთის მიერ და მარადის დასტკებებიან მისი დიდებულებით, სრულის წადილით ემორჩილებიან რა მას ერთს მხოლოს. ხოლო იმ ანგელოზმა, რომელსაც საკუთარი თავი უფრო მეტად უყვარდა, ვიდრე თავისი შემოქმედი ღმერთი, არ ისურვა ღმერთს დამორჩილებოდა, განეშორა უზენაეს არსს და, ამპარტავნებით შეპყრობილი, დაეცა; გარდა ამისა, ეშმაკი იმიტომაც შეიქნა იმაზე უდაბლესად, რაც იყო, რომ თავისზე დაბლა მყოფით დატკბობა მოისურვა, ანუ უფრო თავისი ძლიერებით ტკბობა ისურვა, ვიდრე ღმერთის ყოვლადძლიერებით. რამეთუ თუმცა არა აბსოლუტურად, მაგრამ მაინც ზეაღმატებული იყო, როცა (თავდაპირველად) იმით ტკბებოდა, რაც ყოველივეზე მაღლა დგას, — ხოლო ყოველივეზე მაღლა მდგომი — ერთი მხოლოდ ღმერთია. ამასთან, ყოველივე ის, რაც უფრო დაბლა მდგომი შეიქნება, ვიდრე მანამდე იყო, იმდენად კი არ არის ბოროტი, რამდენადაც არსებობს, არამედ იმ მიზეზით, რომ უდაბლესი ხდება. რამეთუ რაც უფრო დაბლა მდგომი ხდება რაიმე იმასთან შედარებით, რაც მანამდე იყო, მით უფრო ესწრაფვის იგი სიკვდილს. მაშ, რა გასაკვირია, თუკი უკმარობისაგან — სიძუნწე აღმოცენდება, სიძუნწისაგან — შური, რომლის მიზეზითაც ეშმაკი შეიქნა კიდევ ბოროტ ანგელოზად?!

ცოდვა თავისუფალი ნებისაგან მომდინარეობს.

ის მანკიერება თუ ნაკლი, რომელიც ცოდვად იწოდება, ჩვენი ნების საწინააღმდეგოდ რომ გვეუფლებოდეს, როგორც, მაგალითად, ციებ-ცხელება შეგვიპყრობს ხოლმე, მაშინ ცოდვილ სულზე მოწევნული სასჯელი, განკითხვად რომ იწოდება, სრულიად უსამართლოდ უნდა მიგვეჩნია. ამასთანავე, აწინდელ ჟამს (ამქვეყნიურ ცხოვრებაში) ცოდვა-ბოროტება იმზომამდელა დამოკიდებული ნებაზე, რომ ის არც იქნებოდა ცოდვა, თავისუფალი ნების აღმონაცენი რომ არ იყოს. და ეს იმდენად ცხადია, რომ ამ საკითხის გამო არავითარი უთანხმოება არ არის არც მრავალრიცხოვან მეცნიერთა შორის, და არც უბრალო ადამიანთა სიმრავლეში. ამიტომაც ან უნდა უარყოფდეთ ცოდვის არსებობას, ანდა უნდა ვალიაოთ, რომ ცოდვას ნებაყოფლობით სჩადიან. ამასთანავე, სული რომ სცოდვას, ამას, რა თქმა უნდა, არ უარყოფს ის, ვინც აღიარებს, რომ სული მონანიებით გამოსწორდება და მონანულს ცოდვები მოეტევება, ხოლო ცოდვაში გახევებული სული სამართლიანი ღვთაებრივი სამსჯავროთი განიკითხება. მეორეს მხრივ, თუკი ჩვენ ნებაყოფლობით არ ჩავდივართ ცოდვას, მაშინ არც აკრძალვებით უნდა გვზღუდავდეს ვინმე და არც შეგონებებით ცდილობდეს ჩვენს შეჩერებას; ხოლო ამის (აკრძალვებისა და შეგონებების) უარყოფით უსათუოდ ისპობა ქრისტიანული სჯული და მთელი სარწმუნოებრივი წეს-რიგი. ამრიგად, ცოდვასაც ნებაყოფლობით, თავისუფალი ნების მოქმედებით სჩადიან. ხოლო რადგანაც ცოდვა უეჭველად არსებული რამაა, ასევე უეჭველად არსებულ რამედ უნდა მივიჩნიოთ ისიც, რომ სულნი თავისუფალი ნებით არიან შემოსილნი. რამეთუ ღმერთმა თავის საუკეთესო მსახურებად იმათი აღიარება დაადგინა, რომლებიც მას ნებაყოფლობით ემსახურებიან. და ასეთი სულნი თუ ადამიანები ვერ იქნებოდნენ ღმრთის უმჯობეს მსახურებად, ისინი რომ ღმერთს იძულებით ემსახურებოდნენ, და არა თავიანთი თავისუფალი ნების კარნახით.

ამრიგად, ანგელოზნი ღმერთს თავიანთი თავისუფალი ნებით ემსახურებიან, და ეს ღმერთისათვის კი არ არის სასარგებლო, არამედ თვით ამ ანგელოზთათვის, იმიტომ, რომ ყოველთა შემოქმედი ღმერთი არ საჭიროებს სხვათაგან მიღებულ სიკეთეს: იგი თავისთავად არსებობს და თვით არის უზენაესი სიკეთე. ამგვარივეა ისიც, რაც მის მიერ არის შობილი, რადგანაც შექმნილი კი არ არის, არამედ შობილია. ყოველივე კი, რაც მის მიერ არის შექმნილი, უსათუოდ საჭიროებს მისგან სიკეთეს, ანუ უზენაეს სიკეთეს — უზენაეს არსს. და თუმცა ახლა ყოველივე შექმნილი უფრო დაბლა მდგომი შეიქნა, ვიდრე თავდაპირველად იყო, იმიტომ, რომ ცოდვით დაცემის შემდეგ ნაკლებ ისწრაფვის ღმრთისაკენ, — მაგრამ, მიუხედავად ამისა, საბოლოოდ როდია გაყრილი მისგან, რადგან საბოლოოდ რომ განშორებოდა თავის შემოქმედს, მაშინ სრული არაა იქნებოდა. დაცემული ანგელოზის ეგრეთ წოდებულ შეგონებასაც ადამიანის სული თავისი ნებით შეიწყნარებს, რადგან აუცილებელი იძულების გამო რომ სჩადიდეს ამას; მაშინ მისი ქმედება არც ჩაითვლებოდა ცოდვიან გარდახდომად.

## თავი XV

თვით სასჯელი ჩადენილი ცოდვისათვის გვასწავლის,  
თუ როგორ გამოვსწორდეთ.

ხოლო ის გარემოება, რომ ადამიანის სხეული ცოდვით დაცემამდე და სამართლიანი სასჯელის მიღებამდე თვისებრივად საუკეთესო იყო, შეცოდების გამო კი დაუძლურდა და სიკვდილს დაქვემდებარებული შეიქნა, — ეს გარემოება, თუმცა კი სამართლიანი სასჯელის მომასწავებელია, მაინც უფრო ღმერთის მოწყალებას მოწმობს თავისი ქმნილების მიმართ, ვიდრე მის სიმკაცრეს. რამეთუ ღმერთის ამ მოქმედებით ჩვენ დავიმოძღვრებით იმისათვის, რომ ჩვენი სიყვარულით ხორციელ სიამეთ კი არ უნდა მივეცროთ, არამედ ჭეშმარიტების საუკუნო არსისაკენ მივისწრაფვოდეთ. სწორედ ამაში მდგომარეობს კიდევ სიმშვენიერე სიმართლისა, რომელიც

შემოქმედის ყოვლადსახიერ მოწყალებასთანაა შეერთებული, სასჯელის სიმწარით შეგვაგონებს გამოვსწორდეთ ჩვენ, ცთუნებულნი უდაბლეს სიკეთეთა სიტკბოებით. და თვით ეს სასჯელნიც ჩვენს შეცოდებათათვის, საღმრთო განგებულებით ხომ იმ ზომამდეა შერბილებული, რომ ამჟამინდელი, ესრეთ დაზიანებული სხეულითაც ჩვენ ძალგვიძს კეთილმსახურებას ვესწრაფვოდეთ და მართალი მორწმუნენი ვიყოთ, და გვექნება რა ღმრთის შიში, განვიშორებდეთ ჩვენგან ყოველგვარ ამპარტანებას და ერთს ჭეშმარიტ ღმერთს ვმორჩილებდეთ; არაფერში არ დავეყრდნოთ მხოლოდ საკუთარ თავს და მას ერთს მივანდოთ ხოლმე ჩვენი წინამძღვრობა და დაცვა. ამრიგად, ღმრთის წინამძღვრობით, ადამიანი თავისი თავისუფალი ნებით იყენებს ამქვეყნიური ცხოვრების სიძნელეებს იმისთვის, რომ სულის სიმტკიცე შეიძინოს; სიამეთა უხვებასა და წარმავალ სიკეთეთა ბედნიერ შეხამებაში გამოსცდის იგი თავის შეკავებას და კეთილკრძალული ხდება; საცთურთა შორის სწავლობს კეთილმოშიშებას და, გონიერებით აღვსილი, ცდილობს არათუ არ დაუთმოს მათ, არამედ კიდევ უფრო ფრთხილი და გულმოდგინე გახდეს ჭეშმარიტების სიყვარულში, ჭეშმარიტებისა, რომელიც არ მოგვატყუებს.

## თავი XVI

**საღმრთო განგებულება ადამიანისათვის გაცილებით უფრო კეთილმოქმედი ხდება ს ი ტ ყ ვ ა-ღ მ ე რ თ ი ს განხორციელებით (განკაცებით).**

თუმცა ღმერთი ყოველი დროის შესაბამისად ყოველგვარ შესაძლებელ საშუალებას მოჰმადლის ადამიანის სულს კურნებისათვის, და ამას იმგვარად იქმს, როგორც მისი საკვირველი სიბრძნე განსაზღვრავს, რის შესახებაც ან საერთოდ არ უნდა ვიმსჯელოთ ხოლმე, ანდა მხოლოდ კეთილმსახურ და სრულყოფილ ადამიანებთან ვიმსჯელოთ, — მაინც, მიუხედავად ამისა, მას თავისი განგებულება ადამიანთა მოღვმის ხსნისათვის არაფრით ისე კეთილმოწყალებდ არ გამოუხატავს,

როგორც ეს თავისი მხოლოდშობილი ძის ამქვეყნად ზოვლი-  
ნებით მოიმოქმედა. რამეთუ თვით ს ი ბ რ ძ ე მ ღმრთისა, ანუ  
მამის ერთარსმა, თანადაუსაბამომ და მხოლოდშობილმა ძ ე მ  
სათნო-იყო თავის თავში მიელო სრული ადამიანური ბუნება  
და განკაცებულიყო. „და სიტყვაჲ იგი ხორციელ იქმნა და და-  
ემკვიდრა ჩვენ შორის“ (იოანე 1, 14).

ამგვარად, ხორციელ ადამიანებს, შემოსილთ სხეულებრივი  
გზონობებით, რომელთაც თავისი გონებით არ ძალუძთ ჭეშმარ-  
ტიტების შეცნობა, ღმერთმა დაანახვა, თუ რა მაღალი ადგი-  
ლი უკავია ქმნილებათა შორის ადამიანურ ბუნებას, შექმნილს  
ხატად და მსგავსად შემოქმედისა. და დაანახვა იმით, რომ  
არათუ ხილული სახით მოევიანა ადამიანებს (რისი ქმნაც  
მ ა ს რადაც ეთერული სხეულის მეშვეობითაც შეეძლო და  
რაც ადვილი აღსაქმელი იქნებოდა ჩვენი სხეულებრივი მზე-  
რისათვის),<sup>1</sup> არამედ ჭეშმარიტი ადამიანის სახით; რამეთუ  
ჯერ-იყო ის ბუნება მიელო შემოქმედს, რომლის გამოსყიდვაც  
და ხსნაც ენება. ხოლო იმისთვის, რომ რომელიმე სქესს ადა-  
მიანური ბუნებისა თავი უგულვებელყოფილად არ მიეჩნია  
შემოქმედის მიერ, მ ა ნ მამაკაცის ბუნება მიიღო, შობით კი—  
დედაკაცისაგან იშვა.

ღმერთს არასდროს არაფერში ძალა არ უხმარია და ყო-  
ველთვის შეგონებითა და დარწმუნებით მოქმედებდა, რამეთუ  
ძველი მონობის აღმოფხვრის შედეგად აწ დადგა უამი თავი-  
სუფლებისა, და ადამიანისათვის ღროულიც იყო და მაცხოვ-  
ნებელიც უწყება იმისა, რომ იგი თავისუფალი ნების მქონე  
არსებად არის შექმნილი. თავისი სასწაულთმოქმედებებით მან  
(განკაცებულმა ს ი ტ ყ ვ ა მ) რწმენა განაღვიძა ჩვენში ღმრთი-  
სადმი, რომელიც თვით იყო, ხოლო თავისი ტანჯვით — რწმე-  
ნა ადამიანისადმი, რომელიც შეიმოსა, რამეთუ ჭეშმარიტად  
იყო ადამიანიც. ასე, მაგალითად, როცა ი გ ი მრავალრიცხოვან  
ერს უქადაგებდა, მ ა ნ უარყო დედისა და ძმათა მოწოდება —  
დედა ჩემი და ძმანი ჩემნი, აი, ესენი (ანუ მოწაფეები) არიან,  
რომელნიც ჩემი ზეციური მამის ნებას აღასრულებენო (მათე  
12, 46—50). მაგრამ, ამასთანავე, როგორც წმიდა სახარება

<sup>1</sup> მსგავსად იმისა, როგორც ანგელოზნი ევლინებიან ხოლმე ადამიანებს:

გადმოგვცემს, ნიყრმისას ი გ ი თავის ამქვეყნიურ მშობელთა მორჩილი იყო (ლუკა 2, 51), რამეთუ სიბრძნით ის ღმერთი იყო, ასაკით კი — ადამიანი. ასევე, როცა ღვინის მოკლების გამო ქორწილში წყლის გარდაქმნას აპირებდა ღვინოდ, მან უთხრა თავის ღედას: „რაა არს ჩემდა და შენდა, ღედაკაცო? — არღა მოწვევულ არს ქამი ჩემი“ (იოანე 2, 4). ხოლო ოდეს მოიწია ქამი მისი, როცა ის უნდა მომკვდარიყო, და ჯვარზე გაშოკიდულმა თავისი მწუხარე ღედა დაინახა, თავის საყვარელ მოწაფეს მიანდო მასზე ზრუნვა როგორც ადამიანმა (იოანე 19, 26—27).

ადამიანები თავის წარსაწყმედად მიესწრაფვოდნენ სიმდიდრის მოპოვებას, ამ აუცილებელ თანამგზავრს ხორციელი სიამეებისა; მან (ქრისტემ) კი გლახაკად ყოფნა ინება. იმათ პატივი და ძალაუფლება სწყუროდათ; მან კი არ ისურვა მეფობა. ხორციელ შვილთა ყოლას ისინი უღიდეს სიკეთედ მიიჩნევდნენ, მან კი უგულვებელყო ქორწინება და შთამომავლობა. ისინი უკიდურესი ზიზლით უფრთხოდნენ უპატიობასა და დამცირებას, მან კი ყოველგვარი შეურაცხყოფა დაითმინა. ისინი თავიანთი ქედმაღლობით აუტანლად მიიჩნევდნენ უსამართლობას; მაგრამ რა შეძლება ამაზე დიდი უსამართლობა იყოს, რომ განისაჯოს მართალი და უცოდველი (როგორც ქრისტე იყო)?! მათ სძაგდათ სხეულებრივი ტანჯვა; მან კი მრავალი გვემა დაითმინა და ბოლოს ჯვარზე მიმსჭვალვაც იტვირთა. მათ ყველაზე მეტად ეშინოდათ სიკვდილისა; ის კი თავისი ნებით დაექვემდებარა სიკვდილს. ჯვარზე სიკვდილს ისინი ყველაზე სამარცხვინო სიკვდილად მიიჩნევდნენ, მან კი სწორედ ჯვარზე მიმსჭვალვა და ასეთი სიკვდილი ირჩია.

ი გ ი თვითონაც არ იყენებდა, და არც რაიმე ღირებულებას ანიჭებდა ყოველივე იმას, რისი მოპოვების სურვილითაც ჩვენ ასე უკეთურად ვცხოვრობდით. მან თავით თვისით დაითმინა და ამგვარად აღზოცა ყოველივე ის, რისი თავიდან აცილებაც ჩვენ ასე გვსურდა, მაგრამ ქვეშარიტებისაგან შორს დავებუტებოდით. რამეთუ ნებისმიერი ცოდვის ჩადენა ჩვენ მხოლოდ იმ შემთხვევაში შეგვიძლია, თუკი ვისურვებთ იმას, რაც მან მოიძაგა, ანდა თუკი გავურბივართ იმას, რაც მან დაითმინა.

ამრიგად, ამქვეყნად მთელი მისი ცხოვრება ადამიანური ბუნების მიხედვით, რომლის მიღებაც მან სათნო-იყო, წარმოადგენდა ზნეობრივ მაგალითსა და დამოძღვრას. მაგრამ მისმა მკვდრეთით აღდგომამ საკმაოდ ცხადად გვიჩვენა, რომ ადამიანური ბუნების სულ მცირე ნაწილიც კი არ ისპობა, როცა ყოველივე მასში მრთელია ღმერთის მიერ; და კიდევ ისიც გვიჩვენა, თუ როგორ შეუძლია ყოველივეს თავის შემოქმედს ემსახუროს — ხან ცოდვათათვის მიგებული სასჯელის სახით, ხანაც ადამიანის ხსნით, და თუ როგორი სიადვილით ძალუძს სხელს — სულის მსახური იყოს, თუკი თვით სული ღმერთს ემსახურება. ამ შემთხვევაში ამ სუბსტანციათაგან არათუ არც ერთი არ არის თავისთავად ბოროტება (ბოროტება არც შეიძლება სუბსტანცია იყოს), არამედ არც აღიძვრება არანაირი ბოროტებით და არაფერსაც ცუდს არ ესწრაფვის, რაც შეცოდების ან სასჯელის შედეგად შეიძლებოდა ყოფილიყო. ამაში მდგომარეობს სწორედ ბუნებისმიერი სწავლება,<sup>1</sup> რომელიც ნაკლებ მოაზროვნე ქრისტიანთათვის სრულიად სარწმუნოა. ზოლო მოაზროვნე და გულისხმისმყოფელ ქრისტიანებს განსწმედს ყოველგვარი შეცთომილებებისაგან.

## თავი XVIII

საფუძველი ჰეშმარიტი სარწმუნოების სწავლებისა — ძველი და ახალი აღთქმა — უმჯობეს საფუძველად უნდა მიგვაჩნდეს.

ზოლო თვით საშუალება სწავლების მთელი სისტემისა — ერთის მხრივ ძალზე ცხადი და მარტივი, მეორეს მხრივ კი სულის ყოველმხრივი დამოძღვრისა და გაწვრთნისათვის შემდგარი მსგავსებათაგან გამოთქმებისა, მოქმედებებისა და საიდუმ-

---

<sup>1</sup> ნეტარი ავგუსტინე აქ, ალბათ, მიანიშნებს ფილოსოფიის ოდინდელ დაყოფაზე ზნეობრივ, საბუნებისმეტყველო (ბუნებისმიერ) და რაციონალურ (ანუ გონებრივ-განყენებულ) ნაწილებად. ამგვარი დაყოფის შესაბამისად იესუ ქრისტეს ცხოვრებას ამქვეყნად მან ზნეობრივი მაგალითი და დამოძღვრა უწოდა; აქ ის ლაპარაკობს ბუნებისმიერი დამოძღვრის შესახებ, რაციონალურ დამოძღვრაზე კი საუბარია მომდევნო თავში.

ლოებებისა, — ეს საშუალება სხვას რას წარმოადგენს, თუ არა რაციონალური (გონებისმიერი) სწავლების მოთხოვნათა შესრულებას? და მართლაც (ღვთაებრივი) საიდუმლოს განცხადებაც იმისკენ არის მიმართული, რაც სრულიად ცხადად არის გამოთქმული. და მხოლოდ ის რომ არსებულებით, რაც სავსებით გასაგები და ნათელია, მაშინ ჩვენ აღარ შევუდგებოდით ხოლმე ქეშმარიტების დაყინებულ ძიებას, და არც სასიამოვნო იქნებოდა ეს ძიება ჩვენთვის. მეორეს მხრივ, თუკი საღმრთო წერილის საიდუმლოებებში არ იქნებოდა ბეჭედი ქეშმარიტებისა, ამ შემთხვევაში ქმედება არ დაემთხვეოდა შემეცნებას. მაგრამ რადგანაც კეთილმსახურება აწინდელ დროში ღმერთის შიშით იწყება და მისი სიყვარულით დაგვირგვინდება, ამიტომაც მონობის არსებობის დროს შიშით შებორკილებული კაცობრიობა ძველ აღთქმაში, ანუ ძველი აღთქმის სჯულით, მრავალი საიდუმლოთი იყო დამძიმებული. მაშინ ეს სასარგებლო იყო როგორც საშუალება იმისთვის, რომ ადამიანებში გაღვიძებულიყო სურვილი მომავალი ღვთაებრივი მადლის მიღებისა, რომლისთვისაც წინასწარმეტყველნი ღალადებდნენ. ხოლო მას შემდეგ, რაც ეს ღვთაებრივი მადლი მოველინა და განეცხადა კაცობრიობას განკაცებული სიტყვა — ღმერთის სახით, მაშინ თვით საღმრთო სიბრძნის მიერ, რომელმაც სრული ადამიანი შეიმოსა და ჩვენ თავისუფლებისაკენ მოგვიწოდა, დადგენილ იქნა რამდენიმე მხსნელი საიდუმლო, რომელთა ძლითაც ერთი ღმერთის ხელმწიფების ქვეშ იქნებოდა დაცული ქრისტიან ხალხთა საზოგადოება, ანუ თავისუფალი ადამიანები. ხოლო ის მრავალრიცხოვანი საიდუმლონი (ძველი აღთქმისა), ებრაელ ხალხს რომ ჰქონდა დაკისრებული, ანუ იმავე ერთი ღმერთის ხელმწიფების ქვეშ შებორკილებულ ადამიანებს, — ეს საიდუმლონი აღარ გამოიყენებოდა, გაუქმდა და შეიქნა საგანი რწმენისა და ახსნა-განმარტებისა. ამრიგად, ახლა საიდუმლონი მონურად კი არ შეაბორკილებენ ადამიანებს, არამედ თავისუფლად წურთნიან ადამიანთა სულებს.

ამასთან, თუკი ვინმე იმის საფუძველზე უარყოფს ორივე აღთქმის მომდინარეობას ერთი ღმერთისაგან, რომ ჩვენს (ქრისტიან) ერს იგივე საიდუმლონი არა აქვს მოცემული, რო-



მელნიც იუდეველებს ეპყრათ და ახლაც უპყრიათო, მაშინ ესევეითარს იმის თქმაც შეეძლება, უკმარი საქმეაო ის, როცა ერთი და იგივე მეტად სამართლიანი მამა ოჯახისა ერთს რასმე უბრძანებს ერთთ, რომელთათვისაც უფრო ხანგრძლივ მონობას სასარგებლოდ მიიჩნევს, და სხვას რასმე უბრძანებს იმათ, რომელნიც ღირსად უცვნია შვილთა წოდებაში აყვანიასო. მაგრამ თუკი ცხოვრებისეული წესების თვალსაზრისით აღშფოთდებიან ხოლმე, რომ ძველ აღთქმაში (სჯულში) ნაკლებია შთადებული, სახარებაში კი — მეტი, და ამის გამო იმ დასკვნამდე მიდიან, რომ ეს ორი წერილი ერთსა და იმავე ღმერთს არ ეკუთვნის, — მაშინ ასეთი შეხედულების მქონე ადამიანები იმის გამოც უნდა აღშფოთდნენ, თუკი ერთი და იგივე მკურნალი სნეულთა ჯანმრთელობის შენარჩუნებისა თუ აღდგენისათვის რაღაც საშუალებას კურნებისა თავის მსახურთა მეშვეობით დაუდგენს უფრო მძიმე სნეულთ, სხვა საშუალებებს კი თვითვე განუჩინს ნაკლებ სნეულთ. მაგრამ როგორაღაც კურნების ხელოვნებაა ყოველთვის ერთი და იგივე და არანაირად არ იცვლება, ნოლო ცვლის ხოლმე წამლობის ხერხს სნეულთათვის, იმიტომ, რომ სწორედ ჩვენი სნეულებანია ცვალებადი, — ამგვარადვე საღმრთო განგებულებაც, თუმცა კი თვით სრულიად უცვალებელია, სხვადასხვა სახედ მოეველინება ხოლმე შემწედ ცვალებას დაქვემდებარებულ ქმნილებას, და შესაბამისადაც სხვადასხვა უძღურებისა — ერთს მისთვის შესაფერ განუწესებს, მეორეს კი — სულ სხვას, ანდა სხვადასხვა დროს შეეწევა შექირვებულთ, და ამას იმისთვის იქმს, რომ მანკიერებიდან, სიკვდილის წყაროს რომ წარმოადგენს, და თვით სიკვდილიდანაც თავის უზუნაეს ბუნებამდე და თავის არსამდე აღიყვანოს, თავისთან დაამკვიდროს თავისივე ქმნილება, რომელიც ესრეთ დაუძღურებულა, ანუ არარაობისაკენ მსწრაფველი შექნილა.

მასზედ, თუ რატომ არიან ქმნილებანი ცვალებადნი.

მაგრამ შენ იკითხავ, (რომანიანე): რატომ უძლურდებაო ქმნილება? მოგიგებ: იმიტომ, რომ ცვალებადია. ცვალებადი რატომღაა? — იმის გამო, რომ არასრულყოფილია. რატომ არის არასრულყოფილი? — იმიტომ, რომ იმასზე დაბლა მდგომია, ვის მიერაც არის შექმნილი. შექმნილი კი ვის მიერ არის? — იმის მიერ, ვინც მასზე აღმატებულია. ვინ არის ასეთი? — ერთი ღმერთი, მარადის უცვალებელი სამება, რადგანაც ყოველივე მან თავისი უზენაესი სიბრძნის მიერ შექმნა კიდევ და შექმნილს შენარჩუნებაც განუჩინა. რა მიზნით, რისთვის შექმნა მან ეს ყოველივე? — იმისთვის, რომ ყოველივე ამას ეარსება; რამეთუ რა კნინიც არ უნდა იყოს ქმნილება, მისი არსებობა — უკვე სიკეთეა, ხოლო უზენაესად არსებობა — უზენაესი სიკეთეა. რისგან შექმნა ღმერთმა ეს ყოველივე? — არარასაგან. რამეთუ ყოველივე, რაც კი არსებობს, უსათუოდ რაღაცნაირი სახით არსებობს; მაშასადამე, დაე, თუნდაც უკნინესი სიკეთე იყოს, ის მაინც სიკეთე იქნება და ღმერთისაგან არსებული იქნება, იმიტომ, რომ თუკი უზენაესი სახეობა სიკეთისა — არის ღვთაებრივი სიკეთე, მაშინ ყველაზე მცირე სიკეთე — უკნინესი სახეობა იქნება სიკეთისა. ხოლო რაც სახეობისთვისაა ნათქვამი, იმის თქმა, შექველია, ფორმაზეც შეიძლება, რამეთუ ტყუილუბრალოდ ხომ არ აქებენ როგორც სახეობრივად უმშვენიერესს, ასევე ფორმითაც უმშვენიერესს. ამრიგად, იმას, რისგანაც ღმერთმა ყოველივე შექმნა, არა აქვს არავითარი სახე და არავითარი ფორმა, და იგი სხვა არაფერია, თუ არა სრული არარა. რადგანაც ის, რაც სრულყოფილთან შედარებით უფორმოდ იწოდება, და რაღაც სახით, თუნდაც სულ უკნინესით, თუნდაც სულაც ჩანასახის მსგავსი ზომით აქვს რაღაცნაირი ფორმა, — ასეთი რამ უკვე აღარ არის არარა; ამიტომაც, რამდენადაც ის არსებობს, არსებობს მხოლოდ და მხოლოდ ღმერთის მიზეზით, და არა სხვა რამისა გამო.

ამიტომ, თუკი ვინმე იტყვის, რომ არსებული სამყარო

თუნდაც რაღაც უფორმო მატერიისაგან არის შექმნილი, თვით ამ მატერიაზე ის იძულებული იქნება თქვას, არარასაგან არის შექმნილი; რამეთუ ისიც კი, რასაც ჯერ არ შეუძენია ფორმა, მაგრამ რაღაცნაირად ჯერ ჩანასახის სტადიაშია და ისწრაფვის, რომ ფორმა შეიძინოს, — აი, ამგვარი რაიმეც კი სწორედ ღმერთის სახიერებით შეიქნება შემძლედ რაღაც ფორმის შექმნისა. რამეთუ ფორმის შექმნა სიკეთეაო, უთქვამს პლატონს („ტიმეოსი“). მაშასადამე, მისწრაფება რაიმე ფორმის შესაძენად — გარკვეული სიკეთეა, ხოლო ამიტომ ყოველი სიკეთის შემოქმედმა, მომნიჭებელმა ყოველგვარი ფორმისა, თვითვე მისცა ყოველივეს რაღაც ფორმით არსებობის შესაძლებლობაც. ამრიგად, ყოველივე არსებული, რამდენადაც რაღაც ფორმით არსებობს, და ყოველივე ჯერ არ არსებული, რამდენადაც შეიძლება არსებობა დაიწყოს, ფორმას ღმერთისაგან შეიძენს. სხვაგვარად რომ ვთქვათ — ყოველივეს, რასაც ფორმა მიუღია იმდენად, რამდენადაც შემძლეა მისი მიღებისა, ეს ფორმა ღმერთისაგან აქვს მიღებული. ამასთანავე, ყოველ საგანს თავისი ბუნება წაუხდენელი აქვს შენარჩუნებული იმ პირობით, თუ იგი წაუხდენელია თავის სახეობაში (გვარში); ხოლო ყოველი წაუხდენლობა იმისგან მომდინარეობს, ვისგანაც არის ყოველი სიკეთე; ყოველი სიკეთე კი — ღმერთისაგანაა. მაშასადამე, ყოველგვარი წაუხდენლობის მიზეზიც — ერთი ჭეშმარიტი ღმერთია.

## თავი XIX

რასაც წახდენა შეუძლია, ის — სიკეთეა,  
თუმცა — არა უზენაესი სიკეთე.

უკვე აქედანვე ყოველი, ვისაც გონების თვალნი ღია აქვს, მზერა არ დაბნელებია და არც მოშლია ამაო გამარჯვებისაკენ დამლუპველი სწრაფვით, ადვილად გულისხმა-ჰყოფს; რომ ყველაფერი, რაც წახდენას ექვემდებარება და კვდება, — სიკეთეა, მიუხედავად იმისა, რომ თვით წახდენა და სიკვდილი — ბოროტებაა. რამეთუ მართელ მდგომარეობას რომ არ აკლდე-

ბოდეს რაიმე, მაშინ წახდენა თუ სიკვდილი ვერ ავნებდნენ მას; მაგრამ, მეორეს მხრივ, წახდენას ვნება რომ არ მოჰქონდეს, იგი არც იქნებოდა წახდენა. აქედან გამომდინარე, თუკი წახდენა საწინააღმდეგო რამაა სიმართელისა, მაშინ სიმართლე, ყოველგვარ ეჭვს გარეშე, სიკეთე ყოფილა. სიკეთეა ყოველივე, რისი საწინააღმდეგოც წახდენაა, ხოლო რისაღმეც წახდენაა საწინააღმდეგო, ის თვითონაც დაქვემდებარებულია წახდენას. მაშასადამე, სიკეთე ყოფილა ყოველივე, რაც წახდება ხოლმე, ხოლო წახდება კი იმის გამო, რომ უზენაესი სიკეთე კი რა არის, არამედ უდაბლესი სიკეთეა. ამრავად იგი ღმერთისაგანაა, იმიტომ, რომ — სიკეთეა. მაგრამ ის არ არის თვით ღმერთი, რადგანაც არ არის უზენაესი სიკეთე. აქედან გამომდინარე, ის სიკეთე, რომელიც არ შეიძლება წახდენას დაექვემდებაროს, — ღმერთია. ყველა სხვა სიკეთე კი ღმერთისაგანაა, ის სიკეთენი, რომელნიც თვითონ შეიძლება წახდენას დაექვემდებარონ, იმიტომ, რომ თავით თვისით — არარანი არიან; მაგრამ ღმერთის მიერ ისინი ნაწილობრივ არ ექვემდებარებიან სიკეთეს, სხვა ნაწილში კი თავისა ექვემდებარებიან წახდენას, რათა გამოსწორდნენ.

## თავი X X

მასზედ, თუ საიდან მომდინარეობს სულის წახდენა.

ამასთანავე, არსებობს თავდაპირველი წახდენა გონიერი სულისა, კერძოდ კი — სურვილი იმის მოქმედებისა, რასაც კრძალავს უზენაესი და უსაიდუმლოესი ჭეშმარიტება. ასე, რომ ადამიანი სამოთხიდან აწინდელ ცხოვრებად იქნა გამოძევებული, ანუ საუკუნოსაგან — დროებითისაკენ, სიუხვისაგან — სიღუბნისაკენ, სიმაგრისაგან — უძლურებად; მაშასადამე, არსისმიერი სიკეთისაგან არსისმიერი ბოროტებისაკენ კი არ იქნა გამოძევებული, — რადგანაც არც ერთი არსი თავისთავად არ არის ბოროტება, — არამედ საუკუნო, მარადიული სიკეთისაგან — დროებითი, წარმავალი სიკეთისაკენ იქნა გამოძევებული, სულიერი სიკეთისაგან — ხორციელი სიკეთისაკენ,

გონიერი სიკეთისაგან — გრძნობისმიერი სიკეთისაკენ, უზუნა-  
ესი სიკეთისაგან — უდაბლესი სიკეთისაკენ... ამგვარად, არსე-  
ბობს გარკვეული სახის სიკეთე, რომლისადმი სიყვარულითაც  
გონიერი სული სცოდავს, იმიტომ, რომ ამგვარი სიკეთე ღირ-  
სებით მასზე დაბლამდგომია; ამის გამო ბოროტება თვით შე-  
ცოდებაში მდგომარეობს, და არა იმის არსში, რომლის სიყვარ-  
ულიც — ცოდვაა. აქედან გამომდინარე, ბოროტება თვით ის  
ხე კი არ არის, საღმრთო წერილის მიხედვით სამოთხეში რომ  
იყო დანერგული, არამედ საღმრთო მცნებათა გარდახდომა.  
რაკი ამ შეცოდების შედეგი იყო სამართლიანი სასჯელი, ამი-  
ტომ იმ ხისაგან, რომელსაც ადამიანი აკრძალვის მიუხედავად  
შეეხო, გამოვიდა შეცნობა კეთილისა და ბოროტისა. ამით შემ-  
ცოდე და ცოდვისათვის სასჯელის მიმღები სული განისწავ-  
ლება, თუ რა განსხვავებაა საღმრთო მცნებასა, რომლის აღს-  
რულებაც მას ევალეობოდა, და ცოდვას შორის, რომლითაც ის  
დაეცა; ხოლო ამგვარად იგი, ერთის მხრივ, გამოცდილებით  
შეიმეცნებს ბოროტებას, რომელიც მანამდე არ უწყობდა და  
ეკრძალებოდა კიდევ, მეორეს მხრივ კი, ამ ბოროტებასთან  
შედარების წყალობით კიდევ უფრო ძლიერ შეიყვარებს სიკე-  
თეს, მანამდე რომ ნაკლებ უყვარდა, როცა ურჩება გამოავ-  
ლინა.

ამრიგად, სულის წახდენა იმაში მდგომარეობს, რაც მან  
თვით აღასრულა, და ამ მიზეზით აღმოცენებული მისი უბად-  
რუკი მდგომარეობა ის სასჯელია, რომელსაც სული დაითმენს:  
აი, სწორედ ეს არის კიდევ ბოროტება. მაგრამ ცოდვის ჩადე-  
ნა და სასჯელის დათმენა — სუბსტანცია როდია. ამიტომ სუბ-  
სტანცია არ შეიძლება ბოროტება იყოს. ასე, რომ არც (მაგა-  
ლითად) წყალი, არც ჰაეროვან სივრცეში მცხოვრები არსე-  
ბა — თავისთავად არ არიან ბოროტება, რადგანაც ისინი —  
სუბსტანციები. მაგრამ ნებაყოფლობითი ჩავარდნა წყალში  
და თავის დარჩობა — უკვე ბოროტებაა. რკინის გრიფელი,  
რომლის ერთი ბოლოთი ჩვენ ვწერთ ხოლმე დაფაზე, მეორე  
ბოლოთი კი — წავშლით დაწერილს, ოსტატის ხელოვნებით  
კეთდება და წარმოადგენს თავისებურად მშვენიერ და ჩვენს  
მოსახმარად ვარგის ნივთს. მაგრამ ვინმემ რომ იმ ბოლოთი  
მოისურვოს წერა, რომელიც დაწერილის წაშლისათვისაა გან-

კუთვნილი, ხოლო წაშლა კი იმ ბოლოთი, რომლითაც ვწერთ ზოლმე, — ამ შემთხვევაში მისი მოქმედება სამართლიან გააკიცხვას დაიმსახურებდა, თუმცა, ამასთან, თვით გრიფელს არაეინ არ მიიჩნევდა ბოროტად. რამეთუ სწორად რომ დაეჭირა მას საწერი, მაშინ სადღა იქნებოდა ბოროტება? ანდა ვინმემ რომ შუადღისას პირდაპირ შეხედოს მზეს, მას თვალი დაუბრმავდება და გარკვეული დროინ მანძილზე ვერაფერს დაინახავს. მაგრამ განა ამის გამო შეიძლება ბოროტებად მივიჩნიოთ ან მზე, ანდა თვალები?! არავითარ შემთხვევაში, რადგანაც მზეცა და თვალიც — სუბსტანციებია. მაშასადამე, ბოროტებაა თვით გახედვა მზისაკენ შეუფერებელ დროს და ამით თვალების მოწყვლა. და ეს ბოროტებაც განქარდება, როცა თვალებს დაასვენებენ და ისინიც უკვე ჭეროვნად შეიძლებენ ნათლის ხილვას. იმ შემთხვევაშიც კი, როცა ეს ნათელი, ჩვენს თვალებს რომ ეხება, თაყვანის-იცემება როგორც სიბრძნის ნათელი, შემოსილი, ვითომცდა, რაღაც მაღალი გონიერებით, — აი, ამ შემთხვევაშიც კი ბოროტება სინათლე კი არ არის და არც მისი წყარო, არამედ ბოროტებაა ადამიანთა ცრუ-რწმენა, რომლის მიზეზითაც ქმნილებას უფრო მეტად ემსახურებიან და ეთაყვანებიან, ვიდრე მის შემომქმედ ღმერთს. და ეს ბოროტებაც სრულიად განქარდება, როცა სული, შემცნობი ჭეშმარიტი შემომქმედისა, მხოლოდ მას ერთს დაემორჩილება და საკუთარი გამოცდილებით გულისხმავყოფს, რომ ღმერთის მიერ ყოველივე მასაც ემორჩილება (ანუ ჭეშმარიტების შემცნობ სულს).

ამრიგად, ყოველი სხეულებრივი ქმნილება, თუკი ის ღმერთს მიახლებული სულის სიყვარულის საგანია, არის სიკეთე, თუმცა კი უდაბლესი სიკეთე, და თავისებურად მშვენიერი სიკეთე, რადგანაც რაღაც ფორმით არის შემოსილი და თავისი საკუთარი ხატი აქვს. ხოლო თუკი სხეულებრივი ქმნილება იმ სულის სიყვარულის საგანს შეადგენს, რომელსაც ღმერთი უგულებელ-უყვია და მოუძულებია, მაშინ თუმცა კი თვით არ შეიქნება ბოროტებად, მაგრამ ცოდვის მიზეზით — ბოროტებას რომ შეადგენს, სასჯელად ექცევა ზოლმე თავის მოყვარულს, განუწყვეტელ მწუხარებას მოუტანს მას და ცრუ-სიამეებით დაატკობს: ცრუ-სიამეებით იმიტომ, რომ ასეთი

სიამენი არამდგრადია, წარმავალია და სრული დაკმაყოფილება კი არ მოაქვთ ადამიანის სულისათვის, არამედ მკმუნებარებით მოსწყლავენ მას, რადგანაც როცა ბედნიერი დრო თავის განსაზღვრულ მსვლელობას დაასრულებს, მაშინ ეგზომ სასურველი ხატება სტოვებს თავის მოყვარულს, მიეფარება მის გრძობათაგან, რითაც სტანჯავს მას და ისეთ სიბრმავეს სწევს, რომ სული ამ ხატებას უპირველეს ხატებად მიიჩნევს, მაშინ, როცა იგი უდაბლესი და უკანასკნელია, ანუ სხეულებრივი ბუნების ხატებაა, რომელსაც გარდაქცეულად, ცრულ წარმოდგენდა ასეთ სულს ბოროტებით სიტკბოების მიძღები სხეული (ხორცი) გრძობათა მეშვეობით; ასე, რომ როცა ეს სული რაიმეზე ფიქრობს, ჰგონია — რაღაც მესმისო, სინამდვილეში კი მხოლოდ ფანტასტიკური აჩრდილებით შეიქცევა თავს. ხოლო თუკი ზოგჯერ ჰგონია ქვემარტივი სწავლება მიპყრია საღმრთო განგებულების შესახებო, სინამდვილეში კი მეტად მოშორებია ასეთ სწავლებას, და ამგვარად ცდილობს წინააღმდეგობა გაუწიოს ხორცს (საკუთარ სხეულს), მაშინ ასეთი სული განუწყვეტლივ იტრიალებს ხილულ საგანთა სფეროში და წარმოსახვის ძლითაც ამაოდ წარმოიდგენს ხოლმე უსაზღვრო სივრცეებს, ვთქვათ, სინათლისა, რომელიც მისი ხედვისათვის გარკვეული საზღვრებით არის შემოფარგლული; ეს სახეები ხილული საგნებისა მას მომავალ (საუკუნო) ცხოვრებაზეც გადააქვს და თავისი უგუნურების გამო არ უწყის, რომ მოცემულ შემთხვევაში იგი თვალთა გულისთქმას დაძონებია, რადგან ამა ქვეყნიდან გასვლა მას ამავე ქვეყნითურთ სურს, რომელსაც აღარ მიიჩნევს იმად, რაც ის სინამდვილეშია იმიტომ, რომ წარმოსახვის ძლით ამა ქვეყნის უფრო ნათელ ნაწილს უსაზღვროდ ზრდის და განავრცობს. ივივეს ქმნა, და საკმაოდ ადვილადაც, არამხოლოდ სინათლესთან დაკავშირებით შეიძლება, არამედ წყალთან, ღვინოსთან, თაფლთან, ოქროსთან, ვერცხლთან, ამა თუ იმ პირუტყვის ხორცთან, სისხლთან თუ ძვლებთან დაკავშირებითაც; რამეთუ არ არსებობს ისეთი სხეული, რომლის წარმოსახვაც განუსაზღვრელი სიმრავლითა თუ სიდიდით არ შეიძლებოდეს, თუნდაც მას ჩვენ ერთადერთს ვხედავდეთ და მოცულობითაც მეტად

მცირეს. მაგრამ უნდა ვიცოდეთ, რომ ხორცის მოძაგება ძალზე ადვილია, ხოლო აზროვნება არახორციელად, ანუ სულიერად — მეტად საძნელო.

## თავი XXI

სანამ სული (ადამიანისა) წარმავალ სხეულებრივ სიმშვენიერეს ესწრაფვის, იგი მოტყუებულია (ცდება).

სწორედ ამ გარდაქცევულების შედეგად სულისა, ცოდვასთან რომ შეუღლებულა, და ამ სასჯელის გამო მთელი სხეულებრივი ბუნება შეიქნა კიდევ იმად, რაზეც სოლომონი ამბობს — ამაოება ამაოთა, და ყოველივე ამაოო, და „რამ უკეტეს არს კაცისა, ყოველსა შინა შრომასა მისსა, რომელსა შურების მზისა ქვეშე?!“ (ეკლესიასტე 1, 2—3). აქ ტყუილუბრად როდია დართული სიტყვა — ამაოთა, რამეთუ ამაოებით შეპყრობილ ადამიანთა გარეშე, რომელნიც უდაბლეს საგნებს ისე მიესწრაფვიან, თითქოს ისინი უზენაესნი და უპირველესნი იყვნენ, სხეული აღარ იქნება ამაოება, და იქნება ნამდვილი გამოხატულება თავისებური სიმშვენიერისა, დაე, თუნდ ეს უდაბლესი, უკანასკნელი სიმშვენიერე იყოს. მართლაც, ცოდვით დაცემული ადამიანი ხოციელ ორგანოთა მეშვეობით ღმერთთან ერთობისაგან განუშორებია სიმრავლეს წარმავალი სახეებისა და თავისი ცვალებადი მრავალფეროვნებით განუმრავლებია მისი ვნებანი: აი, სწორედ ასე აღმოცენდა ეს სამძიმო სიუხვე და, თუკი ასე შეიძლება ითქვას, ეს სიუხვეთ გამოორჩეული სილატაკე, როცა ერთი რამ მეორეს ენაცვლება და ადამიანს კი არაფერი შერჩება მდგრადი, მუდმივი; დროთა განმავლობაში „ნაყოფისაგან იფქლისა და ღვინისა და ზეთისა“ თვისისა (ფსალმ. 4, 8) იგი (ადამიანი) იმდენად მრავალსახოვანი შეიქნა, რომ უკვე ვეღარ პოულობს თვითარს ბუნებას, ანუ იმ უცვალებელსა და ერთადერთ ბუნებას, რომლის შედგომითაც გზა არ დაებნეოდა და არ შეცდებოდა, ხოლო თუკი მიაღწევდა ამ ბუნებას, არც მწუხარებით იქნებოდა შეპყრობილი. რამეთუ ამით ის მიიღებს გამოხსნას თავის ხორცთა (რომ. 8, 23), რომელიც მკვდრეთით აღდგომის შემდეგ უკვე



აღარ დაექვემდებარება ხრწნილებას. [შემად კი (ამქვეყნიურ ცხოვრებაში) იოწნადი სხეული დაამძიმებს სულს, და ეს იწიერი სამყოფელი შეაჭირვებს მრავალი საზრუხივით აღსაკვეთებებს (სიბოძიე სოლომ. 9, 15), რადგანაც უდალესი სიწვეხიერე მემკვიდრეობით, ერთმანეთის გამაგროელელ სოვლენათა წყებათი ვლინდება და დასრულდება. იგი იმითოსს ალის უდალესი, უკანასკელი სიმშვეხიერე, რომ არ ძალესთავით თვისით ერთბაშად მოიცვას ყოველივე, ხოლო იადროს, როცა ერთი წყება მოვლენებისა წაოვალს და სსვით წიეცვლება, ისახი (ეს ერთმანეთის მონაცვლე მოვლესები თვის თავში) ერთ სიმშვეხიერედ აერთიახესეხ ყველა არსებულ დროებით ფორმას.

## თავი XXII

**მასწედ, რომ წარმართვა წარმავალი საგნებისა  
მხოლოდ უკეთურ ადამიანებს არ მოსწოათ.**

და ეს ყოველივე იმის გამო როდია ბოროტება, რომ წარმავალია. ასე, თავალითად, თავისებურად ლექსიც ძველიერია, თუმცა კი მისი ორი მარცვლის ერთდროულად წაართება არახიერად არ შეიძლება: იეორე მარცვლის წაართება ძლოლოდ მას მემდეგ შეგვეძლება, რაც ათველ მარცვალს წარმოეთქვამთ; და ასე, მარცვალთა თახახიერეული წაართქმით გავდივართ (ლექსის) ბოლომდე, ასე, ოთა თუმცა უკანასკნელი მარცვალი ძლოლოდ ერთი წარმოთქეეა, ყინახვალნი კი მასთაი ერთად აღარ წარმოთქმება, თავოთა ლექსის ფორმასა და თახახომიერ სიმშვეხიერეს იგი წინახვალ მარცვლებთან კავშირში დაასრულეს. მიუხედავად ამისა, თვით სალექსო ხელოვნება იძენხად როდია დაქვემდებარებული დროს, რომ მისი სიმშვეხიერე დაკხინებულ იქხას პაუხათა მონაკვეთებით; პირიქით, სალექსო ხელოვნებას ერთიანად აქვს ყოველივე ის, რისგანაც შედგება კიდევ ცალკეული ლექსი, ხოლო თვით ლექსი კი ერთიანად არა აქვს ყველაფერი, არამედ წინახვალს მომდევნოთი წარხოცს. და მაინც — ლექსიც მშვეხიერია, იმითომ, რომ იგი წარმოგვიღვენს უკანას-

კნელ (უდაბლეს) კვალთ იმ სიმშვენიერისა, რომელსაც მარადის და უცვალებელად იმარხავს თვით ხელოვნება.

ამრიგად, როგორადაც ზოგიერთ გარდაქცეულ ადამიანს უფრო მეტად ლექსი უყვარს, ვიდრე თვით სალექსო ხელოვნება, რადგან უფრო მეტად სმენის გრძნობას დამონებია, ვიდრე გონიერებას, — აი, ზუსტად ამგვარადვე მრავალ ადამიანს მხოლოდ დროებითი, წარმავალი შეჰყვარებია, და არ ისწრაფვის საღმრთო განგებულებას მისწვდეს, რომელსაც შეუქმნია კიდევ დრონი და წარმართავს კიდევ მათ; და თავის ამ სიყვარულში დროისმიერი საგნებისა ამ ადამიანებს არ სურთ, რომ მოისპოს და წარიხოცოს ის, რაც ასე უყვართ, და ამ შემთხვევაში ისეთივე უგზურები არიან, როგორიც ის ადამიანი იქნება, ლექსის წაკითხვისას განუწყვეტილვ ერთი და იგივე მარცვლის მოსმენა რომ მოისურვოს. მაგრამ ამგვარი მსმენელნი თუ წამკითხველნი ლექსისა — არ არსებობენ, ხოლო წარმავალი საგნების თაყვანისმცემლებით მთელი ქვეყნიერებაა აღსავსე. რამეთუ არ არსებობს ისეთი ადამიანი, რომელსაც არ შეეძლებოდა არათუ მთელი ლექსის მოსმენა, არამედ მთლიანად სახიობისაც, მაშინ, როდესაც გონებით მოცვა საუკუნეთა მთელი წყებისა მრავალ ადამიანს არ შეუძლია. ამასთანავე, თუკი ჩვენ არ ვასრულებთ რაიმე როლს სახიობაში და ლექსებს არ წარმოვთქვამთ, საუკუნეთა მდინარებაში მოსჯილი გვაქვს მთავარ მომქმედ პირებად ყოფნა! აქედან გამომდინარე, ლექსებს ჩვენ კრიტიკული განსჯით ვკითხულობთ, საუკუნენი კი ჩვენთვის შრომათა და საღმობათა შორის განვლიან. არც ერთი დამარცხებულისათვის უკვე სასიამოვნო აღარ არის ათლექტური თამაშობანი, და მაინც ისინი მშვენიერია, თუმცა კი მისთვის (დამარცხებულისათვის) დამარცხების სირცხვილთანაა შეზავებული. მაგრამ ეს (მაგალითი) მხოლოდ გარკვეულწილადაა მიმსგავსებული ჭეშმარიტებას. მსგავს სანახაობათა ხილვა სწორედ ამიტომაც გვეკრძალება, რომ საგანთა აჩრდილებით არ ვიყოთ ცთუნებულნი და თვით იმ საგნებს არ განვეშოროთ, რომელთა აჩრდილებსაც ისინი წარმოადგენენ. მაშასადამე, მთელი სამყაროს მწყობრი აგებულება და მისი წარმართვა არ მოსწონთ ხოლმე მხოლოდ უკეთურ და განკითხულ ადამიანებს; მაგრამ ეს ყოველივე მოსწონს, — მიუხე-

დავად მასში არსებული განსაცდელებისა და უბედურებებისა, — მრავალ ისეთ სულს, რომელთაც ან გამარჯვებისათვის მიუღწევიათ აქ, ამქვეყნად, ანდა მხნედ და უმიშრად იმზირებთან ზეცისაკენ: რამეთუ მართალსა და კეთილმსახურს (სულს) ყოველივე კეთილი და სამართლიანი სთნავს.

### თავი XXIII

#### ყოველგვარი სუბსტანცია — სიკეთეა.

აქედან გამომდინარე, რადგანაც ყოველი გონიერი სული ან უბედურია თავის ცოდვათა გამო, ანდა ნეტარია — თავიანთ კეთილ და მართალ საქმეთა შედეგად, ხოლო ყოველი არაგონიერი სული ან დაუთმობს უძლიერესს და უმჯობესს ემორჩილებს, ანდა ცდილობს თანასწორს გაუთანაბრდეს, ან მოცილეს შეჰქმნის, ანდა ავნებს უკვე გარდაცთომილს, და ბოლოს რადგანაც სხეული იმდენად ემსახურება თავის სულს, რამდენადაც ამას მისი ღირსებანი და საგანთა წყება დაუშვებს, — ამიტომ უნდა ვაღიაროთ, რომ არც ერთის ბუნებაში არ არის ბოროტება, მაგრამ ბოროტებად შეიქნება ხოლმე თითოეული ბუნებისათვის მისი საკუთარი დანაშაული. კვალად, რადგანაც ადამიანთა სული, საღმრთო მადლით აღორძინებული და აღდგენილი თავის (თავდაპირველ) უვნებლობაში და მთლიანად დამორჩილებული იმ ერთს, ვინც ის შექმნა, — (რადგანაც ადამიანის სული) სხეულის აღდგინებისა და თავდაპირველ სიმტკიცეში დამკვიდრების შემდგომაც უკვე ამა ქვეყნის ხელმწიფების ქვეშ კი არ იქნება, არამედ დაიწყებს ხელმწიფებას სამყაროზე, — ამიტომ მისთვის აღარც რაიმე ბოროტება იარსებებს, იმიტომ, რომ სწორედ ის უდაბლესი სიმშვენიერე დროებითი, ერთმანეთის მონაცვლე მოვლენებისა, მასთან (სულთან) ერთად რომ ვიდოდა, — უკვე მის ქვევით ვალს, და იქნება მაშინ, როგორც საღმრთო წერილი ამბობს, „ცაჲ ახალი და ქვეყანაჲ ახალი“ (ესაია 65, 17; გამოცხ. 21, 1) იმ სულებისათვის, რომელნიც აღარც დაშვრებიან და აღარც ევნებიან, არამედ სუფევით იმეუფებენ. „ყოველივე თქვენი არს, — ამ-

ბობს მოციქული. — ხოლო თქვენ — ქრისტესნი, ხოლო ქრისტე — ღმრთისაჲ“ (1 კორინთ. 3, 23): კვალად, მოციქულივე იტყვის: „ყოვლისა მამაკაცისა თავ — ქრისტე არს, ხოლო თავ დედაკაცისა — ქმარი, და თავ ქრისტესი — ღმერთი“ (1 კორინთ. 11, 3).

ამრიგად, რადგანაც სულის წახდენა მის ბუნებაში კი არ მდგომარეობს, არამედ საწინააღმდეგოა მისი ბუნებისა და სხვა არაფერია, თუ არა ცოდვა და სასჯელი შეცოდებისათვის, ამიტომ გასაგები ხდება, რომ არც ერთი ბუნება, ანდა, უკეთ რომ ვთქვათ, არც ერთი სუბსტანცია, ანუ არსი, თავისთავად; არ არის ბოროტება. და თუკი ქვეყნიერება ყოველგვარი უსახურებით მახინჯდება, — ეს სულის არსის ცოდვათა გამო როდი ხდება, და არც ამ ცოდვათა გამო დასჯისათვის, იმიტომ, რომ გონიერი არსი, რომელსაც ვერავითარი ცოდვა ვერ ეხება და ვერ შერყვნის, მხოლოდ ღმერთს ემორჩილება და სხვა დანარჩენთა ზედა მეუფებს, მას რომ ექვემდებარებიან; ხოლო ის (გონიერი არსი), რომელმაც შესცოდა და დაეცა, იქ ყოფნისთვისაა განჩინებული, სადაც ჭერ-არს ყოფნა ესევეითარისათვის, — ასე, რომ ღმერთის მიერ, ყოველთა შემოქმედისა და წარმმართველის მიერ, ყოველივე მშვენივრად და სამართლიანადაა განგებული. და ეს სიმშვენიერე მთელი ქმნილებისა ხელშეუხებელი და დაურღვეველი რჩება სამი შემდეგი რამის წყალობით: ცოდვილთა განკითხვა-დასჯის, მართალ მორწმუნეთა აღზრდა-წურთნისა და ნეტართა სრულყოფის მიზეზით.

#### თავი X X I V

**საღმრთო განგებულება ადამიანის ხსნისათვის ორგვარი გზით წარიმართება: ავტორიტეტის საშუალებით და გონიერების საშუალებით. პირველ საშუალებაზე — ავტორიტეტზე საუბარია X I X თავამდე.**

ამ მიზეზისა გამო თვით კურნებაც (ადამიანის) სულისა, რასაც ღვთაებრივი განგებულება და ღმერთის გამოუთქმელი მოწყალება ადასრულებს, თავისი თანდათანობისა და დანაწევ-

რების მიხედვით — ფრიად მშვენიერია. ეს კურნება განიყოფა ავტორიტეტისმიერ და გონებისმიერ კურნებებად. ავტორიტეტისმიერი კურნება ადამიანს გონიერებისათვის განამზადებს და მისგან რწმენას მოითხოვს. გონებისმიერ კურნებას კი, თავის მხრივ, გულისხმის-ყოფად და მეცნიერ-ყოფად (ანუ ცოდნისაკენ) მიჰყავს იგი. თუმცა გონიერებაც მთლიანად არ სტოვებს ხოლმე ავტორიტეტს, როცა საქმე იმას ეხება, თუ რა უნდა გვწამდეს: თავისთავად გასაგებია, რომ შეცნობილი და გაცხადებული ჭეშმარიტება — უზენაეს ავტორიტეტად გვევლინება. მაგრამ რადგანაც ჩვენ დროებითის სფეროში მოვივლინებით და მისადმი სიყვარულის გამო მარადიულს განვეშორებით, ამიტომ პირველი ადგილი ეკუთვნის რაღაც დროებითს კურნებასაც, რომელიც ხსნად მოუწოდებს არა მეცნიერ ადამიანებს, არამედ მორწმუნეთ, — პირველი ადგილი არა თავისი ბუნებისა და სხვაზე აღმატების მიხედვით, არამედ — დროის მიხედვით. რამეთუ ვინც საღ დაეცემა, იქვე უნდა ეძიოს დასაყრდენიც წამოსადგომად. აქედან გამომდინარე, თვით ხორციელი ფორმებიც უნდა გამოვიყენოთ, რომლებითაც შემოსილი ვართ, იმისთვის, რომ შევიმეცნოთ ისინი, რადგან მათს შესახებ ხორცი არაფერს არ გვეუბნება. ხორციელს კი მე იმ ფორმებს ვუწოდებ, რომელთაც ხორცისავე მეშვეობით აღვიქვამთ, ანუ თვალთა, ყურთა და სხვა სხეულებრივ გრძნობათა მეშვეობით. ამიტომაც, ყრმანი უსათუოდ მიკრულნი და დამოკიდებულნი არიან ხორციელ და სხეულებრივ ფორმებზე, ჭაბუკნი — თითქმის უსათუოდ, ხოლო ამ ასაკთაგან გამოსულ მოზრდილ ადამიანს ამგვარი ფორმები უკვე აღარ ესაჭიროება.

## თავი XXV

**რომელ ადამიანთა თუ წიგნთა ავტორიტეტის უნდა გვწამდეს ღმერთის თაყვანისცემის საკითხში.**

ამრიგად, რადგანაც საღმრთო განგებულება მხოლოდ ცალკეულ ადამიანთა ცხოვრებას კი არ წარმართავს და თითქოსდა კვრძობითი კი არ არის, არამედ მთელს კაცთა მოდგმას საზო-

ვადოდ, — ამიტომ ის, თუ რაში და როგორ ვლინდება მისი მოქმედება ყოველ ცალკეულ ადამიანზე, — მხოლოდ ერთმა ღმერთმა უწყის, ყოვლის განმგებელმა, და იმანაც, ვისზეც მოქმედებს მისი განგებულება. ხოლო თუ როგორ ვლინდება საღმრთო განგების მოქმედება მთელს კაცობრიობაზე საზოგადოდ, — ამის გადმოცემა ღმერთმა ისტორიისა (საღმრთო წერილისა) და წინასწარმეტყველთა მეშვეობით იწება. ამასთანავე, ღროსმიერ მოვლენათა მოწმობას, — წარსული მოვლენები იქნება ეს, თუ მომავალი, — უფრო დიდი მნიშვნელობა რწმენისათვის აქვს, ვიდრე გონებისათვის; ჩვენი საქმე, ამ შემთხვევაში, ისაა, რომ განვსაჯოთ, თუ რომელ ადამიანებს და რომელ წიგნებს უნდა ვერწმუნოთ ხოლმე უფრო მეტად ღმერთის ჭეშმარიტი თაყვანისცემისათვის, რამეთუ სწორედ ასეთ თაყვანისცემაში მდგომარეობს კიდევ სსნა. უპირველეს ყოვლისა, გამოსაძიებელია საკითხი, თუ ვისი უნდა გვჯეროდეს უფრო მეტად — იმათი, ვინც მრავალი ღმერთის თაყვანისცემად გვეპატიჟება, თუ იმათი, ვინც ერთი ღმერთის თაყვანისცემას მოგვიწოდებს? — მაგრამ განა შესაძლოა ვიხმე დაეკვდეს, რომ ჯერ-არს უფრო მალე იმათ მივსდიოთ, ვინც ერთი ჭეშმარიტი ღმერთის თაყვანის-ცემად მოგვიხმობს, განსაკუთრებით კი ამჟამად, როცა მანამდე მრავალი ღმერთის თაყვანისცემელნიც ჩვენს, ქრისტიანთა, მსგავსად იწყებენ აღიარებას ერთი უფლისა — ყოველთა განმგებელისა?! აკი, საერთოდაც, რიცხვიც ერთით იწყება!

მაშასადამე, პირველ ყოვლისა, იმათ უნდა შევუდგეთ, რომელნიც აღიარებენ, რომ არსებობს ერთი, უზენაესი, ერთადერთი ჭეშმარიტი და თაყვანისცემის ღირსი ღმერთი; ესევე-თართაგან მხოლოდ იმ შემთხვევაში უნდა უკუვდგეთ, თუკი მათში ჭეშმარიტება არ გაცხადდება. რამეთუ როგორადაც თვით (ქმნილ) საგანთა ბუნებაში უფრო დიდად მიიჩნევა ავტორიტეტი იმ ერთისა, რომელიც ყოველივეს ერთიანობისაკენ წარმართავს, და როგორც კაცთა მორღმაშიც ხალხის სიმრავლეს არაერთი ძალა არა აქვს, თუკი მას ერთი ვინმე — ყოველთა გამაერთიანებელი წინამძღოლი არა ჰყავს, ვინც ერთის გრძნობით განაცხოველებს ადამიანებს, — ამგვარადვეა აუცილებელი სარწმუნოებაშიც ავტორიტეტი იმ ადამიანებისა

თუ წიგნებისა, რომლებიც ერთი ქეშმარიტი ღმერთის თაყვანის-საცემად და შესაცნობად მოგვიწოდებენ, — და ესევეთარო ჩვენ უნდა მივიჩნევდეთ უფრო მაღალი ღირსების ავტორიტეტად და სრული ნდობის ღირსად.

შემდეგ, მეორე გამოსაძიებელი ის სხვადასხვაობა უნდა იყოს, რაც ადამიანთა შორის ერთი ღმერთის თაყვანისცემაში აღმოცენებულა. — ჩვენ ვიცით, რომ ჩვენი წინაპრები რწმენის იმ საფეხურზე, რომლიდანაც ყოველივე დროებითისაგან საუკუნოისაკენ აღმაღლდებიან, ხილულ სასწაულებს საჭიროებდნენ (სხვაგვარად მოქმედება მათ არც შეეძლოთ). მათა წყალობით მოხდა ის, რომ ჩვენთვის, მათი ჩამომავლებისათვის, უკვე აღარ არის საჭიროება ასეთი სასწაულებისა. რამეთუ როცა ქრისტეს საზოგადო ეკლესია განივრცო და მთელს ქვეყნიერებაზე დაეფუძნა, მაშინ, ჩვენს დროში, უკვე შეიძლებოდა სასწაულთმოქმედებათა შეწყვეტა, რათა სულს ჩვენსას მარად ხილულისადმი არ ჰქონოდა მისწრაფება, და რომ ადამიანთა მოდგმაც, ჩვეულების ზემოქმედებით, გულგრილი არ შექნილიყო იმისადმი, რაც უწინ თავისი სიახლით აღუნებდა გულს; მეორეს მხრივ, ჩვენთვის უკვე ცხადზე უცხადესია, რომ უნდა გვჯეროდეს იმ ადამიანებისა, რომლებიც თუმც კი მრავალთათვის მიუწვდომელ საგანთა შესახებ ქადაგებდნენ, მაგრამ ისიც შეეძლოთ, რომ დაერწმუნებინათ ერები, მათ გაეყოლოდნენ. ამჟამად კი ჩვენ სწორედ იმათზე ვსაუბრობთ, რომელთა სიტყვისაც უნდა ვირწმუნოთ მანამ, სანამ იმის შეზღვე შევიქნებოდეთ, რომ ჩვენ თვითონვე მივსწვდეთ ღვთაებრივ და არახილულ საგანთა არსს, ანუ სანამ გულისხმისყოფელნი შევიქნებით დაფარულისა; რამეთუ ყველაზე მეტად განწმედილი სულის გულისხმის-ყოფას, რომელიც განცხადებულ ქეშმარიტებას მისწვდომია და დაფარულთ მეცნიერი შექნილა, უკვე აღარავითარი ავტორიტეტი არ ესაჭიროება და არც წინამძღვრობს, — ამგვარ გულისხმისყოფამდე ვერავითარი ამპარტავნება ვერ მიგვიყვანს. და ამპარტავნება რომ არ არსებულებოდა ადამიანებში, მაშინ არც მწვალებელნი არ იარსებებდნენ, არც განხეთქილების შემომღებნი, არც ხორციელად წინადაცვეთილნი, არც ქმნილებისა და კერპების თაყვანისმცემლები. მეორეს მხრივ კი, ადამიანთათვის აღთქმული

სრულყოფილების მომადლებამდე ასეთი (ამპარტავნებით შეპყრობილი) ადამიანები რომ არ არსებულებოდნენ, მაშინ ჭეშმარიტება ადამიანთაგან გაცილებით მეტის სიზნანტით შეიმეცნებოდა.

## თავი XXVI

**საღმრთო განგებულება ჩვენი ხსენისათვის ძველი და ახალი კაცის ექვს ასაკთან დაკავშირებით.**

ამასთანავე, ღვთაებრივი განგებულების დროებითი მოქმედება და საკურნებელი ძალი იმ ადამიანთა მიმართ, რომელნიც შეცოდების შედეგად სიკვდილს ეწივნენ, შემდეგნაირად და შემდეგის რიგით გამოისახება. თავიდან ყურადღება მივაპყროთ ბუნებასა და აღზრდას ერთი რომელიმე შობილი ადამიანისა. პირველი მისი ასაკი — ყრმობა — სხეულებრივ საზრდოობაში მიედინება და სრულიად დავიწყებულია მზრდილის მიერ. ამ ასაკს მოსდევს სიყმაწვილე, რომლიდანაც ჩვენ უკვე ვიწყებთ რაღაცის დამახსოვრებას. სიყმაწვილეს მოსდევს სიჭაბუკე, რომლისთვისაც ბუნებას შთამომავლობის გაგრძელების უნარი მოუნიჭებია და ადამიანს მამად შექმნის. შემდეგ დგება ვაჟკაცობის ხანა, რომელშიც ადამიანს უკვე საზოგადოებრივ საქმეთა აღსრულებაც შეუძლია, მაღალ თანამდებობათა დაკავებაც და კანონთა წინაშე მორჩილებაც; ამ ასაკში უმკაცრესი აღკვეთა დანაშაულობებისა და სასტიკი სასჯელი, ხელ-ფეხს რომ უკრავს დამნაშავეებს, ხორციელ სულებში წარმოშობს ყველაზე მშფოთვარე გამოვლინებებსაც ვნებათა და სიმძაფრესაც დანაშაულისა, გაორმაგებულ სასჯელს რომ იმსახურებს. რამეთუ დანაშაულის ჩადენა ამ დროს მხოლოდ შეცოდებას კი არ ნიშნავს, მხოლოდ ბოროტმოქმედება კი არ არის, არამედ იმის ქმნაცაა, რაც აკრძალულია. და ბოლოს, ვაჟკაცობის ასაკის ღვაწლთა შემდგომ დგება დრო გარკვეული მოსვენებისა — სიბერისა. აქედან მოყოლებული — ვიდრე თვით სიკვდილამდე ადამიანისა გრძელდება ყველაზე მიხრწნილი და სუსტი, ყველაზე მეტად უძლური და სნეულებებს დაქვემდებარებული ასაკი.



აი, ამგვარია ცხოვრება იმ ადამიანისა, რომელიც ხორცი-  
ელად ცხოვრობს და შებორკილებულია წარმავალ საგანთა გა-  
ნუწყვეტელი მოსურვებით. ასეთი ადამიანი ძველ კაცად იწო-  
დება, გარეგან და მიწიერ კაცად, სულ ერთია — როგორც  
არ უნდა იყოს მისი ხვედრი ამქვეყნად: თუნდაც, როგორც  
ხალხი იტყვის ხოლმე, ყოველს სიკეთეში ბედნიერად წარმე-  
ტებოდეს და კეთილმოწყობილ, აყვავებულ სახელმწიფოში  
ცხოვრობდეს, მეფეთა თუ მთავართა მფარველობით სარგებ-  
ლობდეს, ანდა კანონთა მფარველობით იყოს დაცული, ანდა  
ყველა ამ პირობის ქვეშ იყოს. რამეთუ სხვაგვარად შეუძლე-  
ბელია ხალხი კეთილდღეობით ცხოვრობდეს, თუნდაც ისეთი  
ადამიანები, რომლებიც მხოლოდ მიწიერს მიესწრაფვიან,  
თუმცა, რა თქმა უნდა, ამგვარ ადამიანებსაც აქვთ, გარკვეულ-  
წილად, თავისებური სიმშვენიერე, რომელსაც ჩვენ უდაბლე-  
სი სიმშვენიერე ვუწოდეთ.

ამ ადამიანის მდგომარეობაში, ჩვენ რომ როგორც ძველი,  
გარეგანი და მიწიერი კაცი აღვწერეთ, — იმ მდგომარეობაში,  
რომელიც თავისებურად ზომიერიც შეიძლება იყოს და აღმა-  
ტებულიც მონურ კეთილმსახურებაზე, ზოგიერთი ადამიანი  
მთელი თავისი ცხოვრების მანძილზე რჩება, დაბადებიდან  
ვიდრე სიკვდილამდე. სხვანი კი, თუმცა ისინიც, აუცილებლო-  
ბისა გამო, თავიანთ ცხოვრებას ამგვარივე მდგომარეობით  
იწყებენ, მაგრამ შემდეგში შინაგანად ხელახლა იშვებიან, სუ-  
ლიერად აღორძინდებიან და დარჩენილ ნაშთს უწინდელი  
მდგომარეობისას (ანუ ძველ კაცს თავის თავში) თანდათან ამ-  
ცილებენ და სულაც მოაკვდინებენ; ისინი სულიერად გან-  
მტკიცდებიან, სიბრძნეში იზრდებიან და მხოლოდ ზეციურ  
კანონებს ემორჩილებიან მანამდე, ვიდრე სრულ აღორძინებას  
მიადწევდნენ ხილული სიკვდილის შემდეგ. აი, ამგვარ ადამი-  
ანს კი — ახალი კაცი ეწოდება, ანუ შინაგანი, ზეციური კაცი,  
რომელსაც, თავის მხრივ, საკუთარი სულიერი ასაკნი აქვს, წე-  
ლიწადთა შესაბამისად კი არა, არამედ განსაზღვრული შინა-  
განი (სულიერი) წარმატებულობის მიხედვით ჩამოყალიბებუ-  
ლი. ეს ასაკნი სულიერი, ახალი კაცისა შემდეგია:

პირველ ასაკს სულიერი კაცი ისტორიის ველზე ატარებს,  
რომელიც მას სასარგებლო მაგალითებით ასაზრდოებს; მეორე

ასაკია — ყოველივე ადამიანურის დაეიწყებისა და ღმერთისაკენ სწრაფვის დრო, როცა ის აღარ არის დამოკიდებული ადამიანურ ავტორიტეტზე და გონების გაძლიერებულ მოქმედებაში მხოლოდ უზენაეს და უცვალებელ სჯულს ეყრდნობა; მესამე ასაკია — კიდევ უფრო მეტად მტკიცე მდგომარეობა სულისა, როცა ადამიანი გონების ძალით მოიცავს, იმორჩილებს ხორციელ სურვილებს და შინაგანად უხარის ამ, თავისებურად მეუღლეობრივი სიტყბოების განცდისაგან, როცა სული მისი (წარსულის) მოგონებას უერთდება და სიმორცხვის საფარველით იბურება, ისე, რომ უკვე იძულებისა გამო კი არ ცხოვრობს სათნო ცხოვრებით, არამედ თავისი ნებით, და თუნდაც ყველაფერს შეუნდობდნენ მას, მაინც აღარ სურს სცოდავდეს; მეოთხე ასაკია ის დრო, როცა ადამიანი იმასვე აკეთებს, რასაც მესამე ასაკში იქმდა, მაგრამ უკვე გაცილებით მტკიცედ და თანამიმდევრულად, რის გამოც არის სრულყოფილი კაცი, შემძლე იმისა და შემზადებული იმისათვის, რომ ღირსეულად დაითმინოს ამა ქვეყნის ყოველი უბედურება, ქარიშხალი და მშფოთვარება, და სძლიოს კიდევ მათ; მეხუთე ასაკი ახალი კაცისა — მშვიდობიანი და ყოველ მხრივ მოსვენებული პერიოდია, როცა ადამიანი უზენაესი, გამოუთქმელი სიბრძნის სრულს სიმდიდრესა და უხვებაში ჰგებებს; მეექვსე ასაკია — საუკუნო ცხოვრებისათვის ყოველმხრივი შემზადებისა და თავის შეცვლის დრო, როცა ადამიანი მთლიანად ივიწყებს ამა წარმავალ სიცოცხლეს და სწორედ იმ სახეს შეიძენს სრულყოფილებისას, რომელიც ღმერთის ხატად და მსგავსად შეიქმნა; დაბოლოს, მეშვიდე ასაკია — უკვე საუკუნო ღმერთისად და მარადიული ნეტარება, რომელშიც აღარავითარი ასაკი არ არის, რამეთუ როგორც ძველი კაცის ბოლო — (ხორციელი) სიკვდილია, ასევე ახალი კაცის გვირგვინია — საუკუნო ცხოვრება, იმიტომ, რომ პირველი — ცოდვის შეილია, მეორე კი — სიმართლისა და კეთილმსახურებისა.

**მასზედ, თუ როგორ მიმდინარეობს ორივე ამ კაცის  
(ხორციელისა და სულიერის, ანუ ძველისა და ახლის)  
ცხოვრება ადამიანთა მთელს მოდგმაში.**

მაგრამ ყოველგვარ ეჭვს გარეშეა, ორივე ეს კაცი იმგვარად არსებობს, რომ ერთ-ერთი მათგანის მდგომარეობაში, ანუ ძველი და მიწიერი კაცის მდგომარეობაში ადამიანს შეუძლია იცხოვროს მთელი თავისი ამქვეყნიური ცხოვრების განმავლობაში, ხოლო ახალი და ზეციური (ანუ სულიერი) კაცის მდგომარეობაში სხვაგვარად არავის ძალუძს ამქვეყნად ცხოვრება, თუ არა მხოლოდ ძველ კაცთანვე ერთად, რამეთუ სწორედ მისი მდგომარეობიდან იწყებს ცხოვრებას აუცილებლობისა გამო და მასთან ერთადვე განაგრძობს ხილულ სიკვდილამდე, ამასთან ერთ-ერთი უძღურდება ხოლმე, მეორე კი წარმატებულია; ზუსტად ასევე მთელი კაცთა მოდგმაც, რომლის ცხოვრებაც ადამიდან ვიდრე დასასრულამდე ამა ქვეყნისა თითქოსდა ერთი ადამიანის ცხოვრებაა, იმგვარად წარიმართება საღმრთო განგებულებით, რომ ორ სახეობადაა გაყოფილი. ერთს განეკუთვნება უკეთურ ადამიანთა სიმრავლე, რომელნიც თავის თავში მიწიერი კაცის ხატს ატარებენ ქვეყნის დასაბამიდან მის დასასრულამდე. მეორე სახეობას განეკუთვნება რიგი ღმერთისადმი ერთგული ადამიანებისა, რომლებიც, ამის მიუხედავად, ადამიდან მოყოლებული ვიდრე იოანე ნათლისმცემლამდე მიწიერი კაცის ცხოვრებით ცხოვრობდნენ, და ამასთანავე, გარკვეული მონური კეთილმსახურებით იყვნენ აღესილნი; მათი ისტორია ძველ აღთქმად იწოდება, რომლითაც მათ, ასე ვთქვათ, მიწიერი მეუფება აღეთქვა, და მთლიანად ეს სხვა არაფერია, თუ არ სახე ახალი ერისა და ახალი აღთქმისა, რომელიც ზეციურ მეუფებას ალგვითქვამს. ამასთან, დროებითი ცხოვრება უკანასკნელი ერისა იწყება უფლის ამქვეყნად მოვლინებით და გაგრძელდება თვით განკითხვის დღემდე, როცა უფალი კვლავ მოვალს ძლევიდა და დიდებითა თვისითა. ამ დღის შემდეგ აღსრულდება ის დიდი ცვალება, რომელიც ანგელოსებრ ცხოვრებას გვიქადის,

რამეთუ „ყოველთავე უკუე არა შევისვენოთ, ხოლო ყოველნივე განვახლდეთ“ (I კორინთ. 15, 51). მართალი მორწმუნეები იმინთვის აღდგებიან მკვდრებით, რომ ძველი კაცის ნაშთი თავის თავში ახალ კაცად გარდაქმნან; ხოლო უკეთურნი, ყოველთვის ძველი კაცის ცხოვრებით რომ ცხოვრობდნენ, იმისთვის აღდგებიან, რომ მეორე სიკვდილს, ანუ საუკუნო სატანჯველს ეწიონ. ხოლო რაც შეეხება თითოეული ამ სახეობის ასაკებად დაყოფას, ამას ისინი მოიძევენ, რომელნიც კაცობრიობის ისტორიას ჩაუკვირდებიან: ასეთი ადამიანები არ შეუშინდებიან ბედისწერის წინაშე არც ღვარძლსა და არც ჩალას. რამეთუ უკეთურიც ხომ კეთილმოშიშისათვის ცხოვრობს, ცოდვილი კი — მართალი მორწმუნისათვის, რათა უკეთურთან და ცოდვილთან თავის შედარების გზით კეთილშაზურ და მართალ ადამიანს შეეძლოს უფრო მეტის გულმოდგინებით იღვწოდეს სულიერი სრულყოფისათვის, სანამ დასასრულს (ამქვეყნიური ცხოვრებისა) არ მიაღწევს.

## თავი XXVIII

მასწედ, თუ რა, ვის და როგორ უნდა გადაეცეს.

ამასთანავე, მიწიერი კაცის ცხოვრების განმავლობაში ვისაც არ უნდა მიეღწია თავის თავში შინაგანი კაცის განათლებისათვის, კაცთა მოდგმა ყველას შეეწეოდა ვითარებისდა კვალად, — აწვდიდა იმას, რასაც მისი ასაკი მოითხოვდა, ხოლო რისი მოცემაც ჭერ ნაადრევი იყო, იმას წინასწარმეტყველების გზით განუცხადებდა. ასეთ მამამთავრებსა და წინასწარმეტყველთ მხოლოდ ისინი ნახულობენ, რომლებიც ბავშვებივით კი არ ეცემიან, თუ ეკვეთებიან ხოლმე ყოველივე სახიერსა და ღრმად საიდუმლოს საღმრთო თუ კაცობრივ საქმეებში<sup>1</sup>, არამედ კეთილმოშიშად და ყურადღებით გამოიძიებენ ამას. ახალი ერის დროშიც კი, როგორც მე ვპგონებ, დიდნი და სულიერნი კაცნი, გამოზრდილნი ქრისტეს საზოგადო ეკლესიის

<sup>1</sup> ნეტარი ავგუსტინე აქ მანიქეელებს გულისხმობს.

მიერ, ერიდებიან უბრალოდ (მდაბიურად) საუბარს ყოველივე იმაზე, რაც, მათის ფიქრით, ნაადრევია ხალხისთვის გასამხელად: მრავალთ, ქვეშარიტებას მოწყურებულთ, მაგრამ ჭერეთ უძლურთ ისინი უხვად და დაჟინებით მიაწვდიან რძის საზრდოს, უფრო მომძლავრებულთ კი, რომელთა შორის მცირედნი არიან ბრძენნი, მყარ საზრდოს სთავაზობენ. სიბრძნის შესახებ ისინი მხოლოდ სრულყოფილთა შორის ლაპარაკობენ, ხოლო ხორციელ და მშვენიერი ადამიანებს, თუმცა ახალთ, მაგრამ ჭერ უმწიფართ, ბევრს რასმე უმაღავენ, მაგრამ არამც და არამც არ ატყუებენ. რამეთუ თავისი განდიდებისა და ამოპატივისათვის კი არ ზრუნავენ, არამედ იმათ სარგებლობაზე ფიქრობენ, რომლებთანაც ურთიერთობა მოუწიათ ამქვეყნად. ასეთია საღმრთო განგებულების კანონი, რომ ვერავინ ვერ მიიღებს შეწვენას მაღლით ღმერთის მაღლის შეცნობისა და მიღებისათვის, თუკი თვით არ შეეწევა წმიდის გულით ამავეში თავისზე დაბლა მდგომთ. ამრიგად, ჩვენი ცოდვით დაცემის შემდგომ, რაც ცოდვილის სახელით აღასრულა თვით ბუნებამ ჩვენმა, კაცთა მოდგმა უდიდეს შემკულებად შეიქნა ამა ქვეყნისათვის, და ისე მშვენიერად წარმართება ღვთაებრივი განგებულებით, რომ მისი კურნების ენით უთქმელი ხელოვნება თვით სისაძაგლესაც კი ჩვენი მანკიერებებისა გადააქცევს რაღაც გამოუცნობ, თავისებურ სიმშვენიერედ.

## თავი XXIX

**მეორე საშუალებისათვის ხსნისა, ანუ გონებისათვის, —  
თუ როგორ აღიყვანება მისი წინამძღვრობით წარმართული  
ადამიანი ღმერთამდე; გონების აღმატებულებისათვის  
(სხეულებრივ) გრძნობებზე.**

ავტორიტეტის კეთილმოქმედებაზე უკვე იმდენი ვილაპარაკეთ, რამდენიც საკმარისად გვესახება ამჟამად. ახლა კი ვნახოთ, თუ რა შორს შეუძლია გონებას წავიდეს ხილულისაგან არახილულისაკენ მიმავალ გზაზე, ანუ დროებითისაგან (წარმავალისაგან) მარადიულისაკენ მიმავალ გზაზე. მართლაც-

და, ამოდ და ტყუილუბრალოდ ხომ არ უნდა ვჭკრეტდეთ ჩვენ სიმშენიერეს ამა ზეცისა, წესრიგს ვარსკვლავთა, ბრწყინვალეობას ნათელისა, მონაცვლეობას დღისა და ღამისა, მთვარის ყოველთვიურ მსვლელობას, წელიწადის დაყოფას ოთხ დროდ, რაც სამყაროს ოთხ ელემენტს შეესაბამება; ესოდენ დიდ ძალას თესლთა, რომელნიც სახეობებსა და გვართ აღმოაცენებენ, და ბოლოს ამოდ ხომ არ უნდა ვჭკრეტდეთ ყოველივესაც, რაც თავის გვარში საკუთარ სახესა და ბუნებას რომ ინარჩუნებს! ყოველივე ამის განხილვა-გამოძიებაში ჩვენ უქმი და საწუთო ცნობისწადილი კი არ უნდა გვაშოძრავებდეს, არამედ ამით თანდათანობით უნდა მივემართებოდეთ უკვდავისა და მარადის არსყოფის შეცნობისაკენ. რამეთუ უახლოესი ამოცანა ჩვენთვის იმ საკითხის გადაწყვეტაა, თუ რას წარმოადგენს ეს ბუნება სიცოცხლისა, ყოველივე ამას რომ შეიგრძნობს, და რაკი სხეულის განმაცოცხლებელი და მამოძრავებელია, ამიტომ უსათუოდ მასზე აღმატებული რამ უნდა იყოს. რადგანაც როგორი დიდიც არ უნდა იყოს რაიმე სხეული, და როგორი ნათელითაც არ უნდა ასხივებდეს ამა ხილულ ქვეყანას, მაინც ის დიდი შეფასებისა და თაყვანების საგანი არ უნდა შეიქნეს, რადგან მასში არ არის სიცოცხლე და გონიერება, — ყოველი ცოცხალი არსი, ბუნების კანონთა შესაბამისად, ყოველგვარ არაცოცხალ არსზე აღმატებულად უნდა მივიჩნიოთ ხოლმე.

მაგრამ რადგანაც არავინ არ დაეჭვდება იმაში, რომ არაგონიერი პირუტყვებიც ცხოვრობენ და გრძნობებით აღიქვამენ გარესამყაროს, ამიტომ აღამიანის სულში ჩვენთვის უფრო მეტი ღირებულება იმას კი არ უნდა მიეცეს, რისი საშუალებითაც იგი შეიგრძნობს, არამედ იმას, რისი საშუალებითაც იგი სჯის ყოველივე გრძნობისმიერის შესახებ. მართლაცდა, ძალზე ბევრ ცხოველს უფრო მახვილი მხედველობა აქვს, და თავისი სხეულის სხვა ორგანოებსაც უფრო ქმედითად მოიხმარს, ვიდრე აღამიანი, მაგრამ უნარი სხეულებსა და სხეულებრივ გრძნობებზე სჯისა — არის თვისება მხოლოდ გონიერი სულისა, გრძნობებით შემოსილისა, და ეს გონიერება არა აქვთ მგრძნობიარე პირუტყვებს, რითაც ჩვენ აღვემატებით კიდევ მათ. ამის დანახვა უკვე იქიდანაც შეიძლება საკმაოდ ადვილად,

რომ ცხადია: ვინც სჯის, გაცილებით აღმატებულია იმაზე; რასაც განსჯის. ამასთანავე, გონიერი სიცოცხლე მხოლოდ იმაზე კი არ მსჯელობს, რაც გრძნობებს არის დაქვემდებარებული, არამედ თვით ამ გრძნობებსაც სჯის; მაგალითად, შეუძლია განსაჯოს, თუ რატომ გვეჩვენება ხოლმე ნიჩაბი წყალში ტეხილად, მაშინ, როცა სინამდვილეში იგი მრთელი და სწორია, ანდა ის, თუ რატომ ხედავს მას თვალი ამგვარად — ტეხილად წყალში; ამ მოვლენის აღნუსხვა თუ დადასტურება თვალს (მხედველობის გრძნობას) ნამდვილად შეუძლია, მაგრამ მანზე მსჯელობა კი — არ შეუძლია. აქედან ცხადია, რომ რამდენადაც გრძნობით დაჯილდოებული სიცოცხლე აღმატებულია უსიცოცხლო სხეულზე, ამდენადვე გონიერი სიცოცხლე ორივეს ამათ აღმატება.

### თავი XXX

**ქასზედ, რომ უცვალეებელი სჯული, ანუ ჭეშმარიტება, რომლის შესაბამისადაც წარმოითქმება ყოველი სჯა, აღმატებულია გონიერებაზე.**

ამრიგად, თუკი გონიერი სიცოცხლე თავისი თავით განსჯის, მაშასადამე მანზე აღმატებული უკვე არავითარი ბუნება არ არის. მაგრამ რადგანაც ცხადია, რომ იგი ცვალებადია — ხან გამოცდილია ხოლმე, ხან კი — გამოუცდელი, ამასთან, მით უფრო უკეთესად სჯის, როცა გამოცდილია, ხოლო გამოცდილი მით უფრო არის, რაც უფრო მეტად არის დაუფლებული რომელიმე ხელოვნებას, მეცნიერებასა თუ სიბრძნეს, — ამიტომ აუცილებელია გამოძიება თვით ხელოვნების ბუნებისა. მოცემულ შემთხვევაში მე იმ ხელოვნებას კი არ ვგულისხმობ, გამოცდილებით რომ ვლინდება, არამედ იმას, რომელიც აზროვნებაში მყდავნდება. რამეთუ რა აქვს მშვენიერი იმ ადამიანს, ვინც იცის, რომ კირისა და ქვიშისაგან მომზადებული ნარევი უფრო მტკიცედ აღუდებებს ქვებს, ვიდრე თიხისა, ანდა იმას, ვინც ისეთის დახელოვნებით აგებს შენობას, რომ მისი მრავალრიცხოვანი ნაწილნი ისე შეესატყვისებიან ერთ-

მანეთს, როგორც თანაბარნი-თანაბართ, ხოლო ერთეული ნაწილნი შუაგულში იკავებენ ადგილს, თუმცა კი ეს გრძნობა სიმეტრიისა უკვე გონიერებასთან და ქვეშარტებასთანაა ახლოს? მაგრამ თავისთავად გასაგებია, რომ ჩვენ უნდა გავარკვიოთ, თუ რატომ აღშფოთდება ჩვენი გრძნობა ორი სხვადასხვა ზომის ფანჯრის დანახვაზე, ერთმანეთის გვერდით რომ მდებარეობდნენ, და არა — ზევით თუ ქვევით? რატომ გვგონია, რომ უმჯობესი იქნებოდა, თუკი ეს ფანჯრები თანაბარი ზომისა იქნებოდნენ? და რატომ აღარ აღგვაშფოთებდა მათი ზომის სხვადასხვაობა, დაე, თუნდაც ეს სხვაობა ორგანიზაციის იყოს, თუკი ფანჯრები სხვადასხვა სიმაღლეზე იქნებოდნენ განლაგებულნი — ერთი მაღლა, მეორე კი — დაწლა? ანდა რატომ არის, რომ ორი ფანჯრის დანახვისას ჩვენ ნაკლებად გვინტერესებს ის საკითხი, თუ რამდენად დიდია ამ შემთხვევაში (ანუ სხვადასხვა სიმაღლეზე მდებარე ფანჯრების შემთხვევაში) ერთი, და რამდენად მცირე — მეორე? და ეს მაშინ, როცა სამი ფანჯრის შემთხვევაში, ალბათ რაღაც გარეგანი გრძნობა მოითხოვს ან იმას, რომ სამივე ფანჯარა თანაბარი იყოს, ანდა იმას, რომ უდიდესსა და უმცირესს შორის ისეთი ფანჯარა იყოს, რომელიც იმდენადვე დიდი იქნებოდა მცირეზე, რამდენადაც მცირე — დიდზე. მაშასადამე, თითქოსდა თვით ბუნება ზრუნავს იმაზე, რომ ჩვენ ვიცოდეთ რისი მოწონება ჯერ არს და რისი — არა. ამასთანავე, სხვათა შორის, უნდა აღვნიშნოთ შემდეგი: ისეც ხდება ხოლმე, რომ გარკვეული საგანი პირველი ნახვისას მოგვწონს, შემდეგ კი, როცა მას უკეთესს საგნებს შევუდარებთ — აღარ. ამრიგად, ხელოვნება, ჩვეულებრივი გაგებით, სხვა არაფერია, თუ არა გამეორება გამოცდილებიდან აღებული და ჩვენს მიერ მოწონებული საგნებისა, მასალისა თუ მოქმედების ამა თუ იმ სახით გამოყენებასთან ერთად; და შენ თვითონ რომც არ შეგეძლოს ამის ქმნა, — იმის განსჯა მაინც შეგეძლება, თუ რა არის ყველაზე მშვენიერი ამ სახის ნაწარმოებებში; მშვენიერი ნაწარმოების შექმნა ბევრს არ შეუძლია, მაგრამ სწორი სჯა მასზე მათთვისაც მისაწვდომია.

მაგრამ რადგანაც ყოველგვარ ხელოვნებაში სასიამოვნო შთაბეჭდილებას ჩვენზე ახდენს ჰარმონია, რომლის წყალობითაც არის კიდევ ყოველივე მთლიანი და მშვენიერი, თვით



ჰარმონია კი სითანაბრესა და ერთიანობას მოითხოვს, რასაც ან თანაბარ ნაწილთა მსგავსება შეადგენს, ანდა — არათანაბარ ნაწილთა პროპორციულობა, — ამიტომ განა შეუძლია ვინმეს სრულყოფილი სითანაბრე თუ მსგავსება ნახოს არსებულ სხეულებში, ანდა განა გაბედავს ვინმე, დაკვირვებული განხილვის შემდეგ, თქვას — ესა თუ ის სხეული ნამდვილად და სრულიად ერთიანიაო, მაშინ, როცა ყველაფერი იცვლება, ერთი სასეობიდან მეორეში გადადის, ერთი ადგილიდან — მეორეზე, და იმ ნაწილებისაგან შედგება, თავიანთი განსაზღვრული ადგილი რომ უკავიათ, რის მიხედვითაც ყოველივე დაყოფალია კიდევ განსხვავებულ სივრცეებში?! კვალად, ყველაზე ჭეშმარიტი სითანაბრე და მსგავსება, აგრეთვე ყველაზე ჭეშმარიტი და უპირველესი ერთიანობა სხეულებრივი თვალებით ან რომელიმე სხეულებრივი გრძნობით კი არ აღიქმება, არამედ მხოლოდ მოაზროვნე გონებით შეიმეცნება. რამეთუ საიდან შეიძლებოდა ჩვენში გაჩენილიყო მოთხოვნა რაიმე სახის სითანაბრისა სხეულებში, ანდა საიდან შეგვექნებოდა შეხედულება იმისა, რომ ძალზე ბევრი რამ არსებულ საგანთაგან შორსა დგას სრულყოფილი სითანაბრისა და ერთიანობისაგან, თუკი ჩვენს გონებაში არ იარსებებდა რალაც წარმოდგენა ამ სრულყოფილ სითანაბრესა და ერთიანობაზე (თუკი, ამასთან, ჯერ-არს არაქმნილ სითანაბრეს სრულყოფილს ვუწოდებდეთ)?!

და რადგანაც ყოველივე, გრძნობისმიერად მშვენიერი — სულ ერთია, ბუნების ქმნილება იქნება ის, თუ ხელოვნების ნაწარმოები, — სივრცეში და დროშია მშვენიერი, როგორც, მაგალითად, სხეული და მისი მოძრაობანი, ამიტომ ეს, მხოლოდ გონებით შეცნობადი სითანაბრე და ერთიანობა, რომლის მიხედვითაც ჩვენ ვმსჯელობთ კიდევ სხეულებრივი სიმშვენიერის შესახებ გარეგანი გრძნობების მეშვეობით. არც სივრცეში უნდა იყოს გაშლილი და არც დროში — ცვალებადი. რამეთუ სწორი არ იქნება, თუკი ვიტყვი, რომ, მაგალითად, მრგვალ სალტეზე ჩვენ ამ სითანაბრისა და ერთიანობის მიხედვით ვმსჯელობთ, ხოლო მრგვალ ჭურჭელზე — არაო, ანდა თუკი ვიტყვი, ამ მრგვალ ჭურჭელზე ვმსჯელობთ მის შესაბამისად, მრგვალ დინარზე კი — არაო. ზუსტად ასევე სხეუ-

ლის დროისა და მოძრაობის შესახებ უცნაური იქნება თქმა იმისა, თანაბარ წელიწადთათვის ამ სითანაბრისა და ერთიანობის მიხედვით ვმსჯელობთო, თანაბარ თვეთათვის — კი არაო, ანდა თანაბარ თვეთა გამო მის შესაბამისად ვმსჯელობთ, თანაბარ დღეთა შესახებ კი — არაო. მაშასადამე, თუკი წლის, თვის, საათისა თუ უფრო ხანმოკლე დროის მონაკვეთში რაიმე მწყობრად მოძრაობს, ჩვენ მის შესახებ ვმსჯელობთ ერთი და იმავე ერთიანი და უცვალებელი სითანაბრის საფუძველზე. ხოლო თუკი ფიგურათა და მოძრაობათა უფრო დიდსა თუ უფრო მცირე სივრცეზე ჩვენ ვმსჯელობთ სითანაბრის, ანუ მსგავსების, ანუ თანხედრობის ერთი და იგივე კანონის საფუძველზე, მაშინ უნდა ვადიაროთ, რომ თვით ეს კანონი აღმატებულია ყველაფერ ამაზე ძალის მხრივ, — სივრცისა და დროის მხრივ კი ის არც მეტია და არც ნაკლები, რადგან ამ მხრივ მეტი რომ ყოფილიყო, მაშინ მცირეზე მთელი მისი სისრულია მიხედვით არ ვიმსჯელებდით, ხოლო უფრო ნაკლები რომ ყოფილიყო, მაშინ სულაც არ ვიმსჯელებდით უფრო დიდზე მის მიხედვით. როგორადაც კვადრატურის კანონის მიხედვით, მისი მთლიანი სახით, ჩვენ ამჟამად ვმსჯელობთ კვადრატულ ფართობზეც, კვადრატულ ქვაზეც, კვადრატულ დაფებზეცა და ძვირფას ქვებზეც, ზუსტად ამგვარადვე სითანაბრის კანონის მიხედვით, მისი მთლიანი სახით, ჩვენ ვმსჯელობთ ჭიანჭველას მოძრაობაზეც და ვეება ნაბიჯით მავალ სპილოზეც; ამიტომ განა შეიძლება ვინმეს ეჭვი შეეპაროს, რომ ეს კანონი, სხვა ყველაფერზე აღმატებული თავისი ძალით, სივრცისა თუ დროის მიხედვით არც მეტია რაიმეზე და არც ნაკლები? ხოლო რადგანაც ყველა ხელოვნების მომცველი ეს კანონი სრულიად უცვალებელია, ადამიანის გონება კი, რომელსაც მოეცა უნარი ამ კანონის შემეცნებისა, სავსებით შეიძლება დაექვემდებაროს ცვალებად კანონს შეცთომილებისა, — ამიტომ, აქედან გამომდინარე, ცხადზე უცხადესია, რომ ჩვენს გონებაზე აღმატებულია ის კანონი, რომელიც ჭეშმარიტებად იწოდება.

მასზედ, რომ ღმერთია ის უზენაესი კანონი, რომლის მიხედვითაც და რომლის საფუძველზეც სჯის ჩვენი გონება, მაგრამ თვით ამ კანონზე მსჯელობა (ჩვენთვის) — დაუშვებელია.

აქედან კი ისიც უეჭველი ხდება, რომ უცვალებელი ბუნება, რომელიც ყოველგვარ გონიერ სულზე მაღლა დგას, არის ღმერთი, და რომ პირველი სიცოცხლე და პირველი არსი იქ ჰკიებეს, სადაც არის პირველი სიბრძნე. აი, სწორედ ეს სიბრძნეა უცვალებელი ქეშმარიტება, რომელიც სამართლიანად იწოდება კანონად ყველა ხელოვნებისათვის და ხელოვნებად ყოვლადძლიერი შემოქმედისა (მხატვრისა). მაშასადამე, რაკი სული (ადამიანისა) შეიცნობს, რომ სხეულებრივ სახეებსა და სხეულთა მოძრაობაზე თავისით როდი მსჯელობს, ამასთან ისიც უნდა აღიაროს, რომ მისი ბუნება აღმატებულია განსასჯელის ბუნებაზე, და ისიც, რომ, მეორეს მხრივ, მის ბუნებაზეც მაღლა დგას ის ბუნება, რომლის შესაბამისადაც ის სჯის, თვით მასზე სჯა კი არაფრით არ შეუძლია. მართლაც, მე შემიძლია იმის თქმა, თუ რატომ უნდა იყვნენ ყოველი სხეულის ნაწილები ერთმანეთის მსგავსი ორივე მხარეს, რადგან დავტკებები უზენაესი სითანაბრით, რომელსაც სხეულებრივი თვალეებით კი არ ვკვრეტ, არამედ — გონებით. მაგრამ რატომ არიან ეს ნაწილები სწორედ ამგვარნი, და არა სხვანაირნი, — ამის თქმა არავის შეუძლია, და არც არავინ კეუათმყოფელი არ იტყვის ამას, რადგან ისინი სწორედ ამგვარნი უნდა იყვნენ და სხვაგვარად ყოფნა არ შეუძლიათ. აქედან გამოიწინარე, ყველაფერი, რასაც მე თვალეებით ვხედავ, მით უფრო კარგია, როგორც მე ვჭგონებ, რაც უფრო ახლოს დგას თავისი ბუნებით იმასთან, რასაც მე გონებით წარმოვიდგენ.

იმასაც კი ვერავინ იტყვის, თუკი ის სწორად მსჯელობს, თუ რატომ მოგვწონს ჩვენ ყოველივე ამგვარი, და რატომ არის, რომ რაც უფრო ახლოდან ვაკვირდებით ასეთს რასმე, მით უფრო მეტად გვიყვარდება: რამეთუ როგორადაც ჩვენ, ყოველნი გონიერნი არსებანი, ქეშმარიტების შესაბამისად

ემსჯელობთ უდაბლეს საგნებზე, ზუსტად ამგვარადვე ჩვენც განგვსჯის ერთი უზენაესი ჭეშმარიტება, როცა მას შევეუერთდებით, თვით ჭეშმარიტებას კი მამაც არ განსჯის, რადგან ის მამაზე ნაკლები როდია, და ამასთანავე, ყოველივეს, რასაც კი მამა განსჯის, იგი ჭეშმარიტების მიერ განსჯის. რამეთუ ყოველივე, რაც კი ერთიანობას ესწრაფვის, სწორედ მასში, ამ უზენაეს ჭეშმარიტებაში პოულობს თავის საზომს, ფორმას, ან თავის ნიმუშს, და თუნდ სხვა რამ სახელიც უწოდონ ამას, — რადგანაც მხოლოდ იგი (ეს უზენაესი ჭეშმარიტება) წარმოადგენს თავით თვისით სრულს მსგავსებას იმისა, ვისგანაც მიუღია არსებობა, თუკი ამ სიტყვას — „მიღებას“ — იმ მნიშვნელობით გავიგებთ, რომლის მიხედვითაც იგი იწოდება კიდევ ძედ, რამეთუ თავისი თავის მიერ კი არ არსებობს, არამედ უზენაესი პირველდასაბამისაგან აქვს მიღებული არსებობა, იმისგან, ვინც მამად იწოდება და „რომლისაგან ყოველნი ნათესავენი ცათა შინა და ქვეყანასა ზედა სახელ-დებულ არიან“ (ეფეს. 3, 15). აქედან გამომდინარე, „არცალა მამამ სჯის არავის, არამედ ყოველი სასჯელი მოსცა ძესა“ (იოანე 5, 22). ამიტომაც, „სულიერი განიკითხავს ყოველსავე, და იგი არავისგან განიკითხვის“ (I კორინთ. 2, 15), ანუ ის (სულიერი ადამიანი) არც ერთი ადამიანისაგან არ განიკითხება, არამედ მხოლოდ იმ სჯულისაგან განიკითხება, რომლის მიხედვითაც და რომლის საფუძველზეც თვით განიკითხავს ყოველივეს. რამეთუ ძალზე სამართლიანად არის ნათქვამი, რომ „ჩვენ ყოველნი განცხადებულ ვართ წინაშე საყდართა ქრისტესთა, რაათა მოიღოს კაცად-კაცადმან ზორცთა ამათგან, რადცა-იგი ქმნა — გინა თუ კეთილი, გინა თუ ბოროტი“ (II კორინთ. 5, 10). მაშასადამე, იგი (სულიერი ადამიანი) ყოველივეს განსჯის იმიტომ, რომ როცა ღმრთისა თანა ჰკიებს, მაშინ ყოველივეზე აღმატებულია, ღმრთისა თანა კი ის იმ შემთხვევაში ჰკიებს, თუკი წმიდის გულით და სრულის სიყვარულით უყვარს ყოველივე ის, რის შესახებაც ფიქრობს. ასე, რომ, რამდენადაც ეს შესაძლებელია, იგი თვით შეიქნება ზოლმე იმ კანონად (სჯულად), რომლის შესაბამისადაც განსჯის ყოველივეს, თვით ამ კანონზე სჯა კი არაფრით არ ძალუძს. იგივე შეგვიძლია დავინახოთ აწინდელი (ამქვეყნიური),

დროებითი კანონების განსჯაშიც: ადამიანები თუმცა კი მსჯელობენ ხოლმე მათს შესახებ, როცა დაადგენენ მათ, მაგრამ მას შემდეგ, რაც კანონები დადგენილია და მოქმედებს, მსაჯულს ნებადართული აქვს არა თვით მათზე მსჯელობა, არამედ — მათს შესაბამისად განსჯა. მაგრამ დროებით კანონთა შედგენისას კანონმდებელი, თუკი ის კეთილი და ბრძენი ადამიანია, ცდილობს მიბაძოს იმ საუკუნო კანონებს, რომელთა განსჯა არ ძალუძს არც ერთ სულს, იმისთვის, რომ მათს უცვალებელ დადგინებებთან შეთანხმებულად განსაზღვროს, თუ რა იყოს ნებადართული და რა — აკრძალული, შესაბამისად დროის მოთხოვნისა.

ამრიგად, წმიდა, უზაკველ სულებს ნებადართული აქვთ მარადიული სჯულის შეცნობა, ხოლო განსჯა მისი — არა აქვთ ნებადართული. განსხვავება ამ შემთხვევაში იმაში მდგომარეობს, რომ შეცნობისას ჩვენ ვჯერდებით იმის აღიარებას, რომ გარკვეული საგანი არსებობს ამა თუ იმ სახით, განსჯისას კი, ამას იმასაც ვუმატებთ, რითაც გამოვთქვამთ აზრს, რომ ამ საგანს სხვაგვარადაც შეუძლია არსებობა, თითქოსდა ვამბობთ — „ეს ასე უნდა იყოსო“, ანდა „ეს ამგვარად არ უნდა იყოსო“, ან „ეს უსათუოდ ამგვარად იქნებაო“, ანუ ისევე მოვიქცევით, როგორადაც მხატვრები იქცევიან თავიანთი ნაწარმოებების შექმნისას.

## თავი XXXII

**ერთიანობის ნიშან-თვისებანი — არის სხეულებში, მაგრამ თვით ერთიანობა მხოლოდ გონებით შეიმეცნება.**

მაგრამ მრავალი ადამიანისათვის ერთადერთი მიზანი ცხოვრებისა მხოლოდ სიამოვნების მიღებაა; მათ არ სურთ უფრო ამაღლდნენ თავიანთი აზროვნებით და ისიც განსაჯონ, თუ რატომ ჰბადებენ ჩვენში სასიამოვნო შთაბეჭდილებას ესა თუ ის საგნები. თუკი, ვთქვათ, ხუროთმოძღვარს, ერთი თალი რომ აუგია უკვე, მე ვკითხავ, რატომ განგიზრახავს ასეთივე თალის აგება მეორე, საწინააღმდეგო მხრიდანაც-მეთქი, იგი, როგორც მე ვჭკონებ, მომიგებს, რომ ამას მოითხოვს სიმეტრია შენო-

ბისა, ანუ ის კანონი, რომლის მიხედვითაც შენობის თანაბარი ნაწილები უნდა შეესატყვისებოდნენ ერთმანეთს; კვალად, თუკი მე ვკითხავ მას, რატომ ამჯობინებ სწორედ ამგვარ (სიმეტრიულ) და არა სხვა სახის დაგეგმვას შენობისას-მეთქი, ხუროთმოძღვარი, ალბათ ასე მომიგებს: ასეა საქირო, ასე ჯერ-არსო, ამგვარადაა მშვენიერი და სწორედ ასეთი დაგეგმვა შენობისა მოპჯვრისო მნახველთა მზერას სასიამოვნო შთაბეჭდილებას. სხვას იგი ვერაფერს ვერ მეტყვის. რამეთუ ადამიანი წელში მოხრილია და თვალებდახრილი, მხოლოდ ქვევით იყურება და არ ესმის, თუ რაზეა ყოველივე ეს დამოკიდებული. მაგრამ იმ ადამიანს, შინაგანი მზერის უნარი რომ შეუძენია და შინაგანი თვალით რომ კვრეტს ყოველივეს, მე დაუღალავად მოვაბეზრებ თავს იმ შეკითხვით, თუ მაინც რატომ აღმოაცენებენ ჩვენში სასიამოვნო შთაბეჭდილებას მსგავსი საგნები, და იმ მიზნით მოვაბეზრებ თავს ასეთი შეკითხვით, რომ მან ისწავლოს განსჯა თვით სიამოვნებისა. რამეთუ სწორედ და მხოლოდ ამ შემთხვევაში, ანუ როცა ისწავლის სიამოვნების განსჯას, იგი აღმადგება ყოველგვარ სიამოვნებაზე და აღარ იქნება მისი მონა, რადგან უკვე თვით მას განსჯის, და არა — მის შესაბამისად. და პირველ ყოვლისა მე ვკითხავ ასეთ ადამიანს — იმის გამო არიან ასეთი საგნები მშვენიერნი, რომ სასიამოვნო შთაბეჭდილებას ჰბადებენ-მეთქი ჩვენში, თუ სწორედ იმის გამო ჰბადებენ-მეთქი სასიამოვნო შთაბეჭდილებას, რომ მშვენიერნი არიან? ამ შეკითხვაზე, იგი უეჭველად ასე მომიგებს, რომ ისინი იმიტომ ჰბადებენ ჩვენში სასიამოვნო შთაბეჭდილებას, რადგან მშვენიერნი არიან. აქედან გამომდინარე, მე კვლავაც ვკითხავ, რატომღა არიან-მეთქი ისინი მშვენიერნი? — და თუ ის ყოყმანს დაიწყებს, დავსძენ, — იმიტომ ხომ არა, რომ მათი შემადგენელი ნაწილები თანაბარნი არიან ერთმანეთისა და განსაზღვრული შესაბამისობის (პროპორციის) წყალობით მწყობრი ერთიანობა აქვთ-მეთქი შექმნილი?

როცა ის აღიარებს, რომ ეს ნამდვილად ასეა, მე კიდევ ვკითხავ მას: სრულად გამოხატავენ, თუ არა ისინი სწორედ იმ ერთიანობას, რომელსაც მიესწრაფვიან, თუ პირიქით, განეშორებიან მას და გარკვეულწილად ცრულად წარმოგვიდგენენ? თუ ეს ასეა (იმიტომ რომ, ვინ არ იცის, რომ არ არსე-

ზობს არც ერთი ფორმა, არც ერთი სხეული, რომელშიც არ იქნებოდა ერთიანობის თუნდაც რაღაცა კვალი, და რომ, მეორეს მხრივ, რა მშვენიერიც არ უნდა იყოს სხეული, მას არ შეუძლია სრულყოფილად გამოხატავდეს იმ ერთიანობას, რომელსაც მიესწრაფვის, რადგანაც სიერცის სხვა ნაწილში იგი უსათუოდ ამგვარივე არ იქნება და, შესაძლოა, სულაც სხვაგვარი შეიქნეს), — ჰოდა, თუკი ეს ასეა მე მოვიტხოვ, რომ მიპასუხოს: სად, ანდა რაში ხედავს იგი ამ ერთიანობას? ხოლო თუკი ის ვერ ხედავს ამ ერთიანობას, მაშინ საიდან იცის, ერთის მხრივ, ის, რისი გამოხატულებაც სხეულთა გარეგანი ფორმა უნდა იყოს, მეორეს მხრივ კი ის, რისი სრულყოფილად გამოხატვა სხეულთა გარეგან ფორმას არ ძალუძს? მართლაცდა, თუკი ის ეტყოდა სხეულებს: თქვენ არარა იქნებოდით, მოცული რომ არ იყოთ გარკვეული ერთიანობით; ამასთან, თვით ეს ერთიანობა რომ იყოთ, მაშინ არც იქნებოდით სხეულებიო, — ამ შემთხვევაში, თუკი ის ასე ეტყოდა სხეულებს, სრულიად მართებულად შეგვეძლო გვეკითხა: შენ კი საიდან იცი ის ერთიანობა, რომლის მიხედვითაც მსჯელობ სხეულებზე? შენ რომ ნანახი არ გქონდეს იგი, მაშინ ვერც განსჯიდი, რომ სხეულები სრულყოფილად ვერ გამოხატავენ მას; მაგრამ თუკი, ამასთანავე, შენ სხეულებრივი თვალებით გექნებოდა ეს ერთიანობა ნანახი, მაშინ ვერ შესძლებდი სწორად განგესაჯა, რომ თუმცა სხეულები შეიცავენ თავის თავში მის კვალს, მაგრამ მაინც თვითონ შორს არიან იმ ერთიანობისაგან, რადგან სხეულებრივი თვალებით შენ მხოლოდ სხეულებრივს ხედავ; მაშასადამე, ამ ერთიანობას ჩვენ ვხედავთ მხოლოდ გონებით. მაგრამ სად ვხედავთ? ის რომ იქ იყოს, სადაც ჩვენი სხეულია, მაშინ მას ვერ დაინახავდა ის ადამიანი, სადღაც აღმოსავლეთის მხარეს ამგვარადვე რომ მსჯელობს ერთიანობაზე. მაშასადამე, ეს ერთიანობა არ არის რომელიმე ერთ ადგილას, და რაკი ყოველგან არის დამახასიათებელი იმისთვის, ვინც მსჯელობს მასზე, იგი სიერცობრივად კი არ არსებობს, არამედ მხოლოდ ძალის მიერ.

მასზედ, რომ სხეულები და სხეულებრივი ორგანოები კი არ გვატყუებენ, არამედ (მხოლოდ საკუთარი) სჯა; მომატყუებელი და ცრუ — ერთი და იგივე არ არის.

ხოლო თუკი სხეულები არასწორად გადმოგვეცემენ სახეს ერთიანობისას, მათ, როგორც მომატყუებელთ, არ უნდა ვენდოთ, რათა ამათა ამოებას არ ვეწიოთ. მაგრამ რადგანაც მომატყუებელნი ისინი, ალბათ იმიტომ არიან, რომ ერთიანობას სხეულებრივ თვალთა დასანახად წარმოგვიდგენენ, მაშინ, როცა ჭეშმარიტი ერთიანობა მხოლოდ გონებით შეიძენება, ამიტომ ჭერ-არს გამოვიძიოთ, თუ რატომ არიან ისინი მომატყუებელნი — იმდენად, რამდენადაც მსგავსნი არიან ერთიანობისა, თუ იმდენად, რამდენადაც ვერ მიუღწევიათ ამ ერთიანობისათვის. რამეთუ რომ მიეღწიათ ამ ერთიანობისათვის, მაშინ სრულყოფილად გამოხატავდნენ იმას, რისი მხოლოდ მიბაძვა არიან; ხოლო თუკი სრულყოფილად გამოხატავდნენ მას, მაშინ სრულადვე იქნებოდნენ მისი მსგავსი, და თუკი სრულად იქნებოდნენ მისი მსგავსი, მაშინ იმ (ჭეშმარიტი ერთიანობის) ბუნებასა და ამ სხეულთა ბუნებას შორის არავითარი განსხვავება არ იქნებოდა. ხოლო ეს რომ ასე იყოს, მაშინ ეს სხეულები მომატყუებლად აღარ წარმოადგენდნენ ერთიანობას. თუმცა ისინი არ არიან მომატყუებელნი იმათთვის, ვინც დაკვირვებული თვალთა კვრეტს მათ, იმიტომ, რომ გვატყუებს ის, ვისაც სურს იმად არ წარმოჩინდეს, რაც არის სინამდვილეში; ის კი, რაც თავისი ნების საწინააღმდეგოდ მიიჩნევა სხვა რაიმედ, და არა — იმად, რაც არის სინამდვილეში, — ასეთი რამ მომატყუებელი კი არ არის, არამედ — ცრუა. რამეთუ მომატყუებელი იმით განსხვავდება ცრუსაგან, რომ ყველაფერ მომატყუებელს ახასიათებს განზრახვა შეცდომაში შეყვანისა, მაშინაც კი, როცა მას არ უჭერებენ; თავისთავად ცრუს კი არ ძალუძს მოტყუება. აქედან გამომდინარე, რადგანაც სხეულებრივ სახეს არა აქვს არავითარი ნება, ამიტომ იგი არც გვატყუებს, და ჩვენვე რომ არ მივიღებდეთ მას იმად, რაც იგი სინამდვილეში არ არის, ცრუც კი არ იქნებოდა.



მაგრამ ჭრუნი თვით ჩვენი (სხეულებრივი) თვალებიც კი არ არიან, რადგან მათ არ ძალუძთ სხვას რასმე წარმოუდგენდნენ ჩვენს სულს, გარდა თავიანთი შეგრძნებისა. ხოლო თუკი არამხოლოდ თვალები, არამედ ყოველი ჩვენი სხეულებრივი გრძნობა იმას წარმოგვიდგენს, რასაც შეიგრძნობს, მაშინ მე უკვე აღარ ვიცი, სხვას, უფრო მეტს, რას უნდა მოვითხოვდეთ მათგან. ამრიგად, განიშორე ამაოების მოქმედნი, და არავითარი ამაოება აღარ იქნება. თუკი ვინმეს ჰგონია, რომ წყალში ჩადებული ნიჩაბი გადატეხილია, ხოლო როცა მას აღმოვიღებთ წყლიდან, ისევ გამრთელდება, — ამ შემთხვევაში ასეთი აღამიანის გრძნობის ორგანო კი არ არის უვარგისი, არამედ თვით იგია უვარგისი მსაჯული. რამეთუ ბუნებისავე კვალად მას არ შეეძლო და არც უნდა შეეგრძნო სხვაგვარად, რადგან თუკი ჰაერის ბუნება სხვაა, წყლისა კი — სულ სხვა, მაშინ სავსებით ბუნებრივია, რომ შეგრძნება წყალში სხვანაირა იყოს, ჰაერში კი — სულ სხვაგვარი. მაშასადამე, თვალი სწორად მოქმედებს, რადგან ის შექმნილია კიდევ იმისათვის, რომ დაინახოს, ხოლო მცდარად მოქმედებს სული, რომელსაც უზენაესი სიმშვენიერის შესაცნობად გონება მოეცა, და არა — თვალი. მას კი, მცდარ სულს, უნდა, რომ გონება სხეულებს მიაპყროს, თვალები კი — ღმერთს, რადგან სხეულებრივის გაგებას გონებით ესწრაფვის, სულიერის დანახვა კი — სხეულებრივი თვალებით მოსურვებია, რაც — შეუძლებელია.

**დასასრული — მეოთხე წიგნში.**

**თარგმნა ვასილ ბურკაძემ**

ს ი ტ ყ ვ ა

უფლის მოსვლისათვის, სოფლის აღსასრულისა  
და ანტიქრისტეს გამოჩინებისათვის

ვითარ შევიძლო თქმა უთქმელისა მე უმდაბლესმან და ცოდვით აღვსილმან ეფრემ, რაიც ძალს ჩემსას აღმატების? გარნა მადლითა და კეთილშობითა თვისითა მაცხოვარმა უწიგნურნიცა განაბრძნო, ხოლო მეოხებითა მათითა ყოველნი მართალნი განანათლნა. და აწ იგივე განაბრძნობს პირსა ჩემსა და ნათელჰყოფს სიტყვასა ჩემსა სამოძღვროდა და სარგებლად ჩემდა და სხვათა ყოველთა მსმენელთაცა. გარნა სულთქმითა და ტკივილით ვიტყვი სოფლის აღსასრულსა და ურცხვსა მას და უსაძაგლესსა ვეშაბზედ, რომელ ზარგანხდის ყოველს ცისქვეშეთს და ძრწოლას, სულმოკლეობას და ურწმუნოებასა შთაუთხრობს გულთა კაცთასა და ჰყოფს სასწაულებსა და ნიშებსა „ვიდრე ცდუნებადმდე, უკეთუმცა შეუძლეს რჩეულთა მათცა“ (მათე 24, 24), და აკთუნებს ყოველთა ცრუ სასწაულებითა და ნიშნებითა, გარნა ღმრთისა მიშვებით მიიღებს იგი ხელმწიფებასა ქვეყნის ცდუნებისასა, რამეთუ აღივსო ქვეყანა უწმიდურებითა და ყოვლითა საშინელებითა. ხოლო ესოდენის უწმიდურებისათვის კაცთასა დაუშვა ყოვლადწმიდა მეუფემ, რათა განსცადოს სოფელი სულმა მაცდურმა და რამეთუ ნებსით განუდგნენ კაცნი ღმერთსა და შეიყვარეს ბოროტი.

დიდ არს ღვაწლი მათ ღღეთა შინა, ძმანო, უფრო კი მართალთათვის, ოდეს თვით გველი იგი დიდის ხელმწიფებითა ჰყოფს სასწაულებსა და ნიშებსა, და ოდეს საზარელს ჩვენებებში ღმერთად გამოაჩინებს თავსა, და იფრენს ჰაერში; ხოლო ეშმაკნი ყოველნი ანგელოზთაებრ ამალდებიან წინაშე მაჰირვებელისა. გარნა ძალუმად შეჰყივლებს მაშინ მტარვალი და იცვალებს იერსა და უზომოდ შეაძრწუნებს კაცთა ყოველთა. და ვინა იყოს მაშინ, ძმანო, გარე-მოზღუდვილ და სდგეს ურყევად, ანუ ვის აქვნდეს სულში ნიშანი წრფელი — დიდებით მოსვლისა მხოლოდშობილისა ძისა და ღმრთისა ჩვენისა,

ოდეს იხილავს ყოველთა სულზე ზედა ყოვლითურთ მოწევნილს წუხილს გარდუვალს. და რამეთუ არცაღა ხმელით, არცაღა წყლით და არცა არსით აქენდეთ მათ ნუგეშინი და მშვიდობა; და ვინ სდგეს მას ჟამსა, ოდეს ყოველი ქვეყანა ძრწოდეს და თვითეული ილტვოდეს მთებში, და ერთნი მოსრნეს სიყმილმა, სხვათა განლევდეს წყურვილი — გარნა არ ჩანდეს მოწყალე; — და ვინა უძლებს ხილვად ცრემლდათხეულთა ყოველთა ღაწვთა, და წადილითა დიდითა მღალადებელთა: „არის-ლა სადმე ქვეყნად ღვთის სიტყვა?!“, ხოლო პასუხი ექნებათ: „არსით“. ვინ უძლებს მათ ჟამთა და ვინ დაითმინოს წუხილი დაუთმენელი, ოდეს ხილვად მაჭირვებლისა ერნი აღიძვრიან და მრავალნი თაყვანისცემენ და ძრწოლვითა ხმობენ მტარვალსა: „შენ ხარ მსსნელი ჩვენი?“ მიწა გადახმება, ცით არ გაწვიმდება, მცენარეული დაქკნება და შიშითა დიდითა აღმოსავლეთის ქვეყანის მცხოვრებნი დასაველეთს მიდრკებიან, ხოლო დასავლეთის ერნი შიშით აღმოსავლეთით ილტვიან. მაშინ მიიღებს ურცხვი ხელმწიფებას და წარმოგზავნის საქადაგებლად ეშმათა: „მეუფე დიდი მოვიდა დიდებითა და მოვედით ხილვად მისა“. ხოლო ვის აქენდეს სული მტკიცე რომლითა უძლებს ყოველს მის საცდურს? სადა არს კაცი იმგვარი, ვითარცა ვსთქვი, რომელსა ნეტარ ჰყოფენ ყოველნი ანგელოზნი?

მე კი, ძმანო ქრისტესმოყვარენო და ჩინებულნო, ზარი მიჰყრობს მის ვეშაპისა ერთი ოდენ ხსენებითაც, რომ მას ჟამს მოწევნილს მწუხარებაზედა ვზრახავ და წარმოვიდგენ იმ სისასტიკეს, რომელსაც დაატეხს გველი იგი კაცთა მოდგმასა და უფრორე ბოროტს მოაწვეს წმიდათა ზედა, რომელნიც ძლევენ მოჩვენებითთა სასწაულთ მისას რამეთუ მრავალნი ღვთივსათნონი იპოვნებიან მაშინ, რომელნიცა მათთა და უდაბნოთ შეეფარვიან და ლოცვითა და ცრემლითა დიდითა შეიძლებენ ხსნას. რამეთუ წმიდა არს ღმერთი და მოჰხედავს აუწერელთა ცრემლთა მათთასა და რწმენას მათსა და შეიწყნარებს ვითარცა მამა მოსიყვარულე. და დაიფარავს მათ იქავ, სადაცა შეეფარვიან; გარნაღა მაშინ ვეშაპი იგი საძაგელი, არა დასცხრების ძებნად მათთა და მოიძიებს წმიდათა ხმელთა შინა და ზღვათა შინა, რამეთუ უკუე მიწის მეუფედ იგულებენ იგი თავსა, ხოლო მსახურად — ყოველთა კაცთა. გარა ვერ აგრ-

ძნებს იგი უძლურებასა და ამპარტავნებასა თვისას რომლითაცა დაეცა, არამედ წინააღდგომას იზრახებს იგი საშინელსა მას ჟამსა, ოდეს ზეცითგან მოვალს უფალი. გარნა ზარგანხდის ქუეყანას და შეაძრწუნებს ყოველთ ცრუ მომხიბლავი ნიშებით.

მაშინ, გამოჩინება მის ვეშაპისა მშვიდობას წარტაცებს ქვეყანას და ჩამოდგება გოდება დიდი, ზარი, ტყება და სიკვდილი. რამეთუ თვით უფალმან ჩვენმან გვაუწყა: „იყვნენ დღენი იგი ჭირისანი, რომელი არსადა იქმნა ესევეითარი დასაბამითგან“. (მარკ. 13, 19). დაღათუ ესრეთ იტყვის უფალი მას ჟამზე, გარნა ჩვენ ცოდვილთ ვითა ვსთქვათ უსაზღვრო და აუწერელი მწუხარება მათ დღეთა? დაე, ცალკეულმა გულისხმა-ყოს წმიდა სიტყვები უფლისა და მაცხოვარისა ჩვენისა. რამეთუ ნებავეს კეთალუწყებითა თვისითა დღემოკლე-ჰყოს, რაითა გვიხსნას სოფლად მოწვენილის მწუხარებისაგან, რაითა არა იყოს სივლტოლად თქუენი ზამთარსა შინა გინა შაბათსა“ (მათე 24, 20); და კუალად გვეტყვის: „იღვიძებდით უკუე ყოველსა ჟამსა და ევედრებოდეთ, რაათა ღირს იქმნეთ განჩინებად ამის ყოვლისაგან, რომელი ყოფად არს, და დადგომად წინაშე ძისა კაცისა (ლუკა 21, 36)“;

დაღათუ ჟამი ახლოსვე არს და ჩვენ ყოველნი მივეცემით ჭირთა მათ — გარნადა არ გვეშამს. არამედ დღითა და ღამით, ცრემლთაგან ლოცვით, დაუცადებელად უნდა ვევედრნეთ და შეუვრდეთ ღმერთსა, რათა ვიხსნნეთ ჩვენ ცოდვილნი, ხოლო რომელსა ცრემლი აქვდეს და სინანული, ევედრენით ღმერთსა რაითა გვიხსნეს სოფლად მოწვენილის მწუხარებისაგან, რაითა არცა ვიხილოთ და არცა ვისმინოთ ხმა მის მხეცისა; რამეთუ იქნებიან ქვეყნად სიკვდილნი, „სრვანი და ძრვანი ადგილად — ადგილად“ (მათე 24, 7). მხნე უნდა იქნეს სული იგი, რომელი უძლებს საცდურთ გარემოს. გარნა თუ კაცი მცირედაც უზრუნველია, იოლად დამარცხდება და წარიტაცვის მტრისა ნიშთაგან. ხოლო შენდობა არ ექნებათ სამსჯავროზე ამგვართ. — იქ განცხადდება, რამეთუ ნებისით ერწმუნენ მტარვალს.

მრავალი ცრემლი და ლოცვა გვეჭირდება საყვარელნო, რათა ჩვენთაგანმა უძლოს განსაცდელს, რამეთუ მრავალს ჩვენე-

ბას აღძრავს მტარვალი; რამეთუ ღმრთისამზრძოლია თავად და ყოველთაცა სწადია სიკვდილი; რამეთუ ღონესა რასმე მოიღებს მტანჯველი, რომე ყოველი ბეჭედს მხეცისას ატარებს. და ჟამს თვისას გამოჩნდება იგი ნიშებიტა ყოველთა საცდუნებლად. და მაშინ ხოლო შეიძლებენ კაცნი სყიდვად საზრდელთა და სახმართა სხვათაც; და დაადგინებს მეთვალყურეთა ნებათა თვისთა აღმასრულებლად. მოხედეთ ძმანო, უსაზღვრო მზაკვრობას მხეცისას და ცბიერებას მისას, თუ ვით იწყებს იგი მუცლით, რათა უკიდურესის შიმშილით იძულებელყოს კაცნი — მიიღონ ბეჭედი მისი უღირსი გამოსახულებისა მარჯვენა ხელსა და შუბლზე; რათა მარჯვენით პირჯვარი ვერ გადაისახოს კაცმა. რამეთუ უწყის უბადრუკმან, რომე უფლისა ჯვრისა გამოსახვა განაქარვებს ყოველს მის ძალთა; და მსგავსადვე შუბლიც ლამპარივით ზე აღმართავს ნათელს — ნათლისას — ნიშანს მაცხოვრისას ჩვენისას. ამისთვის, ძმანო ჩემნო, მძიმე ღვაწლი გემართებს ყოველთა ქრისტიანეთა, რათა სიკვდილის ჟამამდე შიშმა არ შეგვიპყრას და უქმად არ ვეგნეთ, ოდეს ვეშაპი ბეჭედს თვისას გამოსახავს ნაცვლად ცხოველმყოფელისა ჯვარისა. და ამისათვის, უექველია, იმჯვარ ხერხს იხმარს, რათა სახელი უფლისა და მაცხოვარისა არც კი იხსენებოდეს მას ჟამსა; ხოლო ამათ ყოველსა იქმს, მაცხოვრის წმიდა ძალის შიშითა და ძრწოლით, რამეთუ ვინც არ იქნება აღბეჭდილი მხეცის ბეჭედით, მას ვერ მოხიბლავს ცრუ სასწაულნი მხეცისა.

1 ყოვლითურთ გულისხმავყოთ, ძმანო, მოჩვენებითი ნიშნები მტრისა. უფალი ჩვენი ხომ მყუდროდ მოვა ჩვენ ყოველთა თანა, რათა განგვაშოროს მზაკვრობისაგან. ქრისტეს რწმენის წმიდად დაცვით მტარვალის ძალას შევარყევთ. მოვიღებთ უცდომელსა და მყარს გონებას, და განგვეშორება ჩვენგან უძლური, და ვერღარას იღონებს ჩვენდა სავენებლად.

გვედრით, ძმანო ქრისტესმოყვარენო, მე უღირსი, ნუ ვიქნებით უღებნი, არამედ უმეტეს გავძლიერდეთ ძალითა ჯვარისათა. გარნა უცილობელია ღვაწლი კართა-ზედა ბჭისათა და აღვიჭურვნეთ ყოვლითა საჭურველითა სარწმუნოებისათა. და მზა ვიყვნეთ ერთგულ მონათა მსგავსად, რაითა მტერი არ შევიწყნაროთ. რამეთუ უღირსი და სასტიკი იგი მპარავი მოვა

უწინარეს ჟამისა და იგულებს ქეშმარიტისა მწყემსისა რჩეულ ცხოვართა წარტაცებასა და წარწყმედას. განვიცადოთ, ძმანო თუ რაგვარის სახით მოვა სოფლად ურცხვი ურჩხული.

მაცხოვარმან მადლითა თვისითა ინება კაცთა ნათესავთა ხსნა და იშვა ქალწულისაგან ხატითა კაცისაძთა და დათრგუნა მტერი ღვთაებრივითა ძალითა თვისითა. ხოლო მტერმაცა იზრახა ღმრთისა მიმსგავსებულად გამოჩინება და ცდუნება ჩვენი. გარნა უფალი მოვალს ქვეყნად ღრუბელთა ზედა სპეტაკთა, მსგავსად საშინელისა ელვისა; ხოლო სხვაგვარ არს მოსვლა მტერისა, რამეთუ განდგომილია იგი. ქეშმარიტად შეგინებულის ღედაკაცისაგან იშვება საჭურველი მისი: გარნა ეს არ ნიშნავს, რომ იგი განხორციელდა; მოვალა იგი ყოვლადსაძაგელი, ვითარცა მპარავი, საცდუნებელად ყოველთა, მოვა მორჩილად და მშვიდად და იტყვის სიცრუვით: ვითარმედ სძაგს კერპები და უმჯობესად მიიჩნევს ღვთისმოშიშებას, გაშოჩნდება მტერი იგი კეთილად, გლახაკთმოწყალედ, უაღრესად კეთილ: — ხილვითა, მტკიცე და ყოველთაღმი გულთბილი იქნება; ხოლო უმეტეს პატივს უყოფს იუდეველთა ტომთა, რამეთუ იუდეველნი მოელოდებიან მოსვლას მისას. და ამათ ყოველთა თანავე დიდის ხელმწიფებითა ჰყოფს იგი ნიშებსა, სასწაულებსა და საშინელებათა, და ცბიერებით აამებს ყველას, რათა შეიყვარონ უმაღლე ერთა, ძღვენს არ მოიღებს იგი, მრისხანედ არ ილაპარაკებს და არც პირქუშად იხილვება, არამედ მამათმთავრულის გარეგნობით იწყებს ცდუნებას სოფლისას, ვინემ არ გაბატონდება. ხოლო როს ტომნი და ნათესავნი მრავალნი იხილვენ ამგვარ ძალთა და სათნობათა მისთა, მყის ერთი აზრი განმსჭვალავს ყოველს და დიდითა სიხარულითა ეტყვიან ურთიერთას და აღიარებენ ერთბაშად: „იპოებაა, სადამე კაცი ესოდენ მართალი და სახიერი?“ მაშინ მსწრაფლ განმტკიცდება მეუფება მის მაცდურისა და რისხვით ზარგანხდის სამთა დიდთა ხელმწიფეთა; მერმედ აღზავდება გულითა და აღმონათხევს ნალველს ურჩხული იგი; შეაძრწუნებს ქვეყანასა და შესძრავს კიდით-კიდემდის; აჭირებს ყოველთა და წაბილწავს სულთა, ხოლო აწ არღა სათნოდ წარმოჩნდება, არამედ ღღე-ყოველ იქცევა ვითარცა კაცი გულფიცხი, პირქუში, მრისხანე და მოსწრაფე, უწესო, და მოძუ-

ლე-და საზარელ. წარმოჩნდება მტერი იგი საძაგლად, ცბიერად და ურცხვად და ეცდება კაცთა მოდგმის უწმინდურების მო-რევში შთაგდებას. კუალად მრავალთა ცრუსასწაულთა ჰყოფს იგი და წინაშე თაყვანისმცემელისა თვის კრებულისა გამოს-ცემს ხმას ძლიერს, რომლისაგან ირყევა ადგილი იგი მის კრე-ბულისა და იტყვის მტარვალთა: „ყოველმა ნათესავმა ცანით ხელმწიფება და ძალი ჩემი!“ მერმედ წინაშე კრებულისა მთა-თა უცვალებს ადგილთა და ზღვით გამოიხმობს კუნძულთა, ხოლო ამათ ყოველთა თვალთმაქცობითა იქმს და ჩვენებითა, გარნალა მოხიბლავს სოფელსა, აცდუნებს გულთა ყოველთასა და ერწმუნვიან მრავალნი და აღიდებენ მას, ვითარცა ღმერთ-სა ძლიერსა.

მწარედ ატირდება და იგოდებს მაშინ ყოველი სული, და მიეცემა მწუხარებას აუწერელსა დღითა და ღამით და ვერცა სად ჰპოვებს საზრდელსა, რამეთუ მკაცრნი განწესდებიან მე-თვალყურენი და რომელთ ხოლო იქნებათ ბეჭედი უწმიდური-სა შუბლსა და მარჯვენა მკლავზედ, მათ მიეცემათ მცირედი საზრდელი. მაშინ ჩვილნი დედათ უბეში აღესრულვიან და დედანი შვილთა თვისთა ზედა მიიცვალებიან და მამანიცა-მათვე თანავე. გარნა არავინ იქმნება დამფვლელი მათი. უბან-თა ზედა დაყრილ მძორთაგან შეიბილწება ჰაერი და შეძრწუნ-დებიან ცოცხალნი.

ცისკრად ვაებითა და ვიშით ღალადყოფენ: „როსლა დაღამ-დეს და განვისვენოთ?“ მწუხრსა კი მწარედ ჰგოდებენ: „გა-თენდეს მალე, რათა დავიხსნათ მწუხარებისგან“. გარნა არსით იქნება არცა გზა, არცა-საფარი, რამეთუ ზღვა და ხმელიცა აღ-შფოთდეს. ხოლო ამისთვის გვეტყვის უფალი: „მხნე იყვებით და ილოცევდით დაუცადებლად, რათა განერენით მწუხარება-სა. ირყევა მაშინ და ამყრალდება ზღვაცა და მიწაც და ჩამოდ-გება შიში ყოველგან; ხოლო მას ჟამსა არღა ვის არგებს ოქ-რო-ვერცხლთა და სამოსთ უხვება, არამედ ჰნატრიდენ ერნი ყოველნი უწინარეს ჟამისა მის მიცვალებულთა. გზა-შარას ეყ-რება ოქრო და ვერცხლი და არვინ პირს იქცევს მათდა, არა-მედ საძაგელ იქმნება ყოველი; და ილტვოდეს ყოველი და ვერსადა განერეს; და იყოს შიში, შიმშილი და ჟამსა ყოველ მწუხარება და დევნა უყონ კაცთა ხორციჴამია ღრიანკალთა

და ქვეწარმავალთა და მხეცთა. შინაგან შიში შეუდგებათ და გარეგან ძრწოლა; გვამები აავსებენ გზა-შარასა და ყროლით გაუსაძლისდება სახლებში. შიში, გმინვა და გოდება იდგება შინა თუ გარეთ. მოთქმით შეეყრებიან ერთუროს კაცნი: შვილნი-მშობელთა და თვისტომნი-თვისტომთ და ერთუროს გადაჭდომილნი აღესრულვიან; დაქცნება შუენიერება ყოველი პირისა და მოიღებენ სახეს მკვდართასა; ბილწ იქნება და საძაგელ სიტუტრფე ქალისა; დაშრტება ყოველი სხეული და გულსთქმა კაცობრივი. ყოველი რომელ: ერწმუნება მზაკვარსა მხეცსა და მიიღებს ბილწ ბეჭედს მისას, მეყსეულად ვედრებით შეუვრდება მტარვალსა მას და ეტყვის: „გვეც ჩვენ სასმელი და საზრდელი, რამეთუ მოვწყდებით შიმშილითა და განაძე ჩვენგან მხეცნი გესლოვანნი“. გარნა ვერას იღონებს უბადრუკი იგი, არამედ სისასტიკითა აღვსილი შერისხავს კაცთა: „სადაით მოგცეთ, სასმელ-საზრდელი?! ცამან არ მოსცის წვიმა და მიწამ — ნაყოფი!“ და შერისხვითა მით ატირდებიან ერნი და სასოწარკვეთილნი ნუგეშს ვერსაით მოიღებენ, არამედ წუხილი სხვადა დაერთვით — რამეთუ მსწრაფლ ირწმუნეს მტარვალისა. გარნა თუ თავისა თვისისა შეწევნა არ ძალუძს, სხვანი მან გველმან ვით შეიწყალოს? მათ დღეთა შინა მრავალს ჳირსა და ვნებას მოაწევს ურჩხული იგი: განთესავს შიმსა და შესძრავს ქვეყანასა, აღტეხავს ზღვათა და დევნის კაცთა სიყმილითა, წყურვილითა და მხეცითა ნაირგვარიითა. გარნა ანტიქრისტეს ზეჳდით დაბეჳდულთა და მხეცისა მის, ღმრთისა სახელითა სახელმდებელთა და თაყვანისმცემელთა — ნაწილი არღა ექმნებათ ჳირსტესთან სასუფეველში, არამედ მის ვეშაპისა თანა მიეცემიან გეჳენიასა. ნეტარ არს, რომელ მტკიცედ და წმიდად ეგოს ყოვლითუროთ და გული მისი შეუოროგულელად ზრახვიდეს ღმრთისა თანა. რამეთუ მხნედ წინააღუდგეს იგი მტრის ყოველ ზაკვას და არად შერაცხოს ყოველი ტანჯვაჲ წამება და საცდურნი მისნი.

ხოლო მოწყალებითა თვისითა, უფალი უადრეს წარმოგზავნის ილია თეზბიტელსა და ენუქს, რამეთუ ასწავლონ წინასწარმეტყველთა ამათ ერთა ღმრთისმოშიშება და ღმრთისმეტყველება და განსწავლონ კაცნი, რათა შიშით არ შეუვრდენ მტერსა, არამედ უწყოდენ ყოველთა, რამეთუ: „ცბიერ არს



იგი, ო კაცნო! და იოტოდენსა ნურც ვინ ირწმუნებს მისას და ნუცა ვინ დამორჩილდეს მგმობარსა მას; და ნურც ვინ თქვებ-  
განნი შეძრწუნდება, რამეთუ მსწრაფლ უქმ იქნება მგმობელი  
ყოვლითურთ. დაღათუ მოვალს უფალი განსაკითხველად მისა  
და ნიშთა მისთა მორწმუნეთა“. გარნა მცირედი მოხედავენ და  
ერწმუნვიან წინასწარმეტყველთა ამა მოძღვრებას. არამედ  
მაცხოვარი განუზომელითა კაცთმოყვარებითა თვისითა ჰყოფს  
ესე ყოველთა; რამეთუ მათ ჟამთა შინაცა არა დაუტყუებს  
უფალი კაცთა უმოძღვრელად, გარნა სამსჯავროს არღა ვი-  
ეთქმის სიტყვად.

ხოლო მას ჟამსა უწმიდურისა მოსელისასა წმიდანნი თუ  
სადამე იპოებოდნენ, ნაკადულნი ცრემლთანი დიოდინ ყოვ-  
ლადწმიდისა ღმრთისა მიმართ, რაითა გამოიხსნას ისინი გვე-  
ლისაგან. და განილტვიან ქრისტეს მხედარნი მთად და უღაბ-  
ნოდ, თავს გარდიყრიან მიწას და ნაცარს და მორჩილებითა  
დიდითა დღითა და ღამით აღავლენენ ლოცვებსა, გარნა  
ღმრთისაგან მოეცემათ მათ ესე ყოველი; და მადლი უფლისა  
გაიყვანს და განუჩინებს მათ აღგილსა და იხსნებიან ხევეს, ნაპ-  
რალს და ქვაბურს შეფარულნი და არცა განიცდიან ანტიქრის-  
ტეს ნიშთა და საშინელებათა; ხოლო ვინც გულისხმაყოფს ამა  
სწავლასა, უცდომლად იცნობს ანტიქრისტეს მოსელას. გარნა  
რომელთა ამქვეყნიური გონება აქვთ და უყვართ მიწიერი,  
იგინი ვერ გულისხმაყოფენ, რამეთუ დღემუდამ მიჯაჭვული  
არიან მსოფლიო ზრუნვას და თუმცალა ეუწყოთ, გარნა არა  
ირწმუნონ ესე ყოველი, არამედ მოიძაგებენ მოძღვარსა; ხო-  
ლო წმიდანი ამათ სწავლათაგან განმტკიცდებიან, რამეთუ ყოვე-  
ლივე მსოფლიო დაუტევეს ზრუნვა.

ჟამსა მას ატირდება ყოველი ზღვა და ხმელეთი, ატირდე-  
ბა ჰაერი და მასთან ატირდებიან ნადირნი ტყისანი და მფრინ-  
ველნი ცისანი; ატირდებიან მთანი, ბორცენი და ბარად ველ-  
ნი, და ციურნი მნათობნიცა ატირდებიან კაცთ მოღვმისათვის;  
რამეთუ ყოველნი განუდგნენ ყოვლადწმიდასა ღმერთსა და  
ირწმუნეს მაცდურის; და ნაცვლად მაცხოვრის ცხოველყო-  
ფელისა ჭვარისა მოიღეს ნიშანი ბილწისა და განდგომილისა.  
ატირდება ცა და ქვეყანა, რამეთუ პირთაგან კაცთა არღა  
აღვებინება ლოცვა და ფსალმუნება; და გლოვა დიდი ექნება

ქრისტეს ეკლესიას, რამეთუ არცა სადა ღვთისმსახურება აღესრულება და არცადა მსხვერპლი შეიწირვის.

სამწელიწადნახევრის შემდგომად დასრულდება ხელმწიფება და ქმედება ყოველი უწმიდურისა და განსრულდება ცდუნება ყოველი სოფლისა და შემდგომ, ვითარცა წერილ არს, მოვალს უკუე უფალი მსგავსად ელვისა ზეცითგან, მოვალს ნათელი, ყოვლადწმიდა, შესაძრწუნებელი და დიდებული ღმერთი ჩვენი დიდითა დიდებითა თვისითა და მოვალს ღმრთისა დიდებისა თანა დასნი ანგელოსთანი და მთავარანგელოსთანი და ყოველნი — ვითარცა ალი ცეცხლისა და აღივსება მდინარე ცეცხლითა. და ქერუბიმნი თავს დაიდრეკენ და მფრინავი სერაფიმნი ცეცხლისა ფრთითა დაიფარვიან პირთა და ფერხთა და ძრწოლვით ილაღადებენ: „აღსდექით მკვდარნი, აჰა, ესერა სიძე მოვალს“. მაშინ საფლავნი განირღვევიან და წინაპარნი ყოველნი წამისყოფითა აღსდგებიან და წარსდგებიან წინაშე სიძისა; ხოლო უთვალავნი აღდგომილნი და ათასეულნი და ბევრეულნი ანგელოზნი და მთავარანგელოზნი და ურიცხვნი მხედრობანი იხარებენ დიდითა სიხარულითა; და იხარებენ წმიდანი და მართალნი და ყოველნი, რომელთ არ მოიღეს ბეჭედი ურჩხულისა და უწმიდურისა. ანგელოზნი შეკრავენ მტარვალს ყოვლითა ბოროტ სულებითურთ და მათ ყოველთაცა, რომელთ შეიწყნარეს ბეჭედი ანტიქრისტესი; და რომელნი შეეფარვოდნენ ქვაბთა, ნაპრალთა და ხევთა — სამარადისოდ იხარებენ ესენი წმიდათა თანა ზეციურს საყდარში უკუნითი უკუნისამდე.

ამინ.

თარგმნა მარინა ნიუარმა

მღვდლობისათვის

უწვეულო სასწაული, გამოუთქმელი ძალი და საშინელი საიდუმლოა — მღვდლობის საიდუმლო იგი სულიერი, წმიდა, მაღალღირსი და უყვედრელია. გარნა ზეცით გარდამოხდელმან ქრისტემან მოანიჭა ესე მდაბალთა. გმოძღვრავთ და გვედრით ცრემლითა და სულთქმითა, რაათა მოვხედოთ ამა საუნჯეს მღვდლობისას, რომელ დამმარხველია სიწმიდისა და ღირსებისა. და კუალად — ნათელია იგი და საქურველი უბადლო, სვეტი ურყევი და გალავანი ურღვევი. იგივ საძირკველია მტკიცე, მიწითგან ზეცად აღმავალი; და რაისა ვიტყვი, ძმანო? — უზეშთაესა ცასა-ცათასა აღვალს იგი და შორის უხორცოთა მათ ანგელოზთა თანა მკვიდრობს და შორის ძალთა ზეცისათა სამღვდელონი თვით მეუფისა და შემოქმედისა თანა ზრახვენ და მოიღებენ მხნეობას. გარნა არა დავცხრები, ძმანო ქებად მის ხარისხისა, რომელ მოანიჭა სამებამ ადამის ძეთა. მით იხსნა ქმნული ყოველი და განანათლა; მოძღვართ მეოხებითა აღივსო წმიდათა და ღვთისათნო კაცთაგან მთანი და ბორცენი და ტყენი და უფსკრულნი. ხოლო ვიტყვი ამას მონაზონთათვის, ვითარ თქუა ესაია დიდებითმეტყველმან: „ზმა აღიმადლოს უდაბნომ და მისმა ქალაქებმა“ (ესაია 42. 11, 12). მოძღვართ აღგავეს ქვეყნითგან უსჯულოება, მოძღვართ დაამკვიდრეს სოფლად ქალწულება; მისითა შეიკრა ეშმა დაცემული; და განიწმიდენ მრუშნი, და განსპეტაკდნენ მეძავნი და წინამძღვრად ქვემარტებისად გამოჩნდნენ უგუნურნი; ხოლო უსჯულონი სათნო-იქმნეს და ღვთისმოსავ; მღვდელთაგან უქმ-იქნა სიკვდილის მპყრობელობა და ჯოჯოხეთმან დაჰკარგა ძალი; მღვდელთაგან დაირღვა კრულება ადამისა და განმზადნა სასუფეველი ცათაჲ, და ამაღლდა ბუნება კაცებრივი უხორცოთ ხარისხში. და რაჲ კუალადა ვთქვა, ანუ ვითარ ვადიდონიჭი ესე, რამეთუ უმეტეს სიტყვათა და გონებათა არს ხარისხი მღვდლობისა. და ვზრახავ, ვითარმედ ამასვე გულისხმაგვყოფს პავლე მოციქულიცა, ოდესცა გვეტყვის განცვიფრებული: „ოი, სიღრმე სიმდიდრისა და სიბრძნისა და მეცნიე-

რებისა ღმრთისა! ვითარ გამოუძიებელ არიან განკითხვანი მისნი და გამოუყვლეველ არიან გზანი მისნი“ (რომაელთა 11, 33). და კჳალად, მოძღვარი ვედრებათა ჩვენთა ღმრთისად აღმავლენია და მეოხი — წინაშე უფლისა მონათა მისთა.

გულისხმა-ვყოთ, ძმანო საიდუმლო და საშინელი ესე სიტყვანი; რამეთუ თვინიერ მაღალ-ღირსთა მათ სამღვდელთა, მოკვდავთ შენდობა არ ექნებათ. აწ ვმოწმეთ ჩვენ მღვდლობის საიდუმლოსათვის, ვითარმედ: რტო ვაზისა, მარცვალი პურისა და მღვდლობა — ერთბამად ერთარსს მიდრკების. გარნა ვაზი და ხორბალი მონანი არიან, ხოლო მღვდლობა — თავისუფალი. და ოდესცა ესე ყოველნი შეერთვიან, მაშინ ყოველი კრძალვით შესწირავს უმჯობესს ყოველთა საუნჯეთასა — ძალთა ნაყოფთა თვისთასა; ვაზი სისხლსა მოიღებს, ხორბალი — პურსა, ხოლო მღვდელნი შეუვრდებიან მხნედ მეუფეს და აღავლენენ ლოცვას ზეცადა და ავედრებენ ღმერთსა მონათა და ცრემლთა, სულთქმათა და სინანულთა მათთასა. და ამა ძღვენთა მხურვალედ შესწირავენ მეუფეს თვისსა, ხოლო გამოსთხოვენ კეთილმოწყალესა უფალსა მოტევებასა, წყალობასა და მოწყალებასა, რაათა გარდამოვიდეს სული ნუგეშინისმცემელი და აკურთხოს წინადაგებული ძღვენი; ხოლო მეყვსეულად შეიწირვის უკვდავებითა აღსრულებულის საშინელის საიდუმლოთი ძღვენი იგი, რამეთუ წარდგომილი მოძღვარი ყოველთათვის აღავლენს ლოცვასა. მაშინ შეუდგებიან სულნი და საშინელის საიდუმლოთი ბიწთაგან გაიწმინდებიან. მოხედეთ, ღვთისმოყვარენო, რამეთუ ვაზსა და ხორბალს ქვეყნად არა აქვთ ქმედება, ვინემ ნება ზეციური არ გარდამოვა განცხადებული; და მოხედე ვითარ კეთილად განწმედს მღვდლობის ხარისხი სულიერს მწიკვლთა. კურთხეულ არს მაცხოვარი, რომელმან მოსცა სოფელსა ყოვლადწმიდა და განმწმედელი ესე ძღვენი, მადლითა თვისთა მღვდელთა გამაბრწყინებელი, რაათა ნათობდნენ ისინი სოფლად მსგავსად ლამპართა! ნათესავნი უწინარესნი ჩვენნი, რქითა ზეთისათა განიწმიდებოდენ, ხოლო ჩვენ კურთხეულისა უხმართა მონათა არცა რქა მოვიდეთ და არცა ზეთი გრძნობისა, არამედ გარდამოხდა ზეცით თავად უზენაესი და შესაძრწუნებელი ბექთსაშუალი და ხელდასხმითა მოგვანიჭა სული თვისი, ვი-

თარცა ცეცხლი გარდამომავალი მოციქულთა ზედა. ოი, ძალი გამოუთქმელი, წმიდა მღვდელთა ხელდასხმით ჩვენში დასადგურების კეთილმნებებელი! ჰე, რაგვარ მაღალი, უცნაური და საოცარია მღვდლობის ხარისხი! და ნეტარ არს ვინც წმიდადა და უყვედრელად ჰგია მასში. მოხედეთ პეტრეს, რომელ იწოჯკლდედ და რომელი ზღვის პირს სათხვევლითა ითხვედა, და რომლისათვის სწამა მწყემსმან დიდებულმან: „და ამას კლდესა ზედა აღვაშენო ეკლესიაჲ ჩემი“ (მათე, 16, 18). ხოლო მოციქულმან მან, ვითარცა ღირსმან, მღვდლობით მოიღო სასუფევლისა კლიტენი. და მსგავსადვე პავლეც, რომელ იყო მღვდენელ, მღვდლობის ხარისხში ამალღებულმა ფრთაშესხმულივით მოვლო სამყარო და ჰქადაგებდა მკედრეთით აღდგომას.

და აწვე მოხედოთ მართალს აბელსაცა, რომელ მღვდელ იყო ქმნულთ დასაბამსა, და ვისწაოთ მისგან. ოდეს პირველ მღვდელმოქმედებდა იგი მსხვერპლს თვისას წინაშე ღმრთისა, გარნა არა გარდამოხდა ზეცით ცეცხლი და შესჰამნა მსხვერპლი მისი? ხოლო ვითარცა იტყვის წერილი: ჟამსა მას ოდეს აბელ შეწირვიდა ნაწილთა: „მოხედნა ღმერთმან აბელს და მსხუერპლთა მისთა“ (დაბ. 4, 4); ხოლო კენის მსხვერპლზე არ ინება მოხედვად. ხოლო ნოემაც, ოდეს კიდობნით გამოიხსნა, მთასა ზედა არარატისასა „შეწირა მსხუერპლი ღმრთისა საკურთხეველსა მას ზედა. და იყნოსა უფალმან სულად სულნელად“ (დაბად. 8, 20, 21); ხოლო ამისთვისა დადო მის თანა აღთქმა მსმენელმან: „არღარა მოსწყდეს ყოველი ხორციელი წყლით რღუნითა, და არღარა იყოს მერმე წყლით რღუნამ განრყუნად ყოვლისა ქუეყანისა“ (11). და აკურთხა უფალმა ნოე და შთამომავალი მისი: „ალორძინდით და განმრავლდით“ (9, 1).

აწ უკვე იხილე სასწაულქმედება მღვდელობისა, და განიცადე პირველშობილთა პირველი მღვდელი — აბელი, თუ ვითარ გარდამოიყვანა ზეცითგან ქვეყნად ცეცხლი თვის უყვედრელთა ნაყოფთაგან; და კუალდცა გესმა ნოესათვის, მეორედ ქმნულთა მღვდელისა წმიდისათვის, თუ ვითარ აღუთქვა მას ღმერთმა; და აბრაამიცა ღირს იქმნა მის მადლისა და ღმრთისად იზრახა საყვარელი ისააკისა შეწირვა და მღვდელ-

მოქმედება. ხოლო განმზადნა ყოვლითურთ შესაწველად ნაწ-  
ლენი თვისთა ზორცთაგან და აქა გამოუცხადა ღმერთმა აბ-  
რაამს დიდებული სასწაული — შობა ქრისტესი და კუალად  
ძალი კურთხევისა, რომლითაცა აკურთხა იგი: „კურთხევით  
გაკურთხო შენ და განმრავლებით განვაძრავლო ნათესავი შე-  
ნი“. (დაბ. 22, 18). ღვთაებრივი მოსეც ღირს იქმნა მის მად-  
ლისა, რომელ სინას მთაზე ღმრთისად ამაღლდა და მოილო  
სჯული, რომლითაცა განბრწყინდა პირი მისი, ვითარცა მზე.  
და მადლი მღვდლობისა მოილო აარონმაც, რომელ მეოხ იყო  
წინაშე ღმრთისა კაცთა ცოდვათათვის, ხოლო: „მოსე და  
აარონ მღუდელთა შორის მისთა, და სამუილ მათთანა, რომ-  
ელნი ხადიან სახელსა მისსა, ხადოდეს უფალსა, და მას ესმა  
მათი“ (ფს. 98, 6). და ფინეზმაცა ყოვლადპატიოსანსა მას ხა-  
რისხში სიკვდილი დააბრკოლა თავის ერში. გარნა ილია, ოდეს  
ხარისხი მღვდელობისა შეიმოსა, ღმერთმა უსმინა და გარდა-  
მოხდა ცეცხლი (3 მეფ. 18, 36).

მაშ, გულისხმავეყოთ, ძმანო, რომ განუზომელია ღირსება  
მღვდლობისა. დიდება ერთარსსა! დიდება სინიერსა ერთარს-  
სა, რომელიც ახლისა აღთქმითა თვისითა აუწყებს მოწაფეთა  
თვისთა, რაათა სამაგალითოდ იგინიც ხელთა დაასხმიდენ ღირ-  
სეულთი ამისთვის პატივს ვაგებდეთ და სათნო-ვეუყოფდეთ  
ყოველთა, რომელთა აქვნდეთ ხარისხი პატიოსნისა მღვდლო-  
ბისა; და მტკიცედა გვწამდეს, ვითარმედ თუ ვისმე უყვარს  
მეგობარი უფლისა, უმეტესადა შეიყვარებს მასცა უფალი.  
ამისთვის შევიყვარნოთ ღმრთისა მოძღვარნი, რომელ სახიე-  
რისა მეუფისა მეგობარნი არიან, ხოლო შუამდგომელნი ჩვენი  
და ყოვლისა სოფლისა. პატივი აგე მოძღვართა და აღასრულე  
მცნება ქრისტესი, რომლითაცა იტყვის: „რომელმან შეიწყნა-  
რის წინასწარმეტყველი სახელად წინასწარმეტყველისა, სასუი-  
დელი წინასწარმეტყველისაჲ მოილოს“ (მათე 10, 44). დაღათუ  
არა უწყოდეთ, ღირს არს, ანუ უღირს ვინმე მის წოდებისა,  
მაშინ ნუ მოიძაგებ მას ქრისტეს მცნებისათვის; გარნა ვითარ-  
ცა ოქროს მბრწინვალსა ვერას დააკლებს მწვირი, ანუ უწმი-  
დურნი რამ ნივთნი ვერასა ვნებენ მარგალიტთა, მსგავსადვე  
ვერცა მღვდელობა შეიგინების კაცთაგან, თუნდაც, რომ  
უღირსთაგანმა ვინმე მოილოს ხარისხი ესე. დაღათუ ვინმე

ღირსებით შეიმოსავს ხარისხსა ამას — ცხოვრებასა დაიშვილებს იგი და განიმზადებს გვირგვინს უხრწნელსა; ხოლო უღირსებითა და კადნიერებით მღვდლობის ხარისხის მომღებელი, უკუნეთს განიმზადებს და მსჯავრს უწყალოს.

სხვათ მაგალითთაცა გეტყვი, კაცო, რათა ქედმაღლობითა შენითა, ვერღა ძალგედვას უღირსად მღვდლობის ხარისხის მოღება.

და რამეთუ წმიდა არს ღმერთი და არა სათნო-ეყვნეს ქედმაღლობითა ხელდასხმის მომღებელნი. გახსოვდეს, რაი შეემთხვიათ მათ უბადრუკთა, რომელ წინააღმდეგენ ოდესმე მოსეს და აარონს და უგუნურებითა, ურცხვებითა და თვითნებობითა ზრახეს ღმრთისათვის საკმევლის შეწირვა. გარნა შეწვნა ისინი ცეცხლმა ზეცისამ, რამეთუ კადნიერებით შებედეს და მიითვისეს აღმატებული მათდა ხარისხი. მსგავსადვე ეყო წინასწარმეტყველსა ღმრთისასა მარიამს, რამეთუ მცირე რამ სიტყვითა ყვედრა მოსეს მღვდლობა, და შეიგინა უზენაესისაგან და კეთრმა დაფარა და შეიღი დღე განაძეს ბანაკით. ხოლო აწცა სიწმიდით ეგნეთ, ძმანო ცხოვრებად და ბაძევდით მოსეს, აარონსა და ელიაზარს. იხილე, ვითარ ღვთისმოსავთა მათ მღვდლობის ხარისხში შური-მიუგეს ლაშქარს უღვთოთა მტრისათა. ხოლო მოსემ, ვითარცა მღვდელმან, განიპყრნა ხელნი ღმრთისა მიმართ და შერისხნა ამაღეკ უკურნებელთა წყლულითა; გარნა მღვდლობითა წელმორტყმულმა აბრაამმა სივლტოლა უყო მეფეთა და მელქისედეკმა, შეიმოსა რა ხარისხი მღვდლობისა, უზენაესის კურთხევით აკურთხა გამორჩეული აბრაამამ.

დაღათუ მოშურნე ხარ, ძმაო, მღვდლობის ხარისხისა — მაშინ დაშვერი სათნო-ყოფად მეუფისა, იღვაწე სიმართლითა, ღვთაებრივის სიბრძნითა და ქალწულების სპეტაკებითა; მგზნებარე თანამოსაგარედ გამოიჩინი, მსგავსად უბიწოს იოსებისა; უცხოთშემწყალე — ვითარ აბრაამ, ლატაკთმოყვარე — ვითარ იობი, აღვისილ სიყვარულითა — მსგავსად დავითისა; მშვიდი იყავ, ვითარცა მოსე; და გზადაბნეულს — გზად მოაქცევდე, ხოლო მკელობელთ — განამტკიცებდე; ხელთა უბყრობდე დაცემულთა და მფარველ ეყავ უძლურთ ყოველგან, გარნა სხვათ მსგავსთაც მრავლად იქმოდე.

ხოლო მე, ძმანო საყვარელნო, ძრწოლა მიპყრობს, ოდენ ვხედავ, ვითარი ზნე აქვთ კადნიერი ზოგთ უგუნურთა, რომელნი ურცხვად და განუსჯელად ეძიებენ მღვდლობას, და მოიღებენ მას ხარისხს, გარეშე ქრისტეს მაღლით წოდებისა, გარნა არა უწყიან მათ უბადრუკთა, რომე ცეცხლსა და სიკვდილსა შეიკრებენ უბადრუკნი. და რამეთუ არაოდენ მასზედა ვიტყვი, კაცო, რომე წინდაუხედავად არა მოიღებდე მღვდლობასა, არამედ რაჲთა არცა შეეხო რომელთამე ქურქელთაგანთა ყოვლადწმიდისა მსახურებისას. წაგიკითხავსა რამ შეემთხვია ოსეს, ოდეს შეეხო სახატეს ღვთისას, მუდამ გახსოვდეს მაშინ, საყვარელო ძმაო, ესაია წინასწარმეტყველის პირით უწყებული „ვისზედა განვისვენო? მხოლოდ მშვიდსა და მღუმარეზე, და რომელნი ძრწოდნენ სიტყვათა ჩემთაგან“ (ესაია 66, 2). გულისხმაყავ და გახსოვდეს სიტყვა ესე, რაჲთა შეიძინო საუნჯე — ზრახვამ მშვიდი და რაჲთა შეიძლო გონებით ამაღლება ზეციერსა მას ქალაქსა იერუსალიმსა, და რაჲთა შესწირო მსხვერპლი დასაბამს ყოველთასა უფალსა ღმერთსა. გარნა იქ იწვნება უხილავი გვირგვინი და თვით უფალი დააგვირგვინებს წინაშე ანგელოზთა უკვდავებისა გვირგვინითა. ხოლო შენ ანგელოზთა დასთა თანა დაშთები უკუნითი უკუნისამდე წმიდისა სამებისა ძლევისა გალობისა მგალობელი.

ამინ.

თარგმნა მარინა ნიაურმა



მივიცვალეზი მე — ეფრემ და ვწერ ანდერძს, რამეთუ მსურს ყოველს ვუწილადო რააცა მებადია და მცნობელნი ჩემნი მომიხსენიებდნენ ამა სიტყვათაგან მაინც.

ვაი, რომ ესამი ჩემი გარდახდა და მდინარება წელთა ჩემთა გახქარდა. ხორცინი განილია და ნავი მიადგა ნაპირს.

ლამპარში ზეთი დაშრეტილა და დღენი ჩემნი გარდასულან. მსახურმა აღასრულა წუთისოფელი და მოგზაურმა განვლო ესამი კუთვნილი.

გარემომადგნენ მე მცველნი და ვითარცა ავაზაკსა ქედსა ზედა დამადგნეს ჯაჭვნი.

ვის შეველადადო, ანუ ვის ვუხმო შეველად, რამეთუ არავინა ჩანს მხსნელი? და ვაი, შენდა ეფრემ, ოდეს სამსჯავროდ წარსდგე წინაშე ძისა! და გარემოგადგნენ შენ მცნობელნი შენნი.

ვაი სირცხვილო! და ვაი იქ განკიცხულთა!

შენ საჭე, უფალო, ეფრემ და ნურვის მისცემ სხვათ განსასჯელად. რამეთუ ღმერთი, რომელსა განიკითხავს, მასვეცა წყალობს სამსჯავროდ.

ბრძენთაგან ესრეთ მსმენია და წინამძღვართაგან მცნობია: რომელი ხედვიდეს პირსა ღმრთისასა, დადათუ ცოდვილ იყოს, სიკვდილსა არა მიეცემის.

ვაი არს ჩემდა, ძმანო! რაი მეწია მე? სტიროდეთ და მოთქმიდეთ ხვედრისა ჩემისათვის; რამეთუ მაჭირებელნი ჩემნი მოვიდნენ მოსწრაფედ ჩემდა და შეპყრობად და წარტყვენად მრავალთა სხვათაებრ.

1 ფრიად მაშინებს წინასწარმეტყველ ოსეს სიტყვები, რომლითა მყვედრის და მკიცხავს მე: „ჰალარა შეერია ეფრემს, მას კი ვერაფერი შეუტყვია“ (ოსე 7; 9). და კუალად იტყვის ოსე: „გაწვრთნილი ხბოა ეფრემი, მე თავად გადავივლი მის ქედზე და გავხედნი მას (ოსე 10, 11).

გარნა თუ ვინმე იტყვის, რომ ოსე ამას იოსების ძე ეფრემზე ამბობს, მაშინ ვარწმუნებ მათ, რომ წინასწარმეტყველი ოსე ეფრემს — ეფრემისაგან არ განარჩევდა, ხოლო მე — სხვათ რომელთაგანმე.

მცირედდა მამშვიდებს დავით წინასწარმეტყველი, რომე-

ლი იტყვის: „ეფრემ, დამამტკიცებელი თავისა ჩემისა“ (ფს.: 59, 9). ღმერთია მოწამე, ძმანო თავს არ ვიწონებ, არაანდ გამოძღვრით თქვენ, გსწავლით და გაუწყებთ, რაათა მომხსენიებდეთ მცნობელნი ჩემნი სიტყვათა ჩემთათვის ოდენლა მაინც.

აწ განვწესებულვარ და აღვესრულები, მოვედინ და თვალნი დამიხუკეთ. განგეშორებით და ძალი არ შემწევს დაშთომად.

ვფიცავ, სიცოცხლეს თქვენსას, მოწაფენო ჩემნო და სიცოცხლეს თვით ეფრემისას, რომ არლა გარდმოვალს იგი სარეცლით; რამეთუ მძიმე სენს შევეუპყრივარ და დაუთმენელ არს ტანჯვაჲ ჩემი.

სასწაულს გიჩინებთ და სარკეს გიდგამთ, რაათა მოხედოთ მასში გამოსახულსა და ჰბაძევდეთ მას.

დღითა თუ ღამით, სიცოცხლეში არვინ მიძრახავს და დღიდან ჩემის არსებობისა არც ვისმე წავკიდებვიარ.

გარნა ხშირადა ვპაექრობდი განდგომილებთან, შორის კრებულისა. ხოლო ესეცა უწყოდეთ, რამეთუ მწყემსნიცა ცემენ თვისთა ძაღლთა, ოდეს მომხვდურ მგელს არა შეპყეფენ.

ბრძენს არვინა სძაგს, გარნა ხოლო ბრიყვი. და მსგავსადვე, ბრიყვსაც არავინ უყვარს — ოდენ თუ ბრიყვი.

ნუ გიკვირთ, ძმანო, თუკი მორჩილებაში წვრთნის ჟამს ვინმე განმიდგა. თორმეტ მოციქულთაგანაც იყო ერთი გამყიდველი იუდა; ესეცა უწყოდეთ, რომ ვენახში ჭერეთ ეკალბარდი აღორძინდება. წინაშე თქვენსა, ვითარცა ერთსულ და კემმარიტ ძმათა წინაშე ვმოწმობ, რომ რწმენა ჩემი სალია და ურყევი. ხოლო მსურს მტკიცედ ეგოს ზრახვა თქვენიცა მართალთა ურღვევ და ერთსულ სარწმუნოებაზედ.

ვფიცავ, სინას მთაზე წყალობის მომცემელსა; და ვფიცავ, პირსა მლაღადებლისა: „ელოი“ (მარკ. 15, 6) და მით ღაღადებითა ყოველთა ქმნულთა შემძვრელსა;

ვფიცავ, ძლიერებასა და დიდებასა მისსა, ვინაც ყვრიმალში იცემა და ჰნერწყვიდნენ და დაითმინა;

ვფიცავ, სამ პიროვნებას ცეცხლისას (2 სჯ. 4, 33) და ერთს არსებას ღმრთისასა და ერთსა ნებასა, რომ არ განვდგომილ-

ვარ ეკლესიას და არ აღვდგომილვარ ღვთის ყოვლისმპყრობე-  
ლობას.

დალათუ მამა მედიდებინოს გონებით უმეტეს ძისა, დაე,  
ნუ შემიწყალოს მე ერთარსმა ღმერთმან. დალათუ სული წმი-  
და მცირედ მგონებოდეს ვინემ მამისა და ძისა, დაე, წყვდიაღ-  
მა დაფაროს თვალნი ჩემნი.

დალათუ სხვაგვარად მრწმენეს, ვინემ ვიტყოდი, წყვდიაღს  
მივეცე უკუნეთს; უკეთუ ფარისევლობით ვიტყოდე, ასპიტთა  
თანა შევიწვა ცეცხლში.

გარნა თუ ამას კაცთმოთნეობისათვის ვიტყოდე, ნულარ  
შემისმენს ღმერთი სამსჯავროს ეამსა.

მოწაფენო ჩემნო, ვფიცავ სიცოცხლენს თქვენსას და სი-  
ცოცხლეს ჩემსას: ეფრემს არ გააჩნია საკუთრება, არცა კვერ-  
თნი და არცა საყუდელი, რამეთუ მესმა სიტყვა ღმრთისა ჩვე-  
ნისა: „ნუ იუნჯებთ თქუენ საუნჯეთა ქუეყანასა ზედა“ (მათე.  
6, 19).

მოვედინ, ძმანო, მშვიდობა მეცით და განმიტევეთ აწ, რა-  
მეთუ განგეშორებით და გაფუცებთ, საყვარელნო, მომიხსე-  
ნებდით ლოცვებში; რამეთუ ცოდვილმა, ამოებაში განვლიე  
ღლენი ჩემნი.

გაფუცებთ, მოწაფენო ჩემნო, ურღვევ ფიცითა, ნუ გააც-  
დუნებთ სიტყვათა ჩემთა და ნუ გარდახვალთ მოძღვრებას  
ჩემსას.

დალათუ ვინემ დაძვას ქვეშე საკურთხეველისა, მას ნუ  
ეხილოს საკურთხეველი ღმრთისა.

დალათუ ვინემ, დამდოს ტაძარსა, ნულა ეხილოს ნათელი  
ტაძრისა, რამეთუ უღირსთათვის ფუჭია ამო ღიდება.

შიშვლად წარსდგება ყოველი პასუხისგებად და რისთვის  
პატივყოფთ მას, ვინც არ დაიცვა ღირსება თვისი? ხოლო რო-  
მელმან არა ადიდა თავი თვისი, ნურცა სოფელმა ადიდონ იგი.

ყოველი წარვალს, ვითარცა გესმით ღმრთისა ჩვენისაგან  
(მათე. 24, 35) და ამისათვის ცრემლითა ვიტყვი, რომელ წე-  
რილ არს, ვითარმედ ქვათაგან ნაგები ტაძარი ირღვევა (მათე.  
24, 2), ხოლო ტაძარი ხორციელი აღსდგება სამსჯავროდ განსა-  
კითხველად. გარნა უფალი ჩვენი არა თუ ქვათა განიკითხავს,  
არამედ — ძეთა კაცთასა.

ნურაფერს აიღებთ ჩემგან სახსოვრად, ძმანო ჩემნო, შვილ-  
ნო ჩემნო და შვილნო ეკლესიისანო; რამეთუ სახსოვრად  
თქვენდა იგი არს, რაჲცა გესმათ ცხოვრების მომნიჭებელისა  
ჩენისა ღმრთისაგან.

გარნა თუ რასმე წაიღებთ ეფრემისაგან, ეფრემსავე მოეკი-  
თხება, რამეთუ მეტყვის მე უფალი: ჩემდა უმეტეს — სწამდათო  
შენი; გარნა თუ ჩემდა სასობდნენ, მაშინ სახსენებულად შენ-  
და, შენსას არაფერს წაიღებდნენო.

ნუცა წმიდათა თანა დამასვენებთ, რამეთუ ცოდვილ ვარი  
მე და ყოვლად უღირს. ხოლო მაშინებს ნაკლულებისა ჩემი-  
სათვის სიახლოვე წმიდათა ძვალთა.

ცეცხლთან მიახლოვება ჩაღასა შესწავეს და აღაგზნებს.  
ამისთვის ვშიშობ და ესრეთ ვიტყვი; გარნა ნუ ჰგონებთ ვინ-  
მე, ვითარმედ მძაგდეს მე სიახლოვე წმიდათა.

მესმა წინასწარმეტყველისაგან, ვითარმედ: ნოემ, იობმა და  
დანიელმა ვერ იხსნან მახლობელნი თვისნი (იეზეკ. 14, 14,  
18); და კუალად წერილ არს: „ძმამან ვერ იხსნას“ ძმა და ნა-  
თესავემან ნათესავე (ფს. 48, 7).

რომელმან ხელთა ზედა თვისთა აღმიჭუას მე და ესრეთ  
წარმიღოს, კეთრმან დაფარნოს ხელნი მისნი მსგავსად გეგნი-  
სა; არამედ მსწრაფლ წარმიღებლით საკაცითა და დამდებ-  
ლით, ვითარცა საძაგელსა, რომელმან ცუდად განვლიე ღლე-  
ნი ჩემნი.

რისთვის უნდა მადიდოთ, ოდეს შეგინებული ვარ წინაშე  
ღვთისა, და რისთვის უნდა ნეტარყოთ, ოდეს საქმენი არ  
მაქვს კეთილნი.

გარნა თუ ვინმე აღწეროს საქმენი ჩემნი, პირში მნერწყვი-  
დეთ ყოველნი. ხოლო თუ ცოდვის სიმყრალესა აგრძნებდეს  
ვინმე, მაშინ ყოველი განელტვოდა საძაგელებას ეფრემისას. ;

ვინც საფლავში ჩამატანდეს წამოსელს ძვირფასს, წყვილი-  
ადს მიეცეს იგი უკუნეთს; ანუ თუ ძოწეულს ვინმე ჩამატან-  
დეს, ცეცხლსა მიეცეს იგი ჭოჭოხეთისას.

ცოდვილ ვარ მე, ვითარცა ვსთქვი ერთგზის და ნურვინ  
სათნომიყოფდეს.

განცხადებულ არს ღმრთისადმი საქმენი ჩემნი და უწყის  
მან ყოველი უსჯულოება ჩემი, რაჲცა მიყოფიეს. შეგინებულ

ვარ მწიკვლთაგან და უწესობათა და ურცხვინობათა ჩემთაგან და დაბნელებულ ვარ ცოდვათაგან.

ყოველგვარი უწმინდურება და ყოველგვარი ცოდვა ჩემში დავანებული. ჩემშია ურცხვება ყოველი და უსჯულოება და სიავე ყოველი.

მოვედით ედესელნო, ძმანო ჩემნო, მეუფენო ჩემნო, შვილნო და მამანო ჩემნო, მოიღეთ აღთქმულნი თქვენნი და დასდევით სამარეს ძმისა თქვენისა თანა.

მოიღეთ აღთქმულნი თქვენნი და დასდევით წინაშე ჩემსა, რაითა გონების მიხდამდის თეად განუწესო ფასი.

გაყიდეთ სამოსელი ძვირფასი და საფასო მათი განუყავთ გლახაკთა.

თქვენც სარგებელს ჰპოვებთ და მეცა წამადგება. რამეთუ თქვენ მადლი ღმრთისა მოგაგებთ ამისთვის, ვითარცა გამღებელთა, მე კი — ვითარცა მრჩეველსა.

გარნა სხვაა სასიყდელი საქმეთათვის და სხვაა — სიტყვათათვის. გამღებელი უმეტეს მომღებლისა არს, ვითარცა გესმათ, საყვარელნო (საქმ. 20, 35).

გმადლობთ, ძმანო მისთვის, რაჲცა მიწილადეთ და რაოდენიცა მაგეთ პატივი, გარნა კი უღირს ვარი მე, რამეთუ ცოდვათა შინა აღვასრულე ჟამი ჩემი.

ღირსყოფი წინასწარმეტყველისა, სასყიდელსა წინასწარმეტყველისასა მიიღებს, ვითარცა გვარწმუნებს მოძღვარი ჩვენი (მათე. 10, 41); ხოლო თქვენ უწყით, რომ იგი არა მტყუვარ არს.

დალათუ ცოდვილ ვარ, არამედ ქრისტე მოგიზღავთ თქვენ; რამეთუ მისთვის და სასობებითა მისითა მომაგეთ პატივი ესე. ვისთვისაც ღირსყოფდით, საყვარელნო, მისგან მოიღებთ სასყიდელს აღთქმათა თქვენთათვის და შეიწირავს შეწირულებათა თქვენთასა. თუმცაღა არ ვარ წინასწარმეტყველი, არამედ სასყიდელსა წინასწარმეტყველისასა მოიღებთ თქვენ.

კურთხეულ არს თქვენით დასახლებული ქალაქი ედესა — მშობელი ბრძენთა! ქალაქი იგი ცხოველსყოფელითა პირითა თვისითა აკურთხა ძემან მეოხებითა მოწაფისა თვისისათა.

დამაარსებელმან მის ქალაქისამან მეფემან ავგაროზ ინება შეწყნარება ყოველთა მეუფისა ქრისტე მაცხოვარისა, და წარ-

გზავნა კაცი საუწყებლად სიტყვათა: „მესმა ყოველი ქმნულნი შენნი და ყოველი, რაჲცა დაითმინე განდგომილ იუდეველთაგან. მოვედ და დაემკვიდრე ჩემთანა. მცირე ქალაქი ჩუმი მსახურ შენდა და ჩემდა იქნება“. მაშინ რწმენითა მის მეღისათა განკვირვებულმან უფალმან, უკვდავნი მახარებელნი წარგზავნა და აკურთხა ქალაქი იგი და განამტკიცა საფუძველი მისი.

და იყოს კურთხევა ესე მასზედა, ვინემ არ მოვალს წმიდა ვინაც ჩემდამი აღთქმულთაგან დაინარჩუნოს რამ, დაე, ანანიას სიკვდილით მოკვდეს იგი, რომელმან აზრახა ცრუყოფა მოციქულთა და დაეცა მკვდარი წინაშე ფერხთა მათსა.

ოდეს ამას იტყოდა ეფრემ, — იქ მდგომთაგანი კაცი ვინმე დიდგვაროვანი ფრიად, უწმიდურ სულისაგან დაეკვეთა და ხმა ჰყო ხმითა დიდითა. ეფრემმა უთხრა მას: „რაი გყოფიეს შენ, კაცი?! და ამათ სიტყვათა თანა მეყვსეულად აღსდგა კაცი იგი და მიუგო ეფრემს: „ძვირფასი სამოსი მოვიტანე შენთვის წარსატანებლად, ხოლო ოდეს უარყავ ყოველი წარსატანელი, აზრი ვიცვალე და ვსთქვი: უკეთუ თან არა წარიღებს ამგვარს სამოსელს, მაშ რისთვისდა გამოვაჩინო იგი? გარნა თუ გლახაკთ განკითხვასა ბრძანებდი, მაშინ სხვას რასმე განვუყოფდი მათ“. ნეტარმა უპასუხა: „წარვედ და აღასრულე ზრახვა შენი“. დალოცა იგი და ხელდასხმითა განკურნა უწმიდურ სულისაგან. და ეფრემ კუალად იწყო სიტყვად:

ვინაც ცვილის სანთლით წარმიძღვეს წინა, დაე, შინაგანმან ცეცხლმან მისმან შეწვნას იგი. გარნა რად უნდა ცეცხლი მას, რომელს საკუთარი ცეცხლი სწევას? რაც უფრო მსწრაფლ ეგზნება ხილული ცეცხლი, მით შინაგანი, იღუმალი ცეცხლი აღეგზნება.

კმა არს ჩემდა შინაგანი სენი ჩემი; ნუ გაამძაფრებთ მას გარეგანითაც. უმჯობესია ცრემლოოდეთ, ძმანო ჩემთვისა, მეგობართა და ყოველთა მსგავსთა ჩემთათვის.

ცოდვათა და ამოებათა შინა განველე მე დღენი ჩემნი და დღესა მას, ოდეს არა ვსასოებდი, მეწია და დამეცა მე მპარავი; და უამსა მას ოდეს არა გულისხმავყოფდი, მოვიდა მტაცებელი და მაიძულებს განსვლად ჩემთვის უხილავ ქვეყნად.

გაფუცებ შენ, მიმტაცებელი ჩემო, ნუ მარცხვენ და მტან-  
ჯავ მე. გარნა თუ ცოდვათა ჩემთაებრ მიყოფდე, შიშითა დი-  
დითა მოვიცი და რაჲ მეყოს მაშინ?

ოდეს საქმეთა ჩემთა მოვიხსენებ, — მუხლი მეკვეთება,  
კბილთ მაცემინებს და ზარი მიპყრობს.

რამეთუ დლიდან შობისა ჩემისა ყოველთა დღეთა შინა  
ყოვლითურთ არარაჲ კეთილი მიქმნია.

საფლავში საკმეველს ნუ ჩამატანთ, რამეთუ ფუჰია ჩემ-  
თვის პატივი ესე. ნუცა კეთილსუნელებათა დასდებთ ჩემთა-  
ნა, რამეთუ განკითხვისაგან ვერ მიხსნან მათ.

საკმეველი საკურთხეველში აკმიეთ, ხოლო მე ლოცვითა  
განმიტევეთ. კეთილსურნელებანი შესწირეთ ძღვნად ღმერთსა,  
ხოლო მე ფსალმუნთმეტყველებით მიმბარეთ მიწასა.

საკმეველთა და კეთილსურნელებათა ფუჰად გახარჯვის  
ნაცვლად, ლოცვათა შინა მომიხსენებდით; გარნა რასა რკებს  
მკვდარს კეთილსურნელი, რომელს ვერღა გრძნობს იგი? სა-  
კურთხეველში აკმიეთ საკმეველი, რადთა მასში შემავალნი  
აღივსებოდნენ კეთილსურნელებითა.

ბალღამის სიმყრალეს ნუ შეჰხვევთ აბრეშუმის სამოსში,  
რადც არაფრის მაქნისია. უტიეთ ცხედარსა წოლად მწვირებზე,  
რამეთუ არღა აგრძნებს იგი პატივსა.

მდიდარსა შვენის დიდებულება, ხოლო მწირს — უპატიო-  
ება; მეფის ჩამომავალთა ხვედრია სამეფო, ხოლო უცხო-  
თვის — მიუსაფრობა.

ნუ დამფლავთ თქვენთა საფლავთა შინა; რამეთუ არან  
მარგებს მე მოსართავები თქვენნი. ხოლო მე აღეუთქვი ღმერ-  
თსა, რადთა დამმარხვიდნენ გლახაკთა თანა.

მეცა გლახაკთა მსგავს ვარ და მათვე თანა განმისვენეთ,  
ძმანო. ყოველ ფრინველს თანაგვარი თვისი უყვარს, და კაც-  
თაც მსგავსნი თვისნი უყვართ.

დამდევით მე სამარხსა მათსა, საცა გულითა შემუსრვილნი  
განისვენებენ; რადთა ჟამსა მოსვლისასა ძე ღვთისამ მეცა მავ-  
კუროს და აღმადგინოს მათვე თანა.

მოხედე ღმერთო აღთქმათა ჩემთა და გარდამოავლინე მად-  
ლი შენი ჩემზედა; შენ გვედრები, ძეო მოწყალებიანო, ნუ  
განმიკითხავ ცოდვათა ჩემთაებრ.

„უკეთუ უშჯულოებათაებრ მიაგებდე, უფალო, უფალო, ვინ-მე დაუთმოს?“ (ფს. 129, 3). დაღათუ მოჰკითხო, არვინ განმართლდეს წინაშე შენსა.

„ყოველი პირი დაიყოს“, ვითარცა წერილ არს, „და სასჯელსა თანამდებ იყოს ყოველი სოფელი ღმრთისაჲ“ (რომ. 3, 19). არათუ სასოწარკვეთითა ვიტყვი ესრეთ, არამედ რაჲცა წერილ არს მასვე ვზრახავ.

რაჲ მოილო ძეო მოწყალებისაო, დაღათუ ცეცხლსა მივეცე? გარდამოავლინე ჩემზედა წყალობა შენი, რაჲთა განცხადდეს მადლი შენი.

დაღათუ მკაცრად განიკითხო, მაშინ ვითარღა გვაუწყა ჭეშმარიტებამან შენმან, არცა ერთი განმართლდეს ათასთაგან და არცა ორი მრავალთაგან (ფს. 13, 3).

ნუთუ ის გამშვიდებს, ეფრემ, რომ არა განვიკითხავ კაცთა, რომ მართალნი უსჯულოთა თანა გატოლდებიან, ანუ უმწიკვლონი და სათნონი — ბოროტთა თანა?

ნუ იყოფინ; აროდეს იქნება ზიარება ნათლისა ბნელთანა. ვითარ გატოლდეს აბელი და მკვლელი მისი კაენი? ანუ ვით შეიძლება წამებულთა და მაჭირვებელთა მათთა თანამკვიდრობა, ოდეს წამებულნი ჰღალადებენ და სწამებენ მათთვის.

იმას როდი ვამბობ და ვითხოვ, კეთილი ბოროტთან გასწორდეს; არამედ შენ გევედრები ძეო სათნოებისაო, შემიწყალო მე და მეგობარნი ჩემნი და მსგავსნი ჩემნი.

ამას ვიტყოდი და ვიტყვი და არა განვეყენები სიტყვათა ჩემთაგან; უკეთუ შენ არა მოიღებდე მოწყალებასა, ვერვინ იხილოს სასუფეველი.

რამეთუ ყოველთა ხორცშესხმულთაგან ერთია ხოლო უცოდველი. და არა ოდენ იმისთვის ვიტყვი ესრეთ, რომ თავად ცოდვილ ვარ, არამედ წერილიცა ამასვე გვაუწყებს ჭეშმარიტად.

თავი ანებე ბრძნობასა, ეფრემ, მეუბნება სიკვდილის ანგელოზი; რამეთუ არას გარგებს შენ ღვლარჱნა გონებისა და წარმტყვენველნი შენნი ყურს არ გიგდებენ შენ.

და რისხვითა კუალად მეტყვის მე ანგელოზი სიკვდილისა: დადუმდი; ყოველი შენებრ არ მოკვდება; ცოდვილს ყოველი თვისი მსგავსი ჰგონია, ხოლო ბრმას — ყველა ბრმა.



მოვედით, ძმანო და განმისვენეთ, რამეთუ ძალი მერთმევა და მალე არღა ვიქნები შორის თქვენსა; ლოცვითა და ფსალმუნებითა და წყალობითა გამაცილებდით.

სიკვდილის ოცდამეათე დღეს აღასრულეთ, ძმანო ჩემთვის ხსენება.\*

გარნა არ გულისხმაყოფთ, ოდეს ვენახში ცოცხალი ღვინო მოიწია, მაშინ თიხის ჭურჭელშიცა დულს მკვდარი ღვინო?

ხახვიც კი იჩენს გრძობას, და როცა ერთი მინდვრად აღმოცენდება, მაშინ მეორე სახლში ღვივდება. მით უფრო არ უნდა გრძობდნენ მიცვალებულნი, ოდეს ხსენება მათი აღესრულება?

ბრძენი შემედავება: ბუნების კანონებით აღესრულება ესე და ბუნება ვერა მარწმუნებს მე, ვინემ სარწმუნოს არას წარმომიჩინდეთ.

მტკიცებასაც აწვე წარმოვაჩენ წერილიდან. ოდეს მოსე რუბენს აკურთხევდა, უთხრა: „ცხონდენ რუბენ და ნუ მოკუდებინ და იყავნ იგი რიცხვით მრავალ“ (2 სჯული. 33, 6). და თუ ჰგონებს ვინმე, რომ მიცვალებულნი არა აგრძნებენ, მაშინ პავლე მოციქულს მოუხმინეთ: „უკუეთუ ყოვლად მკუდარნი არა აღღებინან, რაისაღა ნათელს-იღებენ მკუდართათვის“ (1 კორ. 15, 29)?

ვითარცა წერილ არს, მატათიას შთამომავალნი ქეშმარიტების მხოლოდ გარეგნული სახით მპყრობელნი მსხვერპლს შესწირავდნენ და მით წარხოცდნენ ბრძოლებში დაცემულთა ცოდვებს. (2 მაკაბ. 12; 40-45) ხოლო მით უფრო არ ხელეწიფებათ ძე ღვთისას მღვდელთმსახურთ წმიდა მსხვერპლითა და ლოცვით ცოდვათა წარხოცვა?

გარნა თუ ვინმე მოვიდოდეს ჩემდამო ხსენების აღსასრულებლად, მაშინ ნუვინ თქვენგანი ყოფს უსჯულოებასა და ცოდვას, არამედ სიწმიდითა და უბიწოებით დაადგინეთ ლოცვას. ესრეთ ჯერ არს, არა თუ მისთვის რომ მრუშება უმეტეს სხვათა ცოდვათაგანია, არამედ რაჲთა მე არ მეკითხოს პასუხი;

---

\* ბერძნულ და სირიულ ტექსტებშიაც ერთნაირად იკითხება: „ოცდამეთა დღე“. ეს მაუთითებს, რომ ძველ ეკლესიაში იყო განსაკუთრებული წესი მიცვალებულის ხსენებისა ოცდამეათე დღესაც, სხვა დღეთა გარდა.

რამეთუ მეტყვის მე უფალი: შენ შემოჰკრიბე ეფრემ მემრუ-  
შენი ესე. ხოლო წერილ არს, ვითარმედ განიკითხავს მათ უფა-  
ლი სამსჯავროს ჟამსა (ებრ. 13,4).

კუალად მსურს ვთქვა, რომ ძლიერ მეშინია, საყვარელნო.  
არამედ ერთგზისცა ვიტყვი ამას: ვისაცა ღმერთი განსჯის,  
იგივ მოიღებს წყალობას სამსჯავროზედ.

ხორციელი ვნება სხეულში იგივეა, რაიც საფუარა —  
ფქვილში. ვნება ესე კაცისაგან იშვება, ვითარცა ცეცხლი —  
რკინაში და რაც მსწრაფლ აღეგზნება რკინაში ცეცხლი, მით  
უფრო აღლობს და შეშვამს მას.

მომიახლოვდით, მოწაფენო და მოიღეთ კურთხევა კურთხე-  
ულისა მწყემსისა ძლით. მე ნოე არ ვარ, გარნა თქვენ იქნებით,  
ვითარცა სემი და იაფეთ.

არცა მსგავს მეღქმისედეკისა ვარ, გარნა იყვენით თქვენ  
მსგავსნი ისუის ძისა ნავესი; არცაღა ვარ ილია, არამედ მი-  
იღეთ სული ჩემი მსგავსად ელისესა.

ქრისტემან აღამალლოს გონება შენი, საკვირველო აბბა და  
განათლდეს ნათელი შენი ანგელოზთაებრ, მოესა მსგავსად  
გაბრწყინდი დიდებითა და დაე, გულისხმაყოფნენ ყოველნი  
მხილველნი შენნი, ვითარმედ მონა ღმრთისა ხარი შენ.

ღმერთმან აბრაამისამან შეისმინოს შენი, კვალსა ჩემსა შე-  
მოდგომილო აბრაამ და ოდეს იზრახი ოდენ პირმეტყველე-  
ბად, სიბრძნით აღგავსოს უფალმან შენმან, ვითარცა მასმიეს  
წინასწარმეტყველისაგან „განავრცე პირი შენი და აღვავსო  
ეგე“ (ფს. 80, 11).

ღმერთმან გისმინოს, სვიმონ, ოდეს უხმობდე ლოცვასა  
შინა. რომელ ქალაქშიაც შეხვიდოდე, აგვესოს ეკლესია იქ,  
ვითარცა ფიალა! შენდა მოვლიან სასძლონი და ქალწულნი  
განდეგილნი მაცხოვრებელის მოძღვრებისა და შეწვევის მისა-  
ღებად და სულისა ცხოვრებისა მოსაპოვებლად; სიბრძნესა და  
სულისმარგებელს ისმენენ შენგნით და განითქუები სოფლად.  
ვითარცა მკურნალი.

უმწიკვლო, გულწრფელო და სანდოო მარავ, რომელი შე-  
ნის ნების უბრალოებით იქმენ უმწიკვლო. რომლისა სასოებითა  
ცა მეზიარე ტანჯვათა შინა, მანვე მოგიზლას შენ სასყიდე-  
ლითა მართალთა თანა, რომელთაც წმიდანნი მოიღებენ!

მხედარო და მებადურო, ზინობი მესობოტამიელო, დაე, სიტყვა შენი იყოს ცეცხლებრი და შესწავედეს იგი მწვალებლობათა; ვითარცა ალი ტყესა, ესრეთ გარუჯვიდეს სიტყვა შენი მათ; სძლევდი, ვითარცა დავით და დაამხობდი ძეთა ცთომილთასა სანაცვლოდ გოლიათისა; შეიქურვე წინასწარმეტყველთა საჭურველთა და აბჯრითა მოციქულთაჲთა; უფალი შენი გიძღვოდეს შენ უძლეველ მხედარიონად!

წყეულიმც იყოს მშობელი შენი, პავლონი უბედურია საშო შენი გამჩენი! რამეთუ წილდებულ ხარ ყოველგვარ მწვალებლობისა, და მთხვეელი ყოველგვარ დავისა, ამისთვის გაუქმდა ყოველი ღვაწლი შენი, მსგავსად იუდა — ვერცხლისმოყვარისა. შენგნით დატევებული სვეტი (1 ტიმ. 3, 15) გიჩინებს სასწაულს შენსავ სხეულზე; რამეთუ შემუხვარილ ლერწამზე დასდევ სასო და დაუტევე ძელი ჯვარისა.

მეამბოხე არვატ, დაე, აღიხოცოს სახელი შენი ცოცხალთა შორის, რამეთუ დაუტევე შენ ღვინო ქრისტესი და სმიდი მთხლესა ცოდვისასა. მოგეკითხოს შენ ძისაგან, რომელსაცა გამობდა პირი შენი!

წყეულიმც იყვენ არიანელნი და მანიქეველნი, კათარები და ოფიტები, მარკიონელნი და ევლომინები.

წყეულიმც იყვენ პავლიკიანელები და ვალენტიანელნი, მეშაბათეები და სხვანიცა ყოველნი უწმინდურნი მწვალებლობანი მოძღვრებითურთ თვისითა.

კურთხეულ არს, ვინაც წმიდა ეკლესია ირჩია. ესე არს კრავი, რომელი ვერა წარიტაცა მგელმან; ესე არს მტრედი უმანკო, რომელსაც ვერა ეწია ქორი.

„რამეთუ სასუმელი ხელთა შინა უფლისათა ღვინისა ურწყოისა სავსე არს სხმულითა“ (ფს. 74, 8). შესვეს იგი განდგომილთა და დაითვრნენ და განდგნენ და აღსდგნენ იესოზე.

როგორც ცოფიანი ძალლი ეღირება თვის პატრონს, ასევე განდგომილნიცა ანთხვევენ გამობას თვის მეუფეზე.

ლიდება მას, ვინც მათზე აღმალდა და ვინაც მიუწვდომელია! ხოლო უკეთუ უწმინდურთ ხელეწიფებოდეთ ზეცად აღსვლა, მაშინ იქაცა შეიტანდნენ შულს თვისსა.

ოდესმე შეჰბედეს და ისურვეს ზეცად აღსვლა; არამედ

ქეშმარიტებამ განიკითხა და ამხილა ისინი და შეიკლემეს უწმინდურთა.

დალათუ ესრეთ განიკითხნენ ზეცადა აღსვლის მსურველნი და დაისაჯნენ, მაშინ ვითარის განიკითხვიან, ძმანო, ის კაღნიერნი, რომელთაცა უგულვებიათ განყოფა მამისა, ძისა და სულისა წმიდისა?

მოძღვრება ჩემი დაიმარხენით და ნუ გარდახვალთ მას, მოწაფენო ჩემნო. ვინაცა იქვობს ღმრთისა მიმართ, ვითარცა კაენი იყოს იგი ქვეყნად „იწროებითა და ძრწოლითა“ (დაბ. 4, 12).

ვინაცა ძისა მცირობა სთქვას წინაშე მამისა, ცოცხლად შთანთქას იგი მიწამან. ვინაც სული წმიდისათვის იქვობდეს, შენდობა ვერ მოილოს მან.

რომელი აღუდგეს ეკლესიას, კეთრმან დაფაროს ხორცი მისნი მსგავსად გიეზისა. ვინც რწმენას ჩემსას განუდგეს, იუდასამებრ შეიშთვას იგი.

დიდი უსჯულობაა გმობა, ივლტოდეთ მისგან, ძმანო; ღმრთისა ცხოველისადა სცოდავს. ძვირის მთქმელი და მგმობელი. ხორციელი ცოდვანიცა კმა არს ჩვენდა და ნულა მიეუმატებთ მას უწმინდურებას.

ამასა ოდენ ვსასოებ ღმრთისა წინაშე და ვნუგეშობ, რომ აროდეს მიძრახავს მე უფალი ჩემი და გმობა პირითგან არ გამომსვლია. რამეთუ მძაგდა, უფალო მოძულენი შენი და არ მიყვარდა მტერნი შენნი.

გულთა შინა დაიწერდით სიტყვათა ჩემთა და მომიხსენიებდით მით; გარნა შემდგომად სიკვდილისა ჩემისა მოვლენ თქვენთანა უსჯულონი „სამოსლითა ცხოვართაითა, ხოლო შინაგან იყვნენ მგელ მტაცებელ“ (მათე 7, 15).

ტკბილია სიტყვა მათი, ოღონდ გული აქვთ სავსე ბალღამით. კეთილად ჩანან, გარნა სატანიტ წარმოსდგებიან. ივლტოდით მათგან და მათის მოძღვრებისაგან და ნუ შეეყოფით მათ.

უწყოდეთ, რომ თუ მეფის განქიქებისათვის შეგიპყრეს, წაგიყვანებენ სამსჯავროზე და დაგკითხავენ. თუმცადა შენ არ შეურაცხგიყვია მეფე, გარნა პასუხს გაგებინებენ და დაგსჯიან, რომ შური არ იძიე მეფისთვის. ამისთვის ნუ ეზრახვი ცრუმოძღვრებს და ნუ შეერთვი ცთუნებულთ.

ეშმაკთან ცხოვრება სჯობს, ვინემ ცთუნებულთან.

ეშმაკს აფუცებ და განივლტის, რამეთუ არა ხელეწიფება იესოს სახელის წინააღდგომა; გარნა კი, თუ ათასგზის აფუცო ცთომილს, არლა დაიშლის თვის ბოროტებას.

ეშმაკის დამოდღვრა უფრო იოლია, ვინემ ცთომილ ძეთა მოქცევა. ეშმაკნი აღიარებდნენ და იტყოდნენ: „შენ ხარ ძე ღმრთისა“ (მარკ. 3, 11); ცდუნებულნი კი ჭიუტად უარყოფენ, რომ არა არსო იგი ძე ღვთისა.

მათში ჩასახლებული სატანა აღიარებს, ისინი კი, თავისაზე დგანან ჭიუტად. დაღათუ შიშველ ქვაზე ბზე აღმოცენდების, მაშინ გარდაგულარძნილიც შეიძლებს მოქცევას. წერილის მიხედვით, მთა უადვილეს ჩამოივაცებს, ვინემ განდგომილი სცნობს ჭეშმარიტს. დაღათუ ყორანი გათეთრდების, მაშინ უსჯულოც მართალ შეიქმნება.

თოვლიან ზამთარს, ოდეს ყვავს ფრთები დაეთოვლება მაშინ, თეთრად ჩანს ყვავიც წამისყოფით. მსგავსადვე უსჯულონიც. ოდეს სამსჯავროს შესახებ ისმენენ ზოგჯერ ძრწოლა შეუდგებათ მომავალი ტანჯვისათვის, მცირე ხნით სინანულს შეუდგებიან, წამისყოფითა სტოვებენ თვის ცხოვრების წესს და კუალად მიიქცევიან თვის უსჯულოებაზედ.

მოწაფენო ჩემნო, ყურად იღეთ და დაიმარხეთ მოძღვრება ჩემი და ნუ გარდახვალთ რწმენისა და სიტყვისა ჩემისაგან.

ჟამი მოვალს, ოდეს აღსრულდეს ყოველი წერილი და აღსრულოს წინასწარმეტყველება: „ვიდრემდის წარხდეს ცაი და ქუეყანაი, იოტა ერთი გინა რქაი ერთი არა წარხდეს სჯულისაგან“ — ვითარცა ჰფიცა მოძღვარმან ჩვენმან (მათე 5, 18). ხოლო უწყით, ვითარმედ მართალ არს იგი\*.

აგერა, მოვალს, და ახლოსველაა წარმტყვენელი ჩემი. თავი ანებე, ეფრემ ბრძნობასა. და გვეედრები შენ, უფალო იესო, ვითარცა ვედრის კაცი მეგობარს თვისსა: ნუ დამადგინებ მარცხენით შენსა, ოდეს მოხვიდე.

\* სირიულ ორიგინალში ამ სიტყვებს მოსდევს ვრცელი მოთხრობა — ივეპიტელ მოგვებთან მოსეს ბრძოლისა, რომელიც სრულიად არ ესადაგება ანდერძს და წყევტს მის მთლიანობას. გამოშემდის შენიშვნით ეს მოთხრობა ეფრემის სხვა რომელიმე თხზულებიდან უნდა იყოს ამოღებული და უგუნურ გადამწერთაგან აქ ჩამატებული.

კუალადცა გეტყვით რასმე და ვფიცავ ტყუილი არ არის. ოდეს ჯერეთ ყრმა ვიყავ და დედის კალთას ვესვენე, მაშინ სიზმრისეულად მეჩვენა ესე, რამცა შემდგომ აღსრულდა: ენაზე ვაზის რტო ამომეზარდა და აღმოცენდებოდა მალლა და მალლა და მალლდებოდა ვინემ ზეცამდე; უთვალავი მტევნით იხუნძლებოდა, კვლავ აღორძინდებოდა ვაზი იგი და განივ-რცო ქვეყნად სრულიად; ნაყოფსა კრეფდნენ მისგან და ნაყოფი არ იღეოდა და რაც მეტსა კრეფდნენ — მეტადა მრავლდებოდა.

მტევნები — საუბრებია, ფოთოლი — საგალობლები, მომ-ნიჭებელი ამათი — ღმერთი. დიდება უფალს მადლისა ამის-თვის, რამეთუ კეთილებითა თვისითა მომანიჭა მე ესე საუნ-ჯეთაგან თვისთაგან.

მშვიდობით, მეგობარნო ჩემნო. ლოცვა ჰყავთ ჩემთვის, საყვარელნო. აჰა, ჟამი არს მიდრკეს მოვაჭრე თვისსავ ქვეყა-ნას. მაგწამ ვაი, რომ მამული ჩემი მოოხრებულა და საგანძუ-რი ყოველი გაბნეულა. კეთილთ არავინა სტირის, რამეთუ ისი-ნი სამარედ ცხოვრებისათვის დაიფლვან. გარნა ჩემთვისა, მახ-ლობელთა ჩემთა და მსგავსთა ჩემთათვის დათხიეთ ცრემლნი, ძმანო; რამეთუ ამაოებაში განვლიეთ ჩვენ ღღენი ჩვენი.

მშვიდობით სოფელო, სიხარულით ეგნენ ძენი შენნი და ვიდოდინ ეკლესიად, აღკვეცილიყვნენ უწმინდურნი და გან-წმენდილიყვნენ, ცოდვილთა სინანული ეყოთ!

მშვიდობა შენდა გამყვანებელო და განმაშორებელო სუ-ლისა ჩემისა ხორცთაგან, ვიდრე აღდგომამდის.

ოდეს ამასა იტყოდა ეფრემ, და ერი ყოველი გოდებდა, — იქავ მყოფი ქალწული ერთი, სახელად ლამპროტატა, ასული ედესის მხედართმთავრისა, მწარითა ხმითა მოთქმიდა და შეს-ძახა ესრეთ: ედესა იღუპება, რამეთუ აწ იქცევა ზღუდე მისი და ქრება აწვე ნათელი მისი; შემდგომ განაპო ქალწულმა კრე-ბული და მივიდა სნეულთან და დაემხო მკერდსა მისსა და ცრემლითა ეტყოდა: ვაფიცებ შენში დამკვიდრებულს და მას, რომელიც იტყვის შენს მიერ, გვედრები ნება მეც შეგკრა

კუბო ჩემთვის ვითარცა მნებავს და დავდვა ფერხთა შენთანა, რათა არა განგეშორო სასუფეველში და თუნდაც გეპენიაში.

— განვედი ჩემგან, ქალწულო, უფალმა ადილოს სახელი შენი! არამედ მარცხენს მე ვედრება შენი და მწარეა სასმენლად ჩემთვის სიტყვანი შენნი. ჭეშმარიტადა გფერის ჰოთქმა, მაგრამ არ ხელმეწიფება შენის თხოვნის აღსრულება; მეშინის ცდუნებისა, რაათა შემდგომად ჩემის სიკვდილისა არა იტყოდიან, ვითარმედ: უყვარდაო იგი ეფრემს. წარვედ და აღასრულე რასაცა ითხოვ, არამედ სხვანიცა თანაზიარ ეყვენ საქმესა შენსას. ხოლო ნუ შეთხზავ ძვირფას კუბოსა, რამეთუ პატივი არა შემფერის. მცნებასა ერთსა გაძლევ შენ და დედათა ყოველთა და მეგობართა შენთა: ნუ იხმართ ტახტრევანთა და ნუ მისცემთ უფლებას მამათა თავზედ თქვენის ტარებისას, რამეთუ მასმიეს სიტყვანი მოციქულთანი: რომ თავ მაშაკაცი-სა ქრისტე არს (1 კორ. 11, 3). გახსოვდეს, რომ გელის სამსჯავრო და რაათა არა შეიგინო წინაშე მსაჯულისა. წერილ არს — თვითოეულს მოეკითხება საქმეთა მისთაებრ (რომ. 2, 6).

მაშინ აღუთქვა ქალწულმა მოძღვარს და წინაშე ერისა წარსთქვა: ვფიცავ ღმერთს, რომელსა სიყრმითგან ვინემ სიბერემდის მსახურებდი, რომ არღა ვიხმარ ტახტრევანს და მამანი არღა შემიდგამდნენ მე. დაღათუ ცრუდა ვფიცავდე, დაემბოს ყმაწვილქალობა ჩემი; და თუ გარდავბდე მცნებასა შეხსა, შეგინებულ ვიქმნე წინაშე ყოველთასა.

ნეტარმან მიუგო: მივიცვალები და მსურს გაკურთხო: არა განეშოროს სახელსა შენსა მეუფება უკუნისამდე. ვინკ არ მოვალს უფალი შეძრვად ცისა და ქვეყნისა.

თარგმნა მარინა ნიაურმა

როგორ გავზარდოთ შვილები უფლის სწავლითა და

(ოცდამეერთე საუბარი ეფესელთა მიმართ ეპისტოლეზე)

ეფესელთა მიმართ ეპისტოლეში პავლე მოციქული მშობლებს შვილების გაზრდის კანონს უდგენს და ეუბნება: „მამანი ნუ განარისხებთ შვილთა თქუენთა, არამედ განზარდენით იგინი სწავლითა და მოძღვრებითა უფლისაჲთა“ (ეფეს. 6, 4). გინდა, მორჩილი შვილი გყავდეს? ბავშვობიდანვე უფლის სწავლითა და მოძღვრებით გაზარდე. არ გეგონოს, თითქოს საღმრთო წერილის მოსმენა ზედმეტი იყოს მისთვის. იქ იგი პირველ ყოვლისა შენთვის სასარგებლო მცნებას ამოიკითხავს — პატივი ეც მამასა და დედასა შენსაო. ნუ იტყვი, საღმრთო წერილის კითხვა მონაზონთა საქმეა, მონაზვნობას ხომ არ ეუპირებო. ჭერ ერთი, რისი გეშინია, იმისი, რაც მრავალი სიკეთის მომტანია კაცისთვის? მეორეც, უპირველესად ქრისტიანად გაზარდე შვილი, რამეთუ ერისკაცებსაც ძალიან სჭირდებათ საღმრთო წერილში გადმოცემული სწავლება, განსაკუთრებით ბავშვებს, მათ ხომ ჭერ კიდევ ბევრი რამ არ იციან. და თუმცა ღმრთაებრივ ჭეშმარიტებებზე წარმოდგენაც არა აქვთ, სამაგიეროდ უკვე სმენიათ წარმართული თხზულებები, იქ კი იმ ხალხის ცხოვრებაა მოთხრობილი, ვინც ვნებებს ემონებოდა და ვისაც სიკვდილისა ეშინოდა. შენს შვილს ცხოვნების გზაზე გაძღოლა სჭირდება „სწავლითა და მოძღვრებითა უფლისაჲთა“. მაშ, განა უგუხური საქციელი არაა ბავშვს ასწავლო ხელოვნების ყველა დარგი, სკოლაში ატარო, არაფერი დაიშურო მისი განსწავლისათვის, უფლის სწავლითა და მოძღვრებით განათლებაზე კი. სრულიად არ იზრუნო? ამიტომაც ვიპყით პირველნი ჩვენი შვილების ასეთი გაზრდის ნაყოფს, როდესაც მათ თავხედობას, კადნიერებას, სიჯიუტესა და გარყვნილებას ვაწყდებით! ვისმინოთ ნეტარი პავლესი, გავზარდოთ ჩვენი შვილები უფლის სწავლითა და მოძღვრებით, ვუჩვენოთ მათ ღმრისმსახურების მაგალითი, სიყრმიდან-



ვე ვუკითხოთ წმიდა წერილი. გამაგებინეთ, რატომ არ ბაძავთ ძველებს? განსაკუთრებით თქვენ, დედებო, მოსწრაფედ უნდა მიჰყვებოდეთ საკვირველი ძველი დედების კვალს. გაგიჩნდა შვილი? მიბაძე ანას, სამოელის\* დედას. გაიხსენე, როგორ მოიქცა იგი: უმალ ღმრთის ტაძარში მიიყვანა თავისი ძე. რომელი ჩვენგანი არ არჩევდა ერთი შვილი ჰყოლოდა და სამოელისთანა, ვიდრე მთელი ქვეყნის მეფედ ეხილა იგი? მეტყვი, განა ეს შესაძლებელიაო? რატომ არის შეუძლებელი? მხოლოდ ისურვე და მიანდე იგი მას, ვოსაც ყოველივე ძალუძს. მკითხავ, ვინ არის ასეთიო? ღმერთია ასეთი. ამიტომაც მას მიანდო ანამ თავისი ძე. თვითონ ელის\* არ შეეძლო მისი გაზრდა და განსწავლა, იმან საკუთარ შვილებსაც ვერაფერი მოუხერხა, მაგრამ დედის სარწმუნოებამ და გულმოდგინებამ ყველაფერს სძლია. პირველშობილი ყრმის დედას, თუმცა არ იცოდა, ეყოლებოდა თუ არა სხვა შვილები, არ უთქვამს, მოდი, დავიცდი, წამოიზარდოს, შინ გაატაროს სიყმაწვილის წლებიო. იგი მხოლოდ იმას ფიქრობდა, ღმერთისთვის შეეწირა შვილი. შეგვრცხვეს ჩვენ, მამაკაცებს, ქალის ასეთი სიბრძნისმოყვარება — მან ღმრთის ტაძარში მიიყვანა და იქ დატოვა თავისი ძე. ამით თავისი ქორწინებაც განადიდა, რამეთუ ქორწინების პირველი ნაყოფი ღმერთს შესწირა და დაამტკიცა, რომ ამ კავშირში ღმრთის წინაშე სათნო-ყოფას ეძიებდა და არა ხორციელ ტკბობას. ამიტომაც იქმნა მისი საშო კეთილნაყოფიერი და მას, ადრე უნაყოფოს, სხვა შვილებიც მიეცა, ამიტომაც გახდა ღირსი იმის ხილვისა, თუ რა პატივსა და დიდებას მიაგებდა ხალხი მის ძეს. რამეთუ, თუკი ადამიანებმა იციან პატივისცემის პატივისცემით გადახდა, მით უფრო სამართლიანია ღმერთი, რომელიც ხშირად მაშინაც კი იქმს ამას, როდესაც თვითონ არ სცემენ პატივს. მაშ, როდემდე ვიქნებით მხოლოდ ხორციელი ადამიანები, როდემდე ვეთრევით მიწაზე? ყველა სხვა საქმე უმნიშვნელოდ შევრაცხვით ერთის წინაშე — გავზარდოთ ჩვენი შვილები უფლის სწავლითა და

\* სამოელი — ღმრთის დიდი წინასწარმეტყველი.

\* ელი — მღვდელმთავარი. სუსტი ხასიათის გამო ჭეროვნად ვერ გაზარდა შვილები — ოფნი და ფინეზი. ამიტომ ღმერთმა დასაჭა მისი შვილებიცა და თვითონ ელიც.

მოძღვრებით. ვინც პირველ ყოვლისა სიბრძნისმოყვარებას მოიპოვებს, ის მისი შემწეობით მოიხვეჭს ყოველ სიმდიდრეზე აღმატებულ სიმდიდრესა და დიდებას. შენს შვილს იმდენს ვერაფერს არგებ მეცნიერებების სწავლებით, რომელთა მეშვეობითაც სიმდიდრის შეძენას შეძლებს, რამდენადაც იმით, თუ ფულის არარად ჩაგდების ხელოვნებას ასწავლი. თუ გინდა, მდიდარი იყოს, ასე მოიქეცი. მდიდარი ის კი არ არის, ვინც მამულის შეძენასა და ბევრი ფულის შოვნაზე ზრუნავს, არამედ ის, ვისაც არაფერი სჭირდება. ეს ჩააგონე და ეს ასწავლე შენს შვილს, ესაა უდიდესი სიმდიდრე. ნუ ეცდები, გარეგნული განსწავლულობით გახადო ცნობილი და ამით მოუტანო დიდება, ეცადე ასწავლო ამა სოფლის დიდების მოძულება, მაშინ მას სახელიც მეტი ექნება და დიდებაც. ეს მდიდარსაც ხელეწიფება და ღარიბსაც. ამ ცოდნას საერო მასწავლებლები და მეცნიერებები როდი იძლევიან, არამედ საღმრთო წერილი. ნუ ინატრებ, რომ შენმა შვილმა დიდხანს იცოცხლოს ამსოფლად, იმაზე იზრუნე, რომ ჯაუყუნო და დაუსრულებელი ცხოვრების ღირსი გახდეს, მიეცი მეტი და არა ნაკლები. შეისმინე მოციქულის სიტყვები: „განზარდენით იგინი სწავლითა და მოძღვრებითა უფლისაჲთა“. მკვერმეტყველად გამოზრდას ნუკი მოუნდომებ, სიბრძნისმოყვარება ჩაუნერგე. მკვერმეტყველი თუ არ დადგა, ამით დიდი არაფერი დააკლდება, ხოლო თუ სიბრძნისმოყვარება არ ექნა, ყველაზე დახვეწილი მკვერმეტყველებაც კი ვერას არგებს. საჭიროა კეთილი ქცევა, და არა მახვილგონიერება, ზნეობა, და არა მკრელი სიტყვა, საქმე და არა სიტყვები: ესენი მოგვანიჭებენ სასუფეველს, ესენი მოგვმადლიან ჭეშმარიტ სიკეთეებს. ენამკვერობას ნუკი ცდილობ, სული განიწმიდე. ამას იმისთვის როდი ვამბობ, რომ საერო განათლება აგიკრძალოთ, არამედ იმისთვის, რომ მას ერთადერთს არ მიეჯავოთ. ნუ გგონიათ, თითქოს მხოლოდ მონაზვნებს სჭირდებოდეთ საღმრთო წერილის ცოდნა, იგი იმ ყრმათათვისაც აუცილებელია, ვინც საერო ცხოვრებას აპირებს. ხომალდის მზადებისას საქე და მეზღვაურები იმას როდი სჭირდება, ვინც მუდამ ნავმისადგომზე დგას, არამედ იმას, ვინც ზღვაზე მოგზაურობს. იგივე ითქმის მონაზონსა და ერისკაცზე. პირველი მშვიდ ნავსაყუდელში იმ-

ყოფება და უზრუნველი ცხოვრება აქვს, მოშორებულია ამა სოფლის დიდ ღელვას, მეორე კი, მუდამ ზღვაშია და ტალღებს ებრძვის. და თუნდაც თვითონ არაფრად სჭირდებოდეს წმიდა წერილის ცოდნა, სხვების გასაჩუმებლად უსათუოდ გამოადგება.

ასე რომ, ვინც მეტი პატივით სარგებლობს ამ სოფელში, იმისთვის მით უფრო საჭიროა ასეთი განათლება. ვთქვათ, კაცი მეფის კარზე მსახურობს. იქ ბევრი ელინია, ვისაც ფილოსოფია უსწავლია და ამაო დიდებით მოაქვს თავი, იქ ყველა ამპარტავანი და თავმომწონეა, ვინც ასეთი არ არის, ისიც იმას ცდილობს, ასეთი გახდეს. წარმოიდგინე, რა კარგი იქნება, რომ შენი შვილი, გამოცდილი ექიმივით, მათ წრეში შევიდეს და ხელთ ეპყრას იარაღი, რომლითაც თვითეული მათგანის ამპარტავნებას მოთოკავს, ყველას ეტყვის რაიმე სულიან სარგოს, განკურნავს ავადმყოფ სხეულს, საღმრთო წერილიდან მოუყვანს სათანადო დარიგებას. ბერი კი ვის ელაპარაკოს? თავისი სენაკის კედელს თუ სახურავს? ტყეს თუ უდაბნოს? მთებსა თუ ხეებს? მას თითქოს ასე ძალიან არ სჭირდება საღმრთო წერილის ცოდნა, და ამის მიუხედავად ცდილობს სრულყოფილებას მიაღწიოს ამ საქმეში, სხვისთვის კი არა, საკუთარი თავისთვის ცდილობს. ამა სოფლის მკვიდრთათვის ხომ მით უმეტეს აუცილებელია წმიდა წერილს კარგად შესწავლა, რამეთუ ერისკაცებს მეტი საბაბი აქვთ ცოდვისა, ვიდრე მონაზვნებს. ასეთი ცოდნით განათლებულ კაცს მაღალ საზოგადოებაშიც სიამოვნებით მიიღებენ, ყველა პატივისცემით მოექცევა, რაკი დაინახავენ, რომ იგი არაა ფიცხი, არ მიელტვის ხელისუფლებას, თუმცა ხელისუფლება მას მაინც მიეცემა და მეფესაც დიდ პატივში ეყოლება, რამეთუ ასეთი კაცი ვერსად დაიძალდება: ბევრ ჯანმრთელს შორის კიდევ ერთი ჯანმრთელი შეიძლება ვერც შენიშნონ, მაგრამ უამრავ ავადმყოფებში ერთი ჯანმრთელი რომ გამოერევა, მისი ამბავი მალე მიაღწევს მეფის ყურამდე და სხვების მართვასაც მიახლოებენ. და რაკი ეს იცით, „განზარდენით შვილნი თქუენნი სწავლითა და მოძღვრებითა უფლისაჲთა“. მკითხავ, თუ კაცი ღარიბია, მაშინ როგორღა მოვიქცეთო? თუ ღარიბია, ღარიბად დარჩეს. ზეფის კარზე თუ ვერ მოხვდა, იმაზე ნაკლები

მაინც არაფრით იქნება, ვინც იქ მსახურობს, პირიქით, გაკვირვებასაც გამოიწვევს და მალე მიიღებს იმ ძალაუფლებას, რაც თვითონ სურს, და არა იმას, რაც წარმომავლობით ეკუთვნის. რამეთუ, თუკი ელინები, რომლებიც ხუთ დრაჰკანზე მეტად არ ღირან, კინიკოსები, რომლებმაც ამავე ფასად ღირებული ფილოსოფია მიიღეს (სულ ესაა მთელი ბერძნული ფილოსოფიის ფასი, ანუ, უფრო სწორად, ფილოსოფიისა კი არა, მისი სახელწოდებისა), მოკლედ, თუკი ყველა ესენი მანტიებში გამოეწყვნენ, თმა მოუშვეს და ბევრ ადამიანში მოკრძალების გრძნობას იწვევენ, განა ჭეშმარიტ სიბრძნისმოყვარეს გაცილებით მეტი არ ხელეწიფება? თუ მხოლოდ ფუჭი გარეგნობა, მხოლოდ აჩრდილი ფილოსოფიისა ასე აღამაღლებს, წარმოიდგინეთ, რა მოხდება, თუ ჭეშმარიტ, ნათელ სიბრძნეს შევიყვარებთ? განა ყველა პატივისცემით არ განიმკვალება ამ სიბრძნის მიმართ, განა ასეთ ბრძენს სიხარულით არ მიანდობენ სახლსაც და ბავშვებსაც? გნებავთ, სიბრძნისმოყვარე ერისკაცები დაგისახელოთ? თუნდაც აბრაჰამი ვთქვათ, რომელზედაც ხშირად მიგვითითებენ ხოლმე და გვეუბნებიან: მას ხომ ჰყავდა ცოლი? ხომ ჰყავდა შვილები? მეც იგივეს გეტყვით, რასაც თქვენ გვეუბნებით: ცოლი კი ჰყავდა, მაგრამ მის გამო როდი გახდა სახელოვანი, მდიდარიც იყო, მაგრამ არც სიმდიდრით სათნო-ჰყოფია ღმერთს. შვილებიც ესხა, მაგრამ არც ამისთვის იყო კურთხეული. სამასჩვიდმეტი სახლეული ჰყავდა, მაგრამ ამიტომ როდი გახლდათ გაოცების ღირსი. გნებავს იცოდე, რითი გახდა სახელგანთქმული? უცხოთა შეწყნარებით, სიმდიდრის არად ჩაგდებითა და სიმდაბლით. მითხარი, რა ახასიათებს სიბრძნისმოყვარე კაცს? სიმდიდრისა და ძალაუფლების მოძულება, შურსა და სხვა ვნებებზე მაღლა დგომა. ახლა ვნახოთ, იყო თუ არა აბრაჰამი სიბრძნისმოყვარე. ჯერ ერთი, მან ღმერთის გულისათვის მიატოვა მამული. „პრჭუა მას უფალმან: გამოვედ ქუეყანისაგან შენისა და ნათესავისაგან შენისა“ (შესაქ. 12, 1), და ისიც უმალ გამოვიდა. ვერც მშობლიურმა სახლმა დააკავა, ვერც მეგობრებმა, ვერც სხვა სიკეთეებმა. აბრაჰამი სიმდიდრესა და ღიდებასაც არაფრად აგდებდა. მაგალითად, როდესაც ომში მეტოქე გააქცია და ნაალაფვეს სთავაზობდნენ, ზიზღით

უარყო იგი. მისი შვილიც სიმდიდრით კი არ გახდა სახელგანთქმული, არამედ უცხოთა შეწყნარებით, არა იმით, რომ შვილები ჰყავდა, არამედ იმით, რომ მორჩილება ჰქონდა, არა იმით, რომ ცოლი ჰყავდა, არამედ იმით, რომ ეს ცოლი უნაყოფო იყო. ორივე, აბრაჰამიცა და ისაკიც, არარად მიიჩნეოდნენ სააქაოს, სიმდიდრეს არ ეძიებდნენ, და შეურაცხყოფდნენ ყოველივე ამას. მითხარი, რომელი მცენარეა ყველაზე უკეთესი? ის ხომ არა, რომელიც თვითონაა ძლიერი, რომელსაც წვიმა, სეტყვა, ქარი და ბუნების სხვა მოვლენები ვერაფერს აკლებს, დგას გაშლილი და არც რამეს გადაფარება სჭირდება, არც შემოღობვა, იმას არაფერი ეკარება. ასევეა ჭეშმარიტი სიბრძნისმოყვარე, ასეთია მისი სიმდიდრე! მას არაფერი გააჩნია და ყოველივე აქვს, ყოველივე აქვს და არაფერი გააჩნია. რამეთუ კედელი შიგნით კი არა, გარედანაა აღმართული, გალავანიც ჩვეულებრივი კი არა, ღმრთისაგან ბოძებული არტყია. ისიც გამაგებინე, რომელი სხეულია უფრო ძლიერი, ის, რომელიც ჭანსალია, კარგად გადააქვს შიმშილი, არც ყინვა აწუხებს და არც სიცხე, თუ ის, რომელიც ყოველივე ამას ძნელად იტანს და გარდა ამისა მზარეულები, მკერავები, მონადირეები და ექიმები სჭირდება? მართლაც, მხოლოდ ჭეშმარიტი სიბრძნისმოყვარისთვისაა ზედმეტი ეს ყველაფერი და ისაა ნამდვილად მდიდარი. ამრიგად, გარეგნულ სიკეთეებში ნუ ეძიებთ მფარველობას თქვენი შვილებისათვის, არამედ გაზარდეთ ისინი მოციქულის მცნების თანახმად. ეს იქნება მათი სიმდიდრეცა და ღიდებაც. როდესაც დროებითი ღიდება და სიმდიდრე გარდახდება — ისინი ხომ უმტკიცონი არიან — მათი მფლობელი ემსგავსება სუსტ, დაავადებულ მცენარეს, რომელსაც არამტუ არავითარი ნაყოფის გამოღება არ შეუძლია, პირიქით, ზარალშიც აგდებს პატრონს. ასევე გალავანი, რომელიც ქარისგან ვერ იცავს, ვერც ამოძირკვისგან გადაარჩენს ხეს. მაშასადამე, სიმდიდრე მეტისმეტად მავნე ყოფილა, როდესაც მის გამო ცხოვრების ცვალებადობას მოუშზადებელნი ვხვდებით. მოდი, ისე გავზარდოთ შვილები, რომ ყოველივეს მშვიდად დათმენა შეძლონ და იცოდნენ, როგორ უნდა მოიქცნენ მათზე მოწევნული უბედურებების ჟამს. გავზარდოთ ისინი უფლის სწავლითა და მოძღ-

ვრებით, ამისთვის დიდ ჯილდოს მოვიპოვებთ. მართლაც, თუკი ის ადამიანი, ვინც მეფის პორტრეტს ხატავს, დიდ პატივშია, განა ბევრად მეტ სიკეთეს არ მოვიხვეჭთ ღმრთის მსგავსების ადღგენისათვის ჩვენ, ვინც ზეციური მეუფის ხატებას ვქმნით? სწორედ, ამას შეიძლება მივამგვანოთ ჩვენი საქციელი, თუ ვასწავლით შეილებს იყვნენ კეთილნი, ურისხველნი, ძვირუხსენებელნი, მოსწრაფედ მქმნელნი სიკეთისა, კაცთმოყვარენი, როგორც თვით ღმერთია, თუკი ჩავაგონებთ, არაარად შერაცხონ ამა სოფლის ყოველი სიკეთე.

**თარგმნა რუსიკო ბუაჩიძემ**

ბილწსიტყვაობასა და ხუმრობას გარყვნილობამდე მიყვარათ. თავი დაანებე ხუმრობასა და მახვილსიტყვაობას, ნურც ააქმით ჩაიდენ რაიმეს მაგდაგვარს. ხუმრობა ჩვენ არ შეგვფერის. აბა რას გვარგებს იგი? სიცილს გამოვიწვევთ მხოლოდ. ჩვენ არ უნდა ვთქვათ არც ერთი უქმი სიტყვა, რამეთუ უქმსიტყვაობიდან უხამსობამდე ერთი ნაბიჯია. ახლა მხიარულების კი არა, სულთქმის, ტორილისა და ვაების დროა, შენ კიდევ ხუმრობ? თუ გინახავს, ასპარეზზე გამოსულ მებრძოლს ბრძოლა მიეტოვებინოს და ხუმრობა დაეწყოს? ახლოა ეშმაკი, გარს გივლის, ბღღვინავს, შენს გადაყლაპვას ლამობს, ათასგვარ ხრიკებს აწყობს შენს წინააღმდეგ, ფიქრობს, როგორ გამოგავდოს თავშესაფრიდან, კბილებს აღჭრიალებს, ცეცხლს აჩაღებს შენი ცხოვნებისათვის ხელის შესაშლელად, შენ კიდევ დამდგარხარ და ხუმრობ, უქმსა და უხამს ლაპარაკს აპყობიხარ. ასეთი საქციელით ეშმაკს რას დააკლებ? ბავშვებივით ვერთობით, საყვარელნო! ისმინე, რას ამბობს პავლე მოციქული, ამსოფლით განსვლას რომ ეპირება: „რომელნი-ესე ვართ ხორცსა ამას შინა, ვკუნესით“ (2 კორ. 5, 4). შენ კი იცინი და ერთობი? ომის დროა, შენ კი მსახიობის ხელობას მოჰკიდებიხარ? ვერ ხედავ მებრძოლთა სახეებს, რა მკაცრნი და შეუვალნი არიან? წარბები შეუქრავთ შიშის მომგვრელად, სახე სასტიკი აქვთ, გული — კეთილი, გონება — გაბედული, სწრაფი და გამჭრიახი, ფრთხილი და მოუსვენარი, თავიანთ რიგებში დიდ წესრიგს, სიმწყობრესა და სიჩუმეს იცავენ. იმაზე აღარას ვამბობ, რომ უჯერო სიტყვა არ დასცდებათ — საერთოდ არ ლაპარაკობენ. თუკი ისინი, ვინც ხილულ მტერს ებრძვის და ზედმეტი სიტყვის თქმა ისეთს ვერაფერს ავნებს, მაინც ასეთ მდუმარებას იმარხავენ, როგორღა უტოვებ უკანდასახევს მტერს შენ, ვისაც სიტყვებისთვისაც გმართებს ბრძოლა? განა არ იცი, რამდენ თავდასხმას უნდა მოელოდე უხილავი მტრისგან? ხუმრობ და ერთობი, მახვილსიტყვაობ, ხალხს აცინებ, მთავარზე კი ფიქრიც გავიწყლება. ხუმრობას მოსდევს ფიცის გატეხვა, ვნება, ბილწსიტყვაობა,

და ვინ იცის კიდევ რა უამი არს ომისა და ბრძოლისა, სიფხიზლისა და მღვიძარებისა, შეიარაღებისა და საბრძოლველად მომზადებისა. მშვიდობიანობის უამს კიდევ შეიძლება კაცმა გაიცინოს, ახლა კი, საერთოდ არაა ამის დრო. ისმინე, რას ამბობს ქრისტე: „სოფელსა უხაროდის, და თქუენ სწუხდეთ“ (იოანე, 16, 20). ქრისტე ჯვარს ეცვა შენი ბოროტი საქმეებისთვის, შენ კიდევ იცინი? მან ყვრიმალის-ცემა და ამდენი ტანჯვა-წამება დაითმინა შენს თავზე მოწვევული უბედურებებისა და ქარიშხლებისთვის, შენ კი. მოლხენითა ხარ? და განა ამით უფრო მეტად არ განარისხებ უფალს? მაგრამ, რაკი ეს საქმე გვეჩვენება უმნიშვნელოდ და იმად, რისგანაც კაცი ძნელად თუ შეიკავებს თავს, მაშ, განვსაჯოთ იგი და ვნახოთ, რა დიდი ბოროტებაა. საერთოდ, რაიმე საქმის უმნიშვნელოდ წარმოჩენა და მისი არაფრად ჩაგდება ეშმაკის ჩაგონებაა. ხუმრობა რალაც უმნიშვნელოც რომ იყოს, მაინც არ უნდა დავტოვოთ უყურადღებოდ, რამეთუ ვიცით: აქედან იღებს სათავეს მრავალი ბოროტება, რომლებიც თანდათან მატულობენ და ხშირად ეს ყველაფერი სიძვეთით მთავრდება. ვნახოთ, საიდან წარმოიშობა ეს ბიწიერება, ანდა სჯობს გავიხსენოთ, როგორი უნდა იყოს წმინდანი? იგი უნდა იყოს ჩუმი, მშვიდი, მწუხარე, მტირალი, შემუსრვილი. მაშასადამე, ვინც ხუმრობს, ის წმინდანი ვერ იქნება. ხუმრობა მხოლოდ სცენაზე მოთამაშე მსახიობებს შეჰფერიტ. ისმინე, რას ამბობს წინასწარმეტყველი: „ჰმონეთ უფალსა შიშით და უგალობდით მას ძრწოლით“ (ფსალმ. 2, 11). ხუმრობის სიყვარული სულს ასუსტებს, აზარმაცებს, აზანტებს. იგი ხშირად შფოთს იწვევს და ომების მიზეზი ხდება. კარგია, თუ სული მღვიძარეა, ძნელად თუ რამე მონიბლავს მას. მაგრამ გაფანტული სულის მოხიბვლა რა ძნელი საქმეა? იგი თავისთავადაც მოხიბლულია და ეშმაკის მანქანება და თავდასხმები აღარც კი სჭირდება. საკითხში უკეთ რომ გაერკვე, თვით ამ განსაზღვრებას დააკვირდი — ხუმარა. ამ სახელს უწოდებენ დაუდგრომელ, თავზეხელაღებულ, პირუმტკიცო, ცვალებად კაცს, ისეთს, ყველაფერს რომ იკადრებს, მაგრამ ეს უჩვეულოა ქრისტეს მსახურისთვის. ხუმარა ადვილად იცვლება და თამაშობს, რადგან მან უნდა მიბაძოს ამა თუ იმ კაცს სახის გამომეტყველებითაც,



სიტყვითაც, სიცილითაც, მიხვრა-მოხვრითაც და საერთოდ, ყველაფრით. ამასთან, ხუმრობები უნდა შეთხზას კიდევ — მისთვის ხომ ესეც აუცილებელია, ქრისტეანს კი კომედიის თამაში არ შეშვენის. თანაც ხუმარას იმათი ძლიერი მტრობის ატანაც უხდება, ვისაც დასცინის, სულერთია, პიროსპირ თუ ზურგსუკან. თუ ხუმრობა კარგი საქმეა, მსახიობებს რატომ ჩაუვარდათ ხელში? მსახიობის ხელობას ეკიდები და არცა გრცხვენია? მრავალი ბოროტებაა დაბუდებული ხუმრობის მოყვარე სულში, დიდი გაფანტულობა და სიცარიელე, მის შიგნით ირღვევა წესრიგი, სუსტდება კეთილგანლაგებულობა, ქრება შიში, ადგილი აღარ რჩება ღმრთისმსახურებისათვის. ენა იმისთვის კი არა გაქვს, რომ სხვას გამოაჯავრო, არამედ იმისთვის, რომ ღმერთს ჰმადლობდე.

გვედრით, განაგდეთ თქვენგან ეს უჯერო შექცევა, შორს იგი თავისუფალი სულისაგან. ურცხვსა და თავსედ ადამიანს საამურად უჩანს ხუმრობა. როგორც ვნებას მიჰყავს კაცი თანდათან მრუშობამდე, ისევე ხუმრობას — დიდ ბოროტებამდე. ისმინე, რას ამბობს წმ. წერილი: „პირველ ქუხილისა წინა უძღვის ელევა, და პირველ სირცხვილისა წინა უძღვის მადლი“ (ზირ. 32, 12). მაგრამ არაეინაა ხუმარაზე უფრო ურცხვი, ამიტომ ბაგე მისი სავსეა არა სიტკბოთი, არამედ სიმწარით. განვაგდოთ ეს ჩვევა ტრაპეზიდან, ზოგიერთი ამას გლახაკებსაც კი ასწავლის. რა სიბრიყვეა! მასხარად ხდიან მათ, ვინც უბედურებითაა გარემოცული! და სად აღარაა მოდებული ეს სენი? მან ეკლესიაშიც კი შეაღწია, წმ. წერილსაც კი შეეხო! ამიტომ გვედრით ყველას გავთავისუფლდეთ ამ ჩვევისაგან, ვილაპარაკოთ ის, რაც შეგვფერის, დაე, განწმენდილ ბაგეებს არ დასცდეს ის, რაც ურცხვსა და უტიფარ ბაგეებს შეჰფერის. რამეთუ „რამ მოყუსობაჲ არს სიმართლისა და უსჯულოებისა, ანუ რამა ზიარებაჲ არს ნათლისა და ბნელისა?“ (2 კორ. 6, 14), სჯობს, განვეშოროთ ყოველივე უჯეროს და აღთქმულ სიკეთეთა მიღების იმედი დავიტოვოთ, ვიდრე ამაოსმეტყველებას აყოლილებმა დავკარგოთ ნიჭი მღვიძარებისა. რამეთუ ხუმარა კაცი იოლად ხდება მაგინებელი, მაგინებელი კი სხვა უამრავი საძრახისი საქმის ჩამდენია.

**მრისხანებისათვის**  
**(ოცდამეექვსე საუბრიდან იოანე ღვთისმეტყველის**  
**სახარებაზე)**

უფალი ყოველთვის მშვიდად და წყნარად ლაპარაკობდა, თავისი მაგალითით ჩვენც სიმშვიდისკენ მოგვიწოდებს და გვასწავლის, რომ როდესაც ვინმეს ვესაუბრებით ან ვარწმუნებთ რამეში, მრისხანებისა და გაღიზიანების გარეშე ვილაპარაკოთ. კაცი, რომელიც ადვილად ღიზიანდება, ვერაფერს უმტკიცებს სხვას და პირიქით, უფრო მეტადაც აეჭვებს. მაშ, დავიოკოთ მრისხანება, ნუ ვეცდებით ვინმეს დარწმუნებას ყვირილით ან მრისხანებით, ყვირილი საზრდოა მრისხანებისა. ადვირი ვასხათ ამ ცხენს, რათა ძირს არ დავეცეთ მხედარი — გონება. მოვთოკოთ მრისხანება, იგი მკაცრი და საშიში სენია, რამეთუ ძალუძს დაღუპოს ჩვენი სულელები, ჩვენც ყოველი მხრიდან დაუფემანოთ საძრომი. რა ბედენაა, თუ მხეცთა მოთვინიერება ძალგვიძს, საკუთარ მრისხანე გულისსიტყვებს კი ვერ მოვრევივართ. მრისხანება არის ძლიერი, ყოვლის შთანთქმელი ცეცხლი, იგი ხორცსაც ვნებს და სულსაც განსრწნის. ადამიანს რომ შეეძლოს საკუთარი თავის დანახვა მრისხანების ყამს, სხვა შეგონება აღარ დასჭირდებოდა, რამეთუ არაფერია გაღიზიანებული კაცის სახეზე უსიამოვნო სანახავი. მრისხანება არის რაღაც თრობა ანუ, უფრო უკეთ, თრობაზე უარესი და ეშმაკზე უბედური. მოდი, ვცადოთ და ნუ დავიყვირებთ — ამით ვპოვებთ საუკეთესო გზას სიბრძნისას. პავლე მოციქულიც ამას გვირჩევს, განვაგდოთ არა მხოლოდ მრისხანება, არამედ ყვირილიც: „ყოველი სიმწარე და რისხვაა და გულისწყრომაა და დაღადებაა და გმობაა მოისპენ თქვენ შორის ყოვლითურთ უკეთურებით“ (ეფეს. 4, 31). დავემორჩილოთ მას, მოძღვარს ყოველივე სიბრძნისა, და როდესაც ვინმეზე განვირისხდებით, მაშინვე საკუთარი ცოდვები გავისვენოთ. ვეცადოთ, ყოველთვის წყნარად ვილაპარაკოთ, რათა გულით მდაბალნი ვიყოთ და მშვიდობა მოვუპოვოთ ჩვენს სულეებს აწინდელ და მერმინდელ ცხოვრებაში.

## რჩევა დაქორწინების მსურველებს

გამცნებთ თქვენ, რათა დაქორწინების მსურველები ამ საქმეს უდიდესი სიფრთხილით მოეკიდოთ. ვინც ცოლის შერთვას აპირებს, ვურჩევ ნეტარ პავლეს მიმართოს, წაიკითხოს მისი კანონები ქორწინების შესახებ და წინასწარ შეიტყოს, რის გაკეთებას უბრძანებს კაცს, როდესაც ავი, მზაკვარი, ლოთი, ანჩხლი, უგუნური ანდა სხვა ამგვარი ნაკლის მქონე ცოლი შეხვდება, და მერე იფიქროს დაქორწინებაზე. თუ დაინახავ, რომ უფლებას გაძლევს რაიმე ნაკლის შენიშვნისთანავე ერთი ცოლი გაუშვა და მეორე შეირთო, თამამად შეუდექი საქმეს, მაგრამ თუ გიბრძანებს, რომ მემრუშე ცოლის გარდა ყველა სხვა უნდა გიყვარდეს და სახლში გესვას, მზად იყავი გადაიტანო ცოლის უკეთურება. და თუ ეს ძნელი და აუტანელია, მაშინ გაფრთხილდი და ყოველი ღონე იხმარე, რათა ზნეკეთილი, მშვიდი და მორჩილი ცოლი შეირთო. სხვა შემთხვევაში, იცოდე, ორიდან ერთი უნდა აირჩიო: ან ავი ცოლის უკეთურება მოითმინო, ანდა განუტევო და ამით მრუშობის ცოდვა იტვირთო, რამეთუ უფალი ამბობს: „ყოველმან, რომელმან განუტევოს ცოლი თვისი თვინიერ სიტყვისა სიძვისა, მან ამრუშა იგი, რომელმან განტევებული შეირთოს, მანცა იმრუშა“ (მათე, 5, 32). წინასწარ განვსაჯოთ ყოველივე ეს და ვიცოდეთ პავლე მოციქულის კანონები, რათა თავიდანვე ზნეკეთილი და ჩვენი შესაფერი ცოლი შევირთოთ. ასე თუ მოვიქცევით, არათუ არასოდეს განუტევებთ მას, არამედ დიდი სიყვარულითაც შევიყვარებთ, როგორც პავლემ გვიბრძანა. მან მხოლოდ ის კი არ გვითხრა, „ქმართა გიყვარდეთ ცოლნი თვისნიო“, არამედ ესეც დაუმატა: „ვითარცა ქრისტემან შეიყვარა ეკლესიაო“. ქრისტემ როგორღა შეიყვარა თავისი ეკლესია? როგორ და, „თავი თვისი მისცა მისთვის“ (ეფეს. 5, 25). ამიტომ, სიკვდილიც რომ მოგიხდეს ცოლის გულისათვის, უკან ნუ დაიხევ. თუკი უფალმა ისე შეიყვარა მონა, რომ „თავი თვისი მისცა მისთვის“, მაშ მით უმეტეს შენ უნდა გიყვარდეს შენივე მსგავსი მონა. „თავი თვისი მისცა მისთვისო“. თქვა პავლემ და დაუმატა: „რადღა იგი წმიდა იყოს, განწმიდა საბანელითა მით წყლისაითა და სიტყვითა“ (ეფეს. 5, 26).

„განწმიდა“ — ესე იგი, უწინ ეკლესია არაწმიდა და შებილწული იყო, მაგრამ მაცხოვარს ზურგი კი არ შეუქცევია მისი სიმახინჯისათვის, არამედ გარდაქმნა, განამართლა, მიუტევა ცოდვები. შენც ქრისტეს მიბაძე: ბევრიც რომ შეგცოდოს ცოლმა, ყოველივე მიუტევე, თუ ავი ზნისა შეგხვდა, შენი სიკეთითა და სიმშვიდით გამოასწორე, როგორც ქრისტემ — ეკლესია. „რამთა წარუდგინოს თავადმან თავსა თვისსა დიდებულად ეკლესიამ“ (27). მერეც, როდესაც ხშირად უხილავს შებილწული და შესვარული, არ უარუყვია და არ განუშორებია, არამედ ყოველთვის ჰკურნავდა და განამართლებდა. როგორც სხეულის ასოს არ ვიჭრით, თუ რაიმე გვეტკივა, არამედ თვით სნეულებას ვებრძვით, ასევე მოვექცეთ ცოლსაც. თუ რაიმე მწიკვლი შენიშნე, ცოლს კი ნუ განიშორებ, არამედ ეს მწიკვლი მოსპე მასში. თანაც, სხეულის ასოზე როცა ვზრუნავთ, არაფერს გვარგებს, თუ იგი განუკურნებელი დარჩება, ცოლის სწავლებისა და ხელმძღვანელობისათვის კი მაინც დიდი ჭილდო გველის, თუნდაც მის ნაკლს ვერაფერი ვუშველოთ. ამ ჭილდოს მივიღებთ მოთმინებისათვის, იმისათვის, რომ ღმრთის შიშით ვიტანდით ყოველივეს, მშვიდად ვითმენდით ცოლის უკეთურებას და სხეულის ასოსავით ვუფრთხილდებოდით მას. ცოლი ჩვენი აუცილებელი ნაწილია, ამიტომ განსაკუთრებით უნდა გვიყვარდეს. ამას გვასწავლის პავლეც: ესრეთ ჭერ-არს ქმართა ცოლთა თვისთა სიყვარული, ვითარცა ხორცთა თვისთა, რამეთუ რომელსა უყუარდეს ცოლი თვისი, თავი თვისი უყუარს, რამეთუ არავინ სადა თავი თვისი მოიძულოს, არამედ ზრდინ და ჰფუფუნებნ მას, ვითარცა ქრისტე ეკლესიასა, რამეთუ ასონი ვართ გუამისა მისისანი, ხორცთა მისთაგანნი და ძვალთა მისთაგანნი“ (28—30). პავლე იმახაც ამბობს, რომ როგორც ევა იშვა ადამის გვერდიდან, ჩვენც ისევე ვიშვით ქრისტეს გვერდიდან. როდესაც ქრისტე ჭვარსეცვა და მოკვდა, მაშინ „ერთმან ერისაგანმან ლახურითა უგმირა გუერდსა მისსა, და მეყსეულად გარდამოხდა სისხლი და წყალი“ (იოანე, 19, 34). ამ სისხლისა და წყლისაგან იშვა მთელი ეკლესია. ამას თვით მაცხოვარი გვიმოწმებს, როდესაც ამბობს: „უკუეთუ ვინმე არა იშვას წყლისაგან და სულისა, ვერ ხელ-წიფების შესლვად სასუფეველსა ღმრთისასა“ (იოანე,

3,5). სისხლს იგი სულს უწოდებს. ჩვენ ნათლისღების წყლით ვიშვებით და სისხლით ვსაზრდობთ. და როგორც ადამის ძილში შეიქმნა ქალი, ისევე ქრისტეს სიკვდილის დროს შეიქმნა ეკლესია მისი გვერდისაგან. მაგრამ ცოლი მხოლოდ იმიტომ როდი უნდა გვიყვარდეს, რომ იგი ჩვენი ნაწილია და ჩვენგან იშვა, არამედ იმიტომაც, რომ ღმერთმა ეს კანონით დაგვიდგინა, როდესაც თქვა: „ამისთვის დაუტეოს კაცმა მამა თვისი და დედა თვისი და შეეყოს ცოლსა თვისსა და იყვნენ ორნივე ერთ ხორც“ (შეს. 2, 24). ამიტომაც მოგვცა პავლემ ასეთივე კანონი, ყოველი ღონე იხმარა, რათა ეს სიყვარული ჩაენერგა ჩვენთვის. და ამ კანონს უმატებს: „საიდუმლო ესე დიდ არს“ (ეფეს. 5, 32). მითხარი, რატომ არის ეს საიდუმლო დიდი? იმიტომ, რომ ქალწული, რომელიც სულ სახლში ზის და არასოდეს უნახავს საქმრო, პირველი დღიდან ისე ეჩვენება და უყვარდება იგი, როგორც საკუთარი სხეული. ასევე ქმარსაც, რომელსაც აქამდე არც უნახავს და არც დალაპარაკებია თავის საცოლეს, ის ურჩევნია ყველას — მეგობრებს, ნათესავებსა და თვით მშობლებსაც კი. მშობლებიც, თუ რაიმე სხვა შემთხვევისათვის ართმევენ ფულს, დრტვინავენ, შფოთავენ, ჩივიან და სასამართლოს გადასცემენ დამნაშავეს, ახლა კი კაცს, ხშირად ისეთს, ადრე რომ თვალითაც არ უნახავთ, აბარებენ თავიანთ ქალიშვილსაც და მდიდრულ მზითევსაც, თანაც ამას სიხარულით სჩადიან და არც დაზარალებულად გრძნობენ თავს. საყვარელი ქალიშვილი და მასთან ერთად დიდი სიმდიდრე სახლიდან მიდის, ისინი კი, არც დრტვინავენ, არც იტანჯებიან, პირიქით, მადლობელნიც არიან ბედის. პავლე გვიჩვენებს ყოველივე ამას — ანუ, თუ როგორ ტოვებს ორივე თავ-თავის მშობლებს და ერთმანეთს ეწებება, და ეს ახალი კავშირი ძველ ჩვევაზე უფრო მყარია, და რომ კაცმა კი არა, თვით ღმერთმა ჩაგვიდო ასეთი სიყვარული და ისე განაგო, რომ ამას სიხარულით იქმან მშობლებიცა და შვილებიც, და ამიტომაც ამბობს: „საიდუმლო ესე დიდ არს“. და როგორც ჩვილი სცნობს შეხედვისთანავე მშობლებს, თუმცა ჯერ ლაპარაკიც არ უსწავლია, ასევე საცოლე და საქმრო ყოველგვარი შუამავლის გარეშე, ვინმეს ჩაგონებისა და რჩევის გარეშე, ერთი შეხედვით სცნობენ და ეწებებიან ერთმანეთს. შემდეგ

მოციქული ამბობს, რომ იგივე ითქმის ქრისტესა და ეკლესიაზე. რანაირად? როგორც საქმრო ტოვებს მამას და მიდის საცოლესთან, ისევე ქრისტემ დაუტევა მამის ტახტი და მივიდა საცოლესთან, ჩვენ კი არ აგვიყვანა ცად, თვითონ მოვიდა ჩვენთან. თუმცა, როდესაც გეუბნებიან, რომ ქრისტემ დაუტევა მამის ტახტი, იგულისხმება, რომ იგი კი არ გადმოსახლდა, არამედ შეგვიწყნარა, და ჩვენთან ერთად ყოფნისას მამასთან ერთადაც იყო. ამიტომაც ამბობს მოციქული: „საიდუმლო იესე დიდ არს“. ესაა დიდი საიდუმლო ადამიანებს შორისაც, ხოლო როდესაც ვხედავ, რომ იგი ხდება ქრისტესა და ეკლესიას შორის, მაშინ მიკვირს და განცვიფრებული ვარ. ამიტომ დაუმატა პავლემ თავის ნათქვამს: „საიდუმლო იესე დიდ არს“, და კიდევ ესეც: „ხოლო მე ვიტყვი ქრისტესათვის და ეკლესიისა“ (ეფეს. 5, 32). მაშ, ახლა მაინც, რაკი იცი, რა დიდი საიდუმლოა ქორწინება და რისი ხატია იგი, უბრალოდ და სხვათა შორის ნუ იმსჯელებ მასზე, და საცოლის ძებნისას მის სიმდიდრეს ნუ გამოეკიდები. ქორწინება ვაქრობა კი არა, მთელი ცხოვრების თანამდევია კავშირია.

ცოლს მხოლოდ ის ევალება, რომ ქონებას მოუაროს, შემოსავალს გაუფრთხილდეს, სახლზე იზრუნოს, ცოლი ღმერთმა იმისთვის მოგვცა, რომ ყველაფერში ჩვენი შემწე იყოს. ჩვენი ცხოვრება ხომ ორგვარი საქმისაგან შედგება — საზოგადოსა და კერძოსაგან, ამიტომ ღმერთმა გაპყო ისინი და ცოლს სახლზე ზრუნვა მიანდო, ქმარს კი — ქალაქი, საეაქრო, სამხედრო, სასამართლო, სათათბირო და სხვა ამგვარი საქმეები. ცოლმა არც შუბის ტყორცნა იცის და არც ისრის სროლა, სამაგიეროდ შეუძლია რთვა, ქსოვა და სხვა შინაური საქმეები. იგი სათათბიროში ვერ გამოთქვამს აზრს, სამაგიეროდ სახლში შეუძლია რჩევის მიცემა, და ხშირად ის შინაური ამბები, რომლებზეც ქმარი მსჯელობს, ცოლს უკეთ ესმის. ცოლი ვერ წარმართავს საზოგადო საქმეებს, სამაგიეროდ შეუძლია კარგად გაზარდოს შვილები, და ესაა მთავარი. მის ხელთაა მოსამსახურეთა უწესო საქმეების შემჩნევა-გამოსწორება, მათ პატიოსნებაზე ზრუნვა. მასვე ევალება ძვირფასეულობის შენახვა, შალეულის შექმნა, სადილის მომზადება, ტანისამოსზე ზრუნვა, მოკლედ, ყველაფერი რისი გაკეთებაც ქმარს არც

შეკფერის და მოუხერხებელიცაა მისთვის, ძალიანაც რომ ეცადოს. კემმარიტად, ესეც ღმრთის განგებისა და სიბრძნის გამოვლინებაა, რომ კაცი, გარკვეული უმნიშვნელოვანეს საქმეებში, უძლური და უსარგებლოა არანაკლებ მნიშვნელოვან ამბებში, რათა ცოლის არსებობაც აუცილებელი იყოს. ღმერთს რომ კაცი ორივე საქმეში ერთნაირად ძლიერი შეეკმნა, მაშინ ქალი ზედმეტი და უსარგებლო იქნებოდა, და ცოლისთვის რომ უფრო მნიშვნელოვანი საქმე დაეკისრებინა, მაშინ ქალები უზომოდ გაამაყდებოდნენ. ამიტომ ღმერთმა ერთს არ მისცა ორივე საქმის შეძლება, რათა მეორე სქესი დამცირებული და ზედმეტი არ დარჩენილიყო, და არც ერთნაირად მიჰმადლა თითოეულს ორივე უნარი, რათა ამ თანასწორობისგან რაიმე პეტოქეობა და კიდილი არ წარმოშობილიყო და ცოლებს ქმრის ტოლი პატივის მიღება არ მოენდომებინათ. უფალმა იზრუნა მათ შორის მშვიდობისა და თითოეულის ღირსების დაცვაზე და ორ ნაწილად გაჰყო ჩვენი ცხოვრება, ისე, რომ ყველაზე აუცილებელი და საკირო ქმარს მისცა, უფრო ნაკლებად მნიშვნელოვანი და დაბალი — ცოლს, რათა ქმარს მეტი პატივი ჰქონდეს საზოგადოებაში, ცოლი კი ქმრის წინააღმდეგი არ მიდიოდეს.

ახლა, რაკი ყოველივე ეს ვიცით, მოდიტ, ერთადერთი რამ ვეძიოთ საცოლის არჩევისას — სულიერი სათნოება და ზნეკეთილობა, რათა მშვიდობითა და თანხმობით დავტკბეთ და მტკიცე სიყვარულით ნუგეშინისცემულ ვიქმნეთ. ვინც მღიდარ ცოლს ირჩევს, ის უფრო ქალბატონს ირთავს, ვიდრე ცოლს. თუკი ცოლები უამისოდაც სიამაყით სავსენი და პატივმოყვარეობისკენ მიდრეკილნი არიან, წარმოიდგინეთ, რა აუტანლები გახდებიან თავიანთი ქმრებისთვის, როცა ყოველივეს სიმღიდრეც დაემატება. ხოლო ვინც ქონებით თანასწორი ანდა უფრო ღარიბი ცოლი არჩია, იმან დამხმარე და თანაშემწე შეირთო და სახლში სიკეთე შეიტანა, რამეთუ ცოლს გაჭირვება ჩააგონებს, გაუფრთხილდეს ქმრის ავლადიდებას, დაუჯეროს და დაემორჩილოს მას. ასეთი ცოლი ცდილობს თავიდან აიცილოს ყოველგვარი საბაბი ჩხუბისა, სიამაყისა და შეურაცხყოფისა და პირიქით, ხდება შემაკავშირებელი მშვიდობისა, ერთსულოვნებისა, სიყვარულისა და

თანხმობისა. მაშ, ნუ შევეცდებით ფულის მოხვეჭას, არამედ მშვიდობასა და ერთსულოვნებას მიველტვოდეთ. ქორწინება ღმერთს იმისთვის კი არ მოუცია, რომ სახლი მტრობითა და სიძულვილით ავაგსოთ, შუღლი და განხეთქილება დავთესოთ, მეტოქეებად ვექცეთ ერთმანეთს და სიცოცხლე გავიმწაროთ, არამედ იმისთვის, რომ ვპოვოთ შემწე, ნავსაყუდელი, თავშესაფარი და ნუგეშინისცემა ჩვენს თავს მოწეული უბედურებების დროს, რომ ცოლთან საუბარი სიხარულს გვანიჭებდეს. რამდენი მდიდარი ვიცი, რომ ცოლიც მდიდარი შეირთო და ქონება გაიორკეცა, მაგრამ სამუდამოდ დაკარგა მშვიდობა და სიხარული, რამეთუ ყოველდღიურმა ჩხუბებმა სიცოცხლე გაუშწარა! რამდენი ღარიბია, რომ კიდევ უფრო ღარიბი ცოლი შეირთო, მაგრამ მშვიდობით ტკება და სიხარულით შესცქერის მზეს, როცა მდიდრები იმ ფუფუნების მიუხედავად, გარს რომ აკრავთ, ყოველდღე სიკვდილსა და ამ ცხოვრებისაგან განთავისუფლებას ნატრობენ აშარი ცოლების გადამკიდვ. ასე რომ, სიმდიდრეში არაფერი ყრია, თუ ქალს სიკეთე არა აქვს მომადლებული. მაგრამ რომელ მშვიდობასა და თანხმობაზეა ლაპარაკი? მდიდარი ცოლის შერთვა ხშირად თვითონ სიმდიდრის საზიანოდ ტრიალდება ხოლმე. კაცი მთელ თავის სიმდიდრეს გაფლანგავს ცოლის ქონების იმედით, ამ დროს კი, ცოლი უკვდება და მისი მზითვევის დაბრუნება უხდება. მაშინ, როგორც გემის დაღუპვისას ხდება ხოლმე, კაცი მხოლოდ საკუთარი თავის გადარჩენას ახერხებს და ამდენი ჩხუბის, უსიამოვნებებისა და სასამართლოებში სირბილის შემდეგ ცარიელტარიელი რჩება. გავითვალისწინოთ ყოველივე ეს და სიმდიდრეს ნუკი გამოვეკიდებით, ზნეკეთილი, პატიოსანი და გონიერი ქალი ვეძიოთ. ცოლი მხოლოდ იმისთვის უნდა შევირთოთ, რომ ცოდვას გავექცეთ, თავი დავადწიოთ ყოველგვარ გარყვნილებას, იმისთვის უნდა ვიქორწინოთ, რომ სიწმინდით ვიცხოვროთ, ეს მაშინ იქნება შესაძლებელი, თუ ისეთ ცოლს შევირთავთ, რომელიც დიდი ღმრთისმოშიშებით, უმანკობითა და სიმშვიდით იქნება გამორჩეული. როდესაც ცოლის შერთვას აპირებ, ადამიანებს ნუკი მიმართავ, ანდა იმ ქალებს, სხვისი უბედურებით რომ ვაჭრობენ და მხოლოდ იმას ფიქრობენ, როგორ მოიპოვონ გასამრჯელო, არამედ ღმერთს შევეყ-



დრე, და ის იქნება უენი ქორწინების შემწე, რამეთუ თავადმან აღგითქვა: „ხოლო თქუნ ეძიებდით პირველად სასუფეველსა ღმრთისასა... და ესე ყოველი შეგეძინოს თქუნ“ (მათე, 6, 33). იქორწინეთ უდიდესი წესიერების დაცვით, ნუ გაიკარებთ ცეკვებს, სიცილს, უჯერო ლაპარაკს, გუდა-სტვირს, სალამურს, ეშმაკის გამოგონებებს ანდა რაიმე ამდაგვარს, არამედ ყოველთვის ღმერთს მოუხმეთ შემწედ თქვენს საქმეებში. თუ ასე წარვმართავთ ჩვენს ცხოვრებას, არც განქორწინება დაგვპირდება ოდესმე, არც ექვიანობა გაგვტანჯავს, ჩხუბსა და მტრობასაც გადავურჩებით და ღიდი მშვიდობითა და სრულთანხმობით დავტკბებით, ამას კი, ცხადია, სხვა სათნოებებიც თან მოჰყვება.

**თარგმნა რუსიკო ბუაჩიძემ**

- (მერვე საუბრიდან ტიმოთეს მიმართ მეორე ეპისტოლეზე)

ნუ დავიჯერებთ სისულელებს, მისნები რომ გვიწინასწარმეტყველებენ ხოლმე. მეტყვით, მაშ რატომაა, რომ რასაც გეუბნებიან, ყველაფერი გვიხდებაო? იმიტომაც გიხდებათ, რომ გჯერათ, თუმცა ისიც საკითხავია, მართლა გიხდებათ თუ არა. მისანი გიმონებს, მთელი შენი ცხოვრების ბატონ-პატრონად იქცევა და როგორც უნდა, ისე გათამაშებს. მითხარი, ავაზაკთა წინამძღოლმა რომ უფლისწული ჩაიგდოს ხელში, რომელიც მასთან მივიდა და შეიყვარა ტყე და იქაური ცხოვრება, შეუძლია თუ არა უწინასწარმეტყველოს, მოკვდება თუ იცოცხლებს? რა თქმა უნდა, შეუძლია. რატომ? იმიტომ კი არა, რომ მომავალს ჰკვრეტს, არამედ იმიტომ, რომ მის ხელთაა დაღუპვაცა და ხსნაც ამ უფლისწულისა, რომელმაც ბატონად გაიხადა იგი. თუ ეტყვის, მდიდარი იქნებიო, ანდა თუ ეტყვის, ღარიბი იქნებიო, ესეც მასზე ჰკიდია. ასეა ამ სოფელშიც: ადამიანთა უმეტესობა ხომ ეშმაკს დაემონა. მეორე მხრივ, ამ მატყუარებს ისიც ძალიან შეეღის, რომ კაცი მათ დაჯერებას ეჩვევა, მცდარ წინასწარმეტყველებას არავინ აქცევს ყურადღებას, ახდენილზე კი, ბევრს ლაპარაკობენ. თუ მართლა აქვთ რაიმე ძალი წინასწარმეტყველებისა, მიჩვენე მე, მორწმუნეს. ამას ქადილით როდი ვამბობ. არ ღირს იმით თავის მოწონება, რომ მათი არ მჯერა. ცოდვილი კაცი ვარ, მაგრამ მათ კი არ დავემორჩილები, სასაცილოდაც ავიჯდებ. მომგვარე რომელიმე თქვენი მისანი, დე მითხრას, რა მომეღლის, ანდა ხეალ რა მომივა. მაგრამ ვერ მეტყვის, რამეთუ უფლის ხელმწიფების ქვეშე ვარ და მისანს ჩემზე არავითარი ძალა და გავლენა არ გააჩნია. მე შორსა ვარ მისი ქსელებისა და ორმოებისგან, მე მეუფეს ვემსახურები. კი მაგრამო, მეტყვი, აი, ამა და ამ კაცმა მოიპარა, მისანმა კი გამოიცილო, ვინაა ქურდიო. მაგრამ ეს ყოველთვის არ მართლდება, უფრო ხშირად მათი ნათქვამი მცდარი და სულელურიცაა. მისნებმა არაფერი იციან, და თუ ზოგჯერ მაინც ახდება ხოლმე რაღაც, ისიც შემთხვევის ბრალია. ჩვენი წინასწარმეტყველები კი არასოდეს ცდებიან, ისე არ ხდება, რომ ერთს სწორად ამბობ-

დნენ და მეორეს — არასწორად, არამედ ყოველი მათი ნათქვამი ჭეშმარიტია, და სწორედ ესაა წინასწარხედვა. ამიტომაც გამცნებთ თქვენ, მოეშვით ამ სისულელეს, თუ გწამთ ქრისტე. და თუ არა გწამთ, რატომ ირცხვენთ თავს, რატომ სცდებით? „ვიდრემდის კელობთ ორითავე გოჯითა“ (III მფ. 18, 21)? რისთვის დადიხარ მისანთან, რისთვის ეკითხები რჩევას? რაკი მიხვედი და აზრი ჰკითხე, უკვე დაემონე, რამეთუ, როდესაც ეკითხები, იგულისხმება, რომ გჯერა მისი. არაო, მეტყვი, იმიტომ კი არ ვეკითხები, რომ მჯერა, არამედ იმიტომ, რომ გამოცდა მინდა მისიო. მაგრამ რადგანაც გამოცდას უწყობ, მაშ, არც იმაში ხარ დარწმუნებული, რომ გატყუებს; უბრალოდ, გეეჭვება. რატომ ეკითხები, რა მოხდებაო? მისნები რომ გეუბნებოდნენ, ესა და ეს მოხდება და ეს გააკეთე, ამას კი, ნუ იზამო, კიდეც არ იქნებოდა ისეთი უგნურება მათი დაჯერება, თუმცა ესეც კერპთმსახურებაა და ამასაც უნდა ვერიდოთ. და მით უმეტეს, თუ მომავლის წინასწარმეტყველებას ბედავენ, მათი მორჩილი ზედმეტი ჭირის მეტს ვერაფერს იძენს: მისნობა არ უხდება და ამოდ კი, იტანჯება. მომავლის ცოდნა რომ ჩვენთვის საჭირო ყოფილიყო, ღმერთი არ დაგვიმალავდა, შური არ სძლევადა მას, ვინც გვამცნო ზეციური საიდუმლოებები. „ყოველი, რაოდენი მესმა მამისა ჩემისაგან, გაუწყე თქუენ“ (იოანე, 15, 15), ამბობს უფალი; და იქვე: „არღარა გეტყვი თქუენ მონად... ხოლო თქუენ გარქუ მეგობრად“ (15, 14). რატომ არ გამოგვიცხადა ღმერთმა მომავალი? უნდა, რომ საერთოდ არ ვზრუნავდეთ ხვალისათვის. ასე შურის გამო როდი მოგვექცა, ძველებს ხომ ხშირად უწინასწარმეტყველებდა ხოლმე, თუნდაც ვირის ამბავი გავიხსენოთ (I მფ. 9). იმათ იმიტომ უწინასწარმეტყველებდა, რომ ბავშვებს ჰგავდნენ. ჩვენ კი აგვარიდა საზრუნავი — შეუცნობელის ცნობა, რამეთუ სურდა, არ გვეფიქრა ხვალეზე. სანაცვლოდ კი, რა გაგვიმხილა? ის, რაზედაც ძველებს წარმოდგენაც არ ჰქონდათ. ყოველივე, მათთვის განცხადებული, უმნიშვნელოა, ჩვენ კი ვიცით, რომ მოგველის აღდგომა, რომ უკვდავი და უხრწნელი ვიქნებით, რომ ყოველივე ამა სოფლისა წარვაღს, რომ ჩვენ ცად აღვიყვანებით, რომ ბოროტნი დაისჯებიან, და კიდეც ბევრი რამ ვიცით ისეთი, რაც უტყუარი სიმართლეა.

განა ამ ჭეშმარიტებების ცოდნა არ სჯობს იმის ცოდნას, რომ დაკარგული ვირი მოიძებნება? ვთქვათ და იპოვე ეს ვირი. მერე რა? ხომ შეიძლება ისევ დაკარგო? ან თუ არ დაკარგავ, სიკვდილის უამს თვითონვე დატოვებ მას მიწაზე. ხოლო ის სიკეთეები, ახლახანს რომ ჩამოვითვალე, თუ მოვინდომებთ, ყოველთვის ჩვენთან დარჩება. მაშ მოდი, ამას ვეცადოთ: მარადიული და უცვალებელი სიკეთეები ვეძიოთ, ნუ ვუსმენთ მისნებს, ცრუ წინასწარმეტყველებსა და მკითხავებს, არამედ შევეუდგეთ ღმერთს, რომელმაც ყოველივე იცის და ყოველივეს ხედავს: მაშინ ჩვენც ყველაფერი გვეცოდინება, რისი ცოდნაც ჩვენთვის საჭიროა, და საუკუნო სიკეთეებს დავიმკიდრებთ.

**თარგმნა რუსიკო ბუაჩიძემ**

## სიტყვა პირველი

1. მრავალი მეგობარი მყავდა, სარწმუნო და ჭეშმარიტი, ცინაც იცოდა მეგობრობის წესი და მტკიცედაც მისდევდა მას, მაგრამ მრავალთაგან ერთს მაინც გამორჩეულად ვუყვარდი. თავისი სიყვარულით იგი ბევრად აღემატებოდა სხვა მეგობრებს, თუმცა არც ისინი იყვნენ ჩემდამი გულგრილნი. ყოველთვის ჩემი განუყრელი თანამგზავრი იყო: ერთსა და იმავე მეცნიერებებს ვსწავლობდით და საერთო მასწავლებლები გვყავდა, ერთნაირი წადილითა და გულმოდგინებით ვმეცადინეობდით მჭევრმეტყველებაში და ერთნაირი სურვილები გვქონდა, რადგანაც ერთსა და იმავე საქმეს ვაკეთებდით. ეს ასე იყო მასწავლებლებთან სიარულის დროს, და მერეც, როცა დავასრულეთ სასწავლებელი და ცხოვრების გზის არჩევანის წინაშე დავდექით, ჩვენი აზრები კვლავ ერთმანეთს დაემთხვა.

2. ჩვენი ურთიერთობის სიმტკიცე და დაურღვევლობა სხვა მიზეზებმაც განაპირობა: მამულის უპირატესობით ერთმანეთის წინაშე თავს ვერ მოვიწონებდით, არც ის ყოფილა, რომ მე მოქარბებული მქონოდა სიმდიდრე, იმას კი უკიდურეს სილატაკეში ეცხოვრა, ჩვენი ქონება იმდენადვე თანაბარი იყო, რამდენადაც გრძნობები. წარმომავლობაც ერთნაირი გვქონდა, ამნაირად, ყველაფერი უწყობდა ხელს ჩვენს ერთობას.

3. მაგრამ როდესაც მან, ნეტარმა, მონაზვნური ცხოვრება დაიწყო და ჭეშმარიტ სიბრძნისმოყვარებას შეუდგა, მაშინ კი დაირღვა ჩვენი თანასწორობა. მისი სასწორის ფიცარი შემსუბუქდა და ამალდა. მე კი, სოფლის ტრფიალით გზა-ცთომილმა, ქვე-დავზიდე ჩემი ფიცარი. ჩვენი მეგობრობა უწინდებურად მტკიცე იყო, თუმცა ერთად ყოფნა მოიშალა, რადგან შეუძლებელია ერთად ცხოვრება იმათი, ვინც სხვადასხვა საქმიანთა დაკავებული. როცა რამდენადმე გავთავისუფლდი

<sup>1</sup> მეორე შესწორებული გამოცემა.

ამქვეყნიური ორომტრიალისგან, ხელგაშლით მიმიღო, თუმცა ვერც მაშინ ვიცავდით უწინდელ თანასწორობას, რადგან ის უკვე შორს იყო წასული და თან დიდი გულმოდგინებაც გამოიჩინა, ამდენად კვლავ ჩემზე მაღლა იდგა და დიდ საზომს იყო მიღწეული.

4. კეთილი კაცი იყო, ძვირად უღირდა ჩვენი მეგობრობა და იმის მუხედევად, რომ გაუბრბოდა ყველანაირ ურთიერთობას, მთელ თავის დროს ჩემთან ატარებდა, თუმცა მე ჩემი დაუდევრობით მაინც ხელს ვუშლიდი. რადგანაც კაცს, რომელიც სამსჯავროსა და თეატრალურ სანახაობებს იყო მიჯაჭვული, შეუძლებელია დიდი დრო გაეტარებინა იმასთან, ვინც მთელი დღე წიგნებს უჯდა და არც კი იხედებოდა საკრებულოსკენ. მაგრამ როცა ეს დაბრკოლებები მოისპო და მეც თავისნაირი ცხოვრების გზას გამიყოლია, მაშინ კი გამოთქვა სურვილი, რომელსაც დიდი ხანია გულში ინახავდა. უკვე არც ერთი წუთით აღარ მშორდებოდა და სულ იმის ჩაგონებაში იყო, რომ თვითეულ ჩვენგანს მიეტოვებინა სახლი და საერთო სამყოფელი გვექონოდა. დამარწმუნა კიდევ, ცოტაც — და ასეც მოხდებოდა.

5. მაგრამ დედაჩემის დაუცხრომელმა ვედრებამ დამაბრკოლა და ამიტომ ვეღარ გავახარე ჩემი მეგობარი, უფრო უკეთ, ვერ შევძელი მისგან შემოთავაზებული პატივის მიღება. დედამ რომ ჩემი განზრახვა გაიგო, ხელი ჩამკიდა, თავის ოთახში გამიყვანა, იმ საწოლთან დამსვა, რომელზეც მძვა, თვალთაგან ცრემლთა ნაკადული წასკდა, და ამ ცრემლებზე მწარე სიტყვები მოაყოლა. ქვითინებდა და მეუბნებოდა: „შვილო. დიდხანს არ დამკლია მამაშენთან ყოფნის სიხარული, ღმერთმა ასე ინება!“. მისმა სიკვდილმა, შენს დაბადებას მალე რომ მოჰყვა, შენ ობლობა გარგუნა, მე კი — ნაადრევი ქვრივობა და ქვრივობის სიმწარე, რომელსაც მხოლოდ ის გაიგებს კარგად, ვისაც გამოუცდია. არავითარ სიტყვას არ ძალუძს აღწეროს ის ქარიშხალი და ის განცდები, თავს რომ დაატყდება ყმაწვილ ქალს, რომელმაც ახლახან დატოვა მამის სახლი, ჯერაც გამოუცდელია და უეცრად აუტანელი მწუხარება შე-

<sup>1</sup> ანთოსისი, მღვდელმთავარ იოანე ოქროპირის დედა, ოცი წლისა დაქვრივდა.

ემთხვევა, თანაც იძულებულია იტვირთოს საზრუნავი, რაც მის ასაკსაც აღემატება და ბუნებასაც. ცხადია, მან მსახურთა დაუდევრობაც უნდა გამოასწოროს, მათი დანაშაულიც 'შენიშნოს, ნათესაეების ხრიკებიც ჩაშალოს, მანვე უნდა გაუძლოს მეზვერეთა შევიწროებას, მათ მკაცრ მოთხოვნებს ბაჟის აღებისას. თუ ქმრის სიკვდილის შემდეგ ბავშვი რჩება, თუნდაც გოგონა იყოს, ბევრ ზრუნვას მოითხოვს დედისგან, თუმცა ეს ყველაფერი ფულთან და შიშთან არაა დაკავშირებული. ვაჟიშვილი კი ყოველდღე შიშში ამყოფებს დედას და უფრო მეტ ზრუნვას მოითხოვს. აღარას ვამბობ ფულზე, რომელიც საჭიროა, თუ დედას სურს, შვილი კარგად აღზარდოს. მაგრამ გ-ნსაცდელმა ვერ მაიძულა მამაშენის სახლში სხვა სიძის შემოყვანა, მოთმინებით ვიტანდი ქვრივობის ჭირსა და მრავალ მოწვევულ მწუხარებას.

ჩერ ერთი, უზუნაესის შეწევნა მაძლიერებდა, მეორე — ამ ტანჯვაში დიდ ნუგეშს მცემდა შენი სახის ჭკერეტა, რადგან მასში ვხედავდი განსვენებულის ნამღვილ, ცოცხალ ხატებას. როცა ჭერაც ყრმა იყავ და ძლივს ტიტინებდი (ამ დროს ბავშვები განსაკუთრებით საყვარლები არიან), დიდად მიმსუბუქებდი დარდს. მოთმინებით ავითანე ქვრივობის გასაჟირი, არაფერი მომიკლია მამაშენის დატოვებული ქონებისთვის, ამას ვერ მისაყვედურებ. არადა, ბევრ საბრალო თბოლს ხომ სწორედ ასე დაემართა. არაფერი მომიკლია მამაშენის დანატოვარისთვის და თანაც არ დავრიდებოვარ აუცილებელ ხარჯებს, რომ სწავლა კეთილად გაგესრულებინა. არ იფიქრო, თითქოს გაყვედრიდე ყოველივე ამას.

ახლა კი გვედრები: მეორე ქვრივობას ნუ მოაწევ ჩემზე, დაშრეტილ მწუხარებას კვლავ ნუ აღმიძრავ შენი განშორებით, დაელოდე ჩემს აღსასრულს. ვინ იცის იქნებ ახლოსაც იყოს იგი, რამეთუ თქვენ, ჭაბუკნი ელით დღეთა სიგრძესა, ხოლო ჩვენ, მოხუცებულნი სიკვდილსდა მოველით. მამაშენის გვერდით მიწას რომ მიმაბარებ, მერე რა გზასაც გინდა, იმას დაადექი, აღარავინ დაგაბრკოლებს. მაგრამ ვიდრე მე ვსუნთქავ, ჩემთან იყავი, ღმერთს ნუ განარისხებ, ნუ მიქადი ასეთ ხიფათებს მე, ვისაც არაფერი დამიშავებია შენთვის. თუ იმას მამბრალებ, რომ მსოფლიო ზრუნვას გაკისრებ და საკუთარ საქმე-

ებზე ფიქრს გაიძულებ, მაშინ გამერიდე, როგორც მტერსა და ავის მოსურნეს, ნუ შეგარცხვება ნურც ბუნების კანონებისა, ნურც აღზრდისა, ნურც ჩვევისა და ნურც რაიმე სხვა მიზეზისა. ხოლო თუ ყოველ ღონეს ეხმარობ, რომ სრული განსვენება მოგანიჭო ამ სოფელში, მაშ დარჩი ჩემთან, ნუ დამოტყევებ. შენ კი ამბობ, ბევრი მეგობარი მყავსო, მაგრამ ვერც ერთი მათგანი ვერ მოგანიჭებს ასეთ განსვენებას, რადგან არავინაა, ჩემსავით რომ ზრუნავდეს შენს კეთილდღეობაზე“.

6. ამასა და სხვა ამისთანებს მეუბნებოდა დედა, მეც ყველაფერი ჩემს დიდსულოვან მეგობარს მოვახსენე. ის კი ამ სიტყვებს როდი დასჯერდა, პირიქით, მეტი დაუინებით ჩამაგონებდა ადრინდელი განზრახვის შესრულებას. ამ ყოფაში ვიყავით — იგი ხშირად მევედრებოდა, მე კი არ ვეთახებოდი — რომ უეცრად ხალხში ხმა დაირხა, თითქოს ჩვენი ეპისკოპოსის პატივში აყვანა იყო განზრახული. ამ ამბავმა ორივე შეგვაშფოთა. შიშმა და გაურკვევლობამ შემიპყრო: მეშინოდა, ჩემი ნების საწინააღმდეგოდ არ მომხდარიყო ჩემი ხელდასხმა, გაურკვევლობა კი იმიტომ დამეუფლა, რომ ხშირად ვფიქრობდი და ვერ გამეგო, საიდან გაუჩნდათ ადამიანებს ასეთი აზრი ჩემს შესახებ. კარგად ვუყვირებოდი საკუთარ თავს და ვერაფერს ეპოულობდი ჩემში ესოდენი პატივის ღირსს. ამ დროს მეწვია ჩემი დიდსულოვანი მეგობარი და საიდუმლოდ მამცნო ეს ამბავი, მას ეგონა, რომ ჭერ არაფერი ვიცოდი, თანაც მთხოვა, ახლაც უწინდელივით ერთნაირად განგვესაჯა და ერთნაირად მოვექეულიყავით. მარწმუნებდა, რა გზაც არ უნდა აირჩიო, ჩვენი ხელდასხმის მსურველთ დამორჩილდები თუ გაექცევი, მეც უეჭველად შენთან ერთად ვიქნებიო. აშკარად ვხედავდი, რომ იგი მართლაც ყველაფრისთვის მზად იყო და ვიფიქრე, რომ მთელ ეკლესიას დიდ ვნებას მოვუტანდი, თუ საკუთარი უძლურების გამო ქრისტეს სამწყსოს მოვაკლებდი ჩინებულ და წინამძღვრობის შემძლე ყმაწვილს, ამიტომ არ გავუმხილე ჩემი გულისთქმა, თუმცა იმ დრომდე მისთვის არც ერთი ჩემი აზრი არასოდეს დამიმალავს. ვუთხარი, ამ საკითხზე ბჭობა სხვა დროისთვის გადავდოთ, საჩქარო არაფერიამოთქი, ადვილად დავარწმუნე, რომ არ ეზრუნა ამაზე და მტკი-



ცე იმედი ჰქონოდა ჩემი თანადგომისა, თუკი ნამდვილად დავიპირებდნენ ხელდასხმას.

მცირე ხნის შემდეგ, როცა მოვიდა კაცი, ვისაც ჩვენი ხელდასხმა უნდა აღესრულებინა, მე დავიმალე. ჩემი მეგობარი კი, რომელმაც ამის შესახებ არაფერი იცოდა, სხვა საბაბით გაიწვიეს და მან იტვირთა ეს უღელი, სრულიად დარწმუნებულმა, რომ პირობის თანახმად მეც მას მივყვებოდი, ანუ. უფრო უკეთ, ეგონა რომ თვითონ მომყვებოდა მე. ზოგიერთი იქ მყოფები, რაკი დაინახეს, რომ ბასილი ჩიოდა რატომ წამომიყვანეთო, გაკვირვებულები გაიძახოდნენ: „საოცარი იქნება, თუ ის, ვინც უფრო თამამ კაცად იყო მიჩნეული (ანუ მე), დიდი სიმდაბლით მიიღებს მამათა განჩინებას, ეს კი, უფრო კეთილგონიერი და თავმდაბალი, წინ აღუდგება მამებს და დაიწყებს ცუდმედიდობას, უარყოფას და ცილობას“.

ისიც დაემორჩილა ამ სიტყვებს. ხოლო როცა შეიტყო, რომ მე გავიქეცი, მოვიდა ჩემთან მწუხარებით აღვსილი, ახლოს დამიჯდა, რაღაცის თქმა სურდა, მაგრამ სულიერი მღელვარებით შეძრულმა სიტყვა ვერ დასძრა. როგორც კი ხმის ამოღებას დააპირებდა, მყისვე ჩერდებოდა, რადგან ურვა არ აცლიდა სიტყვის დამთავრებას. ცრემლმორეული და შეძრწუნებული რომ ვიხილე (თანაც მიზეზი კარგად ვიცოდი), გავიცინე, დიდი სიხარული გამოვხატე, მის ხელს დავწვდი და ვეამბორე, მერე ღმერთს მადლობა შევწირე, რომ ჩემმა ხერხმა გამოიღო ის კეთილი ნაყოფი, რომელსაც ყოველთვის ვნატრობდი. ჩემი სიხარული და აღტაცება როცა იხილა და შეიტყო, რომ ადრევე მივმართე ამ ხერხს, კიდევ უფრო შეშფოთდა და დამწუხრდა.

7. როდესაც სულიერი მღელვარება ოდნავ დაუცხრა, მიտხრა: თუკი მე უკვე უგულვებელმყავ და აღარაფრად მაგდებ (არ ვიცი კი, რისთვის), საკუთარ პატივზე მაინც გეფიქრა. ახლა ყველას მიეცი ლაპარაკის საბაბი, ყველა იმას გაიძახის, ცუდმედიდობის გამო აირიდა ეს მსახურებაო, და ერთი კაციც არ გიცავს ამ ბრალდებისგან. მე კიდევ გარეთ ველარ გავსულვარ, იმდენი ხალხი მოდის ყოველდღე და მსაყვედურობს. წაცნობები, სადმე ქალაქში თვალი თუ მომკრეს, განზე გავყავართ და მეტწილად ყვედრებით მავსებენ: „ხომ იცოდი მისი

ზრახვები (აკი არაფერს გიმაღავდა), არ უნდა დაგეფარა, რას ფიქრობდა და ჩვენთვის უნდა გეთქვა, ჩვენ კი, ცხადია, ყოველ ღონეს ვიხმარდით მის მოსანადირებლად“. მე კიდე ვწითლდები და მრცხვენია მათთვის იმის თქმა, რომ არ ვიცოდი შენი განზრახვა, არ მინდა ჩვენი მეგობრობა პირმოთნეობად მიიჩნიონ. და თუნდაც ეს მეგობრობა მართლა თვალთმაქცობა იყოს (და ასეცაა, ამას ხომ ვერ უარყოფ შენი ახლანდელი საქციელის შემდეგ), უცხოთაგან, ვინც ასე თუ ისე გვიცნობს, მაინც უნდა დავფაროთ ჩვენი ცუდი ურთიერთობა.

მე ვერ ვბედავ ვუთხრა მათ სიმართლე, ის, რაც ჩვენს შორის იყო, ამიტომ იძულებული ვარ გავჩუმდე, თვალები მიწამდე დაეხარო და მოვერიდო შემხვედრთ. პირველ ბრალდებას რომც ავცდე (ჩვენი მეგობრობის არაგულწრფელობის შესახებ), უსათუოდ სიცრუეს მაინც შემწამებენ. ისინი არასოდეს დამიჯერებენ, რომ შენ ბასილიც სხვებს გაუტოლე, იმათ, ვინც არ უნდა იცოდეს შენი საიდუმლო. თუმცაღა მე ეს დიდად არ მადარდებს: შენ ასე გწადდა. მაგრამ როგორ გადავიტანთ სხვა ბრალდებათა სირცხვილს? ზოგი სიამაყეს მოგაწერს, ზოგი — პატივმოყვარეობას, ხოლო უფრო უღმობელი მამბრალბელნი ერთშიც გადანაშაულებენ და მეორეშიც, და იმასაც დასძენენ, რომ ჩვენ შეურაცხვეყავით თვით ამომრჩეველნი, მათზე კი ასე ამბობენ: „სამართლიანად მიიღეს, რაც დაემართათ, თუმცა მეტ უპატიობას იმსახურებდნენ იმისთვის, რომ ესოდენ პატივცემული კაცები უგულვებელყვეს და აირჩიეს ყმაწვილები, ჭერ კიდე გუშინ მსოფლიო ზრუნვით შეპყრობილნი. მათ ის იყო ცოტა ხნით ნაცრისფერი კაბები გადაიცვეს<sup>1</sup> და თავი დამდაბლებულებად მოგვაჩვენეს, რომ უეცრად ისეთ ღირსებაში აიყვანეს, სიზმრადაც კი არ მოლანდებიათ. ისინი, ვინც სიყრმიდან ღრმა სიბერემდე მოღვაწეობაში არიან, ხელქვეითთა ხარისხში რჩებიან, და მათ განაგებენ მათივე შვილები, რომელთაც არც კი სმენიათ მართვა-გამგებლობის კანონების შესახებ“. ასეთი და კიდეც უფრო მეტი

<sup>1</sup> იმ დროს მონაზვნებს ჩვეულებრივ ნაცრისფერი ემოსათ.

ყვედრებით მაწყინებენ და აღარ ვიცი, რით ვიმართლო თავი მათ წინაშე. გვედრი, მასწავლე რამე.

ვფიქრობ, შენ უბრალოდ და უმიზეზოდ არ გაიპარებოდი და აშკარა ბრძოლას არ გამოუცხადებდი ამ დიდებულ კაცებს, ეს ნაბიჯი ალბათ რალაც მოფიქრებული და გარკვეული მიზნისთვის გადადგი. აქედან ვხვდები, რომ თავდასაცავი სიტყვაც მზად გექნება.

მაშ მითხარი, რა სამართლიანი მიზეზი შეგვიძლია წარვუდგინოთ ჩვენს მამბრალობებს. ხოლო იმას, მე რომ უსამართლოდ მომექეცი, არ გასაყვედურობ. არ გასაყვედურობ არც სიცრუეს, არც ლალატს, არც შენდამი ჩემი კეთილგანწყობის არად ჩაგდებას. მე ჩემი სული მოგიტანე და ჩაგაბარე, შენ კი ისე ცბიერად მომექეცი, თითქოს რალაც უსიამოვნებებს მოელოდი ჩემგან. თუ სასარგებლოდ გიჩნდა ეს განზრახვა (ეპისკოპოსად არჩევა), მაშინ ამ სიკეთეს არ უნდა გარიდებოდი, ხოლო თუ საზიანოდ, მაშინ ჩემთვისაც უნდა აგვეცილებინა, რადგან, შენივე თქმით, ყოველთვის ყველას გერჩივს. შენ კი ყველაფერი იღონე იმისთვის რომ მე ჩავგარდნილიყავი. და არავითარ მზაკვრობასა და თვალთმაქცობას არ დაერიდე იმის წინააღმდეგ, ვინც ყოველთვის უბრალოდ და უზაკველად გექცეოდა. თუმცაღა, აკი გითხარი, სრულიად არ გასაყვედურობ ამას და არ გადანაშაულებ იმ მართლობისთვის, რომლისთვისაც გამწირე. შეწყდა თათბირები, რომელთაგან სშირად ვლებულობდით სიამოვნებასაც და საკმაო სარგებელსაც. მაგრამ ყოველივე ამას თავს ვანებებ და ვითმენ უსიტყოდ და მშვიდად, არა იმიტომ, რომ შენი საქციელი უწყინარი იყო, არამედ იმიტომ, რომ შენთან მეგობრობის პირველი დღიდანვე წესად დავიდე — არასოდეს გაიძულო თავის მართლება, რაც არ უნდა მაწყენინო. საკმაო ვნება რომ მომაყენე, შენც იცი, თუკი გახსოვს, რას ამბობდნენ ჩვენზე უცხონი და ჩვენ თვითონაც. კერძოდ, რომ ჩვენთვის ფრიად სასარგებლოა ერთსულოვნების დაცვა და ურთიერთის სიყვარულით თავის შემოზღუდვა. სხვანი იმასაც კი ამბობდნენ, რომ ჩვენი ერთობა ბევრისთვის იქნებოდა სასარგებლო. თუმცა მე არასოდეს მიფიქრია, რომ შემიძლია სხვებს გამოეადგე, ის კი ვიცოდი, რომ ერთსულოვნება გარეშე მტერთაგან დაგ-

ვიცავდა, და ეს არ იქნებოდა უმნიშვნელო სარგებელი. ამას ყოველთვის დაუღალავად გახსენებდი ხოლმე. ახლა მძიმე დროა. ავის მოსურნე ბევრია, ჰეშმარიტი სიყვარული გაქრა, მისი ადგილი დამღუპველმა სიძულვილმა დაიკავა: „უწყოდი რამეთუ შორის საფრთხეთასა წარვლი და გარე ქალაქისა ჯებირისა ხვალ“ (ზირ. 9, 18). მრავალნი არიან, ვისაც ახარებს ჩვენს თავს მოწეული უბედურებები, ისინი ყოველი მხრიდან გარემოგვადგენენ, თანამღმობი კი არავენაა, ანდა ძალიან ცოტანი.

გაფრთხილდი, მას მერე, რაც ერთმანეთს დავშორდებით, უფრო მეტი დაცინვა და ზიანი არ დავიტეხოთ თავს. „ძმად ძმისა შემწე, ვითარცა ქალაქი ძლიერი და მაღალი და ძლიერ არს, ვითარცა სამეფუფოა მოზღუდვილი“ (იგავთა, 18, 19). ნუ დაარღვევ ამ ერთობას, ნუ დაამხოვ ამ სიმაგრეს. დაუცხრომლად გიმეორებდი ამას და ამაზე მეტსაც მაშინ, როცა არაფერი ვიცოდი და სრულიად ჯანსაღად გთვლიდი ჩემთან დამოკიდებულებაში, მხოლოდ გრძნობათა სიქარბის გამო გთავაზობდი მკურნალობას საღ-საღამათს. თურმე არ ვიცოდი, რომ წამალს სნეულს ვაძლევდი და ამნაირად მე საბრალომ ვერაფერს მივალწიე, ვერავითარი სარგებელი ვერ მივიღე ასეთი მზრუნველობისთვის. შენ მეყსეულად უარყავი ყოველივე და მსუბუქი ხომალდივით გამიშვი გაშლილ ზღვაში, არც კი ცდილხარ წარმოგედგინა მრისხანე ტალღები, მე რომ უნდა შევებრძოლო. თუკი საიდანმე დამატყდება ცილისწამება, დაცინვა ანდა რაიმე სხვა შეურაცხყოფა და მტერობა (ეს კი ალბათ ხშირად მოხდება), ვის შევევედრო, ვის ვაუწყო ჩემი მწუხარება, ვინ შემეწევა, ვინ მოიგერიებს ჩემს შეურაცხმყოფელთ, ვინ აიძულებს მათ მტერობის შეწყვეტას, ვინ მანუგეშებს და შემეწევა სხვათა უჯერო საქციელის გადატანაში? არავინ მივის, რადგან შენ შორს განუდექი ამ სასტიკ ბრძოლას და ჩემი ხმაც კი არ გწვდება. იცი კი, რა ბოროტება ჩაიდინე? აღიარებ კი ამ მარცხის შემდეგ მაინც, რა უკურნებელი წყლულება მომაყენე? მაგრამ მოდი, ამას თავი დავანებოთ: რაც მოხდა, იმას უკვე ვეღარას ვუშველით, ვერც გამოუვალი ვითარებიდან ვიპოვით გამოსავალს. მაგრამ რა ვუთხრათ უცხოებს? რითი დავიცვათ თავი მათი ბრალდებებისგან?

8. ოქროპირი: დამშვიდდი, მიეუგე მე, მზადა ვარ არა მართო მაგაზე გიპასუხო, არამედ შევეცდები, რამდენადაც შევძლებ, იმაშიც ვიმართლო თავი, რასაც შენ მპატიობ. თუ გინდა, სწორედ აქედან დავაწყებ თავდაცვას. ფრიად უმადლო, ვანუსჯელი და ბოროტი კაცი ვიქნებოდი, უცხოთა აზრზე რომ შეფიქრა და მათი ყვედრების დასაცხრობად ყველა ღონე მებმარა, იმას კი არ ვცდილიყავ, რომ ჩემს უდანაშაულობაში დამერწმუნებინე შენ, ვინც ყველაზე მეტად მაყვარს და ვინც იმდენად მიბრალებს, რომ არ მადანაშაულებს იმაშიც კი, რაშიც, მისივე თქმით, დამნაშავე ვარ, ის, ვინც თავის თავს არად აგდებს და კიდევ ჩემზე ფიქრობს. მაშინ ხომ დად უყურადღებობას გამოვიჩინდი ჩემთვის ესოდენ მზრუნველი მეგობრის მიმართ.

ამნაირად, რითი შეურაცხყავი? აი აქედან დავიწყებ ჩემს თავდაცვას. იმით, რომ ხერხა ვისმარე და დაგიმალე ჩემი განზრახვა? მაგრამ ეს ბოლოს სასარგებლო გამოდგა შენთვისაც და იმათთვისაც, ვისაც შენი თავი ჩავაბარე ჩემი დამალვის წყალობით. თუკი დამალვა ყველა შემთხვევაში ბოროტებაა და არასოდეს შეიძლება მისი გამოყენება, თუნდაც კეთილი საქმისთვის, მაშინ მზადა ვარ მივიღო ის სასჯელი, რომელსაც შენ განმიჩინებ. თუმცა რაკი შენ არასოდეს დათანხმდები ჩემს დასჯას, მე თვითონ დავასჯი თავს ისე, როგორც მოსამართლენი სჯიან ხოლმე ბრალმდებელთაგან მხილებულ დამნაშავეებს. და თუკი დამალვა ყოველთვის არ არის მავნე, არამედ კარგი ან ცუდი ხდება კაცის განზრახვის მიხედვით, მაშინ ნულარ მებრალებ, რომ მოტყუვდი, და დაამტკიცე, რომ ხერხა ბოროტი საქმისათვის ვისმარე. სანამ ეს არ დამტკიცებულა, მანამდე ნუ მყვედრი და ნუ მებრალებ, პირიქით, თუ ვინმე ხერხს კეთილი მიზნით აყენებს, ის ქების ღირსია და არა საყვედურის. თავის დროზე და კეთილი განზრახვით ნახმარ ფანდს ისეთი სარგებლობა მოაქვს, რომ მრავალი დასჯილა კიდევ მისი გამოუყენებლობისთვის. შოდი, გაიხსენე უსაჩინოესნი მხედართმთავართა შორის, ძველთაგან მოყოლებული, და დარწმუნდები, რომ მათი გამარჯვებები უფრო ხშირად ხერხის შედეგი იყო, და ასეთები უფრო სახელგანთქმულები არიან, ვიდრე ისინი, ვინც მხოლოდ ძალით იგებდა ომს. ეს უკანას-

კნელნი ფულისა და ხალხის დიდი ხარჯით მოიპოვებენ ხოლმე გამარჯვებას, ისე რომ ველარავითარ მოგებას ველარ ნახულობენ მისგან. მძლეველნი ძლეულებზე ნაკლებ როდი არიან შექარვებულნი ჯარის დაღუპვისა და ხაზინის გალატაკებისგან. თანაც ისინი მთლიანად ვერ ტკბებიან თავიანთი გამარჯვებით, რადგან ხშირად მასში საკმაო წილი უდევთ დამარცხებულებსაც, რომლებიც ძლეულნი არიან მხოლოდ ხორციით, სულათ კი ზეობენ. რომ არ დაცემულიყვნენ და მხნეობა არ დაეკარგათ, ისინი არასოდეს დამარცხდებოდნენ. ხერხის წყალობით გამარჯვებული კი მეტოქეს არა მარტო უბედურებას შეამთხვევს, სასაცილოდაც კი იგდებს ხოლმე. პარველ შემთხვევაში ორივე, მძლეველიცა და ძლეულიც, თანაბრად იღებს ქებას სიმამაცისთვის, ხერხის მოშველიების შემთხვევაში კი ნადავლი მთლიანად გამარჯვებულებს რჩებათ და რაც მთავარია, ქალაქში მოაქვთ გამარჯვების უხინჯო სიხარული. ფულის სიუხვე და ხალხის სიმრავლე სხვაა და კეთილგონიერება კიდევ სხვა; პირველი განიღვება ომში განუწყვეტელი ხმარებისას, და ბოლოს საერთოდაც ქრება. კეთილგონიერება კი, რაც უფრო ხშირად იყენებენ, მით უფრო მატულობს. და არა მხოლოდ ომში, მშვიდობიან დროსაც შეიძლება ხერხისგან დიდა და უეჭველი სარგებლობის მიღება. ეს ეხება არა მარტო საზოგადო, არამედ ოჯახურ საქმეებსაც. მაგალითად, ქმრის დამოკიდებულებას ცოლისადმი და ცოლისას — ქმრისადმი, მამის დამოკიდებულებას შვილისადმი, მეგობრის დამოკიდებულებას მეგობრისადმი და თვით შვილის დამოკიდებულებას მამისადმი. ასე მაგალითად, საულის ასული ვერ დაიხსნიდა თავის ქმარს საულის ხელიდან, ხერხი რომ არ ეხმარა, მისმა ძმამ კი (იონათანმა), თავისი დისგან გადაარჩენილის ახალი საფრთხისაგან ხსნა რომ უნდოდა, იგივე ფანდი გამოაყენა (I მეფეთა, 19, 20).

1 ბასილიმ თქვა: ყოველივე ეს მე არ მეხება, არც მტერი ვარ და არც მეტოქე და არც მაწყინებელი, პირიქით, მუდამ შენს ნება-სურვილს ვუთანხმებდი ჩემს გულისთქმას და ისე ვიქცეოდა, როგორც მიზრძანებდი.

9. ოქროპირი: ჰოი, ჩემო საკვირველო და კეთილო კაცო იმიტომაც ვთქვი წინასწარ, რომ მხოლოდ ომში და მტრების

წინააღმდეგე კი არა, მშვიდობიანობის ქაშს, უსაყვარლეს ადამიანთა მიმართაც კი ზოგჯერ სიკეთის მომტანია ხერხის ხმარება. იმაში დასარწმუნებლად, რომ ეს ნამდვილად სასარგებლოა არა მხოლოდ იმათთვის, ვინც იყენებს ხერხს, არამედ იმათთვისაც, ვის მიმართაც იყენებენ, მიდი რომელიმე ექიმთან და ჰკითხე, როგორ მკურნალობენ სნეულებს, და გეტყვის, რომ ექიმები ყოველთვის თავიანთ ხელოვნებას როდი სჯერდებიან, ხანდახან ხერხსაც ხმარობენ და ისე განკურნავენ ხოლმე ავადმყოფს. როდესაც ავადმყოფის ახირებული ხასიათი ანდა თვით სენის სიმძიმე ექიმას რჩევებს არ ემორჩილება, მაშინ მკურნალი ხერხს მიმართავს.

გინდა, გაამბობ ერთ ხერხს, ექიმს რომ უხმარია? ვილაც კაცს უეცრად ძლიერი ხურვება შეეყარა, სიცხე სულ უფრო მატულობდა. ავადმყოფი უარყოფდა ყველა საშუალებას, რასაც მწურვლების ჩაქრობა შეეძლო, და სთხოვდა, ევედრებოდა ყველა მნახველს, მოეტანათ მასთვის ბევრი ღვინო, რომ მტანჯველი წყურვილი მოეკლა. მაგრამ ვინც ამ თხოვნის შესრულებას დასთანხმდებოდა, ის არა მხოლოდ ხურვებას გაამძაფრებდა, სიშლეგესაც შეყრიდა საბრალოს. როცა საექიმო ხელოვნება უძლური აღმოჩნდა და არავითარი საშუალება აღარ არსებობდა, აი მაშინ გამოჩნდა ხერხის დიდი ძალა. ექიმმა აიღო თიხის ჭურჭელი, ღუმელიდან ახლად გამოღებული, ღვინოში ამოავლო, ცარიელი ამოიღო და წყლით აავსო. ავადმყოფის ოთახი ფარდებით დააბნელებინა, ხერხი რომ არ გამძაუნებულყო, და სნეულს მიაწოდა ჭურჭელი, ვითომდა ღვინით სავსე. მას კი, სანამ ფიალას ხელში აიღებდა, ჭერ ღვინის სუნმა დაახვია თავბრუ, და იმის გაგება აღარ შეეძლო, რა მისცეს. ყნოსვას მინდობაღმა, სიბნელით ცდუნებულმა და ძლიერი ნდომით აგზნებულმა დალია წყალი დიდი ხალისით. წყურვილი რომ მოიკლა, მყისვე შეუმსუბუქდა ხურვება და მოსალოდნელ საფრთხესაც გადაურჩა. მაგრამ ექიმების ყველა ხერხი რომ ჩამოვთვალო, სიტყვა ძალიან გამიგრძელდება. ისიც უნდა ითქვას, რომ ექიმი არა მხოლოდ ხორციელ, არამედ სულიერ საღმობათა სამკურნალოდაც ხშირად სწორედ ასეთ წამალს იყენებს. ასე მაგალითად, ნეტარმა პავლემ მრავალი ათასი იუდეველი მოაქცია ქრისტეს სჯულზე. (საქმე

მოციქულთა, 21, 20—26). ამ განზრახვით წინადაცვითა მან ტიმოთე, და ეს მაშინ, როცა გალატელთა მიმართ წერდა: „აჰა ესერა მე, პავლე გეტყვ თქუენ: უკეთუ წინადაცვითით, ქრისტემან თქუენ არაჲ გარგოს“ (გალატელთა მიმართ 5, 2; საქმე მოციქულთა 16, 3). ამიტომაც ანახვედა სჯულს, მაშინ როცა თვლიდა, რომ ამო არს სჯული ქრისტიანისთვის (ფილიპ. 3, 7—9). დიდია ასეთი ხერხის ძალა, ოღონდ იგი ბოროტი განზრახვით არ უნდა გამოიყენოს კაცმა. ანუ უფრო უკეთ, მას ხერხი კი არა, ერთგვარი კეთილგონიერება და სელოვნება უნდა ეწოდოს, რაკი ძალუძს გამოუვალი მდგომარეობიდან მრავალი გამოსავლის მონახვა და სულიერ ნაკლულევანებათა კურნება. ამნაირად, მე არ ვუწოდებ ფინებს მკვლელს, თუმცა კი მან ერთი დარტყმით ორი კაცი განგმირა (რიცხვთა, 25, 8). ასევე არც ელიას — ასი მოკლული მხედრისა და მათი მხედართმთავრებისთვის, ანდა სისხლის დიდი ნიაღვრისთვის, რომელიც დააქცია ეშმაკთა ქურუმების მოსრვის დროს (4 მეფეთა, 1, 3; მეფეთა 18). თუ ეს გამოგვეპარება მხედველობიდან, და თუ ვინმე მხოლოდ საქმეთა მიხედვით განსჯის, ასე რომ არ მიხედავს კაცის ზრახვებს, მას შეუძლია აბრაამს შვილის მკვლელობა დააბრალოს, მის შვილსა და შვილიშვილს კი — ბოროტისყოფა და სივერაგე, რადგან პარველი (იაკობი) თავისი ძმის პირველშობილებას დაეუფლა, მეორემ კი (მოსემ) ეგვიპტის საგანძური ისრაელის მხედრობაში გაიტანა (შესაქმე, 27; გამოსლვ. 12, 35-36). მაგრამ არა, არა, ნუ ვიქნებით ესრეთ უგუნურ! ჩვენ არათუ ბრალს არ ვდებთ მათ, არამედ ვადიდებთ, რადგან ღმერთმა განადიდა ისინი ამ საქმეთათვის. სამართლიანად უნდა ეწოდოს მაცდური იმას, ვინც ხერხს ბოროტი განზრახვით იყენებს, და არა იმას, ვინც კეთილგონიერების თანახმად იქცევა. ხშირად საჭირო ხდება ხერხის გამოყენება, რათა ამ ხელოვნებით უდიდეს სარგებელს მიადწიონ, სწორი გზით მავალს კი ხანდახან საკუთარი განზრახვის გამჟღავნება ექცევა ახლობელთა დაღუპვის მიზეზად;



## სიტყვა მეორე

1. კეთილი მიზნით ხერხი უნდა მოიშველიოს კაცმა. ასეთ შემთხვევაში მას ხერხი კი არა, სანაქებო წინდახედულება უნდა ეწოდოს. ამის დასტურად ბევრი მაგალითის მოყვანა შეიძლება, მაგრამ რაც ვთქვი, ისიც საკმარისია სარწმუნებელად, ამიტომ სწორედ რომ მოსაწყენი იქნებოდა ამის თაობაზე სიტყვის გაგრძელება. ისლა რჩება, ახლა რომ შენ გამაგებინო: გარკო თუ არა ნამდვილად ჩემმა საქაეულმა?

თქვა ბასილიმ: „როგორ მარგებს სეხი წინდახედულება, კეთილგონიერება თუ რაც გსურს ის უწოდე, თუკი მართლაც დანარწმუნებს, რომ არ ვარ შენგან მოტყუებულა?“

ოქროპირი: გეგულება შენ ქრისტეს სიტყვების მიხედვით აღსრულებული, ქრისტეს სიყვარულის დამადასტურებელ საქმეზე უფრო მნიშვნელოვანი სხვა საქმე? მაცხოვარი, თავთა მოციქულს, პეტრეს რომ მიმართავდა, უთხრა: „პეტრე, გიყუარ ზეა?“ (იოანე 21, 15—16) და როცა მან აღიარა მისი სიყვარული, უთხრა მაცხოვარმა: თუ გიყვარვარ, „დამწყსენ ცხოვარნი ჩემნი“ (იოანე 21, 17). იმიტომ კი არ ჰკითხა მოძღვარმა ეს მოწაფეს, რომ არ იცოდა, უყვარდა თუ არა იგი ნამდვილად პეტრეს (განა შეიძლება ეს არ ცოდნოდა ყოველთა გულთამხილავს?), არამედ იმიტომ, რომ ეჩვენებანა ჩვენთვის, თუ როგორ ზრუნავს იგი თავის სამწყსოსა ზედა. თუ ეს გასაგებია, ისიც ნათელი უნდა იყოს, თუ რა დიდსა და გადმოუთარგმანებელ ჯილდოს განიმზადებს მტვირთველი იმ შრომასა, რომელიც თავად ქრისტემ ასე ძვირად შეაფასა. ჩვენი და იმ ხალხის ურთიერთობა, რომელიც ჩვენს ფარებსა და მსახურებზე ზრუნავს, ფულზეა აგებული და მიუხედავად ამისა, მაინც ას გვეგონია, რომ ისინი ასეთ ზრუნვას ჩვენი სიყვარულის გამო იჩენენ. მაცხოვარმა სამწყსოთა თვისი ფულითა და სხვა რამეთი კი არა, საკუთარი სისხლი გაიღო, მაშ როგორი უნდა აყოს ის ჯილდო, რომელსაც ქრისტე ამ სამწყსოს მწყემსთავთ მიაგებს? ამიტომ იყო, როცა მოწაფემ უპასუხა: „უფალო, შენ ყოველი უწყი და ყოველი იცი, რამეთუ მიყუარ შენ“ (იოანე, 21, 17) და მან თავად უფალა, სიყვარული თვისი დაიმოწმა. მაცხოვარ-

რი ამაზე არ შეჩერებულა, არამედ სიყვარულის ნიშანზე მიუ-  
თითა მას. ასე რომ, იმის ჩვენება კი არ სურდა, თუ როგორ  
უყვარდა იგი პეტრეს — ეს მისთვის უამრავი რამით იყო ცნო-  
ბილია — არამედ იმისა, თუ როგორ უყვარს ეკლესია თვისი  
და ამიტომ კეთილად შიანია განსწავლა პეტრესი და ყოველი  
ჩვენთაგანისაც, რათა ვპყოთ ზრუნვად დიდი მისსა ეკლესიასა  
ზედა.

1 რატომ იყო, რომ არ დაინდო უფალმა ძემ თვისი მხოლოდ-  
შობილი? იმიტომ, რომ მტრად ქცეული საკუთარი ერი მოეკ-  
რიბა თავისაკენ და ექცია იგი „ერად მოგებულად“ (ტიტ. 2,  
14). რატომ დათხია მან სისხლი თვისი? იმიტომ, რომ შემო-  
ეკრიბა ის საცხოვარი, რომელიც მიანდო მერე პეტრესა და  
მის მემკვიდრეებს. უმიზეზოდ როდი უთქვამს ქრისტეს: „ვინ-  
მე არს სარწმუნოჲ იგი მონაჲ და ბრძენი, რომელი დაადგინოს  
უფალმან თვისმან მონათა თვისთა ზედა?“ (მათე 24, 25). თით-  
ქოს ამ სიტყვებსაც გაუგებრობის იერი დაჰკრავს, მაგრამ არა  
არის რა მიუწვდომელი მისთვის, ვინაც წარმოთქვა ასინი.  
სამწყოსადმი თავისი განუსაზღვრელი სიყვარულის ჩვენება  
სურდა უფალს, ამიტომ ჰკითხა პეტრეს, გიყვარვარ თუ არაო  
და არა იმატომ, თითქოს არ ცოდნოდა, უყვარდა თუ არა იგი  
მოწაფეს თვისას. პოდა სიტყვებიც. „ვინმე არს სარწმუნოჲ და  
ბრძენი“, იმიტომ როდი უთქვამს, თითქოს არ ცოდნოდეს,  
ვინ იყო მისი ერთგული და ბრძენი მონა. ამით მან გვიჩვენა,  
მასზე მინდობილი. და ჯილდოც ნახე, როგორაა: „ყოველთა  
ზედა მონაგებთა დაადგინოს იგი“ (მათე 24, 47).

2. კიდევ თუ გეპარება ეჭვი შენი მისამართით ნახმარი  
ფანდის სიკეთეში, რომელსაც მოჰყვება ზედამხედველობა  
უფლისა ყოველსა სამკვიდრებელსა ზედა და ქმნა იმისა, რი-  
სი აღსრულებითაც, როგორც ქრისტემ თქვა, პეტრე უნდა გამ-  
ხდარიყო უფროისი სხვათა მოციქულთა შორის. პეტრე — „გი-  
ყუარ მე უფროჲს ამათსა? — აძოვენ კრავნი ჩემნი“ (იოანე,  
21, 15). არადა, ხომ შეეძლო ეთქვა: თუ გიყვარვარ, შეუდექი  
მარხვას, იძინე შიშველ მიწაზე, იფხიზლე მარადყამს, დაიცავ  
შეჭირვებულნი, ეყავ ობოლთ მაგიერი მამისა და დედისა; მაგ-  
რამ რას ამბობს ყოველივე ამის ნაცვლად? „აძოვენ კრავნი

ჩემნი“. ამის აღსრულებას, რაც ასლა ვთქვი, ბევრი კაცი და ქალიც კი, თვით სამწყსოდანაც, ადვილად შეიძლებდა. მაგრამ როცა საქმე ეკლესიის წინამძღოლობასა და უამრავ სულზე ზრუნვას ეხება, ყოველნი დედანი და მამათა უძეტესობაც ასეთ დიდ საქმეს უნდა მოერიდონ. ეს უნდა იტვირთონ იმათ, რომელნიც მრავალთ ისევე აღმატებიან სათნოებით, როგორც საული აღმატებოდა თავისი სხეულის სიდიდით ებრაელებს (1 მეფეთა, 10, 23), და უფრო მეტადაც. ამასთან, ასეთ დროს, სხეულის სიდიდეს კი არ უნდა მიექცეს იმდენად ყურადღება; მწყემსი ისევე უნდა განსხვავდებოდეს სამწყსოსაგან, როგორც გონიერი — პირუტყვისაგან.

მაგანს შეიძლება მგლებმა, ავაზაკებმა, ან რაიმე სხვა უბედურებამ მოუსრას ფარა. ეს ამბავი ბატონმა იქნება კიდევ შეუნდოს მწყემსს. პასუხი რომც აგებიონ ამის გამო, დანაკლისი ფულით უნდა ზლოს. მაგრამ თუკი კაცი მასზე მინდობილ, გონიერ ქრისტიანთა სამწყსოს განაბნევს, იგი ქონებას როლი ვნებს, არამედ სულს თვისას. ასე რომ, მას ფრიად მნიშვნელოვანი და უძნელესი მოღვაწეობა ელის. იგი არც მგლებს ებრძვის, არც ავაზაკებისა ეშინია და არც იმის ფიქრი აქვს, სენმა არ მომისრასო ფარა. მაშ, ვისთანა აქვს ომი და ვის ებრძვის? მოუსმინე, რას ამბობს, ნეტარი პავლე: „რამეთუ არა არს ბრძოლა ჩუენი სისხლთა მიმართ და ხორცთა... არამედ სოფლის მპყრობელთა მათ მიმართ ამის ბნელისათა“ (ეფ. 6, 12). ხედავ საშინელს, მძვინვარე ლაშქარს მტრისას, რკინის საჭურველი მას არ სჭირდება; საკუთარ არსებაშივე უღვეს ყველანაირ იარაღზე უფრო მეტი ძალა. სამწყსოს სხვა, კიდევ უფრო მეტად კადნიერი და დაუნდობელი ჯარიც მოუხდება ხოლმე, მისი ნახვაც გინდა? მაგის დანახვაც იმ სიმაღლიდან (წმინდა წერილიდან) თუა შესაძლებელი. პირველ ლაშქარზე რომ გვიამბობდა, მანვე გვამცნო სხვების შესახებაც: „რამეთუ ცხად არიან საქმენი ხორცთანი, რომელი არიან: სიძვანი, მრუშებანი, არა-წმიდებანი, ბილწებანი, კერპთ-მსახურებანი, წამლობანი, მტერობანი, ხდომანი, შურობანი, გულის წყრომანი, წვალებანი, შფოთებანი“ (გალ. 5, 19; 2 კორ. 12, 20) და სხვანი მრავალნი. ყველა არ ჩამოუთვლია, დანარჩენების ცნობა ჩამოთვლილის მიხედვით მოგვანდო. ამასთან, თუ ნახა სამ-

წყსოს დარბევის მსურველმა მწყემსნი უტყვნი და ბრძოლის ქამს გაქცეულნი, აღარ ეომება იათ, სამწყსოს დატაცებას ჯერდება. მაგრამ თუ მწყემსს ვერ სძლია მტერმა, მთელი სამწყსო რომ მიიტაცოს, მაინც არ დაოკდება. ან უნდა სძლიოს მწყემსს ან თავად უნდა დარჩეს მისგან ძლეული, ისე არ შეწყვეტს ბრძოლას.

გარდა ამისა, ცხვარს ადვილად შეატყობს კაცი გასაჭირს, შიმშილი იქნება ეს, სენი, კრილობა, თუ სხვა რაიმე ზიანის მომტანი. ეს ამბავი განკურნებას ძალიან უწყობს ხელს. კიდევ ერთი მნიშვნელოვანი გარემოება აჩქარებს განკურნების, დაავადების ძლევის საქმეს. სახელდობრ, რა? ცხვარმა თუ თავისი ნებით არ ისურვა წამლის მიღება, მწყემსებს უფლება აქვთ, რომ დააძალონ წამალი. თუ საჭირო გახდა მოწვა (რაიმე ნაწილისა), ან მოკვეთა, ადვილად შეკრავენ ცხვარს და არ გაუშვებენ გარეთ, თუ არგებთ, ერთ საკვებს მეორეთი შეუცვლიან, წყალზეც არ მიუშვებენ, და მოკლიდ, ყველაფერს, რაც განკურნებისათვის იქნება საჭირო, ადვილად გააკეთებენ და მოახერხებენ.

3. მაგრამ ადამიანში სწორედ სენია მიჩქმალული და ძნელად დასანახი. რამეთუ „ვინმე უკუე იცის კაცმან კაცისაჲ, გარნა სულმანვე კაცისამან, რომელი არს მის თანა“ (1 კორ. მიმართ 2, 11). ჰოდა, როგორ იხმარ წამალს იმ სენის მიმართ, რომლის თავისებურების შესახებაც არაფერი იცი, ის კი არა, ხშირად იმასაც ვერ მიმხვდარხარ, კაცი ავადაა თუ არა? თუ სნეულებას აღმოაჩენენ, მკურნალებს კიდევ უფრო მეტი სირთულეები ელით. განა ექიმის უფლებები ისე ვრცელდება ადამიანებზე, როგორც მწყემსისა — ცხვრებზე? აქაც საჭირო ხდება ხოლმე შეკვრა, საზრდელის აკრძალვა, მოწვა და მოკვეთა. მაგრამ ამ შემთხვევაში მკურნალობა უნდა წარიმართოს უშუალოდ სნეულის, და არა მკურნალის ნებით. ეს ყველაფერი კარგად იცოდა გასაოცარმა კაცმა (პავლემ), და ამიტომ უთხრა კორინთელთ: „არა თუ უფლებით რას სარწმუნოებასა მაგას თქუენსა ზედა, არამედ თანაშემწენი ვართ სიხარულისა (2. კორ. 1, 24). ქრისტიანთ, ყველასაგან განსხვავებით, უფრო ძლიერად ეკრძალებათ ცოდვილთა ძალით გამოსწორება, გარეშენი და წარმართთა მოსამართლეები დამნაშავეთ კანონე-

ბის მიხედვით ასამართლებენ, უფლებამოსილნი არიან მათზე და ამიტომ; ამ კანონის ძალით დამნაშავეთაგან ძველი ჩვეულებების უკუგდებას იძულების წესით ითხოვენ. ხოლო აქ ცოდვილი ძალით კი არა, შეგონებით უნდა მოიყვანო გამოსწორების გზამდე. რჯულის მიხედვით, ჩვენ არ გვეძლევა ცოდვითა გამოსწორების სხვაგვარი უფლება. რომც გვქონდეს, ამ უფლებას მაინც ვერ გამოვიყენებთ, რადგან ღმერთი მხოლოდ მას აჯილდოებს, ვინც თავისი ნებით განუდგება საძრახის საქმესა და არა იძულებით. სწორედ დიდი ხელოვნებაა საჭირო, სნეული ისე დაარწმუნო მკურნალობის აუცილებლობაში, მოძღვართან თავისი ნებით მივიდეს და მადლობელიც დაგვიჩქეს. სამკურნალოდ იძულებით მიყვანილმა, საკვრელთაგან თავის დაღწევა თუ მოინდომა (და მას აქვს ამის უფლება), თუ შეიძულა სიტყვები განმკვეთელი უფროის რკინისა, უფრო მეტადაც გაიუბედურებს თავს, რადგან ეს უარყოფა მას ახალ ქრილობას შესძენს და სამკურნალო საშუალება უმძიმესი დაავადების მიზეზად ექცევა. ასე რომ, ძალით, სნეულის ნების წინააღმდეგ, არავის ძალუძს მისი განკურნება.

4. თუკი იოლი საშუალებებით მიუღწევი მას, ვისაც ძლიერი მკურნალობა სჭირდებოდა ან არ ჩაუჭერი ქრილობა ისე ღრმად, როგორც საჭირო იყო, რა გამოგივა? ქრილობის ნაწილს უწამლებ, ნაწილს — ვერა. თუკი არ დაზოგავ და ისე მოახდენ სათანადო გაკვეთას, ავადმყოფმა შეიძლება ვერ გაუძლოს წამებას და უარი თქვას ყველაფერზე: წამალზე, გადახვევაზე. შეიძლება სულაც შემოიგლიჯოს ყველაფერი და თავი უფსკრულს მისცეს. მე შემიძლია გიჩვენო ხალხი, უკიდურესად გაბოროტებული, ამ ზომამდე ისინი სწორედ იმ სასაჯელმა მიიყვანა, რომელიც მათ ცოდვების შესაბამისად დაედოთ. ადვილი არ უნდა იყოს ცოდვათა მიხედვით სასაჯელის განსაზღვრა, ცოდვილთა ამტანობის გათვალისწინება, არც ის, რომ ქრილობა შეეკრვისას უფრო მეტად არ დაზიანდეს ან ცოდვილს, აღდგენის მცდელობაში, უფრო მეტად არა ავნო რაიმე და არ დასცე იგი. თუ სუსტებსა და უძლურებს, რომელნიც უფრო მეტად არიან მიცემულნი ამსოფლიურ სიტკბობებს, და თავიც კი მოაქვთ საკუთარი წარმომავლობითა და უფლებებით, თანდათან და ნელ-ნელა განვსვენებთ ცოდვათა-

გან, ისინი სრულებით თუ არა, ნაწილობრივ მაინც შეიძლებენ საკუთარ ბიწიერებათაგან განთავისუფლებას. მაგრამ თუ ვინმე ერთბაშად მოინდომებს მათ გამოსწორებას, შეიძლება მცირე-დი გამოსწორების საშუალებაც კი მოუხსპოს ამით.

სულს, თუნდაც ერთხელ ძალით სირცხვილელულს, დაეუფლება უგრძობელობა და აღარ ისმენს სიტყვებს უწყინარს, არც რისხვას შეეპუება, სათნობასაც კი არ მიიკარებს და ემსგავსება ქალაქს, რომელზედაც თქვა წინასწარმეტყველმა: „შესახედავი მეძავისა იქმნა შენდა უსირცხვილოებად ყოველთა მიმართ“. (იერემია, 3, 3), ამიტომაც, რომ მწყემსს მოეთხოვება დიდი კეთილგონიერება, თვალი — ყოვლისმხედველი, რათა სრულყოფილად შეძლოს სულზე დაკვირვება. ბევრს არ ძალუძს რაკი მკაცრი მკურნალობის ატანა, განფიცდება და კარგავს სასობებს ხსნისას. ბევრია ისეთიც, რომელთაც არ დაედოთ ცოდვათა შესაბამისი სასჯელი და ეს გახდა მიზეზი მათი უფრო მეტი უზრუნველობისა, უკეთურებისა და ცოდვისა. ასე რომ, მოძღვარის ვალიც ისაა, კარგად გამოსცადოს ცხოვარნი მისნი, სრულყოფილად გამოიძიოს საქმენი მათნი და მიიღოს ყველა შესაბამისი ზომა, რათა მისი გულმოდგინება არ იყოს ფუჭი და ამაო. და მართო ეს როდია მისი მოღვაწეობის სიძნელე, ეკლესიისაგან განდგომილი წევრების კვლავ დაბრუნება ურთულესი საქმეა. ფარა თავისი მწყემსის კვალს მისდევს, მას მიჰყვება. რომელიმე მათგანი სწორ გზასა და კარგ საძოვარს თუ ჩამორჩა, იყილებს ერთ ხანს ფლატესა და უნაყოფო მიწაზე. საკმარისია, ერთხელ, ხმამალა დაიყვიროს მწყემსმა, რომ მყისვე შეიყარონ განბნეულნი ცხოვარნი. მაგრამ თუ ადამიანი განუდგა რწმენის სწორ გზას, მოძღვარს დიდი შრომა, გულმოდგინება და მოთმინება მართებს.

ადამიანის არც ძალით მოქცევა შეიძლება, არც დაშინებით იძულება. იმ ჭეშმარიტებამდე, რომელსაც განუდგა, მისი მიყვანება შეგონების გზით უნდა მოხდეს. რა მხნეობასავსე და ძლიერი სულია საჭირო, რომ არ მოუძღურდე და არ წარგეკვეთოს სასობება გზააბნეულთა ცხოვრებისა, სულ რომ გახსოვდეს: „მო-ხოლო-თუ-სცეს მათ ღმერთმან სინანული მეცნიერებად ჭეშმარიტებისა და განიფრთხონ საფრთხისაგან ეშმაკისა“ (2 ტ. მიმართ. 2, 25, 26). ამიტომ იყო, მოწაფეებთან საუბრი-

სას რომ თქვა უფალმა: „ვინმე არს სარწმუნოი იგი მონაი და ბრძენი“ (მათე 24, 25)? მოქალაქობის<sup>1</sup> მტვირთველს თავისი თავისათვის მოაქვს სიკეთე, ხოლო მწყემსის ღვაწლი მთელ ერს სწვდება. როცა განმკითხველი შეჭირვებულთა და არაფრის მქონეთ ფულით ან სხვა რამით უმართავს ხელს, იგი ამით ერთგვარად ეხმარება ახლობელთ. მაგრამ მისი ქმედება იმდენად მცირეა მოძღვრის ღვაწლთან შედარებით, რამდენადაც სულია სხეულზე მაღალი. სწორედ რომ სამართლიანად ამბობს უფალი, რომ ზრუნვა მისსა სამწყსოსა ზედა სხვა არაფერია, თუ არა მისდამი სიყვარულის გამოვლინება.

ბასილი: და შენ განა არ გიყვარს ქრისტიე?

ოქროპირი: მიყვარს და მუდამაც მეყვარება, მაგრამ მეშინია არ შეურაცხვეო სიყვარული ჩემი.

თქვა ბასილიმ: განა იქნება გამოცანა და ამაზე უფრო ბნელი? ქრისტიემ უბრძანა მოყვარულთა მისთა მწყემსვა ცხოვართა თვისთა. და შენ იმიტომ ამბობ მწყემსვაზე უარს, რომ თურმე უფალი გიყვარს.

ოქროპირი: ვუთხარი, არაფერია ჩემს სიტყვებში გამოსაცნობი. პირიქით, ძალიან მარტივია და ნათელი. რომ შემეძლოს ამ საქმის მაცხოვრის ნებისაებრ აღსრულება და მაინც თავს ვარიდებდე მას, ჩემი სიტყვები მართლაც გაუგებარი იქნებოდა. მაგრამ თუკი ვამბობ, რომ ამ საქმისათვის საკუთარი უძლურება მხდის-მეთქი ურგებს, მაშინ რაღაა ჩემს სიტყვებში გაუგებარი? მეშინია, ჩემზე მონდობილ ძლიერსა და ჯანმრთელ ქრისტიანულ სამწყსოს ჩემი უყურადღებობით არ ეცნოს რაიმე და არ განმირისხდეს უფალი, რომელმაც თვისთა ცხოვართა გამოხსნისა და ცხოვნებისათვის დასდვა თავი თვისი.

! თქვა ბასილიმ: არ ამბობ მართალს. და თუ ამბობ, ეგ სიტყვები, რომელთა მეშვეობითაც ჩემი ურვის გაქარწყლებას ცდილობდი, სწორედ რომ ჩინებული დადასტურებაა იმისა, რომ წუხილი ჩემი ჭეროვანია და სამართლიანი. ადრეც შემინიშნავს, რომ ადვილად აგნებდი ფანდს, არც ჩემი გაცრუება გიჭირდა; მაგრამ ახლა, რომ გიყურებ რა ძლიერად ცდილობ

---

<sup>1</sup> ქართულ სასულიერო მწერლობაში ეს სიტყვა ნიშნავს სელიერ მოღვაწეობას.

ბრალდების აცილებას, უფრო ნათლად ვხედავ, რა უბედურებასაც მწიე. თუკი შენ მსახურებას იმ აზრით განერიდე, რომ სულით უძლეური ხარ და ვერმტვირთველი ამ უღელისა, მაშინ მე შენზე უწინ, თავად რომ ძლიერადაც მდომოდა, მაინც უნდა გაგერიდებინე ამ საქმისაგან, მით უმეტეს, რომ იცოდი ჩემი აზრი მაგის თაობაზე. ახლა კი რა გამოვიდა, შენს თავზე იზრუნე, მე — დაგავიწყდი. ო, ფრიალ სასურველი კი იქნებოდა, მართლაც რომ დაგვიწყებოდი, მაგრამ შენ ხომ განგებ წარმართე ყველაფერი ისე, რომ ჩემს მიძებნელთ ხელიც კი შეეწყოთ. იმას ვერ იტყვი, თითქოსდა ხალხის ლაპარაკს ემოქმედოს შენზე და ჩემში რაღაც დიდსა და საოცარს ხედავდე. მე არ ვეკუთვნი იმ ადამიანთა რიცხვს, ქებასა და გაკვირებას რომ იმსახურებენ, მაგრამ ასეც რომ იყოს, განა შეიძლება ხალხის ნათქვამის აყოლა? მე და შენ რომ ერთად, გვერდი-გვერდ არ ვიყოთ ნაცხოვრები, ხალხის ნათქვამის ყურადღება, გარკვეულად, საპატიო მიზეზადაც ჩაგვეთვლებოდა. მაგრამ თუკი შენზე უფრო ახლოს არავინ მიცნობს, თუკი ჩემი სული-სა უფრო მეტად შენ გაგეგება, ვიდრე მშობელთა და აღმზრდელთა ჩემთა, მაშინ რით გინდა დამარწმუნო, რომ ამ სახიფათო საქმეს განგებ არ შეემყარე? მაგრამ გავანებოთ ესლა მაგას თავი. არ მინდა თავის მართლება გაიძულო. ის მითხარი, რა ვუპასუხოთ ჩვენს ბრალმდებლებს?

ოქროპირი: თუნდაც ათასჯერ მომიტეგო, სანამ მე თვითონ არ გავიმართლებ თავს შენს წინაშე, მანამ მაგის შესახებ არაფერს ვიტყვი. როგორც შენ ამბობ, რომ არ მცნობოდი და ისე მიმეყვანე მაგ მდგომარეობამდე, მაშინ ჩემი უცოდინარობა გამამართლებდა კიდევ, მაგრამ რაკი გიცნობდი და თანაც ძალიან კარგად, ამიტომ აღარ რჩება არანაირი საპატიო მიზეზი ჩემი გამართლებისა. მაგრამ მე სულ სხვას გეტყვი: რადგანაც ამ საქმეში დიდი გამოცდილების ქონაა საჭირო, ის, ვინც მავანის მღვდელთმთავრად წარდგინებას განიზრახავს, არ უნდა დაკმაყოფილდეს მხოლოდ ხალხის ნათქვამით, არამედ ამასთან ერთად და ყველაზე მეტად და პირველ რიგშიაც, ხალხზე უწინ, თავად უნდა იყოს დარწმუნებული მავანის შესაძლებლობებში.

ნეტარი პავლეს სიტყვები: „არამედ ჭერ არს, რამთა წამებაცა კეთილი აქუნდეს გარეშეთაგან“... (1 ტიმ. 3, 7) არ უგუ-



ლებელყოფს მკაცრი და სარწმუნო გამოცდილების საჭიროებას, მაგრამ ამასთან ხსენებული მოწმობა როდი მიაჩნია ასეთი პირების ღირსების უმთავრეს ნიშნად. ამაზე უწინ მან ბევრი რამ თქვა და მერე დასძინა, რომ ამორჩევისას ამ ერთი ნიშნით კი არ უნდა დავემყოფილდეთ, არამედ იგი უნდა გავითვალისწინოთ დანარჩენებთან ერთად. ხალხის ნალაპარაკებით ადვილად მოტყუვდება კაცი. მაგრამ წინასწარი და მკაცრი გამოცდილების შემდეგ აღარ რჩება არანაირი საფრთხე. ამიტომ იყო, დანარჩენების მერე რომ ახსენა მან მოწმობა „გარეშეთაგან“. ამოდ როდი უთქვამს: „სარწმუნო არს სიტყუაჲ... კეთილსა საქმისა გული ეტყუს“ (1 ტიმ. მიმართ. 3, 1). მაგრამ დაუმატა „და გარეშეთაგან“. მას სურდა განემარტა ჩვენთვის, რომ მოწმობას გარეშეთაგან მკაცრი გამოცდილება უნდა უძლოდეს წინ. და რადგანაც მე საკუთარ მშობლებზე უკეთ გიცნობდი, რაზედაც თავად დამემოწმე, საცა სამართალია, ყველანაირი ბრალი უნდა მომეხსნას.

თქვა ბასილიმ: ვინმემ რომ შენი გასამართლება მოინდომოს, სწორედ მაგ მიზეზით ვერ გაგამართლებს. განა არ ვახსოვს, უამრავჯერ მითქვამს და შენი თვალთაჲ გინახავს უძლურება ჩემი სულისა, მცირედი დაბრკოლებისას რომ უმალ სულიერად ვეცემოდი? მაგაზე არ იყო განა, მუდამ რომ დამცინოდი?

ოქროპირი: მახსოვს და არ უარყოფ, რომ მსგავსი სიტყვები შენგან გამიგონია. მაგრამ მართლა კი არ ვიცინოდი, არამედ ხუმრობით. ისე კი, მაგის შესახებ კამათს არ გიპირებ. გულწრფელობას არც მაშინ მოვითხოვ შენგან, როცა იმ სათნოებათა გახსენებას მოვყვები, რომელიც უკვე მოიპოვე. მაგრამ თუკი ჩემთან შეწინააღმდეგებას იმ აზრით დაეპირები, თითქოს მე ვტყუოდე რაიმეს, მაშინ მართლა აღარ დაგინდობ და დაგიმტკიცებ, რომ ეგ უარყოფა სამართლიანობით კი არა, თავმდაბლობით მოგდის და ამის დასამტკიცებლად სხვა რამეს კი არა, ისევ შენ საქმეებსა და სიტყვებს მივმართავ. პირველ რიგში, გკითხო მინდა: იცი, რა ძალა აქვს სიყვარულს? ქრისტეს არ უხსენებია არცერთი იმ სასწაულთაგანი, რომელიც მოციქულთ უნდა აღესრულებინათ, მაგრამ ის კი თქვა: „ამით ცნან ყოველთა, ვითარმედ ჩემნი მოწაფენი ხართ, უკუეთუ

იყუარებოდით ურთიერთას“ (იოანე, 13, 35), პავლე კი ამბობს: „აღმსრულებელი შჯულისაჲ არს სიყვარული“ (რომ. მიმართ. 13, 10) და თვინიერ მისსა, ყველანაირი ტალანტი ურგებიანო (1 კორ. 13, 12). აი, ეს განძი პირველი, თვისება, ქრისტეს მოწაფეთა სხვათაგან გამომარჩეველი, წყალობა გარდამეტებული, შენს სულში ვნახე მტკიცედ დანერგილი, ვიხილე ნაყოფიცა მისი უხვი.

1. თქვა ბასილიმ: არ უარვყოფ, მართლაც ბევრს ვზრუნავ და ძალიან ვცდილობ, რომ აღვასრულო ეგ მცნება. მაგრამ ნახევრადაც რომ არ დამიმარხავს იგი, ამაში თავად უნდა დამერმწუნო, თუკი ტყუილს არ იკადრებ.

ოქროპირი: რაკი ასეა, საბუთებს მოვიშველიებ-მეთქი, ვუთხარი, და რითაც ადრე გემუქრებოდით, ახლა აგისრულებ და სწორედაც რომ დაგიმტკიცებ, რომ შენ უფრო თავმდაბლობისაკენ იხრები, ვიდრე სამართლიანობისაკენ. ერთ ამბავს, ახლა რომ მოხდა, იმას გაგანსენებ, ძველს არ შევეხები, ვინმეს რომ არ ეგონოს, უწინდელი ამბებით ვცდილობდე ჭეშმარიტების დაბინდვას. ამ შემთხვევაში კი დროის სიახლოვე არ მომცემს ნებას, რაიმე ტყუილით გადავფარო.

6. როცა ერთ-ერთ ჩვენს მეგობარს სიამაყესა და კადნიერებაში დასწამეს ცილი და ამით უკიდურესი საფრთხის წინაშე დააყენეს, მაშინ არავის დაუძახია შენთვის საშველად, ბრალდებულსაც არ უთხოვნია შეწვევა, შენით ჩაიგდე თავი საფრთხეში. ასე იყო ეგ საქმე.

შენივე სიტყვებით რომ გამხილო, შენსავე ნათქვამს მოგაგონებ. როცა მაგ საქციელისათვის ნაწილი გკიცხავდა, ნაწილი კი გაქებდა და გადიდებდა, შენ ასე უპასუხე გამკიცხავთ: „რა ვქნა? თუ ჩემი მეგობარი გასაჭირშია, მისთვის სულიც კი უნდა გავწირო, სხვანაირი სიყვარული არ შემიძლიაო“. სრულყოფილი სიყვარული ასე განუმარტა მაცხოვარმა მოწაფეებს: „უფროდსი ამისა სიყუარული არავის აქუს, რადთა სული თვისი დადვას მეგობართა თვისთათვის“. შენ სწორედ იგივე აზრი გაიმეორე, ოღონდ სხვა სიტყვებით. ასე რომ, თუკი არ არის ამაზე მაღალი საფეხური სიყვარულისა, შენ უკვე მისულხარ მის უკიდურეს, უმაღლეს წერტილამდე. ახლა მაინც თუ დაგარწმუნე, რომ ბოროტის ნდომითა და ზრახვით არ ჩამიგდი-

ხარ საფრთხეში, არამედ წინასწარ ვიცი სარგებელი მაგ საქმისა, ამიტომაც მიგიჩინე ეგ სარბიელი.

თქვა ბასილიმ: ე. ი. შენ ამბობ, რომ ახლობლების დამოძღვრისათვის სიყვარული საკმარისია?

ოქროპირი: მაგ მიზნის მიღწევისათვის სიყვარული სწორედ რომ უმნიშვნელოვანესი პირობაა, მაგრამ თუ გსურს, რომ შენი კეთილგონიერების დამამტკიცებელი საბუთებიც მოვიყვანო, არ დავაყოვნებ და დაგიმტკიცებ, რომ შენი კეთილგონიერება აღემატება კიდევ შენს სიყვარულს.

ამის გაგონებაზე აღმური მოედო ბასილის და თქვა: ჩემზე საუბარს თავი გავანებოთ. ეგ არც აღრე მითხოვია შენთვის; თუ რაიმე მართებულის თქმა შეგიძლია გარეშეთა შესახებ, სიამოვნებით მოვისმენ. გავანებოთ ამ უსარგებლო კამათს თავი. მითხარი, რა პასუხი გავცეთ შენთვის ესოდენ დიდი პატივის მონიჭების მსურველთ. ან იმ ხალხს რა ვუთხრათ, შენს პატივისმცემელთ, ამ ამბის მერე აგდებით რომ გიყურებენ, რითი ეიმართლოთ მათ წინაშე თავი?"

ოქროპირი: თვითონაც ვჩქარობ მაგაზე საუბრის დაწყებას. რადგანაც შენთან მოვრჩი ლაპარაკს, მაშინ თვედაცვის მაგ ნაწილს მივუბრუნდები. როგორია მათი ბრალდებები, რაში მედება ბრალი? ამბობენ, ამომრჩევლები იმან შეურაცხყო და დაამცირა, რომ მე უარი ვთქვი იმ პატივზე, რომლის მოგებაც მათ ჩემთვის სურდათ. ჯერ ერთი, ის მინდა გითხრა, რომ ხალხი არ დარჩესო შეურაცხყოფილი, ამაზე დარდი უჭეროა მაშინ, თუკი მათ პატივისცემაზე ზრუნვას ღვთის გარდუვალ გამობამდე მიყვავართ. ვინც ამის გამო თავს შეურაცხყოფილად გრძნობს, თუნდაც ძალიან გამწარებული, ჩემი აზრით, საკუთარ თავს ამით დიდად ვნებს.

ის ხალხი, რომელმაც თავისი სიცოცხლე მიუძღვნა ღმერთს და მხოლოდ მას შეჰყურებს, ისეთი კეთილგონიერების საზომს კი უნდა იყოს მიწევნული, ათასჯერაც რომ გამწარდეს, მაინც არ იგრძნოს თავი შეურაცხყოფილად. რაც სხვადასხვა სახის კადნიერებებს შეეხება, არანაირი კადნიერება ფიქრადაც კი არ მომსვლია და ამის დასტურად ესეც გამოდგება: თუკი მე ეს ყველაფერი კადნიერებისა და სიამაყის გამო ჩავიდინე, როგორც ზოგიერთები ამბობენ და რაც შენც არაერთხელ გით-

ქვამს, — რაღაზე უარყავი ხალხი დიდებული და ფრიად პატივისცემი და ჩემთვის კეთილის მსურველნი? განა ამართლებს ჩემი საქციელი ჩემთა ბრალმდებელთა სიტყვებს? თუკი უღანაშაულო ხალხის შეურაცხყოფელი სასჯელის ღირსია, კეთილი ხალხის პატივისცემელი რატომ არ უნდა იყოს შექების ღირსი? იმას ვერავინ იტყვის, თითქოს მათთვის მცირე ან დიდი საფასე მქონდეს მიცემული და ამომრჩეველთ სამაგიეროს გადახდის სურვილით მიეღოთ ასეთი გადაწყვეტილება. მაგრამ, თუ მაინც თქვეს, მაშინ როგორ სასჯელს იმსახურებენ ისინი ამისთვის? თუკი ასეთი რამ აზრადაც არ მოძსვლია და სულ სხვა რამის გამო ავიცილე ეს მძიმე უღელი, თუ არ გამამართლებენ, რაღაზე არ უნდა შეშინდონ მაინც საკუთარი სულის გაფრთხილება? ოღნავადაც არ მიფიქრია ამომრჩევლების შეურაცხყოფა. ჩემი უარის თქმაც სხვა არაფერია, თუ არა პატივისცემა მათი. ჩემი სიტყვები შეიძლება უცნაურიც გეჩვენოს, არ გაგიკვირდეს, ახლავე განგიმარტავ მათ. ჩემი ხელდასხმა რომ მომხდარიყო, ყველა თუ არა, ისინი, ვისაც დიდ სიამოვნებას ანიჭებს ჩემზე აუგის ლაპარაკი, ადვილად დაექვდებოდნენ და ბევრ რამეს იტყოდნენ ჩემზეც და ამომრჩევლებზედაც.

მაგალითად, შეეძლოთ ეთქვათ, რომ ამომრჩევლები სიმდიდრეს აქცევენ ყურადღებას და უპირატესობას გვარიშვილობას ანიჭებენო ან ასეთი პატივი პირფერობით მოიპოვოთ და რა ვიცი, იქნებ ისიც ეფიქრათ, რომ ამომრჩევლები ფულით მოვისყიდე. იტყოდნენ, ქრისტე ამ სამსახურს მეთევზეებს, ბადეებისა და კარვების მკეთებელთ განუმზადებდა, ესენი კი უგულვებელყოფენო ხალხს, დღენიადაგ მშრომელს, და უპირატესობას ამსოფლიურ მეცნიერებათა და ამაო ცხოვრებას ადევნებულთ ანიჭებენო. რატომ უარყვეს კაცნი ეკლესიაში მშრომელნი და მათ, რომელნიც არც კი მიკარებიან ამ საქმეს და მთელი ცხოვრება ფუჭი მეცნიერებების დაუფლებას რომ მოანდომეს, უცებ ასეთი პატივი რატომ დადესო? ამას კი არა, ამაზე უარესებსაც იტყოდნენ, მე რომ ეგ თანამდებობა მიმეღო. ახლა კი ძვირისმეტყველებს აღარ ექნებათ საბაბი. მე ლაქუცს ვერ დამწამებენ და ამომრჩეველთ ქრთამის აღებას, რასაკვირველია, თუკი ვინმემ განგებ არ მოისულელა თავი. მაგრამ განა ლაქუცითა და ფულის გაღებით მოპოვებულ თა-

ნამდებობას სხვას დაუთმობს მავანი, თუკი თვითონ მისი მო-  
პოვებისათვის იხარჯება? ეს ამბავი იმას ემგვანებოდა სწორედ,  
ვინმეს, უხვი მოსავლისა და გადავსებული ქვევრების ქონის  
სურვილით, მიწაზე რომ ბევრი ეშრომა და უცებ, ეს ყველა-  
ფერი, ამდენი შრომისა და გაჭირვების შედეგი, სხვისთვის მი-  
ეცა, რათა იმ სხვას ესარგებლა მოსავლით. იცი, შეიძლება  
ისიც კი ეთქვათ, რომ ჩემი არჩევა ამომრჩეველთა არაჯანსაღი  
მოსაზრების შედეგია, თუმცა ასეთი რამ შორსაა ჭეშმარიტები-  
საგან, მაგრამ მსურველთ არც ასეთი ცილისწამება გაუჭირდე-  
ბათ. ახლა კი ჩვენ დავუყოფთ მათ პირს და არ მივცემთ სიტყ-  
ვის თქმის უფლებას.

ასეთებს, და ამაზე უარესსაც, თავში იტყოდნენ, მაგრამ მე-  
რე, როგორც კი სამსახურს შევუდგებოდი, ყველა ჩემი საქ-  
ციელისთვის, გარდა იმ შეცდომებისა, რაც გამოუცდელიობითა  
და ასაკის გამო შეიძლებოდა მომსვლოდა, ბრალმდებელთა წი-  
ნაშე ყოველდღე თავის მართლებაში უნდა ვყოფილიყავი და  
ძალა არ მეყოფოდა. ახლა ამომრჩეველებსაც აცილებდით  
ბრალდება, თორემ რა დაუღვევდათ მათ ნიშნის მგებელთ, რას  
აღარ იტყოდნენ? გამოუცდელ ბავშვებს მიანდესო ასეთი სა-  
პატიო და დიდი საქმეები, დალუბესო სამწყსო ქრისტესი, გა-  
სართობად და სახუმარო საქმედ აქციესო ქრისტიანობა. ახლა კი  
„ყოველმან უმჯულოებამან დაიყოს პირი თვისი“ (ფს. 106, 42),  
თუმცა შენზედაც შეუძლიათ იგივეს თქმა, მაგრამ შენ საქმით  
დაამტკიცებ, რომ ჭალარა არაა სიბრძნის ნიშანი და მსახურე-  
ბიდანაც ყველა ახალგაზრდა კი არ უნდა იყოს განყენებული,  
არამედ მხოლოდ სარწმუნოებით ყმაწვილი (ახლად ნათელლე-  
ბული), მათ შორის — სხვაობაა დიდი.

### სიტყვა მესამე

ეპისკოპოსობაზე რომ უარი ჩემთა პატივისმცემელთა შე-  
ურაცხყოფისა და დამცირების მიზნით არ მითქვამს, ამის დას-  
ტურად, ვგონებ, რაც ვილაპარაკე, საკმარისია. ეს საქციელი  
რომ არც სიამაყის გამო ჩამიდენია, ამასაც, ეხლა, როგორც  
შევძლებ, ისე დაგისაბუთებ. ჩემთვის რომ ვინმეს ქალაქის ან

ჯარის წინამძღოლობა შემოეთავაზებინა და მე უარი მეთქვა, ზოგი სიამაყეს დამწამებდა და მართალიც იქნებოდა, ან არა და იტყოდნენ ამაყი კი არა, უგნურიაო. მაგრამ როცა საქმე მღვდლობას, ასეთ მაღალ ხელისუფლებას ეხება, რომელიც ისევე აღმატება ყველანაირ ხელისუფლებას, როგორაც სული — ხორცს, მაშინ ვინ უნდა გაბედოს ჩემი სიამაყეში დადანაშაულება? და არაა საოცარი, რომ კაცს, რომელმაც ნაკლებმნიშვნელოვან საქმეზე უარი თქვა, უგნური უძახო, ხოლო მას, ზეალმატებულისაგან გარიდებულს, დიდებისმოყვარება დასწამო და არა უგნურება? ეს იმის მსგავსია სწორედ. რომ კაცს, რომელიც უგულისყუროდ ექცევა ხარების ჯოგს, რახან არ უნდა მათი მწყემსვა, უგუნური უწოდო, ხოლო მთელი ამ სოფლის ხალხისა და ჯარის მეუფების უარყოფელს ამაყი უძახო და არა უგუნური.

არა, არა, ამის მოქმელი უმაღლესი თავის თავს ადანაშაულებს, ვიდრე მე. რადგან, ვინმე თუ ფიქრით მაინც უშვებს იმას, რომ აღამიანს ძალუძს ასეთი ღირსების შეურაცხყოფა, ამით იგი ნათელს ხდის საკუთარ აზრს იგივე საკითხთან დაკავშირებით. თვითონ რომ არ მიაჩნდეთ იგივე საქმე ჩვეულებრივად და ნაკლებმნიშვნელოვნად, ასეთი აზრი ფიქრადაც არ მოუვიდოდათ, აბა რატომ არავინ ფიქრობს იგივეს ანგელოზების ღირსებასთან დაკავშირებით; რატომ არავინ ამბობს, რომ არსებობს კაცი, რომელსაც თავისი სიამაყის გამო არ სურსო მიღწევა ანგელოზებრივი ღირსებისა, ბუნებისა? იმიტომ, რომ ზეციური ძალებზე დიდი წარმოდგენა გვაქვს; ეს რწმენა შეუძლებელს ხდის იმის ფიქრს, რომ ამ ღირსებაზე უფრო მაღალი რამ არსებობდეს სადმე. ასე რომ, საცა სამართალია, სიამაყეში მე კი არა, მათ უნდა დაედოთ ბრალი, ვინაც მაგას მწამებს. ეგეც არ იყოს, ისინი ვერასოდეს შეძლებენ ამ საქმეში სხვის დადანაშაულებას, თავად რომ არ მიაჩნდეთ იგივე ნაკლებმნიშვნელოვნად. თუ პატივმოყვარებას მწამებენ, გამოდის, რომ საკუთარ თავს ეწინააღმდეგებიან და ებრძვიან. ასე რომ, არ ვიცი, ამის მეტს სხვას რაღას მოიგონებენ, რა უნდა ჰქონდეთ სალაპარაკო, თუკი, რა თქმა უნდა, ამაო დიდების სიყვარულს არ დამწამებენ.

2. მაგრამ თუ ფუჭი დიდების მაძიებელი ვარ, რას გავიქე-

ცი, რად არ მივიღე მაშინ ეგ წინადადება? ეგ საქმე ხომ დიდ პატივს მომითანდა. ჩემს ასაკში, ცოტა ხნის წინ ჭერ კიდევ ამსოფლიური ცხოვრებით გატაცებული, უცებ ყველას საოცარ პიროვნებად მოვევლინებოდი, რომელსაც ერგო დიდი უპირატესობა, ამომრჩეველთა ხმების უმეტესობა, თანაც იმ ხალხთან შედარებით, რომელმაც მთელი ცხოვრება შრომაში გაატარა. განა ეს ყველაფერი არ შეუქმნიდა ჩემზე ყველას საოცარ, დიდ წარმოდგენას?! ასე გავსდებოდი ცნობილი და დიდად პატივცემული. ახლა კი ეკლესიაში ხალხის უმეტესობამ, მცირედის გარდა, ჩემი სახელიც არ იცის. ყველამ იქნებ არც ის იცის, რომ უარი ვთქვი ამ საქმეზე. შეიძლება ზოგიერთს, ძალიან ცოტასა და მათ შორის უმრავლესობასაც ისიც კი ჰგონია, რომ მე სულაც არ ვყოფილვარ არჩეული ან ფიქრობენ, რომ უარმყვეს, როგორც ამ მსახურებისათვის შეუფერებელი. არც იციან, ალბათ, რომ გავიქეცი.

3. ბასილი: მაგრამ ვინაც იცის სინამდვილე, ის ხომ იქნება გაკვირვებული.

ოქროპირი: შენ არ მითხარი, რომ ისინი ამო დიდების სიყვარულსა და მწვაობარობას გაბრალებენო, ვისგან ველოდე ქების შესხმას? ხალხისაგან? მან არ იცის საქმის ზუსტი ვითარება, მცირე ნაწილისაგან? მათ უკუღმა ესმით ჩემი საქციელი. განა იმათ წინაშე არ ეპირები თავის მართლებას, მაგიტომ არ მოხვედი ჩემთან?! და ღირს ახლა ამაზე ლაპარაკის გაგრძელება? თუნდაც ყველას ცოდნოდა საქმის ნამდვილი ვითარება, მაინც არ უნდა დაედოთ ბრალი ჩემთვის პატივმოყვარეობასა და სიამაყეში. ცოტა მოითმინე და შენც მალე დაინახავ, პატარა საფრთხე რომ არ ელის არა მარტო კაცს, მღვდლობის კადნიერად მიმღებელს, თუკი არსებობს ასეთი ხალხი, რაშიაც ეჭვი მეპარება, არამედ იმასაც, ვინც ამაში სხვას დებს ბრალს.

4. მღვდელმსახურება, სრულიად სამართლიანად, ზეციური განწესებით აღესრულება ამ სოფელში. რამეთუ კაცმა, ანგელოზმა, მთავარანგელოზმა და რომელიმე ქმნილმა ძალამ კი არა, თავად ნუგეშინისმცემელმან განაწესა ეს ხარისხთა მიმდევრობა და ჭერაც ხორცში მყოფი ხალხი გახდა წარმომადგენელი ზეციური მსახურებისა. ამიტომაც ისეთი წმინდა უნდა

იყოს მღვდელმსახურების აღმსრულებელი, ვითარცა ცათა შინა იმ ძალთა წინაშე მდგომარე.

უწინაც საშინელი და დიდებული იყო კუთვნილებანი და მაღლი მღვდელმსახურებისა: „ეუენები ოქროსაჲ, შორის ბროწეულაკთა მათ ...ბროწეულაკები იაკინთისაგან ძოწეული-სა და ძეწამულისა სთელისა და ზეზისაგან ძახილისა, პალგე-ვატი ზეზისა, ნაფერტები ზეზისა და ძახილისა, ვარშავანგები ზეზისა, როპანაკები ზეზისა, სარტყელები ზეზისა, მაშაკები ტყავეებისა იგი, საბურველი იგი ტყავეებისა მის იაკინთისა, უღელი, ტაბლა, საცეცხლოური მისი, ფიალები მისი და ფურ-ცხები მისი რვალისაჲ, სამხარნი იგი ოქროსაგან და იაკინთი-სა და ძოწეულისა სულისა და ზეზისაგან წმინდათა წმინდა, ღრმა სიმშვიდე შიგნით“ (გამოსელ. 38, 39). მაგრამ თუ კაცი ჩაუკვირდება ქრისტიანულ მსახურებას, იქვე აღიარებს ჭეშმარიტებას რჯულის შესახებ: „რამეთუ არღა დიდებულ არს დიდებანი იგი ამით ჭერითა გარდარეულისა მისთვის დიდებისა (2 კორ. 3, 10)“. როცა ხედავ უფალს დაკლულსა და შემოგებებულს, მოძღვარს ამ სამსხვერპლოს წინაშე მდგომარეს და მლოცველს და ყველას, განწმენდილს სისხლითა პატიოსნითა, ნუთუ თავი მაინც ამ სოფელში, კაცთა შორის გგონია? ნუთუ არ გცილდება შენ ყოველი გულისთქმა ხორციელი და არ მიეახლები იმ წამს ზეცას, განწმენდილი სული და გონი ნუთუ ვერ ჰკრეტს ზეციურს? ჰოი, საოცრება, ჰოი, კაცთმოყვარება ღმრთისა და მჯდომარე მამისა თანა იმ წამს ყოველთა შემწყნარებელთა მისთათვის ხელშესახები და მისაწვდომი ხდება. ყველაფერ ამას რწმენა თვალისა ხედავს. როგორ გგონია, შეიძლება ამის უგულვებელყოფა? ვის ძალუძს ქედმაღლობა ამ საიდუმლოს წინაშე?

გინდა იმავე სიწმინდის სხვა სასწაულის საოცრება გიჩვენო? ეცადე, წარმოიდგინო, დაინახო ელია, მის გარშემო უამრავი, ურიცხვი ხალხი, ქვაზე — ზვარაკი. ყველა ღუმს, საოცარი სიჩუმეა ჩამოვარდნილი, ლოცულობს მხოლოდ წინასწარმეტყველი და უცებ, ციდან ჩამოვარდნილი ალი ეცემა მსხვერპლს (3 მეფეთა, 18, 30—38). გასაოცარია, შემადრწუნებელია ეს ყველაფერი. ახლა ჩვენს მსხვერპლშეწირვაზე გადმოდი, გაცილებით შეძრული და გაოცებული თუ არ დარჩე.



წარდგომილ არს მღვდელი, შთამომყვანებელი ცეცხლისა კი არა, სულისა წმიდისა. დიდხანს იმიტომ კი არ ლოცულობს, რომ ალი გადმოვარდეს ციდან და დაიწვას მსხვერპლი, არამედ, რათა ტარიგზე გარდამოსულმა მადლმა აღანთოს და განწმინდოს სული ყოველთა, უფროის ვერცხლისა გამოხურვებულისა. ვის ძალუძს უგუნურის გარდა, ამ საწინელი საიდუმლოს უგულვებლყოფა? განა არ იცი, დიდებული, ღვთაებრივი მადლის შეწვენა რომ არა, კაცი ვერ გაუძლებდა ცეცხლს ამ ტარიგისას, დაიღუპებოდა ერთიანად.

5. ვინაც გააცნობიერა ჯერ კიდევ სისხლსა და ხორცში მყოფი კაცის ნეტარ, უკვდავ ბუნებასთან სიახლოვის მნიშვნელობა, მისთვის ნათელი უნდა იყოს, რა პატივით შემოსა წმინდა სულმა მღვდელმსახური. მათი მეშვეობით აღესრულება მღვდელმოქმედება და სხვა მსახურებანი, რომელსაც დიდი მნიშვნელობა აქვს ჩვენი სრულყოფისა და ცხოვნებისათვის. ხალხს, ჯერაც ამ სოფელში მიმოქცეულთ ენიჭებათ განმგებლობა ზეციურისა, უფლება, რომელიც ღმერთს თავისი ანგელოზებისა და მთავარანგელოზებისთვისაც არ უბოძებია. მათთვის არ უთქვამს: „...რაოდენნი შეჰკრათ ქუეყანასა ზედა, კრულ იყოს იგი ცათა შინა, და რაოდენი განჰხსნათ ქუეყანასა ზედა, ხსნილ იყოს იგი ცათა შინა“ (მათე, 18, 18). მეუფეთ მიწაზე მხოლოდ სხეულის შეკვრის უფლება როდი ეძლევათ. ეს საკვრელი აქაც შებოჭავს სულს და იმ სოფელშიაც გაჰყვება. აქ მღვდლების ნამოქმედარს, იქ, ცაში, ღმერთი დაასრულებს და შეხედულებებს მონათა თვისთა დაამტკიცებს მეუფე. განა ეს იმას არ ნიშნავს, რომ ღმერთმა მათ ყველა ზეციური უფლება მიანიჭა? და კიდევ: „უკუეთუ ვიეთნიმე მიუტენეთ ცოდვანი, მიეტევნენ მათ; უკუეთუ ვიეთნიმე შეიპყრნეთ შეპყრობილ იყვნენ“ (იოანე 20, 23). განა არსებობს ამაზე დიდი უფლებამოსილება? „არცადა მამაჲ სჯის არავის, არამედ ყოველი სასჯელი მოსცა ძესა“ (იოანე 5, 22). როგორც ვხედავ, ძემ ეს უფლება მთლიანად მღვდლებს უბოძა: მათ ისეთი სიმადლის ხელისუფლება მიენიჭათ, თითქოს ისინი გასულები იყვნენ უკვე ამ სოფლიდან და ვნებათაგან განთავისუფლებულთ დატყვევებული ჰქონდეთ თითქოს ბუნება ხორციელი. მეფემ რომ რომელიმე მხლებელთაგანს კაცთა დატყვევებისა და

განთავისუფლების უფლება მიანიჭოს თავის სურვილისამებრ, ასეთი კაცი უმალ გახდებოდა ცნობილი და დაფასებული. მაგრამ როცა მავანს ღვთისაგან ის უფლებამოსილება ეძლევა, რომელიც ისევე აღემატება ამას, როგორაც ცა დედამიწას და სული-ხორცს, ზოგიერთები მაინც იმას ფიქრობენ, რომ ამ კაცს თითქოს ნაკლებმნიშვნელოვანი პატივი ერგო. განა შეიძლება იმის ფიქრი, რომ ვინმე თავს უფლებას აძლევს და ასეთ ჭიჭილდოს უპატიოდ ატარებს? განვაგდოთ ეგ უგუნურება, ჰეშმარიტად უგუნურებაა იმ უფლების უგულუბელყოფა, რომლითაც მოგვენიჭება ცხოვნება და ყოველი ალოქმული სიკეთე. „უკუეთუ ვინმე არა იშვეს წყლისაგან და სულისა, ვერ ხელეწიფების შესვლად სასუფეველსა ღმრთისასა“... და კიდევ: „...უკუეთუ არა სჭამოთ ხორცი ძისა კაცისაჲ და სუათ სისხლი მისი, არა გაქუნდეს ცხოვრებაჲ თავთა შორის თქუენთა“ (იოანე, 6, 53) და ამას სხვა კი არა, მღვდლის კურთხეული ხელები აღასრულებენ, უფრო სწორედ, მღვდლის ხელების მეშვეობით ხდება ეს ყველაფერი და როგორ გინდა მათ გარეშე აცილება მარადიული ცეცხლისა, მიღება გვირგვინისა განმზადებულისა.

6. მღვდლები ჩვენთვის სახეა იმ კაცთა, რომელთაც ძალუძთ ნათლობის მეშვეობით ადამიანის მეორედ შობა. მათი მეშვეობით შევიმოსავთ ქრისტეს, ვიმარხებით ღვთის ძესთან ერთად, ვხდებით ნაწილნი ეკლესიის სხეულისა, რომლის თავი არს ქრისტე. ამიტომ, საცა სამართალია, მათი არა მარტო უნდა გვეშინოდნენ, ვიდრე მეფეთა და ყოველთა ხელისუფალთა, არამედ უფრო მეტ პატივს უნდა ვცემდეთ, ვიდრე ხორციელთა მამათა ჩვენთა. რადგან მათ გვშობეს სისხლით და ნებათაგან ხორცთა; მღვდელნი კი არიან მიზეზნი ჩვენი მეორედ შობისა, მარადიული ცხოვრებისა, ჰეშმარიტი თავისუფლებისა და მადლისმიერი ძეობისა. იუდეველ მღვდლებს ძალუძდათ განკურნება ხორციელი სენისა, უფრო სწორედ, მათ ეძლეოდათ ავადმყოფის გასინჯვის და განკურნება-არაგანკურნების დამოწმების უფლება. ჩვენს მღვდლებს კი ეძლევათ არა უბრალოდ გასინჯვა-დამოწმების უფლება, არამედ ძალა სულიერ და ხორციელ ვნებათა სრული განკურნებისა. მათი უპატივცემულობა დათანისა და მისი თანამზრახველების დანაშაულზე უფრო დიდი სასჯელის ღირსია. მართალია, ისინი ძალით ცდი-

ლობდნენ იმ ხელისუფლების მოპოვებას (რიცხ. 16), რომელიც მათ არანაირად არ ეკუთვნოდათ, მაგრამ, ამავე დროს, ესმოდათ კიდევ ამ უფლების მნიშვნელობა, ამიტომაც იყო, ასეთი გააფთრებით რომ იბრძოდნენ მის მოსაპოვებლად. ჩვენს დროში, როცა მღვდლობა გაცილებით აღმატებული და უფლებამოსილი გახდა, მისი უპატივცემულობა სხვა რა უნდა იყოს, თუ არა თავსდება დიდი კადნიერებისა? განა სულ ერთი არ არის, შეუტაცხოფ ამ სათნოებას, თუ ძალით მოინდომებ მის მისაკუთრებას? პირველი, სიმძიმის მიხედვით, მეორისაგან ისევე განსხვავდება, რამდენადაც პატივისცემა შეუტაცხოფისაგან. არსებობს კი ისეთი უბადრუკი სული, რომელიც შეუტაცხოფს ამ დიდებულ სათნოებას? თუ არ განცოფებული ბოროტისაგან, სხვა ვინ იზამს ამას? მაგრამ იმას დაუებრუნდეთ, რაზედაც საუბარი გვექონდა. ხუცესთ ღმერთმა უფრო მეტი ძალა მიანიჭა, ვიდრე ხორციელ მშობელთ, არა მარტო დასჯისა, არამედ სიკეთის ქმნისაც. ხორციელ და სულიერ მშობელთა შორის ისეთივე განსხვავებაა, როგორიც ამ სოფელსა და მომავალ სოფელს შორის. პირველნი, შვილებს ხორციელ სიკვდილს კი არა, სნეულებასაც ვერ ააცილებენ. მეორეთ კი ხშირად უხსნიათ დასაღუპად განწირული სული, ხან უვნებელი სასჯელის მეშვეობით, ხანაც მოსალოდნელ დაცემას თავშივე, დროზე წამლობით კურნავენ არა მარტო შეგონებითა და სწავლებით, ლოცვის მეშვეობითაც. ისინი მარტო ახალ ადამიანს (ნათლობით) როდი აღმოაცენებენ ჩვენში, მათ ეძლევათ უფლება ცოდვათა ჩვენთა შენდობისა. „უძლურ თუ ვინმე არს თქუენს შორის, მოუწოდონ ხუცესთა ეკლესიისათა, და ილოცონ მას ზედა და სცხონ, მას ზეთი სახელითა უფლისაათა და ლოცვამან სარწმუნოებისამან აცხოვნოს სნეული იგი, და აღადგინოს იგი უფალმან. დაღაცათუ ცოდვაჲ რამე ექმნეს, მოვეეტეოს მას“ (იაკ. 5, 14, 15).

გარდა ამისა, შვილებს რომ ჩხუბი მოუვიდეთ ამა სოფლის ძლიერსა და ცნობილ ხალხთან, მშობელნი ამ შემთხვევაშიაც ვერ დაეხმარებიან მათ. არა და, მღვდელთ ბევრი მორწმუნე წარჩინებულებთან და მეფეებთან კი არა, მათზე განრისხებულ ღმერთთანაც კი შეუტრიგებიან. ამის მეტე ვინდა უნდა დამწამოს სიამაყე? ის კი არა, ვგონებ პირიქითაც მოხდეს და ამ

სიტყვების მერე ხალხმა იმათ კი არ უკვირნოს სიამაყე და კადნიერება, ვინაც გაექცა ამ პატივს, არამედ მათ, რომელნიც ესწრაფვიან ამ პატივის მოხვეჭას. ქალაქის მთავრის უგზურება და უმოქმედობა მასაც და მთელ ქალაქსაც დაღუპვას უქადის. როგორ გგონია, რა ძალა უნდა ჰქონდეს კაცს, ქრისტეს სასძლოს განმამშვენებელს, საკუთრივ და მალლიდან მონიჭებულიც, რომ არ შესცოდოს?

1 7. პავლეზე მეტად არავის ჰყვარებია ქრისტე, არვის გამოუჩენია მასზე დიდი გულმოდგინება, მასზე დიდი ჭადლი არავის მინიჭებია. და მიუხედავად ასეთი უპირატესობებისა, იგი ძრწვის, მინიჭებული უფლებისა და მინდობილი ხალხის გამოც: „ხოლო მეშინის, ნუ უკუე, ვითარცა-იგი გუელმან აცთუნა ევა ზაკულებითა თვისითა, ეგრეთცა განხრწნენს გონებანი თქუენნი სიწრფოებისაგან ქრისტეს მიმართ. და მე უძლურებასა შინა და შიშსა და ძრწოლასა მრავალსა ვიყავ თქუენდა მიმართ“ (2 კორ. 11, 3; 1 კორ. 2, 3). ქრისტეს მიერ მინიჭებულ უფლებებზე უარს ამბობს მესამე ცამდე ასული, ღვთის საიდუმლოებებს ზიარებული კაცი, რომელიც მოქცევის შემდეგ ყოველ დღე კვდებოდა ქრისტესთვის;<sup>1</sup> შიშობს, არ სცოდოსო მორწმუნემ და იმიტომ. და თუკი, უფლის ნების გარდაშეცებულად აღმსრულებელი, რომელიც ყოველთვის მასზე მინდობილი ხალხის სიკეთის ძიებაში იყო, და დავიწყებული ჰყავდა საკუთარი თავი და მიმადლებული უფლებამოსილების მიუხედავად, მაინც ასეთი შიშითა და ძრწოლით იყო მოცული, მაშინ ჩვენ, რომელნიც ხშირად საკუთარი სარგებელის ძიებაში ვართ და უფლის ნების აღსრულების მაგიერ ვღალატობთ კიდევ მცნებებს მისას, ჩვენ. რაღა უნდა ვთქვათ? — „ვინ უძლურ არს, და მე არა უძლურ ვიყავი? ვინ დაპბრკოლდებია, და მე არა ვხურვიდი-ო“, ამბობს იგი (2 კორ. 11, 29). ასეთი უნდა იყოს ხუცესი. არა, ასეთი კი არა; ამაზე უკეთესი. ეს ძალიან ცოტაა იმასთან შედარებით, რის თქმასაც ვეპირები. რაღაა ეს? „ვილოცევდ შეჩუენებულყოფად თავსა ჩემსა ქრისტესაგან ძმათათჳს და ნათესავთა ჩემთა ხორციელად“ (რომ. 9, 3). ვისაც ძალუძს ამ სიტყვების წარმოთქმა, და ვისი სულიც სიწრფოე-

<sup>1</sup> შტრ. 1 კორ. 15, 31. რომ. 8, 36-37.

ბით ინატრებს ამას, და ასეთი კაცი თუ გაქცა მღვდლობას, მას ნამდვილად უნდა აგებინონ გაქცევის გამო პასუხი. მაგრამ, ის, ვისთვისაც ისევე უცხოა ეს სათნოება, როგორაც ჩემთვის, გაქცევის გამო კი არა, ამ მსახურების მიღებისათვის იმსახურებს გაიცხვას.

მსედართმთავრის ამორჩევისას, რომელიმე მკედელს, მეტყავესა ან სხვა რაიმე მსგავსი ხელობის კაცს რომ მოუნდომონ ამ პატივის მიგება, ჩემი აზრით, სწორედ ვერ იზამდა ის კაცი კეჟას, თუკი არ განშორდებოდა მომავალ საშიშროებას და გაქცევით არ უშველიდა თავს. რომ შეიძლებოდეს, მოძღვარი მარტო სახელად გერქვას და დაკისრებული საქმეც, როგორც გამოგივა, ისე აღასრულო და ამის გამო არანაირი საშიშროება არ მოგელოდეს, ვისაც მოესურვება, დაე იმან მიძახოს, ამაყიაო. მაგრამ თუკი ამ საქმის მტვირთველს უნდა გააჩნდეს კეთილგონიერება დიდი და ამაზე უწინ, დიდებული მადლი ღვთისა, ზნეობა — გამართული, ცხოვრება — წმინდა და უამრავი სულიერი სათნოება, არ გამამტყუნო, თუ ტყუილუბრად წახდენა და დაღუპვა არ ვისურვე. ვინმეს რომ ძვირფასეულობებითა და მენიჩბეებით სავსე ხომალდის საჭე მოეჩეჩებინა და ეთქვა: ტირინისა და ეგეოსის ზღვა გადაცურეო, გავიქცეოდი. რომ ეკითხათ გაქცევის მიზეზი, ვეტყვოდი: შემეშინდა, ჩემს გამო ხომალდი არ ჩაძირულიყო-მეთქი. ასეთ დროს წინდაუხედაობას მხოლოდ ფულადი ზარალი და ხორციელი სიკვდილი მოსდევს და ამის გამო პასუხს არავის აგებინებენ; მაგრამ როცა ხომალდის დანთქმა მოსალოდნელია არა უბრალოდ ზღვაში, არამედ ცეცხლოვან უფსკრულში, სადაც მათ უბრალო სულისა და სხეულის განწყოფი სიკვდილი კი არ ემუქრებათ, არამედ მარადიული ტანჯვა სულისა და ხორცისა, რა განრისხებთ, რატომ მიწყრებით, რომ ვერ ვქენი განუსჯელობა და ავიცილე თავიდან უბედურება?

8. გთხოვთ, გევედრებით, ნუ იზამთ მაგას. მე კარგად ვიცი ჩემი სუსტი და უძლური სულისა. ვიცი ამ მსახურების მნიშვნელობაცა და სირთულენიც მისი. ხუცესის სულს ხშირად დაჰფარავენ ხოლმე ტალღები, ზღვაზე რომ ჩნდება ხოლმე ქარის ამოვარდნისას, იმაზე დიდი.

9. პირველი რომ, პატივმოყვარეობა კუნძულია, გაცილებით

უფრო საშიში, ვინემ მეიგავეთა მიერ შეთხზული სირინოზების კუნძული. ზოგმა შეიძლება ძალიან მშვიდობიანადაც ჩაუაროს მას, ჩემთვის კი ეგ ძალიან სახიფათოა; ის კი არა, ახლა, როცა არანაირი საშიშროება აღარ მემუქრება იმ კუნძულის მიახლოებისაც კი, შიში მაინც ვერ მომიშორებია. და თუკი ვინმე მაგ ხელისუფლებას მომანდობს, ეგ იგივე იქნება, რომ იმ კუნძულზე მცხოვრებ ურჩხულებს საჭიჯგნად ხელებშეკრული მიმცეს. რა ურჩხულებია ასეთი? მრისხანება, სასოწარკვეთა, შური, მტრობა, ცილისწამება, განკითხვა, სიცრუე, თვალთმაქცობა, მზაკვრობა, გულძვირობა უდანაშაულო ხალხის მიმართ, სიხარული მტერთა გაჭირვების გამო, მწუხარება მათ კეთილდღეობასა ზედა, თავის ქების სურვილი, ვნება ყველანაირი პატივის მიმართ (ეს ვნებს სწორედ სულს ყველაზე უფრო!), სწავლება პირფერული, ალერსი თვალთმაქცური, კაცთმოთნეობა მდაბალი, უგულვებელყოფა გაჭირვებულთა, მსახურება მდიდრებისა, საშიში და უგუნური უპირატესობების მინიჭება, მოწყალეებანი საშიშნი, როგორც გამცემელთათვის, მიმღებელთათვისაც, მონური შიში, გაუბედაობა, მოჩვენებითი სიმდაბლე, თუალებითი მხილება და სჯა, უფრო სწორედ, უბრალო ხალხის მიმართ — სიმკაცრე უზომო, ძლიერთა წინაშე — უსიტყვობა. ამდენს კი არა, ამაზე მეტ ურჩხულსაც კი იტევს ის კუნძული და თუკი მათ ერთხელ მაინც მიიტაცეს ვინმე, ისე დაიმონებენ, რომ ბევრ რამეს, რაზედაც ახლა შეუფერებელია ლაპარაკი, ქალთა გულის მოსაგებადაც კი გააკეთებინებენ. ღვთაებრივმა კანონმა ქალები განაყენა ამ მსახურებისაგან, მაგრამ ისინი მაინც ცდილობენ მასში თავის შერგვას. რაკილა თავად არ გააჩნიათ ხელისუფლება, ისინი სხვების მეშვეობით ახერხებენ ყველაფერს და ისეთი ძალით, რომ მღვდლების არჩევა-გადარჩევაც კი მათი სურვილისამებრ ხდება. ასე რომ, უფროსებს ხელქვეითები მართავენ. კაცები კი არა, არამედ ისინი, რომელთაც არა აქვთ უფლება: „მოძღურებად დედათა არა უბრძანებ“ (1 ტ. 2, 12). სწავლება კი არა, ნეტარმა პავლემ მათ აუკრძალა: „დედანი თქუენნი ეკლესიასა შინა ღუმნედ“ (1 კორ. 14, 34). ერთი კაცი მეუბნებოდა, თურმე ისე გაკადნიერებულან ქალები, რომ ეკლესიის მსახურთ საყვედუ-

რებსაც უცხადებენ და უფრო სასტიკადაც ექცევიანო, ვიდრე ბატონები თავიანთ ჭკვეშევრდომთ.

10. ნურავინ იფიქრებს, თითქოს ეს ბრალდება ყველას ეკუთვნოდეს. ბევრი დასხლტომია ამ ბადეს და ისინი უფრო მეტნი არიან, ვიდრე ბადეში მოხვედრილნი. ამასთან, თავად მღვდელმსახურებას როდი ვთვლი ამ ჭირთა მიზეზად. ასეთ უგნურებამდე არ მსურს დავიდე. მკვლელობა რა, მახვილის ბრალია, სიმთვრალე — ღვინისა, ძალა — შეურაცხყოფისა, მხნეობა — განუსჯელი კადნიერებისა? კეთილგონიერნი საონოების ბოროტად გარდამაქცეველთ დაადანაშაულებენ ყოველთვის. ასე რომ, თავად მღვდლობა სამართლიანად დავედებს ბრალს, თუკი ჩვენ მას არასწორად წარვმართავთ და ჩემს მიერ ჩამოთვლილ ნაცარტუტათა მიზეზი სუცობა კი არა, ჩვენა ვართ, რადგან ვბლალავთ მას, როდესაც ამ საქმეს გამოუძიებლად მივანდობთ ხოლმე იმ ხალხს, რომელთაც საკუთარი სულიც კი ვერ შეუცვნიათ ხეირიანად. ისინი ხალისით ღებულობენ ამ პატივს, არ იციან ამ საქმის სიძნელე და ამიტომ, როდესაც შეუდგებიან მსახურებას, გამოუცდელიობის გამო, თავადაც ბნელში რჩებიან და მათზე მინდობილ ხალხსაც ბევრ ჭირსა სწევენ. მე თვითონაც იგივე დამემართებოდა, ღმერთს რომ არ დავეფარე საფრთხისაგან, მას რომ არ დაეცვა ეკლესიაცა და ჩემი სულიც. მითხარი, შენი აზრით, რატომაა ეკლესიაში ასეთი არეულობა? მე მგონი, ყველაფერი იმის ბრალია, რომ ამორჩევა და დანიშვნა ყოველგვარი გარჩევა-დაკვირვების გარეშე, ნაუცბათევეად ხდება. თავი ჭანმრთელი უნდა იყოს, რომ შეძლოს სხეულში დაბუდებული სნეულებების დაძლევა. მაგრამ თუკი თვითონაა სუსტი, ვერანაირ დაავადებას ვერ გაუმკლავდება, ის კი არა, უფრო დასუსტდება და მთელ სხეულსაც დაღუპავს. ახლაც რომ იგივე არ მომხდარიყო, ღმერთმა ფეხების მდგომარეობაში, (ეკლესიის სხეული), როგორაც ვიყავი, ისე დამტოვა. გარდა ამისა, ბასილი, ხუცესს ბევრი სხვა ისეთი რამ უნდა ჰქონდეს, რაც მე არ გამაჩნია. და პირველ რიგში, მისი სული სრულიად თავისუფალი უნდა იყოს მღვდლობის წადილისაგან. თუ მას თავიდანვე ექნა ვნება ამ საქმის მიმართ, ამ პატივის მიღებისთანავე ის ვნება კიდევ უფრო ააღდება მასში და, ვინმემ რომ ამ პატივის აყრა მოუნ-

დომოს, დაკარგულის დასაბრუნებლად არაფერს არ დაერიდება, არც ტყუილს, არც უღირს საქციელს, არც სასყიდლის გაცემას.

ზოგიერთებმა რომ ეს უფლება ეკლესიაში ჩადენილი მკვლევობებისა და ქალაქში ატეხილი დავიდარაბის შედეგად ჩაიგდეს ხელში, ამაზე არაფერს ვიტყვი, ვინმეს რომ არ ეგონოს, რაღაცას დაუჭერებელს ჰყვებაო. ჩემი აზრით, სჯობს, რომ კაცმა ღროით მოიძიოს კეთილგონიერება და სანამ ჩადენილი ცოდვის გამო სხვა დაუწყებდეს განკითხვას, თავად მოერიდოს ამ საქმეს. ამ შემთხვევაში ღმერთმა შეიძლება შეიწყალოს მავანი, მაგრამ თუ ვინმე ამ ღირსების მოპოვებას უწესოდ დაეპირება, მას აღარ შეიწყალებს უფალი, რამეთუ განარისხებს ღმერთს ერთმანეთზე მიწყობილი დანაშაულებებით.

11. მაგრამ გაბედავს ვინმე ამას? ამ პატივის ძალით მოხვეჭას ხომ არაფერი მოჰყვება უბედურების მეტი. ამ სიტყვებით ნეტარ პავლეს კი არ ვეწინააღმდეგები, არამედ სრულიად ვეთანხმები. რას ამბობს იგი? „უკეთუ ვისმე ეპისკოპოსობის უნდეს, კეთილისა საქმესა გული ეტყვის“ (1 ტ. 3, 1). უბედურებას ამ საქმის სურვილს კი არა, ხელისუფლებისა და პირველობის თვითმიზნურ წადილს ვუწოდებ. იგი მთელი გულმოდგინებით უნდა იდევნებოდეს სულიდან მისი გაჩენისთანავე; სხვანაირად ვერ განთავისუფლდები მისგან, ყველა შენი მოქმედება ამ წადილით იქნება ნაკარნახევი. ვისაც არ სურს ამ პატივის მოპოვება, მას არც მისი დაკარგვის შიში აქვს. ამიტომაც, რომ ის ყველაფერს ქრისტიანისათვის დამახასიათებელი თავისუფლებით აკეთებს. ხოლო ამ პატივის დაკარგვის შიშით შეპყრობილთ უამრავი ჭირი და მონობა მოიცავს ხოლმე, რის გამოც ისინი ხშირად ხალხსაც შეურაცხყოფენ და ღმერთსაც. ასე რომ, ამ წადილით არ უნდა იყოს კაცი შეპყრობილი.

მხნობასავსე სარღლები თავდადებით იბრძვიან და ვაჟკაცურად ეცემიან. ხუცესებმა, როგორაც ჭეშმარიტად ქრისტიანმა კაცებმა, იგივე უნდა შესძლონ მღვდლობის პატივის მიღებისა და დაკარგვის ღროსაც. უნდა იცოდნენ, რომ ხშირად ამ პატივით მარტო ამალლებას კი არა, დამცრობა-დამდაბლებასაც არანაკლები გვირგვინი მოაქვს.



თუკი ემართლებიან კაცს, რომელსაც არაფერი ჩაუდგნია ამ პატივის შეუფერებელი, მასზე უსამართლოდ აღდგომილხა დაისჯებიან, ხოლო იგი დიდ ჯილდოს მიიღებს: „ნეტარ იყვნეთ, ოდეს გღვენიდნენ და გყვედრიდნენ და სთქვან ყოველი სიტყვა ბოროტი თქვენდა მომართ სიცრუით ჩემთვის. გიხაროდენ და მხიარულ იყვენით, რამეთუ სასყიდელი თქვენი დიდ არს ცათა შინა“ (მათე 5, 11, 18). ასეთი რამ თანამოსამსახურეთ შეიძლება მტრობით, შურით, ვინმეს გულის მოგების მიზნით, ან სხვა უსაფუძვლო მიზეზით დაემართოს. და როცა მავანს ასეთი რამის გადატანა მოუწევს, მაყვედრებლთ მისი უღირსობა ამ დროს დიდად გაუმართავს ხელს, ვგონებ ამას მტკიცება არ სჭირდება.

ამიტომ კარგად უნდა ჩაუკვირდეთ საკუთარ სულს, რომ როგორღე არ გამოგვეპაროს იქ ამ საქმის წადილის ბეუტეაც კი. ბედნიერია კაცი, თუკი იგი თავიდანვე თავისუფალი იყო ასეთი წადილისაგან; ეს ვნება მას ვერც ამ პატივის მიღების შემდეგ მოერევა. მაგრამ თუკი ვინმემ ამ უფლებამოსილების მიღებამდე იგემა ეს საშინელი და სასტიკი ვნება, არც ვიცი, როგორ გადმოგვე მხურვალება იმ ღუმელისა, რომელშიაც იგი ამ პატივის მიღების შემდეგ აღმოჩნდება. ჰოდა, მეც, (არ გეგონოს თავდაბლობას ვიბრალედე და ვცრუობდე), ძლიერად მსურდა ეგ საქმე. მაგან სხვა რამეზე ნაკლებ როდი შემეშინა. ჰოდა, იძულებული გავხდი, გავქცეულიყავი. ხორციელი სიყვარულით შეპყრობილი სანამ საყვარელი ადამიანის გვერდითაა, იტანჯება ამ ვნებისაგან. როგორც კი დაცილდება მას, მღელვარება ცხრება. ასე ემართებათ მღვდლობის წადილით შეპყრობილთ. როგორც კი მიუახლოვდებიან მას, იმ წამს აუტანელი წამება დაეუფლებათ, თუ დაკარგეს ამ პატივის მიღების იმედიც კი, ეს სურვილიც გაუქრებათ.

12. ასე რომ, ეს არაა პატარა მიზეზი. და ეს მიზეზი რომ ერთადერთი იყოს, სრულიად საკმარისი იქნებოდა იმისათვის, რომ ჩემთვის აეცილებინათ პატივი. მით უმეტეს, თუკი ამას სხვა, არანაკლებ მნიშვნელოვანიც ერთვის. რაა? მღვდელი მღვიძარე და წინდახედული უნდა იყოს, ყოვლისმკვერეტელი თვალი უნდა ჰქონდეს, ყველაფერი უნდა შეამჩნიოს, რადგან თავისი თავი კი არ აბარია მხოლოდ, არამედ ღამრავი ხალხი

(1 ტ. 3, 2). მე კი სუსტი, დაუდევარი კაცი ვარ, საკუთარი ცხონებისათვის ძლივს ვახერხებ ზრუნვას, ამაზე შენც დამეთანხმები, თუმცა, ჩემი სიყვარულის გამო ყველაზე მეტად შენ ცდილობ ჩემი სისუსტეების მიჩქმალვას. ნუ დამიწყებ ეხლა მარხვასა, მღვიძარებასა, მიწაზე წოლასა და სხვა სხეულის დამაჰნობელ საქმეებზე ლაპარაკს. თვითონაც იცი, ეგეც არ ძალმიძს სრულყოფილად. და კიდევაც რომ შემეძლოს ამ საქმეების მთელი სიმკაცრე-სიზუსტით დაცვა, ის სისუსტენი, რაც ნამდვილად გამაჩნია, მაინც იჩენდა თავს, ამიტომაც უსარგებლო იქნებოდა ჩემი მოღვაწეობა. სხეულის დამაჰნობელი ღვაწლი სენაკში მყოფს, რომელიც მხოლოდ თავისი შინაგანი საქმეებითაა დაკავებული, დიდ სარგებლობას მოუტანს. მაგრამ კაცს, უამრავ ხალხზე განაწილებულსა და ხელქვეითებზე მზრუნველს, მხოლოდ ეს ღვაწლი რას არგებს, თუკი არ ექნა, ამასთან ერთად, სული მხნე და ძლიერი?

13. არ გაგიკვირდეს, ასეთი მკაცრი ცხოვრების გვერდით რომ დიდი სულიერი გამოცდილების აუცილებლობაც მოვითხოვო. საქმელ-სასმელსა და რბილ საწოლზე უარის თქმა, როგორც ჩანს, ბევრს არც უჭირს. განსაკუთრებით კი მათ, ბავშვობიდანვე მკაცრ პირობებში გაზარდილთ. იგივე ითქმის ფიზიკურად გაკაჟებულ ხალხზე, მათ ეიოლებათ კიდევ ასეთი ღვაწლი. მაგრამ შეურაცხყოფის, ცილისწამების, მწარე სიტყვის, მდაბიოთა განზრახული და უნებლიე დაცინვის, უფროსებისა და ხელქვეითების უსამართლო შენიშვნების ატანა, ცოტას, ერთი, ორ კაცს თუ შეუძლია. ხდება ისიც, რომ მკაცრი ღვაწლის მტკირთველნი, ვერ უმკლავდებიან ამ უსიამოვნებებს. ასეთ დროს მათ ველური ცხოველის მძვინვარება იპყრობს ხოლმე. ასეთი ხალხი განსაკუთრებით უნდა განერიდოს ეკლესიას. წინამძღოლი ოდნავადაც არ ვნებს მრევლს, თუკი მშიერი და ფეხშიშველი არ დაიარება. მაგრამ მძვინვარე, მრისხანებამორეული, საკუთარ თავსაც ვნებს და ახლობელსაც. კაცს თუ პირველის ტკირთვა არ შეუძლია, ამისთვის მას ღმერთი არ დასჯის, მაგრამ ცუდად განრისხებული „თანამდებ არს იგი გეპენიასა მას ცეცხლისასა“ (მათე 5, 22). სიამაყის ვნებით შეპყრობილი ამ პატივის მიღების შემდეგ უფრო აღაგზნებს ამ ვნებას. როცა კაცს (რომელსაც მარტო ცხოვრებისას, ან

ცოტა ხალხთან ურთიერთობის დროს არ შეეძლო მრისხანების მოთოკვა), ბევრ ხალხს მიანდობენ, იგი მაშინვე იმ მხეცს ემსგავსება, რომელსაც თითქოს ყოველი მხრიდან დასაქერად დასდევნო. მას თავადაც არ ექნება სიმშვიდე და სხვაგვარად ბევრ ჭირს შეპყრის.

14. ისე არაფერს ძალუძს სული წმიდისა და ნათელი ზრების შემუხსრვა, როგორაც მრისხანებას მოუთოკავს, იგი ძლიერად იჩენს ხოლმე თავს. ბრძენს უთქვამს: მრისხანება გონიერსაც ღუპავსო (იგავ. 15, 1). იგი ისე აბნელებს სულის თვალს, რომ უკუნით ღამეში მებრძოლი კაცივით ვეღარ არჩევს მტერ-მოყვარეს, ღირსეულსა და უღირსს, ყველას ერთნაირი მრისხანებით ექცევა და იმის მაგივრად, რომ მოთოკოს ეს ვნება, პირიქით, მისი ნების აღმსრულებელი ხდება; რამეთუ მრისხანებით აღვზნებული სული ერთგვარ კმაყოფილებასაც კი გრძნობს, როცა მის ნებას მიჰყვებიან. ასეთ დროს სრულიად ირღვევა სულიერი სიჯანსაღე. ამას მოჰყვება ხოლმე სიამაყე, უსამართლო მტრობა და სიძულვილი, რაც ხშირად ხდება მიზეზი სხვათა განურჩეველი და უსაფუძვლო შეურაცხყოფისა და კიდევ ბევრი უმსგავსო საქციელისაც. ასეთ დროს სული ამ ძლიერი ვნების ტალღის ქვეშაა მოქცეული და მას აღარ რჩება ვნების წინააღმდეგობის უნარი.

ბასილი: არა, ასეთი თვალთმაქცობის ატანა კი შეუძლებულია. ვინ არ იცის, რომ შენთვის უცხოა ეგ სენი?

ოქროპირი: რაო, ბატონო, გინდა გამაღიზიანო მონანიე ეზოველი, გინდა რომ მაინცადამაინც კოცონთან დამაყენო? არ იცი განა, მაგ ვნებას ნებისყოფით კი არა, მხოლოდ სიმშვიდის სიყვარულით რომ ვერეოდი და ვინაც ასეა მომართული, იგი კიდევაც უნდა გაექცეს ამ საქმეს და თავის თავთან, ან ერთი-ორი მეგობრის საზოგადოებაში დარჩეს. რა უნდა მას ამხელა ზრუნვის უფსკრულის სიახლოვეს? წინააღმდეგ შემთხვევაში იგი ბევრს გადაიყოლებს და თანაც ისინი მოკლებულნი დარჩებიან თავმდაბლობის შეძენის ყველანაირ საშუალებას.

დაქვემდებარებული ხალხის უმრავლესობა მიჩვეულია წინამძღოლის მაგალითად დადგენას, ბაძვას მისას. ქედმაღალი კაცი შეძლებს განა სხვის განთავისუფლებას ქედმაღლობისა-

გან? მრისხანე წინამძღვრის შემყურე, ისურვებს განა თავ-  
მდაბლობას? არა, მოძღვრის ნაკლი არ დაიმალება, ზოგიერთი  
მათგანი კი ძალიან სწრაფადაც კი ვლინდება. მეომარი, სანამ  
სახლშია, სუსტიც რომ იყოს, ვინ გაიგებს? მაგრამ ბრძოლაში  
თუ მოხვდა, იმ წამს გამოაშკარავდება მისი შესაძლებლობები.  
ასევეა ის ხალხიც, რომელიც თავისთვის, ყოველგვარი მოღვა-  
წეობის გარეშე ცხოვრობს. სანამ ისინი თავისთვის, ცალკე  
არიან, ვინ რა იცის მათი უძლურებისა? მაგრამ როგორც კი  
აირჩევენ ასეთ ხალხს, ისინი იძულებულნი ხდებიან სამოსი-  
ვით შემოიძრონ ის მარტოობა, და სული სხვების დასანახად,  
უამრავი გარეგნული მოქმედებებით შექურვონ. მათ კეთილ  
საქმეებს სარგებლობაც მოაქვთ, რამეთუ მრავალს აღუძრავენ  
კეთილ სურვილს. მაგრამ ისინი სულ უფრო დაუდევარნი ხდე-  
ბიან სულიერ სათნოებათა მოპოვებაში, ამიტომაცაა, თავს  
ვერ იზღვევენ შეცოდებებისაგან და მათი შრომაც აღარ იმს-  
ხურებს ქებას. ასე რომ, ხუცესი ყოველმხრივ უნდა ბრწყინავ-  
დეს, რათა შეძლოს მისი მრევლის განხარებაცა და განათებაც.  
როცა ჩვეულებრივი ხალხი ცოდავს, ისინი ამით მხოლოდ სა-  
კუთარ თავს ვნებენ და მათი ცოდვაც თითქოს დაფარულია.  
მაგრამ გამოჩენილი და ცნობილი ხალხის შეცოდება ბევრზე  
მოქმედებს უარყოფითად. იგი ერთგვარად დასცემს კიდევ  
ხალხში მისწრაფებას კეთილი ღვაწლისაკენ, ხოლო მისით მო-  
ხიბლულთ მხოლოდ სიამაყეს მატებს. უბრალო ხალხის ცოდ-  
ვა, რომც გამოაშკარავდეს, მნიშვნელოვნად ვერავის ავნებს.  
მაგრამ მღვდლობის ღირსებას მიღწეული ხალხის საქციელი  
ყველასათვის დასანახია. მათი მცირედი შეცოდებაც კი, ყვე-  
ლას დიდად მოეჩვენება, რადგან ამ შემთხვევაში ცოდვას კი  
არ ექცევა, ყურადღება, არამედ შემცოდებლის პირად, ღირ-  
სებას. ამიტომ მღვდელმა რაღაც ანდამატივით იარაღი უნდა  
მოიშველიოს და ყოველი მხრიდან უნდა მოიზღუდოს თავი,  
გულმოდგინე, დაკვირვებულ მღვიძარებაში უნდა ატარებდეს  
თავის სიცოცხლეს, სუსტი და დაუცავი ადგილი რომ არ აღმო-  
უჩინოს ვინმემ სასიკვდილო ჭრილობის მისაყენებლად, რადგან  
ირგვლივ მყოფნი მზად არიან ავნონ მას რაიმე. ნათქვამი მხო-  
ლოდ მტრებსა და მოწინააღმდეგეებზე როდი ვრცელდება,  
არამედ იმ ხალხზეც, თავი მეგობრებად რომ მოაქვთ. ბაბი-

ლონში, ღვთის მადლით, სამი წმიდა ყრმა იყო. სახმილს იყვნენ ისინი მიცემულნი. სწორედ მათ უნდა გავდნენ სულიერად კაცნი, ხუცობის მტვირთველნი, რადგან ცეცხლი, რომელსაც ისინი მიეცემიან ფიჩხით, ფისითა და სელით როდია აალებული. ისინი ნივთიერ ცეცხლს კი არა, შურის ყოვლად დამფერფლავ ალს მიეცემიან ხოლმე. ეს ცეცხლი მათ ყოველი მხრიდან აქვთ შენთებული და იგი უფრო ძლიერად აღწევს მათში, ვინემ იმ ყრმათა სხეულში. იმ ცეცხლმა რომ პატარა შემხმარი ნაწილი ნახოს, იმას შეჰყვება და სხვას, მზის სხივივით გარწყინებულ ნაწილებსაც მისწვდება გასამურად.

სანამ ყველაფერი წესრიგში აქვს ხუცესს, მანამ ძვირისმზრახველნი ვერაფერს დააკლებენ. მაგრამ სულ მცირედიც რომ გამოეპაროს, ბოლოს და ბოლოს ადამიანია, ცხოვრების უბობოქრესი ზღვები რომ ჰქონდეს გადაცურული და უამრავი კეთილი საქმე გაკეთებული, მყვედრებელთ მაინც ვერ გააჩერებ. მცირედი შეცდომა ყველაფერს გადაჰფარავს. თანაც მას ისე კი არ უყურებენ, როგორც ჩვეულებრივ, ხორცში მყოფ კაცს, რომელსაც არ შეიძლება არ ჰქონდეს შეცდომები, არამედ როგორც ანგელოზს, რომელსაც დაუშვებელია რაიმე ეშლებოდეს. ტირანი, სანამ ძლიერია და მეფეა, რაკი მისი მორევა არ ძალუძთ, ამიტომ შიში აქვთ მისი და ეპირფერებიან. მაგრამ თუ სისუსტე დაატყვევს, იმ წამს თავს ანებებენ თვალთმაქცობას და გუშინდელი მეგობრები მტრებად, მოწინააღმდეგებად უხდებიან, მისი სუსტი მხარეების მცოდნენი ძალაუფლებაში ედავებიან. იგივე ემართებათ მღვდლებსაც. სანამ ძლიერია, ვერავინ კადრებს ცუდს, ყველანი პატივით ექცევიან, მაგრამ ოდნავი საბაზი თუ მიეცათ, იგივე ხალხი ძლიერად შეიარაღდება მის წინააღმდეგ და გადაყენებას დაუპირებს, თანაც მას ტირანზე უფრო საშინელ კაცად დასახავენ. ტირანს ყველაზე მეტად თავისი გვამის მცველთა შიში აქვს, მღვდელი თავის ახლობლებსა და თანამოსაუბრეებს უფრთხის. რადგან არავინ ისეთი ძალით არ ცდილობს მასზე უფლების მოპოვებას, როგორც ისინი. მათ ყველაზე კარგად იციან მისი საქმეების მსვლელობისა, ისინი ხომ მის სიახლოვეს არიან; რამე მოხდება და პირველები იგებენ, ცილიც რომ დასწამონ ვინმეს, ამასაც ადვილად დაუჭირებს ხალხი, პატარას დიდზე გაბერა-

ვენ და ადვილად ავნებენ უდანაშაულოს, და გამართლდება მოციქულის სიტყვები შებრუნებული აზრით: „და თუ იდიდებინ ერთი ასოა, მის თანა იხარებენ ყოველნი ასონი“ (1 კორ. 12, 26). მხოლოდ ღვთიმსახურების მტვირთველთ შესწევთ ამის ძალა. ასეთი ბრძოლისათვის მიმეტებ? და გგონია, რომ ჩემი სული აიტანს ასეთი სხვადასხვაგვარი სახის ბრძოლებს? როგორ იფიქრე ეგ, ვინ გითხრა? თუ ღმერთმა გამოგიცხადა, მითხარი და დაგემორჩილები, და თუკი ასეთი აზრი ხალხის ლაპარაკის მიხედვით შეგექმნა, თავს ნულარ მოიტყუებ. ჩვენი თავისა ჩვენ უკეთ ვიცით, ვიდრე სხვამ. იმიტომ, რომ „ვინმე უკუე იცის კაცმან კაცისაჲ, გარნა სულმანვე კაცისამან?“ (1 კორ. 2, 11).

უწინ თუ არა, ვფიქრობ ახლა მაინც რწმუნდები ჩემს სიმართლეში. მე რომ მიმელო ეგ პატივი, თავსაც და ამომრჩევლებსაც სასაცილოდ გავუხდიდი საქმეს და ფრიად ვნებული ისევ იმ ცხოვრებას დაეუბრუნდებოდი, რომელსაც ახლა ვეწევი. ბევრს სწადია ეს ხელისუფლება; ეს წადილი შურზე ძლიერია, მაგის გამოა, რომ აუმხედრდებიან ხოლმე იმ ხალხს, რომელთაც ეგ ხელისუფლება მიეცათ. ანგარებისმოყვარე შვილებმა იციან, როგორც კი მოუძღურდებიან მშობლები, დრტვინვას მოჰყვებიან. ზოგიერთი, რომ ხედავს, მავანი მღვდლის მსახურება დიდხანს გაგრძელდა, დრტვინავს ისიც; მისი მოკვლა უსჯულოებად მიაჩნია, ამიტომაცაა, სხვაგვარად ცდილობს ამ ხელისუფლების მოპოვებას, იმ ხუცესის ადგილის დასაკუთრებას, თანაც ყოველი მათგანი იმედიანადაა, მე შერგებოა ეს პატივი.

15. გინდა სხვა ბრძოლაც გიჩვენო, მასაც უამრავი საფრთხე ახლავს თან. წადი, სახალხო ღღესასწაულებზე გაიარე, აქ უნდა ხდებოდეს სწორედ უმეტეს წილად საეკლესიო პირების არჩევა და ნახავ, რომ მღვდლის ყველა ხელქვეითი მისავე გმობაშია. არჩევის უფლების მქონენი ჯგუფებად იყოფიან, თანხმობა არც ერთმანეთში აქვთ ხუცესთ და არც ეპისკოპოსთან. ყველა თავისთვისაა, ერთი ერთს ირჩევს, მეორე — მეორეს.

ამის მიზეზი კი ის არის, რომ მთავარს, სულიერ სათნოებას, არავინ ითვალისწინებს. პატივის მიგება სულ სხვა რამის მიხედვით ხდება. მაგალითად, იტყვიან, ის იმიტომ უნდა

ავირჩიოთ, რომ ცნობილი გვარის შვილიაო, სხვაზე ამბობენ, მდიდარია, და ეკლესიის შემოსავლიდან აღარ ისარგებლებსო, მესამეზე იტყვიან, თავისი კეთილი ნებით მოვიდა მოწინააღმდეგე ბანაკიდან და უნდა ავირჩიოთო; ზოგი თავისი ნაცნობის წამოწევას ცდილობს, ზოგი — ნათესავისას, ზოგს მლიქვნელობის გამოც კი ეწევა ასეთი ბედი. მაგრამ საქმისათვის გამოსადეგარ კაცსა და სულიერ სათნოებათა მეტ-ნაკლებ რიგიანობას არავინ დაეძებს. მე ძალიან შორს დავიჭერდი თავს და მღვდლის დადგინებისათვის აქ ჩამოთვლილ თვისებებს არ ვიკმარებდი. ის კი არა, ყველაზე ღვთის მოშიშსაც კი, მიუხედავად იმისა, რომ ეს თვისება ამ საქმეში სიკეთის მომტანია და აუცილებელიც, ვერ გადავუწყვეტდი მღვდლობის პატივის მიგებას, თუკი მას ღვთისმსახურებასთან ერთად კეთილგონიერებასაც არ დავატყობდი. ბევრი ვიცი, მარტოდმყოფელი და დაყუდებულ ცხოვრებას მიდევნებულის, საკუთარი ცხოვრების მარხვით დამაჰკნობელი. ეს ხალხი, განმარტოებით როცა იყო, კიდევ ზრუნავდა საკუთარ სულზე და სათნონი გაუხდნენ უფალს. დღითი დღე მატულობდა მათი სიბრძნისმოყვარება. მაგრამ როცა მათ ხალხის უმეცრების გამოსწორება დაევალოთ, ზოგმა თავშივე ვერ ივარგა, ნაწილმა იძულებით გააგრძელა მსახურება, მოწყდა საკუთარ ცხოვრებას, სხვებს ვერაფერი არგო, საკუთარ სულს კი დიდი ზიანი მიაყენა. ვინმეს რომ მსახურების დაბალ საფეხურზე ეწიოს ღრმა სიბერე, სწორედ რომ ვერ მივაგებდი, მხოლოდ ასაკის გამო, ასეთ პატივს. ამ ასაკშიც რომ ვერ ივარგოს მერე? ამ სიტყვებს ჭალარის დამცილების აზრით როდღი ვამბობ, და არც იმის დაწესებას მოვიტხოვ, რომ მონაზონთა დასიდან არავის მიაგონ ეს პატივი, ხშირად სწორედ ამ დასიდან გამოსულთ გაურთმევიათ ამ საქმისათვის თავი სანაქებოდ. უბრალოდ, ერთის დასაბუთებას ვცდილობ, რომ თუკი ასაკი და ღვთისმსახურება არაა საკმარისი ხუცობისათვის, მით უმეტეს, მხოლოდ ზემოთ ჩამოთვლილი თვისებების გამო არ უნდა ხდებოდეს ამ პატივის მიგება. მავანნი სხვა უგნური მიზეზებითაც ცდილობენ ზოგიერთების წარდგინებას. ნაწილს იმიტომ ირჩევენ სამღვდელო დასში, რომ მოწინააღმდეგეთა ბანაკში არ გადავიდნენო, ზოგის არჩევის მიზეზი კი მისივე უკეთურება ხდება, აქაოდა, არჩევის მე-

რე დაოკდება და აღარ ჩაიდენსო სიბოროტეს. კაცს, სრულიად ურგებსა და ვნებებით სავსეს, რომელსაც ეკლესიაში შესვლის უფლებაც კი არ უნდა ჰქონდეს და თუ რამეს იმსახურებს, მხოლოდ სასჯელს, სწორედ მას მიეგება პატივი ხუცობისა. განა იქნება ამაზე მეტი უღმრთობა? მითხარი, კიდევ საძიებელი გვაქვს ღვთის რისხვის მიზეზი, თუკი წმინდა და საშინელი საქმე უწმინდურთათვის გვაქვს მინდობილი დასალუპად?

1 როცა საქმეების მართვას მათ მიანდობენ, ვისაც სრულიად არ შესწევს ამის უნარი, მაშინ ეკლესია ოდნავადაც აღარ განსხვავდება ევრიპისაგან<sup>1</sup>. უწინ ერში მყოფ ხელისუფლებზე მეცინებოდა, პატივის მიგებას სულიერი სათნოების გათვალისწინების გარეშე ახერხებენ, მხოლოდ სიმდიდრეს, ასაკსა და ძლიერთა მფარველობას ითვალისწინებენ-მეტეი. ახლა, რომ ვხედავ, იგივე უგნურება ჩვენთანაც შემოიჭრა, იმათი რა გამიკვირდეს? და რა გასაკვირია ერისკაცების, კაცმოთნეობისა და ფულის ძიებას აყოლილი ხალხის შეცოდება, თუკი ხალხი, თითქო ამ სოფელს გაცლილი და მხოლოდ ზეციურის მაძიებელი, ისე ურიგებს უღირსებს ამ პატივს, თითქოს მიწის მეათედი ჰქონდეთო მათთვის აღთქმული. არა და მათ ეძლევათ საქმე, რომლისთვისაც მხოლოდშობილმა ღვთის ძემ დაიმდაბლა თავი თავისი, შეისხა ხორცი და „შთაიციუა ხატი მონებისა“ და დაითმინა „ყურამალსა ცემა და ნერწყვამ“ და მოკვდა ხორციელი, საძრახი სიკვდილით (ფილ. 2, 7. მათე 26, 67).

მერე ამასაც არ სჯერდებიან და ამ საქმეს სხვა, უფრო დიდ უაზრობას მოაყოლებენ ხოლმე: უღირსების დადგენას არ კმარობენ და გამოსადეგარ ხალხს უარყოფენ. თითქოს აუცილებელი იყოს ეკლესიის ორმაგად დაცემა, თითქოს ღვთის რისხვის მოწვევის პირველი მიზეზი არა კმაროდეს, და მეორე დანაშაულსაც ამატებენ. ჩემი აზრით, ორივე დანაშაული, უვაგისი ხალხის მიღებაცა და ვარგისიანთა უარყოფაც იმიტომ ხდება, რომ ქრისტიანულმა სამწყსომ ვერსად ჰპოვოს ნუგეში და სიხარული. და განა მათ უფრო არ ემუქრებათ ცეცხლოვა-

---

<sup>1</sup> ევრიპი ვიწრო სრუტეა ევბერსს, ზიოატიკისა და ატიკის კუნძულებს შორის საბერძნეთში. ბერძნები ამბობენ, აქ წყალი დინების მიმართულებას იცვლისო.



ნი გეჰენია, ვიდრე ჩვენ (ხალხს, რომელიც ერიდება ასეთ კადნიერებას)? თუმცა, უფალი ითმენს ამ ბოროტ საქმეებს, ამბობს: „არა მნებავს სიკუდილი უთნოისაჲ, ვითარ მოქცევად გზისგან მისისა და ცხოვნებაჲ მისი“ (ეზეკ. 33, 11). ვის არ გააკვირვებს მისი კაცთმოყვარება? ვის არ შეაძრწუნებს მისი წყალობა? ქრისტეანები ხომ მტრებსა და მოწინააღმდეგეებზე მეტად ვნებენ ქრისტესავე კუთვნილებას. ის კი სათნოა, გულმოწყალე, და ყველას სინანულისაკენ მოუწოდებს. დიდება შენდა, უფალო, დიდება შენდა! რა ღრმაა უფსკრული შენი კაცმოყვარებისა, რა მდიდარია შენი სულგრძელება! მღაბიო და უბირი ხალხი, უფლის სახელით რომ მოიპოვეს დიდება, სწორედ მათსავე პატივისმომგებელის წინააღმდეგ ამხედრდნენ, შეუვალს კადნიერებით შეხედეს, სიწმინდე შეურაცხვევს, კეთილს ზურგი აქციეს, მოიცილეს, რათა უკიდურესად დაკნინდეს ყოველივე და მათ, ბიწიერთა, თავისუფლად, სურვილისამებრ შეძლონ აოხრება ყველაფრისა. თუკი ამ ავბედობის მიზეზის ძიებას მოჰყვები, იპოვი და მიხვდები, რომ ძირი ერთია, ისინი, ასე ვთქვათ, ერთი დედის შვილები არიან, შურია მშობელი მათი. მაგრამ ეს შურიც მრავალგვარია. ამბობენ: ეს იმიტომ უნდა განვაყენოთ, რომ ახალგაზრდააო, სხვა იმიტომ, რომ პირფერობა არ შეუძლიაო. მესამე — წაეკიდაო ვიღაცას. მეოთხეს იმიტომ არ აირჩევენ, რომ სხვას არ დაწყუდეს გული, რადგან მისი წარდგენილი უარყვესო. მეხუთეს, კეთილი და თავმდაბალიაო, და, ამიტომ დაიწუნებენ; მოკლედ, მიზეზის მოძებნა არ გაუჭირდებათ, საკმარისად იპოვნიან. სხვა თუ ვერაფერი უშარეს, სიმდიდრეს მოიმიზეზებენ ან იტყვიან, პატივი უცებ კი არა, ნელ-ნელა უნდა მიენიჭოსო და ასე, მიზეზს რა დაუღვეთ? ჰოდა, გეკითხები, რა ქნას ეპისკოპოსმა ასეთ ქარაშოტებთან ბრძოლისას? როგორ აღუდგეს ასეთ ტალღებს? როგორ აოტოს თავდამსხმელნი? თუ ჯანსაღი გონით იხელმძღვანელა, მაშინ მასაც და მის ამორჩეულსაც ყველა მტრად მოეკიდება, მათ საწინააღმდეგოდ ამოქმედდებიან, სულ ჩხუბის ატეხვის ცდაში იქნებიან, ამორჩეულთ დაცინვით აიკლებენ, მანამ არ მოეშვებიან, სანამ არ გადააყენებენ და თავის შევრდომილთ არ წამოწევენ ამ ადგილზე. ეს ყველაფერი იმ ამბავს ჰგავს, გემში მგზავრებად მეკობრეები რომ ჰყავდეს მე-

საქეს, რომელნიც მასაც და მის მენიჩბეებსაც ყოველ წამს ათასნაირი მზაკვრობით იკლებენ. ეპისკოპოსი რომ ამ ხალხს შეუშინდეს და მათ უღები კაცის არჩევაში დაყაბულდეს, ღმერთს განარისხებს, მტრად ექცევა. რა უნდა იყოს ამაზე საშინელი? არადა, განაწყენებული მოწინააღმდეგეები ერთმანეთს მხარს მისცემენ და უფრო დამძიმდება მათი ურთიერთობა. წყნარ ზღვაზე სხვადასხვა მხრიდან წამოსული ქარები თუ ერთმანეთს შეეჯახა, წამოიშლებიან ტალღები, ყალყზე შედგებიან, გაშმაგდება ზღვა, არ დაინდობს მოცურავეთ. როცა უღებ კაცს დაუყენებენ ხოლმე თავში ეკლესიას, კარგავს ეკლესია თავის ჩვეულ სიმშვიდეს, შფოთვა ეუფლება მას და ემსგავსება იგი გემს, ზღვაში დანთქმულს.

16. წარმოიდგინე, როგორი უნდა იყოს კაცი, რომელმაც ყველას საკეთილდღეოდ ამდენ ქარიშხლებსა და წინააღმდეგობებს უნდა გაუძლოს?

ჩინებული კაცი უნდა იყოს და არა ამაყი, მკაცრიც და მოწყალეც, განმგებელიცა და ადამიანებთან ურთიერთობის მოყვარულიც, პირუთენელიცა და მაამებელიც, მკაცრიცა და მშვიდიც, რომ შეძლოს წინააღმდეგობათა გამკლავება. მას სრული უფლება აქვს ღირსეული კაცის მიღებისა, ასევე უფლება აქვს უარყოს კაცი უვარგისი და ამ დროს მხედველობაში უნდა იქონიოს მხოლოდ ეკლესიის კეთილდღეობა და არავითარ შემთხვევაში ვისიმე გულის მოგება. ახლა ხომ ცხადია შენთვის, რატომ ვთქვი ამ საქმეზე უარი. თუმცა, სათქმელი ჯერაც არ დამისრულებია. მინდა, კიდევ რაღაც გითხრა და თუ არ შეწყუბდები, მოუსმინე შენს გულწრფელ მეგობარს, რომელსაც სურს თავი იმართლოს შენგანვე წამოსული ბრალდებების გამო. ამ სიტყვების მერე შენ უკეთ გეცოდინება, რა პასუხი გაცე ჩემს აუგისმთქმელთ, გარდა ამისა, თავად შენც, როგორც ამ საქმის მტვირთველს, ვფიქრობ, გარგებს ეს საუბარი.

ვინაც ამ საქმის ტვირთვას ეპირება, მან ყოველ მიზეზგარეშე, ყველა წვრილმანი უნდა გამოიძიოს ამ საქმისა და მხოლოდ ამის შემდეგ შეუდგეს მას. რატომ? თუნდაც იმიტომ, რომ როცა ყველაფერი წინასწარვე კარგად ეცოდინება და გაცოცხებასა და შფოთვას მაინც აცდება. რადგან აღარაფერი იქნება ახალი და მოულოდნელი. როგორ ისურვებ, საიდან დავი-

წყო საუბარი, ქვრივების შეწევნიდან, ქალწულებზე ზრუნვიდან თუ სასამართლო საქმეების სირთულეებიდან მოვეყვებოთ თითოეული მათგანი სხვადასხვაგვარ ზრუნვასთანაა დაკავშირებული და გარდა ამისა, ეს საქმე მეტად საფრთხილოა და საშიში.

პირველად ქვრივების შეწევნიდან დავიწყოთ, სხვებთან შედარებით ის თითქოს უფრო ადვილი ჩანს. ერთი შეხედვით, ამ საქმეზე მზრუნველთ თითქოს მხოლოდ ფულთან აქვთო საქმე (1 ტ. 5, 16), მაგრამ ეს ასე არაა: საჭიროა საქმის გულმოდგინე გამოძიება, მაშინაც კი, როცა მათ სიაში შეტანას ვეპირებით. სხვაგვარად ბევრი უსიამოვნებაა მოსალოდნელი. ზოგიერთი მათგანი ოჯახს ურევს, ქორწინებას არღვევს, ქურდობას, სიმთვრალესა და მსგავს საქციელებსაც არ ერიდება. ასეთი ხალხის ეკლესიის ხარჯზე შენახვისათვის ღმერთიც დაგსჯის და ხალხის განკითხვასაც ვერ აცდები. ის კი არა, ნაყოფის შემომწირველებმა შეიძლება სულაც აიღონ ხელი ამ საქმეზე. როგორ უნდა მისცე თავს უფლება, რომ განძი, რომელიც ქრისტეს სახელზეა შემოწირული, ქრისტეს მგმობელი მოახმარო? ამიტომ საჭიროა გულმოდგინე გამოძიება, რომ ამ სიაში მარტო ასეთი ქვრივები კი არა, არამედ ისინიც არ მოხვდნენ, რომელთაც შეუძლიათ თავის რჩენა, რათა არ დაცარიელდეს ტაბლა გლახაკთა. გარდა ამისა, საარსებო მარაგის წყარო უხვი და მოუკლებელი უნდა იყოს. ასე რომ, აქაც დიდი ზრუნვაა საჭირო. თავისთავად სილატაკე იმითაა ცუდი, რომ დაუნაყრებელი, უმადური და მომთხოვნია. დიდი კეთილგონიერება მართებს კაცს, რომ განკითხვის საბაბის მეძიებელთ ალაპარაკების საშუალება მოუხსოს. ხალხმა თუ ფულის მიმართ გულგრილი კაცი ნახა, ხომ იმ წუთს გადაუწყვეტენ ამ საქმის მიბარებას. მე კი მგონია, რომ მარტო ეს სულგრძელება არა კმარა ამ საქმისათვის, თუმცა იგი აუცილებელია, რადგან თუ კაცს ეს თვისება არ ექნა, იგი დაღუპავს ამ საქმეს, ვერაფერს არგებს მას და მწყემსს კი არა, მგელს დაემსგავსება. მაგრამ, ამ თვისების გარდა, ასევე აუცილებელია სხვაც — მოთმინებაც, მიზეზი ყოველივე კეთილისა. სიმშვიდე კაცის სულს წყნარ, სიხარულიან სამყოფელად აქცევს. ქვრივებს, თავისი ასაკისა და გაჭირვების გამო, და თავისი სქესის გამოც,

ერთგვარი, ზომას გადასული კადნიერებაც კი ახასიათებთ. ან ყვირიან უზომოდ ან ვილაცას ტყუილუბრალოდ ადანაშაულებენ, იმას უჩივიან, ვისაც უნდა მადლობდნენ, ქებას რომ იმსახურებს, ისეთს კიცხავენ, ყველაფერ ამას უდრტვინველი ატანა სჭირდება; არ უნდა გაღიზიანდე განუსჯელ მოთხოვნებსა და უადგილო შენიშვნებზე. ეს ხალხი კი არ უნდა შეურაცხვეოთ, არამედ უნდა დავინდოთ მათი მდგომარეობის გამო. გაუბედურებულს თუ უმოწყალოდ მოექცეო, მის ჰირს წყენაც დაემატება და გაუძლიერდება წუხილიც საცოდავს.

ანგარებიანი და მხევაობარია კაცის ბუნება. სიღარიბეს კი კეთილშობილი სულის დამცრობაც ძალუძს, მასაც კი აკადრებინებს ერთიდაიგივე თხოვნის გამეორებას. ეს ყველაფერი კარგად იცოდა ერთმა ბრძენმა კაცმა და ამიტომაც არიგებდა ყველას, ნუ განრისხდებით გაჭირვებულთა გამუდმებული თხოვნების გამო, ნურც მათი განუწყვეტელი ჟინიანობა გაგაღიზიანებთ, თორემ შემწედ კი არა, მდევნელად ექცევითო მათ. გვასწავლიდა, იყავითო ლმობიერნი, რათა გაჭირვებულს მოესვლებოდესო თქვენთან. (შდ. ზირ. 4, 8). გაღიზიანებული კაცი თუ მიაგდე (ან რა გინდა უთხრა ავადმყოფს), იგი სხვასთან, ისეთთან წავა, რომელიც აიტანს ამ საცოდავის სისუსტეს და სანამ რამეს უწყალობებდეს, გაამხნევებს, წყნარი, ალერსიანი სიტყვით დამოძღვრის. თუ კაცი ღიზიანდება ქვრივებზე, შეურაცხყოფითა და შენიშვნებით ავსებს, კიდევ რომ განიკითხოს ისინი და მათ წილსაც გროში რომ არ მოაკლოს სათავისოდ, გაჭირვებულთ ამით ურვას ვერ შეუმსუბუქებს, პირიქით, ასეთი კიცხვა უფრო დაამძიმებს მათ. ქვრივნი, ხორციელი მოთხოვნილებების გამო, ხშირად სირცხვილსაც ივიწყებენ, თუმცა მერე ამას განიცდიან კიდევ ძალიან. ასეა, შიმშილით აღძრული გაჭირვება მათ სირცხვილს ავიწყებს, იგივე უკრძალველობა მერე წუხილის მიზეზად უხდებათ და მათ სულს სხვადასხვა ძალით მოიცავს ხოლმე წყევლიადი სასოწარკვეთისა. მათზე მზრუნველმა იმხელა სულგრძელობა უნდა გამოიჩინოს, რომ როგორმე არ დაამძიმოს შენიშვნებით მათი ურვა, პირიქით, შეძლებისამებრ, მის შემსუბუქებას უნდა ცდილობდეს. გულგასენილ კაცს, ბევრიც რომ ჰქონდეს, არ ახარებს სიმდიდრე, წუხს და იმიტომ. ასევე, თუკი მავანს წყალობასთან ერთად

ალერსიან ან მანუგეშებელ სიტყვასაც ეტყვიან, იგი უფრო გახარებულია და ამგვარი წყალობაც ორმაგად ფასობს.

ეს ჩემი სიტყვები როდია: „შვილო ჩემო! შემწეობას ნუ აყვედრი კაცს, ქველმოქმედებისას ნუ იკადრებ სიტყვას კადნიერს. განა ნამი არ აგრილებს მხურვალეებას დღისას? ასევე კეთილი სიტყვა — მეტია ქველ საქმეზე... ...კეთილ კაცს კი ერთი უნდა შეეძლოს და მეორეც“... (ზირ. 15, 17-18).

ასე რომ, მზრუნველი მშვიდი უნდა იყოს და წყნარი, გაფრთხილება უნდა შეიძლოს მათი. სხვანაირად ლატაკთა ქონებას დიდი ზარალი მიადგება. ეს საქმე ერთ კაცს ჰქონდა მინდობილი. მას ბევრი ფული შეუგროვებია, მართალია გროში არ მიუსაკუთრებია, მაგრამ გაჭირვებულთათვის ცოტას იმეტებდა და დანარჩენს მიწაში მალავდა თურმე. ინახა ერთ ხანს ასე, სანამ მტერს არ ჩაუვარდა მიწაში ჩაფლული ქონება. ასე რომ, დიდი წინდახედულობაა საჭირო, რომ ეკლესიის შემოსავალი ან ზედმეტად არ დაგროვდეს ან არ განიავდეს. ეკლესიაში შემოსული თანხა უმალ უნდა დაურიგდეს გაჭირვებულთ, კეთილი ნებით შემოწირული ეკლესიის განძს მიემატება. როგორ გგონია, ცოტა ფულია საჭირო ყარბების მიღება-გასტუმრებისა და ავადმყოფების მოვლისათვის? ეს ყველაფერი დიდ ხარჯებთანაა დაკავშირებული. ამიტომ, როცა ხუცესი ფულის შეგროვებას შეუდგება, მშვიდად და გონიერად უნდა წარმართოს ეს საქმე. არ უნდა გააბეზროს ნაყოფის შემომწირველნი, ისინი დაუნანებლად, ხალისით უნდა აკეთებდნენ ამ საქმეს.

აქაც ბევრი გულმოდგინება და თავდადებაა საჭირო, რადგან ავადმყოფები თავდაუცველნი არიან, ამდენად უფრო გაღიზიანებულებიც. ყველაფერი დიდი სიფრთხილითა და ზრუნვით უნდა კეთდებოდეს მათთვის, რადგან ავადმყოფს პატარა რამეც დიდად ავნებს.

17. ქალწულები საუნჯეა ძვირფასი, იგი ყველაზე მაღალი დასია, მათზე ზრუნვისას მეტი სიფრთხილეა საჭირო. რადგან ბევრმა უკეთურმა აქაც მოახერხა თავის შერგვა და სიმწარის მეტი არაფერი მოუტანა ამ დასს. ქვრივი ბევრს ილაპარაკებს, იჩხუბებს ვინმესთან, უსირცხვილობასა და ფარისევლობას

იკადრებს, თუ თავის სურვილისამებრ ივლის ყველგან, ამისთვის მას პასუხს ვერავენ მოსთხოვს.

ქალწული კი დიდი ღვაწლით იმოსება, სიბრძნისმოყვარებას ეწირება, მიწაზე ანგელოზებრივი ცხოვრების აღთქმას დებს და სხეულში მყოფი უსხეულო ძალთა მსგავსებას ესწრაფვის. მას არ შეეფერება სახლიდან ზედმეტად გამოსვლა, უჭერო და ამოო საუბრების აყოლა, მაცთურობასა და ძვირისმეტყველებაზე წარმოდგენაც არ უნდა ჰქონდეს. ასე რომ, დიდი მოფრთხილება და დახმარება სჭირდება. სიწმინდის მტერი ყველაზე მეტი გააფრთხილებით სწორედ ქალწულებს მიუხდება და ათასგვარი მზაკვრობით იკლებს მათ, მზადაა გადაყლაპოს დასუსტებული და დაცემული. ქალწულებს ემტერება ავი ხალხი, და ყველაფერთან ერთად, ადამიანური ბუნებისათვის დამახასიათებელი ყველანაირი სიცოფე.

საერთოდ, მათ ორმაგი ბრძოლის ატანა უწევთ: უცხოებთან, გარედან რომ ესხმიან თავს და საკუთარსავე სულში ჩასახლებულ მტრებთან. დიდი შიშის ქვეშაა მათი მზრუნველი, ესაა შიში მოსალოდნელი ჰიროსა და საფრთხისა, ღმერთმა არ ქნას და თუ მოხდა რაიმე, არსაქნელი (ზირ. 42, 4). თუკი ქალიშვილის უნაყოფობას, გაუთხოვრობასა და ქმართან დაცილებას მამა ასე განიცდის, მაშინ იმან, ვისაც გაცილებით მნიშვნელოვანის ზრუნვა აქვს მინდობილი, რაღა თქვას? ამ დროს ადამის ძე კი არა, თავად მაცხოვარი განეშორება ქალწულს. და ეს უნაყოფობა უბრალო ბერწობას კი არა, სამუდამო დაღუპვას მოასწავებს... „ყოველმან ხემან რომელმან არა გამოიღოს ნაყოფი კეთილი, მოეკუეთოს და ცეცხლსა დაედოს“ (ლ. 3, 9). სიძისაგან მოძულეებულს განქორწინების ქალაღდს როდი აკმარებენ, მისი განრისხებისათვის იგი საუკუნო ტანჯვას მიეცემა. ხორციელ მამას ქალიშვილის გასაფრთხილებლად ბევრი პირობა აქვს შექმნილი: დედა, აღმზრდელი, მსახურთა სიმრავლე, საიმედო სახლი, ეს ყველაფერი ამ საქმეს ემსახურება. იგი ქალიშვილს უკრძალავს ქალაქის მოედანზე გასვლას, თუ გამოვა, საღამოს ბინდი კედელზე ნაკლებად როდი დაიცავს უცხო თვალისაგან. ესეც არ იყოს, მას არ ჰჭირდება. სახლიდან გამოსვლა და ამდენად, მამაკაცის თვალსაც არიდებულისა. არც სახლის საზრუნავისა და არც სხვა რაიმეს გამო მას.

არ უწევს ასეთი შეხვედრები, რადგან ყველაფერზე მამა ზრუნავს. მას ერთი რამ ევალება მხოლოდ: ან არ მოიმოქმედოს, ან არ თქვას რაიმე, მისი კდემამოსილებისათვის შეუფერებელი.

მამასავით მზრუნველ ეპისკოპოსს კი არა აქვს ქალწულზე ამდენი თვალისდევნების საშუალება, ამიტომ უფრო უქირს. საკუთარ სახლში ქალწულს ვერ მოიყვანს, რადგან მათი ერთ სახლში ცხოვრება უჯეროცაა და საშიშიც. თუნდაც არაფერს ვნებდნენ ისინი ამ ცხოვრებით ერთმანეთს, თუნდაც გამუდმებულად იცავდნენ შეუხებლობის სიწმინდეს, მრავალთა ცთუნებისათვის მათ მაინც მოუწევთ პასუხის გება, და ისინი დაისჯებიან, როგორც ამ ცოდვის მყოფენი. ასე რომ, რაკი ერთად ცხოვრება შეუძლებელია, ნაკლები საშუალება ეძლევათ ქალწულთა მეთვალყურეობისა: ვერც სწორ საქციელს მოუწონებენ მათ და მცდარსაც ვერ შეუსწორებენ. ქალწულის სახლიდან გასვლასაც ვერ მიადევნებენ თვალს. იძულებითი ხელმომპირნეობისა და გაქირვების გამო მან თვითონ უნდა იზრუნოს თავის თავზე. თავის ნებაზე ცხოვრებისთვის, თუ მოისურვებს, უამრავ მიზეზს გამოძებნის და სახლიდან გასვლას ვერავინ დაუშლის. ვინაც სახლში ყოფნას მოსთხოვს, კიდევაც უნდა უზრუნველყოს და მოუსპოს სახლიდან გასვლის ყველა მიზეზი: ყველაფერი უნდა მიუტანოს საქირებისამებრ და მოსამსახურე ქალიც უნდა მიუჩინოს. პანაშვიდებსა და დაკრძალვებზე არ უნდა უშვებდნენ. ძალუძს, ნამდვილად ძალუძს იმ ეშმაკ გველს, თვით კეთილშიაც კი, ჩანთხევა ბოროტი შხამისა!

ქალწული ყოველ მხრივ დაცული უნდა იყოს და სახლიდანაც წელიწადში რამოდენიმეჯერ, მხოლოდ გადაუდებელი და აუცილებელი საქმეების გამო უნდა გამოვიდეს. თუ ვინმე იტყვის, ეს საქმე ეპისკოპოსს არ ეხებაო, დაე, იმანაც გაიგოს, რომ თუ მოხდა რაიმე, პასუხი უშუალოდ ეპისკოპოსს მოეკითხება, რადგან ევალება თითოეულ ქალწულზე ზრუნვა. ამიტომ მას უნდა ერჩიოს, რომ თავად განაგოს ეს საქმეები და აიცილოს ბრალდება, რომელიც აუცილებლად დაედება სხვათა შეცოდებისათვის, ვიდრე უარი თქვას ამ მსახურებაზე და სხვების გამო პასუხისმგებლობის შიში ჰქონდეს. ეგეც არ

იყოს, როცა ამ საქმეს მარტო თვითონ აკეთებს, ეს ბევრად უკეთესია, მაგრამ როცა იძულებულია სხვებს დაავალოს, ამ საქმისაგან განთავისუფლების, დასვენების მაგიერ უამრავი უსიამოვნება მოსდის სწორედ იმ ხალხთან, რომელთაც შეიძლება არ გაიზიარონ მისი შეხედულებები და შეეწინააღმდეგონ კიდევ. მოკლედ ყველაფრის თქმა, რაც ქალწულების მოვლასთანაა დაკავშირებული, არც ძალმიძს. ის კი არა, მათი სიამში შეტანაც კი მეტად საფრთხილო საქმეა. სამსჯავრო საქმეები კი (ესეც ეპისკოპოსის მსახურებაში შედის), ისეთ დიდ უსიამოვნებასა, ზრუნვასა და სირთულესთანაა დაკავშირებული, რომ საერო სასამართლო მონაგონია. ადვილი არაა სიმართლის პოვნა. ჭირს ნაპოვნი სიმართლის გაფრთხილება. ამ დროს ბევრი ფუსფუსისა და ზრუნვის გარდა, საფრთხეც დიდია. ნაწილი სუსტი ხალხისა სამსჯავროში ვერ პოულობს თავის სიმართლეს და სულაც კარგავს ყველანაირ რწმენას. ბევრს, გულნატკენს, ვერ აუტანია შემაწუხებელი მისი და ვერც ის, ვინაც დახმარება არ აღმოუჩინა. ისინი არ ითვალისწინებენ არც საქმის, არც ვითარების სირთულეს, არც სამღვდელთა ხელისუფლების განსაზღვრულობას, არაფერს ამის მსგავსს. თუ არ გამოიყვანე ამ მდგომარეობიდან, პირდაპირ შეუწყნარებელ მსაჯულებს ემგვანებიან და აღარაფერი გამართლებს მათ თვალში. ვინაც ამას ვერ მოახერხებს, ათასი რამითაც რომ იმართლოს თავი, განკითხვას ვერ აცდება. რახან სიტყვა დაცვაზე ჩამოვარდა, საყვედურების ერთ მიზეზსაც გეტყვი. ეპისკოპოსმა თუ ყოველდღე არ მოინახულა ქალაქის თავკაცობა, საშინელი უკმაყოფილება ჩამოვარდება. იტყვიან: ნახვა მარტო ავადმყოფს კი არა, ჯანმრთელებსაც სჭირდებათო. ამას ყოველთვის კეთილი მოსაზრებებით როდი ამბობენ, უმრავლესობა საკუთარი წარმოჩენისა და პატივის აღზევების გამო აკეთებს ამას. თუ საჭიროებამ მოითხოვა და მას, ეკლესიის კეთილდღეობის გამო, შეძლებულ და ამა სოფლის ძლიერ ხალხთან ხშირმა სიარულმა მოუწია, იმ წამსვე მითქმა-მოთქმა ატყდება, კაცთმოთნეობასა და ფარისევლობას დასწამებენ. მაგრამ დაცვასა და მისვლა-მოსვლაზე რა სათქმელია? ეგ კი არა, ერთი საუბარიც კი საკმარისია უამრავი საყვედურის გასაჩენად. მათმა სიმრავლე-სიმძიმემ კაცი შეიძლება სასოწარ-



კვეთამდე მიიყვანოს. სალაპარაკო ხდება მისი მზერა, მისი ეკლაზე უბრალო საქციელიც კი შეიძლება მკაცრი მსჯელობის საგნად იქცეს. ყურადღება ექცევა ხმის ტონს, სახის გამომეტყველებას, სიცილის ზომას. იტყვიან, იმას ხმამაღლა ელაპარაკებოდა, იცინოდაო, მე კი ცოტას მესაუბრებოდა და თანაც უდიერადო. ხალხში ლაპარაკისას, თუკი ყველა არ მოაქცია მზერის არეში, თუ გამორჩა ვინმე, ესეც საწყენად დაურჩებათ. ვის ძალუძს, თუ არა საოცარი მხნეობის პატრონს, სრული აცილება ამ უამრავი საყვედურისა, ანდა მათი მოწვევისას — თავის დაღწევა და გამართლება? ან საერთოდ არ უნდა გყავდეს ბრალმდებელი, თუკი ეს შესაძლებელია, ან უნდა შეგეძლოს მათი გამკლავება. თუ ეს არ ხერხდება, მათი საყვედურებიც მხნედ უნდა აიტანო, ზოგიერთს ხომ არც სჭირდება მიზეზი, მათ სწორედ უბრალო ხალხის დადანაშაულება გვრით სიამოვნებას.

დამნაშავე ადვილად იტანს ბრალდებას, რადგანაც სინდისზე მკაცრი მსჯავრმდებელი არ არსებობს. თუკი კაცს წინასწარ აქვს მონელებული მკაცრი მსაჯულის საყვედური, სხვისი საყვედურების ატანა ოდნავადაც არ უჭირს. მაგრამ თუკი ადანაშაულებენ უბრალო კაცს, მას ადვილად მოეკიდება მრისხანება და სასოწარკვეთამდეც კი მივა, ხალხის უმეცრებას თუ არ იქნა წინასწარ შეგუებული.

არა, შეუძლებელია რომ არ აღშფოთდეს, არ შეწუხდეს კაცი, როცა მას არაფრის გამო, უდანაშაულოს, ცილს სწამებენ და განიკითხავენ. ახლა იმ წუხილს არ იკითხავ, როცა მოძღვარს მევანის ეკლესიიდან განკვეთა უხდება? ნეტა მაგჭირს წუხილის მეტი არაფერი მოჰქონდეს! ამ დროს დიდი უბედურებაა მოსალოდნელი. საშიშია, რომ ზომაზე მეტად დასჯილს, ნეტარი პავლეს სიტყვებით რომ ვთქვათ: „ნუ-უკუე უმეტესითა მათი მწუხარებითა დაინთქას ეგევითარი იგი“ (2 კორ. 2, 7). ასე რომ, აქ დიდი სიფრთხილეა საჭირო, თორემ შეიძლება, საკურნებლად მიცემულმა საშუალებამ კი არ არგოს კაცს, არამედ ძლიერად ავნოს კიდევ. ამასთან, ყოველი ცოდვის გამო, რომელსაც ავადმყოფი ამ მკურნალობის შედეგად ჩაიდენს, პასუხს ექიმიც აგებს, რომელმაც ვერ შეძლო სნეულის ჯეროვანი მკურნალობა.

როგორ გგონია, რა სასჯელი მოელის კაცს, რომელიც ღვთის წინაშე პასუხს აგებს არა მარტო საკუთარი ცოდვებისთვის, არამედ სხვათა ცოდვათა გამოც. თუკი ჩვენ საკუთარი ცოდვების გახსენებისას ვძრწით და აღარ გვრჩება იმედი მარადიული ცეცხლის აცილებისა, მაშინ უამრავი ხალხის ცოდვებზე პასუხისმგებელი როგორი ტანჯვის მოლოდინში უნდა იყოს? და ეს რომ მართლაც ასეა, ნეტარი პავლეს სიტყვებს, უფრო სწორედ, მასში ამეტყველებული მაცხოვრის სიტყვებს გახსენებ: „დაემორჩილენით წინამძღუართა თქუენტა და ერჩიით მათ, რამეთუ იგინი იღვიძებენ სულთა თქუენტათეს, ვითარცა იგი სიტყუაჲ მისცენ“ (ებრ. 13, 7). რაა ეს, თუ არა მუქარა შემადრწუნებელი? ამის უარყოფა როგორ იქნება?!

ისე კი, რაც ვთქვი, ვგონებ უკვე საკმარისია იმისათვის, რომ ყველაზე ურწმუნო და მკაცრმა ხალხმაც კი დამიჯეროს, რომ ამ საქმეს, (მოძღვრობას), სიამაყისა და ამაო დიდების მოყვარების გამო კი არა, ერთადერთის, მომავალი საქმის შიშით გავერიდე, ეს იყო ჩემი გაქცევის მიზეზი.

### სიტყვა მეოთხე

ბასილიმ მოუსმინა, მცირე ხანს შეყოვნდა და მერე თქვა: თავად რომ ცდილიყავ ამ ხელმწიფების მოპოვებას, მაშინ შენი შიში გამართლებული იქნებოდა. ვინც თვითონ ესწრაფვის მსახურების მიღებას, ამით საკუთარ თავს ამ საქმის შემძლედ აღიარებს და მერე ველარ იტყვის, ესა თუ ის შეცდომა გამოუცდელიობით მომივიდაო. ასეთი კაცი თავიდანვე ისპობს გამართლების საშუალებას იმით, რომ ესწრაფვოდა და მიიტაცა კიდევ ეს მსახურება, და რადგან საკუთარი ნებით შეუდგა მას, ველარ იტყვის, უნებლიეთ შეეცოდე ამა და ამ საქმეში, უნებლიეთ დავღუპე ესა და ეს კაციო. მისი მსჯავრმდებელი მიუგებს: „რატომღა ესწრაფვოდი და თავსიდე საქმე, რომელიც შენს ძალებს აღემატებოდა, თუკი გრძნობდი საკუთარ გამოუცდელიობას, თუ არც გონი გაგწვდებოდა ამ საქმეზე და არც საკმარისი ჰქუა გქონდა, ვინ გაიძულა? იქნებ გაურბოდი

და თავს არიდებდი ამ მსახურებას და ვილაცამ ძალა დაგატანა?“ მაგრამ შენ ამას ვერავინ გეტყვის, იგივეს ვერც საკუთარ თავს უსაყვედურებ, ყველამ იცის, რომ თავად არ ცდილობარ ამ პატივის მიღებას, ყველაფერი სხვებმა მოაწყვეს, და ის, რაც სხვებს ცოდვების მიტევებას უსპობს, შენ გამართლების მიზნად გექცევა.

ოქროპირი: ღიმილით გადავაქნიე თავი და ჩემი მეგობრის გულუბრყვილობით გაოცებულმა ვთქვი: თავადაც ვინატრებდი, ჩემო კეთილო, ისე იყოს საქმე, როგორც შენ ამბობ, თუმცა იმისთვის კი არა, რასაც გავექეცი, იმის მიღება მინდოდეს. არავითარი სასჯელიც რომ არ მელოდეს ქრისტეს სამწყსოზე ურგები და დაუღვეარი მზრუნველობისთვის, რაკი ასეთი დიდებული საქმეები დამაკისრეს, ჩემთვის ყველა სასჯელზე მძიმე მაინც ის იქნებოდა, რომ უღირსი გამოვდექი ღმერთის წინაშე, ვინც ეს საქმეები მომანდო. მაშ რატომღა ვინატრებდი, რომ ყველაფერი მართლა ისე იყოს, როგორც შენა თქვი? მხოლოდ იმისთვის, რომ ეს საბრალო და უბედური ადამიანები (ასე ვუწოდებ მათ, ვინც კარგად ვერ გაართვა თავი ამ საქმეს, შენ ათასჯერაც რომ თქვა, ძალით მიაღებინეს ეს პატივი და უმეცრებით სცოდესო) გაექცნენ უშრეტ ცეცხლს, მარადიულ მატლს, განკვეთას და ორგულთა თანა დაღუპვას. აბა რა გითხრა? ეგრე არ არის. და თუ გინდა, დაგარწმუნებ ჩემი სიტყვების სიმართლეში. დავიწყებ მეფობიდან, რომლის გამოც ისეთ პასუხს არ აგებს კაცი ღმერთის წინაშე. როგორსაც მღვდლობისთვის. საული, კისის ძე, საკუთარი მცდელობით როდი გახდა მეფე, თავისი ვირების საძებრად წამოვიდა და მათ შესახებ ეკითხებოდა წინასწარმეტყველს, იმან კი მეფობაზე ჩამოუგდო სიტყვა. მიუხედავად იმისა, რომ ამას წინასწარმეტყველი ეუბნებოდა, საული არ ესწრაფვოდა მეფობას, პირიქით, უარყოფდა და თავს არიდებდა: „ვინა ვარ მე, უფალო, და რაჲ არს სახლი მამისა ჩემისა?“ (1 მეფეთა, 9, 21) რა მერე? როცა ღვთივ ბოძებული პატივი ბოროტად გამოიყენა, განა ამ სიტყვებმა იხსნა იგი ღმერთის რისხვისაგან? არადა, იმასაც შეეძლო ეთქვა სამოელისთვის, რომელიც ბრალდებებს უყენებდა: „განა მე ვესწრაფვოდი მეფობას? განა ვეძიებდი ამ ხელმწიფებას? მსურდა უბრალო ხალხის ცხოვრებით მე-

ცხოვრა, მშვიდად და უშფოთველად, შენ კი ამ ღირსებისკენ მომიზიდე. შეურაცხ მდგომარეობაში რომ დავრჩენილიყავ, საცთურს ავერიდებოდი, უბრალო და მდაბიო კაცთა შორის მყოფს ამნაირ საქმეს არავინ დამაკისრებდა, ღმერთი არ მომანდობდა ამაღლეთა წინააღმდეგ ბრძოლას, ეს რომ არა, ასეთ ცოდვასაც არ ჩავიდენდი“. მაგრამ ეს ერთობ უმწეო თავის მართლება იქნება და არა მართო უმწეო, არამედ სახიფათოც, რადგან იგი კიდევ უფრო გააძლიერებს ღვთის რისხვას. ის, ვისაც თავის ღირსებაზე მეტი პატივი მიანიჭეს, საკუთარ შეცოდებათა გამართლებას ამ პატივის სიდიდით კი არ უნდა ცდილობდეს, არამედ პირიქით, ღმერთის დიდი მზრუნველობა სასიკეთოდ უნდა წარმართოს. და როცა კაცი იმით ცდილობს თავის მართლებას, რომ ღვთისგან დიდი პატივი მიენიჭა, ეს სხვა არაფერია, თუ არა ღვთის მოწყალების ცოდვათა მიზეზად წარმოდგენა. ეს უსჯულო კაცთა წესია, უზრუნველად რომ ატარებენ ცხოვრებას. ჩვენ კი ნუ ვიფიქრებთ ასე და ნუ გავიზიარებთ იგივე უგზურებას, ყველაფერი ჩვენი ძალებისამებრ უნდა შევასრულოთ, თანაც ენა და გონება კეთილკრძალულად დავიცვათ.

ელისაც (მეფობიდან გადავინაცვლოთ მღვდლობაზე, სიტყვა ხომ ამაზე ჩამოვაგდეთ) არ უცდია ამ ხელმწიფების მოხვეჭა, მაგრამ განა ამან შეამსუბუქა მისი ცოდვა? თუმცა რატომ ვამბობ, არ უცდია-მეთქი? რომც მოენდომებინა, მაინც ვერ გაექცეოდა მღვდლობას სჯულის მოთხოვნის გამო, რადგან ის ლევის ტომისაგანი იყო და უნდა მიეღო ეს მსახურება, რომელიც შთამომავლობით გადაეცემოდა. მაგრამ იმანაც დიდი სასჯელი დაითმინა თავის შვილთა თავნებობისთვის (1 მეფეთა, 4). იუდეველთა პირველმა მღვდელმაც, ვის შესახებაც ბევრი რამ უთხრა ღმერთმა მოსეს, აკი ვერ შეძლო უამრავი ხალხის უგზურების წინააღმდეგომა და დაღუპვის საფრთხის წინაშე იდგა, ძმის უშამდგომლობას რომ არ ეხსნა ღვთის რისხვისაგან (გამოს. 32). მოსე რაკი ვახსენე, ჩემი სიტყვების სიმართლეს იმითაც დავადასტურებ, რაც მას შეემთხვა. თვით ნეტარ მოსეს არც უფიქრია იუდეველთა ერისმთავრობის მოპოვება, როდესაც ეს შესთავაზეს, მაშინაც უარზე იდგა, არ დაჰყვა უფლის მოწოდებას და განარისხა მბრძანებელი (გამოსვ. 4, 13). და არა

მარტო მაშინ — ამ ხელმწიფების მიღების მერეც მისგან გათავისუფლებასა და სიკვდილს ნატრობდა: „უკუეთუ ესრეთ მიყოფ მე, მომკლა მე მოკლვით“ (რიცხვთა, 11, 15). რა მერე? წყლის გამოყვანისას რომ სცოდა (რიცხვთა, 20, 12), განა ამ უარებმა მოუტანეს მას ღვთისგან შენდობა? ანდა სხვა რისთვის დაკარგა აღთქმული მიწა? ყველამ კარგად ვიცით, რომ სწორედ ამის გამო ვერ მიაღწია ამ საოცარმა კაცმა იმას, რასაც მისი ხელმწიფების ქვეშ მყოფთ მიაღწიეს. მრავალი ღვაწლისა და მომქანცველი მსხემობის შემდეგ, ასეთი არაჩვეულებრივი მოგზაურობის შემდეგ მოკვდა იმ მიწის გარეთ, რომლისთვისაც ამდენი შრომა აღიღო, ზღვაოსნობის განსაცდელი დაითმინა და ნავსაყუდელის სიკეთით კი ვერ დატკბა. ხედავ, მხოლოდ მღვდლობის მიმტაცებლები კი არა, ისინიც, ვინც მას სხვების ძალდატანებით ღებულობენ, თავს ვერაფრით იმართლებენ საკუთარ შეცოდებათა გამო.

1 თუკი თვით ღმერთის რჩეულთაც, ვინც მრავალგზის უარს ამბობდა პატივის მიღებაზე, ასეთი სასჯელი დაიმსახურეს, თუ ვერაფერმა იხსნა ამ საფრთხისგან ვერც აარონი, ვერც ელი, და ვერც ის ნეტარი კაცი, წმინდანი, წინასწარმეტყველი, საოცარი, „მშვიდ ფრიად უფროს ყოველთა კაცთა, რომელნი არიან ქუეყანასა ზედა“ (რიცხვ. 12, 3), ვინც ღმერთს მეგობარით ესაუბრებოდა (გამოსლვ. 33, 11), მაშინ ჩვენ, ვინც ასე შორსა ვართ სრულქმნილებისგან, განა საკმაო გამართლება გვექნება იმის გამო, რომ სულაც არ ვეძიებდით ამ ხელმწიფებას, მით უმეტეს, ეს გამორჩევა ხშირად ღვთაებრივი მადლით კი არა, კაცთა მცდელობით ხდება. უფალმა გამოირჩია იუდა, იგი ქრისტეს მოწაფეთა წმიდა დასს შერთო და სხვებთან ერთად მიანიჭა მოციქულთა ღირსება. სხვებზე მეტიც კი მიიწოდო — ფულის გამგებლობა, რა მერე? როდესაც მან ბოროტად ისარგებლა ერთითაც და მეორითაც — იგი, ვის შესახებაც უნდა ექადაგა. გასცა, და ის, რაც სიკეთეში უნდა მოეხმარა, ბოროტად გამოიყენა, განა ამით გადაურჩა სასჯელს? პირიქით, ამით კიდევ უფრო გაზარდა თავისი სასჯელი, და ფრიად სამართლიანანდაც, რადგან ღვთისგან მონიჭებული უპირატესობა უფლის შეურაცხყოფისთვის კი არა, მის სათნოდ უნდა გამოვიყენოთ.

ვინც ფიქრობს, დამსახურებულ სასჯელს იმის წყალობით გაექცეს, რომ სხვებზე მეტი პატივი აქვს მინიჭებული, იმის საქციელი აი რას მაგონებს: წარმოიდგინეთ, ქრისტეს სიტყვების გაგონებაზე: „უკუეთუმცა არა მოვედ და ვეტყოდე მათ, ცოდვამცა არა აქუნდა;“ ასევე: „უკუეთუმცა არა ვქმენ საქმენი იგი მათ შორის, რომელნი სხვამან არავინ ქმნა, ცოდვამცა არა აქუნდა“ (იოანე, 15, 22—25), ურწმუნო იუდეველთაგან ვინმეს რომ ეთქვა: „რისთვის მოხვედი და იქადაგე? რისთვის ქმენ სასწაულები? ნუთუ იმისთვის, რომ უფრო მეტად დავსჯილიყავით?“ მაგრამ ეს ხომ სიმშაგისა და უკიდურესი უგნურების სიტყვებია. მკურნალი შენს განსარინებლად მოვიდა და არა დასასჯელად, მას შენი შეურაცხყოფა კი არა, სრული განთავისუფლება სურს საღმობისაგან, შენ კი შენი ნებით გაურბიხარ მას, ამიტომ იგემე უკაცრესი სასჯელი. მკურნალობა რომ მიგელო, ადრინდელი სნეულებისგან განიწმინდებოდი, რაკი ველარ განიწმინდები, დაისჯები შენს შეცოდებათა გამოც და იმისთვისაც, რომ ამაო ქმენ მისი მზრუნველობა შენდაში. ამიტომაც ღმერთი ერთნაირად კი არ დაგვსჯის პატივის მიღებამდე და მიღების შემდეგ, არამედ მეორე შემთხვევაში ბევრად უფრო მკაცრადაც. ის, ვისაც წყალობა არ გამოასწორებს, უფრო მეტი სასჯელის ღირსია. მაშასადამე, თუკი ასეთი თავის მართლება უძღურია, როგორც დავამტკიცეთ, და თუკი არ შველის მის მოიმედებს, არამედ უფრო დიდ საფრთხესაც უქადის, მაშ სხვა საშველი უნდა ვეძებოთ.

ბასილიმ თქვა: რა საშველი? ისეთი შიში და ძრწოლა მომგვარე მაგ სიტყვებით, თავგზა სულ ამებნა.

ოქროპირი: არა-მეთქი, ვუთხარი, გთხოვ და გევედრები, ნუ შეშინდები ასე ძლიერ, არის საშველი: ჩვენ, უძღურთ, არასოდეს არ უნდა ვიტვირთოთ ეს ხელმწიფება, თქვენ კი, ძლიერთ, ღვთის მადლის მიღების შემდეგ ხსნის იმედი ერთადერთ რამეზე უნდა დაამყაროთ: არაფერი ჩაიდინოთ უღირსი ამ მადლისა და მისი მომნიჭებელი ღვთისა. უდიდეს სასჯელს მიიღებენ ისინი, ვინც საკუთარი მცდელობით მოიპოვა ეს ხელმწიფება და ცუდად აღასრულა მსახურება ან დაუდევრობის, ან უსჯულოების, ან გამოუცდელობის გამო. მაგრამ იგივე არც იმათ მიეტევებათ, ვინც არ ეძიებდა ამ ხელმწიფე-

ბას, მათაც არანაირი გამართლება არა აქვთ. ჩემი აზრით, ათასი კაციც რომ მოგიწოდებდეს და გაიძულებდეს მსახურების შესრულებისკენ, მათ კი არ უნდა დაუჯერო, არამედ წინასწარ უნდა გამოსცადო საკუთარი სული და ყოველივე გულმოდგინედ გამოიკვლიო, და მხოლოდ ამის მერე დაემორჩილო მათ. არაეინ ითავებს სახლის აშენებას, სამშენებლო საქმე თუ არ იცის, და არც ავადმყოფის განკურნებას იტვირთავს კაცი, თუ ექიმობისა არაფერი გაეგება, და როგორც არ უნდა დაატანონ ძალა. ისინი უარს იტყვიან და არც შერცხვებთ თავიანთი უმეცრებისა. მაშ ნუთუ ის, ვისაც ამდენ სულზე მზრუნველობა უნდა მიენდოს, დროზე არ გამოსცდის თავის თავს და ყველაზე გამოუცდელიც რომ გამოდგეს, მაინც მიიღებს ამ მსახურებას მხოლოდ იმიტომ, რომ მავანი უბრძანებს, მავანი აიძულებს და მავანის განაწყენება არ სურს? განა ამით თავის თავსაც და მათაც აშკარა უბედურებას არ უმზადებს? არადა, მას შეეძლო ეხსნა საკუთარი თავი, ასე კი სხვებსაც ღუპავს. ვისგან უნდა მოველოდეთ შველას? ვინ მოგვიტყეებს? ვინ დაგვიცავს მომავალ სამსჯავროზე? იქნებ ისინი, დღეს რომ ძალას გვატანენ? მაგრამ თავად მათ ვილა იხსნის იმ დროს? მათ ხომ თვითონ დასჭირდებთ მშველელი, ჯოჯოხეთს რომ გადაუჩინენ. იმის დასტურად, რომ ამ სიტყვებს შენს დასაშინებლად კი არა, საქმის ნამდვილი ვითარების საჩვენებლად ვამბობ, ისმინე, რას ეუბნება ნეტარი პავლე თავის მოწაფეს, ტიმოთეს, ჭეშმარიტ და საყვარელ შვილს: „ხელთა ადრე-ადრე ნუვის დაასხამ, ნუცა ეზიარები სხვისა ცოდვათა“ (1 ტიმ. 5, 22). ხომ ხედავ, ჩემთვის ამ პატრივის მონიჭების მსურველნი არა მარტო გაკიცხვისაგან, არამედ დიდი სასჯელისგანაც რომ გადავარჩინე?

2. როგორც არჩეულნი ვერ იმართლებენ თავს ამ სიტყვებით: მე თვითონ არაფერი მომინდომებია, არ მეგონა, ასე თუ მოხდებოდა და იმიტომ არ ავირიდე მღვდლობაო, ისე ვერც მათ ამომჩრევლებს უშველის იმის მომიზნება, არჩეულს არ ვიცნობდითო. პირიქით, მათი დანაშაული მატულობს კიდევაც იმის გამო, რომ უცნობი კაცი მიიღეს, და ის, რითაც თავის მართლებას ცდილობდნენ, გაკიცხვის მიზეზად ექცევათ. კაცი მონის ყიდვას რომ აპირებს, ჯერ ექიმებს უჩვენებს, მერე თავ-

დებს თხოულობს, მეზობლებსაც გამოჰკითხავს მის ამბებს, და მაინც ვერ ბედავს ყიდვას — კიდევ დროს თხოულობს გამოსაცდელად. როცა კაცს ამ უზენაეს ხელისუფლებას დაუფიქრებლად, ყოველგვარი გამოცდის გარეშე მიანიჭებენ, ან იმიტომ რომ უბრალოდ თვალში მოსდით ეს კაცი, ან ვინმეს გულის მოგება სურთ, ან სულაც მავანის მტრობა უდევთ გულში, რაა ეს, თუ არა დიდი უგნურება? ვინ დაგვიცავს მაშინ, როცა იმათ, ვინც ვითომ ჩვენ უნდა დაგვიცვას, თვითონ დასჭირდებით დამცველები? ამგვარად, ამომრჩეველმაც დიდი გამოცდა უნდა მოაწყოს, მაგრამ კაცმა, რომელსაც ირჩევენ — გაცილებით მეტი. თუმცა კი ამომრჩეველები მასთან ერთად დაისჯებიან მის ცოდვათა გამო, მაგრამ არჩეული კი არ თავისუფლდება სასჯელისგან, არამედ უფრო დიდ სასჯელს ღებულობს, ეს მაშინ, თუ ამომრჩეველნი რაიმე ადამიანური მიზეზით სამართლიანობის საწინააღმდეგოდ არ მოიქცნენ. თუკი მათ ამხელენ იმაში, რომ რაიმე საბაბით მიიღეს აშკარად უღირსი, მაშინ არჩეულის თანაბარ სასჯელს მიიღებენ, ხოლო თუ ურგები აირჩიეს, ისინი შეიძლება მეტადაც კი დაისაჯონ.

ვინც ეკლესიისთვის მავნე კაცს მიანიჭებს ძალაუფლებას, ის პასუხს აგებს ამ კაცის კადნიერი საქციელისთვის. თუ ამაში უბრალოა და იტყვის, ხალხის აზრმა შემაცდინაო, მაინც არ დარჩება დაუსჯელი, თუმცა არჩეულზე ცოტა უფრო ნაკლები სასჯელი კი ელის. რატომ? იმიტომ, რომ ამომრჩეველს მართლა შეიძლება ასეთი რამ დაემართოს, შეიძლება მოტყუვდეს კიდევ, არჩეული კი ხომ ვერ იტყვის, ჩემი თავისა სხვებივით მეც არაფერი გამეგებოდაო. რაკი მას ამომრჩეველზე მეტი სასჯელი ელის, ამიტომ უფრო მეტადაც უნდა გამოსცადოს თავის თავი. და თუ ისინი თავიანთი უცოდინრობის გამო აიძულებენ მას ამ საქმეს, უნდა განუმარტოს ყველა მიზეზი, ცნოს თავი ამ გამოცდისათვის უღირსად, ამით შეაჩეროს შემცდარნი და გაექცეს ესოდენ მძიმე საქმეს.

რატომაა, რომ როცა სამხედრო საქმეზე, ვაჭრობასა და სხვა ყოფით ამბებზეა ლაპარაკი, ათასი სიკვდილითაც რომ დავემუქრონ, არც მიწის მუშას მოუვა აზრად ზღვაოსნობა, არც მოლაშქრეს — ხენა-თესვა, და არც მესაქვს — მეომრობა? ალბათ იმიტომ, რომ თვითეულმა მათგანმა იცის, რა საფრთხეც



მოელის გამოუცდლობის გამო. და თუ იქ ვიქცევით ასეთი სიფრთხილით, სადაც ზიანი ნაკლებად მნიშვნელოვანია, და ძალის დამტანებელთა მოთხოვნებს არად ვაგდებთ, მაშინ იქ, სადაც უმეცართათვის მღვდლობის მინიჭების გამო სამხედრო ტანჯვაა მოსალოდნელი, როგორ ვიგდებთ თავს ასეთ ხიფათში განუსჯელად, და თანაც იმას ვიმიზეზებთ, სხვები გვაძულებენო? მაგრამ ჩვენი მსაჯული არ მიიღებს ამგვარ თავის მართლებას. სულიერ ცხოვრებაში ბევრად მეტი სიფრთხილე გვმართებს, ვიდრე ხორციელში, ჩვენ კი მცირე სიფრთხილესაც არ ვიჩენთ.

მითხარი, ვთქვათ ვინმე სამშენებლო ხელოვნებაში გაწაფულად მიგვაჩნია, იმან კი სინამდვილეში არ იცის საქმე, და ეს კაცი მოვიწვიეთ სამუშაოდ, ისიც დაგვეაბულდა, წინასწარ მომზადებული სამშენებლო მასალა მიიღო და დახარჯა ქვა და ხე, აშენებით კი ისეთი სახლი ააშენა, რომელიც მყისვე ჩამოინგრა. განა მას გაამართლებს ის ამბავი, რომ სხვებმა აიძულეს ეს საქმე და თვითონ არ წამოუწყია მშენებლობა? არა, და სრულიად სამართლიანად და საფუძვლიანად. მას მაშინაც უარი უნდა ეთქვა, როცა სხვებმა შესთავაზეს ეს საქმე. და თუკი ქვისა და ხის გამფლანგველი ვერანაირად ვერ ასცდება სასჯელს, მაშინ უამრავ სულთა დამღუპველს განა უშველის სხვების ძალდატანების მომიზეზება სასჯელის აცილებაში? განა ეს მეტისმეტი უგნურება არ არის? იმას აღარ ვამბობ, რომ ვერავინ ვერავის დაატანს ძალას, თუ კაცის ნება არ არის. მაგრამ დავუშვათ, რომ ვიღაც ათასგვარმა ძალადობამ და სხვადასხვა ხერხმა აიძულა დათმობა, იხსნის კი ეს სასჯელისაგან? არა. გმოდღვრავთ, ნუ მოვტყუვდებით ასე მწარედ და ნურავის მოვაჩვენებთ თავს იმის არმცოდნედ, რაც ჩვილისთვისაც კი გასაგებია. მით უმეტეს, რომ ჩვენს საქმეებზე პასუხისგების ჟამს ასეთი მოჩვენებითი უცოდინარობა არას გვარგებს. შენ თვითონ არ გიძებნია ეს ხელმწიფება, რადგანაც გრძნობდი საკუთარ სისუსტეს? კეთილი და პატიოსანი, იგივე შეგნებით უნდა გეთქვა უარი მაშინაც, როცა სხვები გთავაზობდნენ ამ პატივს. თუ მარტო მაშინ იყავი უმწურო, როცა არავინ გიწვევდა, და როცა გამოჩნდა ხალხი, ვინც შენთვის ასეთი პატივის მინიჭება განიზრახა, უეცრად გაძლიერდი? ეს სასაცილოცაა,

ტყუილიც, და უდიდეს სასჯელსაც იმსახურებს. ამიტომაც მოძღვრავს უფალი გოდოლის აგების მსურველს, არ ჩაყაროს საფუძველი მანამ, სანამ გაარკვევდეს, შეუძლია თუ არა ამ საქმის აღსრულება, რათა იქ მყოფთ სასაცილოდ არ აიგდონ (ლუკა, 14, 28-29), მაგრამ მისი უბედურება მხოლოდ დაცინვით მთავრდება, აქ კი სასჯელი იქნება უშრეტი ცეცხლი, კბილთა ღრჭენა, უკუნი სიბნელე, განკვეთა და ორგულთა თანა დაღუპვა.

ჩემს ბრალმდებლებს არ სურთ ამის გაგება, ასე რომ არ იყოს, შეწყვეტდნენ იმის გაკიცხვას, ვინც არ ინდომა ამოდ დაღუპვა. ჩვენი ამქამინდელი მსჯელობა პურისა და ქერის დარიგებას, ცხვრებისა და ხარების მწყემსებას ანდა რაიმე ამდაგვარს კი არა, თვით ქრისტეს სხეულს ეხება, რამეთუ ნეტარი პავლეს სიტყვებით რომ ვთქვათ, ეკლესია თავად ქრისტეს სხეულია (კოლ. 1, 18); და ვისაც ის მიანდევს, მან უნდა იზრუნოს ამ სხეულის კეთილდღეობასა და აღმატებულ სრულქმნილებაზე, ყოველმხრივ თვალყურს უნდა ადევნებდეს, რომ რაიმე „მწიკულევაება, არცა ნაოჭი ბრძელისა, არცა სხუამ რაჲ ესევეითარი“ არ შეეხოს მის სიკეთესა და მშვენიერებას (ეფ. 5, 27). განა რამდენადაც შესწევს ადამიანს იმის ძალა, ეს სხეული მისი უხრწნელი და ნეტარი თავის ღირსად არ უნდა შეინახოს? თუკი მოლაშქრეთა კეთილდღეობაზე მზრუნველებს ჭირდებათ ექიმებიც, ხელმძღვანელებიც, ცხოვრების მკაცრი წესიც, მუდმივი წვრთნაც და მრავალი სხვა სიფრთხილე (რადგან სულ მცირე წვრილმანი, უყურადღებოდ დარჩენილი, ყველაფერს არღვევს და ანგრევს), მაშ რაღა ითქმის იმათზე, ვინც თავს იღო მზრუნველობა ქრისტეს სხეულზე, და ებრძვის არა ხორცუმესხმულ არსებებს, არამედ უხილავ ძალებს? მათ ხომ კაცობრივზე ბევრად აღმატებული სათნოება უნდა ჰქონდეთ და უნდა იცოდნენ სულისთვის სარგო ყოველგვარი მკურნალობა.

3. განა არ იცი, რომ ეკლესიის სხეულს სენი და განსაცდელი მეტად ემუქრება, ვიდრე ჩვენს კაცობრივ სხეულს, უფრო ადვილად ზიანდება და უფრო ნელაც მრთელდება? სხეულის მკურნალებს აქვთ სხვადასხვა წამლები, იარაღები, მრავალფეროვანი საკვები, რაც უხდება ავადმყოფს; ხშირად მხოლოდ

თავისებურ ჰავას ანდა დროულ ძილსაც კი განუკურნავს სნეული, ჩვენს შემთხვევაში კი ასეთი საშუალებები უხმარია, და არსებობს ერთადერთი სახე მკურნალობისა — სიტყვით დამოძღვრა. ესაა იარაღი, ესაა საზრდო, ესაა ცეცხლისა და რკინის მაგიერი, რაიმე მოწვა და მოკვეთა თუ იქნა საჭირო, ისევ სიტყვის ძალამ უნდა გაკრას, და ამანაც თუ ვერ უშველა, ყველაფერი ამაოა. სიტყვა აღადგენს სულს დაცემულსა და მშფოთვარეს, მისი ძალით ეძლევა ნაკლულ სულს სისრულე, იგი ათავისუფლებს სულს ზედმეტისაგან, ასე, რომ ყველაფერი, სულის სიმრთელისათვის საჭირო, სიტყვას ძალუძს. სხვისი ცხოვრების მაგალითი დიდად უწყობს კაცს ხელს საკუთარი ცხოვრების კეთილად წარმართვაში, ამ მაგალითის შემხედვარე იგი რაღაცნაირად შეჯიბრისთვის განეწყობა. მაგრამ როცა სული არასწორი დოგმატებითაა დასნეულებული, ამ შემთხვევაში სიტყვა დიდი იარაღია, არა მარტო საკუთარი სამწყსოს დასაცავად, არამედ გარეშეებთან საბრძოლველადაც. ვინმეს რომ ისეთი სულის მახვილი და რწმენის ფარი გააჩნდეს, რომ შეეძლოს სასწაულით დაუყოს პირი ურცხვებს, მას სიტყვა აღარ დაჭირდებოდა. თუმცა, სიტყვა არც მაშინ იქნებოდა უსარგებლო, პირიქით, ფრიად საჭიროც გამოდგებოდა. აკი ნეტარი ჰავლეც სიტყვით მოქმედებდა, თუმცა განთქმული იყო როგორც სასწაულმოქმედი. სხვანიც მოციქულთა დასიდან გემოძღვრიან, სიტყვის ძალაზე იზრუნეთო: „განმზადებულ იყვნით მარადის სიტყვის მიგებად ყოვლისა, რომელი ეძიებდეს თქვენგან სიტყუასა თქუენ შორის სასოებისა მისთვის“ (1 პეტ. 3, 15). ყველა მოციქულმა რაიმე სხვა მიზეზით კი არ მიანდო სტეფანეს და მის თანამოსაგრეებს ქვრივებზე ზრუნვა, არამედ იმისთვის, რომ თვითონ დაუბრკოლებრივ შეძლებოდათ სიტყვის მსახურება (საქმ. მოც. 6, 4). ჩვენ რომ სასწაულების მოხდენის ძალა შეგვწვედეს, სიტყვაზე ამდენს არ ვიზრუნებდით, მაგრამ რაკი იმ ძალის ანარეკლიც აღარ შემოგვრჩა და ამავე დროს ყოველი მხრიდან მტრებითა ვართ გარემოცულნი, აუცილებელია, სიტყვით მოვიზღუდოთ თავი, რათა მტრის ისრებმა კი არ მოგვწყლან, არამედ თვითონ ვძლიოთ მას.

4. ამიტომ გულმოდგინედ უნდა ვცდილობდეთ, რათა „სიტყუაჲ იგი ქრისტესი დამკვიდრებულ იყავნ თქუენთანა მდიდ-

რად“ (კოლ. 3, 17). ჩვენ ერთფეროვანი ბრძოლისთვის როდი ვემზადებით, ეს ომი მრავალფეროვანია და არც მტრები გვანან ერთმანეთს. ისინი ერთნაირ იარაღს როდი ხმარობენ, არც ერთნაირად გვესხმიან თავს. ამიტომ ის, ვინც მათთან აპირებს ბრძოლას, ყოველი მათგანის საომარ ხერხსაც უნდა იცნობდეს. მშვილდოსანიც უნდა იყოს და მეშურღლულეც, ჭარის სარდალიც და რაზმის მეთაურიც, მოლაშქრეც და მხედართმთავარიც, ქვეითიცა და ცხენოსანიც, ზღვაზე ბრძოლაც უნდა შეეძლოს და კედლების აღებაც. ბრძოლებში ყველას თავისი წინასწარ განსაზღვრული საქმე აკისრია, ასე ებრძვიან ისინი მომხდურთ. აქ კი სულ სხვაა. თუ გამარჯვების მოწადინე საომარი ხელოვნების ყველა სფეროში არ იქნა გაწაფული, მაშინ ეშმაკი რომელიმე უყურადღებოდ დარჩენილ ადგილას შეუშვებს მპარაევებს და ცხვრებს მოიტაცებს, მაგრამ თუ დაინახავს, რომ მწყემსი ყოვლისმცოდნეა და კარგად ერკვევა მის ხრიკებში, ამას ვეღარ გაბედავს. ამგვარად, ყოველმხრივია საჭირო თავის მოზღლდვა. სანამ ქალაქი ყველა მხრიდანაა დაცული, მანამ საფრთხე არსაიდან ემუქრება და სასაცილოდ იგდებს გარშემორტყმულებს. მაგრამ თუ ვინმემ კედელი მოანგრია, ან თუნდაც კიშკარი იყოს, მაშინ გალავანი აღარაფერში არგია, ყველა სხვა კედელი მთელიც რომ დარჩეს. ასევეა უფლის ქალაქიც. როდესაც მას ყოველი მხრიდან კედლების ნაცვლად მწყემსის შორსმჭვრეტელობა და კეთილგონიერება იცავს, ყოველი თავდასხმა სირცხვილად და დაცივად ურჩება მტერსავე, ქალაქის მკვიდრნი კი უვნებელნი რჩებიან, მაგრამ თუ ვინმემ გალავნის მცირე ნაწილი მაინც მოარღვია, აქედან იღებს სათავეს სრული დაცემა. რა ხეირია, თუ მწყემსი კარგად ებრძვის წარმართებს, ქალაქს კი ამასობაში იუდეველები ანადგურებენ? ანდა ორივე მათგანს სძლევს, მაგრამ მანიქეველნი ძარცვავენ? ანდა თუ ამათაც დაამარცხებს, ბედის შესახებ სწავლების გამაერთელებელნი კი ქალაქს ააოხრებენ?

თუმცადა რა საჭიროა ყველა ეშმაური წვალების ჩამოთვლა? თუკი მწყემსს კარგად არ ძალუძს ყველა მათგანის მოგერიება, მგელი ერთი ასეთი წვალების მეშვეობით მრავალ ცხვარს შთანთქავს. სამხედრო საქმეში მოწინააღმდეგისგან ყოველთვის შეიძლება ელოდე გამარჯვებასაც და დამარცხება-

საც, აქ კი სულ სხვანაირადაა საქმე. ხშირად ბრძოლაში ისეთი მტერი იმარჯვებს, რომელიც თავიდან არ ემზადებოდა საბრძოლველად და დიდად არ იწუხებდა თავს, წყნარად იჯდა და იცდიდა. კაცი, რომელსაც ასეთ საქმეში ნაკლები გამოცდილება აქვს, საკუთარ თავს თავისივე მახვილით სწყლავს და სასაცილო ხდება მეგობრების თვალშიც და მტრებშიც წინაშეც. მაგალითად (შევეცდები ნათქვამი მაგალითით დაგიდასტურო), ვალენტინისა და მარკიონის მიმდევრები და მათივე მსგავსი სნეულებით შეპყრობილნი საღვთო წერილის წიგნებიდან გამორიცხავენ ღმერთისგან მოსესთვის მიცემულ სჯულს, იუდეველნი კი მას ისეთ პატივს სცემენ, რომ ახლაც, როცა უკვე აღარ არის ამის დრო, უფლის ნების საწინააღმდეგოდ ცდილობენ ზედმიწევნით დაიცვან იგი. ღვთის ეკლესია კი გაუბრბის ორივე უკიდურესობას და საშუალო გზას ადგას — არც სჯულის უღელქვეშ ყოფნას ეთანხმება და არც მის გმობას. ეკლესია ქებას უძღვნის სჯულს მისი განქარვების შემდეგაც, რადგანაც იგი თავის დროზე სასარგებლო იყო. და ის, ვინც ორივე წვალებასთან აპირებს ბრძოლას, ამ წონასწორობას უნდა იცავდეს. თუ კაცი იუდეველთა დამოძღვრას დაეპირება და იტყვის, დრო აღარ არის ძველი სჯულისმდებლობის დაცვისათ, და ამისთვის უმოწყალოდ გალანძღავს სჯულს, მწვალებლებს სჯულის დაგმობის საბაბს მისცემს, თუ მათ გაჩუმებას მოინდომებს და უზომოდ დაუწყებს ქება-დიდებას სჯულს, როგორც ამჟამად აუცილებელს, მაშინ იუდეველები აუწევენ ხმას. საბელიოსისა და არიოზის საცთურით შეპყრობილნიც ხომ ზომიერების დაკარგვის გამო განუღგნენ ჭეშმარიტი რწმენის გზას. და თუმცა ერთნიცა და მეორენიც ქრისტიანების სახელს ინარჩუნებენ, მაგრამ თუ ვინმე კარგად გამოიკვლევს მათ სწავლებას, მიხვდება, რომ პირველნი სახელის გარდა სხვა არაფრით განსხვავდებიან იუდეველთაგან, არიოზის სწავლება კი ძალიან ჰგავს პავლე სამოსატელის წვალებას, და ორივენი შორს არიან ჭეშმარიტებისაგან. აქ დიდი საფრთხეა, ვიწრო და საჭირველი გზაა, ორივე მხრიდან კლდეები რომ აკრავს, და კიდევ შიში იმისა, რომ ვინმე ერთ მტერთან ბრძოლაში მეორემ არ მოწყლას. მაგალითად, თუ კაცი იტყვის, ღმერთი ერთიაო, საბელიოსი ამ სიტყვას მყისვე თავისი უგნური სწავლე-

ბის სასარგებლოდ აქცევს, თუ განსხვავებას წარმოაჩენს და ერთს მამას უწოდებს, მეორეს — ძეს, მესამეს კი სული წმიდას, მაშინ არიოზი გამოცხადდება და სახეთა სხვადასხვაობას არსის სხვადასხვაობაზე გადაიტანს. გაქცევა გემართებს საბელიოსის უსჯულო აღრევისა და არიოზის უგუნური განყოფისგანაც, აღვიაროთ ერთარსი და სამ პირად ცნობილი ღმერთი: მამა, ძე და სული წმიდა, ამნაირად მოუუჭრით გზას ერთსაც და მეორესაც. აქ შეიძლებოდა ბევრი სხვა სიძნელის ჩამოთვლა, რომელთაც თუ კაცი მხნედ და გულმოდგინედ არ შეებრძოლა, თვითონვე დარჩება მრავალგან მოწყლული<sup>1</sup>.

1 5. მოყვასთა შორის განხეთქილებებზე რალა ვთქვა? ისინი გარეშე თავდასხმებზე ნაკლებად საშიშნი კი არა, პირიქით, წინამძღვრისთვის უფრო ძნელად მოსაგვარებელიც არიან. ერთნი, ცნობისწადილით შეპყრობილნი, ამაოდ ცდილობენ ისეთი საგნების გამოკვლევას, რისი ცოდნაც უსარგებლოა და თან გაგებაც შეუძლებელი. სხვანი ღმერთისგან მისი განგების ახსნას მოითხოვენ და ამ დიდი უფსკრულის გაზომვას ლაშობენ; რამეთუ „განკითხვანი შენნი“, ამბობს საღვთო წერილი, „უფსკრულ მრავალ“ (ფსალმ. 35, 7). ცოტაა ისეთი, რწმენასა და ცხონებაზე რომ ფიქრობდეს, სამაგიეროდ მრავალნი არიან, ვინც ეძიებს და იკვლევს იმას, რისი პოვნაც შეუძლებელია და რისი ძებნაც შეურაცხყოფს ღმერთს. როცა ძალით ვცდილობთ იმის გაგებას, რისი გამოცხადებაც უფალს არ სურს, იგი მაინც არ მოგვეცემა (როგორ შეიძლება იმის გაგება, რაც არაა ღვთის ნება?) ამგვარი ცნობისმოყვარეობით საფრთხეში ვაგდებთ თავს. და მაინც, ასეთ ვითარებაშიც კი, ის ვინც ძალით გააჩუმებს მიუღწეველის მჩხრეკელთ, საყვედურს მიიღებს სიამაყისა და უმეცრებისათვის. ამიტომ წინამძღვარს დიდი კეთილგონიერების გამოჩენა მართებს, რომ სხვებსაც აარიდოს ფუჭი შეკითხვები და თავადაც გაექცეს ზემოთქმულ ბრალდებებს. ამას ყველაფერს სიტყვა შევლის, სხვა შემწეობა არ არსებობს. და თუ ვინმეს არ გააჩნია ეს ძალა, მის ხელში

<sup>1</sup> ვალენტინი და მარკიონი — წვალებათა მოთავეები, მათ მიმდევრებს ვალენტინელები და მარკიონელები ეწოდათ (II ს.); საბელიოსი და პავლე სამოსიტელი — წვალებათა ფუძემდებლები (III ს.); არიოზი — ირიოზელთა წვალების მოთავე (IV ს.).

მყოფ ადამიანთა სულები მუდამ ლელვაატეხილი ხომალდის მდგომარეობაში იქნებიან, მე ვგულისხმობ ყველაზე სუსტსა და ცნობისმოყვარე ადამიანებს. ამიტომ მღვდელი ყოველ ღონეს უნდა ხმარობდეს სიტყვის ძალის მოსაპოვებლად.

ბასილიმ თქვა: მაშ რატომ არ ცდილობდა ამ ძალის მოპოვებას პავლე და არც რცხვენოდა თავისი სიტყვის სიმწირისა, ის ხომ აშკარად აღიარებს თავის თავს უმეტრად და თანაც ამას წერს ეპისტოლეში კორინთელთა მიმართ, რომლებიც განთქმულნი იყვნენ მკვერმეტყველებით და ამით ძალიანაც მოქონდათ თავი (2 კორ. 11, 6)?

ოქროპირი: სწორედ მაგიტომ, აკი ვთქვი, რომ მრავალი კიდევ დაიღუპა და ნაკლებად მოშურნე გახდა ჭეშმარიტი სწავლების მიმართ, რადგან ისინი სწორად ვერ წვდებოდნენ მოციქულის აზრის სიღრმეს და კარგად ვერ იგებდნენ მისი სიტყვის არსს, ამიტომაც მთელ თავიანთ დროს ძილსა და თვლელაში ატარებდნენ, ხოტბას იმ უმეტრებას კი არ ასხამდნენ, რომელსაც პავლე თავის თავს მიაწერდა, არამედ იმას, რომლისგანაც პავლე უფრო შორს იყო, ვიდრე რომელიმე ადამიანი ამ ქვეყანაზე. თუმცა, მოდი, ეს საკითხი სხვა დროისთვის გადავდოთ, ახლა კი აი რას გეტყვი: ვთქვათ, პავლე მართლაც იმ აზრით იყო უფიცი, რასაც ისინი გულისხმობდნენ. როგორ ეხება ეს ახლანდელ ადამიანებს? პავლეს სიტყვაზე გაცილებით უფრო დიდი ძალა ჰქონდა, და ამ ძალას ბევრად მეტი შეეძლო; მხოლოდ გამოჩენა პავლესი, როცა ხმას არც კი იღებდა, შიშის ზარს სცემდა ბოროტ სულებს, და ყველა ახლანდელი მოღვაწე ერთად რომ შეიკრიბოს, ურიცხვი ლოცვებითა და ცრემლებით ვერ იქმოდნენ იმას, რაც ოდესღაც პავლეს პირსახოცმა შეძლო (საქ. მოც. 19, 12). პავლე თავისი ლოცვით მკედრებს აღადგენდა და სხვა ისეთ სასწაულებს იქმოდა, რომ წარმართებს ღმერთი ეგონათ (საქ. მოც. 14, 11). და ჯერ კიდევ ამ სოფლის დატევებამდე მესამე ცაზე იქნა აყვანილი და ისეთი სიტყვები მოისმინა, რომელთა დატევნაც კაცობრივ ბუნებას არ ძალუძს (2 კორ. 12, 2—4).

ახლანდელ ადამიანებს კი (მე არ ვაპირებ რაიმე ცუდის ან უსიამოს თქმას, ამასაც მათ დასაგმობად როდი ვაძებობ, უბრალოდ თავად ვარ გაოცებული) ნუთუ არ ეშინიათ საკუთარი

თავის ასეთ კაცთან გატოლების? სასწაულებს თავი დავანებოთ და ამ ნეტარის ცხოვრებას მივუბრუნდეთ, გადავხედოთ მის ანგელოზებრივ მოღვაწეობას, და იქ უფრო მეტი აღმატებულება გამოჩნდება ქრისტეს მეომრისა, ვიდრე მისივე სასწაულებში. ვის შეუძლია აღწეროს მისი გულმოდგინება, სიმშვიდე, მუდმივი ხიფათი, განუწყვეტელი ზრუნვა, მოუკლებელი ფიქრი ეკლესიებზე, თანაღმობა უძლურთა მიმართ, მრავალი მწუხარება, ხშირი დევნა, ყოველდღიური სიკედილი, (2. კორ. 11, 24—28 .1 კორ. 9, 22)?

რომელმა კუთხემ ქვეყნისამ, რომელმა მიწამ, რომელმა ზღვამ არ უწყის ამ მართალი კაცის საქმენი? პავლეს უდაბნოც იცნობდა, და ხშირადაც ლებულობდა თავის სავანეში მისი ხიფათიანი ცხოვრების დროს. მას დაუთმენია ყველა სახის მანქანება და ყველანაირი ძლევაც მოუპოვებია, არასოდეს შეუწყვეტია მოღვაწეობა და გვირგვინების მოხვეჭა. არ ვიცი, როგორ გავერთე ისე, რომ ამ დიდი კაცის შეურაცხყოფა ვიწყე, მისი მხნეობა აღემატება ყოველგვარ სიტყვას, მით უფრო ჩემსას, იმდენად აღემატება, რამდენადაც მქვევრმეტყველებაში დახელოვნებულნი მჯობიან მე. მაგრამ ამის მიუხედავად (ნეტარი საქმის შესრულებისთვის კი არა, განზრახვისთვის განმსჯის), არ დავდუმდები, ვიდრე არ ვიტყვი იმას, რაც ჩემს მიერ ზემოთ თქმულს იმდენადვე აღემატება, რამდენადაც პავლე — სხვა აღამიანებს. რა არის ეს? ამდენი საგმირო საქმის ჩადენისა და ურიცხვი გვირგვინის მიღების შემდეგ პავლე ნატრობდა გენიაში ჩასვლას და მარადი ტანჯვის დამკვიდრებას, რათა იუდეველთათვის, რომლებსაც ხშირად ქვებით ჩაუქოლავთ და მზად იყვნენ მოეკლათ კიდევ იგი, ხსნა მოეპოვებინა და ისინი ქრისტეს შესდგომოდნენ (რომ. 9, 3). ვის ყვარებია ასე ძლიერ ქრისტე, თუ შეიძლება ამას სიყვარული ეწოდოს და არა რაღაც სხვა, სიყვარულზე უფრო დიდი? და მას, ზეგარდმო ამდენი მადლის მიმღებელს, მას, ვისაც თავის მხრივაც უამრავი სიქველე გააჩნდა, როგორღა უნდა გავუტოლდეთ? განა არსებობს ქვეყნად ამაზე უფრო კადნიერი საქციელი? და რომ იგი მართლაც არ ყოფილა უმეცარი არანაირი აზრით, ვეცდები ეგეც ახლავე დაგიმტკიცო.

მათ მიაჩნიათ, რომ უმეცარი მხოლოდ იგი როდია, ვინც



საერო მკვერმეტყველებაში არ არის განსწავლული, არამედ ისიც, ვისაც არ ძალუძს ჭეშმარიტი სწავლების დაცვა. მართლაც ამბობენ. პავლემ თავის თავს უმეცარი უწოდა მხოლოდ ერთი აზრით, და ამის დასტურად ზუსტი გამიჯვნაც გააკეთა, თქვა, რომ „დაღათუ უცებ ვარ სიტყვითა, არამედ არა ცნობითა“ (2 კორ. 11, 6). მე რომ ეკლესიის მწყემსისგან მოვითხოვდე სოკრატეს სიტყვაკაზმულობას, დემოსთენეს ძალას, თუკიდიდეს მნიშვნელოვნებასა და პლატონის სიღრმეს, მაშინ პავლეს ამ ნათქვამზე მითითება მართებული იქნებოდა, მაგრამ ამჟერად ყოველივე ამასა და ნატიფ გარეგნულ მოკაზმულობას თავს ვანებებ და არც სიტყვის წარმოთქმასა და გადმოცემაზე ვფიქრობ. დაე, იყოს ვინმე სიტყვაძუნწი, ჰქონდეს გაუწაფავი, უბრალო საუბარი, ოღონდ უმეცარი ნუ იქნება დოგმატების შეცნობასა და მათ სწორად გულისხმისყოფაში, და საკუთარი დაუდევრობის დასაფარავად ამ ნეტარ კაცს ნუ წაართმევს მის უდიდეს ღირსებასა და უმთავრეს დამსახურებას.

7. ერთი მითხარი, როგორ შეჰქონდა პავლეს არეულობა დამასკოში მცხოვრებ იუდეველთა შორის, როცა ჯერ კიდევ არ იქმოდა სასწაულებს? როგორ დასძლია ელინისტები? რისთვის წარგზავნეს ტარსუნში? იმისთვის ხომ არა, რომ სიტყვით მძლავრობდა და იქამდე მიიყვანა ისინი, რომ დამარცხება ვერ აიტანეს, გამძვინვარდნენ და გადაწყვიტეს მოეკლათ იგი (საქ. მოც. 9)? მაშინ იგი ჯერ კიდევ არ იქმოდა სასწაულებს, ამიტომ ვერავინ იტყვის, ხალხს მისი საკვირველმოქმედების ამბავი სმენოდა და მასთან მეზრძოლები მხოლოდ ამიტომ მარცხდებოდნენო; ამ დრომდე იგი მარტოოდენ სიტყვით იმარჯვებდა. გაიხსენე, როგორ ეზრძოდა მათ, ვინც ანტიოქიაში იუდეველთა მსგავსად ცხოვრებას აპირებდა (გალ. 2)? და არეოპაგის წევრი, ყველაზე ცრუმორწმუნე ქალაქის მკვიდრი, განა სწორედ ქადაგების შემდეგ არ გახდა მისი მიმდევარი თავის ცოლთან ერთად (საქ. მოც. 17, 34)? ევტიხი რატომღა ჩამოვარდა ფანჯრიდან? იმიტომ ხომ არა, რომ გვიან ღამემდე პავლეს სწავლებას ისმენდა (საქ. მოც. 20, 9)? თესალონიკსა და კორინთოში როგორღა იყო? ანდა ეფესოსა და თვით რომში? განა მთელ დღეებსა და ღამეებს წმიდა წერილის ახსნა-განმარ-

ტებაში არ ატარებდა? სტოიკოსებსა და ეპიკურელებთან მის ბრძოლებზე რაღა ვთქვათ (საქ. მოც. 17, 18)? ყველაფრის ჩამოთვლა რომ მოვინდომოთ, სიტყვა მეტისმეტად გაგვიგრძელებს. ამგვარად, რაკი გაირკვა, რომ სასწაულებამდეც და სასწაულების ჩადენის დროსაც პავლე ხშირად ხმარობდა სიტყვას, როგორღა გაბედავენ უმეცარი უწოდონ იმას, ვისი საუბარი და მეტადრე ქადაგება ყველას აოცებდა? რატომ მიიღეს ლიკონელებმა მერკურისად? ისინი (პავლე და ბარნაბა) ღმერთებად რომ მიიღეს, ეს სასწაულების გამო იყო, მაგრამ პავლე რომ მერკურისად მიიჩნიეს, ამის მიზეზი უკვე სასწაულები კი არა, სიტყვა იყო (საქ. მოც. 14, 12). რითი აღმატანეტარი პავლე სხვა მოციქულებს? მის სახელს რატომ ახსენებენ მთელ მსოფლიოში განსაკუთრებულად? რატომ ვადიდებთ მას ყველაზე მეტად არა მარტო ჩვენ, არამედ იუდეველნი და წარმართნიც კი? იქნებ მისი ეპისტოლეებისთვის, რომლებითაც მან არგო არა მხოლოდ მაშინდელ მორწმუნეებს, არამედ იმ დროიდან აქამომდე მცხოვრებ ყველა ქრისტიანს, ასევე არგებს ყველას, ვინც ქრისტეს მეორედ მოსვლამდე იცხოვრებს, და ასე იქნება, ვიდრე კაცთა მოდგმა იარსებებს? მისი ნაწერები ეკლესიებს ანდამატისგან ნაგები კედელივით იცავს; პავლე დღესაც ჩვენს შორის დგას, როგორც უმამაცესი მეომარი, „და წარმოვსტყვენავთ ყოველსავე ცნობასა მორჩილებად ქრისტესსა, და განმზადებულად გუაქუს შურისგებად ყოველისა ურჩებისა“ (2 კორ. 4). ყოველივე ამას იქმს პავლე ჩვენთვის დატოვებული საოცარი, ღვთაებრივი სიბრძნით სავსე ეპისტოლეების მეოხებით. მისი ნაწერები მხოლოდ ცრუ სწავლებათა დასამხობად და ჭეშმარიტის დასაცავად კი არ გვჭირდება, ღვთისმსახურებით ცხოვრებაშიც დიდად გვარგებს. ეკლესიის წინამძღვარნი მათი მეოხებით დღესაც განაგებენ, სრულყოფენ და სულიერად ამშვენებენ წმინდა ქალწულს, რომელიც პავლემ ქრისტესთან დაწინდა (2 კორ. 11, 2), ამ ეპისტოლეებით იგერიებენ ისინი ეკლესიაზე მოწეულ ვნებებს და იცავენ მის რჩეულ სიმრთელეს. ასეთი საკურნებელი წამლები დაგვიტოვა ამ „უმეცარმა“ კაცმა, ამ წამლების ძალას კარგად იცნობს ის, ვინც მათ ჭეშმარიტი რწმენით მიმართავს. აქედან-

ნაც ჩანს, რომ პავლემ დიდი გულმოდგინება გამოიჩინა ამ საქმეში.

18. ისიც მოისმინე, რას ამბობს მოწათმართველნი მიწერილ ეპისტოლეში: „ეკრძალე საკითხავსა, ნუგეშინისცემასა, მოძღვრებასა“. მერე ამის ნაყოფზეც ლაპარაკობს: „ამას რაჲ ჰყოფდე, თავიცა შენი აცხოვნო და მორჩილნიცა შენნი“ (1 ტიმ. 4, 13—16). და კვალად: „ხოლო მონისა უფლისა არა ჯერ არს ლალვამ, არამედ რაჲთა იყოს მყუდრო და სახიერ ყოველთა მიმართ, მასწავლელ, უმანკო“. და კვალად: „ხოლო შენ დაადგერ მას ზედა, რომელიცა გისწავიეს და გრწმენა, უწყი, ვისგან გისწავიეს; და რამეთუ სიყრმითგან საღმრთონი წიგნი იცნი, რომელნი შემძლებელ არიან განბრძნობად შენდა ცხოვრებისათვის სარწმუნოებითა ქრისტე იესოთა“. და იქვე: „ყოველი წიგნი ღმრთივ სულიერი და სარგებელი სამოძღვრებლად არს და სამხილებლად და განსამართლებლად და სასწავლელად სიმართლისა, რაჲთა სრულ იყოს ღმრთისაჲ იგი კაცი, ყოვლისა მიმართ საქმისა კეთილისა განმტკიცებულ“ (2 ტიმ. 2, 24; 3, 14—17). ისმინე, რას წერს პავლე ტიტეს, ეპისკოპოსად დადგინების შესახებ რომ ესაუბრება: „ჯერ არს ეპისკოპოსისა თავსმდებელ-ყოფად მსგავსად მოძღვრებისა მის, სარწმუნოებისა სიტყვასა, რაჲთა შემძლებელ იყოს ნუგეშინის-ცემადცა მოძღვრებასა მას შინა სიცოცხლისასა და სიტყვისმგებელთა მათ მამხილებელ“ (ტიტ. 1, 7—9).

განა შეუძლია უმეცარ კაცს, როგორადაც მას ვილაციები მიიჩნევენ, ამხილოს და დაადუმოს მოწინააღმდეგენი? ანდა თუკი უმეცრად უნდა დარჩეს, რაღა საჭიროა წერა-კითხვის ცოდნა? ეს ყველაფერი ტყუილი და მომიზეზებაა, უზრუნველობისა და სიზარმაცის შესანიღბად მოგონილი. მაგრამ ეს ხომ მღვდლებს ეხებათ, გვეტყვიან, რადგან ჩვენ ახლა მღვდლებზე ვლაპარაკობთ. ეს რომ სამწყსოსაც ეხება, ამის დასტურად მომისმინე, რას ამბობს პავლე სხვა ეპისტოლეში: „და სიტყუაჲ იგი ქრისტესი დამკვიდრებულ იყავნ თქუნ თანა მდიდრად ყოვლითა სიბრძნითა“; და კვალად; „სიტყუაჲ თქუენი მარადის მადლითა ვითარცა მარილითა შეზავებულ იყავნ, რაჲთა უწყოდით, ვითარ-იგი შეჰგავს თქუენდა თვითეულისა სიტყვისგებაჲ“ (კოლ. 3, 16; 4, 6). და სიტყვები: „განმზადებულ იყვენით

მარადის სიტყვის მიგებად ყოვლისა“ (1 პეტ. 3, 15) და თესალონიკელთა მიმართ ეპისტოლეში პავლე ამბობს: „ამისთვის აღაშენებდეთ ერთიერთსა, ვითარცა-ეგე ჰყოფთცა“ (1 თეს. 5, 11). ხოლო როცა მღვდლებზე საუბრობს, ამბობს: „რომელნი კეთილად ძლოდიან ხუცესნი, ორის ნაწილის პატივის ღირს იყვნედ, უფროდს ხოლო რომელნი შურებოდიან სიტყვითა და მოძღურებითა“ (1 ტიმ. 5, 17). ესაა სწავლების ყველაზე სრულყოფილი ხერხი, როცა განსასწავლნი საქმეებითაც და სიტყვებითაც იმ ნეტარი ცხოვრებისკენ მიჰყავთ, რომლისკენაც ქრისტემ მოგვიწოდა, იმიტომ რომ მხოლოდ საქმენი არ კმარა სწავლებისათვის. ეს ჩემი კი არა, თვით მაცხოვრის სიტყვებია: „ხოლო რომელმან ყოს და ასწავოს, ამას დიდ ერქუას სასუფეველსა ცათასა“ (მათე, 5, 19). „ქმნა“ რომ „სწავლებას“ ნიშნავდეს, ეს მეორე სიტყვა ტყუილად ყოფილა, საკმარისი იქნებოდა „რომელმან ყოს“, მაგრამ ერთისა და მეორის გამიჯვნით უფალი გვიჩვენებს, რომ ერთია დამოკიდებული საქმეზე და მეორე — სიტყვაზე, და ამ ორ ნაწილს სჭირდება ერთმანეთი, რათა შენობა სრულყოფილი იყოს. ხომ გესმის, რას ეუბნება ეფესელ ხუცესებს ქრისტეს რჩეული ჰური: „ამისთვის იღვიძებდით და მოიხსენეთ, რამეთუ სამსა წელსა ღამით და ღლით არა დავსცხრებოდე ცრემლით სწავლასა კაცად-კაცადისა თქუენისასა“ (საქ. მოც. 22, 31). რალა საჭირო იყო ცრემლი ანდა სიტყვიერი სწავლება, როცა მოციქულის ცხოვრება ასე ანათებდა? ეს ცხოვრება დიდ შემწეობას გამოგვიჩინდა მცნებათა შესრულებაში, მაგრამ ვერ ვიტყვი, რომ ამ შემთხვევაშიც მხოლოდ მისი ცხოვრების მაგალითმა ქნა ყველაფერი.

9. როცა დოგმატების შესახებ ატყდება დავა და ყველა ერთი და იგივე ნაწერის საფუძველზე იკამათებს, მაშინ რალა ძალა ექნება ცხოვრებას? რა ხეირია მრავალი ღვაწლისგან, თუ ვინმე ამ ღვაწლის შემდეგ თავისი გამოუცდელიობის გამო წვალებას შეუდგა და ქრისტეს სხეულს განშორდა? ბევრი ვიცი, ვისაც ასე დაემართა. რას არგებს მაშინ კაცს მოთმინება? არაფერს, სწორედ ისე, როგორც უსარგებლოა მრთელი რწმენა გარყვნილი ცხოვრებისას. ამიტომ ის, ვინც სხვების მასწავლებლად არის დადგინებული, თავად ყველაზე უფრო გამოცდილი

უნდა იყოს ასეთ კამათებში. თუნდაც თვითონ არავეთარი საფრთხე არ ემუქრებოდეს და წინააღმდეგობაგან არა ენოს რა, მისი გამგებლობის ქვეშ მყოფმა უბრალო ადამიანებმა თუ დაინახეს, რომ მათი წინამძღვარი დამარცხდა და ვერაფერს უქასუხებს მოწინააღმდეგეს, ამაში ამ კაცის სისუსტეს კი არა, თვით სწავლების უძლურებას დაინახავენ. ამგვარად, ერთი კაცის გამოუცდლობის გამო მრავალი ადამიანი დაიღუპება. თუ მთლიანად მოწინააღმდეგის მხარეზე არ გადავლენ, ექვი მაინც შეეპარებათ იმაში, რაშიც ადრე დარწმუნებულნი იყვნენ. მოძღვრის დამარცხება მათ სულელებში ისეთ ქარიშხალს იწვევს, რომ უბედურება ხომალდის დაღუპვით მთავრდება. თუ როგორი წარწყმედა და ცეცხლი დაატყდება თვით უბედურ მოძღვარს თვითთული დაღუპული სულისთვის, ამაზე აღარაფერს ვიტყვი — შენც კარგად იცი. მაშ სიამაყის ბრალია თუ ცუდმედიდობის, ამდენი ხალხის დაღუპვის მიზეზად გახდომა რომ არ მსურს და არც ის მინდა, საკუთარ თავს იმაზე მეტი სასჯელი დავატებო, რაც იქ მომელის? ვინ გამამტყუნებს? არავინ, თუკი რა თქმა უნდა, ვინმემ განზრახ არ ისურვა ჩემი ამაოდ გაკიცხვა და სხვისი უბედურების ქამს მსჯელობებით გართობა.

### სიტყვა მეხუთე

1. თუ რა გამოცდილი უნდა იყოს ჰეშმარიტებისათვის ბრძოლაში მოძღვარი, ამაზე უკვე საკმარისად ვილაპარაკე. ახლა ორიოდ სიტყვის თქმა იმ საგანზეც მინდა, რომელიც მრავალი ხიფათის მიზეზად იქცევა ხოლმე. უფრო სწორად, დამნაშავე ეს საგანი კი არა, ისინი არიან, ვინც არ იცის მისი კეთილად გამოყენება, თვითონ მას კი მრავალი სიკეთის მოტანა შეუძლია, თუ საქმეს თავიანი და მოშურნე კაცი მოჰკიდებს ხელს. რა საქმეა ეს? ესაა დიდი ღვაწლი საკრებულოებში ხალხის წინაშე საუბრისა. ჯერ ერთი, სამწყსოს უმეტესად არ სურს მოსაუბრეს ისე შეხედოს, როგორც მოძღვარს, მოწაფის მდგომარეობაზე მალლა დგება და საერო სანახაობაზე მოსულის როლს აზრებს. როგორც სანახაობებზე იყოფიან ჯგუფებად და ერთნი ერთის მხარეს იჭერენ, მეორენი კი მეორისას,

აქაც სწორედ იგივე ხდება, როგორადაც არიან განწყობილნი მოსაუბრის მიმართ, იმის მიხედვით ისმენენ. სიძნელე მარტო ეს კი არა, სხვაცაა. თუ რომელიმე მოსაუბრემ თავის სიტყვებს სხვისი აზრიც მიუმატა, უფრო მეტ საყვედურს იმსახურებს, ვიდრე სხვისი ქონების მიმტაცებელი; ხშირად ნამდვილად რომ არავის არაფერს დასესხებია, მასზედაც კი უჩნდებათ ასეთი ეჭვი. რაღა სხვის ნააზრევზე ვლაპარაკობ? ხშირად კაცი საკუთარსაც ვერ იყენებს. ადამიანები უმეტესად სარგებლობის კი არა, სიამოვნების მისაღებად უსმენენ მოძღვარს, თავი ტრაგიკოსების ან კითარისტების წარმოდგენაზე ჰგონიათ, ჩვენს მიერ ზედმეტად მიჩნეული კაზმულსიტყვაობა კი მათთან ისევე ფასობს, როგორც სოფისტებთან.

2. ამგვარად, აქაც ჩვენნაირ უძლურს რომ ბევრად აღემატება, ისეთი, სულით ძლიერი კაცია საჭირო, მან უნდა შეძლოს ხალხის არიდება უჯერო და უსარგებლო სიამოვნებას, უნდა მიაჩვიოს სასარგებლო საუბრის მოსმენას, და თვითონ კი არ უნდა გახდეს ხალხის გულისთქმათა სათამაშო, არამედ უნდა გაუძღვეს და დაიმორჩილოს იგი. ამას მხოლოდ ორი რამით თუ მიაღწევს კაცი: ქების უგულვებელყოფით და სიტყვის ძალით. ერთი მათგანიც რომ აკლდეს, უმისოდ მეორეც უსარგებლო იქნება. თუ მისი მოძღვრება, ვინც ქება მოიძულა, არ არის „მაღლითა ვითარცა მარილითა შეზავებულ“ (კოლ. 4, 6), ასეთი კაცი კარგავს ხალხის პატივისცემას და არას არგებს თავისი დიდსულოვნება. თუ ამ მხრივ ყველაფერი რიგზეა, მაგრამ ტაშა და დიდებას ეტრფის, ხალხსაც და საკუთარ თავსაც საკმაო ვნებას მოუტანს, რადგან ქება-დიდების სიყვარულით შეპყრობილი ეცდება მსმენელის საამებლად ილაპარაკოს და არა სულის სარგოდ. ვთქვათ, პირველი არ არის ქების სიყვარულით შეპყრობილი და არც კაცთმოთნეობის გამო იქმს რაიმეს, მაგრამ თუ ლაპარაკი არ შეუძლია, ვერც არგებს ხალხს, რადგანაც უმწეოა ქადაგების დროს. მეორეს კი, ქება-დიდება რომელსაც უყვარს, თუმცა შეუძლია სულის სარგო რამ უთხრას ხალხს, მაგრამ ტაშისცემას დახარბებული მხოლოდ იმას სთავაზობს, რაც მათ ყურთასმენას ეამება.

3. ამგვარად, კარგ მოძღვარს ეს ორივე სიკეთე უნდა გააჩნდეს, რათა ერთის უქონლობამ მეორეც არ განაქაროს. ვთქვათ,

ვინმე უზრუნველად მცხოვრებთ ამხილებს ხალხის წინაშე და ამ დროს აირია, წაიბორძიკა, გააწითლა სიტყვის სიმწირემ — მის ნათქვამს მყისვე დაეკარგება მნიშვნელობა. მხილებულნი მასზე შურს იმით იძიებენ, რომ სასაცილოდ აიგდებენ უმწეო მკვევრმეტყველებისთვის და ამით საკუთარი ნაკლის მიჩქმალვას შეეცდებიან. ამიტომ მოძღვარი კარგი მეეტლესავით უნდა იყოს დახელოვნებული ორივე საქმეში, რათა საჭიროებისამებრ გამოიყენოს ერთიცა და მეორეც. სრულიად უნაკლოს ყველანაირი უფლება ენიჭება ხელქვეითთა დასჯისა და განთავისუფლებისა, უამისოდ კი ასეთი ხელისუფლების მოპოვება ძნელია. სხვაფრივ, დიდსულოვნება მხოლოდ ქება-დიდების არად ჩაგდებას როდი გულისხმობს, ის სხვა საგნებზეც ვრცელდება, რათა სიკეთე ნაკლული კი არა, სრულყოფილი იყოს.

4. კიდევ რას უნდა ვეკრძალოდეთ? შურსა და სიძულვილს. მეტისმეტად არ უნდა გვეშინოდეს უსამართლო ბრალდებებისა (წინამძღვარს კი უსათუოდ მოელის განუსჯელი ყვედრება) და არც მთლად უნდა უგულებელვყოთ ისინი, თუნდაც ცრუ იყოს ეს ბრალდებები, თუნდაც ცუდი ადამიანებისგან წამოსული, მაშინათვე უნდა ვცადოთ მათი ჩახშობა. ვინმეს შესახებ კარგი ან ცუდი აზრის არსებობას ყველაზე მეტად განუსჯელი ხალხი უწყობს ხელს, მას წესად აქვს დაუფიქრებელი მოსმენა და ლაპარაკი, განურჩევლად იმეორებს ყველაფერს და ქეშმარიტება სულ არ ანალღვლებს. ამიტომ არ უნდა უგულებელვყოთ ხალხი, ცუდი ეჭვები აღმოცენებისთანავე უნდა დავთრგუნოთ, და თუნდაც ჩვენი მაბრალობლები ყველაზე უფრო უგუნური ადამიანები იყვნენ, მაინც უნდა შევეძლოთ მათი დარწმუნება. არაფერი უნდა გამოგვრჩეს ისეთი, რასაც უკუღმართი აზრის გაქარწყლება შეუძლია. თუ ჩვენ ყველაფერს ვიღონებთ და მაბრალობლები მაინც არ მოეგებიან გონს, მაშინ კი მართლაც აღარაფერი დაგვრჩენია მათი უგულებელყოფის გარდა. ვისაც ამგვარი უსიამოვნებები სძლევს, ის ვერასოდეს იქმს რაიმე შესანიშნავსა და საქებას. სასოწარკვეთილებამ და განუწყვეტელმა მოუსვენრობამ კაცი შეიძლება გატეხოს, არაქათი გამოაცალოს. მღვდელი, როგორც მამა თავის მცირეწლოვან შვილებს, ისე უნდა ექცეოდეს სამ-

წყსოს წევრებს. პატარების წყენა, ტირილი და მათგან მოყენებული შეურაცხყოფა ჩვენში სიძულვილს არ იწვევს, დიდად არც მათი აღერსი გვალელებს. მღვდლებიც, ამის მსგავსად, არც ქებამ და არც უსამართლო კიცხვამ არ უნდა შეაშფოთოს. ძნელია ეს, ძნელი და ვფიქრობ, შეუძლებელიც. არ ვიცი, ყოფილა კი ოდესმე ქვეყნად მოკვდავთაგანი, ვისაც სმენია თავისი ქება და არ გახარებია. და ვისაც ეს უხარია, იმას, რა თქმა უნდა, ენატრება კიდევ ქების გაგონება და უსათუოდ სძლევს სევდა და სასოწარკვეთა, ნაღველი და მოწყინება დაეუფლება, როცა ქება მოაკლდება. მდიდრები, ვიდრე ქონება აქვთ, მოლხენით არიან, გაღარიბდებიან და ბედს უჩივიან, ფუფუნებას მიჩვეულნი სილატაკეს ვერ ეგუებიან. ქებას დახარბებულნიც ასე არიან; მათ ერთგვარი სულიერი შიმშილი მხოლოდ მაშინ კი არ სტანჯავთ, როცა კიცხავენ, არამედ მაშინაც, თუ იშვიათად აქებენ, ანდა თუ ყური მოჰკრეს სხვების ქებას. როგორ ფიქრობ, რამდენი შრომისა და უსიამოვნების გადატანა მოუწევს ასეთი ვნებით შეპყრობილ ადამიანს, რომელიც სწავლების ღვაწლს შესდგომია? შეუძლებელია, ზღვა ხანდახან მაინც არ აღელდეს, და ასეთი კაცის სული ზრუნვამ და მწუხარებამ რომ არ აამღვრიოს, ესეც შეუძლებელია.

5. ვისაც სიტყვის ძალა აქვს მინიჭებული (ასეთი კი ცოტაა), იმასაც კი განუწყვეტელი შრომა მართებს. კაცს სიტყვის ძალა დაბადებიდან როდი დაჰყვება, იგი სწავლის შედეგია, და თუ მუდმივი მეცადინეობით და გულმოდგინებით არ იხვეწება, ამ ხელოვნებამ უდიდეს სრულქმნილებასაც რომ მიაღწიოს, მაინც შეიძლება განქარდეს. ამგვარად, ფრიად განსწავლულნი უფრო მეტადაც უნდა შრომობდნენ, ვიდრე ნაკლებად განათლებულნი, რადგან მათ უღებებას სხვადასხვა შედეგი მოჰყვება — განსწავლულთა უღებება გაცილებით საზიანოა. უმეცართ არავინ გაკიცხავს, თუ განსაკუთრებულს ვერაფერს იტყვიან, მჭევრმეტყველებით განთქმულნი კი დიდ ყვედრებას იმსახურებენ, თუ ყოველთვის მათზე გავრცელებული აზრის შესაფერისად ვერ ილაპარაკეს. თანაც პირველ უბრალო წარმატებისთვისაც შეიძლება დიდი ქება ხვდეთ წილად, განსწავლულნი კი, თუ ვერ შეძლეს თავიანთი სიტყვებით ხალხის შეძვრა და გაოცება, ქებას კი არა, გაკიცხვას დაიმსახურებენ.



ხალხი სიტყვას შინაარსის კი არა, მქადაგებელზე არსებული აზრის მიხედვით აფასებს. ამიტომ კარგი მქვევრმეტყველი ყველაზე გულმოდგინედაც უნდა შრომობდეს. ის თავს ვერ იმართლებს კაცთა ბუნების საერთო ნაკლით, ყველაფრის ცოდნა და მოსწრება შეუძლებელიაო, და თუ მისი საუბრები არ შეეფერება მასზე არსებულ მაღალ აზრს, უმაღლეს ხალხის გაკიცხვასა და დაცინვას დაიძახებებს. იმას არავინ ფიქრობს, რომ უეცრად მოსული სასოწარკვეთილება, შფოთვა, ზრუნვა და ხშირად მრისხანება გონებას უბნელებს ადამიანს, სიცხადეს აკლებს მის სიტყვებს. და საერთოდაც, კაცი ხომ ვერ იქნება ყოველთვის ერთნაირი, და ყველაფერსაც ხომ ვერ მოასწრებს, ხანდახან ისიც ბუნებრივია, რომ შესცოდოს, საკუთარ თავზე სუსტიც აღმოჩნდეს. ეს, როგორც გითხარი, ნაკლებად ანადვლებთ, ადანაშაულებენ მქადაგებელს და ისე მსჯელობენ მასზე, როგორც ანგელოსზე. და საერთოდ, ასეთია ადამიანი: მოყვასის დიდსა და მრავალრიცხოვან სათნოებებს არაფრად აგდებს, ხოლო როგორც კი რაიმე თუნდაც უმნიშვნელო, როდის-როდის მომხდარი შეცდომა გამეღვენდება, იმას მაშინვე გამოჩხრეკს, მყისვე მოექიდება და აღარ ივიწყებს. სწორედ ამ მცირესა და უმნიშვნელოს ხშირად დაუჩრდილავს მრავალი დიდი კაცის სახელი.

6. ხომ ხედავ, ჩემო კეთილო და საკვირველო კაცო, სიტყვით ძლიერს რომ განსაკუთრებული გულმოდგინებაც უნდა ჰქონდეს და ამასთან ერთად ისეთი მოთმინება, რომელიც სულაც არ ესაჭიროება ჩემს მიერ ადრე მოხსენიებულებს. მრავალნი შეაიწრებენ მას უბრალოდ და უმიზეზოდ, თუმცა არ გააჩნიათ რაიმე ხელჩასაჭიდი, მაგრამ იმისთვის ემტერებიან, ყველა პატივს რომ სცემს. მხნედ უნდა მოვითმინოთ მათი ბილწი სიძულვილი. ისინი არც კი ცდილობენ წყეული, უმიზეზო სიძულვილის მალვას, აგინებენ და კიცხავენ ადამიანს, არც ფარულ ცილისწამებას თაკილობენ და არც აშკარა მტრობას. თუ სული ყოველი ასეთი უსიამოვნებისთანავე წუხილსა და მრისხანებას მიეცემა, ვერაფრით შეინარჩუნებს სიმხნევებს და სევდა მოაუძღურებს. შეუტაცხმყოფელნი მარტო თვითონ როდი ებრძვიან ღირსეულს, არამედ ცდილობენ სხვისი ხელითაც იმოქმედონ, ვინმე ისეთს ამოირჩევენ, სიტყვის თქმაც

რომ არ შეუძლია, ქება-დიდებით აავსებენ და ისეთ სათნოებებს მიაწერენ, სულ რომ არ გააჩნია. ზოგი ამას უგნურებით სჩადის, ზოგი კილევ უმეცრებისა და შურის გამო, უღირსის განსადიდებლად კი არა, ღირსეულის დასამცირებლად. მხნე კაცს მხოლოდ მათთან როდი უხდება ბრძოლა, არამედ ხშირად მთელი ხალხის უმეცრებასთანაც. შეუძლებელია, ყველა მსმენელი განათლებული იყოს, ხშირად კრებულის უმეტესობა უბირი ხალხია, დანარჩენები მათ კი აღმატებიან, მაგრამ მაღალი მჭევრმეტყველების ცოდნისაგან მაინც შორს არიან, და ერთი-ორი კაცი თუ მოიძებნება ისეთი, ეს ცოდნა რომ გააჩნდეს. ამიტომ ხდება, კარგ მჭევრმეტყველს რომ ნაკლებ ტაშს უკრავენ, ხანდახან საერთოდ არც არავინ აქებს. მხნედ უნდა დავუხვდეთ ასეთ უსამართლობას, თუ უმეცრებით მოსდით, მივუტევოთ, თუ შურის გამო იქცევიან ასე, დავიტიროთ, ვითარცა საბრალონი და ბედშავნი, და გვწამდეს, რომ ჩვენს ძალას ვერც ერთი დააკლებს რამეს, ვერც მეორე. კარგი მხატვარი, თავისი ხელოვნებით სხვებზე აღმატებული, როცა დაინახავს, რომ მხატვრობაში სრულიად გაურკვეველი ადამიანები მის მიერ დიდი გულმოდგინებით დახატულ სურათს სასაცილოდ იგდებენ, სულით არ უნდა დაეცეს და არ უნდა იფიქროს, სურათი მართლა ცუდიაო, და არც უვარგისი სურათი უნდა მიიჩნიოს გასაოცრად და შესანიშნავად მხოლოდ იმიტომ, რომ იგი ძალიან მოსწონთ უმეცართ.

7. კარგი მხატვარი თვითონ უნდა იყოს თავის ქმნილებათა მსაჯული, მათ მხოლოდ მაშინ შეიძლება ეწოდოს კარგი ან ცუდი, როცა თავად შემოქმედის გონება გამოუტანს ამ ქმნილებებს ამა თუ იმ მსჯავრს; უცხოთა უმართებულო და მცდარ აზრზე ფიქრიც კი არ ღირს. ასევე უნდა იქცეოდეს მოძღვრობის ღვაწლს შედგომილი: არ უნდა უგდებდეს ყურს ქებას, და არც მისმა მოკლებამ უნდა დაალონოს, თავისი სწავლებანი ისე უნდა შეადგინოს, რომ ღმერთს სათნო-ეყოს (ეს უნდა იყოს მისი წესი და ერთადერთი მიზანი სწავლებისა, და არა ტაში და ქება-დიდება), თუკი ადამიანები ქებას ასხამენ, ნუ უარყოფს მას, თუ არა და ნუ ეძებს და ნუ მისტირის, რადგან საკმარისი და საუკეთესო ნუგეშისცემა ამ შრომისთვის ის იქნება,

თუ მოძღვარი იგრძნობს, რომ თავის სწავლებას ღვთის სათნოდ წარმართავს.

8. მართლაც, ის, ვინც განუსჯელ ქება-დიდებას ეტრფის, ვერავითარ სარგებელს ვერ მიიღებს ვერც მრავალი ღვაწლის, ვერც სიტყვის ძალის შედეგად, რადგან ხალხის უგუნური კიცხვის ვერ-დამთმენი სული სიმხნევეს კარგავს და სიტყვის დახვეწის ხალისი უქრება. ამიტომაც ყველაზე მეტად უნდა ვეცადოთ მოვიძულოთ ქება-დიდება, უამისოდ შეუძლებელია სიტყვის ძალის შენარჩუნება. და იმ კაცსაც კი, რომელსაც სრულიად არ გააჩნია ძალა სიტყვისა, არანაკლებ ესაჭიროება ქების მოძულება, რადგან ხალხისგან თუ ქებას ვერ ეღიროსა, უსათუოდ ჩავარდება მრავალ ცოდვაში. მკვერმეტყველებით განთქმულთ რომ ვერ გაუტოლდება, ველარ გადაურჩება მათდამი მტრობას, შურს, ამო ყვედრებას და სხვა უმსგავს ვნებებს, და ყველაფერს იკადრებს, სულსაც კი წაიწყმედს, ოღონდაც მოიპოვოს დიდება კაცთაგან. გარდა ამისა, საკმარისი გულმოდგინებითაც ველარ შეუდგება ამ ღვაწლს, რადგან სულს ერთგვარი უძღურება შეიპყრობს. დიდი შრომის გაწევამ და ამის წილ მცირე ქების მიღებამ შეიძლება მართლაც მოქანცოს და დააძაბუნოს კაცი, რომელსაც ჭერაც არ მოუძულეობია ქება. მიწათმოქმედი, როცა იძულებულია ქვიანი და უნაყოფო მიწა დაამუშაოს, მალე დაანებებს თავს საქმეს, თუ შრომა ძალიან არ უყვარს და შიმშილისა არ ეშინია. თუ ისინი, რომელთაც დიდი ძალა აქვთ სიტყვისა, მაინც განუწყვეტლივ უნდა მეცადინეობდნენ ამ ძალის შესანარჩუნებლად, მამ რალა ითქმის წინასწარ მოუმზადებელ კაცზე, რომელმაც ამაზე სიტყვის წარმოთქმის დროს უნდა იფიქროს? რა სიძნელები, რამდენი უსიამოვნება და შფოთვა უნდა დაითმინოს ამ დროს, მცირე წარმატება მაინც რომ მოიპოვოს. და თუ ვინმე ისეთმა მოიხვეჭა ამ საქმეში სახელი, ვინც მის შემდეგ აირჩიეს ანდა მასზე უფრო დაბალი ხარისხი აქვს, მაშინ ხომ ღვთაებრივი სული უნდა ჰქონდეს, სიძულვილმა და ურვამ რომ არ შეიპყროს. როცა კაცი უფრო მაღალ ხარისხშია და მასზე დაბლა მდგომი რაღაცით აღემატება, ამის მხნედ გადატანა ჩვეულებრივ სულს (და არც ჩემს სულს) არ ძალუძს — ეს ანდამატის სიმტკიცის კაცთა თვისებაა. ეს უსიამოვნება კიდევ ასა-

ტანია, როცა მჭობნი თავმდაბალი და მოკრძალებული ადამიანია, მაგრამ თუ იგი კადნიერიცაა, ამაყიც და პატივმოყვარეც, მაშინ პირველს ყოველდღე სიკვდილს ანატრებიწებს, ისე გაუმწარებს სიცოცხლეს; ამას აშკარა ქედმაღლობითაც მიაღწევს და ფარული დაცინვითაც, თანდათან ჩამოართმევს ხელისუფლებას, შეეცდება ყველა სფეროში შეავიწროოს და ყოველთვის ექნება მტკიცე დასაყრდენი, რადგან სიტყვაც უჭირს, ხალხიც კეთილადაა მისდამი განწყობილი და სამწყსოც მის მხარეზეა. განა არ იცი, რომ ქრისტიანებს მკვერმეტყველების მიმართ დიდი სიყვარული გაეღვიძათ, და რომ მკვერმეტყველნი დიდ პატივში არიან არა მხოლოდ წარმართებთან, არამედ „სახლეულთა მათ მიმართ სარწმუნოებისათა“ (გალ. 6, 10). ვინ გადაიტანს სირცხვილს, როცა მისი ლაპარაკის დროს ყველა ღუმს, ყველას უმძიმს მოსმენა, სიტყვის დამთავრებას ისე მოელიან, როგორც დასვენებას, მეორეს კი, ძალიანაც რომ გაუგრძელდეს სიტყვა, მოთმინებით უსმენენ, წუხან, როცა ის ოდნავ შეყოვნდება და მრისხანება იპყრობთ, როცა ის გაიუმეებას დააპირებს?

ყოველივე ამას შენ ახლა გამოუცდელივით უმნიშვნელოდ მიიჩნევ, მაგრამ ამან შეიძლება გულმოდგინება ჩაუკლას და სულის სიმხნევე დაუკარგოს კაცს, და ამ საფრთხეს მხოლოდ მაშინ გადაურჩება, თუ თავისუფალია ყველა ადამიანურ ვნებათაგან, თუ ესწრაფვის დაემსგავსოს უხორცო ძალებს, რომლებიც არც შურს ემონებიან, არც დიდებისმოყვარებას, არც რაიმე სხვა სისუსტეს. თუკი მოიძებნება ისეთი ადამიანი, ვინც დათრგუნავს ამ მოუხელთებელ, დაუძლეველ და მძვინვარე მხეცს ანუ ხალხის ქება-დიდებას, და მას მრავალრიცხოვან თავებს დააყრვეინებს, ან უფრო უკეთ, ვინც ძირშივე ჩაახშობს ამ ბოროტებას, ის შეძლებს ყველა თავდასხმის მოგერიებას და თვითონ ისეთივე უვნებელი დარჩება, როგორც მყუდრო ნავსაყუდელში მყოფი, ხოლო ვისაც დიდებისმოყვარებისთვის თავი ჯერაც ვერ დაულწევია, იგი სულს იმძიმებს მრავალგვარი ბრძოლით, განუწყვეტელი შფოთით, ურვითა და ბევრი სხვა ვნებით. ბევრი სხვა სიძნელეც არსებობს ისეთი, რაზედაც ის, ვინაც სინამდვილეში არ გამოუცდია ისინი, ვერ ილაპარაკებს.

## სიტყვა შექვსე

რაც გითხარი, ეგ ყველაფერი აქ, ამ სოფელში მოგველის, მაგრამ როგორი ასატანი უნდა იყოს ყოფა იქ, სადაც პასუხს ყველაზე, ვინც კი მოგვანდეს, სათითაოდ გვაგებინებენ? იქ ხომ სირცხვილით არ შემოიფარგლება სასჯელი, მარადიული სატანჯველი გველის. „დაემორჩილენით წინამძღუართა თქუენტა და ერჩლით მათ, რამეთუ იგინი იღვიძებენ სულთა თქუენტათვის, ვითარცა იგი სიტყუაჲ მისცენ“ (ებრ. 3, 17). უწინაც მითქვამს, არც ახლა დაედუმდები. სულს მიძრწუნებს მაგ მუქარის შიში. და თუკი მავანმა, რომელმაც აცდუნა მხოლოდ ერთი მცირედთაგანი და „უმჯობეს არს მისა, და-მო-თუ-იკიდოს წისქვილი ვირით საფქველი ქედსა და დაინთქას იგი უფსკრულსა ზღვისასა“; და ყოველნი, რომელნი ჰგუემენ ძმათა უძღურ გონებას, ამით ქრისტეს წინაშე სცოდავენ (მთ. 18, 6; 1 კორ. 8, 12), მაშინ რა სასჯელი დაედებათ, რა მოვლით იმათ, რომელთაც ერთი, ორი და სამი კი არა, უამრავი კაცის სული დალუბეს? გამოუცდებლობით მათი გამართლება არ იქნება, არცოდნასაც ვერ მოიმიზეზებენ, არც ასეთი მობოდიშება უშველით: გამოუვალ მდგომარეობაში აღმოვჩნდით, იძულებულნი ვიყავითო. ასეთნაირი თავის მართლება, რომც იყოს შესაძლებელი, ეს უმალ ქვეშევრდომს შეჭფერის საკუთარი ცოდვების თავის მართლებისას, ვიდრე წინამძღვარს სხვისი ცოდვების გასამართლებლად. რატომ? რატომ და მავანთა უღებების გამოსწორებისა და ბოროტთან მომავალი ბრძოლის დროულად ცნობისათვის დადგინებული ველარ იმართლებს თავს უცოდინრობით და ვერ იტყვის: საყვირის ხმა არ გამიგია, ომის დაწყების ჟამი გამომეპარაო. იგი, ეზეკიელი ამბობს, იმისთვისაა სწორედ დადგინებული, რომ თავად ჩაჰბეროს სხვების გასაგონად საყვირს და ამცნოს მათ მომავალი უბედურება. რატომ ელის კაცს, თუნდაც ერთი ადამიანის დალუბვის შემთხვევაშიაც, გარდუვალი სასჯელი „—და ებგურმან უკეთუ იხილოს მახული მომავალი და არა საყურ-სცეს საყურსა და არ დაუნიშნოს ერსა, და ერმან არა დაცვა-ყოს და ზედამოსრულმან მახულმან მიიღოს მათგან სული, იგი უკუე ცოდვისათვს თავისა თვისისა მიღებულ იქმნა, ხოლო სისხლი მისი ხელისაგან ებგუ-

რისა გამოვიძიო“ (ეზ. 33, 6): ნულარ მითრევ ესოდენ განულ-ტოლველ პასუხისმგებლობაში. ჩვენ ხომ ჯარის წინამძღოლო-ბასა და მიწიერ მეუფებაზე არა გვაქვს საუბარი, არამედ საქ-მეზე, რომელიც ანგელოზებრივი სათნოების მქონეს თუ ძა-ლუძს.

2. მზის სხივზე წმიდა სული უნდა ჰქონდეს მოძღვარს, წა-მითაც რომ არ მიატოვოს სული წმიდამ, იმის თქმა რომ შეძ-ლოს: „ხოლო ცხოველ არღარა მე ვარ, არამედ ცხოველ არს ჩემთანა ქრისტე“ (გალ. 2, 20). თუკი უდაბნოში მცხოვრებთ ქალაქის, ბაზრისა და იქაურ ხმაურს განშორებულთ გამუდმე-ბით, როგორაც ნავსაყუდელში, ისე მიუციათ თავი მყუდროე-ბისათვის და ესეც კი არ უკმარიათ საკუთარი ცხოვრების უსაფრთხოებისათვის, ამიტომაც უამრავ სხვა კრძალვის საშუ-ალეებებს მისცემიან და ყოველმხრივ მოუზღუდავთ თავი, უდი-დესი სიფრთხილით ცდილან ყველაფრის ლაპარაკს და კეთე-ბას, რათა სასოებითა და ჭეშმარიტი სინდისით, რამდენადაც შესწევს კაცს ამის უნარი, შესძლონ მიახლება უფლისა, რო-გორ გგონია, რა ძალა და სიმტკიცე უნდა ჰქონდეს სულიერ მოძღვარს, რათა დაიცვას სული ყოველგვარი არაწმიდებისა-გან და დაუზიანებლად შეინარჩუნოს მშვენიება თავისი სული-სა? მას გაცილებით მეტი ყურადღება მოეთხოვება, ვიდრე იმათ, მონაზვნებს და ვისაც დიდი სიწმიდე სჭირდება, იგი უფ-რო მეტად აღმოჩნდება ხოლმე შესვარვის საფრთხის წინაშე, თუკი მთელი ძალისხმევითა და გამუდმებული მღვიძარებით არ გახადა სული თვისი ამ საქმეთაგან შეუვალი.

მშვენიებას პირსახისას, საამო მიხერა-მოხვრას, გამართულ სიარულს, სინაზეს ხმისას, ლაწვთა და თვალთა შეფერვას, გრუზა თმის ნაწნავს, სურნელს მისას, სამოსს ძვირფასს, ნაირ-ნაირ ოქროს სამკაულს, სილამაზეს ძვირფასი თვლებისას, ნელსაცხებელთა კეთილსურნელებას და ყოველივე იმას, რა-საც ასე მიელტვის მდებრთა სქესი, ძალუძს სულის შემფო-თება, თუკი მტკიცე უმანკოებით არ იქნა სული დაცული. ისე კი, ყოველივე ეს რომ შფოთვას იწვევს, სულ არაა გასაკვირი. მაგრამ ეშმაკს რომ სულის მოწყვლა და ვნება ამით კი არა, ამის საწინააღმდეგოთიც კი ძალუძს, ესაა საოცრად გაუგება-რი და გასაკვირი. ზოგი; ამ მახეს თავდალწეული, სრულიად

განსხვავებულ, სხვა ბაღეში აღმოჩნდა. შეუხედავი პირ-სახე, მოუვლელი თმა, ქუჩუყიანი ტანსაცმელი, ულაზათო გარეგნობა, უხეში სიტყვა-პასუხი, გაუმართავი ლაპარაკი, მოუხეშავი სიარული, უსიამო ხმა, გაჭირვებული ყოფა, შეურაცხი შესახედაობა, მიუსაფრობა და სიმარტოვე — ყოველივე ეს თავიდან სიბრალულს აღძრავს კაცში, შემდეგ კი საბოლოოდ ღუპავს კიდევ მას.

3. ბევრნი ოქროს ნივთებს, ნელსაცხებლებს, ტანსაცმელსა და სხვა ამგვარ ბაღეებს გაქცეულნი, რაც უკვე ვთქვი, ამათგან განსხვავებულ სხვა მახეებში ადვილად გაბმულან და დაღუპულან. თუკი კაცის სულს ბრძოლისა და ყოველმხრივი განსაცდელის მიზეზი უხდება სილატაკეცა და სიმდიდრეც, სილამაზეცა და უბრალო გარეგნობაც, ზრდილიცა და უხეში სიტყვა-პასუხიც, და საერთოდ ყველაფერი, რაც კი ჩამოვთვალე, მაშინ რამ უნდა დაამშვიდოს უამრავ ბაღეთა შორის მყოფი? სად ჰპოვოს თავშესაფარი, იმაზე არაფერს ვამბობ, ძალით რომ დაუპიროს ვინმემ ცდუნება (ამისაგან თავის დაღწევა არც ისე ძნელია), რომ გადაარჩინოს სული თვისი არაწმიდა გულისთქმათაგან აღძრულ შფოთვის? პატივზე, უამრავი ჭირის მიზეზზე არაფერს ვამბობ. უმანკოების დამარხვით მდებრთაგან მონიჭებული პატივის ზემოქმედება ერთგვარად სუსტდება, მაგრამ მათ ხშირად დაუმარცხებიათ კაცი, რომელსაც ჭერაც ვერ უსწავლია გამუდმებული მღვიძარება ასეთ მზაკვრობათა წინააღმდეგ; ხოლო მამაკაცთაგან მონიჭებულ პატივს თუ ვინმე დიდი გულგრილებით არ მოეკიდა, მას ორი ურთიერთსაწინააღმდეგო ვნება — მონური კაცთმოთნეობა და უგუნური მზვაობრობა დაეუფლება. ერთის მხრივ, ის იქნება მაქებელთა წინაშე იძულებით დამცირებული, მეორეს მხრივ კი, ამ ხალხისაგან მიღებული პატივით გამედიდურებული მდაბიოთა წინაშე. ასე მიექანება იგი უგუნურების უფსკრულს. ამის შესახებ უკვე ვილაპარაკეთ და რა ვნებაა ამისგან მოსალოდნელი, საკუთარი გამოცდილების გარეშე, კარგად ამას ვერაფერს გაიგებს. და არა მარტო ეს, ბევრი სხვა გარდუვალი ხიფათიც ელის ხალხში მყოფს. ჰოდა, ყოველივე ამისაგან უდაბნოს მოყვარული თავისუფალია, თუკი რომელიმე ცოდვილი გულისთქმის აყოლით რაიმე მსგავსი წარმოიდგინა, ეს წარმოდგენა სუსტია ხოლმე

და ადვილადაც ქრება, რადგან გაჩენილ ალს თვალი ვერ კვებავს გარედან. მონაზონი მხოლოდ საკუთარ თავზე აგებს პასუხს და თუ მაინც უწევს ვინმეზე ზრუნვა, მცირეა მათი რიცხვი. და თუნდაც მრავალი იყოს, (თუმცაღა, როგორც წესი, ისინი გაცილებით ცოტანი არიან ეკლესიის მრევლთან შედარებით;) მათზე ზრუნვა წინამძღვარს მაინც გაცილებით უადვილდება არა მარტო რიცხოზობრივი სიმცირის გამო, არამედ იმიტომაც, რომ ყოველივე ამსოფლიურისაგან თავისუფალნი არიან, მათ არც შვილზე უწევთ ზრუნვა, არც ცოლზე. წინამძღვრის სრულ მორჩილებაში იმყოფებიან, მოსახერხებელი ხდება საერთო საცხოვრებელში ყოფნა, სადაც შესაძლებელია ყველა ცოდვის შემჩნევა, გამოძიება და გამოსწორება. სათნობათა მოპოვებას ცოტათი როდი უწყობს ხელს წინამძღვართა ასეთი გამუდმებული თვალყური.

4. მღვდელთა უმეტესი ნაწილი, ამათგან განსხვავებით, ამსოფლიური საზრუნავითაა შეიწროებული, ამის გამო სულიერი ცხოვრების საქმეთა წარმართვისათვის ისინი ნაკლებად არიან განწყობილნი. ამიტომ მოძღვარმა, რომ იტყვიან, უნდა დღენიდაც სიტყვა თესოს, რათა, სხვა თუ არაფერი, განუწყვეტელი დამოძღვრით მაინც განმტკიცდეს მსმენელში სწავლება. გარდარეული სიმდიდრე, დიდი უფლებამოსილება, ფუფუნებისაგან შობილი უზრუნველობა და ბევრი სხვაც, აშთობს ნათესს; ზშირად კი ისეა სარეველა მოდებული, რომ თესლს ზედაპირამდეც ვერ მიულწევიან. მეორეს მხრივ, უზომო მკმუნვარება, სიღარიბეს მოყოლილი გაჭირვება, განუწყვეტელი წუხილიცა და სხვაც, ზემოჩამოთვლილის საწინააღმდეგო, უშლის ხელს ღვთაებრივ საგნებზე დაფიქრებას. და რაც ცოდვებს შეეხება, მოძღვრისათვის მათი მცირე ნაწილიც კი არ იქნება ცნობილი ან რანაირად ეცოდინება, რომ მრევლის უმეტესობას სახეზეც ვერ ცნობს? ხალხთან დაკავშირებული მისი ვალდებულებები ასეთ მოუხერხებელ პირობებთანაა გადაწნული. და თუკი ვინმე დაეპირება მისი ვალდებულების ღვთის წინაშე გამოკვლევას, ნახავს, რომ ის (მონაზონის) ვალდებულებები, ამასთან შედარებით არაფერია; იმდენად დიდსა და მოსწრაფე გულმოდგინებას მოითხოვს ეს უკანასკნელი.

ის, ღმერთს რომ მთელი ქალაქის, ქალაქი რამ მათქმევიანა,



მთელი მსოფლიოს ცოცხალთა და მიძინებულთა ცოდვების შენდობას ევედრება, თავად როგორი უნდა იყოს? ჩემი აზრით, ამ ლოცვისათვის მოსესა და ილიას კანდიერებაც არაა საკმარისი. იგი ისე შეუვრდება უფალს, თითქოს მამაა ყოველთა, თითქოს მას მიანდესო ყოველი სოფელი, ისე სთხოვს და ევედრება იგი ყველასათვის ომებისა და ამბოხებების შეწყვეტას, მშვიდობასა და კეთილდღეობას, ყოველგვარი მიძიმე განსაცდელის ჟამს, კერძო იქნება ეს თუ საყოველთაო, მსწრაფლ შემწეობას. ამიტომ ყველას, ვისზედაც ლოცულობს, ისე უნდა აღმატებოდეს ყველაფერში, როგორაც წინამძღოლი — თავის მფარველობის ქვეშ მყოფთ. და როცა მოუხმობს სული წმიდას, აღასრულებს საშინელ მსხვერპლშეწირვას და ხშირად მიეახლება კიდევ ყოველთა მეუფეს, მითხარი ერთი, ვის გვერდით დავაყენოთ ეს კაცი, როგორი სიწმიდე და ღვთისმოშიშება უნდა მოვთხოვოთ მას? აბა, დაფიქრდი, რა ხელებმა უნდა აღასრულონ ასეთი მსახურება, რა ენამ უნდა წარმოსთქვას ასეთი სიტყვები, ვისზე (სულზე) სუფთა და ნათელი უნდა იყოს სული, მიმღებელი სული წმიდის ესოდენი მადლისა? ამ დროს ანგელოზები წარუდგებიან მღვდელს, გარს შემოერთების სამსხვერპლოს ზეციურ ძალთა მთელი კრებული და ღაღადებს მასზე მდებარეს საღიდებელად. ის მოქმედებებ, რაც მაშინ აღესრულება, საკმარისია ამის სარწმუნებლად.

ოდესღაც ასეთი ამბავი მოვისმინე ერთი კაცისაგან. ზუტესი ყოფილა ერთი, საოცარი კაცი, გამოცხადებების არა ერთხელ მხილველი, მას უამბნია, ერთხელ ასეთი ჩვენების ღირსი გავხდიო: სწორედ ღვთისმსახურების ჟამს უცებ დაუნახავს (რამდენადაც ეს მისთვის შესაძლებელი იყო), სიმრავლე ანგელოზთა, ნათლით ყოფილან მოსილნი, სამსხვერპლოს გარშემო, თავდახრილნი, ვითარცა მოლაშქრენი, მეფის წინაშე წარდგომილნი, ისე მდგარან. მე მკვრა ეს. გარდა ამისა, სხვა-მაც მიაჩნო, მავანისაგან მოსმენილი კი არა, არამედ თავად გამხდარა ღირსი იმის დანახვისა და გაგებისა, თუ რა ელის ამ სოფლიდან განსასვლელად მომზადებულს, თუკი ის შეუბღალავი სინდისით ეზიარა წმიდა საიდუმლოს: უკანასკნელი ამოსუნთქვისთანავე თურმე ანგელოზები შემოეხვევიან გარს, წაუძღვებიან აქედან მიმავალს. შენ კი ვერ მოგიტმენია და

გინდა ჩემს სულს ესოდენ მძიმე საქმე დააკისრო. ჭუჭყიან სამოსში მყოფს წმიდა საიდუმლოს და მღვდლის ღირსების მოწიკებას მიპირებ. ასეთნი კი ქრისტემ განაგდო თანამოსაუბრეთა საზოგადოებიდან. ისე უნდა ბრწყინავდეს მოძღვრის სული, ვითარცა სხივი, სოფლის მანათობელი. ჩემს სულს კი არაწმიდა სინდისის წყვედიადი აკრავს, იგი მუდმივად ამ ბნელშია ჩაძირული, არ ძალუძს, ოდესმე მაინც შეხედოს კანდიერებით მეუფეს თვისას. მღვდელი მარილია სოფლისა (მთ. 5, 13). შენ უზომოდ გიყვარვარ და შემეჩვიე, მაგრამ ჩემი უგნურება და გამოუცდელობა ყველაფერში შენს გარდა ვინ აიტანოს?

მღვდელი, რომელიც შეიქმნება ღირსი ასეთი დიდებული მსახურებისა, მხოლოდ სუფთა კი არა, ფრიად კეთილგონიერი და ბევრ რამეში გამოცდილიც უნდა იყოს, ერისკაცზე ნაკლებად როდი უნდა იცოდეს საერო ამბები, ამასთან, მთაში მცხოვრებ მონაზონზე უფრო მეტად უნდა იყოს ყველაფრისგან თავისუფალი. და რადგანაც მას უწევს ურთიერთობა კაცებთან, რომელთაც ჰყავთ ცოლები, ზრდიან შვილებს, განაგებენ მონებს, ფლობენ დიდ სიმდიდრეს, აღასრულებენ საზოგადო საქმეებს და მინიჭებული აქვთ ხელისუფლებაც, ამდენად იგი მრავალმხრივი კაციც უნდა იყოს, ვამბობ მრავალმხრივი-მეთქი, და არა ცრუ, მზაკვარი და პირფერი, არამედ აღსავსე უდიდესი თავისუფლებითა და გამბედაობით, თუმცა დათმობაც უნდა შეძლოს; მდგომარეობის მიხედვით თავმდაბალიც უნდა იყოს და მკაცრიც. ყველა ჭვეშევრდომთან ერთნაირი მოქცევა რა ივარგებს. განა ექიმმა ერთი წამალი უნდა იხმაროს ყველანაირი ავადმყოფის განკურნებისას, ან მენავისთვის ერთი ხერხის ცოდნა კმარა ქარებთან ბრძოლისას?

ეკლესიის ხომალდს გამუდმებული ქარები ააღელვებენ ხოლმე. ეს ქარები მხოლოდ გარედან როდი შემოიჭრებიან, არამედ შიგნითვე აღიძვრიან და ამიტომაც მოეთხოვება მღვდელს უდიდესი ყურადღება და გამბედაობა.

5. ყველა ეს მრავალმხრივი მოქმედება ერთი მიზნისაკენ, ღვთის დიდებისა და ეკლესიის აღშენებისაკენაა მიმართული. დიდია ღვაწლი და შრომა მონაზონისა. მაგრამ ეს შრომა ვინმემ რომ მოძღვრის კარგად წარმართულ შრომას შეუღალოს, იხელა განსხვავებას იპოვის მათში, რა განსხვავებაცაა მეფესა

და ჩვეულებრივ ერისკაცს შორის. თუმცა, მონაზონთ დიდი შრომა უწევთ, მაგრამ ამ ღვაწლში მონაწილეობს სულიც, სხეულიც, უკეთ რომ ვთქვათ, დიდი ნაწილი სხეულის მეშვეობით სრულდება, და თუ იგი არ იქნა მაგარი, გულმოდგინება გულმოდგინებად დარჩება, საქმედ არ იქცევა. ფიცხელ მარხვას, მიწაზე წოლას, მღვიძარებას, დაუბანლობას, მძიმე შრომასა და ასე შემდეგ, რაც სხეულის მოუძღვრებას ემსახურება, უნდა ანებოს თავი, თუკი სხეული არაა მაგარი და ვერ უძლებს განკაფვას. აქ კი წმიდა სულიერი მსახურებაა და ამ სათნოების გამოსავლენად სხეულის სიჯანსაღე არაა აუცილებელი. განა გვიხსნის სხეულის სიმაგრე სიამაყისა, მრისხანებისა და კადნიერებისაგან? ჩვენ ხომ მღვიძარენი, უმანკონი და თავმდაბალნი უნდა ვიყოთ, ხომ უნდა გავგაჩინდეს ყველა ის თვისება, რაც ნეტარმა პავლემ ჩამოთვალა ჩინებული მოძღვრის დახატვისას (1 ტიმ. 3, 2)?

იგივეს ვერ ვიტყვით მონაზონთა სათნოებების შესახებ. ხალხის წინაშე სანახაობების მომწყობთ ხომ სჭირდებათ თოკი, ბორბლები და ხმლები; სიბრძნისმოყვარეს კი მთელი თავისი მოღვაწეობა სულში აქვს გადატანილი და გარეგნული არაფერი სჭირდება. აქაც ასეა სწორედ. მონაზონს ჯანსაღი სხეული და შესაფერისი საცხოვრებელი სჭირდება, ისეთი, ძალიანაც რომ არ იყოს ხალხისაგან მოწყვეტილი და თან უღაბნოს სიმყუდროვეც გააჩნდეს, თანაც ჰაერის კეთილშეზავებულობაც არ მოაკლდეს, რადგან ისე არაფერი ვნებს მარხვისაგან მოუძღვრებულთ, როგორც კეთილშეზავებულობა ჰაერისა.

6. იმაზე აღარაფერს გეტყვი, თუ როგორ იჭირვიან მონაზონნი სამოსის შეძენაზე, გამოკვებაზე, ისინი ხომ თავად ზრუნავენ საკუთარ თავზე. მოძღვარს კი არ ადგას ეს გასაჭირი, უზრუნველად ცხოვრობს (სამწყსოში), იმ ურთიერთობებით, რომელიც არ ვნებს; შემეცნებულს კი სულის საგანძურში ათავსებს. თუ ვინმე ხალხისაგან განშორებასა და თავის თავში განმარტობას მიეღობს, ეს თავადაც მოთმინების ნიშნად მიმაჩნია და მაინც, ეს არაა სულიერი მხნეობის დამაჯერებელი საბუთი. მესაჭის ხელოვნება ნათესაყუდელში როდი შეიმჩნევა. მაგრამ თუკი გაშლილ ზღვაში, ქარიშხალში შეიძლებს ვინმე გემის შევლას, მასზე ვერაფერს იტყვის, არააო მესაჭე ჩინებული.

7. ჰოდა თავის თავთან განმარტოებით მყოფი მონაზონი, რომ არ უფოთავს და ბევრს და მძიმე ცოდვებს არ ჩადის, ამან უზომოდ არც უნდა გაგვაკვიროს; იგი ხომ განწორებულია ყველაფერს, რაც აღიზიანებს და აშფოთებს სულს. მაგრამ თუკი იტვირთებს მთელი ხალხის მსახურებას, თავს იღებს მათი ცოდვების ზიდვას და შეინარჩუნებს სიმტკიცესა და შეურყევლობას და სულის მართვას ღელვის დროსაც ისევე შეიძლება, როგორც სიმშვიდეში მყოფი, ნამდვილად იქნება ღირსი ტაშის-ცემისა და სწორედ რომ უნდა გაოცდეს ყველა, რადგან ეს ნათელი დადასტურება იქნება მისი სულიერი მხნეობისა. ამიტომ ნურც შენ გაგიკვირდება მე, მოედნებსა და ხალხთან ურთიერთობებს გაქცეულ კაცს, ბევრი მყვედრებელი რომ არ მყავდეს. რომ არ ვცოდავ, მაგანაც არ უნდა გაგაოცოს, რადგან არ მიომია და რა დამცემდა, არავის შეგებმეივარ, ვინ დამჭრიდა? მითხარი, ვინ უნდა ამხილოს და გამოაჩინოს ჩემი ბიწიერება, ამ ჰერმა და სენაკმა? მათ ხომ არ შეუძლიათ ლაპარაკი. დედაჩემმა, რომელმაც ყველაზე კარგად იცის ჩემი ხასიათი? მაგრამ ჩვენ ხომ სხვადასხვა მისწრაფებების ხალხი ვართ, უთანხმოებაც არასოდეს მოგვევლია. ასეც რომ ყოფილიყო, გინახავს კი დედა, რომელსაც რალაც მნიშვნელოვანი მიზეზის გარეშე დაეწყოს საკუთარი შეილის მხილება სხვათა წინაშე? ვინმემ რომ ჩემი სულის გულმოდგინე გამოცდა მოინდომოს, მრავალ სისუსტეს მიპოვნის და ეს შენც, სხვათა წინაშე ჩემს ქებას შეჩვეულმა, კარგად იცი. ამას ყველაფერს სიმდაბლე რომ არ მალაპარაკებს, ამაზე გვექონდა უკვე საუბარი და გაიხსენე, რას ვამბობდი ამის თაობაზე. აკი გეუბნებოდ: ჩემთვის ვინმეს არჩევანი რომ შემოეთავაზებინა, სად ისურვებდი კეთილი სახელის მოპოვებას, სამღვდელო წარმომადგენლობასა თუ მონაზვნობაშიო, ათასჯერ ვირჩევდი-მეთქი პირველს. შენს წინაშე ხომ გამუდმებით შევნატროდი იმათ, ვინაც კარგად შეძლო ამ მსახურების წარმართვა, იმაში კი ალბათ, ვერავინ შემედავება: რასაც ვნატრობდი, რომ შემძლებოდა, არ გავექცეოდი. მაგრამ რა ვქნა? არაფერია ეკლესიის წარმომადგენლობისათვის ისეთი უსარგებლო, როგორაც მცონარება და უზრუნველობა, თუმცა ეს ახლა რალაც საოცარ ღვაწლადაც კი ითვლება. მე კი ეგ თითქოს ჩემი უვარგისობის კრეტსაბმელა-

დაც მიმაჩნია, რითაც საკუთარ ნაკლოვანებებს ვჩქმალავ, არ ვშვრები მათ გამომქლავნებას. ვინც ასეთ უმოქმედობასა და დიდ სიმყუდროვეში ცხოვრებას მიეჩნია, კიდევ რომ გააჩნდეს ნიჭი ამ საქმისა, მაგ უმოქმედობისადა გამო ღელავს და შფოთავს, უვარჯიშოდ ტოვებს მას და ამით საკუთარი ძალის არც თუ ისე მცირე ნაწილს წარაგებს. ამასთან ერთად, ჰქუასუსტიცა და მჭევრმეტყველების შეჯიბრებაში გამოუცდელიც თუ იქნა, როგორიც მე ვარ, ამ მმართველობის მიღებისთანავე მასა და ქვისგან ნათალ ძეგლს შორის განსხვავება არ იქნება.

ამიტომ, ასეთ მოღვაწეობას მიდევნებულთაგან ცოტა თუ ტვირთულობს მოძღვრის ღვაწლს და მათი უმრავლესობაც კი უვარგისი აღმოჩნდება ხოლმე; ეცემიან სულით, უსიამო, მძიმე შედეგების განცდა უწევთ და ეს სრულებით არაა გასაკვირი. თუ კაცი მხოლოდ ერთი სახის ღვაწლს ეწევა, სხვაგვარი ღვაწლის წინაშე იგი ისეთივე უძლურია, როგორიც კაცი, რომლისთვისაც უცხოა ყველანაირი ღვაწლი.

მღვდლობის სარბიელზე გამოსულს პატივი განსაკუთრებულად უნდა სძაგდეს, რისხვას უნდა სძლიოს და დიდი კეთილგონიერებით უნდა იყოს შემეკული, მაგრამ მარტომყოფელს არ ჰირდება ამაში ვარჯიში. მას არ უწევს ხალხთან ყოფნა, გაღიზიანება მათგან, რომ რისხვის მოთოკვას მიაჩვიოს თავი; არც მაქებარი და ტაშისმცემელი ხალხი აკრავს, ჰების უგულუბელყოფა რომ ისწავლოს, საეკლესიო საქმეთა საქირო კეთილგონიერებისთვისაც მცირე შრომა უწევს. ამიტომ, როცა იტვირთებენ იმ ღვაწლს, რომელიც არ გამოუცდიათ, ვერ სწვდებიან, ბრკოლდებიან, ირევიან და გარდა ამისა, სათნობას ვერ იძენენ. ბევრს ისიც კი ეკარგება, რაც მოსვლისას ჰქონდა.

მ. თქვა ბასილიმ: რა გამოდის, ნუთუ ის ხალხი უნდა დავადგინოთ ეკლესიის მმართველობაში, რომელნიც ერში მიმოიქცევიან, ამსოფლიურ საქმეებზე ზრუნვას გადაგებულნი ვარჯიშობენ ჩხუბსა და შფოთში და უსამართლობით აღვსილნი ფუფუნებას მიელტვიან?

ოქროპირი: ვუთხარი, დამშვიდდი-მეთქი, ნეტარო კაცო. მოძღვრის არჩევისას მათზე ფიქრის გავლებაც კი უჭეროა. ის, ვინც ხალხში იცხოვრებს, ექნება მათთან ურთიერთობა და მრთელი და შეუმღვრეველი სიწმიდის, სიმშვიდის, ღვთისმო-

შიშების, მოთმინებისა და მონაზონისათვის დამახასიათებელი თვისებების დაცვას მარტომყოფებზე მეტად შეიძლება, ის უნდა ავირჩიოთ. დაყუდებულს, რომც ჰქონდეს ბევრი სისუსტე, დამალავს მათ და ხალხთან ურთიერთობის გარეშე საქმეს შეიძლება არც დააჩნდეს იგი, მაგრამ როცა კი წარდგება ასეთი კაცი ყველას წინაშე, ვერაფერს მიაღწევს იმის გარდა, რომ თავს საცინლად აიგდებს და დიდი საფრთხის წინაშე აღმოჩნდება. ღვთის განგება რომ არა, ჩემს თავს რომ ეგ ცეცხლი აარიდა, მეც იგივე მეწეოდა. ასეთ კაცს რომ გამოჩინებულ ადგილას დაადგენ ხოლმე, იგი ველარ დაიმალება, ყოველთვის მხილებული იქნება. ვითარცა ცეცხლი ლითონს ყველანაირს, ისე გამოცდის ხოლმე სამღვდელო დასი ადამიანთა სულებს, უმალ გამოაჩენს, მრისხანეა, სულმოკლე, პატივმოყვარე, ამაცი თუ სხვა რაიმე ვნება ჰქირს; ასე ავლენს ყველანაირ სისუსტეს და არა მარტო ავლენს, უფრო მძიმესა და დაუოკებელსაც ხდის მათ.

1 ხომაა სხეულის მოწამლული ნაჭრილობევი ძნელად განსაკურნებელი? ასევე, აღგზნებული და გაღიზიანებული ვნება, ჩვეულებრივ, უფრო განფიცდება ხოლმე და დამონებული უფრო და უფრო დიდ შეცდომაში შეჰყავს. თავის თავის მიმართ უყურადღებო კაცს ისინი პატივმოყვარეობის, მედიდურობის, ანგარების, ფუფუნების, უზრუნველობისა და უდებებისაკენ მიაქცევენ და ნელ-ნელა ითრევენ მათგან ბადებულ ვნებებში.

ხალხში ბევრმა რამემ შეიძლება შეასუსტოს გულმოდგინება სულისა და ღვთისაკენ სწრაფვა. პირველ რიგში, ქალებთან ურთიერთობამ. შეიძლება რომ მოძღვარმა, მწყემსმა, მის ერთ ნაწილზე, მამაკაცებზე იზრუნოს და მეორე, ანუ ქალები, რომლებიც უფრო დიდ ზრუნვას საჭიროებენ, რადგან უფრო მეტად არიან მიდრეკილნი ცოდვისაკენ, უყურადღებოდ დატოვოს? ეპისკოპოსმა, მეტად თუ არა, თანასწორად მაინც უნდა იზრუნოს მათ ჭანმრთელობაზე. თუ ავად არიან, ვალდებულია, რომ მოინახულოს ისინი, თუ იჭირვიან — ანუგეშოს, უდებნი ამხილოს და გაჭირვებულთ შეეწიოს. ამ საქმეების აღსრულებისას კი, ვინაც გულმოდგინედ არ მოიზღუდავს თავს, ეშმაკი თავს დასასხმელად ბევრ გზას მოუნახავს. თავშეუკავებელის

კი არა, უმანკობა დამარხული ქალის მზერაც კი აჩნდება სულს, აშფოთებს მას, ალერსი აცთუნებს, პატივი იმორჩილებს, და სიყვარული მხურვალე, მიზეზი ყოველთა სიკეთეთა, თუ არ იქნა სწორად წარმართული, იქნებ ურიცხვი ჭირის მიზეზადაც იქცეს. ამასთან, ეს გამუდმებული საქმიანობა ტყვიასავით ამძიმებს გონების სიმახვილეს, რომელსაც ფრინველვით უნდა შეეძლოს სიმაღლეებისაკენ ზეაღფრენა, და თუ მოიცვა მრისხანებამ სული, იგი შიგნით ერთიანად გაიკვამლება და დაბნელდება. და ვინ ჩამოთვალოს ყველა ის ავი მოქმედებანი — წყენა, კიცხვა, შენიშვნები მდაბალთა და მაღალთა, გონიერთა და უგუნურთა?

9. მართებულ განსჯას მოკლებული ხალხი განსაკუთრებულად ანგარიშიანები არიან, გამართლებასაც უცებ აღწევენ. კეთილ მოძღვარს არა აქვს მათი შეძლების უფლება, ხალხის ბრალდებებს დიდი თავმდაბლობით მომზადებული უნდა სცემდეს პასუხს — გულისკლებასა და რისხვას სჯობს შეუნდოს მათ უგუნური შენიშვნები. თუკი ნეტარი პავლე გაფრთხილდა, მოწაფეებმა ბრალი არ დამდონო პარვაში და სხვებს მიანდო ფულის გამგებლობა — „ვერიდებით ამას, ნუ ვინმე გუგმობდეს ჩუენ სიმტკიცისა ამისთვის, რომელი იმსახურების ჩუენ მიერ“ (2 კორ. 8, 20), ჩვენ ვითომ რად არ გემართებს ზრუნვა იმისათვის, რომ თუნდაც ცრუ, განუსჯელი და ჩვენი ღირსებისათვის ერთობ შეუფერებელი ავი ექვი ავირიდოთ? ჩვენ ხომ არანაირი ცოდვისაგან არა ვართ ისე შორს, როგორაც პავლე — პარვისაგან. და მაინც, ამ ავი საქმისაგან ესოდენ შორს მყოფი გაფრთხილდა, არ უგულებელყო ხალხის უგუნური და განუსჯელი აზრიც; რადგან ნამდვილად უგუნურება იყო ამ ნეტარ და გასაოცარ კაცზე მსგავსი ექვის მიტანა. და მიუხედავად იმისა, რომ ეს აზრი განუსჯელი იყო და იგი მხოლოდ გიჟს თუ შეიძლებოდა მოსვლოდა ფიქრად, პავლემ მაინც მოსპო მისი გაჩენის მიზეზები; მას არ შეურაცხუყვია განუსჯელი ხალხი, არ უთქვამს: ვინ იფიქრა ჩემი მსგავსი რამეში დადანაშაულება, როცა სასწაულებითა და ჩუმი, მშვიდობიანი ცხოვრების ნირით გავაკვირვე და პატივისცემის გრძნობით განვმსჭვალეთ ყველა? პირიქით, მან შეიცირო და დაუშვა ასეთი ექვის გაჩენის შესაძლებლობა და ძირიანად მოთხარა იგი, უფ-

რო სწორედ, მისი გაჩენის საშუალებაც კი მოსპო. რატომ? „რამეთუ წინააღმდეგად განვიზრახავთ კეთილსა, არს ხოლო წინაშე უფლისა, არამედ წინაშე კაცთაჲცა“ (2 კორ. 8, 21).

ასე და უფრო მეტადაც კი უნდა ვცდილობდეთ ავი ლაპარაკების არა მარტო მოსპობასა და ჩაჩუმებას, არამედ შორიდანვე იმის ცნობასაც, თუ საიდან ჩნდება იგი და არ უნდა ვუცადოთ იმ დროს, სანამ იგი ხალხის ენას მოედებოდეს, იმიტომ, რომ მერე ადვილი აღარაა მისი მოსპობა, ძნელია ერთობ და ალბათ შეუძლებელიც და სახიფათოც, საშიშია: ხალხს არ ვაენოთ რაიმე. მოკლედ, აღარ უნდა გავჩუმდე, რას მივდეგ მიუღწევებს? აქაური სირთულეების ჩამოთვლა იგივეა, ზღვის არწყვეა რომ მოინდომოს კაცმა. თუკი ის, ვინაც ყველენაირი ვნებისაგან თავისუფალია, რაც სხვათა შორის, შეუძლებელია, სხვისი ცოდვების გამოსწორებისას მაინც უზომო კირისათვისაა განწირული, მაშინ საკუთარი სისუსტეების მქონემ, წარმოიდგინე ერთი, რა უძირო შრომა უნდა გასწიოს, რა განსაცდელი უნდა გაიაროს, სხვათა და საკუთარი ვნებების ძლევის მსურველმა?

10. თქვა ბასილიმ: და შენ, ახლა, მარტომყოფელს, განა შრომა და ჯაფა არ გიწევს?

ოქროპირი: ახლაც მიწევს-მეთქი, ვუთხარი. განა შეიძლება ესოდენ მძიმე შრომის მტკირთველი თავისუფალი და უზრუნველი იყოს ღვაწლისაგან? მაგრამ გაშლილ ზღვასა და მდინარეში ცურვა ერთია განა? ამ საზრუნავთა შორისაც იგივე განსხვავებაა. სწორედ რომ შემეძლოს სხვებისათვის რგება რაიმესი, ამას თავადაც ვუსურვებდი ახლა თავს და ჩემი გულმოდგინე ლოცვის საგანიც ეგ იქნებოდა. მაგრამ რაკი არავის შეველა არ შემეძლია, როგორმე საკუთარი თავის გამოხსნა თუ შევიძელი ქარიშხლისაგან, ამასაც დავკერდები.

თქვა ბასილიმ: ნუთუ ეგ მართლა დიდი საქმე გგონია? და საერთოდ, არავის არ გინდა რამე არგო, ისე ფიქრობ სულის ცხოვნებას?

ოქროპირი: კარვად, სამართლიანად მსჯელობ-მეთქი, ვუთხარი. არც მე მგონია, რომ ვინმემ, ახლობლის გამოხსნისათვის თუ არაფერი გააკეთა, ისე ცხოვრდეს. უბედურ მონას ტალანტი რომ არ შეუმცირობია, ამან არაფერი არგო. რომ არ



გამბრავლა ტალანტი და არ გააორკეცა იგი, იმან დაღუპა (მთ. 25, 24—30). ისე კი ვფიქრობ, სამსჯავროზე ახლა, როცა მკითხავენ, სხვას რატომ არ უშველეო, უფრო მცირედი სასჯელი მაკმარონ, ვიდრე მაშინ, ასეთი პატივის მიღების შემდეგ უარესი რომ შევიქმნები და პასუხს სხვათა და საკუთარი თავის დაღუპვის გამო რომ მომთხოვენ. როცა ისრაიტელთ დიდი უპირატესობა მიენიჭათ უფლისაგან, მათ მას მერე შესცოდეს უფალს, ამიტომ იმსახურებენ ისინი დიდ სასჯელს თვისთა ცოდვათა გამო, ამიტომ იყო, ასე ძლიერად რომ ამხელდა მათ ღმერთი.

უფალს, წინასწარმეტყველებზე ადრე სურდა ეჩვენებინა, რომ ძღვედელთა ცოდვები უფრო მძიმე სასჯელს იმსახურებს, ვიდრე ჩვეულებრივი ადამიანისა და მსხვერპლშეწირვის დაღგენისას ბრძანა: მთელი ხალხის ცოდვათა გამოსახსნელი მსხვერპლის ტოლი ზვარაკი შეეწირათ მღვდლის შეცოდებათა გამო (ლევ. 4). ამით ძან დაგვანახა, ნაჭრილობევს მღვდლისას სწორედ ისეთი შეწევნა ჭირდებაო, როგორც წყლულებს მთელი ხალხისას ერთად აღებულს. ისინი რომ უმძიმესი არ ყოფილიყო, ასეთი შეწევნა არ იქნებოდა საჭირო. ამასთან, ეს ცოდვა თავისთავად კი არაა მძიმე, არამედ იმიტომ, რომ მას ძღვედელი, ასეთი დიდი პატივის მქონე კაცი იქმს. მაგრამ რაღა ამ მსახურებაში მყოფ კაცებზე ვლაპარაკობ? მღვდლების ქალიშვილთ, არანაირი კავშირი რომ არა აქვთ მღვდლობასთან, თავიანთი მამებისათვის მინიჭებული პატივის გამო, ერთი და იგივე ცოდვების ჩადენისას გაცილებით მკაცრი სასჯელი ელით, ვიდრე უბრალო ხალხის ქალიშვილთ. მაგალითად, ერთმაც იმრუშა და მეორემაც — პირველს გაცილებით მძიმე სასჯელი ელის, ვიდრე მეორეს (ლევ. 21, 9).

• 12. ხედავ, რა ძლიერად გვამცნობს უფალი, წინამძღოლს უფრო ძლიერი სასჯელი ელისო, ვიდრე ქვეშევრდომს? მღვდლის ქალიშვილს, სხვა ქალიშვილთაგან განსხვავებით, მამის გამო, უფალი მეტად სჯის, და მასაც, ვინაც ხუცესის ქალი აცდუნა, უფრო მძიმე სასჯელი ელის. და სრულიად სამართლიანადაც, რადგან ვნებული მარტო წინამძღოლი როდი რჩება, არამედ იღუპება მისი შემყურე ყველა სუსტი სულის პატრონი. სწორედ ამის ჩვენება სურდა წინასწარმეტყველს, ეზეკი-

ელს, ამიტომაც განასხვავა ვერძთა და ცხოვართა სამსჯავრო ერთმანეთისაგან (ეზ. 34, 17). ახლა მაინც თუ გახდა შენთვის ნათელი, უმიზეზო რომ არ ყოფილა ჩემი შიში? ნათქვამს ამასაც დავსძენ: სულიერმა ვნებებმა რომ ერთიანად არ დამრიონ ხელი, ამისათვის ახლაც დიდი ჯაფა მიწევს, მაგრამ ამ შრომას როგორღაც ვიტან, ამ ღვაწლს არ გაუვრბივარ. პატივმოყვარეობა ახლაც შემომიტევს ხოლმე, თუმცაღა ვებრძვი და წინ აღვუდგები, მაგრამ ვალიარებ: მისი მონა ვარ მაინც. ზოგჯერ ამ დამონებული სულის მხილებასაც ვახერხებ. ახლაც მომეახლებიან ხოლმე მავნე წადილები, მაგრამ ძლიერ ცეცხლს ვერ მინთებენ, თვალი ვერ აწვდის გარედან იმ ცეცხლს საწვავს და იმიტომ. სხვამ რომ ვისიმე ავი ილაპარაკოს და ვუსმინო, მაგისგან თავისუფალი ვარ, მოსაუბრე არავინა მყავს. კედლებს, რასაკვირველია, ლაპარაკი არ შეუძლიათ. რისხვას კი, გარკვეულად, მიუხედავად იმისა, რომ ხალხის გარემოცვაში არ ვიმყოფები, მაინც ვერ გავეჭეცი. ხშირად, ძლიერად არა, მაგრამ მაინც ამიალებს ხოლმე გულს ურიგო ხალხის, მათი საქციელების მოგონება. ამ ალს იმით ვშრეტ, რომ ვაგონებ ხოლმე თავს, თუ რაოდენ უჯერო და ჭირის მომტანია საკუთარი უღებების დატევება და ახლობელთა ვნებების ჩხრეკა. მაგრამ ხალხში გარეული და მოუსვენრობით შეპყრობილი, გულისთქმების ასეთი შეგონებებით მართვას ვეღარ შევიძლებ, ძალა აღარ მეყოფა. და ისე, როგორც კლდეებს შორის აქაფებული ნიაღვარი გაიტაცებს ხოლმე კაცს, რომელიც აშკარად წინასწარვე ხედავს იმ განსაცდელს, რომლისკენაც მიეჭანება და საშველი მაინც ვერაფერი მოუფიქრებია, მეც, ვნებათა ტალღებში მოქცეულს, თუმცა კი შემრჩება გონი მომავალი სასჯელის განჭკვრეტისა, რომელიც დღითი დღე გაიზრდება, მაგრამ ახლანდელივით საკუთარ თავში ჩაღრმავებასა და იმ გამძვინვარებული მხეცებისაგან გაქცევას, რიგიანად ვეღარ შევიძლებ.

მე სუსტი, დიდბუნებოვნებას მოკლებული სული მაქვს და მას ადვილად სძლევენ არა მარტო ეს ვნებანი, არამედ უსაშინლესი მათ შორის — შური, მას არ ძალუძს ქებისა და ძაგების მშვიდი ატანა. პირველი უზომოდ ამედიდურებს, მეორე ურვაში აგდებს. მძვინვარე მხეცები, თუ ისინი ჯანზე არიან, მოწინააღმდეგეებს, განსაკუთრებით კი გამოუცდელებს, ადვილად

სძლევენ. მაგრამ თუ ვინმემ შიმშილით მოაუძღურა ისინი, და-  
აოკებს კიდეც მათ მძვინვარებას და ძალის დიდ ნაწილსაც წა-  
ართმევს. ასე რომ, მათთან ბრძოლაში არც თუ ისე მამაცი კა-  
ციც კი ივარგებს. სულიერ ვნებებსაც იგივე ქირთ: ვინც საღი  
გონების ქვეშ ამყოფებს მათ, აუძღურებს კიდეც ვნებებს,  
მაგრამ თუ კვებავს, ამით ურთულეს ბრძოლას განიშზადებს და  
მთელ ცხოვრებას მათ შიშსა და მონობაში ატარებს. რითი იკ-  
ვებებიან ეს მხეცები? დიდების მოყვარება — პატივითა და  
ქებით, სიამაყე — ხელისუფლებითა და ბატონობის ზეობით,  
შური — ახლობელთაგან განდიდებით, ვერცხლისმოყვარება —  
გამღებელთა სიუხვით, გაუფრთხილებლობა — ქალებთან ხში-  
რი შეხვედრებითა და ფუფუნებით, სხვა კიდეც სხვა რამეთი  
და ასე.

ხალხში გამოსულს ეს მხეცები ძლიერად დამესხმიან თავს,  
სულს გამიტანჯავენ, შიშში მომაქცევენ, გამიჭირდება მოგერი-  
ება მათი. აქ თუ დავრჩი, დიდი ძალისხმევა კი დამჭირდება მათ  
მოსარევად, და მაინც, ღვთის მადლით, დაოკდებიან ისინი და  
ჩემამდე მათი ღრიალის ხმა თუ მოაღწევს. ამიტომაც ვრჩები  
ამ სენაკში, როგორც კაცი შეუვალი, ურთიერთობებისა და  
ადამიანების მოძულე და ვითმენ ასეთსა და ამის მსგავს კიცხ-  
ვას, თუმცა დიდი ხალისით ავიცილებდი მათ, მაგრამ რაკი  
ამის გაკეთების შესაძლებლობა არ მეძლევა, ვწუხვარ გულშე-  
მუსვრილი. ხალხში შეუძლებელია ჩემთვის ნამდვილ უსაფრ-  
თხოებაში ყოფნა. ამიტომ გთხოვ, ნუ გაამტყუნებ ესოდენ მძი-  
მე მდგომარეობაში მყოფს, შეიბრალე იგი. თუმცა მე ჯერ კი-  
დეც ვერ დავარწმუნე. ამიტომაც დროა, ისიც გითხრა, რაც  
აქამომდე უცნობი იყო შენთვის. იქნებ ზოგს დაუჯერებლადაც  
მოეჩვენოს, მაგრამ მიუხედავად ამისა, არ შემრცხვება მისი  
გამხელა. თუმცა ეს სიტყვები უამრავ ჩემს ცოდვასა და უილა-  
ჯო სინდისს გამოაჩენს, მაგრამ რაკი მელის სამსჯავრო ყოვ-  
ლისმხილველი მეუფისა, ხალხისაგან ამის დაფარვამ რა მარ-  
გოს? რა დამრჩა გაუმხელელი?

მას შერე, რაც ეს განზრახვა მაცნობე (ეპისკოპოსად ატ-  
ჩევა), შიში და სასოწარკვეთა დამეუფლა, სხეულის ერთიანი  
დასუსტების საშიშროების წინაშე ვიდექი. რომ წარმოვიდგენ-  
დი ქრისტეს სასძლოს სულიერ სილამაზესა და სიწმინდეს,

სიბრძნესა და დიდებულებას, მერე საკუთარი სისუსტეების გახსენებაზე გაუჩერებლად დავტიროდი მათ, თავს უბედურს ვუწოდებდი, ვკვნესოდი, გაოგნებული საკუთარ თავს ვეკითხებოდი: ვის გაუჩნდა ასეთი აზრი? ასეთი რა შესცოდა ღვთის ეკლესიამ? რით განარისხა მან მეუფე თვისი ისე, რომ შერცხვენისათვის გაიწირა და მე, ყოვლად უღირსს ყოველთა შორის, განსაგებლად მომეცა-მეთქი?

1 ხშირად ვფიქრობდი ასე ჩემთვის, ვერ ვერეოდი აზრს ესოდენ განუსჯელს, დასუსტებულოვით მეცლებოდა ძალა. არც რა მესმოდა, ვერც რას ვხედავდი. ეს გაშტერება გამივლიდა (იგი ზოგჯერ ხელს შემიშვებდა ხოლმე) თუ არა, მას ცრემლები და სასოწარკვეთა ცვლიდა. მერე, ხანგრძლივი ცრემლთა დენის შემდეგ კვლავ შიში დამეცემოდა და მაშფოთებდა, მარღვევდა, გონებას მირყევდა. ასეთ ტალღებში გავატარე ის დრო, შენ არაფერი იცოდი, გეგონა კი, ჩემთვის, წყნარად ვცხოვრობდი.

ახლა კი გაგიმხელ მღელვარებას ჩემის სულისას: იქნებ ამის მერე მაინც შეწყვიტო საყვედურები და შემიბრალო. მაგრამ, როგორ, როგორ დაგანახო? ამის ნათლად დანახვა რომ შეძლო, გული უნდა გაგიშიშვლო. მაგრამ რაკიდა ამის გაკეთება შეუძლებელია, ვეცდები, როგორაც შეევძლებ, მკრთალად მაინც წარმოვიდგინო წყვილიაღი და სასოწარკვეთა ჩემი სულისა.

ვთქვათ, მთელი ამ სოფლის მეფის ქალწული სასძლო შეიქმნა და იგი გამოირჩევა არაჩვეულებრივი სილამაზით, ხოლო ბუნება მისი დიდად აღემატება ადამიანის ბუნებას საერთოდ და ყველა ქალისას, ერთად აღებულს, სულიერი სათნოებით შორს იტოვებს ყველა კაცს, ახლა ცხორებულთა და აწი რომ დაიბადებიან იმათაც, კეთილზნეობა მისი აღემატება სიბრძნის-მოყვარების ყველა მოთხოვნას, ხოლო კეთილხატება — ჩრდილში აქცევს ყველანაირი სხეულის მშვენებას. დავუშვათ, რომ ნეფე ამ ქალწულში მხოლოდ ამის გამო კი არაა ასე შეყვარებული, არამედ მასში რალაც უფრო განსაკუთრებულს გრძნობს და იმდენადაა მიჯაჭვეული მასზე, რომ ყველა ვნებიან თაყვანისმცემელს, ვინც კი ოდესმე ჰყოლია ამ ქალს, აღემატება. მერე ისიც წარმოვიდგინოთ, ამ შმაგმა მიჯნურმა უცებ

საიდანღაც შეიტყოს, რომ მის გასაოცარ სატრფოზე ქორწინდება ვიღაც სხვა კაცი და თანაც უბირი, მდაბიო წარმოშობისა, გარეგნულად გონჯი და ყველანაირად უვარგისი.

გასაგებად დაგიხატე ჩემი მწუხარება? განა საჭიროა კიდევ ამ აღწერის გაგრძელება? ვგონებ ჩემი სასოწარკვეთის გამოსახატავად საკმარისია. ეს მაგალითი მხოლოდ ამიტომ მოგიყვანე. ხოლო ჩემი შიშის საზომისა და გაცეების გამოსახატავად სხვა მაგალითს მივმართავ.

ვთქვათ, ქვეითთა, ცხენოსანთა და მეზღვაურთაგან შემდგარი ჯარია. ვთქვათ, ზღვა დაფარა ურიცხვმა ხომალდმა, ხოლო ველებსა და მათთა მწვერვალებს ცხენოსანთა და ქვეითთა რაზმები მოედო. და ლაპლაპებს მზე ბრინჯაოს იარაღზე, ჩაჩქანებსა და ფარებზე ირეკლებიან სხივები და ცას სწვდება ფლოქვთა ცემისა და ჭიხვინის ხმა; ვთქვათ, აღარაფერი ჩანს ქვეყნად ბრინჯაოსა და რკინის გარდა, არცა ზღვა, არცა მიწა. და ვთქვათ, დაიძრა მათ წინააღმდეგ — ხალხი ველური და დაუოკებელი. ვთქვათ, კიდევ დადგა უამი ბრძოლისა. მერე ვინმემ რომ მოიყვანოს სოფელში გაზრდილი ყრმა, რომელსაც არაფერი უნახავს და ხელში არაფერი სჭერია სტვირისა და არგანის გარდა, და შემოსოს იგი ბრინჯაოს აბჯრით, ჩაატაროს რაზმების წინ, აჩვენოს რაზმები მეთაურებითურთ, მეისრეები, მეშურდულეები, სარდლები, და მხედართმთავერები, მძიმედ შეიარაღებული მეომრები, მხედრები და შუბოსნები, ხომალდები თავისი მეთაურობით, უამრავი მეომრითა და შიგ ჩაწყობილი საქურველით, ვთქვათ, მერე აჩვენონ მას მოწინააღმდეგეთა რაზმები, დაწმასნილ ფლატეებსა და მიუდგომელ მთებზე განლაგებული მრისხანე სახის ხალხი, მათი საქურველი და იარაღის დიდი მარაგი. ცხენები მათი, ჯადოსნური მფრინავი ცხენების დარი, მეჭურჭლეთუხუცესნი მათნი, თითქო ჰაერში მოარულნი, რომელთაც ყველანაირი ძალის და სახის ჯადოსნობის უნარი შესწევთ. დაუშვათ, რომ მას მერე ომის ყველა საშინელება უამბონ: ღრუბლები შუბთა და ისართა, ნატყორცნი ისრებისაგან გაჩენილი წყვილი და სიბნელე, დაჩრდილული მზის სხივები, ღამე უკუნეთი, მტვერი, თვალთა დამთხრელი, უფროის ბნელისა, ნიაღვარი სისხლისა, კვნესა დაცემულთა, გოდება ფეხზე დარჩენილთა, მკერდნი დაცემულთა, სისხლში ამოვლე-

ბული ბორბლები, უმხედრებოდ დარჩენილი ცხენები, ურიცხვი გვამების შემყურე ხალხის თავბრუსხვევა და დაცემა მიწაზე, სადაც ყველაფერი, სისხლი, მშვილდი და ისარი, ფლოქვები ცხენებისა, თავები ადამიანებისა, ხელი, ფეხი, წვივი, კისერი და მკერდი განგმირული, ხმალზე შემხმარი ტვინი კაცისა, გადატეხილ ხმლებზე წამოგებული თვალები ადამიანისა — ერთმანეთშია არეული. ვთქვათ, ზღვის ბრძოლის უბედურებანიც ჩამოუთვალონ: შუა წყალში მდგარი ცეცხლმოდებული და ჩაძირვის პირას მისული ხომალდები, მათზე მყოფი მეომრები, მენომალდეთა ყვირილი, ტალღების შხუილი, მებრძოლთა გოდება, ხომალდს მოხეტქილი, ზღვის აქაფებული ადამიანის სისხლით ნალები ტალღები, გვამებით მოფენილი გემბანები, ხომალდებისათვის გზის ჩამხერგავი, დახრჩობის პირზე მისული, ნაპირისაკენ მოსროლილი, ტალღებზე მოფართხალე მეზღვაურები, ნათლად რომ წარმოუდგენენ ომის ყველა საშინელებას, დავუშვათ, რომ ტყვეობის, მონობის, მძიმე რომაა ყველანაირ სიკვდილზე, იმის უბედურებაც უთხრან და ამის მერე, ყველაფერს რომ უამბობენ, უბრძანონ, ამ წამსვე შეჩქებით ცხენზე და თავს იდეთ ამ ქარების მეთაურობა. როგორ გგონია, ეყოფა კი ძალა იმ ყრმას, ეს ამბები ბოლომდე მოისმინოს და იქვე, ყველაფრის დანახვის მერე, სული არ განუტევეს?

13. არ გეგონოს, საქმეს სიტყვებით ვაზვიადებდე. ეს მხოლოდ გეჩვენება ასე და ისიც იმიტომ, რომ ჩვენ სხეულში, როგორაც სატუსალოში, ისე ვართ გამომწყვდეულნი და უხილავთაგან არ ძალგვიძს რაიმეს ხილვა. ჩემი ნათქვამი გადაჭარბებულად ნუ მოგეჩვენება. ოდესმე რომ შენი თვალით განახა მოქურუხებულნი გალაშქრება და გამძვინვარებული ტაკება ეშმაკისა, ისეთ დიდსა და შემადრწუნებელ ბრძოლას იხილავდი, რომელთანაც ჩემს მიერ აღწერილი არაფრად მოგეჩვენებოდა. აქ არც რკინაა, არც ბრინჯაო, არც ცხენი და ეტლი, არც ცეცხლი და ისარი და არც მათი მსგავსი საგნები, არამედ სხვა, ჩამოთვლილზე გაცილებით საშიში საჭურველია. ამ მტერს არც აბჯარი უნდა და არც ფარი, არც ხმალი, არც შუბი; სულის მოსაწყველად კი ამ ქარის ერთი სახეობაც კმარა, თუკი არ იქნა სული მხნე და უპირველეს ყოვლისა, თავად სიმხნე მისი,

ღვთის განგებით განმტკიცებული, რომ შეიძლებოდეს განძარცვა სხეულისა ანდა მასშივე სუფთად და უშიშრად საკუთარი თვალებით ეშმაკის ალაშქრების დანახვა, სისხლის ნიაღვარსა და უსულო გვამებს კი არა, სულთა უმოწყალო გვემასა და მის იარებს იხილავდი და ჩემს მიერ აღწერილი ომი, ახლა რომ გისურათებდი, ბავშვურ თამაშად, უმალ გასართობადაც კი მოგეჩვენებოდა, ვიღრე ომად: იმდენად უამრავნი არიან ძლეულნი ყოველდღე! ამ ჭრილობებს ისეთი სიკვდილი როდი მოსდევს, როგორც სხეულისას, არამედ რამდენადაც სული განსხვავდება სხეულისაგან, იმდენად ის პირველი სიკვდილი — მეორისაგან. დაჭრილი და დაცემული სული სხეულივით უგრძნობლად როდი გდია, არამედ აქვე ეწამება სინდისის ქენჯნისაგან; განსვლისას კი განისჯება და მარადიულ ტანჯვას მიეცემა. ვინმე თუ ეშმაკისაგან მოწეული ჭრილობის ტკივილს არ გრძნობს, ამ უგრძნობლობით უფრო დიდ უბედურებას განუშზაღდებს თავს. რადგან პირველი იარის ვერგანმცდელს მალე მოეწევა მეორეცა და მესამეც. უწინდელი იარების უგულვებელმყოფელსა და უზრუნველ კაცს უწმიდური ბოლო ამოსუნთქვამდე მისდევს დასაცემად. მისი მტერობის სახეობათა გაგებას თუ მოინდომებ, ნახავ, რარიგ ძლიერი და მრავალფეროვანია ისინი. არავინ იცის, სიცრუისა და მზაკვრობის იმდენი სახე, რითაც იგი ამ ძლიერებას იძენს, როგორაც ამ არაწმიდამ. არავის ძალუძს ისეთი შეურიგებელი მტრობა თავისი უბოროტესი მტერისა, როგორც მას, ამ მზაკვარ ეშმას ადამის მოდგმისას. ახლა ის გულმოდგინებაც რომ დაგვანახა, როგორითაც იგი ამ ბრძოლას ეწევა, ამ მხრივ ზომ მართლაც სასაცილო იქნებოდა მისი ადამიანთან შედარება. ვინმემ რომ ყველაზე მძვინვარე და სასტიკი მხეცი ამოირჩიოს და იგი მის განცოფებას შეუდაროს, ნახავს, რაოდენ მშვიდი აღმოჩნდა პირველი მასთან შედარებით. ისეთი მძვინვარება ამოძრავებს მას ჩვენი სულების წინააღმდეგ! ეგეც არ იყოს, ის ბრძოლები (ადამიანთა შორის), ხანმოკლეა და ბევრი შესვენებებიც ახლავს თან. ჩამოღამება, მოქანცვა ბრძოლისაგან, საკვების მიღება და სხვა ყველა დანარჩენი, ჩვეულებრივ ასვენებს მებრძოლს, მას ეძლევა იარაღის მოხსნის, საკვებითა და სასმელით ან სხვა რალაციტ გადახალისების საშუალება, რაც ძალების აღ-

დგენას ემსახურება. მაცდურთან ბრძოლისას, თუკი იარების აცილება გასურს, ძილი და საჭურვლის მოხსნა არ იქნება.

ორიდან ერთი უნდა ირჩიოს კაცმა უსათუოდ: ან უნდა აიყაროს იარაღი, დაეცეს და დაიღუპოს, ან სულ შეიარაღებულნი უნდა იყოს და იფხიზლოს. ეს მტერი მუდამ საჭურველასხმულია, ჩვენს უზრუნველობას უთვალთვალებს და გაცილებით მეტს ზრუნავს ჩვენი დაღუპვისათვის, ვიდრე ჩვენ — საკუთარი ცხოვრებისათვის, ვინც მუდმივად არ ფხიზლობს, მას განსაკუთრებულად იმიტომაც უჭირს მტერთან ბრძოლა, რომ იგი უხილავია და დაცემაც უეცრად იცის (ამით მას მეტი ვნებაც ძალუძს). და შენ ის გინდოდა, რომ ქრისტეს ლაშქარს ამ ბრძოლაში მე წავძლოლოდი? თუკი ის, ვისაც ყველას პატრონობა და მართვა ევალება, მათზე სუსტი და გამოუცდელი იქნა, მინდობილ ხალხს თავისი გამოუცდელობით ეშმაკის გზას გაუყენებს. ასეთი კაცი ქრისტეს კი არა, ეშმაკს უდგება მსახურად. რას ოხრავ, რა გატირებს? ტირილი კი არა, რაც მოხდა, იმის გამო მხიარულება და სიხარული გვმართებს.

თქვა ბასილიმ: კი, მაგრამ, ჩემი მდგომარეობის გამო, შენგან განსხვავებით, მე უზომო მწუხარება მმართებს. რადგან უკეთ მხოლოდ ახლა შევიტყვე, რა განსაცდელშია ც მომაქციე. შენს მყვედრებლებს რა ვუპასუხო-მეთქი, იმის გასაგებად მოვდიოდი. შენ კი მიშვებ და ახალ საზრუნავს მკიდებ ძველის ნაცვლად. ახლა იმას კი არ ვწუხვარ, შენს მაგივრად იმათ რა პასუხი გავცე, არმედ იმას, საკუთარი თავისა და ცოდვების გამო ღმერთთან როგორ ვაგო პასუხი. გთხოვ და გევედრები, ოდნავ თუ მაინც გენაღვლები „რაოდენი რაჲ ნუგეშინისცემამ არს ქრისტეს მიერ, და რაოდენი ნუგეშინისცემამ სიყუარულისაჲ სულისაჲ, რაოდენი რაჲ მოწყალებაჲ და წყალობაჲ“ (ფილ. 2, 1) (რადგან თავად იცი, ყველაზე მეტად შენი გამოიწოდებით მოვექეცი ამ განსაცდელში), ხელი გამომიწოდე, რაც კი გამამხნევებს, ყველაფერი გააკეთე, ყველაფერი მითხარი. მცირე ხნითაც არ მისცე თავს ჩემი მიტოვების უფლება; ეცადე, რომ ეს ცხოვრება უწინდელზე იმაზე უფრო დიდ მეგობრობაში, შენთან ერთად განვლიო.

ოქროპირი: ღიმმორეულმა ვუთხარი: რითი უნდა დაგეხმარო ასეთი ზრუნვის მტვირთველს, რა უნდა გარგო? მაგრამ რა-



კილა ასე გსურს, სასოს ნუ წარიკვეთ, ჩემო ნეტარო. ყოველ-  
თვის, როცა კი საქმეებისაგან განთავისუფლებულს დასვენების  
საშუალება მოგეცემა, შენს გვერდით ვიქნები, განუგეშებ, თუ  
რამე შემეძლება, არაფერს დავიშურებ.

ამაზე უფრო ატირდა, წამოდგა, წამოვდექი, მოვეხვიე,  
თავზე ვეამბორე, გაცილებისას ვარიგებდი, მოწეულს მხნედ  
დახვედროდა. მწამს ქრისტესი, რომელმაც მოგიწოდა და მო-  
განდო ცხოვარნი თვისნი, ისეთ კადნიერებას მოიპოვებ ამ  
მსახურებით, რომ მეც ამ ქვეყნიდან გასულს, იმ განსაცდელ-  
ში მყოფს, მარადიული სავანისაკენ შენ წამიძღვები-მეთქი.

**თარგმნეს მანანა ჩიქვანაიამ და  
რუსიკო ბუაჩიძემ.**

შენიშვნა: იოანე ოქროპირის ეს ექვსი სიტყვა „მღვდლობის შესახებ“  
1842 წელს „სლავენ-როსიულისაგან“ უთარგმნია მღვდელ-მონაზონს, ტა-  
რასი ალექსიშვილს (ალექსი-მესხიშვილს). თარგმანის ავტორისეული ნუს-  
ხა — A — 286, ხელნაწერთა ინსტიტუტში ინახება. ჩვენ გავეცანით ამ  
ხელნაწერს, მაგრამ მას თარგმნისას არ დაესესხებიათ.

ქრისტიანულმა სამყარომ წმიდა ისააკ ასურის ცხოვრების შესახებ მხოლოდ მისი გარდაცვალებიდან ათასი წლის შემდეგ შეიტყო. მანამდე კი, მარტოოდენ მისი თხზულებები იყო ცნობილი, რომლებიც მრავალ ენაზე ითარგმნებოდა. 1719 წელს რომში გამოქვეყნდა ანონიმური არაბი ავტორის მიერ ძალზე მცირე ცნობებისაგან შემდგარი ღირსი მამის ცხოვრების აღწერა, რომელიც მოგვითხრობს, რომ ისააკი თავის ძმასთან ერთად დასახლებულა ქალაქ ნინევიის მახლობლად მდებარე მარ-მათეს\* მონასტერში. ძმები გასაოცარი სიბრძნითა და მაღალი მოღვაწეობით გამოირჩეოდნენ. წმ. ისააკის ძმა არჩეული იქნა მონასტრის წინამძღვრად, ხოლო ისააკი უდაბნოში განმარტოვდა და მთლიანად მღუმარებასა და ლოცვას მიეცა. თუმცა ძმამ არაერთხელ მოუწოდა მონასტერში დაბრუნებულებო, მაგრამ მისი გადაწყვეტილება მტკიცე აღმოჩნდა.

ღროთა განმავლობაში ღირსი ისააკის სიბრძნემ და წმიდა ცხოვრებამ შორს გაითქვა სახელი. ხალხის თხოვნით იგი ნინევიის საეპისკოპოსო კათედრაზე ავიდა, მაგრამ ქალაქელთა უზნებობამ და დაყუდებული ცხოვრების მძაფრმა სურვილმა აიძულა დაეტოვებინა ნინევია და კვლავ უდაბნოში განმარტობულიყო, სადაც სიკვდილამდე ღმრთისათვის სათნო ცხოვრებას ეწეოდა.

ყოველივე ამას 1896 წელს, მას შემდეგ რაც ფრანგმა მეცნიერმა აბატმა შაბომ VIII საუკუნის სირიელი ავტორის ბასრის ეპისკოპოს იუზედენის თხზულება გამოაქვეყნა, დაემატა კიდევ რამდენიმე ცნობა წმიდა ისააკ ასურის შესახებ. იუზედენი მოგვითხრობს, რომ ანტიოქიის პატრიარქმა გიორგიმ (680 წ. ც — „ბეფ-აბეს“ მონასტერში ღირსი ისააკი ნინევიის ეპისკოპოსად აკურთხა. წმინდანმა მხოლოდ ზუთი თვე დაჰყო. საეპისკოპოსო კათედრაზე, შემდეგ კი, ყველასათვის გაურკვეველი მიზეზებით უდაბნოს მისცა თავი და მატუს მთაზე

\* — „მარ“ — ნიშნავს ბატონს, მეუფეს; ამ ტიტულით აღმოსავლეთში მოიხსენებიან ეპისკოპოსები და წმიდა ცხოვრების მოსაგრეები.

დასახლდა. იგი ისეთი გულმოდგინებით სწავლობდა საღმრთო წიგნებს და იმდენად მკაცრად მარხულობდა, რომ დაბრმავდა, მაგრამ მიუხედავად ამისა, ნაყოფიერი ლიტერატურული მოღვაწეობა არ შეუწყვეტია. მის ნაკარნახევსა და მადლშემოსილ შეგონებებს გადამწერი ბერები იწერდნენ.

წმ. ისააკ ასურის მარხვაზე მოგვითხრობენ, რომ იგი მთელი კვირის განმავლობაში მხოლოდ სამი მომცრო პურითა და მცირეოდენი ბალახით იკვებებოდა. მოხარშულს საერთოდ არაფერს იკარებდა.

ლირსი ისააკ ასური უდიდესი მასწავლებელია ბერ-მონაზვნობისა. სწავლება ჭეშმარიტი სულიერი ცხოვრების შესახებ მის თხზულებებში უმაღლეს მწვერვალს აღწევს, რაც ნაყოფია დაყუდებული ცხოვრების უმდიდრესი გამოცდილებისა. მისი მემკვიდრეობიდან ცნობილია შვიდტომეული „სულით ზელმძღვანელობის, საღმრთო მჭვრეტელობის, სამსჯავროსა და კეთილმსახურების შესახებ“. ქართულ ენაზე წმ. ექვთიმე ათონელის მიერ ნათარგმნია ისააკ ასურის „სამოღვაწეო თაენი“. ქვემოთ გთავაზობთ რამდენიმე სიტყვას ლირსი ისააკის ნაწერებიდან, რომლებიც წმიდა ასკეტურ ხასიათს ატარებენ და მხოლოდ ბერ-მონაზონთათვისაა განკუთვნილი. მათი გამოქვეყნების მიზანია მკითხველი გაეცნოს მართლმადიდებელი ეკლესიის სწავლებას ჭეშმარიტი მისტიკისა და ასკეტური ცხოვრების შესახებ, ჩაიხედოს ამ სამყაროს უკიდევანო სიღრმეში და შეიგრძნოს მისი საოცარი სურნელება.

სიტყვა მერვე

იმის შესახებ, რომ უნდა ვერიდოთ დახსნილ და უღებ ადამიანებს, რამეთუ მათთან დაახლოებას ჩვენში შემოაქვს იგივე დახსნილობა და უღებება, და ყოველგვარი არაწმიდა ვნებები. აგრეთვე იმის შესახებ, რომ უნდა ვერიდოთ ქაბუ-კებთან ურთიერთობას, რათა ჩვენი გონება უჯერო გულისსიტყვებით არ წაიბილწოს.

ვინც თავის ბაგეს ცილისწამებით არ ბილწავს, ის გულს ვნებებისაგან იცავს. ხოლო ვინც გულს ვნებებისაგან განწმენდს, ის ყოველყამ ხედავს უფალს. ვინც გონებით მუდამ ღმერთთანაა, ის თავისი თავისგან ეშმაკებს განასხამს და მათი უკეთურების თესლს აღმოფხვრის. ვინც მუდამ ყურადღებით აღევნებს თვალს თავისი სულის მოძრაობებს, მისი გული უფლის გამოცხადებებით ხარობს. ვისაც გონება თავს შიგან აქვს შემოკრებილი, ის თავის თავში სული წმიდის ბრწყინვალეობას იხილავს. ვინც თავი დაიცვა გონება-გაფანტულობისაგან, ვინც მოიძულა განცხრომა, ის თავის მეუფეს თავისავე გულში ხედავს. თუ გიყვარს სიწმინდე, ნურავის განიკითხავ, ნურც ნურავის ცილს სწამებ და ნურც ძმის შემასმენელს უგდებ ყურს. თუ შენს თვალწინ სხვები დაობენ, ყურებზე ხელი აიფარე და გაიქეცი, რათა მრისხანების სიტყვები ვერ გაიგონო და სული შენი სიკვდილისაგან იხსნა. მრისხანე გული ღმრთის საიდუმლოებებს ვერ იტანს, ხოლო მშვიდი და მდაბალი — მომავალი საუკუნის საიდუმლოთა წყაროა.

...თუ განწმენდილი ხარ ვნებათაგან, მაშინ შენშია ცა და ამ ცაში ხედავ ანგელოსებს, ნათლით შემოსილებს, და მათთან ერთად მეუფეს მათსას. ვისაც ღირსეულად აქებენ, იმას არ ღვნებს ქება, მაგრამ თუ კაცი ტკბება ქებით, ის ზეციურ ჯილდოს აკლდება. საუნჯე მდაბლისა შის შიგნითაა, და ეს საუნჯე არის უფალი ჩვენი. ვინც თავის ენას იცავს, არასოდეს გახდება მისი მსხვერპლი. მღუმარე კაცის გონება უფლის

საიდუმლოებებს კერეტს, ხოლო სიტყვამრავალი თავს განა-  
შორებს შემოქმედისაგან. (თუ გული არა გაქვს წმინდა, ბაგე  
მინც დაიციე წმინდად). (სულიერ ძმებთან ხანგრძლივი საუ-  
ბარიც ავნებს კაცს, ხოლო ერისკაცის მარტო დანახვაც კი  
მეაწფოთებს სულს).

კეთილი სული მზეზე უმეტეს ბრწყინავს და ყოველყაშს  
უფლის გამოცხადებათა ხედვით ხარობს. ვინც შეუდგება  
ღმრთის მოყვარე კაცს, ის ღმრთის საიდუმლოებებით გამ-  
დიდრდება, ხოლო ვინც უსჯულო და ამპარტავან კაცსაა აყო-  
ლილი, ის განეშორება ღმერთს და მოძულებული იქნება შე-  
გობრებისგან. მღუშარე კაცი სიმდაბლეს მოიგებს და ადვი-  
ლად სძლევს ვნებებს. ვნებები განიდევნებიან ღმერთის მუდ-  
მივი ხსენებით, ესაა მახვილი, შემემუსრველი ვნებათა. რო-  
გორც წყნარ ზღვაში ისმის დელფინის ცურვისა და დგაფუხის  
ჩქამი, ისევე ირეკლება მრისხანებისა და გალიზიანებისაგან  
ფანთავისუფლებულ გულში უფლის საიდუმლოებები და გა-  
მოცხადებები.

ვისაც სურს ხილვა უფლისა, განიწმინდოს გული მარადის  
მისი ხსენებით, და განათლებული გონებით ყოველყაშს იხი-  
ლავს ღმერთს. რაც წყლიდან ამოგდებულ თევზს ემართება,  
იგივე მოსდის გონებას, რომელიც ღმერთზე ფიქრს თავს ანე-  
ბებს და ამქვეყნიური ზრუნვა შეიპყრობს. რამდენადაც განე-  
შორება კაცი ადამიანებთან ურთიერთობებს, იმდენად ხდება  
ღირსი თავისი გონებით ღმერთთან კადნიერი საუბრისა, და  
რამდენადაც უარყოფს ამსოფლიურ ნუგეშინისცემას, იმდე-  
ნადვე ხდება ღირსი სული წმიდის მიერ მინიჭებული საღმრ-  
თო მადლისა. და როგორც თევზები კვდებიან უწყლობით,  
ისევე კვდება ღმერთის ხსენება იმ ბერის სულში, რომელიც  
ხშირად ესაუბრება ერისკაცებს.

საერთო და ყოფით ამბებში გართული, მაგრამ ჭირთამთმე-  
ნი ერისკაცი სჯობს ასევე ჭირთამთმენ ბერს, რომელიც საერო  
საქმეებითაა დაკავებული. ვინც მხურვალე მოშურნეობით  
დღედაღამ ეძიებს ღმერთს თავის სულში და ცდილობს აღმო-  
ფხვრას მასში ეშმაკისაგან დანერგული გულისსიტყვანი, ის  
საშინელია ეშმაკებისთვის და სათნო — ღმრთისა და მისი  
ანგელოზებისთვის. ვინც წმინდაა გულით, იმას გონების აღ-

გილი თავისსავე თავში აქვს, მის შიგნით მბრწყინავი მზე არის ნათელი ყოვლადწმიდა სამების, ჰაერი, რომლითაც ასეთი ადამიანი სუნთქავს, არის ნუგეშინისმცემელი და ყოვლად წმიდა სული, მის თანა მკვიდრობენ წმიდა და უხორცო ბუნებანი — ანგელოზნი, ხოლო ცხოვრება და სიხარული მისი არის ქრისტე, ნათელი ნათლისაგან — მამისაგან. ასეთი კაცი მარადის იხარებს თავისი სულის ხედვით, და უკვირს მშვენიერება მისი, რომელიც ასჯერ აღემატება მზის ბრწყინვალებას. ესაა ზეციური იერუსალიმი და სასუფეველი ღმრთისა, რომელიც, უფლის თქმით, ჩვენშია დაფარული (ლუკა, 17, 21). ეს ადგილი არის ღრუბელი უფლის დიდებისა, რომელშიც შევლენ მხოლოდ წმიდანი გულითა, რათა იხილონ სახე თავიანთი მეუფისა და განათლდნენ უფლისმიერი ნათლით.

ხოლო ვინც მრისხანეა და დიდებისმოყვარე, ნაყოფიანი და ანგარი, ერისკაცებთან აღრეული, თავისი ნების აღმასრულებელი, ფიცხი და ვნებებით სავსე — ყველა ესენი ისევე არიან დაბნეულნი, როგორც წყვიდიადში მებრძოლნი და ბნელში ვლენან, რამეთუ სიცოცხლისა და სინათლის წყაროსაგან უცხო იქმნენ, რამეთუ ეს წყარო არის კეთილთა, მდაბალთა და გულით წმიდათა წილხვედრი. ვერ ძალუძს კაცს იმ მშვენიერების ხილვა, რომელიც მის შიგნითაა დაფარული, ვიდრე არ მოიძულებს და არ შეურაცხყოფს ყოველივე გარეგანს და კერ შეძლებს ღმერთის ხილვას, ვიდრე სრულიად არ უარყოფს ამ სოფელს. ვინც არარად შერაცხავს თავის თავს, იმას განაბრძნობს უფალი, ხოლო ვისაც თავი ბრძნად უჩნს, იგი ღმრთაებრივი სიბრძნისაგან განდგომილია. ოდეს ვდუმვართ, გვინათდება გონება და გულისსიტყვათა გარჩევის ნიჭი გვეძლევა, ფუქსიტყვაობით კი, ყველაზე დინჯი გონებაც აღვილად იფანტება.

ვინც ამსოფლად ნებისთ გლახაკობას თავს იღებს, იმას ღმერთი თავის სიმდიდრეს უწყალობებს, მდიდართა მეგობარი კი ღმრთის ნუგეშინისცემას მოაკლდება. ვინც წმინდაა ზორციით, მდაბალი გონებით, მოძულე კადნიერი საუბრისა და ურისხვეელი, (ვინც განიშორა გულისწყარომა) იგი, მე მწამს, დაიწყებს თუ არა ლოცვას, მაშინვე იხილავს თავის სულში სული წმიდის ნათელს, მხიარულია მხედველი ამ ნათლის დი-

დებისა, აგრეთვე საკუთარი თავის შეცვლისა და ამ დიდებასთან მიახლოებისა. არ არსებობს რაიმე სხვა საქმე, რომელიც ისე განასხამდეს არაწმიდა სულთა მხედრობებს, როგორც უფლისმიერი ჩვენება.

ერთმა მამამ მიაშბო: „ერთ ღღეს ვიჯექი და უეცრად ჩვენება ვიხილე. როდესაც გონს მოვედი, ღრმად ამოვიოხრე. იქვე მდგომი ეშმაკი, ამის გამგონე, შეშინდა, მეხნაკრავივით წამოხტა, ყვირილი აღმოხდა და გაქცევით უშველა თავს, თითქოს ვილაც მისდევდაო“.

ნეტარ არს კაცი, რომელსაც ახსოვს თავისი ამსოფლით განსვლა და განეშორება ყოველგვარ შვებას, რამეთუ მრავალჯერ მეტ ნეტარებას მიიღებს იმქვეყნად, და ეს ნეტარება არასოდეს მოაკლდება. იგია ღმრთისაგან შობილი, სული წმიდაა მისი მასაზრდოებელი, სული წმიდისაგან ისრუტავს მომავალი ცხოვრების სიტკბოს, და გულს უხარებს მისი სურნელება. ხოლო ვინც მიჯაჭვულია ამ სოფელს, ვინც ერისკაცებთანაა აღრეული, ვისაც უყვარს მოსვენებით ყოფნა და ამოა საუბარი, ის მკვდარია სულიერად, და მე აღარც კი ვიცი, რა გითხრათ ასეთ კაცზე, ისღა დამრჩენია, უნუგეშო ცრემლი დავღვარო მისთვის და ჩემი გოდების ხმა მივაწვდინო მათ, ვისაც მოსმენა ძალუძს.

ჰე, ბნელში მსხდომნო, აღეშარტენით, დაე ნათელი მოეფინოს თქვენს სახეებს! გადაიგდეთ ამსოფლიურ ვნებათა უღელი, რათა მიირქვათ ნათელი, მამისაგან გამომავალი, დაე, უფლის საიდუმლოთა მსახურებმა დახსნან თქვენი ბორკილები და მამისაკენ სავალი გზა მიგიითთონ! ვაიმე, რითი ვართ შეკრულნი, რა გვიშლის ხელს, რომ ვიხილოთ ნათელი და დიდება ღმრთისა? დაგვევივდეს მაინც ეს ბორკილები, რომ მოვიძიოთ და ვიპოვოთ ღმერთი!

თუ კაცთა საიდუმლოებების ცნობა იწყურია და ჯერ არ მიგიღწევია იმისათვის, რომ სული წმიდის ძალით გაიგო ისინი, ამ აღამიანთა ცხოვრების წესის მიხედვით შეგიძლია გულისხმაპყო: ვინც წმინდაა გულით და უბიწოდ ცხოვრობს, ის მუდამ მოწიწებით წარმოთქვამს უფლის სახელს, და თავისი საზომის შესაბამისად მსჯელობს ღმრთაებრივ საგნებზეც და

საკუთარ სახეზე. ხოლო ვისაც გული ვნებებით აქვს შესვარული, იმის ენასაც ვნებები წარმართავს სულიერ საგანზე რომ მსჯელობდეს, ვნებების გავლენით ლაპარაკობს და სურს, რადაც არ უნდა დაუჯდეს, ძლევა მოიპოვოს თავისი სიკრუით. კაცი ბრძენი ერთი შეხედვით ცნობს ასეთ ადამიანს, და გულით წმინდას მაშინვე სცემს მისი მყრალი სუნი.

მემრუშეა ის, ვინც სულითა და ხორციით ამოსმეტყველებასა და გონება-გაფანტულობას ეძლევა. ვინც მას ეთანხმება და თანამონაწილედ უხდება, იგია თანამემრუშე, ხოლო მას, ვინც მათთან ურთიერთობას არ იშლის, კერპთმსახურის სახელი შეჰფერის. ჭაბუკებთან მეგობრობა არის მრუშობა, რომელიც საძაგელია უფლის წინაშე. ასეთი კაცის საკურნებელი მალამო არ არსებობს. ხოლო ვისაც ყველა ერთნაირად, განურჩევლად უყვარს თანაგრძობის გამო, იმან უკვე სრულყოფას მიაღწია. როცა ჭაბუკი ჭაბუკსაა აყოლილი, კაცი ბრძენი, მათი შემხედვარე, ტირის და ჰგოდებს, ხოლო თუ ბერიკაცი აპყვა ჭაბუკს, მისი ვნება ჭაბუკის ვნებაზე უმყრალესი ხდება. სათნოებებზეც რომ მსჯელობდეს, გული მისი მოწყულულია. ჭაბუკი, თუ იგი თავმდაბალია და დუმილის მოყვარე, თუ გული გაწმენდილი აქვს შურისა და მრისხანებისგან, თუ ერიდება ადამიანებს და ყურადღებით აკვირდება თავის თავს, მალე მიხვდება დახსნილი ბერიკაცის ვნებებს. ხოლო თუ ბერიკაცი ერთნაირად არაა განწყობილი ჭაბუკისა და ასაკოვანის მიმართ, მასთან ურთიერთობას მოერიდე და, რაც ძალი და ღონე გაქვს, გაექეცი.

ვთუ მათ, ვინც თავს სხვაგვარად აჩვენებს და სიწმინდის საფარველქვეშ საკუთარ ვნებებს ატარებს. ვინც სიბერეს მიაღწია და უპყრია გულისსიტყვათა სიწმინდე, ცხოვრების კეთილი წესი და ენის დამკვირვა, ის უკვე ამსოფლად ტკება სულიერი გულისხმისყოფის ნაყოფით, ხოლო ამსოფლით განსვლის შემდეგ ღმრთაებრივ დიდებას მოიხვეჭს.

ისე ძლიერ არაფერი შრეტს სული წმიდის მიერ მონაზვნის გულში შთაბერილ ცეცხლს, როგორც ადამიანებთან ურთიერთობები, ფუჭსიტყვაობა და ყოველგვარი საუბრები, გარდა უფლის საიდუმლოთა მცნობელებთან საუბრისა, რომელიც სარგოა სულისთვის, თანაშეეწევა ღმრთის შემეცნება-



სა და ღმერთთან შიშობას. რამეთუ ასეთი საუბარი სხვა სათნოებებზე მეტად აღანთებს კაცს სულიერი მოქალაქეობის დასაწყებად, აღმოფხვრის ვნებებს და თრგუნავს ბოროტ გულსიტყმებს. ასეთი აღაშინების გარდა ნურავის ისურვებ მეგობრად და მესაიდუმლედ, რათა შენს სულს საცთური არ გაუჩინო და უფლის გზას არ გადაუხვიო. დაე, იმატოს შენს გულში სიყვარულმა, რომელიც უფალთან გაერთებს, რათა არ დაგატყვეოს ამსოფლიურმა სიყვარულმა, რომლის თავიცა და ბოლოც ხრწნილებაა მხოლოდ. მოღვაწე კაცთან ერთად ცხოვრება და მასთან ურთიერთობა ორივე მხარეს უფლის საიდუმლოთა ცნობით აძლიერებს, ხოლო დახსნილ და უღებ აღაშინებთან მეგობრობას ის მოსდევს, რომ ორივე გონება-გაფანტულობასა და ნაყოფანებას ეძლევა. ასეთ კაცს უგემურად ეჩვენება საქმელი თავისი თანამეინახის გარეშე და ამბობს: „მარტო კაცი ქამაშიაც ბრალიაო“. ისინი უსასრულოდ ეპატიუებიან ერთმანეთს ნადიმებზე და ამით ერთმანეთის მოვალენი ხდებიან. შორს ჩვენგან ეს საძაგელი სიყვარული, ეს უწესო და უსჯულო საქმე! გაექეცი, ძმაო, ასეთ ხალხს და, რომც გიჭირდეს, ნუ გაიყოფ მათთან ტრაპეზს, რამეთუ საძაგელია ეს ტრაპეზი უფლის წინაშე, ეშმაკნი მსახურებენ მას, ქრისტეს მეგობრები იქ არ სხდებიან.

ვინც ხშირად აწყობს ნადიმებს, იგია სიძვის ეშმაკის მსახური, და ასეთ ნადიმებზე ჯდომა თავმდაბალი კაცის სულს ბლწავს. ხოლო წმინდანის ტრაპეზიდან აღებული პური კაცის სულს ყოველგვარი ვნებისაგან განწმენდს. გემოთმოყვარის ტრაპეზს სანოვაგისა და ნუგბარი კერძების სუნი ასდის. როგორც ძალღი ეტანება ხორცის სავაჟროს, ისე ეტანება უგუნური და უგულისხმო ასეთ ტრაპეზს. ხოლო მლოცველის ტრაპეზის სურნელება უფრო ტკბილია, ვიდრე მუშკისა და მირონის ნელსურნელება, ღმრთისმოყვარე კაცისთვის იგი უძვირფასეს საგანძურზე უფრო სასურველია.

მღვიძარე, უფლისთვის მოღვაწე და მმარხველი კაცის ტრაპეზიდან მოიპოვე ცხოვნება, და სიკვდილისაგან აღადგინე. სული შენი. რამეთუ მათ შორისაა, მათ აკურთხევს ქრისტე, და ჳირთა მათთა სიმწარეს თავის მიუწვდომელ სიტკბოებად გარდააქცევს, უფლის სულიერი და ზეციური მსახურნი

უკრილობენ მათ და მათ წმინდა საზრდელს. მე ვიცნობ ერთ ძმას, რომელმაც ეს საკუთარი თვალთ იხილა.

ნეტარ არს, ვინც თავს იკავებს ყოველგვარი გემოთმოყვარებისგან, რამეთუ იგი კაცს შემოქმედისგან განაშორებს. ნეტარ არს, ვისი საზრდელიც არის პური, ზეცით გარდამოსული და ქვეყნისათვის ცხოვრების მიმნიჭებელი. ნეტარ არს, ვინც იხილა წყარო ცხოვრებისა, მამისაგან გამომავალი, და მოსწყურდა იგი. რამეთუ, როცა მას შესვამს, განმხიარულდება და გაიშლება გული მისი, სიხარული და ლხენა დაეუფლება კაცს. ვინც თავის საზრდელში იხილა უფალი თვისი, ის ყველას გაურბის და მარტო ეზიარება ქრისტეს, არავითარი ურთიერთობა არა აქვს უღირს კაცებთან, რათა მათი თანამონაწილე არ გახდეს, და უფლისაგან გამომავალმა სხივმა გვერდი არ აუქციოს მას. ხოლო ვის საჭმელშიც მოპაკვდინებელი შხამი, ანუ ცოდვითა შერეული, ის თავისი მეგობრების გარეშე ვერ ირგებს ლუკმას. ლეშის მჭამელ მგელსა ჰგავს ის, ვინც საკუთარი სტომაქის გულისთვის უმეგობრდება ვინმეს. ეჰა, რა გაუმაძღარი ხარ, უგუნურო! ლამობ მუცელი ამოიყორო დახსნილ კაცთა ტრაპეზზე, სადაც შენი სული ათასგვარი ვნებებით ივსება! ეს გაფრთხილებები, ვგონებ, საკმარისი უნდა იყოს მათთვის, ვისაც ძალუძს აღვირ-ასხას საკუთარ მუცელს.

მეტად ტკბილია მმარხველის სურნელება, და მასთან შეხვედრა ახარებს გონიერი კაცის გულს, ხოლო გემოთმოყვარეს მმარხველთან გადაყრა აშინებს და იგი ყოველ ღონეს ხმარობს, რომ ტრაპეზი არ გაიყოს მასთან.

სათნოა ღმრთის წინაშე მმარხველის სურნელება, ზოლო ანგარებისმოყვარე კაცისთვის ძნელია მისი მეზობლობა. კაცი დაყუდებული იქება ქრისტეს მიერ, მაგრამ მათთვის, ვისაც ეშმაკმა გართობა და დროსტარება შეაყვარა, მისი დანახვაც კი უსიამოვნოა. ვის არ უყვარს მდბაალი და მშვიდი, გარდა ამაყისა და მაგინებელისა, ვისთვისაც უცხოა მისი ცხოვრების წესი?

ერთმა კაცმა საკუთარი გამოცდილებით მიამბო: „რა დღესაც ვინმეს ვესაუბრები, იმ დღეს სამ-ოთხ ორცხობილას ვჭამ, ლოცვას თუ დავაპირებ, არა მაქვს კადნიერება ღმრთის

წინაშე და ვერ ვახერხებ მისკენ მივმართო ფიქრი. თანამოსაუბრეს რომ დავშორდები, პირველ დღეს ერთნახევარ ორცხობილას ვჭამ, მეორე დღეს — ერთს, ხოლო როცა მდღეობაში განვმტკიცდები, ვცდილობ, ერთი ორცხობილა შევჭამო და ვერ ვახერხებ. გონება ჩემი კადნიერებით ესაუბრება ღმერთს, თუმცა ძალას სულ არ ვატან, და უფლის ნათელი მოუკლებლად შემომადგება გარს, ვჭვრეტ ღმრთაებრივი ნათლის მშვენიერებას და ვხარობ მისით. მაგრამ თუ მდღეობების დროს ვინმე მოვიდა და დამელაპარაკა თუნდაც ერთი საათით, მაშინ შეუძლებელი ხდება მეტი საჭმელი არ ვჭამო, ჩემი კანონიდან რაიმე არ გამოვტოვო და იმ ნათლის ჭვრეტა შევძლო“. ხომ ხედავთ, ძმებო, რა მშვენიერია და სასარგებლო მოთმინება და დაყუდება, რა ძალასა და სიხარულს ანიჭებს იგი მოღვაწეს. ნეტარ არს, ვინც ღმრთის გულისათვის იმარხავს მდღეობას და განმარტოებით ჭამს თავის პურს, რამეთუ იგი მარადის ღმერთს ესაუბრება. მასვე დიდება და თაყვანისცემა აწ და მარადის და უკუნითი უკუნისამდე, ამინ.

**თარგმნა რუსიკო ბუაჩიძემ**

ახლადმოსულთა წეს-განგებისა და იმის შესახებ,  
თუ რა შეპყვრის მათ

უბიწო და ღმრთისათვის სათნო ქცევა ესაა: აქეთ-იქით თვალების ცეცებას მოერიდებ და მუდამ წინ იყურე, ამოსძებ-ტყველებას გაექეცი და მხოლოდ ისა თქვი, რაც აუცილებელია, უბრალო სამოსი იკმარე, უბრალო საზრდელი მიიღე, შიმშილის დასაოკებლად და არა გემოთმოყვარების დასაცხრობად. ყველაფერი ცოტ-ცოტა ჭამე, ერთს ნუ შეიძულებ და მეორეს ნუ შეიყვარებ, და რაც გიყვარს, იმით ნუ ამოიყორავ მუცელს. ყოველ სათნობაზე მალა დგას განსჯის უნარი. დეინოს კი, თუ მეგობრები არ გწვევიან, ან თუ ავად არა ხარ, ან ძალიან სუსტად თუ არა გრძნობ თავს, საერთოდ ნუ დაღევ. კაცი რომ ლაპარაკობს, სიტყვას ნუ გააწყვეტინებ, და რაიმეს თუ გკითხავენ, უმეცარივით ნუკი უპასუხებ, ბრძენთა სიმტკიცეს მოუხმე. სადაც არ უნდა იყო, უმცირესად შერაცხე თავი და სხვა ძმათა მსახურად. ნურასოდეს გაიშვილებ სხეულის რომელიმე ნაწილს, ნურავის სხეულს ნუ შეეხები რაიმე აუცილებლობის გარეშე და ნურც ნურავის მისცემ ნებას, ასეთივე მიზეზის გარეშე შეგეზონ. სიკვდილივით ერიდე კადნიერ ლაპარაკს. ძილშიაც უბიწოება დაიშარხე, რათა მფარველი ანგელოზი არ განგეშოროს, და თუ ეს შესაძლებელია, ეცადე ვერავინ განახოს მძინარე. კარგი იქნება, თუ ვერც შენს ნახველს დაინახავს ვინმე. თუ ტრაპეზზე მჯდომს ხველება აგიტყდა, თავი უკან მიაბრუნე და ისე დაახველე. სმა-ჭამაც მორიდებული შეგფერის, როგორც შვილს ღმრთისას.

ხელს ნუ გაიწვდი იმის ასაღებად, რაც შენს მეგობარს შესთავაზეს. თუ შენთან ერთად ტრაპეზზე უცხო-ზის, სთხოვე რაიმე იხმიოს, თან წესრიგი დაიცავი. წყნარად და მოკრძალებულად იჯექი, ნუ გაიშვილებ სხეულის რომელიმე ნაწილს. როდესაც ამტქნარებ, პირზე ხელი აიფარე, რომ სხვებმა ვერ დაინახონ, რამეთუ, თუ სუნთქვას შეიკავებ, მტქნარება გაგივლის. წინამძღვრის, მეგობრის ან მოწაფის სენაკში რომ შედიხარ, ეცადე ვერ დაინახო, რა ნივთები აწყვია იქ. თუ გუ-

ლისსიტყვა ამისკენ გაქეზებს, ნუ დაემორჩილები მას, რამეთუ ვინც ამ საქმეში მოურიდებელია, მისთვის უცხოა მონაზუნარი სახე და თვით ქრისტე, ვინც ეს სახე მოგვანიჭა. თვალს ნუ მიაპყრობ შენი მეგობრის სენაქში იმ აღვილებს, სადაც ჭურჭელია შენახული. ჩუმად გააღე და დახურე შენი სენაკის კარიც და შენი მეგობრის სენაკის კარიც. გაუფრთხილებლად ნურავისთან შეხვალ, ჯერ დაუჯაკუნე, ნებართვა სთხოვე და ნერე მორიდებულად შედი.

მომაკვდინებელი შხამის დაღვეა გერჩიოს ქალთან ერთად ქამას, თუნდაც ის დედაშენი ან შენი და იყოს. გველთან ერთად ძილი გერჩიოს ქაბუჯთან ერთად ერთ ჭერქვეშ ძილს ან წოლას, თუნდაც ის შენი ხორციელი ძმა იყოს. თუ გზად მიდიხარ და ვინმე უფროსთაგანი გეტყვის, მოდი, ვიგალობოთო, დაემორჩილე. ხოლო თუ არავინ არაფერს გეუბნება, მღუმარე იყავ და გულში ადიდე ღმერთი. ნურავის ნურაფერში ეწინააღმდეგები, ნურავის ეღავები, ტყუილს ნუ იტყვი, ნუ დაიფიცებ უფლის სახელს. არად გაგდებენ? სხვას ნუ უზამ იგივეს. გულს გტკენენ? შენ ნუ ატკენ გულს. სჯობს ხორცი დაიღუპოს, ოღონდ სული არ დაზიანდეს. ნურავის გამოუტან განაჩენს, ხოლო თუ უსამართლოდ განგსჯიან, მოითმინე. გულით ნუ შეიყვარებ რაიმე ამსოფლიურს, დაემორჩილე წინამძღვრებსა და უფროსებს, მაგრამ მოერიდე მათთან სიახლოვეს, რამეთუ ესაა მახე, დახსნილ კაცთა დასაღუპად დაგებული.

შენ, გემოთმოყვარე კაცი, სტომაქის ამოვსებას რომ ლაშობ, გიჯობს ანთებული მუგუზალი გადაყლაპო, ვიდრე მთავართა და მმართველთა მიერ შემოძლეული ტკბილეული. ყველას მიაწვიდნე შენი მოწყალება და ყველასგან მიიღე შეურაცხყოფა. უფრთხილდი მრავლისმეტყველებას, რამეთუ იგი ღმრთისაგან მოვლენილ ფიქრებს აქრობს შენს გულში. ცოფმორეული ლოპივით ერიდე დოგმატებზე მსჯელობას, ამაზე ნურც ეკლესიის შეილებს ესაუბრები და ნურც უცხოებს. სათოფეზე ნუ გაეკარები მრისხანე და ანჩხლ ადამიანებს, რათა შენს გულშიც არ დაიბუდოს გაღიზიანებამ და შენი სული ხიბლის ტყვეობაში არ აღმოჩნდეს. ამაყ კაცთან ერთად ნუ იცხოვრებ, რათა სული წმიდის ძალამ არ მიგატოვოს და შენი

სული არაწმიდა ცნებათა . სამყოფელად არ იქცეს. თუკი ამ გაფრთხილებებს ყურად იღებ, ჰოი კაცო, და ყოველთვის საღმრთო აზრებით იქნები დაკავებული, მაშინ ჭეშმარიტად იხილავ შენს სულში ქრისტეს ნათელს, დაუღამებელს. ქრისტეს. დიდება უკუნითი უკუნისამდე, ამინ!

**თარგმნა რუსიკო ბუაჩიძემ**

## სიტყვა სამოცდამეერთე

იმის შესახებ, თუ რა გზით მიეახლება კაცის გული ღმერთს, რა არის ჭეშმარიტი მიზეზი ღმერთის შეწევნისა, და რომელი საქმე მიიყვანს კაცს სიმდაბლემდე.

ნეტარ არს კაცი, რომელმაც უწყის თავისი უძლურება, რამეთუ ეს ცოდნა ყოველივე კეთილის საფუძვლად და დასაბამად შეექმნება. რამეთუ, როდესაც კაცი ჭეშმარიტად სცნობს თავის უძლურებას, მაშინ მხოლოდ ღმერთს ესაეს და არა თავის თავს, და აპრიგად, მოიგებს სიმდაბლეს.

მაგრამ ვერაინ სცნობს თავის უძლურებას, თუ ღმერთი მასზე რაიმე განსაცდელს არ მიუშვებს: სულიერს ან ხორციელს. მაშინ შეადარებს კაცი თავის უძლურებას ღმერთის შეწევნას, და გულისხმავოფს მის ძლიერებას. ასევე, როცა იხილავს თავის მოღვაწეობას: სიფრთხილეს, მარხვას, თავისი სულის დაცვას, რისი იმედიც ჰქონდა და რითიც ცდარობდა სიმტკიცის მოპოვებას, და რამაც არ გაუმართლა, როცა ნახავს, რომ მისი სული შიშისა და ძრწოლისაგან სიმშვიდეს ვერსად ჰპოვებს, მაშინ სცნობს და გულისხმავოფს, რომ ეს შიში სულისა ამედავნებს და ამხელს საღმრთო შეწევნის აუცილებლობას. ასეთ გულში სასოება ვერ დაიმკვიდრებს, რამეთუ, როგორც საღმრთო წერილი იტყვის, „შეწვენა ღმერთისა აცხოვნებს კაცსა“. როდესაც კაცი დაინახავს, რომ მოკლებულია ღმერთის შეწევნას, მაშინ განამრავლებს ლოცვას, ხოლო როცა ლოცვას განამრავლებს, დამდაბლდება მისი გული. რამეთუ შეუძლებელია, კაცი დაუცხრომლად ევედრობოდეს ღმერთს და ღმერთმა არ მისცეს სიმდაბლე გულისა, ხოლო „გული შემუსრვილი და დამდაბლებული ღმერთმან არა შეურაცხყოს“ (ფს. 50, 19). ვიდრე კაცის გული არ დამდაბლდება, მანამდე ვერ გაექცევა განცხრომასა და გაფანტულობას, რამეთუ სიმდაბლე შემოკრებს გაფანტულ გულს.

და როდესაც კაცი დამდაბლდება, მაშინვე გარემოადგება წყალობა ღმერთისა. ღმერთის შეწევნის მოახლებას გული იმით იგრძნობს, რომ ჰპოვებს თავის თავში სასოების ძალას. ხოლო როდესაც კაცი სცნობს ღმერთის შეწევნის მოვლინებას, მყის-

ვე აღივსება სარწმუნოებით. მაშინ გულისხმავოფს, რომ ლოცვა არის შესავედრებელი და შემწე, წყარო ცხოვრებისა, საუნჯე სასოებისა, ნავსაყუდელი, მხსნელი ღელვათაგან, ნათელი დაბნელებულთა, სიმტკიცე უძლურთა, საფარველი განსაცდელის ეამს, მკურნალი მძიმე სენთა, ფარი, ბოროტის წინააღმდეგომი, და წამახული ისარი, მტრისკენ მიმართული. მოკლედ რომ ვთქვათ, ყოველივე კეთილი ლოცვას მოაქვს სულისთვის. ამიერიდან იხარებს კაცის სული სარწმუნოებით გამსჭვალული ლოცვით, გული მისი სასოებითაა გაბრწყინებული და აღარ უბრუნდება სიბრმავის მდგომარეობას, როცა მხოლოდ ბაგით შეეძლო ლოცვა. და როდესაც იხილავს ყოველივე ამას, მაშინ მიხვდება, თუ რა საუნჯე აქვს სულში დამარხული, იგრძნობს უდიდეს სიხარულს, და ეს სიხარული მის ლოცვას მადლობად აქცევს. და აი, თქმული იმისი, ვინც ყოველ საგანს ანიჭებს თავის სახეს: „ლოცვა არის სიხარული, რომელიც მადლობას შესწირავს ღმერთს“. აქ იგულისხმება სწორედ ის ლოცვა, რომელიც საღმრთო გულისხმისყოფით აღესრულება, და რომელიც ღმრთის მიერაა მონიჭებული. რამეთუ მაშინ კაცი შრომითა და იძულებით კი აღარ ლოცულობს, როგორც ამ მადლის მიღებამდე, არამედ დიდი სიხარულითა და გაკვირვებით, განუწყვეტელი მუხლის დრეკით მადლობას შესწირავს ღმერთს, და მაშინ, საღმრთო გულისხმისყოფით აღვსილი, გაცეებითა და განცვიფრებით იმსჭვალება, უკვირს ესოდენი მადლი ღმრთისა, და აღიმაღლებს ხმას, აქებს და აღიდებს ღმერთს, უთვალავ მადლობას შესწირავს და უგალობს მას.

ვინც ამ მდგომარეობას ჭეშმარიტად მიაღწია და არა ოცნებით, ვინც საქმით გამოსცადა თავისი თავი და გამოცდილებით გაიგო ბევრი რამ, ის კარგად მიხვდება, რასაც ვამბობ, რამეთუ აქ არაფერია ჭეშმარიტების საწინააღმდეგო. ამიერიდან დაივიწყოს მან ამაო გულისსიტყვანი, მარადის ღმრთის წინაშე ვიდოდეს მოუკლებელი ლოცვით, ეშინოდეს და ძრწოდეს, რათა არა მოაკლდეს შეწევნა ღმრთისა.

ყველა ეს სიკეთე კაცს საკუთარი უძლურების შეგნებით მიეცემა, რამეთუ ამის შემდეგ უჩნდება დიდი სურვილი ღმრთის შეწევნისა, და მიეახლება ღმერთს დაუცადებელი



ლოცვით. და რამდენადაც მიეახლება კაცი ღმერთს თავისი სურვილით, იმდენადვე მიეახლება მას ღმერთიც თავისი მადლით, და არ წაართმევს ამ მადლს მისი დიდი სიმდაბლისათვის, რამეთუ, როგორც ქვრივი ევედრება მსაჯულს, დაიცვას შეურაცხყოფელისაგან, ისევე კაცი ევედრება ღმერთს, დაიცვას იგი ბოროტისაგან. ხოლო კაცთმოყვარე ღმერთი თავიდანვე იძიებდა არ აძლევს თავის მადლს, რათა კაცი თვითონაც ცდილობდეს ღმერთთან მიახლოებას, და მარადის ღმერთის წინაშე ვიდოდეს. ზოგიერთ თხოვნას ღმერთი მალე უსრულებს კაცს, კერძოდ იმას, რის გარეშეც შეუძლებელია ცხოვნება, ხოლო ზოგიერთი სათხოვრის მიცემას აყოვნებს. და ზოგჯერ არიდებს კაცს მტრის ბრძოლას, ზოგჯერ კი, მიუწვევს განსაცდელს, რათა, როგორც ვთქვი, ეს განსაცდელი ექმნეს ღმერთთან მიახლოების მიზეზად, და რათა განისწავლოს და გამოიციადოს განსაცდელთა მიერ, როგორც საღმრთო წერილი იტყვის: „და ესე ნათესავნი დაუტევენა უფალმან, რათა გამოცადნეს მათგან ძენი ისრაელისანი, ყოველნივე იგი, რომელთა არა იცნოდეს ბრძოლანი ქანანელთანი, ნათესავისა მისთვის, ძეთა ისრაელისათა, რათა ასწაონ მათ ბრძოლამ“. (მსაჯ. 3,1-2). რამეთუ, თუკი მართალმა კაცმა არ იცის თავისი უძლურება, იგი თითქოს ბეწვის ხიდზე დადის, ახლოსაა მიწგან ჩასაფრებულს დაცემა და განმბრწყინელი ვეშაპი, ანუ ამპარტავენების ეშმაკი. და კიდევ, ვინც არ იცის თავისი უძლურება, მას აკლია სიმდაბლე, და ვისაც სიმდაბლე აკლია, იმას არც სისრულისათვის მიუღწევია. ხოლო ვისაც სისრულისათვის არ მიუღწევია, იმას მუდამ ეშინია, რამეთუ მისი ქალაქი არაა დამყარებული რკინის სვეტებზე და რვალის საფუძველზე, რომელიცაა სიმდაბლე. სიმდაბლეს კი, კაცი სხვაგვარად ვერ მოიხვეჭს, თუ არა. იმ საქმეებით, რომლებითაც შეიძლება გული და დაცხრება ამპარტავენების გულისსიტყვანი. ამიტომ ეშმაკი ხშირად პოულობს სხვადასხვა მიზეზს, რომ კაცი ქეშმარიტ გზას ააცდინოს, რამეთუ სიმდაბლის გარეშე კაცი სრულყოფან ვერ მიაღწევს, და მისი თავისუფლების სიგელი სული წმიდის ბეჭდით არ იქნება დაბეჭდილი. მანამდე კი იგი მონაა, და არაა შიშისაგან თავისუფალი, რამეთუ ვერაინ გამართავს თავის საქმეს სიმდაბლის გარეშე და განსაც-

დელთა გარეშე ვერავენ განისწავლება, ხოლო გასწავლის გარეშე ვერავენ მიაღწევს სიმდაბლეს.

ამიტომ უფალი აძლევს წმინდანებს მიზეზს დამდაბლები-სა და გულის შემუსრვილებისთვის, რათა მათ მხურვალე ლოცვა მოიგონ და ყოველი, ვისაც უყვარს უფალი, მიუახლოვდეს მას სიმდაბლის გზით. უფალი ხშირად აშინებს მათ ბუნებითი ვნებებით, აბრკოლებს ბილწი და არაწმიდა გულისსიტყვებით, ანდა კაცთაგან შეამთხვევს ყვედრებას, გვეძმასა და მზეურაცხებას. ხანდახან ხორციელ უძლურებასა და სნეულებას მოუვლენს, ზოგჯერ უკიდურეს სიღატაკეში ჩააგდებს, ისე რომ აუცილებელსაც კი მოაკლებს, ხან ძლიერი შიშით ტანჯავს, ღმრთისაგან მიტოვებულად აგრძნობინებს თავს, ხან ეშმაკის ცხადი ბრძოლით აშინებს, ხან კი, სხვადასხვა საშინელი ამბებით. ყოველივე ეს იმისთვის ხდება, რომ მათ სიმდაბლის მიზეზი ჰქონდეთ და უღებების ძილს არ მიეცნენ, ან იმ ჰიქრთა წყალობით, რომლებიც მოღვაწეს თან ახლავს, ან მომავალ ბრძოლათა შიშით. ამიტომ განსაცდელი არგებს კაცს. მაგრამ ამას იმისთვის როდი ვამბობ, რომ კაცმა თავისი ნებით შეიმთხვიოს ცუდი საქმენი, რათა მათი გახსენებით სიმდაბლე მოიპოვოს, ანდა რაიმე სხვა განსაცდელი მოიწიოს თავის თავზე, არამედ იმისთვის, რომ ფრთხილად იქმოდეს კეთილ საქმეებს და მარადის მღვიძარე იყოს, დაიცვას სული თვისი და ხშირ-ხშირად მოიგონოს, რომ იგი მიწისაგანაა დაბადებული, და ამდენად — ცვალებადია, რამეთუ ყოველ დაბადებულს აკლია ძალა და სჭირდება ღმრთის შეწევნა. ხოლო ვისაც შემწე სჭირდება და თვითონ, თავისი ძალით ვერაფერს იქმს, ის თავის ბუნებრივ უძლურებას ამჟღავნებს. და ყოველი, ვინც იცის თავისი უძლურება, უექველად დამდაბლდება, რათა შემძლებელმა შეწევნისა მიანიჭოს იგი. თავიდანვე რომ სცოდნოდა კაცს თავისი უძლურება, არც უღებებაში ჩავარდებოდა, და თუ უღებებაში არ ჩავარდებოდა, მტრის მახესაც გადაურჩებოდა.

ამრიგად, ღმრთის გზას შედგომილი უნდა ჰმადლობდეს ღმერთს ყოველივესთვის, რაც მის თავს ხდება, უნდა ჰყვედრიდეს და შეურაცხყოფდეს მხოლოდ თავის სულს და იცოდეს, რომ უფალი მისი უღებებისთვის მოუვლენს ყველა გან-

საცდელს. ან იმისათვის, რომ ძილისაგან აღადგინოს მისი გონება, ან იმისთვის, რომ მისი ამპარტავნება შემუსროს. ამიტომ ნუ შეაშფოთებს ყოველივე ეს, ნუ მიატოვებს მოღვაწეობას და ნუ შეწყვეტს თავისი თავის ყვედრებას, რათა არც ერთი მხრიდან არ მოუხდეს ბოროტი, რამეთუ სამართლიანია ღმერთი, რომელიცაა წყარო ყოვლისა სიმართლისა. მასვე დიდება უკუნითი უკუნისამდე, ამინ.

**თარგმნა რუსიკო ბუაჩიძემ**

გონების დაცვისა და ჭეშმარიტი შინაგანი ხელვისათვის

თუ სენაკში ხარ დაყუდებული და საღმრთო საქმეთა ჭეშმარიტი შინაგანი ხელვა ჯერ არ მოგიპოვებია, წმიდა წერილის კითხვა და სიკვდილის ხსოვნა იყოს შენი ძირითადი საქმე, რამეთუ ესენი შემოკრებენ გონებას და გაფანტულობისაგან იცავენ მას. ასე მოიქეცი, ვიდრე არ მოგეცემა ჭეშმარიტი შინაგანი ხელვა, რამეთუ საბოლოოდ ძალა სულისა სძლევეს ვნებებს. გქონდეს საუკუნო სიკეთეთა სასოება და ხსენება ღმრთისა, იკითხე ტროპარები და მათი კეთილხმოვნებით ნუკი ტკბები, ეცადე კარგად ჩასწვდე აზრს. უფრთხილდი ყოველივე გარეგანს, რაც შენში გულისტკმებს აღძრავს, იჯექი სენაკში და იშრომე, გამოიძიე შენი გულისსიტყვანი და ილოცე, რათა მოიპოვო თვალნი, კეთილად მხედველნი, აქედან მოგეცემა სიხარული და მაშინ ყოველი ჭირი თაფლზე უტკბესად მოგეჩვენება.

ვერაინ სძლევეს ხორციელ ვნებებს სულიერ სათნობათა გარეშე, და გაფანტულ გონებასაც ვერავინ შემოკრებს სულიერი გულისხმისყოფის გარეშე. ჩვენი გონება მსუბუქია და, თუ რაიმე ერთი აზრით არ შევეკრავთ, იოლად იფანტება. ამას კი ზემოთ ჩამოთვლილ სათნობათა გარეშე ვერ მივალწევთ. თუ კაცი ვნებებს ვერ დასძლევეს, ისე მშვიდობას ვერ მოიპოვებს, და თუ მშვიდობა არა აქვს, ვერც მის ნაყოფს იგემებს. რამეთუ ვნებები სულის დაფარულ სათნობებს კედელივით ეღობებიან, და თუ ეს კედელი ხილული სათნობებებით არ დაეცა, ისე ფარული სათნობები არ გამოჩნდება. ვინც გალავნის გარეთაა, ვერ იცხოვრებს გალავნის შიგნით მყოფთან ერთად, და როგორც მზე არ ჩანს ნისლში, ისევე არ ჩანს სულიერი სათნობა, ვიდრე ვნებათა შფოთი არ დაცხრება.

ვეედრე ღმერთს, რათა მოგანიჭოს მხურვალეობა და სურვილი სულისა წმიდისა, და როდესაც ეს სურვილი მოგეახლება, მაშინ განეშორები სოფელს და სოფელიც განგეშორება შენ. ამას დაყუდების, მოღვაწეობის, წმიდა წიგნების კითხვის გარეშე ვერ მიიღებ და ნურც ეძიებ. რამეთუ, თუ არა-

სწორად ეძიებ სულიერი საქმენი მალე ხორციელად გაქცე-  
ვა. ვისაც ჩემი სიტყვების გულისხმისყოფა ძალუძს, დაე,  
გულისხმა-პყოს.

ასე ინება ყოვლად ბრძენმა უფალმა, რომ ოფლითა და  
შრომით ვკამდეთ პურს, და ეს ჩვენი სიძულვილით როდი  
ქნა, არამედ იმისთვის, რომ საკვების მონელება შეეძლოთ და  
კამით არ დავიხოცოთ. ყოველი სათნოება მეორის დედაა, თუ  
მშობელს დაუტევებ და შვილების საძებრად წახვალ, ისინი  
იქედნედ ექცევიან შენს სულს, და თუ მსწრაფლ არ განიშო-  
რებ, დაგგესლავენ კიდევ. ამიტომ პირველად მათი მშობელი  
მოიძიე, და ნაშობნი თვითონ მოვლენ შენთან, მადლითა უფ-  
ლისა ჩვენისა იესო ქრისტესითა, რომლისა არს დიდება და  
სიმტკიცე თანა მამით და სულით წმიდითურთ, აწ და მარადის  
და უკუნითი უკუნისამდე, ამინ.

**თარგმნა რუსიკო ხუაჩიძემ.**

მართლმადიდებელი სარწმუნოების ზუსტი გადმოცემა

წიგნი მეორე

თ ა ვ ი I

საუკუნის შესახებ.

გუწყით, რომ უწინარეს ყოველთა საუკუნეთა არსებულმა (ღმერთმა) თვით შექმნა საუკუნენი. სწორედ მისთვის იტყვის ღვთაებრივი დავით მეფე: „პირველ მათა დაბადებამდე და შექმნად ქვეყანისა და სოფლისა და საუკუნითგან და უკუნისამდე — შენ ხარ“ (ფს. 89, 2). და ღვთაებრივი პავლე მოციქულიც ამბობს, რომ „... ძისა მიერ თვისისა, რომელ-იგი დაადგინა მკვიდრად ყოველთა, შექმნა (ღმერთმა) საუკუნენი“ (ებრ. 1, 1-2).

მაგრამ უნდა ვიცოდეთ, რომ სიტყვას — „საუკუნე“ — მრავალი მნიშვნელობა აქვს და იგი ძალზე ბევრს რასმე აღნიშნავს. მაგალითად, საუკუნედ იწოდება ყოველი ადამიანის სიცოცხლე, და საუკუნევე ჰქვია დროის ათასწლოვან მონაკვეთს. გარდა ამისა, საუკუნეს უწოდებენ მთელს ჩვენს თანადროულ ცხოვრებას და მომავალ დაუსრულებელ ცხოვრებასაც (ადამიანთა) მკვდრეთით აღდგომის შემდეგ (იხ. მათე 12, 32; ლუკა 20, 35). კვალად, ასევე საუკუნოდ იწოდება არა დრო, ანუ რაიმე მონაკვეთი დროისა, რომელიც, ჩვეულებრივ, მზის მოძრაობითა და წრიული მსვლელობით განიზომება, ე. ი. არა ის დრო, დღეთა და ღამეთა მონაცვლეობისაგან რომ შესდგება, არამედ საუკუნედ იწოდება ის რაღაც, რაც მარადიულის თანაბრად გრძელდება, ანუ, სხვაგვარად რომ ვთქვათ, რაღაც დროისმიერი მოძრაობა და გრძლიობა, რომელიც მარადიულის ცნებას უახლოვდება და მასთან ერთადაა.

რამეთუ რაც დროა დროისმიერისათვის, იგივეა საუკუნეც — მარადიულისათვის<sup>1</sup>.

ითვლიან შვიდ საუკუნეს ამა ქვეყნისას, ანუ ცათა და ქვეყნის შექმნიდან საყოველთაო დასასრულამდე და ადამიანთა მკვდრებით აღდგომამდე. რამეთუ არის კიდევ კერძო დასასრულიც, ანუ თითოეულის სიკვდილი. მაგრამ იქნება საყოველთაო-საერთო დასასრულიც, ანუ სრული დასასრული, როცა აღსრულდება ადამიანთა საყოველთაო აღდგომა მკვდრებით. მერვე საუკუნე კი მომავალი საუკუნეა<sup>2</sup>.

სამყაროს შექმნამდე, როცა არ არსებობდა დღისა და ღამის განმყოფი მზე, არც საუკუნე არსებობდა, ანუ ის დრო, რომლის გაზომვაც შეიძლება. მაგრამ არსებობდა რალაც დროისმიერი მოძრაობა და გრძლიობა, რომელიც იმის თანად და იმასთან ერთად გრძელდებოდა, რაც საუკუნოა (მარადიულია). ამ მნიშვნელობით — საუკუნე ერთია. ამავე მნიშვნელობით ღმერთიც საუკუნოდ (მარადიულად) იწოდება, და ზემარადიულადაც (ყოვლადსაუკუნოდაც) კი, რადგან თვით საუკუნეც ღმერთმა შექქმნა. იმიტომ, რომ ერთი ღმერთია დაუსაბამო და თვით იგია შემოქმედი ყოველივესი; როგორც საუკუნისა, ასევე სხვა ყველაფრისაც. როცა მე ღმერთზე ვლაპარაკობ, რა თქმა უნდა, აქ ვგულისხმობ წმიდა სამებას — მ ა მ ა ს და მის მხოლოდშობილ ძეს, ჩვენს უფალსა და მაცხოვარს იესუ ქრისტეს, და ყოვლადწმიდა ს უ ლ ს ღმერთისა, — ჩვენს ერთიან ღმერთს<sup>3</sup>.

ხოლო თუ ამბობენ „საუკუნენი საუკუნეთა“-ო, ამას იმიტომ იქმან, რომ შვიდი საუკუნე აწინდელი (ამა) ქვეყნისათვის თავში შეიცავს მრავალ საუკუნეს, ე. ი. მრავალ ადამიანურ ცხოვრებას; გარდა ამისა ასე იტყვიან ხოლმე იმ ერთი საუკუნის გამოც, რომელიც, როგორც ზემოთ ვთქვით, თავის თავში ყველა საუკუნეს შეიცავს; კვალად, ამ სახელწოდებით, „საუკუნენი საუკუნეთა“, აღინიშნება საუკუნე აწინდელი და საუკუნე მომავალი. ხოლო საუკუნო (მარადიული) ცხოვრება და საუკუნო ტანჯვა აღნიშნავენ დაუსრულებლობას მომავალი საუკუნისა (ცხოვრებისა); რამეთუ (ადამიანთა) მკვდრებით აღდგომის შემდეგ დრო აღარ აღირიცხება დღეებითა და ღამეებით, ანდა, უკეთ რომ ვთქვათ, მაშინ დადგე-

ბა ერთი დაუსრულებელი დღე, რომელშიც მზე სიმართლისა თავისი წარუვალი ბრწყინვალეობით გაუნათებს მართალთ, ცოდვილთათვის კი, დადგება ერთი დაუსრულებელი ღამე. ამიტომ როგორ შეიძლება მაშინ აღრაცხილ იქნას ათასწლოვანი ჟამი ორიგენესეული აღდგინებისა (ცხოვრების, საუკუნეთა განახლებისა)?<sup>14</sup> ამრიგად, ღმერთია ერთი შემოქმედი ყოველთა საუკუნეთა; მან ყოველივე, უკლებლივ, შექქმნა და იგია მყოფი უწინარეს ყოველთა საუკუნეთა.

## თ ა ვ • II

### შექმნათათვის (შესაქმისათვის)

სახიერი და ყოვლადკეთილი ღმერთი არ დასჯერდა საკუთარი თავის ჭკრეტას და თავისი სახიერების უხვეების გამო ინება, აღმოცენებულიყო რაღაც ისეთი, რაც მისი კეთილი საქმეებით ისარგებლებდა და მის სახიერებას ეზიარებოდა. ამიტომ ღმერთმა არაბადან არსებობა მიანიჭა ქმნილებას და ამგვარად შექქმნა ყოველივე არსებული, როგორც ხილული, ასევე არახილული. შექმნა ადამიანიც, რომელიც შედგება ხილულისგანაც და არახილულისგანაც. ღმერთი ქმნის აზრით, და ეს აზრი, აღსრულებული მისი სიტყვის მიერ და მოქმედებული მისი წმიდა სულის მიერ, საქმედ იქცევა (ღმერთის აზრი, აღსრულებული მისი სიტყვის მიერ და სრულყოფილი მისი წმიდა სულის მიერ, სინამდვილედ იქცევა, განხორციელდება)<sup>5</sup>.

## ა ნ გ ე ლ ო ზ თ ა თ ვ ი ს

## თ ა ვ • III

თვით ღმერთია შემოქმედი და შემქმნელი ანგელოზებისა, რომელთაც არაბადან არსებობა მიანიჭა და სახედ თავისად შექმნა ბუნებით უსხეულონი, მსგავსნი რაღაც სულისა და



უნივთო ცეცხლისა, როგორც ამას ღვთაებრავი დავით მეფე ამბობს: „რომელმან შექმნა ანგელოზნი მისნი სულად, და მსახურნი მისნი — ალაღ ცეცხლისა“ (ფს. 103, 4). ამ სიტყვებით წმიდა წინასწარმეტყველი განაცხადებს ანგელოზთა სიმსუბუქეს და მგზნებარებას, მათს მხურვალებას და უნარს ყოველგან შეღწევისა, აგრეთვე იმ სისწრაფეს, რომლითაც მათ სურთ ღმერთი და ემსახურებიან მას, ანუ ანგელოზთა მისწრაფებას მაღლისადმი და თავისუფლებას ყოველგვარი ნივთიერი წარმოდგენისაგან<sup>6</sup>.

ამრიგად, ანგელოზი არის გონებით აღჭურვილი არსება, მარად მოძრავი, თავისუფალი, უსხეულო, ღმერთის მსახური, რომელსაც მაღლის მიერ მიუღია თავისი ბუნების უკვდავება, და მხოლოდ ერთმა შემოქმედმა უწყის ამ არსების სახე და განსაზღვრება. ხოლო უსახელოდ და უნივთოდ ანგელოზნი იწოდებიან ჩვენთან შედარებით, რამეთუ ღმერთთან შედარებით, რომელიც ერთია შეუღარებელი, ყოველივე სხვა უხეშიც აღმოჩნდება და ნივთიერიც, რადგან მკაცრი განსაზღვრებით მხოლოდ ერთი ღმერთაებაა უნივთო და უსხეულო<sup>7</sup>.

ასე, რომ ანგელოზი არის იგონიერი, ჰკუთხთ და თავისუფალი ნებით დაჯილდოებული ბუნება, რომელიც თავისი სურვილისამებრ, ე. ი. თავისი ნების კვალობაზე შეიძლება შეიცვალოს; რამეთუ ყოველივე შექმნილი ცვალებადია. უცვალე-ბელი მხოლოდ ის შეიძლება იყოს, რაც არ არის შექმნილი. ყოველი გონიერი არსება დაჯილდოებულია თავისუფალი ხებით. ამრიგად, ანგელოზებრ ბუნებას, როგორც გონიერსა და ჰკუთხთ აღჭურვილს, თავისუფლება აქვს მინიჭებული, ხოლო როგორც ქმნილი არსება, ანგელოზი ცვალებასაა დაქვემდებარებული. რადგან ხელეწიფება სიკეთეში ჰგებდეს და წარემატებოდეს, ანდა თავისი ნების კვალადვე ბოროტს მიექცეს.

ანგელოზი მოკლებულია სინანულის უნარს, რადგან უსხეულოა. ადამიანმა კი, მონანიების უნარი სხეულის უღონობის გამო შეიძინა<sup>8</sup>.

ანგელოზი უკვდავია არა თავისი ბუნებით, არამედ ღვთაებრივი მაღლით<sup>9</sup>, რამეთუ ყოველივეს, რასაც კი დასაბამი ბუნებით ჰქონდა, დასასრულიც აქვს. მხოლოდ ერთი ღმერთია მარადის არსმყოფი, ანდა, უფრო სწორად, იგი მარადი-

სობაზე აღმატებულია, — შემოქმედი ღროისა არ არის ღროს  
ფაქვემდებარებული.

ანგელოზნი — მეორე ზათელი არიან, გონიერი და გონე-  
ბით მისაწვდომნი. თავიანთი ნათელი მათ ნასესხები აქვთ  
თავდაპირველი და დაუსაბამო ნ ა თ ლ ი ს ა გ ა ნ . ისინი არ  
საჭიროებენ არც ენას და არც სმენას, რადგან წარმოთქმული  
სიტყვის გარეშე გადასცემენ ერთმანეთს თავიანთ აზრებსა და  
გადაწყვეტილებას.

კვალად, უნდა ვიცოდეთ, რომ ყველა ანგელოზი შეიქმნა  
ს ი ტ ყ ვ ი ს მიერ, და სრულყოფილებას მიაღწიეს სული-  
წმიდისაგან განათლების გზით, როცა თითოული ანგელოზი  
თავისი ღირსებისა და ხარისხის შესაბამისად ეზიარა ღეთაებ-  
რივ ნათელსა და მადლს<sup>10</sup>.

ანგელოზნი გარეშემოწერადნი არიან, რამეთუ როცა ცათა  
შინა იმყოფებიან, მაშინ არ არიან ქვეყანასა ზედა, და როცა  
ღმერთი ქვეყნად წარმოგზავნის, მაშინ ცათა შინა აღარ არიან  
ხოლმე. ანგელოზთა ბუნება იმგვარია, რომ მათი შეკავება არ  
ძალუძს არც კედელს, არც დაზშულ კარს, არც ურდულსა თუ  
ბეჭედს, რადგან ანგელოზნი შეუზღუდავნი არიან. შეუზღუ-  
დავს იმიტომ ვუწოდებ, რომ ღმერთის ნებით მისაწვდომნი  
არიან რა ადამიანთათვის, ანგელოზნი იმ სახით როდი ევლი-  
ნებიან ადამიანებს, რა სახითაც თავისთავად არიან, არამედ  
იცილებიან და გარდაისახებიან ხოლმე იმისდა შესაბამისად,  
რისი დანახვის უნარიც აქვთ ცალკეულ ადამიანებს. რამეთუ  
ბუნებით და საკუთრივი მნიშვნელობით შეუზღუდავია მხო-  
ლოდ არაქმნილი, ხოლო ყოველი ქმნილება განსაზღვრული  
და შეზღუდულია შემქმნელი ღმერთის მიერ.

განათლება ანგელოზებს გარედან აქვთ მიღებული, სული-  
წმიდისაგან, და არა — საკუთარი არსებისაგან. წინასწარმე-  
ტყველებენ ანგელოზნი ღმერთის მადლის ძალით. ისინი არ  
საჭიროებენ ქორწინებას, რადგანაც მოკვდავნი არ არიან.

რადგანაც ანგელოზნი გონიერი არსებანი არიან, ამიტომ  
იმყოფებიან კიდევ იმ ადგილებში, რომელთა წვდომაც მხო-  
ლოდ გონებითაა შესაძლებელი. გარეშემოწერადნი ისინი  
სხეულებრივად როდი არიან, რამეთუ თავიანთი ბუნების გამო  
სხეულებრივად კი არ მიიღებენ ხოლმე რაღაც სახეს და სამ-

მაგი განზომილებისანი კი არ შეიქნებიან ხოლმე, არამედ იმით (არიან გარეშემოწერადნი), რომ სულიერი სახით მუნ-მყოფობენ და მოქმედებენ ყოველგან, სადაც კი, ნაბრძანები აქვთ ყოფნა და მოქმედება, და მათ არ ძალუძთ ერთსა და იმავე ღროს სხვადასხვა ადგილას იმყოფებოდნენ და მოქმედებდნენ.

თანასწორნი არიან თუ არა ანგელოზნი არსისმიერ, ანდა განსხვავდებიან თუ არა ერთმანეთისაგან, ეს ჩვენ არ ვიცით. ხოლო იცის ეს მხოლოდ ანგელოზთა შემქმნელმა ღმერთმა, რომელმაც სხვა ყოველივეც ასევე იცის. არაარსისმიერი განსხვავებით კი, ანგელოზნი ერთმანეთისაგან ნათლითა და მდგომარეობით განსხვავდებიან, ან ისე, რომ ნათლის შესაბამისად აქვთ მიღებული ხარისხი, ანდა იმგვარად, რომ თავიანთი ხარისხის შესაბამისად ეზიარებიან (ღვთაებრივ) ნათელს და ერთმანეთსაც განანათლებენ თავიანთი წოდებისა თუ ბუნების აღმატებულების გამო. ისიც ცხადია, რომ ნათელსაც და აუცილებელ ცოდნასაც დაბლა მდგომ ანგელოზებს უზენაესი ანგელოზნი ანიჭებენ<sup>11</sup>.

ანგელოზნი მეტად ძლიერნი არიან და ყოველთვის მზად არიან ღმერთის ნების აღსასრულებლად. მათი ბუნებისათვის დამახასიათებელი სისწრაფის გამო ისინი მყისვე იქ გაჩნდებიან ხოლმე, სადაც უბრძანებს საღმრთო ნება. ანგელოზნი იცავენ ქვეყნის მხარეებს, განაგებენ ხალხებსა და ქვეყნებს. შემოქმედის ბრძანებისაებრ წარმართავენ ჩვენს საქმეებს, კვალად შეგვეწევიან ხოლმე. საერთოდ კი, ღმერთის ნებითა და მისი დადგინებით, ანგელოზნი ჩვენზე, ადამიანებზე, აღმატებულნი არიან, და თავიანთი სულიერი ბუნების გამო მარადის ღმერთის ახლოს ჰკვიებენ<sup>12</sup>.

ანგელოზნი ბოროტისაკენ ადვილადმიდრეკნი არ არიან, თუმცა არც სრულიად შეურყეველად ძალგვიძს ისინი ვადიაროთ, მაგრამ აწ კი, შეურყეველნიც არიან, ოღონდ არა თავიანთი ბუნებით, არამედ საღმრთო მადლითა და თავიანთი მიღრეკილების გამო ყოველივე სახიერისადმი<sup>13</sup>.

ანგელოზნი ღმერთს ჰვრეტენ იმდენად, რამდენადაც ეს ძალუძთ. და სწორედ, ეს ჰვრეტა. შემოქმედისა არის კიდევ მათი საზრდო.

რაკი ჩვენზე, ადამიანებზე, აღმატებულნი არიან, ვითარცა უსხეულონი და თავისუფალნი ყოველგვარი სხეულებრივი ვნებისაგან, ამიტომ, თითქოს უვნებოც უნდა იყვნენ, მაგრამ შაინც, ანგელოზნი არ არიან მთლიანად მოკლებულნი ვნებებს, რამეთუ სრულიად უვნებო მხოლოდ ერთი ღმერთია.

ანგელოზები იმ სახეს მიიღებენ ხოლმე, რა სახის მიღებაც უფალი ღმერთისაგან აქვთ ნაბრძანები. ამ სახით ევლინებიან ადამიანებს და ღვთაებრივ საიდუმლოთ განუცხადებენ.

ისინი ცათა შინა ცხოვრობენ და ერთი საქმე აქვთ: მარად სადიდებელს უგალობენ შემოქმედ ღმერთს და განუწყვეტლივ მის ღვთაებრივ ნებას ემსახურებიან.

როგორც ბრძანებს უწმიდესი, უსამღვდელოესი და ღვთისმეტყველებაში უაღმატებულესი დიონისე არეოპაგელა, მთლიანად ღვთისმეტყველება, ანუ საღმრთო წერილი ასახელებს ცხრა ზეციურ არსს. ეს ღვთაებრივი მესაიდუმლე ყოველთა წმიდათა ამ ზეციურ არსთ სამ-სამობრივ დანაყოფად წარმოგვიდგენს: პირველი ზეციური არსი, როგორც დიონისე ამბობს, მარად ღმერთის ახლოს იმყოფება და უფლება აქვს უახლოეს და უშუალო თანაზიარობაში იყოს ღმერთთან; ეს ანგელოზნი არიან ექვსფრთიანი სერაპიმნი, მრავალთვლიანი ქერუბიმნი და უწმიდესი საყდარნი. მეორე დანაყოფი ანგელოზებისა იწოდება სახელებით — უფლებათა (მეუფებათა), ძალთა და ხელმწიფებათა, ხოლო მესამე, და უკანასკნელი დანაყოფი ანგელოზებისა სახელებით — დასაბამთა, მთავარანგელოზთა და ანგელოზთა<sup>14</sup>.

ზოგნი, რა თქმა უნდა, ამბობენ, რომ ანგელოზებმა არსებობა სხვა ქმნილებებზე აღრე მიიღეს, როგორც, მაგალითად, წმიდა გრიგოლ ღვთისმეტყველი ამტკიცებს, რომ „უწინარეს ყოვლისა ღმერთი იაზრებს ანგელოზებს და ზეციურ ძალთ, და ეს აზრი საქმედ იქცა“. სხვა მამები აცხადებენ, რომ ანგელოზნი წარმოიშვნენ პირველი ცის შექმნის შემდგომ. ხოლო ყველა ღვთისმეტყველი შეთანხმებუ ზია იმაში, რომ ანგელოზები ღმერთმა ადამიანის უწინარეს შექმნა. მე გრიგოლ ღვთისმეტყველს ვეთანხმები, რამეთუ ჭერ-იყო უწინარეს ყოვლისა გონიერი არსი შეექმნა ღმერთს, და მხოლოდ მის

შემდგომ — გრძნობისმიერი არსი, დასასრულ კი, ორივე ამ არსისაგან ადამიანი<sup>15</sup>.

ვინც ანგელოზს შემოქმედს უწოდებს სულ ერთია, როგორი არსის მატარებლადაც არ უნდა აღიარებდეს მას, იგი თავისი მამის — ეშმაკის ბაგეა, რადგანაც ანგელოზნი, როგორც შექმნილი არსებანი, არ აჩიან და არც შეიძლება იყვნენ შემოქმედნი. შემოქმედი ყოველივესი, განმგებელი და მპყრობელი მთელი ქმნილებისა — არის ღმერთი, რომელი ერთი მხოლოდ არის არაქმნილი, — ქებული და განდიდებული მამისა და ძისა და სულიწმიდის მიერ.

#### თ ა ვ ი IV

##### ეშმაკისა და დემონებისთვის

ანგელოზთა ამ ძალთაგან ის ანგელოზი, რომელიც ამქვეყნად განწესებულთა ზედა იყო დადგინებული და რომელსაც ღმერთისგან დავალებული ჰქონდა დედაშიწის დაცვა, ბუნებით ბოროტად არ იყო შექმნილი<sup>16</sup>; თავდაპირველად ისიც კეთილი იყო და სიკეთისთვის იყო შექმნილი. ასე, რომ შემოქმედისაგან იოტისოდენა სიბოროტე არ მიუღია. მაგრამ ვერ დაიტია ის ნათელი და პატივი, შემოქმედმა რომ მიანიჭა და თავისი ნებისმიერი მოქმედებით გარემოიქცა იმისაგან, რაც ბუნების თანახმიერია, და იმად იცვალა, რაც ეწინააღმდეგება ბუნებას; ანუ ეშმაკი ამპარტავნებით აღივსო თავისი შემოქმედის, ღმერთის მიმართ, წინაღუდგა მას და პირველი იყო, ვინც სიკეთეს განეშორა და ამის გამო ბოროტებას ეწია<sup>17</sup>; რამეთუ ბოროტება სხვა არაფერია, თუ არა მოკლება სიკეთისაგან, მსგავსად იმისა, როგორც ბნელიც სხვა არაფერია, თუ არ მოკლება ნათლისა. ვიცით, რომ სიკეთე არის სულიერი ნათელი, და ამგვარად, ბოროტება სულიერი სიბნელეა.

ამრიგად, შექმნილი იყო რა შემოქმედის მიერ ნათლად და კეთილად, რამეთუ „იხილნა ღმერთმან ყოველნი, რაოდენნი

ქმნა, და ამა, კეთილ ფრიად“ (დაბ. 1, 31), იგი, ეშმაკი, საკუთარი თავისუფალი ნებით შეიქმნა ბნელად და ბოროტად. მან თან წაიყოლა ურიცხვი სიმრავლე მისდა დაქვემდებარებული დემონებისა, რომელნიც, აგვეარად, ეშმაკთან ერთად დაეცნენ. ასე რომ, ეშმაკი და დემონები ბოროტად შეიქნენ საკუთარი თავისუფალი ნებით, რამეთუ ნებაყოფლობით მიიქცნენ კეთილისაგან ბოროტისაკენ, მიუხედავად იმისა, რომ თავდაპირველად სხვა ანგელოზთა მსგავსნი იყვნენ და კეთილი ბუნება ჰქონდათ<sup>18</sup>.

ეშმაკსა და მის დემონებს არ აქვთ არც ხელმწიფება და არც ძალა ვინმეს წინააღმდეგ, ვინმეს საცთუნებლად, თუკი ღმერთისაგან არ მიეცემათ ამის ნება საღმრთო აღმშენებლობის (განგებულებისა) მიზნით, როგორც ეს, მაგალითად, მართალ იოზს შეემთხვა, ანდა, როგორც ეს წმიდა სახარებაშია მოთხრობილი ეშმაკეული ლეგეონის ხსნისა და (გადარინელთა) ღორების კოლტის დაღუპვის შესახებ. (ლუკა 8, 26—33). ეშმაკი და მისი დემონები ძლიერნი არიან მხოლოდ ღმერთის ნებით, მისი დაშვების წყალობით, და ძალუძთ ისეთი სახე მიიღონ, ანდა იმგვარად გარდაისახონ, როგორც მოესურვებათ, შესაბამისად თავიანთი წარმოსახვისა.

არც ღმერთის კეთილმა ანგელოზებმა და არც დემონებმა არ უწყიან მომავალი. კეთილი ანგელოზები წინასწარ განგვიცხადებენ ხოლმე მომავალს ღვთის ნებით მხოლოდ მაშინ, როცა ღმერთი გაუმხელს მათ მომავალს და უბრძანებს ადამიანებს უწინასწარმეტყველონ იგი. ამიტომ აღსრულდება ხოლმე ყოველივე ის, რასაც ანგელოზნი გვამცნობენ. ხოლო ბოროტი დემონები წინდაწინ განაცხადებენ მომავალს შემთხვევისა გამო, განქვრეტენ შორეული მომავლის საქმეთ, უფრო ხშირად მხოლოდ მარჩიელობენ მოსალოდნელზე და ტყუუდებიან. ამიტომ ვერ ვერწმუნებით დემონებს, მიუხედავად იმისა, რომ, როგორც ვთქვით, ზოგჯერ ისინიც იტყვიან ხოლმე სიმართლეს.

ამრიგად, ყოველგვარი მანიკერება და ცოდვა, აგრეთვე არაწმიდა ვნებანი ეშმაკისა და მისი დემონების მოგონილია. მართალია ნაბრძანები აქვთ (ნებადართული აქვთ) გამოსცადონ ადამიანი, მაგრამ ვისიმე იძულება არ შეუძლიათ. რად-

გან მხოლოდ ჩვენზეა დამოკიდებული მოვიგერიებთ თუ არა მათ თავდასხმას. ამის გამო ეშმაკს და ბოროტ დემონებს გახმზადებული აქვთ შემოქმედის მიერ დაუშრეტელი ცეცხლი და საუკუნო სატანჯველი.

უნდა ვიცოდეთ, აგრეთვე, რომ დაცემა ანგელოზთათვის იგივეა, რაც სიკვდილი ადამიანისთვის, რადგანაც დაცემის 'შემდგომ მათთვის შეუძლებელია მონანიება, ისევე, როგორც ადამიანსაც არ ძალუძს ცოდვათა მონანიება სიკვდილს შემდგომ'.

## თ ა ვ ი V

### ხილული ქმნილებისათვის

თვით ჩვენმა ღმერთმა, სამობით და ერთობით განდიდებულმა, „ქმნა ცანი და ქუეყანამ, ზღვამ და ყოველი, რამ არს მას შინა“ (ფს. 145, 6), როცა არარასაგან არსებობა მიანიჭა ყოველივეს: თავდაპირველად მანამდე არარსებული ნივთიერებისაგან (არარასაგან) შექმნა ცანი, მიწა, ჰაერი, ცეცხლი და წყალი, შემდგომ კი, უკვე ამ შექმნილი ნივთიერებებისაგან შექმნა სხვა დანარჩენი — ცხოველები, მცენარეები, თესლნი, რამეთუ ყოველივე ეს, შემოქმედის ბრძანებით, მიწისაგან, წყლისა, ჰაერისა და ცეცხლისაგან შეიქმნა და აღმოცენდა.

## თ ა ვ ი VI

### ცათა შესახებ

ცა არის ის, რაც მოიცავს როგორც ხილულ, ისევე არახილულ ქმნილებებს, რადგანაც მასში იმყოფებიან და მისით შემოიფარგლებიან მხოლოდ გონებით მისაწვდომი ძალნიც ანგელოზებისა და ყველაფერი ის, რაც გრძნობებს არის დაქვემდებარებული. გარეშემოუწერიელი მხოლოდ ღმერთია, რომელიც ყოველივეს აღავსებს თავით თვისით, ყოველივეს მოიცავს და შემოსაზღვრავს, რამეთუ ი გ ი — ყოვე-

ლივეზე აღმატებულია და ყველაფერი მისი შექმნილია.

რადგან საღმრთო წერილში საუბარია როგორც ცის, ასევე „ცანი ცათანი“-ს შესახებ (იხ. ფს. 113, 23, 24; ფს. 148, 4), და რადგან ნეტარი პავლე მოციქულიც ამბობს, რომ იგი „... აღიტაცა... ვიდრე მესამედ ცადმდის“ (II კორინთ. 12, 2), ამიტომ ჩვენც ვამტკიცებთ, რომ შექმნათ დასაწყისში, როგორც გადმოცემულია, ღმერთმა შექმნა ის ცა, რომელსაც წარმართი ბრძენკაცნი, მოსეს მოძღვრების მითვისების შედეგად, უვარსკვლავო სფეროს უწოდებენ. ამას გარდა, ღმერთმა ცა უწოდა „მყარსაც“ (დაბ. 1, 8), რომელსაც უბრძანა ყოფად „შორის წყლისა“ და დაუდგინა განყოფა „შორის წყლისა, რომელი იყო ქვეშე კერძო სამყაროვსა და შორის წყლისა ზედა კერძო სამყაროვსა“ (დაბ. 1, 6, 7). ღვთაებრივი ბასილი დიდი, შეგონებული საღმრთო წერილით, ამბობს, რომ ამ ცის ბუნება ფაქიზია (თხელია), მსგავსად კვამლის ბუნებისა. სხვები ფიქრობენ, რომ ამ ცას წყლის სახე ჰქონდა, რადგან მოთავსებული იყო „შორის წყლისა“. ზოგნიც ამტკიცებენ, რომ ეს ცა (მყარი) შედგება ოთხი სტიქიისაგან (მიწის, ჰაერის, ცეცხლისა და წყლისაგან), და ბოლოს არიან ისეთნიც, რომელნიც ამბობენ — ეს ცა მეხუთე სხეულია (სტიქიაა), გახსხვავებული დანარჩენი ოთხი სტიქიისგან<sup>20</sup>.

ზოგნი ფიქრობენ, რომ ცა ყოველივეს წრიულად გარს ევლება და რაკი, მასასადამე, წრიულია, ყველაფრისათვის ყველაზე მაღალ ნაწილს წარმოადგენს, ხოლო მის მიერ გარს შემოვლებული სივრცის შუაგული შეადგენს ყველაზე დაბალ ნაწილს (სამყაროვსა). ამ შეხედულების თანახმად, მსუბუქმა და მოძრავმა სხეულებმა შემოქმედისაგან ცის უმაღლეს ნაწილში მიიღეს ადგილსამყოფელი, ხოლო მძიმე და ქვემსწრაფველმა სხეულებმა ყველაზე დაბალ ნაწილში, ე. ი. სამყაროს შუაგულში. სტიქიასთან ყველაზე მსუბუქი და ზემსწრაფველი ცეცხლია, რომელიც, როგორც ამ შეხედულების მატარებელნი ამტკიცებენ, ამის გამო უშუალოდ ცის (მყარის) აქეთ მდებარეობს; ამ ცეცხლს ისინი ეთერს უწოდებენ. ეთერს აქეთ, ანუ მის ქვემოთ, ისინი ათავსებენ ჰაერს, მიწა და წყალი კი, როგორც ყველაზე მძიმე და ქვემსწრაფველი სტიქიები, მათი შეხედულებით, მდებარეობენ სამყაროს შუა-



გულში, ისე, რომ ურთიერთდაპირისპირებულნი არიან და ერთნაირად ღაბღა მდებარეობენ, თუმცა წყალი მიწაზე მსუბუქია და ამიტომ უფრო ძობრავიც. ამრავად, მიწას და წყალს ზემოდან, ირგვლივ ანუ ყოველის მხრიდან გარს ერტყმის ჰაერი, როგორც გარკვეული საფარველი. ჰაერი თავის მხრივ, ყოველი მხრიდან გარემოცულია ეთერით (ეცხლოვანი სტრუქციით), ხოლო ყოველივე ამის გარეთ და გარშემო ცა მდებარეობს.

გარდა ამისა, ამტკიცებენ, რომ ცა წრაულად მოძრაობს და ყოველივეს, რაც ამ წრის შიგნით მდებარეობს, ანუ რასაც ცა გარს ევლება, მტკიცედ ჰკრავს (შეჭეუმშავს). ამიტომ ყველაფერი მყარია, მტკიცეა და არ იშლება<sup>21</sup>.

ამასთან იმასაც ამტკიცებენ, რომ ცა შვიდი სარტყელისაგან შედგება, და ყოველი მათგანი დანარჩენზე მაღლა მდებარეობს. კვალად, ამბობენ, რომ ცა წარმოადგენს მსუბუქ ნივთიერებას, კვამლის მსგავსს, და რომ ყოველ ციურ სარტყელში თითო ციური სხეული, ანუ პლანეტა მდებარეობს. მაშასადამე, ამტკიცებენ შვიდი ასეთი პლანეტის არსებობას. ეს პლანეტებია: მზე, მთვარე, იუპიტერი, მერკური, მარსი, ვენერა და სატურნი, ამასთან, ვენერაში გულისხმობენ ხან ცისკრის ვარსკვლავს, ხანაც მწუხრისას. პლანეტები ამ ციურ სხეულებს იმის გამო ეწოდებათ, რომ ისინი ცის წრიული მოძრაობის საწინააღმდეგოდ მოძრაობენ: როცა ცა და ვარსკვლავნი აღმოსავლეთიდან დასავლეთის მიმართულებით მოძრაობენ, მათგან განსხვავებით პლანეტები დასავლეთიდან აღმოსავლეთისაკენ მოძრაობენ. ამაში ჩვენ ადვილად დავრწმუნდებით, თუკი მთვარის მსვლელობას დავაკვირდებით ცაზე: იგი ხომ ყოველ სადამოს ოდნავ გადაინაცვლებს ხოლმე აღმოსავლეთისკენ<sup>22</sup>.

ამრიგად, ვინც ამტკიცებენ ცა წრიულიაო (სფეროსებრია), ამით აღიარებენ, რომ იგი თანაბარი მანძილითაა დაშორებული დედამიწას ყოველი მიმართულებით. მე კი, ასე ვიტყვი: „გვერდითა მიმართულებით“ და „ქვემოთ“ — რომ ვამბობთ, ამას პირობითად ვიძახით, ჩვენი გრძნობისმიერი აღქმის შესაბამისად, რადგანაც, როგორც ზემოთქმულიდან ჩანს, ცას ყოველი მიმართულებით (დედამიწიდან) ყველაზე მაღალი ადგი-

ლი უკავია, დედამიწას კი — ყველაზე დაბალი ადგილი. კვალად, ამტკიცებენ, რომ ცა წრიულად გარს ევლება დედამიწას და თავისი უსწრაფესი მოძრაობით ასევე აბრუნებს: მზეს, მთვარეს და ვარსკვლავებს. და როცა მზე დედამიწას ზემოდან დაჰყურებს, მაშინ აქ დღეა, ხოლო როცა ქვემოდან მოექცევა, მაშინ ღამდება. ანუ როცა ერთ ნაწილზე დედამიწისა ღამეა, მაშინ მეორე ნაწილისათვის დღე დგება, რადგან მას ზემოდან მზე დაჰყურებს, მეორე ნაწილისაგან კი, მოფარებულია.

სხვანი ცას წარმოადგენდნენ ნახევარწრის (ნახევარსფეროს) სახით და ამაში ღვთივსულიერი დავითის სიტყვებს ეყრდნობოდნენ, რომელიც ამბობს: „გარდაართხენ ცანი, ვითარცა კარავნი (ფს. 103, 2), აგრეთვე, ნეტარი ესაია წინასწარმეტყველის სიტყვებს ღმერთის შესახებ „რომელსა უპყრიეს სიმრგულე ქვეყანისანი და დამკვიდრებულნი მას ზედა, ვითარცა მკალნი, რომელმან დაადგინა, ვითარცა კამარა, ცაჲ, და გარდაართხნა ვითარცა კარავი დამკვიდრებულად“ (ეს. 40, 22). ასე იმიტომ ფიქრობენ, რომ მზე, მთვარე და ვარსკვლავები, როცა ჩაესვენებიან, წრიულად გარს უვლიან დედამიწას დასავლეთიდან ჩრდილოეთისაკენ და ამგვარად, კვლავ აღმოსავლეთს უბრუნდებიან. თუმცა, ასეა თუ ისე, ყოველივე ღმერთის ბრძანებით აღმოცენდა და დაემკვიდრა, და ყველაფერს თავის შეურყეველ საფუძვლად აქვს ნება ღმერთისა და გარდაწყვეტილება, როგორც ბრძანებს წმიდა დავით მეფე: „აქებდეთ სახელსა უფლისასა, რამეთუ მან თქვა და — იქმნეს, თავადმან ბრძანა, და — დაებადნეს. და დაადგინა იგინი უკუნისამდე და უკუნითი უკუნისამდე: ბრძანებამ დადვა, რომელ არა წარხდეს“ (ფს. 148, 5—6).

ცათა ცად იწოდება პირველი ცა, რომელიც მყარს ქვემოთ მდებარეობს. ამრიგად, არსებობს ორი ცა, რადგან ღმერთმა სამყაროსაც (მყარსაც) ცა უწოდა (დაბ. 1, 8). საღმრთო წერილი, ჩვეულებრივ, ჰაერსაც ცას უწოდებს, რადგან ისიც დედამიწის ზემოთაა, აქ ხომ ასეა ნათქვამი: „აკურთხევდით ყოველნი მფრინველნი ცისანი“-ო (დანიელ. 3, 80), და ამ დროს ჰაეროვან სივრცეში მფრენი ფრინველები იგულისხმება, რადგან ისინი სწორედ ამ სივრცეში ფრენენ, და არა მის

ზემოთ მღებარე ცაში. ასე წარმოგვიდგება სამი ცა, რომელთა შესახებ ღვთაებრივი პავლე მოციქული ლაპარაკობს (11 კორინთ. 12, 2). ხოლო, თუ ვინმე მოიაზრებს ზემოხსენებულ შვიდი სარტყელიც შვიდ ცად წარმოიდგინოს, როდი შესცოდავს. ებრაულ ენაზეც ხომ ცა, ჩვეულებრივ, მრავლობით რიცხვში იხმარება — დასაბამიდან შექმნა ღმერთმა ცანი და ქვეყანაო. ამიტომ, როცა საღმრთო წერილი ზენაარი ცის შესახებ ლაპარაკობს, „ცანი ცათანო“ (ფს. 148, 4) ამბობს და გულისხმობს უზენაეს ცას, ანუ სამყაროს ზემოთ მღებარე ცას, და სიტყვებში — „...შორის წყლისა ზედა კერძო სამყაროსა“, „და უწოდა ღმერთმან სამყაროსა ცაჲ“ (ღაბად. 1, 7-8), — ეს „სამყარო“, ანუ „ცაჲ“ აღნიშნავს ან ჰაერსა და მყარს, ანდა შვიდ სარტყელს ცისა (სამყაროსი), ანდა ერთს მყარს, რომელიც ებრაულ ენაზე, ჩვეულებრივ, მრავლობით რიცხვით იწოდება — ცანი.

ბუნებრივი წესრიგის შესაბამისად ყოველივე და, მაშასადამე, ცანიც, უნდა დაირღვეს და მოისპოს, მაგრამ ისინი შენარჩუნებულ არიან და განაგრძობენ არსებობას საღმრთო მადლით.

მხოლოდ ერთს ღმერთს, დაუსაბამოს თავისი ბუნებით. არა აქვს საზღვარი არსებობისა. ამიტომაც ნათქვამი: „დასაბამსა, შენ, უფალო, ქვეყანაჲ დააფუძნე, და ქმნულნი ხელთა შენთანი — ცანი არიან; იგინი წარბდებიან, ხოლო შენ ჰგაე...“ (ფს. 101, 26-27); თუმცა ცანი მთლიანად როდი განქარდებიან („წარბდებიან“), რამეთუ, როგორც საღმრთო წერილი გვასწავლის, ისინი „ვითარცა სამოსელნი დაძველდენ... და იკვალნენ“ (ფს. 101, 27), და მაშინ იქნება „ცაჲ ახალი და ქვეყანაჲ ახალი“ (გამოცხ. 21, 1)<sup>23</sup>.

ცა გაცილებით დიდია ღმერთისაზე, მაგრამ არ უნდა გამოვიძიებდეთ იმას, თუ როგორია არსი ცისა, რადგან ეს უცნობია და მიუწვდომელია ჩვენთვის.

არავინ არ უნდა იფიქროს, რომ ცანი თუ მნათობნი სულიერი არსებანი არიან, რადგანაც მათ არა აქვთ სული და გრძნობები<sup>24</sup>. ამიტომ, როცა საღმრთო წერილი ამბობს — იხარებდინ ცანი და გალობდინ ქვეყანაჲ“-ო (ფს. 95, 11), იგი სიხარულისა და გალობისთვის მართლაც ცისა და მიწას კი არ

მოუწოდებს, არამედ ანგელოზებს — ცათა შინა, და ადამიანებს — ქვეყანასა ზედა. საღმრთო წერილი ხშირად იყენებს განსულიერების ხერხს და უსულო საგნებზე ისე ლაპარაკობს, თითქოს ისინი სულისა და გრძნობების მქონენი იყვნენ. მაგალითად, ფსალმუნში ნათქვამია: „ზღვამან იხილა და ივლტოდა, და იორდანე უკუნიქცა მართლუკუნ. მთანი იმღერდეს ვითარცა ვერძნი, და ბორცუნი — ვითარცა კრავნი ცხოვართანი. რაი არს შენდა, ზღვაო, რამეთუ ივლტოდე, და შენ, იორდანე, რამეთუ უკუნიქცე მართლუკუნ?“ (ფს. 113, 3-5). საღმრთო წერილი მთებსა და ბორცვებს მიმართავს, რატომ განიხარებთო (ფს. 113, 6). ჩვენც ვიტყვიტ ხოლმე მთელმა ქალაქმა თავი მოიყარაო მაგრამ ქალაქის ნაგებობებს კი არ ვგულისხმობთ, არამედ მასში მცხოვრებ ადამიანებს. ასევე, როცა საღმრთო წერილი გვეუბნება „ცანი უთხრობდენ დიდებასა ღმრთისასა, და ქმნულსა ხელთა მისთასა მიუთხრობს სამყაროა“ (ფს. 18, 2), იმას კი არ ვგულისხმობს, თითქოს ისინი მართლაც იმგვარ ხმას გამოსცემდნენ, ზორციელი სმენით რომ აღიქმება, არამედ იგულისხმება, რომ ეს ქმნილებანი („ცანი და სამყაროა“) მათთვის დამახასიათებელი დიდებულებით განგვიცხადებენ და გვიჩვენებენ შემოქმედის ყოვლადძლიერებას. ოდეს ვკვრეტთ ქმნილებათა იშვენიერებას, მაშინ შემოქმედ ღმერთს განვადიდებთ, როგორც უნიკიერეს მხატვარს<sup>25</sup>.

## თ ა ვ ი VII

ნათლის, ცეცხლისა და მნათობებისთვის, — როგორც მზის, ასევე მთვარისა და ვარსკვლავების შესახებ.

ცეცხლი არის ერთ-ერთი სამყაროს ოთხ სტიქიათაგან. იგაყველაზე მსუბუქი სტიქიაა და სხვებზე მეტად ისწრაფის ზევით. ცეცხლს ერთსა და იმავე დროს აქვს დაწვის ძალაც და ნათებისაც. ცეცხლი ღმერთმა შექმნათა პირველსავე დღეს შექმნა, რადგანაც საღმრთო წერილი გვეუბნება: „და თქვა ღმერთმან: იქმენინ ნათელი, და იქმნა ნათელი“ (დაბ. 1, 3). ზოგიერთის აზრით, ცეცხლი სხვა არაფერია, თუ არ მხოლოდ

ნათელი; სხვანი ამტკიცებენ, რომ სამყაროს ცეცხლი, რომელსაც ეთერს უწოდებენ, მდებარეობს ჰაერზე ძალდა. ამრიგად, დასაბამად, ე. ი. შექმნათა პირველსავე დღეს, ღმერთმა შექმნა ნათელი, საკვირველი სამკაული და მშვენიერება მთელი ხილული ქმნილებისა. და მართლაც, თუკი გონებით წარმოვიდგინოთ, რომ მთელს ქმნილებას ნათელი მოშორდა, ყოველივეს წყვილიადი მოიცავს და ველარც მის მშვენიერებას ვიხილავთ. „და უწოდა ღმერთმან ნათელსა დღე, და ბნელსა უწოდა ღამე“ (დაბ. 1, 5). ბნელი არ არის რაიმე სუბსტანცია, არამედ მხოლოდ აქტიდენციაა (შემთხვევითობა). მართლაც, ბნელი არის მხოლოდ მოკლება ნათლისაგან, რადგან ნათელი ჰაერის არსს არ წარმოადგენს. ასე, რომ ღმერთმა ბნელი უწოდა თვით ნათლის არარსებობას ჰაეროვან სივრცეში: ჰაერის სუბსტანცია როდია ბნელი, არამედ ნათლისაგან მოკლება წარმოშობს ბნელს, და ეს უფრო აქტიდენციაა, ვიდრე სუბსტანცია. ამიტომ იყო, რომ თავდაპირველად ღამე კი არ იწოდა ღმერთის მიერ, არამედ დღე; უწინარესად დღეა, მის შემდგომ ღამე. ამრიგად, დგება დღე და შემდეგ ღამე მოჰყვება, ხოლო დღის დაწყებიდან მეორე დღის დაწყებამდე — ერთი დღეა (დღეღამეა), რამეთუ საღმრთო წერილშიც ხომ ასეა ნათქვამი: „და იქმნა მწუხრი და იქმნა განთიადი — დღე ერთი“ (დაბად. 1, 5)<sup>26</sup>.

შექმნათა პირველი სამი დღის განმავლობაში დღე და ღამე, რა თქმა უნდა, იმის მიხედვით დგებოდა, რომ, საღმრთო ბრძანებით, ნათელი ხან ვრცელდებოდა, ხან იკუმშებოდა. მეოთხე დღეს ღმერთმა შექმნა „მნათობი დიდი მთავრობად დღისა“ (დაბად. 1, 16), ანუ მზე, და სწორედ ამ მნათობის ნათლის მიზეზით არსებობს ჩვენი დღეც: დღე ხომ მაშინ დგება და მიმდინარეობს, როცა მზე ამოდის და დედამიწას დაჰყურებს. დღის ხანგაძლივობაც მზის მსვლელობით განისაზღვრება აღმოსავლეთიდან დასავლეთისაკენ. ამავე, შექმნათა მეოთხე დღეს ღმერთმა შექმნა „მნათობი უმრწემესი“, ანუ მთვარე, და ვარსკვლავები, „მთავრობად ღამისა“ (დაბად. 1, 16), რათა მათ ღამე გაენათებინათ. ღამე ხომ მაშინ დგება და მიმდინარეობს როცა მზე ჩადის და დედამიწას აღარ დაჰყურებს, ანუ მისი ჩასვლიდან ამოსვლამდე. ამრიგად, მთვა-

რისა და ვარსკვლავების დანიშნულებაა ღამე ანათონ. მაგრამ დღისით ყველა ვარსკვლავი როდი ეფარება თვალს და აღარ დაჰყურებს დედამიწას, მთელი დღის განმავლობაში ვარსკვლავები დედამიწას დაჰყურებენ, მაგრამ მათ ნათელს, ისევე, როგორც მთვარისას, მზის ნათელი ჰფარავს მძლავრი ბრწყინვალეობით და მათი დანახვის საშუალებას არ იძლევა<sup>27</sup>.

სწორედ ამ მნათობებს — მზეს, მთვარეს და ვარსკვლავებს მიანიჭა შემოქმედმა პირველქმნილი ნათელი, და ეს იმის გამო კი არ ქმნა, თითქოს მას არ ჰქონდა სხვა ნათელი, ანდა არ შეეძლო სხვა ნათლის შექმნა, არამედ იმიტომ, რომ ეს, პირველქმნილი ნათელი გამოუყენებელი არ დარჩენილიყო. მნათობები პირველქმნილი ნათელი როდი არიან, არამედ მხოლოდ მისი შესაქრებელი, საცავი<sup>28</sup>.

ამ მნათობთაგან შვიდს პლანეტებს უწოდებენ, რადგან მათი მოძრაობა ცის საერთო მოძრაობის საწინააღმდეგოა, ამიტომ ეწოდათ პლანეტები, ანუ არასწორად მავალნი, მოხეტიალენი; როგორც ამბობენ ცა აღმოსავლეთიდან დასავლეთის მიმართულებით მოძრაობს, ხოლო პლანეტები პირუკუ, დასავლეთიდან აღმოსავლეთისკენ. მაგრამ, რადგან ცა უფრო სწრაფად მოძრაობს, ვიდრე პლანეტები, ამიტომ თავისი წრიული მოძრაობით ამ შვიდ პლანეტასაც ამოძრავებს (გაიტაცებს). ამ პლანეტების სახელწოდებებია: მთვარე, მერკური, ვენერა, მზე, მარსი, იუპიტერი, და სატურნი. ამტკიცებენ, რომ ყოველ ზეციურ სარტყელში შესაბამისად თითო პლანეტა მდებარეობს და მოძრაობს:

პ ი რ ვ ე ლ, ყველაზე მაღალ სარტყელში, მდებარეობს პლანეტა ს ა ტ უ რ ნ ი;

მ ე ო რ ე სარტყელში მდებარეობს პლანეტა ი უ პ ი ტ ე რ ი;

მ ე ს ა მ ე შ ი მდებარეობს მ ა რ ს ი;

მეოთხე სარტყელში — მ ზ ე;

მეხუთეში — ვ ე ნ ე რ ა;

მექვსე სარტყელში — მ ე რ კ უ რ ი;

და ბოლოს მეშვიდე სარტყელში მდებარეობს (ეს სარტყელი უდაბლესია) — მ თ ვ ა რ ე;

ეს პლანეტები განუწყვეტლივ მოძრაობენ იმ მიმართულე-  
ბით, რაც მათ შემოქმედმა განუსაზღვრა და რაც იმ წესრიგს  
შეესაბამება, რომელიც დასაბამად განუჩინა ღმერთმა ქმნილე-  
ბას. ღვთაებრივი დავით მეფეც ასე იტყვის: „...ვიხილე მე  
ცანი, ქმნულნი თითთა შენთანი, მთოვარე და ვარსკვლავები,  
რომელ შენ დააფუძნენ“ (ფს. 8, 4.) ამ სიტყვებით — „რო-  
მელ შენ დააფუძნენ“ — წმიდა წინასწარმეტყველმა აღნიშნა  
შეურყვევლობა, სიმტკიცე და უცვალებლობა იმ მოწესრიგე-  
ბული მოძრაობისა, რაც ღმერთმა ციურ სხეულებს განუსა-  
ზღვრა. მართლაც, საღმრთო წერილი გვეუბნება, რომ ღმერ-  
თმა დაადგინა ისინი“... სასწაულებად დღეებად და ქამებად  
და წელიწადებად“ (დაბად. 1, 14), რამეთუ სწორედ მზის  
მსვლელობისაგან მომდინარეობს წელიწადის ოთხგვარი ცვა-  
ლება.

პირველი ცვალება წელიწადისა — გაზაფხულია, რადგან  
გაზაფხულზე შექმნა ღმერთმა მთელი სამყარო — უკლებლივ  
ყოველივე. ამაზე მიუთითებს, სხვათაშორის, ის გარემოებაც,  
რომ ყვავილები გაზაფხულზე აღმოცენდებიან კვალად, გა-  
ზაფხულზე არის წლის ბუნობის დროც, როცა დღეცა და ღა-  
მეც ერთმანეთის ტოლია და 12-12 საათს შეადგენს. გაზაფხუ-  
ლის ცვალება (დრო) მაშინ დგება, როცა მზე აღმოსავლეთის  
შუაგულში ამოდის. გაზაფხული გამოირჩევა ზომიერებით,  
კეთილშეზავებულობით. იგი განაპირავლებს სისხლს, რადგან  
თბილი და ნესტიანია. გაზაფხული გარდამავალი დროა ზამ-  
თარსა და ზაფხულს შორის, რადგან ზამთარზე უფრო თბილი  
და მშრალია, ხოლო ზაფხულზე მეტად გრილი და ნესტიანი.  
წელიწადის ეს ცვალება გრძელდება 21 მარტიდან 24 ივნის-  
სამდე. შემდგომ, როცა მზის აღმოსავალი ჩრდილოეთისაკენ  
გადაიწევს, დგება წელიწადის საზაფხულო ცვალება. ზა-  
ფხულს საშუალო ადგილი უკავია გაზაფხულსა და შემოდგო-  
მას შორის და ახასიათებს გაზაფხულის სითბოც და შემოდ-  
გომის სიმშრალეც. ზაფხული წელიწადის ყველაზე თბილი და  
მშრალი დროა, რითაც ხელს უწყობს ყვითელი ნალღლის გან-  
მრავლებას. ზაფხულში დგება ხოლმე წელიწადის ყველაზე  
ხანგრძლივი დღე, რომელიც (მზის აღმოსვლიდან მის ჩასვ-  
ლამდე) 15 საათს შეადგენს, და შესაბამისად, ყველაზე ხან-

მოკლე დამე, სულ 9 საათს რომ გრძელდება (მზის ჩასვლიდან მის ამოსვლამდე). ზაფხულის ცვალება გრძელდება 24 ივნისიდან 25 სექტემბრამდე. შემდეგ, როცა მზის აღმოსავალი კვლავ აღმოსავლეთის შუაგულსაკენ გადაიწევს, ზაფხულის დრო შემოდგომის დროთი იცვლება, რომელსაც საშუალო ადგილი უკავია სიცივესა და სითბოს შორის, სიმშრალესა და სინესტეს შორის; შემოდგომა თავის თავში შეიცავს ზაფხულის სითბო-სიმშრალესაც და ზამთრის სიცივე-სინოტივესაც, მაგრამ იგი მაინც არის წელიწადის შედარებით ცივი და მშრალი დრო, რითაც ხელს უწყობს შავი ნალველის განმრავლებას. შემოდგომაზეც დგება ხოლმე წელიწადის ბუნიობის დრო, როცა დღე და ღამე ერთმანეთს უტოლდება და 12-12 საათს შეადგენს. შემოდგომა გრძელდება 25 სექტემბრიდან 25 დეკემბრამდე. როცა მზის აღმოსავალი აღმოსავლეთის უდაბლეს წერტილს მიაღწევს, ანუ, სამხრეთისაკენ გადაიწევს, მაშინ დგება წელიწადის ზამთრის ცვალება (დრო), რომელიც ყველაზე ცივი და ნესტიანი დროა და გარდამავალი ხანაა შემოდგომაჲსა და გაზაფხულს შორის. ზამთარი თავის თავში შეიცავს შემოდგომის სიცივესაც და გაზაფხულის სინესტესაც. ამ დროს ყველაზე ხანმოკლე დღე დგება მთელი წლის განმავლობაში, და ეს დღე სულ 9 საათს შეადგენს, ღამე კი, შეიძლება მისად, ყველაზე ხანგრძლივია და 15 საათს გრძელდება. ზამთრის ცვალება მიმდინარეობს 25 დეკემბრიდან 24 მარტამდე.

ამრიგად, შემოქმედმა სიბრძნით განაგო ყოველივე ეს, რომ უკიდურესი სიცივიდან, სიცივიდან, სინოტივედან თუ სიმშრალიდან უმალვე არ გადავიდოდეთ საპირისპირო უკიდურესობაზე და ამის გამო მძიმე სნეულებათა საშიშროება არ გვემუქრებოდეს; კაცობრივი გონიერებაც ხომ იმას გეკარნახობს, რომ ანაზღეული გადასვლა-ცვალებადობანი ძალზე სახიფათოა.

ამგვარად წარმოქმნის მზის მსვლელობა წელიწადის დროებს, მათი საშუალებით კი, წელიწადს. მზისგანვეა დღეებიცა და ღამეებიც: დღეებს მზე იმით წარმოშობს, რომ აღმოსავლეთიდან ამოდის და დედამიწას ზემოდან დაჰყურებს წრიული მსვლელობისას, ხოლო ღამეებს იმით, რომ დასავლეთით ჩადის, დედამიწას აღარ დაჰყურებს და ადგილს სხვა მნათო-



ბებს — მთვარესა და ვარსკვლავებს, ანუ მათ ნათელს უთმობს.

კვალად, იმასაც ამბობენ, რომ ცათა შინა თორმეტი თანავარსკვლავედი არსებობს, ანუ ზოდიაქოს ნიშანი, რომელნიც მსხის, მთვარისა და სხვა ხუთი პლანეტის მოძრაობის საწინააღმდეგოდ მოძრაობენ, ამასთან თითოეულმა პლანეტამ თორმეტივე ეს თანავარსკვლავედი უნდა გაიაროს. თითოეული ამ ზოდიაქოს ნიშნის (თანავარსკვლავედის) გავლას მზე ერთ თვეს ანდომებს მაშასადამე, ყველა თანავარსკვლავედს თორმეტი თვის (ერთი წლის) განმავლობაში გაივლის. ზოდიაქოს ამ თორმეტი ნიშნისა და მათი შესაბამისი თვეების (როცა მათ მზე გაივლის) სახელწოდებანი და ნიშან-გამოსახულებანი შემდეგია:

ვე რ ძ ი — მზე ზოდიაქოს ამ ნიშანში შედის მარტის თვის 21-ში.

მ ო ზ ვ ე რ ი — 23 აპრილს.

მ ა რ ჩ ბ ი ვ ი — 24 მაისს.

კ ი რ ჩ ხ ი ბ ი (კიბორჩხალა) — 25 ივნისს.

ლ ო მ ი — 25 ივლისს.

ქ ა ლ წ უ ლ ი — 25 აგვისტოს.

ს ა ს წ ო რ ი — 25 სექტემბერს.

მ ო რ ი ე ლ ი — 25 ოქტომბერს.

მ შ ვ ი ლ დ ო ს ა ნ ი — 25 ნოემბერს.

თ ხ ი ს რ ქ ა — 25 დეკემბერს.

მ ე რ წ ყ უ ლ ი — 25 იანვარს.

თ ე ვ ზ ე ბ ი — 24 თებერვალს.

მთვარე თორმეტივე ამ თანავარსკვლავედს ყოველთვიურად გაივლის, რადგან იგი მზეზე უფრო დაბლა მდებარეობს და მსვლელობასაც უფრო სწრაფად აღასრულებს, თუკი ერთ წრეს მეორეში ჩაეხაზავთ, შიგნითა წრე ზომ უფრო პატარა აღმოჩნდება, ვიდრე გარეთა. ასევე, მთვარის მსვლელობის წრეც მზის მსვლელობის წრეზე დაბლა მდებარეობს და ამიტომ უფრო მოკლეა, რის გამოც მთვარე თავის წრიულ მსვლელობას, ბუნებრივია, მზეზე სწრაფად აღასრულებს (ერთ თვეში).

ელინები მიიჩნევენ, რომ ყოველი საქმიანობა გარსკვლავე-

თა, აგრეთვე მზისა და მთვარის ამოსვლით, ჩასვლითა და ურთიერთმიახლოებით წარმართება, რასაც ასტროლოგია სწავლობს. ჩვენ პირიქით, ვამბობთ რომ მზე, მთვარე და ვარსკვლავები წვიმისა თუ დარის, ნოტიო თუ მშრალი ამინდის, აგრეთვე ქარებისა და სხვა მისთანათა მომასწავებელია, და არამც და არამც არ განაპირობებენ ჩვენს ქცევებსა და საქმეებს<sup>29</sup>. რადგან ღმერთმა თავისუფალნი შეგვქმნა, მოგვანიჭა თავისუფალი ნება და არჩევანის უფლება, ჩვენვე ვართ ბატონ-პატრონი ჩვენი საქმეებისა. თუკი ყველაფერს ვარსკვლავთა მოძრაობის ზემოქმედებით ვიქმთ, ესე იგი აუცილებლობით ვიქმთ და არა ჩვენი თავისუფალი ნებით. ხოლო ის, რაც აუცილებლობით ხდება, არ შეიძლება იყოს არც კეთილი და არც ბოროტი. და თუ არც სათნოებები გაგვაჩნია და არც მანკიერებანი, მაშინ არ ვიმსახურებთ არც კეთილ საზღაურს და არც სასჯელს. ამ შემთხვევაში ღმერთიც უსამართლო აღმოჩნდება, როდესაც ზოგს სიკეთეს მიჰმადლის, ზოგს კი მწუხარებას. უფრო მეტიც, თუკი ყოველივე აუცილებლობით ხდება და წარმართება, მაშინ არც ღვთის განგებულება იქნება სამყაროში, არც მის მიერ წარმართვა მთელი ქმნილებებისა. არც ჩვენი გონიერება იქნებოდა საჭირო, რამეთუ თუ არ ზელ-გვეწიფება არცა ერთი საქმე, არც იმაზე ფიქრი შეგვაწუხებდა, რომ ჩვენი წამოქმედარი გონებით განგვესაჯა. ვიცით, გონება ღმერთისგან იგვაქვს მომადლებული, რათა მოვიფიქროთ და წინდაწინ ავწონ-დავწონოთ ხოლმე ჩვენი საქმეები, ამიტომ ყოველი გონიერი არსება ერთდროულად არის თავისუფალი ნებისა და არჩევანის მქონე არსება<sup>30</sup>.

აქედან გამომდინარე ვამტკიცებთ, რომ ვარსკვლავები ქვეყნად აღსრულებული არც ერთი საქმის, არც ერთი მოგვლენის მიზეზი არ არიან, არც აღმოცენებადის აღმოცენებისა და არც განქარვებადის დაღუპვისა. სავარაუდოა, რომ წვიმებისა და ჰაერის ცვალებადობას მოასწავებდნენ. მავანმა და მავანმა შეიძლება თქვას, რომ ვარსკვლავი მიზეზი თუ არა, მანიშნებელნი მაინც არიან ომებისა, და რაგვარობა ჰაერისა, რაც მზეზე, მთვარესა და ვარსკვლავებზეა დამოკიდებული, სხვადასხვა სახით განაპირობებს განსხვავებული ტემპერამენტის, ჩვევებისა და მიდრეკილებების ჩამოყალიბებას ადამიანებ-

შიო. ჩვენ ასე ვუპასუხებდით: ჩვევები და სხვა დანარჩენიც ჩვენს ნებაზეა დამოკიდებული, რადგან ყოველივე ჩვენს გონებას ექვემდებარება და მისი ხელმძღვანელობით იცვლება.

ხშირად გამოჩნდებიან ხოლმე კომეტებიც, გარკვეული მოვლენების ნიშნად რომ აღიქმებიან, მაგალითად, მაცნედ შეფეთა სიკვდილისა. კომეტები არ განეკუთვნებიან იმ ვარსკვლავთა რიცხვს, დასაბამად რომ შექმნა ღმერთმა, მაგრამ ისინი გარკვეულ დროს ღვთის ბრძანებით აღმოცნდებიან, ირღვევიან და განქარდებიან. აკი ის ვარსკვლავიც, რომელიც მოგვებს მოევლინა უფლის ყოვლად-კაცთმოყვარე და ჩვენი მსხნელის ხორციელი შობის ჟამს, არ განეკუთვნებოდა ღმერთის მიერ დასაბამად შექმნილ ვარსკვლავთა რიცხვს. ეს იქიდანაც ჩანს რომ იგი ხან აღმოსავლეთიდან დასავლეთისაკენ მოძრაობდა, ხან ჩრდილოეთიდან — სამხრეთისაკენ, ხან სულ მიეფარებოდა ადამიანთა თვალს, ხან კვლავ გამოჩნდებოდა, ხან მოძრაობდა, ხან კი ერთ ადგილს დაადგებოდა, რაც სრულიად არ შეესაბამება ვარსკვლავთა ბუნებასა და კანონებს.

მხედველობაში უნდა მივიღოთ ის გარემოებაც, რომ მთვარე ნათელს მზისგან ნესხულობს. არა იმიტომ, რომ ღმერთს არ შეეძლო მისთვის საკუთარი ნათელი მიენიჭებინა, არამედ იმის გამო, რომ მთელს ქმნილებას ღმერთმა ასეთი სიმწყობრე, ურთიერთდამოკიდებულება და წესრიგი მიანიჭა — ერთი უნდა მთავრობდეს, ხოლო მეორე ემორჩილებოდეს და მასზე დამოკიდებული იყოს. ასევე ჩვენც, ადამიანებმა, ყოველი ქმნილებისაგან უნდა ვისწავლოთ ურთიერთთანაზიარობა, ურთიერთგაწილადება ყოველივე იმისა, რაც გვაქვს და ურთიერთმორჩილება, უწინარეს ყოვლისა, მორჩილება ჩვენი დამბადებლისადმი, შემოქმედი ღმერთისა და მეუფისადმი, მერმე კი, მორჩილება (ამქვეყნიური) მთავრებისადმი, რომელნიც მან დაადგინა მთავრობისათვის. ამასთანავე არ უნდა გამოვიძიებდეთ და გამოვიკითხავდეთ, რატომ მთავრობს მავანი და მავანი, მე კი რად არა ვარ მთავრად დადგენილიო. საჭიროა ყველა მთავარი ღმრთისაგან დადგენილად ვაღიაროთ, ყოველივე ღმრთისაგან გამოსული კი მადლობით და დიდსულოვნებით შევიწყნაროთ.

ზოგჯერ ხდება ხოლმე მზისა და მთვარის დაბნელებანი,

რითაც მხილებულ არიან ისინი, „რომელთა-იგი გარდაცვა-  
ლეს ქეშმარიტებაჲ ღმრთისაჲ სიცრუევდ და პატივ-სცემდეს  
და ჰმსახურებდეს დაბადებულთა და არა დამბადებულსა...“  
(რომ. 1, 25), და რითაც მტკიცდება, რომ მზე და მთვარე ცვა-  
ლებას არიან დაქვემდებარებული. ცნობილია, რომ ყოველივე  
ცვალებადი არ არის ღმერთი, რამეთუ რაც იცვლება, იგი ბუ-  
ნებით ხრწნაღია.

მზის დაბნელება მაშინ ხდება, როცა მთვარე, გარკვეულ  
შუალედურ ზღუდედ ქცეული, ჩრდილს იძლევა და საშუა-  
ლებას არ აძლევს მზის ნათელს ჩვენამდე მოაღწიოს. ამიტომ  
რამდენ ხანსაც მთვარე გადაეფარება ხოლმე მზეს, იმდენ ხანს  
გაგრძელდება მზის დაბნელება. არც ის უნდა გაგვიკვირდეს,  
რომ მთვარე ბევრად მცირეა მზეზე და მაინც ძალუძს გადაე-  
ფაროს მზეს. მიუხედავად იმისა, რომ ზოგი ამტკიცებს, მზე  
ბევრად დიდიაო დედამიწაზე, ხოლო წმიდა მამები, დედამი-  
წას ტოლად მიიჩნევენ, მაგრამ მზეს ხშირად მომცრო ღრუ-  
ბელიც დაჰფარავს ხოლმე ჩვენს თვალთაგან, ანდა უმნიშვნე-  
ლო ბორცვი თუ კედელი.

მთვარის დაბნელება დედამიწის ჩრდილის შედეგად ხდება.  
როცა მთვარე 15 დღისა შეიქმნება ხოლმე და როცა მზე და  
მთვარე მოპირდაპირე მხარეს აღმოჩნდებიან ერთი (წარმო-  
სახვითი) წრფის სხვადასხვა ბოლოში, იმ წრფისა, რომელიც  
ზეციური თალის უმაღლეს შუაგულში გადის. მზე ამ დროს  
დედამიწის ქვემოთაა მთვარე კი, დედამიწის ზემოთ, დედამი-  
წა ჩრდილს იძლევა, მზის სხივები ვერ აღწევს მთვარემდე და  
ვერ ანათებს მას, რისი მიზეზითაც ხდება მთვარის დაბნე-  
ლება.

უნდა გვახსოვდეს, რომ ღმერთმა საესე მთვარე შექმნა,  
ანუ იმ ფორმით, რომელიც აქვს მთვარეს თვის მეთხუთმეტე  
დღეს. მაგრამ მეოთხე დღეს (შესაქმისა), როგორც უკვე  
ვთქვით, ღმერთმა მზე შექმნა. მაშასადამე, მთვარემ თერთმე-  
ტი დღით გაუხწრო მზეს, რადგან მეოთხე დღიდან მეთხუთ-  
მეტე დღემდე თერთმეტი დღეა. ამიტომ ყოველ წელიწადს 12  
მთვარის თვე 11 დღით ნაკლებია მზის 12 თვეზე. მართლაც,  
12 მზის თვე შეადგენს 365 დღეს და კიდევ მეოთხედს ერთა  
დღისა, ხოლო რადგანაც ამ მეოთხედიდან ოთხ წელიწადში

ერთი დღე შედგება ხოლმე, ამიტომ ყოველი მეოთხე წელიწადი შეიცავს 366 დღეს. მთვარის წელიწადი 354 დღეს შეიცავს, რადგან მთვარე, როცა ახლად იშვება, ანუ განახლდება ხოლმე, იბრდება, იყაება მანამ, სანამ არ მიაღწევს 14 დღისა და 3/4-ის ასაკს. შემდეგ თანდათან განილევა და 29 დღისა აღარც ჩანს ხოლმე. მზეს შეუერთდება, განახლდება, ხელახლა იშვება და ადამიანებს მიგვანიშნებს მომავალ აღდგომას მკვდრებით. ამგვარად, მთვარე ყოველწლიურად 11 დღით ჩამორჩება მზეს. ამიტომაც, რომ ებრაელებს ყოველი სამი წლის შემდეგ აქვთ ერთი დამატებითი თვე, და მამასადამე მესამე წელიწადი ცამეტ თვიანი გამოსდით, რადგან ამ თვეს ყოველი წლის თერთმეტი დღისაგან ადგენენ, (ანუ მთვარის თვეებით აღრიცხავენ წელიწადს).

ცხადია, მზეც, მთვარეც და ვარსკვლავებიც შედგენილნი არიან და თავიანთი ბუნებით რღვევას ექვემდებარებიან. მაგრამ მათი ჰეშმარიტი ბუნება მაინც არ ვუწყით. მართალია ზოგნი ამბობენ, რომ ცეცხლი, როდესაც რომელიმე ნივთიერებაშია, უხილავი ხდება, და ამიტომ როგორც კი ჩააქრობენ, უმაღვე განქარდებაო. მაგრამ სხვები ამტკიცებენ, რომ ცეცხლი კი არ განქარდება ჩაქრობის შემდეგ, არამედ ჰაერად იქცევა<sup>31</sup>.

ზოდიაქური წრე ირიბი წრფით მოძრაობს და თორმეტ ნაწილად იყოფა. ყოველი ნაწილი ზოდიაქოს ნიშნების მიხედვით იწოდება. თითოეული ან ნიშანთაგანი მოიცავს ოცდაათ გრადუსს. მათ შორის უმთავრესია სამი — თითო გრადუსი ყოველი ათიდან. ყოველი გრადუსი შედგება 60 წამისაგან. ამრიგად, მთლიანად ცა მოიცავს 360 გრადუსს, აქედან 180 იმ ნახევარსფეროში მდებარეობს, რომელიც დედამიწის ზემოთ მდებარეობს, 180 კი, დედამიწის ქვემოთ მდებარე ნახევარსფეროში.

### პლანეტების ადგილსამყოფელისთვის

მარსის ადგილსამყოფელია ვერძი და მორიელი, მიაზვერი და სასწორი — ვენერასი, მარჩბივი და ქალწული — მერკურისა, კირჩხიბი (კიბორჩხალა) — მთვარისა, ლომი — მზისა, მშვილ-

დოსანი და თევზები — იუპიტერისა, თხის რქა და მერწყული კი სატურნისა.

პლანეტების სიმაღლე შემდეგია: ვერძი — მზისაა, მოზვერი — მთვარისა, კირჩხიბი იუპიტერისა, ქალწული — მარსისა, სასწორი — სატურნისა, თხის რქა — მერკურისა, თევზები — ვენერასი.

მთვარის ფაზებია: შეერთება ხდება მაშინ, როცა მთვარე მზესთან ერთ გრადუსში იმყოფება; იშვება (განახლდება) მაშინ, როცა იგი მზეს ჩამორჩება 15 გრადუსით; ამოსვლა — როცა მთვარე გამოჩნდება; ნამგლისებური ფაზა მთვარეს ორჯერ აქვს — როცა მზეს 60 გრადუსით ჩამორჩება; ორი ნახევარსფერული ფაზა მთვარისა მაშინაა, როცა იგი მზეს 90 გრადუსით ჩამორჩება; ასევე ორი ფაზა მთვარისა ორმაგი გაშობურცვით მაშინაა, როცა იგი მზეს 120 გრადუსით ჩამორჩება; ორი ფაზა არასრული სისავსისა და არასრული ნათლისა მაშინ არის, როცა მთვარე 150 გრადუსით ჩამორჩება მზეს; სრული სავსება მთვარისა მაშინ დგება, როცა იგი 180 გრადუსით ჩამორჩება მზეს. ჩვენ ვლაპარაკობდით მთვარის ორი ფაზის (მდგომარეობის) შესახებ, და ვგულისხმობდით ფაზას ზრდისა (სავსებისაკენ სვლისა) და ფაზას დაკლებისა. ზოდიაქოს თითოეულ ნიშანს მთვარე გაივლის 2, 5 დღის განმავლობაში.

## თ ა ვ ი VIII

### ჰაერისა და ქართათვის

ჰაერი არის ძალზე მსუბუქი სტიქია, ნოტიო და თბილი, თუმცა იგი ცეცხლზე უფრო მძიმეა, ხოლო მიწასა და წყალზე უფრო მსუბუქი. ჰაერს ვისუნთქავთ და ჰაერივეა მიზეზი ბგერის წარმოშობისა. ჰაერი უფერულია, ე. ი. ბუნებით არა აქვს განსაზღვრული ფერი; გამჭვირვალეა, რადგან შეუძლია ნათლის მიღება. ჰაერი განაპირობებს ჩვენი სამი გრძნობის მოქმედებას, რადგანაც სწორედ მისი საშუალებით ვხედავთ, ვგეგმის და ვიყნოსავთ. ჰაერს შეუძლია მიიღოს სითბო და სიცივე, სიმშრალე და სიწესტე. ჰაერისავე კუთვნილებაა ყველა

სახის სივრცობრივი მოძრაობა — ზემოთ, ქვემოთ, შიგნით, გარეთ, მარცხნივ, მარჯვნივ, და კვალად, ბრუნვითი მოძრაობაც.

თავისთავად ჰაერს არა აქვს ნათელი. იგი ნათდება მზის, მთვარისა და ვარსკვლავების სხივებით, აგრეთვე ცეცხლის სინათლით. ამის შესახებ საღმრთო წერილშიცაა ნათქვამი: „და იყო ბნელი ზედა უფსკრულთა“-ო (დაბ. 1, 2). ამ სიტყვებით საღმრთო წერილს უნდა გვიჩვენოს, რომ ჰაერს თავისთავად არა აქვს ნათელი, და რომ არსი ნათლისა სხვაა და სხვაგვარია.

ქარი ჰაერის მოძრაობაა. სხვა სიტყვებით რომ ვთქვათ, ქარი არის ჰაერის დინება. ქარები თავიანთ სახელწოდებებს იმ ადგილებისდა მიხედვით იღებენ, საიდანაც იწყებიან. ადგილი კი, თავის მხრივ, არის რაღაც ჰაეროვანი (ჰაერთან დაკავშირებული), რადგან ხილული სხეულის ადგილს ის წარმოადგენს, რაც ამ სხეულს მოიცავს. ხოლო სხვა რა მოიცავს ხილულ სხეულებს, თუ არა ჰაერი? ადგილები, საიდანაც დასაბამს იღებენ ჰაერის მოძრაობანი, სხვადასხვაა, და ამ სხვადასხვა ადგილებისგან მიიღეს ქარებმა სახელწოდებანი. სულ ქართა რიცხვი თორმეტია.

ამბობენ, რომ ჰაერი არის ჩამქრალი ცეცხლი, ანდა გაცხელებული წყლის ანაორთქლი. აქედან ჩანს, რომ ჰაერი თავისი ბუნებით ცხელია, მაგრამ ცივდება ხოლმე წყალთან და მიწასთან სიახლოვის შედეგად, ასე, რომ მისი ქვედა ნაწილი ცივია, ზემოთა კი — ცხელი<sup>2</sup>.

„სხვადასხვა ქარს რაც შეეხება, უნდა ვიცოდეთ, რომ მზის საზაფხულო აღმოსავალიდან უბერავს კეკიოსი (ანუ ჩრდილო-აღმოსავლეთის ქარი), იგივე საშუალო ქარი. ბუნიობისდროინდელი მზის აღმოსავლეთიდან აღმოსავლეთის ქარი უბერავს, ზამთრის აღმოსავლიდან — ევროსი, ზამთრის მზის დასავალიდან — ლიბოსი; ზაფხულის მზის დასავალიდან უბერავს არგესტისი (ჩრდილო-დასავლეთის ქარი), იგივე ოლიმპიასი, რომელსაც სხვაგვარად კიდევ იაპიქსისი ეწოდება. კვალად უბერავენ სამხრეთის და ჩრდილოეთის ქარები, რომლებიც ერთმანეთის საპირისპიროდ ქრიან. კვალად არსებობს სხვა ქარიც, საშუალო კეკიოსსა და ჩრდილოეთის ქარს შორის, და ამ

ქარს ბორეასს უწოდებენ. ევროსსა და სამხრეთის ქარებს შორის არსებობს კიდევ ქარს ფინიქსი, რომელსაც სხვაგვარად ევრონოტოსიც ეწოდება. სამხრეთის ქარსა და ლიბოსს (დასავლეთის ქარს) შორის ქრის ლიბონოტოსი, რომელსაც სხვაგვარად ლევკონოტოსი ეწოდება. ჩრდილოეთისა და არგესტისს (ჩრდილო-დასავლეთის ქარს) შორის უბერავს ქარი თრაკიოსი (თრაკიის ქარი), რომელსაც ამ მხარის მცხოვრებნი კერკიოსს უწოდებენ.

ხალხები, რომლებიც დედამიწის სხვადასხვა მხარეში არიან (უკიდურეს კიდეებში) დასახლებული, ესენი არიან: ევროსის ქარის ქვეშ ინდოელები იახლობენ, ფინიქსის ქვეშ მეწამული ზღვა და ეთიოპია მდებარეობს, ლიბონოტოსის ქვეშ სახლობენ გარამანტები, სირტის გადაღმა მცხოვრებნი, ლიბოსის ქვეშ ეთიოპელები და დასავლეთის მავრები სახლობენ, დასავლეთის ქარის ქვეშ მდებარეობს ჰერკულესის სვეტები და დასაწყისი საზღვრები ლიბიისა და ევროპისა; არგესტისის ქვეშ იბერიაა, აწინდელი ესპანეთი; თრაკიის ქარის ქვეშ კელტები და მათი მოსაზღვრე ტომები ცხოვრობენ; ჩრდილოეთის ქარის ქვეშ სკვითები არიან, რომლებიც თრაკიის მიღმა მხარეში სახლობენ; ბორეიუსის ქვეშ მდებარეობს პონტო, მეოტიის ზღვა და აქ სარმატები სახლობენ; და ბოლოს კერკიოსის ქვეშ კასპიის ზღვა მდებარეობს და საკები სახლობენ (ჩრდილო-აღმოსავლეთის მხარეს).

## თ ა ვ ი I X

### წყალთათვის

წყალიც ერთ-ერთია ოთხი სტიქიისაგან, უმშვენიერესი ქმნილება ღვთისა. წყალი ნოტიო და ცივი სტიქიაა. იგი მძიმეა, ქვევით მიისწრაფვის და ადვილად იღვრება ზედაპირზე. მის შესახებ საღმრთო წერილში ნათქვამია: „... და ბნელი ზედა უფსკრულთა, და სუელი ღმრთისაჲ იქცეოდა წყალთა ზედა“ (დაბ. 1, 2). მართლაც, უფსკრული სხვა არაფერია, თუ არა დიდი სიმრავლე წყალთა, რომლის საზღვარიც მიუწვდო-



მელია ადამიანებისთვის. დასაბამად ხომ წყალი მთელი დედა-  
 მიწის ზედაპირს ჰფარავდა. და უწინარეს ყოვლისა ღმერთმა  
 მყარი შექმნა, რომელსაც განუჩინა ყოფილიყო „განწყობელ  
 წყლისა და წყლისა“, „...შორის წყლისა, რომელი იყო ქვეშე  
 კერძო სამყაროსა, და შორის წყლისა ზედა კერძო სამყა-  
 როსა“ (დაბ. 1, 6, 7); რამეთუ ღმერთის ბრძანებრთ მყარი  
 წყალთა უფსკრულის შუაში დაემკვიდრა. ღმერთმა თქვა,  
 იყოს მყარიო, და მყარიც წარმოიშვა. მაგრამ რატომ მოათავ-  
 სა ღმერთმა წყალი მყარზე („ზედა კერძო სამყაროსა“)?  
 იმიტომ, რომ მზისა და ეთერისაგან უმძაფრესი სიმბუჩვალე  
 მომდინარეობდა. უშუალოდ მყარს იქით ხომ ეთერი მდებარე-  
 ობს, ხოლო მყარსა ზედა განლაგებული არიან მზეც, მთვა-  
 რეც და ვარსკვლავებიც, და მყარის ზემოდან წყალი რომ არ  
 ყოფილიყო, მაშინ მყარი ააღდებოდა და დაიწვებოდა<sup>33</sup>.

შემდეგ ღმერთმა უბრძანა წყალთ შეკრებილიყვნენ „შე-  
 საკრებელსა ერთსა“ (დაბად. 1, 9). სიტყვები: „შესაკრებელსა  
 ერთსა“ არ მიუთითებს იმაზე, რომ წყალნი ერთს ადგილას  
 იქნენ თავმოყრილი, რადგან იქვე, საღმრთო წერილში ნათქ-  
 ვამია: „...და შესაკრებელსა წყალთასა უწოდა ზღვებ“ (დაბად.  
 1, 10). ზემოხსენებული სიტყვებით აღნიშნულია, რომ წყალ-  
 ნი, განცალკევდნენ რა მიწისაგან, ერთმანეთს შეუერთდნენ.  
 ამგვარად შეიკრიბნენ წყალნი „შესაკრებელსა ერთსა“, „და  
 გამოჩნდა ხმელი“ (დაბ. 1, 9). აქედან წარმოიშვა ორი ზღვა,  
 რომელნიც ეგვიპტეს შემოსაზღვრავენ, რამეთუ იგი ორ  
 ზღვას შორის მდებარეობს<sup>34</sup>; მათვე (წყალთა შესაკრებელ  
 ზღვებს) იგანეკუთვნება სხვადასხვა მცირე ზღვაც, თავთავიან-  
 თი მთებით, კუნძულებით, კონცხებით, ნავსაყუდლებით, ყუ-  
 რიებით, რომლებიც შემოფარგლულია გაშლილი ქვიშოვანი  
 ნაპირითა და კლდოვანი კბორდებით. გაშლილ ნაპირად ქვიშ-  
 ნარი ნაპირი იწოდება, ხოლო კლდოვანად — კბორდებიანი,  
 წყვეტილ ფლატეებიანი ნაპირი, რომლის კიდიდანაც უმაღლე  
 იწყება სიღრმე წყალთა. ამგვარად წარმოიშვნენ სხვა ზღვე-  
 ბიც — აღმოსავლეთისა, რომელსაც ინდოეთის ზღვა ეწოდე-  
 ბა, ჩრდილოეთის ზღვა, კასპიის ზღვად წოდებული და აგ-  
 რეთვე ტბებიც.

ოკეანეს რაც შეეხება, იგი თითქოსდა რაღაც მდინარეა.

რომელიც მთელს დედამიწას უვლის გარს (შემოსაზღვრავს) და რომლის შესახებ კიდევ ნათქვამია, ვგონებ, საღმრთო წერილში, რომ „...მდინარე გამოვალს ედემით“-ო (დაბ. 2, 10). ამ მდინარეს სასმელად ვარგისი და ტკბილი წყალი მოჰქონდა. ოკეანეს ზღვებში მიაქვს თავისი წყალნი, სადაც დიდი ხნის უძრავად ყოფნითა და მზის ზემოქმედებით განიწარდებიან; გარდა ამისა, წყალთა უმჩატესი ზედა ნაწილი განუწყვეტლივ ზეადიტაცება მზისა და ქარიშხლის ზემოქმედებით. აქედან წარმოიშვებიან ღრუბლები და მათგან მომდინარე წვიმები, ამასთან წყალი თითქოს იცრება (იწმინდება) და კვლავ ტკბილი და დასალევად ვარგისი შეიქმნება ხოლმე.

ოკეანე განიყოფა „ოთხად თავად“ (დაბ. 2, 10), ანუ ოთხ მდინარედ. ერთ-ერთი მდინარის სახელია ფისონ (დაბ. 2, 11), ანუ ინდოეთის მდინარე განგი. მეორე მდინარეს გეონი ჰქვია (დაბ. 2, 13). ეს ნილოსია, რომელიც ეთიოპიიდან ეგვიპტეში მიედინება<sup>35</sup>... მესამე მდინარის სახელია ტიგრისი (დაბ. 2, 14), მეოთხისა კი — ევფრატი (იქვე). არის სხვაც ბევრი ძალზე დიდი მდინარე, რომელთაგან ზოგნი ზღვებს შეერთვიან, სხვანი კი მხელეთზე იკარგებიან. ამის გამო მთელს ხმელეთზე, მიწის ქვეშ მრავალი ხვრელი და გასასვლელია, თითქოსდა ეს ძარღვებია მიწისა, რომლებითაც ხმელეთი ზღვებიდან და მდინარეებიდან წყალს მიიღებს და შემდეგ აურაცხელ წყაროებსა და ნაკადულებს აღმოაცენებს.

ამის გამო სწორედ მიწის რაგვარობაზეა დამოკიდებული წყაროთა წყალიც, რადგან ზღვის მწარე წყალი მასში გავლით იწმინდება და ამგვარად, მიწის საშუალებით გასუფთავებული შეიქმნება ტკბილად და სასმელად ვარგისად. ხოლო თუ ის ადგილი, სადაც წყარო იღებს სათავეს, მწარე ან მარილიანი აღმოჩნდება, მაშინ წყალიც ასეთივე მწარე თუ მლაშე გამოედინება. ხშირად წყალი მიწაშიგაა დაგუბებული, ძალუმად ამოხეთქავს მიწიდან და ამის გამო თბება. ამგვარად ჩნდება თვითნაბადი თბილი წყაროები.

ამრიგად, ღმერთის ბრძანებით, დედამიწაზე ღრმულები გაჩნდა, რომლებშიც შეიკრიბნენ კიდევ წყალნი „შესაკრებელთა მათთა“ (დაბ. 1, 9); ამგვარი წარმოშობისაა მთებიც.

შემდეგ ღმერთმა უბრძანა პირველქმნილ წყალს გამოღება

„სამშენველთა ცხოველთა“ (დაბ. 1, 20), რადგან ენება წყალ-  
თა და სულიწმიდის საშუალებით, რომელიც დასაბამად წყალ-  
თა ზედა იქცეოდა (დაბ. 1, 2), ადამიანი შეექმნა, როგორც  
ბრძანებს ღვთაებრივი ბასილი. და წყალმა წარმოშვა ცხოვე-  
ლები, მცირენი და დიდნი, ვეშაპნი, ურჩხულნი, თევზნი,  
წყალში რომ დატურავენ და ფრინველნი ფრთოსანნი, ჰაერო-  
ვან სივრცეში რომ დაფრინავენ; ასე, რომ ფრინველთა სახით  
ერთიანდება წყალი, მიწა და ჰაერი, რადგან ფრინველები  
წყალთაგან წარმოიშვნენ, მიწაზე ცხოვრობენ და ჰაეროვან  
სივრცეში დაფრინავენ.

წყალი არის სტიქიათაგან ყველაზე მშვენიერი სტიქია, და  
მას ბევრი სარგებლობა მოაქვს ადამიანისთვის: იგი, უპირვე-  
ლეს ყოვლისა, განსწმედს ადამიანს ყოველივე არაწმიდებისა  
და სიბინძურისაგან, და არა მხოლოდ ხორციელი არაწმიდე-  
ბისაგან, არამედ, თუკი ადამიანი, მიიღებს სულიწმიდას და  
მაღლით აღივსება, იგი სულიერი არაწმიდებისგანაც განიწმი-  
დება ზოლმე<sup>36</sup>.

### ზღვათათვის

ეგეოსის ზღვის იქით იწყება ჰელესპონტი, რომელიც აბი-  
სამდე და სესტამდე გართხმულა. პროპონტადა, ქალკიდონამ-  
დე და ბიზანტიამდე ვრცელდება. სრუტის იქით პონტოს ზღვა  
იწყება. შემდეგ მდებარეობს მეოტიის ტბა, და იქ, სადაც  
იწყება ევროპა და ლიბია, იბერიის ზღვა გადაშლილა ჰერკუ-  
ლესის სვეტებიდან პირენეის მთებამდე. ამის იქით ლიგური-  
ის ზღვაა, რომელიც ეტრურიაზე ვრცელდება, შემდეგ სარ-  
დინიის ზღვაა, სარდინიის მიღმა გადაშლილი და ლიბიისაკენ  
მიქცეული. ტირენის ზღვა ლიგურიის მხარის საზღვრებიდან  
იწყება და სიცილიამდე ვრცელდება. მერმე მოდიან ზღვები:  
ლიბიისა, კრეტისა, სიცილიისა, იონიისა, და ადრიატიკისა. სი-  
ცილიის ზღვიდან იწყება კორინთოს ყურე ანუ ალკეონიდას  
ზღვა. ის ზღვა კი, რომელსაც სუნისა და სკილეუსის კონ-  
ცხები შემოზღუდავენ, იწოდება სარონიკეს ზღვად. მას მოს-  
დევს მირტოიისა და იკარიოსის ზღვები, რომლებშიც ციკლე-  
დის კუნძულებია. შემდეგ გადაშლილია ზღვები: კარპათიისა,

პაწილითა, და ეგვიპტისა. იკარიის ზღვის ზემოთ ეგეოსის ზღვაა.

საზღვაო გზა ევროპის სანაპიროს გასწვრივ, დაწყებული მდინარე ტინაოსის შესართავიდან ვიდრე პერკულესის სვეტებამდე შეადგენს 609. 709 სტადიონს (უტევანს), ხოლო საზღვაო გზა ლიბიის სანაპიროთა გასწვრივ ტინგიდან კანობიის შესართავამდე შეადგენს 209. 252. სტადიონს. და ბოლოს საზღვაო გზა აზიის სანაპიროთა გასწვრივ, კანობიიდან მდინარე ტინაისამდე, ყურეების ჩათვლით, შეადგენს 4. 111 სტადიონს. მთლიანად საზღვაო სანაპირო დედამიწისა, რომელიც ამჟამად დასახლებულია, ყურეების ჩათვლით, შეადგენს 1.309.072 სტადიონს (უტევანს).

## თ ა ვ ი X

### შესახებ მიწისა და ყოველივე იმისა, რაც კი მისგან აღმოცენებულა

მიწა არის ერთ-ერთი ოთხი სტიქიისაგან. იგი არის მშრალი, ცივი, მძიმე და უძრავი სტიქია, რომელსაც ღმერთმა არსებობა არარადან მიანიჭა შესაქმნის პირველსავე დღეს, რამეთუ საღმრთო წერილი გვეუბნება: „დასაბამად ქმნა ღმერთმან ცაჲ და ქვეყანაჲ“ (დაბად. 1, 1). თუ რაზეა დამყარებული და დაფუძნებული მიწა, კაცთაგან არავინ უწყის, და არც არავის შეუძლია ახსნას. თუმცა, ზოგიერთნი ცდილობენ დამტკიცონ, რომ მიწა დამკვიდრებული და დამყარებულია წყალთა ზედა, თანახმად ღვთაებრივი დავით მეფის სიტყვებისა, რომელიც ამბობს: „რომელმან დაამტკიცა ქვეყანაჲ წყალთა ზედა...“ (ფს. 135, 6). კვალად, სხვანი ფიქრობენ, რომ მიწა პაერზეა დამკვიდრებული. მესამე ამის გამო ამბობს: „და დამოჰკიდდე ქვეყანაჲ არავერასა ზედა“ (იობი 26, 7). სხვაგა: ღმრთივ მესიტყვე დავით მეფე, თითქოსდა შემოქმედის პირით, ამბობს: „...განკფდა ქვეყანაჲ და ყოველნი მკვიდრნი მისნი. მე დავამტკიცენ სვეტნი მისნი“-ო (ფს. 74, 4), და აქ სვეტს უწოდებს იმ რაღაც ძალას, რომელსაც უპყრია, ანუ რომელზეც დამტკიცებულა დედამიწა. ხოლო ეს სიტყვები

იგივე დავით წინასწარმეტყველისა — „რამეთუ თავადმან ზღვათა ზედა დააფუძნა იგი (ანუ ქვეყანა) და მდინარეთა ზედა განჰმზადა იგი“ (ფს, 23, 2), გვიჩვენებს, რომ წყალთა სტიქიით ყოველის მხრიდან გარემოცულია მიწა. ამრიგად, სკლ ერთია, რას ვიფიქრებთ და რას დავუშვებთ — თავის თავზეა დაფუძნებული დედამიწა, ჰაერზე, წყალზე თუ, საერთოდ, არაფერზე, — ჩვენ ყველა შემთხვევაში კეთილმსახურად უნდა ვიფიქროთ და იმას ვაღიარებდეთ, რომ ყოველივე ერთბაშად წარიმართება და დაიცვება, ანუ შენარჩუნებულია და არსებობს, შემოქმედი ღმერთის მიერ.

დასაბამად, როგორც საღმრთო წერილი გვეუბნება, მიწა წყალთაგან დაფარული და „განუმზადებელი“ (უსახო, უფორმო) იყო (დაბად. 1, 2). ე. ი. ჯერ მოწესრიგებული არ იყო. მაგრამ ღმერთის ბრძანებით მიწაზე წარმოიშენნენ წყალთა შესაკრებელნი, მყისვე წარმოიქმნენ მთები. და დედამიწამ მსთვის დამახასიათებელი სახე მიიღო — დამშვენდა ყოველგვარი ბალახეულითა და მცენარეებით, რომლებსაც საღმრთო ნებამ მიანიჭა ძალა ზრდისა და თესლის წარმოქმნისა, ანუ უნარი მსგავსის აღმოცენებისა. გარდა ამისა, შემოქმედის ბრძანებით, მიწამ წარმოშვა სხვადასხვა სახეობის ცხოველებიც — ქვეწარმავლები, გარეული მხეცები და შინაური პირუტყვები. ყოველივე ეს ადამიანისთვის აღმოცენდა, მაგრამ ცხოველთაგან ერთნი განკუთვნილი იყო საზრდოდ ადამიანისთვის, როგორცაა — ირემი, თხა და ა. შ. სხვა ცხოველები — აქლემი, სახედარი, ცხენი, ჯორი და სხვა დამხმარე ძაღად. მესამეთა დანიშნულება კი, ადამიანის შექცევაა, ასეთია: კაკაჭი, თუთიყუში და მისთანანი. ასევეა განჩინებული მცენარენი და ბალახეულიც. ზოგ მათგანს ნაყოფი მოაქვს, სხგანს საზრდოდ გამოიყენებიან, მესამენი კეთილსურნელებით გამოირჩევიან, ყვავილობენ და გვატკბობენ, როგორცაა, მაგალითად, ვარდი და მისთანანი. მეოთხე სახის მცენარენი სწეულებათა განსაკუთრწავად იხმარება. მაშასადამე, არ არსებობს ისეთი ცხოველი თუ მცენარე, შემოქმედ ღმერთს ადამიანისათვის სასარგებლო რაიმე ძალა თუ თვისება რომ არ მიენიჭებინოს, რამეთუ ღმერთი დაფარულთა მეცნიერია, რომელმაც უწყის „ყოველნი პირველ ქმნისა მათისა“ (დანთელი 13, 42), წინასწარ

ხედავდა, რომ ადამიანი თავისი თავისუფალი ნებით გარდახდება მის მცნებას და ამით ხრწნილებას მიეცემა. ყოველივეს ცათა შინა და ქვეყანასა ზედა, აგრეთვე წყალთა სიღრმეებშიც იმგვარად შექმნის, რომ ყველაფერი თავის დროზე ადამიანისთვის სასარგებლო და გამოსაყენებელი იყოს.

მცნების გარდახდომამდე ყოველივე ადამიანს ექვემდებარებოდა, რადგან ღმერთმა დაადგინა მთავრად იმ ქმნილებათა, რაც იყო მიწაზე თუ წყალთა სიღრმეებში. გველიც კი, შეჩვეული იყო ადამიანს სხვა ცხოველებზე მეტად და მოძრაობებით თითქოსდა ესაუბრებოდა ხოლმე ადამიანს<sup>37</sup>. სწორედ ამიტომ, ეშმაკმა, ბოროტების მამამთავარმა, გველის პირით შთააგონა ჩვენს პირველ მშობლებს ის უბოროტესი რჩევა, მაშინ მიწაც თავისით ნაყოფიერდებოდა, რათა ადამიანის ხელმწიფების ქვეშ მყოფ ცხოველებს საზრდო ჰქონოდათ. იმ დროს დედამიწაზე არც წვიმდა, არც ზამთარი დგებოდა. შეცოდების შემდგომ ადამიანი „... ჰბაძავდა... პირუტყვთა უფუნურთა და მიემსგავსა მათ“ (ფს. 48, 13), გულისწადილს უფლება მისცა გონიერ სულზე გაბატონებისა და უფლის მცნებას გარდახდა. ადამიანს დაქვემდებარებული ქმნილება წინააღმდეგ შემოქმედის მიერ მის მთავრად დადგენილ ქმნილებას (ადამიანს), რის გამოც ადამიანი დაისაჯა და კუთვნილი საზღაური მიიღო შემოქმედი ღმერთისგან, რომელმაც განუცხადა: „ოფლითა პირისა შენისათა სჭამდე პურსა შენსა ვიდრე მიქცევამდე შენდა მიწად, რომლისაგან მოღებულ იქმენ, რამეთუ მიწაჲ ხარ და მიწადცა მიიქცე“ (დაბად. 3, 19)<sup>38</sup>.

გარეული მხეცები ეხლაც სასარგებლონი არიან ჩვენთვის, რადგან შიშს გვევრიან და გვაძიულებენ მარად გვახსოვდეს შემოქმედი ღმერთი, რომელსაც უნდა შევღალადოთ ხოლმე შეწევნისათვის ყოველი განსაცდელის ემს. ადამიანის პირველი შეცოდებისთანავე იწყო მიწამ, უფლის სიტყვისაებრ, ეკალთა (კურომსთავთა) აღმოცენება. აქედან მოყოლებული ფარდის მშვენიერებასა და სურნელს განუყრელად ახლავს თან ეკლებიც. ისინი ჩვენს შეცოდებას უნდა გვახსენებდნენ, იმ გარდახდომას უფლის მცნებისაგან, შედეგად რომ „ეკლისა და კურომსთავის“ აღმოცენება მოჰყვა (დაბ. 3, 18).

ეს რომ მართლაც ასეა, ისიც ადასტურებს, რომ ყოველი-

ვე ეს აწინდელ ჟამამდე ამგვარადვე ჰგეებს უფლის სიტყვებში ძალით, რომელმაც გვიბრძანა: „...აღორძინდით და განმრავლდით, და აღავსეთ ქვეყანა და ეუფლენით მას“ (დაბად. 1, 28).

ზოგი ამტკიცებს, რომ დედამიწა სფეროსებური სახისაა (მრგვალია), სხვები კი, კონუსის ფორმისაო. დედამიწა ცასთან შედარებით ძალზე მცირეა და წერტილივით მოჩანს ზეციური სფეროს შუაგულში. თუმცა იგიც მოძრავია და ცვალებასა დაქვემდებარებული. ნეტარ არს ის, ვინც ღირსი შეიქმნება მშვიდთა ქვეყნის დამკვიდრებისა (მათე 5, 4) რამეთუ ის მიწა (ქვეყანა), სადაც წმიდანები დაემკვიდრებიან, უკვდავია, — არც წარმავალია და არც ცვალებადი. ასე, რომ ვის ძალუძს ღირსეულად და ამომწურავად განაღიდოს შემოქმედი ღმერთის უსაზღვრო და მიუწვდომელი სიბრძნე?! ანდა ჯეროვანი მადლი მიუძღვნას მომნიჭებელს ეგზომ დადი სიკეთისა და მადლისა?!

ხოლო რაც შეეხება დედამიწაზე არსებულ ჩვენთვის ცნობილ მხარეებს (ოლქებს, ანუ სატრაპებს), მათი რიცხვი ევროპაში — ოცდაათობმეტია, აზიაში, ამ უდიდეს მატერიკზე (ხმელზე) — ორმოცდარვა, ხოლო ეგრეთწოდებულ კანონთა რიცხვი სულ თორმეტია.

## თ ა ვ ი X I

### სამოთხის შესახებ

როცა ღმერთმა ინება ადამიანის შექმნა ხილული და არა-ხილული ბუნებისაგან „სახედ თვისად და ხატად...“ (დაბ. 1, 27), რათა იგი მეუფე თუ მთავარი ყოფილიყო დედამიწისა და ყოველივე იმისა, რაც არის მასზე, მაშინ შემოქმედმა ადამიანს რაღაც სამეფო სასახლისმაგვარიც განუმზადა, სადაც ნეტარად იცხოვრებდა ყოველივეთი უსაზღვროდ კმაყოფილი. სწორედ, ეს პირველი საცხოვრებელი იყო ღვთაებრივი სამოთხე, დანერგული ღმერთის ხელით ედემში, — სამკვიდრებელი მხიარულებისა და ყოველგვარი სიკეთისა, რამეთუ თვით სიტყვა „ედემი“ სიამეს აღნიშნავს.

სამოთხე აღმოსავლეთში მხარენ მდებარეობდა და დედამიწის ყველაზე მაღალ ადგილას გადაშლილიყო. მასში სუფევდა სრული კეთილშეზავებულობა ყოველგვარი სიკეთისა: უფაქიზესი და უწმიდესი ჰაერი აღავსებდა სამოთხეს, მარადშვენიერითა და სილამაზით ყოველგვარ სახილველს აღმატებოდა, — ერთის სიტყვით, ეს იყო ჭეშმარიტად ღვთაებრივი სურნელს აფრქვევდა. სამოთხეში სულ ნათელი იდგა და სიმშვენიე დახუნძლული ხეხილი ამკობდა და ირგვლივ საუცხოო ქვეყანა და ღირსეული სამკვიდრებელი ღმერთის სახედ და ხატად შექმნილი ადამიანისთვის. სამოთხეში არც ერთი უტყვი და უგონო არსება არ მკვიდრობდა, მხოლოდ ერთი ადამიანი ცხოვრობდა აქ, ღმერთის ხელთაგან ქმნილი არსება<sup>39</sup>.

სამოთხის შუაგულში ღმერთმა დარგო ხე ცხოვრებისა და ხე ცნობადისა („ცნობად კეთილისა და ბოროტისა“ (დაბ. 2, 9). ხე ცნობადისა გარკვეულწილად გამოსაცდელი ან საცთური უნდა ყოფილიყო ადამიანისთვის, გამოსაწრთობი მორჩილებასა და სიმდაბლესი. ამიტომ ეწოდა ამ ხეს ბოროტისა და კეთილის შეცნობის ხე. ნაყოფის მიმღებელთა სწორედ მან მიანიჭა უნარი საკუთარი თავის შეცნობისა. საკუთარი თავის შეცნობა სრულყოფილთათვისაა მისაღები, არასრულყოფილთათვის კი, ვინც ბორციელი ვნებებითაა შეპყრობილი, საზიანოა ისევე, როგორც ჩვილს არ ექმევა მოზრდილთა საკვები, რადგან მხოლოდ დედის რძეს არის შეჩვეული. ადამიანის შემქმნელმა ღმერთმა არ ისურვა, რომ ამქვეყნიური საზრუნავით ვყოფილიყავით დამძიმებულნი და გადაღლილი (ლუკა 10, 41), აქაოზე მოფუსფუსენი და წინდახედულნი. მაგრამ ადამმა ყოველივე ეს ნამდვილად გამოსცადა, მას შემდეგ, რაც შეჭამა აკრძალული ნაყოფი და შეიტყო, რომ თურქე, შიშველი ყოფილა და „გარემოსარტყმელი“ გაიკეთა ლელვის ფოთოლთაგან. (დაბ. 3, 7). როგორც საღმრთო წერილი გვეუბნება, ამ შეცოდებამდე ადამი და ევა „იყვნეს ორნივე შიშველ... და არა პრცხვენოდა“ (დაბ. 2, 25). ღმერთს სურდა, რომ ჩვენ ასეთივე უმწიკვლონი ვყოფილიყავით, ანუ ვნებებს მოკლებულნი, რადგან ეს (ადამის ყოფა) არის კიდევ მწვერვალი უვნებობისა. ღმერთს ისიც სურდა, რომ ჩვენ თავისუფალნი ვყოფილიყავით ყოველგვარ საზრუნავთაგან და მხოლოდ ერთი საქ-



მე გვექონოდა, ის, რაც ანგელოზთათვისაა დამახასიათებელი, — ანუ განუწყვეტლივ, დაუღუპებლად გალობით გვედიდებინა შემოქმედი ღმერთი. დავმტკბარიყავით მისი ქერეტიტ და სწორედ მისთვის მიგვენდო ჩვენზე ზრუნვა. დაერთა ეს გვამცნო წინასწარმეტყველის, დავით მეფის პირით, რომელიც გვეუბნება: „ძიუტევე უფალსა ზრუნვამ შენი, და ძან გამოგზარდოს შენი, და არა სცეს შერყევამ უკუნისაჲდგ მართალსა“ (ფს. 84, 23). წმინდა სახარებაშიც, როცა თავის მოწაფეებს დამოძღვრავს, უფალი ბრძანებს: „...ნუ ჰზრუნავთ სულისა თქვენისათვის, რამ სკამოთ და რამ ჰსუათ, ნუცა. ხორცთათვის, რამ შეიმოსოთ...“ (მათე 6, 25), და შემდეგ — „ხოლო თქვენ ეძიებდით პირველად სასუფეველსა ღმრთისაჲა და სიმართლესა მისსა, და ესე ყოველი შეგეძინოს თქვენ“ (მათე 3, 33). მართლაც ხომ ასე ეუბნება: „...მართა მართა ზრუნავ და უფოთ ხარ მრავლმსათვის; აქა ერთისაჲ არს სახმარ. ხოლო მარამ კეთილი ნაწილი გამოირჩია, რომელი არსადა მიელოს მისგან“ (ლუკა 10, 41-42), ანუ, როგორც ვიცით, მარიაჲმა უფლის ფერხთით ჯდომა და მისი ღვთაებრივი სიტყვების მოსმენა ირჩია<sup>40</sup>.

რაც შეეხება სიცოცხლის ზეს, იგი ან ისეთი ზე იყო, ს ცოცხლის მინიჭების ძალა რომ ჰქონდა, ანდა იმგვარი, რომლის ნაყოფებით საზრდოობა მხოლოდ ღირსეულებს შეეძლოთ, ანუ იმათ, ვინც სიკვდილს არ იყო დაქვემდებარებული<sup>41</sup>. ზოგნი სამოთხეს წარმოიდგენენ გრძნობისმიერ რამედ, სხვანი მას მხოლოდ სულიერ ადგილად მიიჩნევდნენ, მე კი, მგონია, რადგან ადამიანიც ღმერთმა ორივენაირი შექმნა, ანუ გრძნობისმიერიცა და სულიერიც, ამის შესაბამისად მისი პირველი წმიდათაწმიდა ადგილსამყოფელიც ერთდროულად გრძნობისმიერიც იყო და სულისმიერიც. ამგვარად, ორგვარი სახე ჰქონდა. სხეულით ხომ ადამიანი, როგორც ვთქვით, ყველაზე ღვთაებრივ და უმშვენიერეს ადგილას მკვიდრობდა, ხოლო სული შეუდარებლად უფრო მშვენიერ და მაღალ ადგილას ცხოვრობდა, ჰქონდა რა საცხოვრებლად თვით მასში დამკვიდრებული ღმერთი, და შემოსილი ღმერთით, ვითარცა ნათელი შესამოსელით, დაცული მისი მაღლითა და წყალობით, ადამიანი ანგელოზის მსგავსად ტკებოდა ერთადერთ-

თი, ყველაზე ტკბილი ნაყოფით — ღმერთის ჰერეტიკით, და ამით საზრდოობდა. აი, სწორედ, ეს იწოდება კიდევ სამართლიანად ზედ ცხოვრებისა, რადგან ღმერთთან ზიარებისა და ერთობის სიტყობება იმგვარ სიცოცხლეს ანიჭებს ყველას, ვინც ღირსი შეიქმნება ამისა, რომელსაც სიკვდილი ვერ შეეხება. ამასვე უწოდა ღმერთმა „ყოველი ხეც“, როცა თქვა: „...ყოველისაგან ხისა სამოთხისა ჰამით შჰამოთ“ (დაბად. 2, 16), რამეთუ თვით ღმერთი არის ყოველივე, რომელიც და რომლის მიერაც „ყოველივე დაემტკიცა“ (კოლას. 1, 17)<sup>42</sup>.

კეთილისა და ბოროტის შეცნობის ხე არის ჰერეტა მრავალსახოვანი სახილველისა, ანუ ადამიანის მიერ საკუთარი ბუნების შეცნობა. ამგვარი შეცნობა, რომლითაც ხდება საკუთარი თავისაგან გამოვლენა შემოქმედის დიდებულებიანა, მშვენიერია სრულყოფილთათვის, ანუ ღვთის შემეცნება-ჰერეტაში განმტკიცებულთათვის, რომელთაც არა აქვთ შიში დაცემისა იმის გამო, რომ ხანგრძლივი ძალისხმევის შედეგად გარკვეული ჩვევაც გამოუმუშავებიათ თავისთვის ამგვარი ჰერეტისა. მაგრამ ასეთი შეცნობა საკუთარი თავისა კარგი არ არის იმათთვის, ვინც ჯერ გამოუცდელია და ადვილად ნებდება ზორციელ სიამეთა წადილს; ამიტომაც, რადგანაც ესევეთარნი ჯერ არ განმტკიცებულან სიკეთეში და ჯეროვნადაც არ აღვსებულან მხოლოდ ერთისადმი — ღვთაებრივი მშვენიერების სიყვარულით, — სწორედ ამის გამო მათ, ჩვეულებრივ, გაიტაცებს ზოლმე და მთლიანად შეიპყრობს საკუთარ თავზე, საკუთარ სხეულზე ზრუნვა<sup>43</sup>.

ამრიგად, მე ვფიქრობ, ღვთაებრივი სამოთხე ორადი ბუნებისა იყო, და ამიტომ ერთნაირად სწორად გვასწავლიან ღმერთშემოსილი ჰამები, — ისინი, ვინც სამოთხეს მხოლოდ გრძნობისმიერად მიიჩნევენ, და ისინიც, ვინც მეორე თვალსაზრისს იზიარებდა, ანუ სამოთხეს სულისმიერ ადგილად მიიჩნევენ. ხოლო გამოთქმა — „ყოველისაგან ხისა ჰამით შჰამო“ — შეიძლება გავიგოთ ღმერთის ძალის შემეცნების მნიშვნელობით, ანუ იმგვარი შემეცნებისა, რომელიც კმნილებათა განხილვით შეიძლება, ცითარცა ბრძანებს ღვთაებრივი პავლე მოციქული: „...უხილავი იგი მისი დაბადებითგან

სოფლისადათ ქმნულთა მათ შინა საცნაურად იხილევების და სამარადისოა იგი ძალი მისი და ღმრთეებაჲ“ (რომ. 1, 20). მაგრამ ყველა ამ აზრთა და ჳვრეტათა მალლა დგას ფიქრი თვით ჩვენს გამო, ე. ი. ჩვენს აგებულებაზე, დანიშნულებაზე, სიტყვისაებრ ღვთაებრივი ღაეით მეფისა, რომელიც ამბობს: „საკვირველ იქმნა ცნობაჲ შენი ჩემგან: განძლიერდა და ვერ შეუძლო მას“ (ფს. 138, 6). მაგრამ ადამისათვის, რომელიც ის-ის იყო შექმნა ღმერთმა, ამგვარი შემეცნება საკუთარი არსებისა სახიფათო იყო ჩვენს მიერ ზემომოყვანილი მიზეზისა გამო.

გარდა ამისა, ცხოვრების ხეში იგულისხმება ის უდიდესი ღვთაებრივი შემეცნება, რომელსაც მთელი გრძნობისმიერი სამყაროს განხილვით შევიძენთ, აგრეთვე ის გზაც, რომლითაც ამ შემეცნების საშუალებით აღვმალდებით და მბადებელთან, შემოქმედთან და მიზეზთან ყოველივე არსებულისა. სწორედ ამას უწოდა ღმერთმა „ყოველი ხე“, რომლისაგანაც უნდა ჳამოს ადამიანმა, ე. ი. სრულს და განუყოფელს რასმე უწოდა, რომელსაც მხოლოდ სიკეთისადმი სიყვარული და ერთგულება მოაქვს ადამიანისათვის: ხოლო „ხე ცნობადისა კეთილისა და ბოროტისა“ შეიძლება გავიგოთ როგორც გრძნობისმიერი საზრდო, ხორციელ სიამეთა მომნიჭებელი, რომელიც თუმცა სასიამოვნოდ გვეჩვენება, მაგრამ არსებითად მხოლოდ ბოროტების მიზეზს წარმოადგენს თითოეულისთვის, ვინც მას მიიღებს, რამეთუ ღმერთი ბრძანებს: „ყოვლისაგან ხისა სამოთხისა ჳამით ჳამო“-ო (დაბად, 2, 16), ანუ, როგორც მე ვგონებ, ამით შემდეგს გამოხატავს: ყოველი ქმნილების მეშვეობით — ჩემამდე — შემოქმედამდე — ამალღდი, და ყოველი ქმნილებისაგან ერთი ნაყოფი შეკრიბე და მიიღე — მე მიმიღე, ჳეშმარტი ცხოვრება; დაე, ყოველმა ქმნილებამ ნაყოფად ცხოვრება გამოგიღოს, ხოლო ჩემთან თანაზიარობა შენი არსებობის საფუძვლად იაზრე, რამეთუ სწორედ ამგვარად შეიქმნები უკვდავი; „ხოლო ხისა მისგან ცნობადისა კეთილისა და ბოროტისა არა ჳჳამოთ მისგან, რამეთუ რომელსა დღესა ჳჳამოთ მისგან, სიკვდილითა მოსწყდეთ“ (დაბად. 2, 17), რადგან, თანახმად ბუნებრივი კანონისა და წესრიგისა, გრძნობისმიერი საზრდოს მიღება არის მხო-

ლოდ შევსება იმასა, რასაც მოვაკლდით, და ასეთი საზრდო გარე განიგდება და განიხრწნება. შეუძლებელია უხრწნელი იყოს, ვინც გრძნობისმიერი საზრდოთი საზრდოობს.

## თ ა ვ ი X I I

### ადამიანის შესახებ

ასე შექმნა ღმერთმა სულიერი არსი, ანუ ანგელოზები და ცათა შინა მყოფი ყველა წოდება, რადგან უეჭველად აქვთ ანგელოზებს სულიერი და უხორცო ბუნება. თუმცა, ისიც უნდა ითქვას, რომ ვლადპარაკობ ანგელოზთა უხორცო ბუნების შესახებ მხოლოდ მატერიის უხეშ ნივთიერობასთან მიმართებით, რამეთუ არსებობდა მხოლოდ ღმერთთა უნივეთო (არამატერიალური) და უხორცო. გარდა ამისა, ღმერთმა გრძნობისმიერი არსიც შექმნა, ანუ ცა, დედამიწა და ყოველივე ის, რაც არის მათ შორის. ამრიგად, ერთი ბუნება, პირველქმნილი არსი ღმერთმა თავისი მსგავსი შექმნა, რამეთუ ღმერთის მსგავსია გონიერი ბუნება, მხოლოდ გონებით მისაწვდომი და შეცნობადი. მეორე ბუნება კი, მეორედ ქმნილი არსი ღმერთმა ყველა მიმართებით თავისაგან საკმაოდ დაშორებულად შექმნა, რადგანაც ეს არსი სავსებით მისაწვდომია გრძნობისმიერი აღქმისთვის; საჭირო იყო ამ ორი არსის შერევნაც აღსრულებულიყო, რაც ღამადასტურებელი იქნებოდა ორივე ბუნების მიმართ შემოქმედის უზენაესი სიბრძნისა და მოწყალებისა და, როგორც გრიგოლ ღვთისმეტყველი ამბობს, თითქოსდა შექაერთებელი იქნებოდა ხილული და უხილავი ბუნებისა. საჭირო იყო-მეთქი, ვამბობ, და ამ საჭიროებაში შემოქმედის ნებას ვგულისხმობ, რადგან სწორედ ღმერთის ნებაა ყველაზე სრული და მართებული კანონი თუ დადგინება. და ვერაფერს ეტყვის შემოქმედ ღმერთს — რატომ შექმენი ამგვარიო, რადგან მექოთნესაც კი შეუძლია თავის მიერვე მოზედილი თინისაგან სხვადასხვა ღირსების ჭურჭელი შექმნას (რომ. 9. 21). რათა ამით თავისი ოსტატობა და გონიერება გამოაჩინოს<sup>44</sup>.

ამრიგად, ხილული და არახილული ბუნებისაგან ღმერთი თავისი ხელით ქმნის ადამიანს ხატად და მსგავსად თვისად. მიწისაგან ღმერთმა გამოსახა სხეული ადამიანისა, ხოლო გონიერი და მოაზროვნე სული თვით შთაბერა, რასაც ვუწოდებთ ხატებას ღმრთისას, რადგან გამოთქმა „ხატებისაებრ“ მიუთითებს ადამიანური ბუნების უნარზე გონიერ და თავისუფალ არსებად ყოფნისა. ხოლო სიტყვა „მსგავსებისაებრ“ ნიშნავს ღმერთის მსგავსებას სიკეთეში, რამდენადაც ეს შესაძლებელია ადამიანისთვის<sup>43</sup>.

სული ადამიანისა სხეულთან ერთად შეიქმნა, და არა ისე, როგორც ორიგენე ცრუსიტყვაობდა, როცა ამტკიცებდა — თავდაპირველად სული შეიქმნა (ადამიანისა), და მხოლოდ ამის შემდეგ სხეული<sup>44</sup>.

ამრიგად ღმერთმა ადამიანი შექმნა უბიწო, მართალი, სიკეთის მოყვარული, თავისუფალი მუწხარებისა და საზრუნავისაგან, შემკული ყოველგვარი სიკეთითა და სათნოებით — თითქოსდა მეორე სამყარო — მცირე დიდში, — მსგავსი ანგელოზისა, ანუ როგორც ახალი ანგელოზი, თაყვანს რომ სცემს ღმერთს, — შექმნა იგი შეზავებული ორი ბუნებისაგან (სულისა და სხეულისაგან), მკვრეტელად ხილული ქმნილებისა, შემმეცნებლად და მიმწვდომად გონიერი ქმნილების საიდუმლოთა, მეუფედ და მთავრად ყოველივე იმისა, რაც კი არის დედამიწაზე, მაგრამ შექმნა დაქვემდებარებული მასზე მალა მდგომ ძალაუფლებას; შექმნა მიწიერად და ზეციერად, დროებითად (წარმავალად) და უკვდავად, ხილულად და გონებით მისაწვდომად, როგორც საშუალო დიდებულებასა და კნინს შორის; შექმნა ერთდროულად სულის მქონედაც და სხეულის მქონედაც, — სულისა — მალა მის მიერ, სხეულისა კი, მის მოაზრულდავად ამპარტავენებისაგან, ანუ სულის მქონედ იმისათვის, რომ ადამიანი უცვალებელი დარჩენილიყო და მარად თავისი კეთილი მყოფელი განედიდებინა, სხეულის მქონედ კი იმისათვის, რომ ვნებულებიყო და ეტანჯა, და ამის ძლით მარად ხსომებოდა — ვინც არის და რად შეიქმნა, ხოლო ამპარტავენებით შეპყრობილი გონს მოსულიყო და განეგდო ამპარტავენება; ღმერთმა შექმნა ადამიანი ცოცხალ არსებად, რომელიც აქ, ამჟვეყ-

ნიურ ცხოვრებაში როგორღაც წარიმართება და შემდეგ სხვა ადგილას, ანუ მომავალ, საუკუნო ცხოვრებაში გადასახლდება; და შექმნა იგი, — ჰოი, მიუწვდომელო საიდუმლოვ! — აღჭურვილი ღმერთისაყენ მისწრაფების უნარით, ანუ იმგვარ არსებად, რომელსაც ძალუძს განღმრთობა ღვთაებრივი გა-ცისკროვნებისა და ღმერთთან ზიარების გზით, მაგრამ რომელიც არ გარდაიქმნება საღმრთო არსად<sup>17</sup>.

ღმერთმა ადამიანი ბუნებით უცოდველი და ნებით თავისუფალი შექმნა. უცოდველი-მეთქი, ვამბობ იმიტომ კი არა, თითქოს იგი არ იყო მიდრეკილი ცოდვისაყენ და სრულიად მოშორებული იყო მას, — რამეთუ ერთი მხოლოდ ღმერთია მიუწვდენელი ცოდვას, — არამედ იმიტომ, რომ შესაძლებლობა შეცოდებისა თვით ადამიანის ბუნებაში კი არ მდგომარეობდა, არამედ მისი თავისუფალი ნებიდან გამომდინარეობდა. ეს იმას ნიშნავს. რომ ღვთაებრივი მადლის შეწვევით ადამიანს შეეძლო, თუკი ამას ისურვებდა, მარად სიკეთეში ყოფილიყო და სათნოებაში წარმატებულიყო, მაგრამ ამავე დროს, თავისი თავისუფალი ნების ძლით და ღმერთზე მინდობით ასევე შეეძლო განშორებოდა სიკეთეს და სიბოროტეში დარჩენილიყო, რამეთუ სათნოება როდია ის, რაც გარედან იძულებით კეთდება (და არა ნებაყოფლობით)<sup>18</sup>.

სული (ადამიანისა) არის ცხოველი არსი, მარტივი (არა-შედგენილი) და უხორცო (უნივთო); იმგვარი ბუნების მქონე, რომ ხორციელი თვალებით უხილავია, უკვდავია, დაჯილდოებული გონიერებითა და ჭკუით, ამასთან არა აქვს განსაზღვრული სახე (ფორმა); იგი მოქმედებს ორგანოებით აღჭურვილი სხეულის მეშვეობით და ანიჭებს ამ სხეულს უნარს სიცოცხლისა, ზრდისა, გრძნობისა და ძალას შობისა (განმრავლებისა). გონება სულის კუთვნილებაა, არა როგორც სხვა რამ, ზარედან მიღებული, არამედ როგორც საკუთრივ მისი განუყოფელი ნაწილი. რაც თვალია სხეულისათვის, იგივეა გონებაც სულისთვის<sup>19</sup>. გარდა ამისა, სული თავისუფალი რამ არსებობს, რომელსაც აქვს უნარი ნებისმიერად მოქმედებისა. სული ცვალებას ექვემდებარება სწორედ ამ თავისუფალი ნების ძლით და მიზეზით, როგორც ეს საერთოდ არის დამახასიათებელი ყოველი ქმნილი არსებისათვის. ყოველივე ეს

სულს შემოქმედის მადლის მიერ მიენიჭა, რომლის წყალობითაც მიუღია მას არსებობაც და განსაზღვრული ბუნებაც<sup>50</sup>.

**უხორცოს (უსხეულოს) შესახებ, — სადაც არ უნდა იყოს იგი.**

უხორცო რამ — უხილავი, უსახო (უფორმო) ჩვენ ორნაირად გვესმის. ერთი ამგვარია თავისი არსით, მეორე მადლათ. პირველი უხორცოა თავისი ბუნებით, მეორე მატერიის უხეშ ნივთიერობასთან შედარებით. ამრიგად, ბუნებით უხორცოდ მხოლოდ შემოქმედი ღმერთი შეიძლება იწოდოს, ხოლო ანგელოზები, დემონები და სულნი ამ სახელწოდებას მადლის მიერ და მატერიის უხეშ ნივთიერობასთან შედარებით მიიღებენ.

სხეულად იწოდება ის, რასაც სამი განზომილება აქვს, სიგრძე, სიგანე და სიღრმე, ანუ სისქე. ყოველი სხეული ოთხი სტიქიისაგან შედგება. ცხოველთა სხეული კი ოთხი სინოტივისაგანაა შემდგარი.

უნდა ვთქვათ, რომ ოთხი სტიქია არის: მშრალი და ცივი მიწა, ცივი და ნოტიო წყალი, ნოტიო და თბილი ჰაერი, და თბილი და მშრალი ცეცხლი. ამ სახედვე არსებობს ოთხი სინოტივეც, შესაბამისი ზემოჩამოთვლილი ოთხი სტიქიისა; ესენია: შავი ნალღელი, შესატყვისი მიწისა, რადგანაც იგიც მშრალი და ცივია; მეორე სინოტივეა ლორწო, რომელიც წყალს შეესაბამება, რადგანაც იგიც ცივი და ნოტიოა; ფლეგმატური სინოტივე (სისხლი), შესატყვისი ჰაერისა, რადგან იგი ნოტიო და თბილია, და მეოთხე სინოტივეა ყვითელი ნალღელი, შესაბამისი ცეცხლისა, რადგან იგიც თბილი და მშრალია. ნაყოფნი სტიქიათაგან აღმოცენდებიან, სინოტივენი ნაყოფთაგან წარმოიქმნებიან, ცხოველთა სხეულები კი — სინოტივეთაგან, რომლებიც შემდეგ იშლებიან, რამეთუ ყოველივე შედგენილი ირღვევა და იმად იშლება, რისგანაც არის კიდევ შექმდგარი.

იმის თაობაზე, რომ ადამიანს საერთო აქვს  
უსულო საგნებთანაც, უსიტუველ არსებებთანაც  
და გონიერებით დაჯილდოებულ არსებებთანაც.

უნდა აღინიშნოს, რომ ადამიანს რაღაც საერთო აქვს უსულო საგნებთან, კვალად თანაზიარია არაგონიერი არსებებისა, და, გარდა ამისა, აქვს გონიერ არსებათათვის დამახასიათებელი უნარიც აზროვნებისა. უსულო საგნებთან ერთობა იმაში გამოიხატება, რომ ადამიანს მათ მსგავსად აქვს სხეული, რომელიც ოთხი სტიქიისაგან შედგება; მცენარეებთან ეს აქვს საერთო და, კიდევ უნარი საზრდოობისა, გაზრდისა, თესლის წარმოქმნისა და შობისა (გამრავლებისა). არაგონიერ არსებებთან საერთო აქვს ყოველწივე ზემოთჩამოთვლილი და კიდევ ისიც, რომ აქვს თავისუფალი ნებიდან გამომდინარე მიდრეკილებანი, ანუ ის, რომ შეიძლება დაექვემდებაროს ხორციელ წადილთ, და სხვადასხვა ვნებებს, აგრეთვე ის, რომ დაჯილდოებულია გრძნობებითა და უნარით, იმოქმედოს შინაგან აღძვრათა შესაბამისად.

გრძნობათა რიცხვი, რა თქმა უნდა, ხუთია: ესაა მხედველობა, სმენა, ყნოსვა, გემოთშეგრძნება და შეხების შეგრძნება. თავისუფალი ნებიდან გამომდინარე მოძრაობა მდგომარეობს ერთი ადგილიდან მეორეზე გადანაცვლებაში, აგრეთვე, მთელი სხეულის ამოძრავებაში, ბგერის გამოცემაში და სუნთქვაში, რადგან ყოველივე ამის ქმნა თუ არქმნა ჩვენს თავისუფალ ნებაზეა დაშოკიდებული.

უსხეულო (უხორცო) და სულიერ არსებებთან ადამიანს საერთო აქვს თავისი გონება, — ანუ ის, რომ მჟააც ძალუძს იფიქროს, განსაჯოს, შეადგინოს ცნებები, იქონიოს აზრი ყოველ საგანზე, ესწრაფოდეს ქველისსაქმეთ და სათნოებებს, და ბოლოს უყვარდეს ის, რაც სათნოების მწვერვალს შეადგენს — კეთილმოშიშება; სწორედ ამიტომ არის ადამიანი მცირე სამყარო<sup>51</sup>.

უნდა ვიცოდეთ, რომ მხოლოდ სხეულისთვისაა დამახასიათებელი გაყოფა, განლევა და ცვალებადობა. ცვალებადობა წარმოადგენს თვისების შეცვლას, მაგალითად, ასეთია გახურება, გაცივება და მისთანანი. განლევა მდგომარეობს გამოცა-



რელებაში (გამოფიტვაში), რამეთუ განლევა-გამოფიტვას ექვემდებარება მშრალიც, სველიც და სუნთქვაც, რომელსაც ხელახალი შეესება სჭირდება ხოლმე; აქედანვე მომდინარეობენ ისეთი ბუნებრივი გრძნობები, როგორცაა შიმშილი, წყურვილი და სხვ. გაყოფა წარმოადგენს ერთი სინოტივის გამოყოფას მეორე სინოტივისგან, და აგრეთვე დაშლას ფორმად და მატერიად.

სულისთვის დამახასიათებელია კეთილმოშიშება და გულსხმისყოფა (გონიერება). ხოლო ორივესათვის, როგორც სულისთვის, ასევე სხეულისთვის დამახასიათებელია ქველის-საქმენი და სათნოებანი, და სწორედ ამის გამო, ისინი სულის კუთვნილებაა, სხეული კი სულის მოთხოვნილებებს ემსახურება.

მხედველობაში უნდა ვიქონიოთ ის გარემოებაც, რომ გონიერი ძალები (აღამიანში) უფლებენ არაგონიერ ძალებზე, რამეთუ სულის ძალნი ორად განიყოფიან: გონიერ და არაგონიერ ძალებად. არაგონიერი ძალნი ორი სახისაა: ერთნი ურჩნი არიან გონიერებისა და არ ექვემდებარებიან მას, მეორე ძალნი კი, შეისმენენ გონიერებისას და ექვემდებარებიან მას. გონიერებას ეურჩებიან და არ ექვემდებარებიან: ცხოველური ძალა, სხვაგვარად კიდევ სისხლის მიმოქცევის ძალად რომ იწოდება, თესლის წარმომქმნელი ძალა, ზრდის ძალა, რომელიც სხვაგვარად საზრდოობის ძალად იწოდება; ამ უკანასკნელი ძალის სახეობანია: გაზრდისა და სხეულთა წარმოქმნის ძალები. ყველა ეს ძალა გონების მიერ კი არ წარიმართება, არამედ ბუნების მიერ.

გონებისას შეისმენენ და მისდა დაქვემდებარებულნი კი შემდეგი ძალნი არიან სულისა: ძალა მრთხანებისა და ძალა მოსურვებისა. საერთოდ კი, სულის არაგონიერი ნაწილი ვნებისმიერ ნაწილად იწოდება, ანუ სურვილისმიერად. ამასთან, უნდა აღინიშნოს, რომ (აღამიანის) თავისუფალი ნებიდან გამომდინარე ნებისმიერი მოძრაობა განეკუთვნება სულის იმ ნაწილს, რომელიც გონებას ემორჩილება.

ამის საპირისპიროდ, ძალა საზრდოობისა, ძალა შობისა (განმრავლებისა) და ძალა სისხლისმიმოქცევისა (ცხოველური ძალა) სულის იმ ნაწილს განეკუთვნებიან, რომელიც გონე-

ზას არ ემორჩილება. გარდა ამისა, ზრდის, საზრდოობისა და შობის ძალნი მსაზრდოებელ ძალად იწოდებიან, სისხლის მიმოქცევის ძალა კი, სიცოცხლის ძალად.

მსაზრდოებელი ნაწილი ოთხი ძალისაგან შედგება: მიმზიდველი ძალისაგან, რომლითაც მიიზიდება საზრდო; შემკავებელი ძალისაგან, რომელიც აკავებს საზრდოს და არ დაუშვებს, რომ უმალ განგდებულ იქნას გარე; გარდამქმნელი ძალისაგან, რომელიც საზრდოს სინოტივედ გარდაქმნის, და განმაცალკევებელი ძალისაგან, რომელიც ყოველივე ზედმეტს გამოყოფს და გარე განაგდებს<sup>52</sup>.

უნდა ვიცოდეთ, რომ იმ ძალთაგან, რომელნიც სულის ცხოველ ნაწილს განეკუთვნებიან, ერთნი სულიერი ძალნი არიან, სხვანი — ზრდის ძალნი, მესამენი კი, საკუთრივ სიცოცხლის ძალნი. სულიერ ძალებს ის ძალები განეკუთვნება, რომლებიც ნებელობაზეა დამოკიდებული, ასეთია: ნებისმიერი (თავისუფალი ნებიდან გამომდინარე) მოძრაობა და კრძნობის უნარი. ნებისმიერი მოძრაობა მდგომარეობს ერთი ადგილიდან მეორე ადგილზე გადანაცვლებაში, მთელი სხეულის მოძრაობაში, ბგერის გამოცემასა და სუნთქვაში, რამეთუ ჩვენს თავისუფალ ნებაზეა დამოკიდებული ყოველივე ამის ქმნა, თუ არ ქმნა. ზრდისა და სიცოცხლის ძალნი კი არ არიან დამოკიდებული ჩვენს ნებაზე. ზრდის ძალნია: ძალა საზრდოობისა, ძალა ზრდისა და ძალა თესლის წარმოქმნისა. სიცოცხლის ძალა არის სისხლის მიმოქცევის ძალა. ეს ძალანი ყოველთვის მოქმედებენ, გვსურს ეს (მათი მოქმედება), თუ არ გვსურს.

ისიც უნდა მივიღოთ მხედველობაში, რომ ზოგიერთი საგანი კარგია, სხვა ცუდი. სიკეთის მოლოდინი სურვილს წარმოშობს, უკვე არსებული სიკეთე კი სიამოვნების წყაროა. თავის მხრივ, ბოროტის მოლოდინი შიშს წარმოშობს, ხოლო უკვე არსებული ბოროტება — უსიამოვნების, დაუკმაყოფილებლობის წყაროა. კვალად, ისიც უნდა გავითვალისწინოთ, რომ როცა აქ სიკეთეზე ვლაპარაკობდით, მხედველობაში ვგქონდა როგორც ქვეშაარტი სიკეთე, ასევე მოჩვენებითი სიკეთეც. იგივე უნდა ითქვას ბოროტის გამოც (ანუ იგულისხმება როგორც ნამდვილი ბოროტება, ასევე მოჩვენებითიც).

## სიამოვნებათა შესახებ

სიამოვნებანი ორი სახისა არსებობს: სულიერი და ხორციელი. სულიერი სიამოვნებანი, რა თქმა უნდა, ის სიამოვნებანია, რომლებიც თვით სულს განეკუთვნებიან. ამგვარია, მაგალითად, ის სიამენი, რომელთაც სულს ცოდნის შეძენა და შემეცნება ანიჭებს. ხორციელი სიამენია, რომლებშიც სულიც მონაწილეობს და სხეულიც, რის გამოც იწოდებიან კიდევ ამგვარად. ასეთი სიამენია, მაგალითად, საზრდოს მიღებით განცდილი სიამოვნება, ხორციელი შეერთებით განცდილი და მისთანანი. არ არსებობს ისეთი სიამენი, რომლებიც მხოლოდ სხეულისთვის იქნებოდა დამახასიათებელი.

მეორე მხრივ, სიამეთაგან ერთნი — ქეშმარიტი სიამენია, სხვანი კი, მხოლოდ მოჩვენებითი<sup>53</sup>. ის სიამენი, მხოლოდ გონებას რომ განეკუთვნებიან, შემეცნებისა და კვრეტი-საგან მომდინარეობენ, ხოლო ხორციელ სიამეთა წყარო გრძნობაშია. ამასთან იმ სიამეთაგან, რომლებშიც სხეული მონაწილეობს, ერთნი ბუნებრივნი და, ამავე დროს, აუცილებელნი არიან, ანუ ისეთნი, ურომლებოდაც ადამიანის სიცოცხლე შეუძლებელია; ამგვარია ის სიამენი, რომელთაც ადამიანი საზრდოს მიღებისაგან და შესამოსელისაგან იღებს; მეორე სახის სიამენიც ბუნებრივია, ოღონდ არა — აუცილებელი, მაგალითად, სქესობრივი ურთიერთობანი, ბუნებითი და სჯულიერნი, რამეთუ, თუმცა სქესობრივი შეერთება საზოგადოდ განაპირობებს ადამიანთა მოდგმის გაგრძელებას, მაგრამ უმისოდ ცხოვრება მაინც შესაძლებელია, და ამის მაგალითები უქორწინებლად და ქალწულებით ცხოვრებისა უამრავია. მესამე სახის სიამენი არც აუცილებელნი არიან ადამიანისათვის და არც ბუნებრივნი. ასეთია: სიმთვრალე, გემოთმოყვარება და ნაყროვანება. ეს სიამენი არ განაპირობებენ არც სიცოცხლის შენარჩუნებას, არც შთამომავლობის გაგრძელებას, პირიქით, დიდ ზიანს გვაყენებენ. ამიტომაც ყოველმა ადამიანმა, ვინც საღმრთო ნებასთან შეთანხმებულად ცხოვრობს, მხოლოდ აუცილებელი, და ამასთან ბუნებრივი სიამენი

უნდა ეძიოს; ხოლო ის სიამენი, რომლებიც ბუნებრივია, მაგრამ არა — აუცილებელი, მეორეხარისხოვნად ჩათვალოს თავისთვის, და მხოლოდ შესაფერ დროს, საფერი სახით ჭეროვანი ზომით მიიღოს. სხვა სახის სიამოვნებებს ადამიანი ყოველმხრივ უნდა ერიდებოდეს.

კეთილ სიამეებად უნდა ვაღიაროთ ის სიამენი, რომელთაც მწუხარება და უკმაყოფილება არ მოაქვთ და არ გვაძლევენ მიზეზს შემდგომი სინანულისთვის, ამასთან არც სხვა რამ სახის ზიანი მოაქვთ, ზომიერნი არიან, მეტიმეტად არ მოგვაშორებენ მნიშვნელოვან საქმეებს და არაფრით არ გვიმონებენ.

#### თ ა ვ ი XIV

### უსიამოვნების (მწუხარების) შესახებ

უსიამოვნებანი ოთხი სახისა შეიძლება იყოს: მწუხარება, სევდა, შური და თანალმობა. მწუხარება (დარდი) იმგვარი უსიამოვნებაა, რომელიც ხმის დაკარგვას იწვევს ადამიანში. სევდით შეპყრობილ ადამიანს გული აქვს შეწუხებული. შური ის უსიამოვნებაა, რომელსაც ადამიანი სხვათა კეთილდღეობის გამო განიცდის; თანალმობა კი, იმგვარი უსიამოვნებაა, რომელიც ადამიანს სხვათა უბედურების გულთან ახლოს მიტანის გამო ეწევა<sup>54</sup>.

#### თ ა ვ ი XV

### შიშის შესახებ

შიშიც რამდენიმე სახისა არსებობს: გაუბედავობა (ყოყმანი), მოკრძალება, სირცხვილი, თავზარდაცემა, გაოცება და შფოთვა (წუხილი). გაუბედავობა არის შიში მომავალი მოქმედების გამო, სირცხვილი — მოსალოდნელი გაკიცხვის წინაშე, ჯერ არ ჩადენილი მოქმედებისათვის. — ეს ყველაზე მშვენიერი გრძნობაა ადამიანში. მოკრძალება არის შიში უკვე ჩადენილი სამარცხვინო საქმის გამო. ეს გრძნობაც მნიშვნელო-

განია ადამიანის ხსნისათვის. თავზარდაცემა არის შიში რა-  
ლაც დიდი მოვლენის წინაშე, ხოლო გაოცება — რაღაც უცნაუ-  
რი, საკვირველი მოვლენას გამო. შფოთვა-წუხილი არის შიში  
წარუმატებლობის, ანუ იმედების გაცრუების წინაშე, რამეთუ  
როცა ვვიშობთ ხოლმე რაიმე საქმეში მარცხი არ ვიწვნით,  
მაშინ ვშფოთავთ და მოსვენებას ვკარგავთ<sup>55</sup>.

## თ ა ვ ი XVI

### მრისხანების შესახებ

მრისხანება არის სისხლის დედლილი გულში და მის სიახ-  
ლოვეს, რაც ხდება ნაღვლის აორთქლებისა თუ ამღვრევის  
გამო; ამიტომაც მრისხანებას ბერძნულად „ხოლე“-ც ჰქვია და  
„ხოლოს“-იც. ზოგჯერ მრისხანებას თან ახლავს შურისძიების  
გრძნობაც, რამეთუ როცა შეურაცხყოფას გვაყენებენ,  
ანდა გვგონია, რომ შეურაცხყოფა მოგვაყენეს, მრისხანება  
შეგვიპყრობს ხოლმე, ანუ იმ გრძნობით ვართ აღესილი, რო-  
მელშიც აღრეულია რისხვა და სწრაფვა შურისძიებისაკენ<sup>56</sup>.

არსებობს სამი სახეობა მრისხანებისა: გაღიზიანება (გა-  
ფიცება), რომელიც ბერძნულად ასევე „ხოლე“-დ და „ხო-  
ლოს“-ად იწოდება, და კიდევ — გაბოროტება და შურისძიება.  
გაღიზიანებად (სიფიცხედ) იწოდება დასაწყისი მრისხანებისა.  
როცა ის აღიგზნება. გაბოროტება არის ხანგრძლივი მრისხა-  
ნება, ანუ დახსომება ბოროტისა, გულდრძობა. ბერძნულ  
ენაზე ამგვარ მრისხანებას „მენის“-ი ჰქვია, რაც ზმნიდან —  
„მენეინ“ მომდინარეობს და „დარჩენას, ყოფნას“ ნიშნავს; კი-  
დევ ბერძნულად ამას „მნესიკაკია“-საც უწოდებენ „მნემე პა-  
რადიდოსთაი“-დან, რაც „მეხსიერებაში დატოვებას“ ნიშნავს.  
შურისძიების გრძნობა იმგვარი მრისხანებაა, რომელიც ხელ-  
საყრელ შემთხვევას ეძიებს ბოროტისათვის სამაგიეროს გადა-  
სახდელად. ბერძნულად ასეთ მრისხანებას „კოტოს“ ჰქვია,  
რაც მომდინარეობს ზმნიდან „კვისთაი“ და „დებას, წოლას“  
ნიშნავს.

მრისხანება გონებისმიერი გრძნობაა და ნება-სურვილთა

დამცველია. ასე, მაგალითად, როცა რაიმე საქმის გაკეთება გვსურს და ვინმე ამაში ხელს გვიშლის, რისხვით აღვივსებით ზოლმე მის მიმართ, რადგან ვთვლით, რომ უსამართლოდ ფვექცევია, და ეს იმიტომ ხდება, რომ ადამიანის გონება, იცავს რა თავის ბუნებრივ უფლებას თავისუფალ მოქმედებაზე, ამგვარ წინააღმდეგობას, ცხადია, უსამართლობად და რისხვის ღირსად მიიჩნევს.

## თ ა ვ ი XVII

### წარმოსახვის უნარის შესახებ.

წარმოსახვის უნარი არის სულის არაგონიერი ნაწილის ძალა, რომელიც გრძნობათა მეშვეობით მოქმედებს და ასევე გრძნობად იწოდება. წარმოსახვად და გრძნობით აღსაქმელ რაიმედ იწოდება ის; რაც წარმოსახვისა და გრძნობათა ძალას ექვემდებარება. ასე მაგალითად, თუკი მხედველობა არის თვით უნარი დანახვისა, ხილულად (დანახვის საგნად) ჩაითვლება ის, რაც მხედველობის ძალას ექვემდებარება, ვთქვათ, ქვა, ხე ან სხვა რამ ამის შესავსი. აღქმა (ბერძნულად „ფანტასია“) — არის შთაბეჭდილება, წარმოქმნილი სულის არაგონიერ ნაწილში რომელიმე გრძნობისმიერი საგნით. ოცნება კი, (ბერძნულ ენაზე „ფანტასმა“) წარმოადგენს შთაბეჭდილებას, წარმოქმნილს ასევე სულის არაგონიერ ნაწილში ყოველგვარი გრძნობისმიერი საგნის გარეშე. წარმოსახვის უნარის ორგანოა თავის ტვინის წინა ნაწილი (ღრმული, ფოსო)<sup>57</sup>.

## თ ა ვ ი XVIII

### გრძნობის შესახებ.

გრძნობაც სულის არაგონიერი ნაწილის ძალაა, რომელიც ნივთიერ (მატერიალურ) საგნებს აღიქვამს, ანუ შეუძლია განარჩიოს და გამოიცილოს ისინი. გრძნობის ორგანოები ის იარა-

ღია, რომლის მეშვეობითაც ჩვენ ვგრძნობთ; ხოლო გრძნობისმიერი საგნები ეწოდება ისეთ საგნებს, რომელთა აღქმაც შესაძლებელია გრძნობით. გრძნობის უნარის მქონეა ის ცოცხალი არსება, რომელსაც გრძნობის ორგანოები აქვს. გრძნობა ხუთია, და ასევე ხუთია გრძნობის ორგანოც.

პირველი გრძნობა მხედველობაა. მხედველობის ორგანო და იარაღია თავის ტვინიდან გამომავალი ნერვები და თვალეები. მხედველობის გრძნობით, უპირველეს ყოვლისა, ფერები აღიქმება; ფერთან ერთად მხედველობა განარჩევს სხეულის სიდიდეს, ფორმას, მოცულობას, სხეულების ურთიერთდაცილებას, რაოდენობას, აგრეთვე სხეულთა მოძრაობას, უძრაობას, ხორკლიანობას, სიგლუვეს, სითანაბრეს თუ უთანაბრობას, და მათ შემადგენლობასაც, — წყლის შემცველია თუ მიწისა, ნოტიოა თუ მშრალი.

მეორე გრძნობაა სმენა, რომლის მეშვეობითაც ბგერები და სხვადასხვა ხმები აღიქმება. სმენით განვარჩევთ ბგერათა სიმაღლეს, სიდაბლეს, სინარნარეს (სითანაბრეს) უთანაბრობას, სიძლიერეს და სისუსტეს. სმენის ორგანოებია თავის ტვინის უფაქიზესი ნერვები და ყურები. უნდა აღინიშნოს, რომ უძრავი ყურები მხოლოდ ადამიანსა და მაიმუნს აქვთ.

მესამე გრძნობა ყნოსვაა. ყნოსვის ორგანოა ნესტოები, რომლებიც თავის ტვინს გადასცემენ სხვადასხვა სუნის და სურნელების შეგრძნებას. ყნოსვის ორგანო ნესტოებიდან იწყება და თავის ტვინის წინა ნაწილში მთავრდება. ყნოსვით შეიგრძნობა ყოველგვარი ანაორთქლი. უმთავრესი სახეობანი სუნისა არის კეთილსურნელებანი და სიმყრალენი, აგრეთვე შუალედური სუნი კეთილსურნელებასა და სიმყრალეს შორის. კეთილსურნელება მაშინ აღმოცენდება ხოლმე, როცა სხეულში არსებული სინოტივენი სრულიად მომწიფებულან (გადახარშულან); საშუალო სუნი მაშინაა, როცა ეს სინოტივენი სანახევროდ არიან მომწიფებული, ხოლო თუკი ნახევარზე ნაკლებად, მაშინ სიმყრალე აღმოცენდება<sup>58</sup>.

მეოთხე გემოთშეგრძნებაა, რომლითაც სხვადასხვა გემო აღიქმება. გემოთშეგრძნების ორგანოებია: ენა, განსაკუთრებით ენის წვერი, და პირის ღრუს ზედა ნაწილი, რომელსაც სპსა ეწოდება. ამ ორგანოებში მდებარეობს თავის ტვინისაკენ

მიმართული და ფართოდ განტოტვილი ნერვები, რომლებიც გადასცემენ სულს გემოს შეგრძნებას. გემოსმიერი თვისებაანი იმ ნივთიერებებისა, რომელთაც ადამიანი საზრდოდ მიიღებს, შემდეგია: სიტკბო, სიმწარე, სიცხარე, სიმლაშე, სიმჟავე, სიმწკლარტე, ცხიმიანობა და სიბლანტე.

მეხუთე გრძნობაა შეხება, რომელიც საერთოა (ერთნაირია) ყველა ცოცხალი არსებისათვის. შეხების შეგრძნება მოქმედებს თავის ტვინიდან გამომავალი და მთელს სხეულში განტოტვილი ნერვების მეშვეობით; ამიტომ შეხების გრძნობა მთელი სხეულის კუთვნილებაა ყველა სხვა გრძნობის ორგანოს ჩათვლით. შეხების გრძნობით აღიქმება ყოველივე ცივი და თბილი, რბილი და მკაფარი, ბლანტი და ხისტი, მძიმე და მსუბუქი. ყველაფერი ეს მხოლოდ შეხების გრძნობით განირჩევა. ერთდროულად მხედველობითა და შეხებით აღიქმება ზორკლიანი და გლუვი, მშრალი და სველი, მსხვილი და წვრილი, თხემი და ძირი, აგრეთვე ადგილიცა და სიდიდეც, თუკი ის იმგვარია, რომ შესაძლებელია მისი მოცვა ერთა შეხებით; აგრეთვე მკვრივი და გაიშვიათებული, დასვრეტილი, მრგვალი და სხვა სახის მოყვანილობანი, თუკი ისინი მცირე ზომისაა და მათი ჩავლება შეიძლება. შეხებით, მეხსიერებისა და განსჯის მეოხებით, ჩვენ აღვიქვამთ მოახლოებად სხეულს, და საგანთა რაოდენობას, ორს ან სამს, თუკი ისინი მცირე ზომისაა და მათი ხელით ჩავლება შეიძლება. თუმცა საგანთა რაოდენობა უფრო მხედველობის გრძნობით აღიქმება, ვიდრე შეხებით.

უნდა აღინიშნოს, რომ ყველა გრძნობის ორგანო, გარდა შეხების გრძნობისა (რომლისთვისაც მთელი სხეული წარმოადგენს ორგანოს), შემოქმედის მიერ შექმნილია წყვილ-წყვილად, რათა ერთის დაზიანების შემთხვევაში, თავის დაინიშნულებას მეორე ასრულებდეს. ასე, რომ ღმერთმა შექმნა ორი თვალი, ორი ყური, ცხვირის ორი ღრუ (ნესტო) და ორი ენა. ამასთან ეს უკანასკნელი ზოგიერთ ცოცხალ არსებას გარეზებული აქვს, მაგალითად, გველს, სხვებს კი, შეტყუებულის, მაგალითად, ადამიანს. შეხების გრძნობა, როგორც ვთქვით, შემოქმედმა მთელ სხეულს მიანიჭა, გარდა ძვლებისა, ძარღვებისა, ფრჩხილებისა, რქებისა, თმებისა, ხრტილებისა და სხეულის ზოგიერთი სხვა, მსგავსი ნაწილებისა.



უნდა აღინიშნოს, რომ მხედველობის გრძნობა მხოლოდ პირდაპირხაზოვნად მოქმედებს, ყნოსვისა და სმენისა კი, არა მარტო პირდაპირხაზოვნად, არამედ ყველა მიმართულებით. და ბოლოს, შეხების გრძნობა და გემოთშეგრძნება აღსაქმელ საგნებს არც პირდაპირხაზოვნად და არც ყველა მიმართულებით არ შეიცნობენ, და მხოლოდ იმ შემთხვევაში მოქმედებენ, როცა უშუალოდ უახლოვდებიან თვით შესაგრძნობ საგნებს<sup>99</sup>.

## თ ა ვ ი XIX

### აზროვნების უნარის შესახებ.

(ადამიანის სულის) სააზროვნო უნარს განეკუთვნება: განსჯა, მოწონება, სწრაფვა მოქმედებისკენ, ასევე დაწუნება (ზიზლი) და უარის თქმა მოქმედებაზე. ამგვარ სააზროვნო მოქმედებას განეკუთვნება აღქმა ყოველივე იმისა, რაც მხოლოდ გონებისთვის არის მისაწვდომი, სათნოებანი, ცოდნა, ხელოვნების ნიჭი, ფიქრი, ანუ გონებით განსჯა მოქმედების დაწყებამდე, თავისუფალი არჩევანი<sup>100</sup>. მეორეს მხრივ, იგივე სააზროვნო უნარი მოქმედებს ჩვენში, როცა სიზმრებს ვხედავთ და ამით, ზოგჯერ, წინდაწინ გვეუწყება ხოლმე მომავალი. ამგვარ უნარს, პითაგორელთა მტკიცებით, რომლებიც ამ საკითხში ებრაელთა (იუდეველთა) მიმდევარნი არიან, უნდა მივიჩნივდეთ მომავლის ერთადერთ ჭეშმარიტ წინათგანქვრეტად, ანუ, მათი აზრით, მხოლოდ სიზმრები წარმოადგენენ მომავლის ნამდვილ წინასწარმეტყველებას. სააზროვნო უნარის ორგანოა თავის ტვინის საშუალო ნაწილი და სწორედ მასში დამკვიდრებული სასიცოცხლო სული ადამიანისა<sup>101</sup>.

მახსოვრობის უნარის შესახებ.

მახსოვრობის უნარი არის მიზეზიც და საცავიც მეხსიერებისა და მოგონებებისა. ხსოვნა არის ესა თუ ის წარმოდგენა, აღბეჭდილი ადამიანის სულში რომელიმე გრძნობისმიერი აღქმის გზით, ანდა სააზროვნო მოქმედების გზით, თავისი გამოსხატულება გარკვეულ მოქმედებაში რომ უპოვია. სხვაგვარად თუ ვიტყვი, ხსოვნა არის შენარჩუნება (გონებაში) სხვადასხვა აღქმისა და აზრებისა. და მართლაც, გრძნობისმიერ საგნებს (ადამიანის) სული აღიქვამს, ანუ შეიგრძნობს გრძნობის ორგანოთა მეშვეობით. ამ დროს ხდება გარკვეული წარმოდგენის აღბეჭდვა გონებაში; აზრისმიერ საგნებს კი, სული გონების მეშვეობით სწვდება, და ასე წარმოიქმნება გარკვეული წარმოდგენა (ცნება), რომელიც გონებაში აღიბეჭდება. ამრიგად, როცა სული გონებაში ინახავს წარმოდგენებსა და აზრებს, მაშინ ჩვენ ვამბობთ, რომ მას ახსოვს.

უნდა აღინიშნოს, რომ აზრისმიერ საგანთა აღქმა ხდება მხოლოდ სწავლა-შეგონების გზით, ანდა თანდაყოლილი (ბუნებითი) იდეების გამომყვანებით, რამეთუ გრძნობისმიერი აღქმის გზით ასეთი რამ შეუძლებელია. ამაში მაშინ ვრწმუნდებით, როცა ვაკვირდებით, რომ გრძნობისმიერი საგნები თავისთავად გვამახსოვრდება, ხოლო აზრისმიერ საგნებს, პირიქით, მხოლოდ იმ შემთხვევაში შევინარჩუნებთ გონებაში, როცა რაიმეს შევიტყობთ, ან ვიფიქრებთ მათ შესახებ. თუმცა კი ხსოვნა ამგვარ, აზრისმიერ საგანთა თვით არსის შესახებ ჩვენ არა გვაქვს.

იგახსენება (მოგონება) ეწოდება სამახსოვრო ძალის აღდგენას, რაც დავიწყებით მოკლებია ადამიანის გონებას, ხოლო დავიწყება მეხსიერების დაკარგვაა.

ამრიგად, წარმოსახვის უნარი, რომელიც გრძნობის ორგანოთა მეშვეობით აღიქვამს ნივთიერ საგნებს, მიღებულ შთაბეჭდილებას (ამ საგანთა შესახებ) გადასცემს სულის სააზროვნო, ანუ განსჯის უნარს. ორივე ეს სახელწოდება ერთსა და იმავე საგანს აღნიშნავს, როდესაც სააზროვნო უნარი მი-

იღებს ამ შთაბეჭდილებებს და განსჯის, ყველაფერს სამახსოვრო უნარს გადასცემს (ადამიანის სულისა)<sup>62</sup>.

ადამიანის სამახსოვრო უნარის ორგანო არის თავის ტვინის უკანა ნაწილი, რომელსაც ნათხემი ჰქვია და ამ ნაწილში დამკვიდრებული სასიცოცხლო სული.

## თ ა ვ ი X X I

### შინაგანი და გარეგანი (გახშიანებული) სიტყვის შესახებ

(ადამიანის) სულის გონიერი ნაწილი განიყოფა შინაგან (წარმოთქმულ) სიტყვად და გარეგან (წარმოთქმულ) სიტყვად. შინაგანი სიტყვა წარმოადგენს გონებაში მიმდინარე რაღაც მოძრაობას, რომელიც არანაირად არ გამოიხატება მეტყველებით. ამიტომ, ხშირად შეგვიძლია მდუმარედ, გონებაში წარმოვთქვათ სიტყვები, უხმოდ ვილაპარაკოთ, ანდა სიზმარში, ძილში ვიბუტბუტოთ. მეტყველების ამ სახეობის გამო (შინაგანი სიტყვის ძლით) ვართ გონიერ (სიტყვიერი), არსებანი. რამეთუ დაბადებით უტყვნი, ანდა სნეულების შედეგად მეტყველების უნარს მოკლებული ადამიანები გონიერი (სიტყვიერი) არსებანი არიან, მიუხედავად იმისა, რომ სიტყვების ხმამაღლა წარმოთქმა არ ძალუძთ.

გარეგანი სიტყვა გახშიანებულ მეტყველებაში და სხვადასხვა ენაში არსებობს, სხვაგვარად რომ ვთქვათ, გარეგანი სიტყვა ბაგეებითა და ენით წარმოთქმული, ჰაეროვან სივრცეში გახშიანებული სიტყვაა, ამიტომ ეწოდება წარმოთქმული, ანუ გარეგანი სიტყვა. იგი არის მაცნე აზრისა. სწორედ, ამ გარეგანი სიტყვის გამო გვეწოდება მეტყველების უნარის მქონე არსებები.

ტანჯვისა (ვნებისა) და ქმედების შესახებ.

სიტყვას „ტანჯვა“ სხვადასხვა მნიშვნელობა აქვს. არსებობს სხეულებრივი ტანჯვა, როგორცაა: სხეულებანი და ქრილობები. არსებობს სულიერი სატანჯველი, როგორცაა ბილწი გულისთქმანი და მრისხანება. ზოგადად თუ ვიტყვით, ცოცხალი არსების ტანჯვა (ვნება) არის ისეთი მდგომარეობა, რომელსაც მოსდევს სიამოვნება და უსიამოვნება. მაგრამ უსიამოვნება არ არის თავისთავად ტანჯვა, რადგან როცა ტანჯვას გრძნობის უნარს მოკლებული საგნები ექვემდებარებიან, ისინი არ განიცდიან ტკივილს. ამრიგად, თვით ტანჯვა როდია თავისთავად მტკივნეული, არამედ შეგრძნება ტანჯვითი მდგომარეობისა. ხოლო ასეთ შეგრძნებას ძლიერი ტანჯვა იწვევს.

სულიერი ტანჯვანი, ანუ ვნებანი შემდეგნაირად განისაზღვრება: ვნება გრძნობისმიერი მოძრაობაა თავისუფალი ნებისგან გამომდინარე ნდომის უნარისა, რომელსაც აღამიანის სული განიცდის და ეფუძნება წარმოდგენას კეთილსა და ბოროტზე. სხვაგვარად რომ ვთქვათ, ვნება არის სულის არაგონიერი (ნაწილის) მოძრაობა, რომელიც გამოწვეულია და განპირობებულია აღამიანის წარმოდგენით სიკეთესა და ბოროტებაზე. სიკეთის წარმოდგენა ჰბადებს სურვილს ამ სიკეთის მიღებისა, ხოლო ბოროტის წარმოდგენა — გაღიზიანებას (მრისხანებას). გვარობრივი, ანუ ზოგადი დახასიათება ტანჯვისა ამგვარია: ტანჯვა არის მოძრაობა ერთ საგანში (რაიმეში, ვინმეში), რომლიზ წყაროც სხვა საგანშია (რაიმეშია, ვინმეშია). ამის საპირისპიროდ, ქმედითს უწოდებენ ისეთს რასმე, რაც საკუთარი ძალისხმევით მოძრაობს. ამრიგად, მრისხანება არის სულის აღგზნებადი ნაწილის მოქმედება, მაგრამ იგი, ამავე დროს, არის სულის ორივე ნაწილის, გონიერისა და არაგონიერის ტანჯვა, აგრეთვე მთელი სხეულისაც, რადგან მრისხანება აიძულებს (სულსაც და სხეულსაც) მის შესაბამისად იმოქმედონ. მაშასადამე, აქ მოძრაობა ერთში აღიძვრება მეორის მიერ, რაც არის და ეწოდება კიდევ ტანჯვა.

მოქმედება სხვა მიმართებითაც შეიძლება ტანჯვად იწო-

დებოდეს: საკუთრივ ქმედება არის ბუნების თანახმიერი, შესაბამისი მოძრაობა, ტანჯვა კი ბუნების საწინააღმდეგო მოძრაობაა. ამ დებულებიდან გამომდინარე ქმედებას ტანჯვა ეწოდება იმ შემთხვევაში, როცა საგანი ბუნების შესაბამისად არ მოძრაობს, სულ ერთია, ეს მოძრაობა თვით ამ საგნისგან მომდინარეობს, თუ სხვა რომელიმე საგნისგან. ამიტომ გულის მოძრაობა სისხლის ჯანსაღი მიმოქცევის დროს, როგორც ბუნებრივი მოძრაობა, ქმედებაა, ხოლო როცა გული არათანაბრად სცემს, მაშინ მისი ნებჩემიერი მოძრაობა, როგორც არათანაბარი და ბუნების საწინააღმდეგო, არის ტანჯვა, და არა ქმედება.

(აღამიანის) სულის ტანჯვას დაქვემდებარებული ნაწილის ყოველი მოძრაობა როდი იწოდება ვნებად; ამ სახელწოდებით აღინიშნებიან მხოლოდ ის მოძრაობანი, რომელნიც უფრო ძალუმნი და სულისთვისაც შესამჩნევი არიან. უმნიშვნელო მოძრაობანი შეუმჩნეველნი რჩებიან ხოლმე სულსთვის და არ არიან ვნებანი, რამეთუ ტანჯვა საგრძნობი სიდიდისა უნდა იყოს. ამის გამო ვნების განსაზღვრებას უნდა დაეუმატოთ სიტყვები: შეგრძნობადი მოძრაობა, რადგანაც მცირე მოძრაობანი, რომლებიც არ ექვემდებარებიან შეგრძნებას და არ აღიქმებიან, ტანჯვის წყარო არ არიან<sup>83</sup>.

უნდა ვიცოდეთ, რომ ჩვენი სული ორგვარი ძალითაა შემოსილი — შემეცნებითი ძალით და სასიცოცხლო ძალით. შემეცნებითი ძალებია: გონება, განსჯა (გულისხმა), შეხედულება, წარმოსახვა და გრძნობისმიერი აღქმა. სასიცოცხლო, ანუ ნებისყოფის ძალნი სულისა არის ნდომა-სურვილი და თავისუფალი არჩევანი. ნათქვამი რომ უფრო ცხადი იყოს, დაწვრილებით განვიხილავთ აღამიანის სულს ამ ძალებს და უნარს. თავდაპირველად ვიტყვიტ სულის შემეცნებით უნარზე.

წარმოსახვისა და გრძნობისმიერი აღქმის შესახებ უკვე საკმარისად ვთქვით ზემოთ. როგორც ვიცით, გრძნობისმიერი აღქმის შედეგად (აღამიანის) სულში წარმოიქმნება შთაბეჭდილება, რომელსაც წარმოდგენა ჰქვია; წარმოდგენისაგან იშვება შეხედულება; შემდეგ განსჯის უნარი, განიხილავს და ასწონ-დასწონის რა ამ შეხედულებას, ან ჭეშმარიტად აღი-

რებს მას, ანდა ცრულ, მოჩვენებითად, ადამიანის სულის ამ უნარს სწორედ იმიტომ ეწოდება განსჯა, რომ იგი მსჯელობს, განიხილავს. და ბოლოს, ის, რაც განსჯილი და ჭეშმარიტად მიჩნეულია, სახელს იღებს კიდევ გონებისაგან<sup>64</sup>.

გონებაზე უფრო დაწვრილებით თუ ვილაპარაკებთ, უნდა აღვნიშნოთ, რომ გონების თავდაპირველი მოძრაობა აზროვნებად იწოდება. ფიქრს რაიმე განსაზღვრულ საგანზე აზრი ჰქვია. აზრი, რომელიც დიდხანს რჩება სულში და მასში გარკვეულ აზრისმიერ საგანს აღბეჭდავს, ეწოდება მოაზრება (მოფიქრება). როდესაც ერთ რომელიმე საგანზე მიმართული განსჯა საკუთარ თავსაც გამოსცდის და განიხილავს, ასწონდასწონის სულის შესაბამისობას მოაზრებად საგანთან, მაშინ განსჯა იღებს სახელწოდებას გულისხმისყოფისა. ვრცელი გულისხმისყოფა შეადგენს განხილვას, რომელიც შინაგან სიტყვად იწოდება, ეს უკანასკნელი კი, შემდეგნაირად განისაზღვრება: შინაგანი სიტყვა არის ყველაზე სრული მოძრაობა სულისა, რომელიც მის გონიერ ნაწილში მიმდინარეობს ყოველგვარი სიტყვიერი (გარეგანი) გამოხატულების გარეშე. სწორედ შინაგანი სიტყვიდან მომდინარეობს, როგორც ჩვეულებრივ იტყვიან, გარეგანი სიტყვაც, გამოთქმული ენისა და ბაგეების მეშვეობით და განზიანებული ჰაეროვან სივრცეში. აი, ეს შეიძლება ითქვას (ადამიანის სულის) შემეცნებითი ძალების შესახებ. ახლა ვთქვათ სულის სასიცოცხლო ძალთა, ანუ ნებასურვილთან დაკავშირებულ ძალთა შესახებაც.

უნდა ვიცოდეთ ისიც, რომ (ადამიანის) სულს ბუნებით თან დაჰყვა უნარი მისი არსისთვის დამახასიათებელი ბუნებრივი ნდომისა და უნარი იმის შენარჩუნებისა, რაც ამ ბუნებას არსებითად ეკუთვნის; სულის ეს უნარი ნებისყოფად იწოდება. მართლაც, ყოველი დამოუკიდებელი, თვითმყოფადი არსება, რომელიც მისი ბუნებისათვის დამახასიათებელ და სრულყოფილ არსებობას ესწრაფვის, აღვსებულია სურვილით თავისი გონებისა და გრძნობის შესაბამისად იცხოვროს და იმოქმედოს. ამიტომ ასეთი ბუნებრივი ნებისყოფა შემდეგნაირად განისაზღვრება: ნებისყოფა არის გონიერი და ამასთანავე სიცოცხლისმიერი მისწრაფება, რომელიც მხოლოდდამხოლოდ ბუნებრივ პირობებზეა დამოკიდებული. ამრიგად, ნებისყოფა

არის მარტივი, განუყოფელი ძალა, ერთიანი, თავისთავადი, ბუნებრივი სწრაფვა ყოველივე იმისადმი, რაც მნებებელის (ნებისყოფის მქონის) ბუნებას შეადგენს. ეს სწრაფვა, ერთსა და იმავე დროს, წარმოადგენს. სასიცოცხლო მისწრაფებაა და გონიერ მისწრაფებასაც, რამეთუ პირუტყვთა სწრაფვა-მიღრეკილება, ვითარცა არა გონიერი, არ იწოდება ნებისყოფად.

ნდომა (მოსურვება) არის ღანსაზღვრული გამოვლინება ბუნებრივი ნებისყოფისა, ანუ, სხვადასხვაგვარად რომ ვთქვათ, ნდომა არის ბუნებრივი და გონებისმიერი სწრაფვა რაღაც საგნისაკენ. ადამიანის სულს თანდაყოლილი უნარი აქვს სწრაფვათა გულისხმისყოფისა. როდესაც ასეთი გონიერი მისწრაფება ბუნებრივად არის მიმართული რაიმე საგნისაკენ, მაშინ მას ეწოდება ნდომა (სურვილი) რამეთუ ნდომა წარმოადგენს გონიერ მისწრაფებას და მიღრეკილებას რაიმე საგნისაკენ<sup>65</sup>.

ერთის სიტყვით, ნდომა არის როგორც მისწრაფება იმისადმი, რაც ხელგვეწიფება, ასევე მისწრაფება იმისადმი, რაც არ ხელგვეწიფება, ანუ ნდომა არის მისწრაფება შესაძლებლისადმი და შეუძლებელისადმი. ასე, მაგალითად, ჩვენ გვსურს ხოლმე შესაძლებელი — სიძვა, კეთილკრძალულები და მარხვა, ძილი, სიფხიზლე და მისთანანი; — ყოველივე ეს ხელგვეწიფება და შესაძლებელია ჩვენთვის. მაგრამ შეიძლება დაგვებადოს მეფობის სურვილი, რაც არ ხელგვეწიფება და შეუძლებელია ჩვენთვის, შეიძლება ისიც გვინდოდეს, რომ არასდროს არ მოვკვდეთ და ჩვენი სხეული მარად ასე ცოცხლობდეს, მაგრამ ეს ისეთი სურვილია, რომლის აღსრულება შეუძლებელია.

ნდომას მიზანი აქვს მხედველობაში, და არა ის, რაც ამ მიზანმდე მიიყვანს. მიზანი არის საგანი ნდომისა, მაგალითად, ნდომა მეფობისა, ანდა ჯანმრთელად ყოფნისა. მიზნის მიღწევამდე მიყვავართ ჩვენს მიერვე მოფიქრებულ საშუალებებს; მაგალითად, როცა მეფობა გვსურს, იმასაც მოვიფიქრებთ ხოლმე, თუ რა ხერხითა და ღონისძიებით მივალწიოთ გამეფებას, ანდა როცა ჯანმრთელობა გვსურს, რა საშუალებით მოვიპოვოთ იგი. მაშასადამე, ნდომას ძიება და კვლევა

ახლავს თან. შემდეგ, თუკი ნდომის საგანი, ანუ მიზანი ხელგვეწოფება მისალწევად, ხდება განხილვა (მოფიქრება) შემდგომი მოქმედებისა. განხილვა არის ნდომა, შეერთებული იმ მოქმედებათა მოძიებასთან, რომლებიც ხელგვეწოფება, რამეთუ განხილვა იმას ასწონ-დასწონის, ღირს თუ არ ღირს ხელი მოვიკიდოთ ნდომის მიზნისთვის საჭირო საქმეს. ამის შემდეგ ვახდენთ არჩევანს უმჯობესისა, რასაც გადაწყვეტილება ეწოდება. შემდეგ ჩვენ გარკვეულსახედ განვეწყობით ხოლმე იმისადმი, რის გამოც გადაწყვეტილება მიგვიღია,—და სიყვარული გვარჩნდება ნდომის საგნისადმი; ამას მიდრეკილება ჰქვია. ხოლო თუკი ჩვენ გადავწყვეტთ რაიმეს, ავირჩევთ უმჯობესს, მაგრამ გარკვეულ სახედ არ განვეწყობით მისადმი, ანუ თუკი ჩვენში სიყვარული არ იშვება იმისადმი, რაც გადაგვიწყვეტია, მაშინ ამას მიდრეკილება უკვე აღარ ეწოდება. მას შემდეგ, რაც ჩვენში იშვება გარკვეული განწყობილება, ვახდენთ თავისუფალ არჩევანს მოქმედებისა. თავისუფალი არჩევანი იმაში მდგომარეობს, რომ ორი (ან მეტი) შესაძლებელი ქმედებიდან ჩვენ ვირჩევთ ერთს, რომელსაც უპირატესობას ვანიჭებთ მეორის (სხვათა) წინაშე. მას შემდეგ, რაც თავისუფალი არჩევანი გაკეთებულია, ჩვენ სამოქმედოდ ვისწრაფვით, ამას მისწრაფება ეწოდება. თუკი სასურველს მივალწევთ და ჩვენი ნდომის საგანს მოვიპოვებთ, გამოვიყენებთ მას. ამას სარგებლობა ეწოდება. ბოლოს, სარგებლობას მოსდევს მიდრეკილების, სწრაფვის დასრულება<sup>66</sup>.

არაგონიერ ცოცხალ არსებებში როგორც კი ჩნდება რაღაც მიდრეკილება, მას უმაღვე მოქმედებისაკენ სწრაფვა მოსდევს ხოლმე, რადგან არაგონიერ ცხოველთა მიდრეკილებანი არ არის გონიერი, და ისინი ბუნებრივი სწრაფვით აღიძვრიან და წარიმართებიან. ამიტომ, არაგონიერ ცოცხალ არსებათა მიდრეკილებას არ ეწოდება არც ნებისყოფა და არც ნდომა, რადგან ნებისყოფა არის გონიერი და თავისუფალი ნებოდან გამომდინარე ბუნებრივი მიდრეკილება აღამიანისა, როგორც გონიერი არსებისა. მაშასადამე, აღამიანში, როგორც გონიერ არსებაში, ბუნებრივი მიდრეკილება იმდენად არ წარმართავს მას, რამდენადაც თვით წარიმართება აღამიანის მიერ, რადგანაც იგი თავისუფალი ნებიდან გამომდინარე



მოქმედებს და რჩევას გონებას ეკითხება იმიტომ, რომ ადამიანში შემეცნებითი და სასიცოცხლო ძალები ერთმანეთთანაა დაკავშირებული. ამის გამო ადამიანი თავისი ნებით აღივსება ხოლმე რაიმე ნდომით, თავისი ნებით იკვლევს და განიხილავს, თავისი ნებით მოიფიქრებს (ასწონ-დასწონის), თავისი ნებით იღებს გადაწყვეტილებას, თავისი ნებით აღირჩევს, თავისი ნებითვე ისწრაფვის (აღივსება გარკვეული მიდრეკილებით), და თავისი ნებით აღასრულებს ყოველივე იმას, რაც (მისი) ბუნებიდან გამომდინარეობს.

ისიც უნდა გავითვალისწინოთ, რომ თუმცა ღმერთსაც მივაწერთ ხოლმე ნდომა-სურვილს, მაგრამ არ მივაწერთ ამას არჩევანის საკუთრივი მნიშვნელობით, რამეთუ ღმერთი არ განიხილავს თავის მოქმედებებს. რადგან როცა ჩვენ, ადამიანები განვიხილავთ ხოლმე და ავწონ-დავწონით მომავალ მოქმედებას, ეს ჩვენი უცნობელობითაა განპირობებული: რაც ცნობილია, იმას არავინ არ განიხილავს და გონებით არ ასწონ-დასწონის. ხოლო თუკი განხილვა უცნობლობის შედეგია, მაშინ, უეჭველია, რომ იგივე უნდა ვთქვათ არჩევანის გამოც. ღმერთმა კი უშუალოდ უწყის ყოველივე უწინარეს მათი ყოფისა, ამიტომ იგი არც განიხილავს თავის მოქმედებებს<sup>67</sup>.

ამასთანავე არ ვლაპარაკობთ მოქმედებათა განხილვასა და არჩევანზე ჩვენი უფლის იესო ქრისტეს სულის გამო, რამეთუ მასთვისაც უცხოა უცნობლობა. თუკი მას ჰქონდა კიდევ შემოსილი მომავლის უცნობელი (ადამიანური) ბუნება, როგორც ვიცით, ეს ბუნება ჰიპოსტასურად შეუერთდა სიტყვა-ღმერთის ღვთაებრივ ბუნებას, და ამის გამო უფალი იესო ქრისტე აღვსებული იყო ყველაფრის მცნობელობით არა (ღვთაებრივი) მადლის მიერ, არამედ, როგორც უკვე ვთქვით, ჰიპოსტასური შეერთების გამო (მისი ორი — ღვთაებრივი და ადამიანური ბუნებებისა); რამეთუ ერთი და იგივე (პირი) იყო ღმერთიც და ადამიანიც.

ამიტომ მას (განკაცებულ ღმერთს) განსაზღვრული მიდრეკილებანი ნებისყოფისა არც ჰქონია, თუმცა მარტივი ბუნებრივი ნებისყოფა, როპელიც ერთნაირად იხილვება ადამიანთა მოდგმის თითოეულ ჰიპოსტასში, უფალსაც ჰქონდა.

მაგრამ მის წმიდა სულს არ ჰქონდა ისეთი მიდრეკილება-  
ნი თუ ნდომის საგანნი, რომლებიც საწინააღმდეგო იქნებოდა  
მისი ღვთაებრივი ნებისყოფისა, ანდა განსხვავებული მი-  
სი ღვთაებრივი ნდომის საგნისგან. მიდრეკილებაში ყველა  
სხვა ჰიპოსტაზს, გარდა წმიდა, მარტივი, არაშედგენილი და  
განუყოფელი ღმრთაების ჰიპოსტაზებისა, განსხვავებული  
აქვს. ღმერთის ჰიპოსტაზი ხომ განუყოფელი და განუყო-  
რელი არიან. ამიტომ განუყოფელია მათი ნებისყოფა და მათი  
ნდომის საგანიც. ამის გამო აქ ერთი ბუნებაა, და ერთი  
ბუნებრივი ნებისყოფა. ღმრთაების ჰიპოსტაზები განუყოფელ-  
ნი არიან, და ამიტომ ნდომის საგანიც ერთი აქვთ და ჰიპოსტა-  
ზასთა მოძრაობაც (ქმედებაც) ერთიანია.

ადამიანებს რაც შეეხება, მათ, მართალია, ერთი ბუნებრი-  
ვი ნებისყოფა აქვთ, რამეთუ მათი ბუნებაც ერთია (საერთოა  
ყველასთვის), მაგრამ რადგანაც მათი ჰიპოსტაზები გაყოფილი  
და განცალკევებულია ერთმანეთისგან ადგილით, დროით, საგ-  
ნებთან განსხვავებული დამოკიდებულებით და მრავალი სხვა  
გარემოებით, ამიტომ მათი ნებისყოფაც, მიდრეკილებანი და  
ნდომის საგნები განსხვავებულია ერთმანეთისგან. ჩვენს  
უფალ იესო ქრისტეში კი ბუნებანი (ღვთაებრივი და ადამიან-  
ური) განსხვავებულია ერთმანეთისაგან, და ამიტომ განსხვა-  
ვებულია ბუნებისმიერი ნებისყოფანიც და ნდომის ძალნიც,  
რომლებიც, ერთის მხრივ, მის ღმრთაებას განეკუთვნება,  
მეორის მხრივ კი — ადამიანობას. ამასთანავე, ვუწყით, რომ  
უფალ იესო ქრისტეში ერთი ჰიპოსტაზია, ერთი მნებებელი,  
და ამის გამო ნდომის საგანიც ერთია, ანუ ნებისყოფის მიდ-  
რეკილებაც ერთია, რადგანაც მისი ადამიანური ნებისყო-  
ფა, რა თქმა უნდა, დაქვემდებარებული იყო მის ღვთაებ-  
რივ ნებისყოფას, ყველაფერში თან სდევდა, და ყოველთვის-  
საც ის სურდა, რასაც მოითხოვდა უფლის ღვთაებრივი ნე-  
ბისყოფა<sup>68</sup>.

უნდა აღინიშნოს, რომ ნებისყოფა, ნდომა, ნდომის საგანი,  
ისევე, როგორც მნებებელი (ნდომის უნარის მქონე) და  
მსურველი, — განსხვავდებიან ერთმანეთისაგან. ნებისყოფა  
არის მარტივი უნარი ნდომისა. ნდომა არის ნებისყოფა, მი-  
მართული გარკვეული საგნისაკენ. ნდომის საგანი ის ნივთია,

რომლისკენაც შიისწრაფვის ნებისყოფა, ანუ ის, რაც გვსურს. დაეუშვათ, მაგალითად, ჩვენში იშუა სწრაფვა საზრდოს მიღებისა. უბრალო (მარტივი) გონიერი სწრაფვა არის ნებისყოფა. სწრაფვა საზრდოს მიღებისაკენ არის ნდომა, ხოლო თვით საზრდო — ნდომის საგანი. ნდომის უნარის მქონე ჰქვია მას, ვისაც აქვს ძალა მოსურვებისა, მნებებელი კი, თვით ნებისყოფის გამომყენებელს.

უნდა მხედველობაში გვქონდეს ის გარემოებაც, რომ სიტყვა „ნებისყოფა“ (თელემა) ზოგჯერ აღნიშნავს უნარს ნდომისა, და ამ შემთხვევაში ეწოდება ბუნებრივი ნებისყოფა. ხოლო ზოგჯერ იგივე სიტყვა აღნიშნავს თვით ნდომის საგანს და ამ უკანასკნელ შემთხვევაში გონიერი (გონებისმიერი) ნებისყოფა (თელემა გნომიკონ) ეწოდება<sup>69</sup>.

### თ ა ვ ი X X I I I

#### ქმედების („ენერგია“) შესახებ

უნდა ვიცოდეთ, რომ ყველა ზემოგანხილულ ძალას (აღამიანის სულისა) როგორც შემეცნებითს, ასევე სასიცოცხლოს, როგორც ბუნებრივს, ასევე ხელოვნურს ქმედება (ენერგია) ეწოდება. ქმედება ეწოდება იმ ძალასა და მოძრაობას, ცალკეულ არსს რომ ეკუთვნის, სხვაგვარად რომ ვთქვათ: ბუნებრივი ქმედება არის მოძრაობა, დაკავშირებული ყოველი ცალკეული არსის ბუნებასთან. აქედან ცხადი ხდება, რომ ერთი და იგივე არსის მქონე საგნებს (არსებებს) ერთი და იგივე ქმედება აქვთ. და პირიქით, იმ საგნებს, რომლებსაც განსხვავებული ბუნება აქვთ, ქმედებაც სხვადასხვა აქვთ, რამეთუ არ შეიძლება, რომ არსს ბუნებრივი ქმედება არ ჰქონდეს.

ქმედება განისაზღვრება, როგორც ის ბუნებრივი ძალა, რომელიც ყოველ არსს გამოხატავს, როგორც გონიერი სულის ბუნებრივი და პირველი, მარად მოქმედი ძალა, ანუ მისი მარად მოქმედი გონება, რომელიც მისგან (სულისაგან) მომდინარეობს ბუნებრივად და განუწყვეტლავ. და კიდევ არსებობს ასეთი განსაზღვრებაც ქმედებისა: ქმედება ყოველი სუბსტან-

ციის ბუნებრივი ძალა და მოძრაობაა, რომელთა გარეშე არსებობა შეუძლებელია, ანუ მათ გარეშე მხოლოდ არაარსი შეიძლება დარჩეს.

ქმედებებად, პირველად, იწოდება მოქმედებანი, როგორცაა: საუბარი, სეირნობა, ჭამა-სმა და მისთანანი. მეორედ, ქმედებებად ხშირად ბუნებრივი ვნებანიც იწოდებიან, როგორცაა, მაგალითად, შიმშილი, წყურვილი და მისთანანი. და ბოლოს, ქმედებად იწოდება აგრეთვე ძალის გამოღებაც (სისრულე ძალისა)<sup>70</sup>.

სიტყვები — „შესაძლებლობით“ და „სინამდვილეში“ (ტოდუნამეი კაი ტო ენერგეია) ორგვარი მნიშვნელობით იხმარება. ასე მაგალითად, ჩვილზე ვიტყვით ხოლმე, რომ შესაძლებლობით გრამატიკოსია, რამეთუ აქვს უნარი სწავლის გზით (მომავალში) გრამატიკოსი გახდეს; მაგრამ ამავე დროს, გრამატიკოსზეც ვიტყვით, რომ იგი გრამატიკოსია შესაძლებლობით და სინამდვილეშიც. გრამატიკოსია სინამდვილეში იმიტომ, რომ გრამატიკას დაუფლებია, შესაძლებლობითაც გრამატიკოსია იმიტომ, რომ შეუძლია ასწავლოს გრამატიკა, თუმცა სინამდვილეში არ ასწავლის. ჭეშმარიტად გრამატიკოსი ეწოდება იმ პიროვნებას, ვინც მოქმედია, ანუ ვინც გრამატიკას ასწავლის.

მაშასადამე, უნდა აღინიშნოს, რომ ეს, მეორე შემთხვევა საერთოა როგორც შესაძლებლობისთვის, ასევე ნამდვილობისთვის, კერძოდ კი, პირველ ყოვლისა, აქ სინამდვილესთან გვაქვს საქმე, და მხოლოდ შემდეგ შესაძლებლობასთან.

ამრიგად, თავისი თავის განმსაზღვრელი, ანუ, სხვაგვარად რომ ვთქვათ, გონიერი და თავისუფალი ნებით განპირობებული სიცოცხლე, რომელიც ადამიანთა მოდგმის უპირატესობას წარმოადგენს (ამა ქვეყნის სხვა ქმნილებებთან შედარებით), არის პირველი, ერთადერთი და ჭეშმარიტი რეალობა ჩვენი ბუნებისა. და მე არ ვიცი, როგორ, ან რის საფუძველზე უწოდებენ უფალს განკაცებულ ღმერთს ისინი, რომლებიც უარყოფენ მასში ამგვარ ქმედებას<sup>71</sup>.

ქმედება არის ბუნების ქმედითი მოძრაობა, მოქმედი კი ეწოდება იმას, რაც თავისით მოძრაობს.

ნებსითისა (ნებაყოფლობითისა) და უნებლიეს  
(იძულებითის) შესახებ.

რადგან ნებსითი და უნებლიე ამა თუ იმ საქციელში წარმოჩინდება, ამის გამო მრავალნი ფიქრობენ, რომ უნებლიე, ანუ იძულებითი, მხოლოდ ტანჯვაში როდი ვლინდება, არამედ მოქმედებაშიც. ამის საპირისპიროდ უნდა ვიცოდეთ, რომ საქციელი არის გონიერი ქმედება. სხვადასხვა საქციელს (ადამიანისა) მოსდევს ხოლმე მოწონება-შექება, ანდა გაკიცხვა. ამასთანავე, ზოგიერთი საქციელი სიამოვნებით აღესრულება, სხვა — უსიამოვნოდ. ზოგიერთი საქციელი მიმზიდველია მისი ჩაჰდენისათვის, სხვანი — საზიზღარი. მიმზიდველ საქციელთაგანაც ერთნი ყოველთვის მიმზიდველნი არიან, სხვანი კი, მხოლოდ გარკვეული დროის განმავლობაში. იგივე შეიძლება ითქვას საზიზღარ საქციელთა გამოც. გარდა ამისა, ერთნი საქციელთაგან ადამიანთა შემწყნარებელ დამოკიდებულებას იმსახურებენ, სხვათ კი სიძულვილს მიაგებენ და სჯიან კიდევ ამის გამო. მაშასადამე, ნებსითს (ნებაყოფლობითს) ყოველთვის თან სდევს შექება, ანდა გაკიცხვა; ნებსითი საქციელნი ყოველთვის სიამოვნებით აღესრულება და მიმზიდველია მათი მოქმედისათვის ყოველთვის, ანდა მხოლოდ იმ დროის მანძილზე, როცა მას მოიმოქმედებენ. და პირიქით, უნებლიე (იძულებითი) იმით გამოირჩევა, რომ მას შეიწყნარებენ, სწყალობენ, მაგრამ უსიამოვნოდ (უქმაყოფილოდ) აღასრულებენ; რომ იგი არ არის მიმზიდველი და სასურველი, და ამის გამო ასეთ საქციელს არასდროს არ სჩადის ადამიანი თვით ამ საქციელის გულისთვის, თუნდაც სხვისი იძულებით<sup>72</sup>.

უნებლიე საქციელი ორი სახისაა. უნებლიე იძულების გამო, და უნებლიე უცნობლობის გამო. პირველი მაშინ გვხვდება, როცა მოქმედი დასაბამი, ანუ მიზეზი, გარეთაა (გარეგანია), ე. ი. როცა სხვა ვინმე გვაიძულებს იმაში, რასაც სრულიად არ ვეთანხმებით და რაშიც საკუთარი სურვილით არ ვმონაწილეობთ, არც ჩვენი ძალისხმევით ვუწყობთ ხელს,

ანდა უნებლიეს იძულებით მაშინ ვხვდებით, როცა ჩვენი საკუთარი თაოსნობით ვიქმთ იმას, რასაც გვაიძულებენ. ამგვარად განვსაზღვრავთ რა უნებლიეს სახეობას, ჩვენ ვამბობთ: უნებლიე არის ის, რისი დასაბამიც გარეთაა და რაშიც იძულებას მიწევნული საკუთარი კეთილგანწყობით არ მონაწილეობს; ამასთანავე დასაბამში ვგულისხმობთ აღმომაცენებელ მიზეზს.

ხოლო უნებლიეს უცნობლობის გამო იმ შემთხვევაში ვხვდებით, როცა თვით ჩვენ კი არა ვართ მიზეზი ჩვენი უცნობლობისა, არამედ როცა ჩვენი უცნობლობა შემთხვევითია. ასე, მაგალითად, თუკი ადამიანი სიმთვრალეში ვინმეს კლავს, ამას იგი უნებლიე უცნობლობით სჩადის, და არა — უნებლიე იძულებით, რამეთუ მისი ამგვარი საქციელის მიზეზი, ე. ი. სიმთვრალე თვით მისი ნების ნაყოფია. თუკი ვინმე ჩვეულ ადგილას ისრის გასროლით იქ შემთხვევით გავლილ საკუთარ მამას მოჰკლავს, მასზე იტყვიან, უნებლიედ მოუვიდა, რადგან არ იცოდაო<sup>73</sup>.

ამრიგად, თუკი უნებლიე ორი სახისაა — იძულებით გამოწვეული და უცნობლობით განპირობებული, ნებისითი ორივე ამ სახეობის საპირისპირო უნდა იყოს, რადგან ნებისითი ის არის, რაც ნებაყოფლობით აღესრულება, ანუ არც იძულების გამო და არც უცნობლობის ძლით. მაშასადამე, ნებისითი არის ის, რისი დასაბამიც თვით მოქმედშია, რომელმაც დაწვრილებით იცის რატომ იქცევა სწორედ ასე და არა სხვაგვარად, რისი მეშვეობით აკეთებს ამას და რაში მდგომარეობს მისი საქციელი. ყოველივე ამას ორატორები გარემოებებს უწოდებენ. ეს გარემოებანია: ვინ? — ე. ი. ვინ არის ამა თუ იმ მოქმედების ჩამდენი; ვის(თვის)? — ანუ ვის შეეხო, (ვინ ევნო) ეს მოქმედება; რა? — ე. ი. თვით ეს მოქმედება, მაგალითად მკვლელობა; რითი? — ე. ი. რა იარაღითა თუ საშუალებით; სად — ე. ი. რომელ ადგილას მოხდა მკვლელობა; როდის? — ანუ რა დროს; როგორ? — ანუ ვითარება მოქმედების აღსრულებისა; რატომ? — ანუ მიზეზი ამ მოქმედებისა, ვთქვათ, მკვლელობისა<sup>74</sup>.

უნდა ვიცოდეთ, აგრეთვე ისიც, რომ არსებობს რაღაც საშუალები ნებისთსა და უნებლიეს შორის. ასე, მაგალითად,

როცა ზოგჯერ დიდი ბოროტების (უბედურების) თავიდან აცილება გესურს, ჩვენ გადავწყვეტთ ხოლმე უსიამოვნოსა და სამწუხაროს ვეწიოთ; ასეთი რამ ხდება, მაგალითად, ხომალდის დაღუპვის ეამს, როცა წყალში გადავეყრით ხოლმე ტვირთს მის გადასარჩენად.

უნდა ვიცოდეთ ისიც, რომ ყრმანი და არაგონიერი ცხოველები ნებისით (ნებაყოფლობით) მოქმედებენ, ოღონდ არა თავისუფალი არჩევანით. ამგვარადვე ჩვენც, როცა გაღიზიანებულნი (მრისხანების ეამს) ვიქმთ რაიმეს წინასწარი მოფიქრების გარეშე, ნებისით (ნებაყოფლობით) ვიქმთ, მაგრამ არა— თავისუფალი არჩევანით. ზუსტად ასეთი ვითარებაა, როცა ჩვენთან მოულოდნელად მოდის მეგობარი: ჩვენ ნებისით ვისტუმრებთ მას, მაგრამ აქაც არა გვაქვს თავისუფალი არჩევნის საშუალება. ანდა თუკი ვინმე მოულოდნელად სიმდიდრეს შეიძენს, ნებისით მიიღებს მას, მაგრამ კვლავაც მოკლებული იქნება თავისუფალ არჩევანს. ყოველივე ეს ნებისით მიიღება, რადგან სიამისა და კმაყოფილების მომნიჭებელია, მაგრამ ამავე დროს აქ არ არის თავისუფალი არჩევანი, იმიტომ, რომ წინასწარ არ ხდება მოქმედების მოფიქრება, განსჯა, ხოლო როგორც ზემოთ ვთქვი, მოფიქრება და განსჯა ყოველთვის წინ უნდა უსწრებდეს (თავისუფალ) არჩევანს.

## თ ა ვ ი X X V

**მასზედ, რაც ჩვენს ხელთაა, ანუ თავისუფლების (თავისუფალი გადაწყვეტილების) შესახებ.**

როცა თავისუფლებაზე ვმსჯელობთ, ანუ იმაზე, რაც ჩვენს ხელთაა და რაც ხელგვეწიფება, უპირველეს ყოვლისა, ამგვარი კითხვის წინაშე ვდგებით: არის კი რაიმე ჩვენს ხელთ? ხელგვეწიფება კი რაიმე? — რადგანაც მრავალნი სწორედ ამის საწინააღმდეგოს ამტკიცებენ. მეორე კითხვა, რომლის წინაშეც აღმოვიჩნდებით, ის იქნება, თუ რა არის ჩვენს ხელთ, რა ხელგვეწიფება და რაში ვართ თავისუფალნი. და ბოლოს, მესამე კითხვაც არსებობს და ვიდრე პასუხს გავცემდეთ, ის

მიზეზი გავარკვეოთ, თუ რატომ შეგვქმნა შემოქმედმა ღმერთ-  
თმა თავისუფალნი.

შევუდგებით რა პირველი კითხვის გამორკვევას, პირველ  
ყოველსა, უნდა დავამტკიცოთ, რომ არსებობს რალაც ისეთი,  
რაც ჩვენს ხელთაა, რაც ხელგვეწიფება, და ამასთან არ უნდა  
დავეყრდნოთ იმ საფუძვლებს, თვით მოწინააღმდეგენი რომ  
აღიარებენ. ამიტომ მსჯელობას შემდეგნაირად დავიწყებთ:

რაც სამყაროში ხდება, ყოველივე ამის მიზეზად აღიარე-  
ბენ ან ღმერთს, ან აუცილებლობას, ან დამთხვევას, ანდა ბუ-  
ნებას, განგებულებასა თუ შემთხვევას. მაგრამ ვუწყით, რომ  
ღმერთისაგან არის აღმოცენებული საგანთა არსი და განგე-  
ბულება, აუცილებლობისაგან მომდინარეობს მოძრაობა ამისა,  
რაც უცვალეზლად არსებობს. დამთხვევის აღმონაცენია ის,  
რაც მისგან აუცილებლობით მომდინარეობს, რამეთუ თვით  
დამთხვევა არის გამოხატულება აუცილებლობისა. ბუნების  
აღმონაცენია — შობა, ზრდა, დაქრევა, ცოცხალი არსებანი  
და მცენარეები. ხოლო ბედილობის წარმონაქმნია — იშვიათი  
და მოულოდნელი, რადგან ბედილობას განმარტავენ, როგორც  
თანხვედრას თუ დამთხვევას ორი ისეთი მიზეზისა, რომელ-  
თაც დასაბამი თავისუფალ არჩევანში აქვთ, მაგრამ იმას არ  
აღმოაცენებენ, რაც უნდა აღმოეცენებინათ. ასე იქნება, მაგა-  
ლითად, იმ შემთხვევაში, თუკი ორმოს მთხრელი ადამიანი  
განძს ნახავს. მართლაც, განძის დამმალავი იმ განზრახვით  
როდი მარხავდა თავის ქონებას მიწაში, რომ იგი ვინმე სხვას  
ეპოვა; არც განძის მპოვნელი თხრიდა ორმოს იმ მიზნით,  
რომ განძი მოეძია: პირველმა განძი იმისთვის დაფლა, როცა  
დასჭირდებოდა ამოეღო და მოეხმარა, ხოლო მეორე იმისთვის  
თხრიდა მიწას, რომ ორმო ესაჭიროებოდა. სინამდვილეში  
მოხდა სულ სხვა, ამ ორი ადამიანის სურვილის საწინააღმდე-  
გო რამ... და ბოლოს, შემთხვევის აღმონაცენია ის მოვლენე-  
ბი, რომლებიც უსულო საგნებსა და არაგონიერ ცოცხალ  
არსებებს (ცხოველებს) შეეხება და რომლებიც არ არიან და-  
მოკიდებული არც ბუნებაზე და არც ხელოვნებაზე. ასე ამბო-  
ბენ თავისუფლების მოწინააღმდეგენი. მაშ, ამ მიზეზთაგან  
რომელს დავუკავშირებთ ადამიანის მოქმედებებს, თუკი (თა-  
ვისუფლების მოწინააღმდეგეთა მსგავსად) ჩავთვლით, რომ



თვითონ ადამიანი არ არის მიზეზი და დასაბამი თავისი მოქმედებებისა? უშვერება იქნება, თუკი ღმერთს მივიჩნევთ მიზეზად ადამიანთა სამარცხვინო და უსამართლო საქმეებისა, რასაც ისინი ხშირად სჩადიან. არ შეიძლება ასევე აუცილებლობას მივაკუთვნოთ ადამიანთა მოქმედებანი, რამეთუ ისინი უცვალებელი არ არიან. კვალად, არ შეიძლება ისინი ბედისწერას მივაკუთვნოთ, რადგანაც ბედისწერის აღმონაცენად ითვლება არა შემთხვევითი რამ, არამედ — აუცილებელი. ადამიანთა საქმეებს ვერც ბუნებას მივაწერთ, რადგან ბუნების აღმონაცენი ცხოველები და მცენარეები არიან. აქვე არ შეიძლება ისინი ბედილობის ძალს მივაკუთვნოთ, ბედილობის აღმონაცენი რაღაც იშვიათი და მოულოდნელია, ადამიანთა საქმეები კი, არ არის ასეთი. არც შემთხვევას შეიძლება ისინი მივაწეროთ, რადგან შემთხვევით მოვლენებად იწოდება მხოლოდ ის, რაც განუსულებელ საგნებსა და არაგონიერ ცხოველებს შეეხება. ამრიგად, მხოლოდ ისლა გვრჩება, რომ თვით ადამიანი, მოქმედი და რაღაცის წარმომქმნელი, ვალიაროთ მიზეზადაც თუ დასაბამადაც თავისი მოქმედებებისა, და თავისუფლადაც (თავის მოქმედებებში)<sup>75</sup>.

გარდა ამისა, თუ ადამიანი არ არის დასაბამი და მიზეზი არც ერთი თავისი მოქმედებისა (როგორც ამას თავისუფლების მოწინააღმდეგენი ამტკიცებენ), მაშინ არც უნდა სჭირდებოდეს მოფიქრება, გონებით აწონ-დაწონვა მომავალი მოქმედებებისა; აბა, რად ესაჭიროება ეს უნარი (გონიერი არსებისა), თუკი არც ერთი მოქმედება მის ხელთ არ არის და თუ არაფერი ხელეწიფება?! — ყოველგვარი მოფიქრების საგანი ხომ მომავალი მოქმედებაა. უკიდურესი უაზრობა იქნება, თუ უგულვებელყოფთ ადამიანის იმ უნარს, რაც მასშია ყველაზე მშვენიერი და ფასეული. თუკი ადამიანი მოიფიქრებს, განსჯის მომავალ მოქმედებებს, მხოლოდ იმიტომ, რომ მასზეა დამოკიდებული ამა თუ იმ მოქმედების ჩადენა, რამეთუ ყოველგვარი მოფიქრება და გონებით აწონ-დაწონა მოქმედების თავისუფლებას გულისხმობს და განპირობებულია ამგვარი თავისუფლებით.

შესახებ იმისა, რაც ხდება (აღსრულება).

ყოველივე იმისაგან, რაც ხდება ჩვენს თავს, ერთი რამ ჩვენს ხელთ არის, ჩვენს ხელმწიფებას ექვემდებარება, სხვა რამ კი — არ არის ჩვენს ხელთ. ჩვენს ხელთაა ყოველივე ის, რისი ქმნა თუ არქმნა — ჩვენს თავისუფალ ნებაზეა დამოკიდებული, სხვაგვარად რომ ვთქვათ, ჩვენს ხელთაა ყოველივე ის, რასაც ჩვენ ნებაყოფლობით ვიქმნით, რამეთუ ისეთი მოქმედება, რომლის ქმნა თუ არ ქმნა ჩვენს თავისუფალ ნებაზე არ არის დამოკიდებული, არ შეიძლება იწოდოს ჩვენს ხელთ არსებულად, ანუ ისეთად, რაც ხელგვეწიფება. ერთის სიტყვით, ჩვენს ხელთაა ყოველივე ის, რასაც ახლავს გაკიცხვა და შექება, და რასაც განეკუთვნება აღძვრა და სჯული. საკუთრივი მნიშვნელობით ჩვენს ხელთაა და ხელგვეწიფება ყოველივე ის, რაც ჩვენს სულს შეეხება, ანუ რაც ჩვენს შიგნით ხდება, და ყოველივე ის, რასაც ჩვენ მოვიფიქრებთ და განესჯით. მოფიქრება ხდება თანაბრად შესაძლებელ მოქმედებათა გამო. მოქმედებანი, თავის მხრივ, თანაბრად შესაძლებელია მაშინ, როცა ჩვენს ნებაზეა დამოკიდებული როგორც ერთი მოქმედების აღსრულება, ასევე სხვა მოქმედებისაც, პირველის საწინააღმდეგოსი. მოქმედების არჩევანი ხდება გონების მიერ, და ამიტომ სწორედ იგია დასაბამი მოქმედებისა, ამრიგად, ჩვენს ხელთაა ყოველივე ის, რისი ქმნა თუ არქმნა ჩვენ თანაბრად შეგვიძლია; მაგალითად, ერთნაირად შეგვიძლია ვიმოძრაოთ ანდა არ ვიმოძრაოთ, ვესწრაფოთ რაიმეს და არ ვესწრაფოთ, ვინატროთ ანდა არ ვინატროთ ის, რაც აუცილებელი არ არის; ვიცრუოთ ანდა არ ვიცრუოთ, გავცეთ თუ არ გავცეთ, გვიხაროდეს თუ არ გვიხაროდეს, ის, რაც სასიხარულოა, ანდა გვიხაროდეს თუ არ გვიხაროდეს ის, რაც არ არის სასიხარულო, და კიდევ სხვა მრავალი ამის მსგავსი საქციელი, სათნო თუ ბიწიერი; რამეთუ ყოველივე ამაში თავისუფალნი ვართ, ანუ თავისუფალ ნებაზეა დამოკიდებული ერთს რასმე მოვიმოქმედებთ, თუ სხვას — მისგან განსხვავებულსა და საპირისპიროს. შესაძლე-

ბელ მოქმედებათა რიცხვს განეკუთვნება აგრეთვე ხელოვნება-  
ნი, რადგან ჩვენს ხელთაა, ანუ თავისუფალ, ნებაზეა დამოკიდე-  
ბული, ხელოვნების რომელ დარგს ავირჩევთ, ან არ ავირჩევთ.

უნდა აღინიშნოს, რომ მოქმედების არჩევანი ყოველთვის  
ჩვენს ხელთაა, მაგრამ ისიც უნდა ვიცოდეთ, რომ ზოგჯერ, და  
არცთუ იშვიათად, ჩვენს ამა თუ იმ მოქმედებას შეაჩერებს ან  
არ დაუშვებს ხოლმე რაღაც საგანგებო შემოქმედება საღმ-  
რთო განგებულებისა.

## თ ა ვ ი X X V I I

**მასზედ, თუ რა ძალით ვართ თავისუფალნი (ანუ რა  
მიზეზია, რომ თავისუფალი ნებისანი გავჩნდით).**

ვამტკიცებთ, რომ თავისუფლება გონიერებასთან არის და-  
კავშირებული და რომ ყოველი ქმნილებისთვის დაშასხაიათე-  
ბელია ცვლილება და გარდაქმნა. მართლაც, ყოველივე, რაც  
სხვისაგან წარმოშობილა, ცვალებადია, უსათუოდ ცვალებას  
უნდა იყოს დაქვემდებარებული ის, რასაც არსებობა (თავისი  
დასაბამი) ცვლილების შედეგად მიუღია. ცვლილება მაშინ  
ხდება ხოლმე, როცა რაიმე არარსებობიდან არსებობას  
იწყებს. ანდა როცა მოცემული ნივთიერებიდან რაღაც სხვა  
ნივთიერება წარმოიქმნება. მაგრამ აქ გადმოცემული სხეუ-  
ლებრივი ცვალებადობის წესით იცვლებიან მხოლოდ განუ-  
სულებიერებელი საგნები და არაგონიერი ცხოველები; გონიერა  
არსებანი კი ნებისმიერად, ანუ თავიანთი თავისუფალი ნებით  
იცვლებიან. გონიერ არსებას, როგორც ვიცით, ორი უნარი  
აქვს: შემეცნებითი და ქმედითი (სამოქმედო). შემეცნებითი  
უნარი ყოველივე არსებულს განიხილავს და მისწვდება, ხო-  
ლო ქმედების უნარი საქციელთ მოფიქრებს და სწორ საზომს  
დაუდგენს მათ. შემეცნებითი უნარი იწოდება თეორიულ (გან-  
ყენებულ) გონიერებად, ქმედითი უნარი კი, პრაქტიკულ გო-  
ნიერებად. შემეცნებით უნარს სხვაგვარად სიბრძნესაც უწო-  
დებენ, ქმედით უნარს კი — კეთილგონიერებას. ამრიგად, ყო-  
ველი ადამიანი, ვინც მოიფიქრებს და განსჯის თავის მოქმე-  
დებებს, რადგან მოქმედების არჩევანი მის ნებაზეა დამოკი-  
დებული, იმისთვის მოიფიქრებს მათ, რომ ასეთი მოფიქრე-

ბოთ გადაწყვიტოს — რა იირჩიოს, და როცა აირჩევს, აღას-  
რულოს კიდევ. თუ ეს ასეა, მაშინ გონიერ არსებას აუცილებ-  
ლად უნდა მიეკუთვნოს ნების თავისუფლება, რადგან სხვა  
შემთხვევაში იგი გონიერი აღარ იქნებოდა, ხოლო რაკი გონი-  
ერი არსებაა, ამიტომ არის კიდევ ბატონ-პატრონი თავისი  
მოქმედებებისა, და ამის გამო თავისუფალი<sup>76</sup>.

აქედან გამომდინარე, არაგონიერი არსებანი არ არიან თა-  
ვისუფალნი, რადგან მათ ბუნება წარმართავს და არა—პირიქით.  
ამიტომ ისინი არ ეწინააღმდეგებიან ბუნებრივ ნდომა-სურ-  
ვილთ, და როგორც კი ისურვებენ რაიმეს, უმაღლ მოქმედებას  
ესწრაფვიან. აღამიანი კი, როგორც გონიერი არსება, თვით  
წარმართავს ბუნებას, ვიდრე — პირიქით. ამიტომ, როცა რაი-  
მეს შოისურვებს, თავისუფალი ნებისდა მიხედვით, შესაძ-  
ლებლობა აქვს ჩაიკლას ეს სურვილი, ანდა დაემორჩილოს.  
ამავე მიზეზის გამო არაგონიერი არსებანი არ იმსახურებენ  
არც გაკიცხვას და არც შექებას თავიანთი მოქმედებებისათვის;  
აღამიანს კი აქებენ ან ჰკიცხავენ და პასუხს აგებინებენ ამა თუ  
იმ საქციელისთვის. გარდა ამისა, უნდა ვიცოდეთ, რომ ანგელო-  
ზები. როგორც გონიერი არსებანი, თავისუფალნი არიან, და  
როგორც ქმნილებანი — ცვალებას დაქვემდებარებულნი. ეს  
კარგად ხანს ეშმაკის მაგალითზე, რომელიც შემოქმედმა კე-  
თილ ანგელოზად შექმნა, აგრეთვე მასთან ერთად დაცემულ  
ძალთა, ანუ დემონთა მაგალითზე, რომელნიც ასევე კეთილად  
შეიქმნენ, და შემდეგ იცვალნენ ბოროტისაკენ, მაშინ როცა  
სხვა წოდებანი ანგელოზებისა სიკეთეში ჰგებენ<sup>77</sup>.

### თ ა ვ ო X X V I I I

მასზედ, რაც ჩვენს ხელთ არ არის  
(რაც არ ხელგვეწიფება).

ყოველივე იმისაგან, რაც ჩვენს ხელთ არ არის, ანუ რაც  
არ ხელგვეწიფება, ნაწილს დასაბამი, ანუ მიზეზი იმაში აქვს,  
რაც ჩვენს ხელთაა (რაც ჩვენს თავისუფალ ნებაზეა დამოკი-  
დებული), — ასეთია, მაგალითად, საზღაურის ჩვენი საქმეები-

სათვის, როგორც აქ, ამქვეყნიურ ცხოვრებაში, ისევე მოძავალ, საუკუნო ცხოვრებაში; ხოლო სხვა დანარჩენი საღმრთო ნებაზეა დამოკიდებული, მასში აქვს თავისი დასაბამი და მიზეზი, რამეთუ ყოველივეს თავისი არსებობის წყარო ღმერთში აქვს, ხრწნა კი, მხოლოდ შემდგომში შემოვიდა ჩვენი შეცოდების შედეგად, ჩვენს დასასჯელად და, ამავ დროს, ჩვენი სარგებლობისთვისაც, „რამეთუ ღმერთმან სიკვდილი არა დაჰბადა, არცა ჰნებაეს წარწყმედა ცხოველთაჲ“ (სიბრძნე სოლომ. 1, 13). მაშასადამე, სხვაგვარად რომ ვთქვათ, სიკვდილი და მასთან ერთად სხვა სასჯელნიც ადამიანისგან მომდინარეობენ, ანუ ეს ყოველივე ადამის შეცოდების შედეგია. ყოველივე დანარჩენი ღმერთს უნდა მივაწეროთ, რადგან ჩვენი არსებობა მისი შემოქმედებითი ძალის საქმეა. ასევე განგრძობაც ჩვენი არსებობისა — მისი შემანარჩუნებელი ძალის საქმეა. წარმართვა ჩვენი არსებობისა და ხსნა ჩვენი — ღმერთის განგებულების საქმეა. დაბოლოს, საუკუნო ტკობა ღვთაებრივი სიკეთით ღმერთის სახიერების საქმეა, რომელიც უხვად მიუზღავს ყველას, ვინც ბუნების თანახმიერად ცხოვრობს და რისთვისაც ვკმნილვართ.

რადგან ზოგიერთი უარყოფს საღმრთო განგებულებას, ორიოდ ნიტყვით მათაც მოვახსენებ.

## თ ა ვ ი X X I X

### (საღმრთო) განგებულებისათვის.

განგებულება არის ღმერთის ზრუნვა ყოველი სულიერი-სათვის. სხვა სიტყვებით რომ ვთქვათ, განგებულება არის ღმერთის ნება, რომელიც ყოველივე არსებულს ჯეროვნად წარმართავს. რადგან განგებულება ღმერთის ნებაა, ამიტომ აუცილებელია და ყველაფერი, რაც განგებულებით აღსრულებულა, უეჭველად ყველაზე მშვენიერი, ყველაზე ღირსეული და ღმერთისათვის საფერი უნდა იყოს, ისეთი, რომლის უკეთესიც აღარაფერია. მაშასადამე, აუცილებელია, რომ ერთი და იგივე იყოს როგორც შემოქმედი ყო-

ველივე არსებულისა, ასევე განმგებელიც ყოველივესი; რამეთუ უჯეროა და შეუთავსებელი გონიერებასთან, რომ სხვა ვინმე იყოს შემოქმედი, და სულ სხვა — განმგებელი ყოველივესი. სხვაგვარად რომ ყოფილიყო, მაშინ ხომ ერთიცა და მეორეც უძლურნი აღმოჩნდებოდნენ, — პირველი ვერ შექმნიდა, ხოლო მეორე ვერ განაგებდა, — ეს ცხადზე უცხადესია. ამრიგად, ღმერთი არის შემოქმედიცა და განმგებელიც ყოველივესი, და მის შემოქმედებითს, მპყრობელს (შემნარჩუნებელს) და განგებულებითს ძალას წარმოადგენს ღმერთის ყოვლადსახიერი ნება. საღმრთო წერილიც გვეუბნება: „ყოველივე, რაოდენი ინება უფალმან, ქმნა ცათა შინა და ქვეყანასა ზედა, ზღვათა შინა და ყოველთა უფსკრულთა“ (ფს. 134, 6), და მის ნებას ვერაფერს ვერ ეწინააღმდეგება. მან ისურვა, რომ ყოველივე წარმოქმნილიყო, და — ყოველივე წარმოიქმნა. მას სურს, რომ სამყარო არსებობდეს, და იგიც — არსებობს; მას სურს, რომ ქვეყანა ესე შენარჩუნებულ იყოს, და იგიც შენარჩუნებულია. და ყოველივეც, რაც კი აღსრულდება, ღმერთის ნებითა და სურვილით აღსრულდება<sup>78</sup>.

ხოლო ის, რომ ღმერთი ყოველივეს განაგებს, და ეს მისი განგებულება საკვირველია, ამაში შემდეგნაირად შეიძლება დავრწმუნდეთ: მხოლოდ ღმერთია ბუნებით სახიერი და ბრძენი. ვითარცა სახიერი იგი განიზრახავს და განაგებს ყოველივეს, რამეთუ ვინც არ განაგებს, იგი არც არის სახიერი. ადამიანები და არაგონიერი ცხოველებიც ხომ ბუნებრივად ზრუნავენ თავიანთ შვილთათვის, და თუკი ვინმე ასე არ იქცევა, იგი გაკაცების ღირსია. კვალად, ვითარცა ყოვლადბრძენი — ღმერთი საუკეთესოდ ზრუნავს ყოველი სულიერისთვის.

ამიტომ, რაკი ვიცით ყოველივე, მუდამ უნდა გვაოცებდეს განგებულების საქმენი, მარადეამ განვადიდებდეთ და ყოველივეს სიხარულით ვიღებდეთ — ექვისა და გამოწველილვის გარეშე, თუნდ ეს საქმენი განგებულებისა უსამართლოდ მიგვაჩნდეს. რამეთუ ღმერთის განგებულება ჩვენთვის უხილავი და მიუწვდომელია, ხოლო ჩვენი აზრები, საქმეები და, საერთოდ, მომავალი მხოლოდ ღმერთმა უწყის. ყოველივე ამის შესახებ ვრტყვი, რომ ეს არ არის ჩვენს ხელთ და ცოდნა ამას არ ხელგვეწიფება, რადგან ის, რაც ჩვენს ხელთ არის, არ

არის საღმრთო განგებულების საქმე და ჩვენი თავისუფალი ნებიდან გამომდინარეობს<sup>79</sup>.

ის, რაც საღმრთო განგებულებას ექვემდებარება, ან ღმერთის ნებით სრულდება, ან მისი დაშვებით. ღმერთის ნებით აღსრულდება ყოველივე, რაც უდავოდ კარგია, კეთილია. ხოლო ღმერთის დაშვებით ხშირად აღსრულდება ხოლმე ის, რაც უდავოდ კარგი და კეთილი არ არის. ასე მაგალითად, ზოგჯერ ღმერთი დაუშვებს მართალი მორწმუნეც განსაცდელს ეწიოს, ჭირი და უბედურება დაითმინოს, რათა სხვა ადამიანებს ჯაანახვოს მართალ მორწმუნეში დაფარული სათნოება; ღმერთისაგან ასეთი დაშვებით ხომ ევნო მართალი იობი. ანდა ღმერთი რაღაც უცნაურ, ყოვლად საკვირველ საქმეს დაუშვებს, რათა ამგვარი, აშკარად შეუსაბამო მოქმედებით დიდი და საოცარი რამ აღსრულოს. ასე, მაგალითად, ჯვარის მეშვეობით აღსრულდა ადამიანთა ხსნის საკვირველი საქმე. სხვა შემთხვევაში ღმერთი დაუშვებს, წმიდა ადამიანიც ევნოს და მძიმე სნეულებანი დაითმინოს, რათა არ დაკარგოს კეთილსინდისიერება, ანდა მონიკებულ ღვთაებრივ ძალთა და მადლთა მიზეზით აშპარტავნებით არ აღივსოს; ასე დაემართა, მაგალითად, პავლე მოციქულს<sup>80</sup>.

ზოგჯერ ღმერთი გარკვეული დროით მიატოვებს ხოლმე ადამიანს, რათა მეორეს შეეწიოს, რომელიც მის მაგალითზე უნდა გამოსწორდეს. ასე შეემთხვა, მაგალითად, გლახაკ ლაზარესა და მდიდრს. მართლაცდა, როცა ვხედავთ, თუ როგორ ევენებიან სხვები, ბუნებრივად შევიქნებით ხოლმე მორჩილნი. ზოგიერთ ადამიანს კი, ღმერთი სხვა ადამიანის ვანსადიდებლად მიატოვებს და არა თვით მისი ან მისი მშობლების ცოდვების გამო; ასე მაგალითად, შობიდან ბრმა ადამიანი (სახარებისა) მთელი სიცოცხლის განმავლობაში ევენებოდა თავისი სიბრძავეთ სწორედ იმისთვის, რომ მისით განდიდებულიყო ძე კ ა ც ი ს ა.

გარდა ამისა, ღმერთი ამა თუ იმ ადამიანის ტანჯვას დაუშვებს სხვა ადამიანში საღმრთო მოშურნეობისა და გულმოდგინების განსაღვიძებლად, ანუ იმისათვის, რომ იხილავენ რა სულიერ განდიდებას ტანჯულისა, სხვებიც უშიშრად შეეგებონ ტანჯვა-წამებას სასოებით მომავალი სულიერი განდი-

დებისა და მომავალი ცხოვრების სიკეთის სურვილით. ამიტომ აღსრულდა წმიდა მოწამეთა ტანჯვა.

ზოგჯერ ღმერთი იმასაც დაუშვებს, რომ ადამიანმა სამარცხვინო საქმე აღასრულოს, რათა თვით ამ ადამიანში სხვა, უფრო ბილწი ვნება აღმოფხვრას. ასე მაგალითად, როცა ვინმე თავს იქებს ქველის-საქმით და თავისი მართალი მორჩქუნეობით, ღმერთი დაუშვებს, რომ ასეთი ადამიანი სიძვის ცოდვაში შთავარდეს და სწორედ ამგვარი დაცემის გზით მოგვოს გონს, გულისხმა-ჰყოს თავისი უძლურება, თავი დაიბლაბლოს და აღსარებად შეუვრდეს უფალს.

უნდა ვიცოდეთ ისიც, რომ საქმეთა არჩევანი ჩვენს ხელთაა და ჩვენს ნებაზეა დამოკიდებული, მათი ბოლო კი ღმერთის ნებაზეა დამოკიდებული. ამასთან, კეთილ საქმეთა ბოლო ღმერთის შეწევნითაა განპირობებული, რამეთუ ღმერთი, თავისი წინასწარკვერეტით, მართლიად შეეწევა იმ ადამიანებს, რომელთაც თავიანთი მართალი სინდისით კეთილი ხვედრი აღურჩევიათ. ბოროტ საქმეთა ბოლო ღმერთისაგან მიტევებაზეა დამოკიდებული იმის გამო, რომ ღმერთი, ასევე თავისი წინასწარკვერეტით, მართლიად სტოვებს ხოლმე ადამიანს, და ეს უკანასკნელიც თავის საკუთარ ძალთა ანაბარა რჩება<sup>1</sup>.

თუკი ღმერთი ადამიანს მიატოვებს, ეს ორგვარი სახის შეიძლება იყოს: ერთია გადამრჩენელი მიტოვება, რომელიც შეაგონებს ადამიანს კვლავ ღმრთისკენ მოექცეს, მეორე კი, საბოლოო მიტოვებაა და ღმრთისაგან ადამიანის სრულ უარყოფას გულისხმობს. მხსნელ, ანუ ადამიანის შემაგონებელ მიტოვებას ღმერთი იმისთვის აღასრულებს, რომ გამოასწოროს, იხსნას და განადიდოს ვნებული, ანდა სხვა ადამიანებს საღმრთო მოშურნეობა და კეთილმსახურება ჩაუნერგოს, ღმრთის სადიდებლად განაწყოს. საბოლოოდ ღმერთი მაშინ მიატოვებს ხოლმე ადამიანს, როცა ეს უკანასკნელი, მიუხედავად ღმრთისაგან ყოველი ღონის მოხმობისა მის გადასარჩენად, უსმინარი, უგრძობელი და განუკურნებელი რჩება, ანუ ისეთი, რომლის განკურნეაც შეუძლებელია, და რაც საკუთარივე მისი თავისუფალი ნებით ხდება. აი, მაშინ ასეთი ადამიანის ხვედრი საბოლოო დაღუპვაა, მსგავსად უფლის გამცემი



იუდასი. ღმერთი იყოს ჩვენი ზუარველი და ნურც ნურასოდეს მავეტოვებინეთ მას ამგვარი მიტოვებით!

უნდა ვიცოდეთ ისიც, რომ საღმრთო განგებულების საბე მრავალა, და მათი არც სიტყვით გამოხატვა არის შესაძლებელი ადამიანისთვის და არც გონებით მიწვდომა.

მხედველობაში უნდა მივიღოთ ისიც, რომ თუკი ადამიანები საწუხარ მოვლენას მადლობით მიიღებენ და ღვთის საღედებელს ადავლენენ, სულთა ხსნისათვის, რომ ეგზავნებათ მათ უეჭველია, სარგებლობაც მოაქვთ ესევეითართათვის.

უნდა გვახსოვდეს ისიც, რომ ღმერთს, უპირველეს ყოვლისა, სურს ყოველნი იხსნას და თავის მეუფებას დაუმორჩილოს. მართლაც, როგორც ყოველად სახიერმა ღმერთმა იმისთვის როდი შეგვქმნა, რომ შემდეგ სასჯელს ვწოდოთ, არამედ იმისთვის, რომ თანამოზიარენი გავმხდარიყავით მისი სახიერებისა; მაგრამ ვითარცა მართალ მსაჯულს, ღმერთს სამართლიანად სურს, ცოდვილი ადამიანები დასჯილ იქნენ.

ღმერთის პირველ მოსურვებას ეწოდება წინამსწრობელი ნება, ანუ თნება, და მხოლოდ მასზეა დამოკიდებული. ხოლო მეორე მოსურვებას — შემდგომი ნება ან მიტევება (მიშეება), და მიზეზი ამ მეორე ნებისა ჩვენშია (ჩვენს შეცოდებაშია); ამასთანავე, როგორც ზემოთ ვთქვით, მიტევება ორი სახისაა — მხსნელი, ანუ შემაგონებელი და ისეთი, რომელიც მოასწავებს ღმერთისაგან ადამიანის უარყოფას და მის მიწევნას სრული სასჯელისადმი. ყოველივე ეს ჩვენს ზელთ არ არის, ჩვენი თავისუფალი ნებიდან არ გამომდინარეობს<sup>82</sup>.

რაც შეეხება იმას, რაც ჩვენს ზელთაა, ღმერთს თავისი წინამსწრობელი ნებით სურს ჩვენი კეთილი საქმეები და სწყალობს მათ, ბოროტი საქმეები მას არ სურს ჩვენგან არც თავისი წინამსწრობელი ნებით და არც თავისი შემდგომი ნებით (მიტევებით), მაგრამ ღმერთი მიუშვებს ჩვენს თავისუფალ ნებას ბოროტის ქმნადაც, რამეთუ იძულებით ქმნა რამისა არც გონიერული საქმეა და არც ქველის საქმეს (სათნობას) წარმოადგენს.

ღმერთი ყოველ ქმნილებას განაგებს, მადლს გვიყოფს ჩვენ, გვწყალობს და შეგვიგონებს მთელი ქმნილების მეშვეობით. ამას იგო სჩადის თვით ღმერთთა მეშვეობითაც, რაც ცნობილია მართალი იობისა და ღორთა კოლტის ამბებიდან.

წინასწარცნობისა და წინასწარგანსაზღვრულობისათვის

უნდა ვიცოდეთ, რომ ღმერთმა ყოველივე წინათვე უწყის, მაგრამ წინდაწინ ყოველივეს როდი განსაზღვრავს. იგი წინათვე ხედავს ყველაფერს იმას, რაც ჩვენს ხელთაა და რაც ჩვენს ნებაზეა დამოკიდებული, მაგრამ წინდაწინვე არ განსაზღვრავს ამას, რადგან მას არ სურს არც ის, რომ იძულებით ვქმნათ ქველის საქმენი და არც ის, რომ ჩვენში ბიწიერება იყოს. ამიტომ, შეგვიძლია ვთქვათ, რომ წინათგანსაზღვრულობა ღმერთის ნებიდან მომდინარეობს და მისი ბრძანების საქმეა, და იგი წინათმცნობელობას ეფუძნება. მაგრამ წინასწარმცნობელობის გამო ღმერთი წინასწარ განსაზღვრავს ყოველივე იმას, რაც არ არის ჩვენს ხელთ, რამეთუ თავისი წინასწარმცნობელობით ღმერთმა წინათვე განაჩინა ყოველივე ისე, როგორც ამას მისი სახიერება და სამართლიანობა მოითხოვდა<sup>83</sup>.

ისიც უნდა გვახსოვდეს, რომ სათნოება ჩვენს (ადამიანურ) ბუნებასთან ერთად მოგვეცა ღმერთისაგან, და ამიტომ თვით ღმერთია დასაბამი და მიზეზი ყოველი სიკეთისა, და მისი თანადგომისა და შეწევნის გარეშე ჩვენ არ ძალგვიძს არც მოსურვება და არც ქმნა სიკეთისა. მაგრამ ჩვენს ხელთაა, ანუ ჩვენს ნებაზეა დამოკიდებული ან ამ სათნოებაში დავრჩეთ და ღმერთს მივსდიოთ, რომელიც სწორედ ამას მოგვიწოდებს, ანდა მოვშორდეთ სათნოებას, ანუ მანკიერად ვიცხოვროთ და ეშმაკს შევუდგეთ, რომელიც იძულების გარეშე სწორედ ამისკენ, ანუ ბიწიერი ცხოვრებისაკენ მოგვიწოდებს, რამეთუ ბიწიერება სხვა არაფერია, თუ არა სათნოებას მოკლება, მსგავსად იმისა, როგორც სიბნელე სხვა არაფერია, თუ არა სინათლის მოკლება. ამრიგად, როცა ჩვენი ბუნების თანახმიერად ვცხოვრობთ, ჩვენ სათნოებაში ვრჩებით, ხოლო როცა მოვშორდებით ჩვენთვის ბუნებრივს, ანუ სათნოებას, მაშინ ჩვენი ბუნების საწინააღმდეგო მდგომარეობაში აღმოვჩნდებით და ბიწიერნი შევექნებით ხოლმე<sup>84</sup>.

სინანული არის ბუნების საწინააღმდეგო მდგომარეობიდან

ბუნებრივ მდგომარეობაში დაბრუნება, ანუ ეშმაკისაგან ღმერთ-  
თან დაბრუნება, რაც მოსაგრე ცხოვრებითა და გულმოდგი-  
ნე შრომით აღესრულება.

ადამიანი ღმერთმა (პირველად) მამაკაცად შექმნა, მიანიჭა  
რა მას თავისი საღმრთო მადლი და ამ მადლის ძალით  
განუჩინა თავისთან ერთობა და თანაზიარობა. სწორედ  
ამ მადლის მიერ ადამიანმა, როგორც მეუფემ, სახელები ძის-  
ცა ცხოველებს, რომლებიც ღმერთმა მას დაუქვემდებარა, რა-  
მეთუ შეიქმნა ხატად და მსგავსად ღმრთისა, შემოსილი გო-  
ნიერებით, აზრით და თავისუფალი ნებით, და ამის გამო ბუ-  
ნებრივია, მიიღო ხელმწიფება ამქვეყნიურ არსებებზე და სხვა  
დანარჩენზეც ამქვეყნად ყველასთვის საერთო შემოქმედისა  
და მეუფისაგან<sup>85</sup>.

რადგან ყოველთა წინათმცნობელმა ღმერთმა უწყოდა,  
რომ ადამიანი შესცოდავდა და ხრწნილებას ეწეოდა, ამიტომ  
თვით ამ ადამიანისაგან მან მისთვის ცოლიც შექმნა —  
დედაკაცი, შემწე და მსგავსი მამაკაცისა. მამაკაცის შემწე  
ცოლი იმაში უნდა ყოფილიყო, რომ ადამიანის მოდგმა შეცო-  
დების შემდგომ შობის გზით მემკვიდრეობითად გაგრძელებ-  
ულიყო და შენარჩუნებული ყოფილიყო. აქი ვიცით, რომ  
თავდაპირველი გაჩენა ადამიანისა ქმნად იწოდება, და არა —  
შობად. რამეთუ ქმნა არის თავდაპირველი გაჩენა ადამიანისა  
ღმრთისაგან, შობა კი, მემკვიდრეობითი წარმოშობაა ერთი  
ადამიანისა სხვისაგან იმ დროიდან მოყოლებული, როცა ადა-  
მიანი დაისაჯა და სიკვდილს ეწია შეცოდებისათვის<sup>86</sup>.

ღმერთმა ადამიანი სამოთხეში დაასახლა, რომელიც ერთ-  
დროულად სულისმიერიც იყო და გრძნობისმიერიც. მარ-  
თლაც, ხორციელად ადამიანი გრძნობისმიერ სამოთხეში  
იმყოფებოდა, მიწაზე, სულიერად კი — ანგელოზებს ესაუბ-  
რებოდა, საღმრთო საქმეთ მოიმოქმედებდა და ამით საზრდო-  
ობდა. იგი შიშველი ვიდოდა, რადგან გულით უბრალო, უხაკ-  
ველი იყო და უმანკოდ ცხოვრობდა ქმნილთა მეშვეობით და  
თავისი ფიქრებით შემოქმედთან ამაღლდებოდა, მისი  
ჭვრეტით ნეტარებდა და მზიარულებდა.

ხოლო რადგანაც ღმერთმა ადამიანი თავისუფალი ნებთ  
შემოსა, ამიტომ მცნებაც დაუდო — არ ეკამა ხისაგან შემეც-

ნებასა („ხისაგან ცნობადისა კეთილისა და ბოროტისა“ — დაბად. 2, 17). ამ ხის შესახებ, შეძლებისდაგვარად, საკმაოდ ვთქვით ზემოთ, თავში სამოთხის შესახებ. ღმერთმა ეს მცნება დაუღო ადამიანს და აღუთქვა, რომ თუკი ის დაიმარხავდა სულიერ ღირსებას, ანუ თუკი გონიერება იმძლავრებდა მასში და იგი არ დაივიწყებდა თავის შემოქმედს, შეასრულებდა მის ნებას, მაშინ საუკუნო ნეტარებას ეზიარებოდა და სიკვდილზე აღმატებული დაუსრულებლად იცხოვრებდა. მაგრამ თუკი ის სულს დაუქვემდებარებდა სხეულს და სულიერი სიამეების ნაცვლად ხორციელ ტკობას აღირჩევდა, რითაც უგულისხმო პირუტყვთ მთავარსებობდა და თავისი ღირსების დამკარგავი შემოქმედის ტკბილ უღელსაც გადაიგდებდა, რადგან უგულებელმყოფელი იქმნებოდა მისი მცნებისა, მაშინ გახრწნას დაქვემდებარებული, სიკვდილს ეწეოდა და იძულებული გახდებოდა ოფლითა და შრომით მოეპოვებინა პური არსობისა. ამით უბედური შეიქმნებოდა და საღმრთოთ იცხოვრებდა. მართლაც, ადამიანისთვის სასარგებლო არ იქნებოდა, თუკი ის გამოუცდელი, საცთურისაგან გამოუწვრთნელი მიიღებდა უხრწნელობას, რადგან სხვაგვარად იგი ამპარტავნებას დაემონებოდა და ეშმაკის მსგავს გმობას მიემთხვეოდა, ამ უკანასკნელზე ვიცით, რომ ნებაყოფლობითი დაცემის შემდგომ მოუნანიებელი დარჩა და უცვლელად დამკვიდრდა ბოროტებაში. ამის შესაბამისადვე ანგელოზებმაც, ნებაყოფლობით აღირჩიეს რა სათნოება, საღმრთო მადლის შემწეობით შეურყვევლად დამკვიდრდნენ სიკეთეში.

ამიტომ აუცილებელი იყო, ადამიანი ჯერ საცთურს სწეოდა, რადგან გამოუცდელი და საცთურს მიუწევნელი მამაკაცი არასრულფასოვანია. საჭირო იყო, გამოცდის გზით, რაც მცნების დამარხვაში მდგომარეობდა, ადამიანს სრულყოფილებისთვის მიეღწია, და ამგვარად მიეღო უკვდავება, როგორც საზღაური სათნოებისა. და მართლაც, რაკი თავისი ბუნებით რაღაც საშუალო იყო ღმერთსა და ნივთიერებას (მატიერიას) შორის, ადამიანი, თუკი ყოველგვარ ბუნებრივ მიდრეკილებას განიშორებდა ქმნილი ყოფისადმი და სიყვარულით შეუერთდებოდა ღმერთს, მაშინ მცნების დამარხვის გზით შეურყვევლად დამკვიდრდებოდა სიკეთეში და მარად მასში ჰგი-

ებდა... მაგრამ როცა შეცოდების (მცნების დარღვევის) შედეგად ადამიანი უფრო ნივთიერებისაკენ მიიღრიაკა, და როცა გონება განეშორა თავის მიზეზს, ე. ი. ღმერთს, მაშინ გაიხრწნა, უვნებო არსებისგან ვნებებს დაქვემდებარებულ არსებად შეიქმნა, უკვდავისაგან — მოკვდავად, შეიძინა საჭიროება ქორწინებისა და ხორციელი (წარმავალი) შობისა, სიცოცხლის წყურვილისა გამო დაემონა ხორციელ სიამეთ, როგორც რაღაც აუცილებელს სიცოცხლისათვის, და ვინც ეცდებოდა მოეკლო იგი ამგვარ სიამეთაგან, ესევეითარტ შეუპოვარი სიძულვილი შეაგება; ყოველივე ამის გამო ადამიანის სიყვარული ღმერთის სანაცვლოდ ნივთიერს (ამაქვეყნიურს) მიექცა, ხოლო თავისი რისხვა მან ნამდვილი მტრის ნაცვლად, ადამიანის ხსნის მოწინააღმდეგის ნაცვლად, თავისსავე მსგავს ადამიანებს შეაგება. ასე იძლია ადამიანი ეშმაკის შურით, რამეთუ შურით აღვსებული მოძულე სიკეთისა — ეშმაკი, — თვით საკუთარი თავის ამპარტავნებით ამაღლებისათვის ქვე დამხობილი, ვერ ითმენდა იმას, რომ ჩვენ (ადამიანებს) უზენაეს სიკეთეთათვის მიგვეღწია. ამიტომაც ამ მტყუევარმა აცთუნა საწყალობელი ადამი იმით, რომ იმედი შთაუნერგა, შენც ღმერთის მსგავსი შეიქნებიო, და ასე, აღიყვანა რა საკუთარი (ეშმაკისებრი) ამპარტავნების სიმალღემდე, დასცა და ისეთსავე უფსკრულში შთააგდო დაცემისა, როგორშიც თვით არის შთავარდნილი<sup>87</sup>.

მეორე წიგნისათვის

1. სიტყვით (აიონეს) „ეონები“ გნოსტიკოსები აღნიშნავდნენ ღმერთისაგან გამოსულ სხვადასხვა ძალთ. სწორედ, ამ მნიშვნელობით ესმოდათ ღმერთის შესახებ ნათქვამი „უწინარეს ყოველთა საუკუნეთა“ და „უკუნითი უკუნისამდე“. მათ საწინააღმდეგოდ, გარდა წმ. ირინეოს ლიონელისა, დაუწერია ნეტარ თეოდორიტესაც („მოკლე გადმოცემა საღმრთო დოგმატებისა“). — „აიონ“-aevum-saeculum — საუკუნე, სიცოცხლე (დროის ის მონაკვეთი, ადამიანის სიცოცხლეს რომ შეადგენს)... ასე შეიძლება ითარგმნოს ეს ბერძნული სიტყვა, რომელსაც ზოგიერთ ბერძენ ავტორთან (მაგ. ფილონი) მარადიულობის მნიშვნელობა აქვს „აიონ“ — ღმერთის საკუთარი სახელია, რომელიც მარადის არსებულია (აეი ონ). აქედან, დაუსრულებელი სიცოცხლე სრულყოფილი მნიშვნელობით არ არის „აიონ“ არამედ აღმონაცენია „აიონოს“ — ისა, რადგან თვით ღმერთია მარადის არსებული, მყოფი, და მან, თვით მარადიულობამ, ინება, რომ სულიერი არსებანი საუკუნონი (მარადიულნი) ყოფილიყვნენ...

2 „შვიდი საუკუნე...“ წმიდა მამათა უმრავლესობის აზრით, ეს ქვეყანა 6 ათასი წელი უნდა იყოს, მსგავსად იმისა, როგორც თვით ღმერთმა 6 დღის მანძილზე შექმნა იგი; 89-ე ფსალმუნში (მუხლი 4) ვკითხულობთ, რომ „ათასი წელი წინაშე თვალთა შენთა, უფალო, ვითარცა გუშინდელი დღე...“ მსგავსი გადმოცემა ამა ქვეყნის ხანგრძლიობის შესახებ იუდეველებსაც აქვთ დაცული თალმუდში. წმიდა ბასილი დიდი (პომილია 2, „ექვსთა მათ დღეთათვის“) და წმ. გრიგოლ ღვთისმეტყველი (44-ე სიტყვა) ამბობენ, რომ შექმნათა მეშვიდე დღე არის სახე ამა ქვეყნის საუკუნის აღსრულებისა. ლათინი მამები (სევერიოს ხულკიციოსი, ისიდორე, და საერთოდ, რომაულ-კათოლიკური თთვენიც) ამა ქვეყნის არსებობის დროს 7 ასაკად ჰყოფდნენ. წმ. გერმანე კონსტანტინეპოლელი (XII ს.), წმიდა მამების იპოლიტე რომაელის, კირილე იერუსალიმელისა და იოანე ოქროპირის შეხედულებათა

საფუძველზე ცდილობს დაამტკიცოს (თავის „ლიტურგიი“  
გადმოცემაში“), რომ ანტიქრისტე ქვეყნის გაჩენიდან 6.500  
წლის შემდეგ უნდა მოვიდეს...

3 წმ. გრიგოლ ღვთისმეტყველი. 29-ე, 38-ე, 41-ე და 45-ე  
სიტყვები; Migne, s. gr., t. XXXVI, გვ. 77, 320 და შემდგ.,  
რუს. თარგმ. მოსკოვის სასულიერო აკადემიისა, ნაწ. III,  
(1889), გვ. 44, 197.

4 „ათასწლოვანი ჟამი ორიგენესელი აღდგენისა“... რა  
თქმა უნდა, თვით ორიგენე აცამტვერებს ცელსის მიერ პლა-  
ტონიკოსთაგან ნასესხებ სწავლებას იმის შესახებ, რომ საგ-  
ნები და ესე ქვეყანა უწინდელი სახით უნდა აღდგეს; და ეს  
გაცამტვერება ორიგენეს იმ მოსაზრების გამო ხდება, რომ თუ  
მართლაც უნდა აღდგეს უწინდელი რიგი საუკუნეთა და საგ-  
ნებისა, მაშინ აღარ დარჩება აღგილი თავისუფლებისათვის,  
და ადამიანური საქმეები უსათუო აუცალებლობას დაექვემ-  
დებარება. მაშასადამე, კვლავ ისიბრძნისმეტყველებს სოკრა-  
ტე, მოსე კვლავ წაიყვანს თავის ერს პალესტინისაკენ და სხვა.  
ამგვარად გადმოსცემს თავის შეხედულებას ამ საკითხზე ორი-  
გენე IV წიგნში თავისი შრომისა „ცელსის წინააღმდეგ“. მაგ-  
რამ, საზოგადოდ მისი შეხედულება არასწორი იყო. მაგალი-  
თად, ორიგენე ფიქრობდა, რომ ესე ქვეყანა ბოლოს იმდენად  
განიწმინდება, რომ დემონები და უკეთური ადამიანები დაიბ-  
რუნებენ საღმრთო მადლს და სათნონი შეიქმნებიანო; და რომ  
ანგელოზთაგან ერთნი, თავიანთ შეცოდებათა გამო დეჰონე-  
ბად იცვალვიან, სხვანი კი, განიდევნებიან ზეციდან იმისათ-  
ვის, რომ ადამიანთა სხეულებში დამკვიდრდნენო... და მაინც,  
მომავალი მოვლენები ისეთივე არ იქნება, როგორც მანამდე  
იყო... — ეს მცდარი შეხედულება ჯერ კიდევ ორიგენემდე  
დაგმო წმ. იუსტინემ (apolog. 1), რომელიც ასწავლიდა, უკე-  
თურნი მხოლოდ ათასი წლის განმავლობაში კი არ იტანჯებიან,  
არამედ სამარადისოდო. წმ. ბასილი დიდი (30-ე ჰომილია  
„ექვსთა მათ ღღეთათვის“) არ იწონებდა ორიგენეს ამ სწავ-  
ლებას აღდგენის შესახებ. მოგვიანებით ათასწლოვანი  
აღდგენის წინააღმდეგ გამოვიდნენ წმიდა მარკიმე აღმსარებე-  
ლი და წმ. გერმანე კონსტანტინოპოლელი.

5: წმ. გრიგოლ ღვთისმეტყველი. 38-ე და 45-ე სიტყვები;

წმ. დიონისე არეოპაგელი. „სადმრთოთა სახელთათვის“; „სა-  
ეკლესიო იერარქიის შესახებ“, 4, Migne, s. gr., t. III, coll.  
177; რუს. თარგმ. მოსკოვის სასულიერო აკადემიისა (1889),  
გვ. 18.

6. წმ. გრიგოლ ღვთისმეტყველი. 38-ე და 45-ე სიტყვები

7. ძველთაგან მრავალნი (იუდეველ ჟამთააღმწერელ ფლა-  
ვიოსის შემდგომ) ანგელოზებს ისეთი სხეულის მქონედ მიიჩ-  
ნევდნენ, რომ შესაძლებლად თვლიდნენ მათს შეერთებას  
„ქაცთა ასულებთან“ წარღვნამდე (იხ. დაბად. 6, 2), რისთვისაც  
ზოგიერთი მათგანი, თითქოსდა, დემონად იცვალა. ამ  
მცდარ შეხედულებას უარყოფენ წმ. იოანე ოქროპირი და  
ნეტარი თეოდორიტე (დაბადების განმარტებანი, თ. 6). იოანე  
თესალონიკელი წმ. მამების ბასილი დიდის, ათანასე ალექსან-  
დრიელისა და მეთოდეს სწავლების საფუძველზე ამბობდა,  
რომ ანგელოზები სხეულის მქონენი არიან და მათი გამოსახ-  
ვაც კი არის შესაძლებელიო, ამასთან მცდარად მიიჩნევდა წმ.  
ათანასეს იმ შრომის ავტორად, რომელსაც ეყრდნობოდა  
(„Quaest. ad Antiochum“); ასევე ამაოდ იშველიებს იგი ბასი-  
ლი დიდსაც, რომელიც იოანე თესალონიკელის მიერ ციტი-  
რებულ ადგილას ამბობს, ანგელოზთა ბუნება „შეიძლება“  
იყოს ჰაეროვანი სული ანდა უნივთო ცეცხლიო... წმიდა იო-  
ანე დამასკელი გვასწავლის, რომ ანგელოზნი წმიდა გონებანი  
არიან, მხოლოდ გონებით მისაწვდომ ადგილას იმყოფებიან,  
გარეშემოუწერელნი არიან და სხვ. ამაში იგი წმ. გრიგოლ  
ღვთისმეტყველს ეყრდნობა, რომელიც ანგელოზებს წმიდა  
გონებითაც უწოდებს, უნივთო ცეცხლთაც და უხორცო არსე-  
ბებსაც.

8. წმ. ნემეზიოსი. „ადამიანის ბუნებისათვის“, 1, Migne,  
s. gr., t. XL, coll. 521; რუს. თარგმ, თ. ვლადიმირსკისა (პო-  
ჩაევი, 1904), გვ. 31.

9 „ანგელოზები უკვდავნი არიან არა ბუნებით, არამედ  
ღვთაებრივი მადლით“, რადგან რასაც დასაწყისი აქვს, უსა-  
თუოდ გააჩნია დასასრულიც და თუ ასეთი რაიმე (რასაც და-  
საწყისი აქვს) უკვდავია, თავისი ბუნების გამო როდია ასეთი.  
ასე გვასწავლიან წმ. ირინეოს ლიონელი (lib. III. c. 63), წმი-  
და ეპიფანე (haer., 76), წმიდა კირილე იერუსალიმელი (Thes.



assert. 20) და ბევრი სხვა მამა ეკლესიისა. მათ მსგავსად მსჯელობს წმ. იოანე დამასკელი, როცა ლაპარაკობს ანგელოზთა, გონიერი სულისა და ცათა შესახებ. დიალოგში „ძანიქველთა წინააღმდეგ“ მოჰყავს მაგალითი ისეთი სხეულისა, რომელიც თავისთავად კი არ მოძრაობს, არამედ გარეგანი ძალით არის ამოძრავებული. ეს სხეული წყვეტს მოძრაობას და ჩერდება, თუკი ახალ ბიძგს არ მიიღებს გარედან. ასევე ანგელოზნიც, მიაღწევენ რა მათთვის დადგენილ ზღვარს არსებობისა, შემოქმედის ბრძანებით კვლავ იწყებენ თავის სასიცოცხლო მოძრაობას...

10. „ანგელოზები სიტყვის წარმოუთქმელად გადასცემენ ერთმანეთს აზრებს“, — ანგელოზებს, როგორც გონიერ (სიტყვიერ „ლოგიკოს“) არსებებს, რა თქმა უნდა, სიტყვიერობაც ახასიათებთ, მაგრამ მათი სიტყვა არ არის ჩვენი, ადამიანთა, სიტყვის მსგავსი, განსაზღვრული გარეგანი, მატერიალური პირობებით. ანგელოზნი, როგორც ვიცით, არიან უნივთონი (არამატერიალურნი), მარტივნი (არაშედგენილნი, განსხვავებით ადამიანისაგან. რომელიც სხეულისა და სულისაგან შედგება), უსხეულონი..., რის გამოც ისინი ერთმანეთს განმსჯვალავენ, იციან ერთურობის აზრები და მღუშარედ უფრო ცხადად მეტყველებენ, ვიდრე ჩვენ, როცა სიტყვებს წარმოუთქვამთ... მათი ადგილსამყოფელი სულიერაა, ანუ მხოლოდ გონებით მისაწვდომი (ამაზე საუბარია I წიგნის XIII თავში).

11. წმ. გრიგოლ ღვთისმეტყველი. 28-ე სიტყვა; Migne, t. XXXVI, გვ. 72; წმ. კირილე ალექსანდრიელი, საგანძური. 31; წმ. დიონისე არეოპაგელი. „ზეციური იერარქიის შესახებ“, 3, Migne, III, გვ. 163-168, რუს. თარგმ., გვ. 15-17.

12. წმ. გრიგოლ ღვთისმეტყველი. იქვე; წმ. დიონისე არეოპაგელი. იქვე, 9.

13. წმ. გრიგოლ ღვთისმეტყველი. 38-ე სიტყვა; წმ. ბასილი დიდი. სულიწმიდის შესახებ, 16; Migne. XXXII, coll. 136-137, თარგმანი რუსულ ენაზე მოსკოვის სასულიერო აკადემიისა, ნაწ. III, 1891 წ., გვ. 235.

14. ანგელოზთა სხვადასხვა წოდების არსებობას აღიარებენ წმ. გრიგოლ ღვთისმეტყველი (34-ე სიტყვა), რომელიც, მათი ბუნებისა და მდგომარეობის მიხედვით, სხვადასხვა

ანგელოზს განსხვავებული ხარისხის (ღირსების) ნათლის მქონედ მიიჩნევდა; წმ. კირილე იერუსალიმელი (Thes., assert. 31), რომელიც ამბობს, ღმერთმა ყოველ გონიერ ქმნილებას იმ ზომით მიჰმადლა ღვთაებრივი ნათელი, რა ზომითაც თითოეულის ბუნებას ძალუძდა მისი დატეენა, ანუ ანგელოზთ — ნაკლები, მთავარანგელოზთ — უფრო მეტი, ხოლო ამ ზეციურ არსებებზე აღმატებულ ძალთ — კიდევ უფრო მეტიო (შდრ. წმ. ეპიფანეს „მწვალებლობათათვის“, 64). ანგელოზთა დასის ასეთ დაყოფას წოდებათა მიხედვით ეხვდებით წმიდა დიონისე არეოპაგელთანაც. მაშ, რამდენია ანგელოზთა წოდება თუ ხარისხი? — წმიდა დიონისე 9 წოდებას აღრაცხავს. წმიდა გრიგოლ ღვთისმეტყველი, გამოტოვებს რა ქერუბიმთა და სერაბიმთ, დაითვლის დანარჩენ შვიდ წოდებას. წმ. გრიგოლ ნოსელი (I სიტყვა ევნომიანელთა წინააღმდეგ) და წმ. იოანე ოქროპირი (I ეპისტოლე კოლოსელთა მიმართ) ამტკიცებდნენ, რომ საყდარნი და ქურუბიმნი — ერთი და იგივე ზეციური ძალაა, რადგანაც საღმრთო წერილი ლაპარაკობს იმ ღმერთზე, რომელიც ქერუბიმთა მადლად მეუფებს... წმიდა მართლმადიდებელი ეკლესია ასწავლის წმ. დიონისე არეოპაგელისა და წმ. იოანე დამასკელის შეხედულებათა შესაბამისად, ანუ აღრაცხავს 9 წოდებას ზეციური ძალებისას იმ რიგით ღირსებათა თუ წოდებათა, როგორც ამ წმიდა მამებმა მოგვცეს. ზოგიერთი მამა ეკლესიისა (წმ. მეთოდე ნატარელი, წმ. გრიგოლ ნოსელი, წმ. იოანე ოქროპირი და სხვ.) ასწავლიდნენ, რომ ეშმაკი და მისი თანამონაწილენი დაეცნენ ანგელოზთა იმ დასიდან. რომელთაც მიხედობილი ჰქონდათ უდაბურ ლესი ქვეყანა (გაგიხსენოთ თუნდაც იობის წიგნი — თავი 2, I და II მუხლ.).

15. „როდის შეიქმნენ ანგელოზნი?“ — წმ. ეპიფანე (Panariorum, წგ. II) ამბობს, რომ ანგელოზნი ღმერთმა პირველსავე დღეს შექმნა, როცა დაებადნენ ცა, ქვეყანა და ნათელი. ამასთან იგი ეყრდნობა იობის წიგნს (38, 7), სადაც თვით უფალი ამბობს: „ოდეს იქმნეს ვარსკვლავნი, მაქებდეს მე ხმითა დიდითა ანგელოზნი ჩემნი“. გარდა ამისაო, ამბობს წმ. ეპიფანე, ანგელოზნი ცათა და ქვეყნის უწინარეს რომ იყვნენ შექმნილნი, როგორც ზოგიერთნი ამტკიცებენ, მამინ

სადრძრთო წერილიც არ გვიმოწმებდა, რომ „დასაბამად ქმნა ღმერთმა ცაჲ და ქვეყანაჲ“-ო (დაბად. 1, 1). წმიდა მამის ამ შეხედულებას (იხ. მისი „მწვეალებლობათათვის“, 65) ეთანხმება ნეტარი თეოდორიტიც (იხ. მისი quaest. 3 in. Len.), ხოლო წმ. ბასილი დიდი (ჰომილია I „ექვსთა მათ ღღეთათვის“), და წმ. იოანე დამასკელი უფრო სწორად მეორე შეხედულებას მიიჩნევენ, რომელსაც წმ. იოანე ოქროპირიც აღიარებს, და ამაში ყველა ისინი წმ. გრიგოლ ღვთისმეტყველის ავტორიტეტს ეყრდნობიან. წმ. გენადი კონსტანტინეპოლელი ამბობს (caten. niss. in Genes.), რომ ყოველივე სულიერი და გონიერი ღრთის მხრივ, უფრო სწორად, წარმოშობის მხრივ, წინ უნდა უსწრებდეს ყოველივე გრძნობისმიერს, რადგან ბუნებით აღმატებულია მასზეო.

16. იმ საკითხის გარკვევაში, თუ ანგელოზთა რომელი დასიდან დაეცნენ ეშმაკი და ღემონები წმ. იოანე დამასკელი ეყრდნობა წმიდა გრიგოლ ნოსელის შეხედულებას, რომლის მიხედვითაც, როგორც ზემოთ აღვნიშნეთ, ეშმაკი და მისი თანამზრახველნი განეკუთვნებოდნენ სამყაროს უღაბლეს ნაწილზე დადგენილ ანგელოზებს. ასეთი იყო ძველ ფილოსოფოსთა ვარაუდი, მაგალითად, ათენაგორასი, მეთოდესი, რომელთაც წმ. იოანე ოქროპირიც ეთანხმება (IV ჰომილია წმ. პავლე მოციქულის ეპისტოლეზე ეფესელთა მიმართ), და ამასთან დასძენს, რომ ეშმაკს ღმერთის წინააღმდეგ აღდგომის შემდგომაც არ დაუჯარგავს მთავრობა ყოველივე იმაზე, რაც არის ამა ცისქვეშეთში; წმ. პავლე მოციქულიც ხომ ეშმაკს ჰაერის მთავარს უწოდებს (ეფეს. 2. 2) და პირდაპირ ამბობს „არა არს ზრძოლაჲ ჩვენი სისხლთა მიმართ და ხორცთა, არამედ მთავრობათა მიმართ და ხელმწიფებათა, სოფლის მპყრობელთა მიმართ ბნელისა მის ამის საწუთროსამთა, სულთა მიმართ უკეთურებისათა, რომელნი არიან ცასა ქვეშე“ (ეფეს. 6, 12). ასე ფიქრობს ნეტარი თეოდორიტიც (იხ. მისი განმარტებანი შესაბამისი ადგილებისა და „სადრძრთო დოგმატთა მოკლე გადმოცემა“). წმ. კირილე იერუსალიმელი ფიქრობს, რომ ეშმაკი მთავარანგელოზი იყო. წმ. ათანასე ალექსანდრიელი (რომელსაც ეყრდნობა წმ. კირილე) ამბობს, რომ ეშმაკი დაეცა ჭერუბიმა უმაღლესი წოდებიდან, და ამაში ის

წმ. ეზეკიელის წინასწარმეტყველებას ეყრდნობა, სადაც, თითქმის ყველა მამის საერთო შეხედულებით, სწორედ ეშმაკის დაცემა იგულისხმება, როცა ტვიროსის მეფის შესახებაა დაპარაკი (ეზეკ. 28, 2).

17. წმიდა ირინეოსი ამბობს, რომ ეშმაკი ღმერთს მას შემდეგ განეშორა, რაც შურით აღინთო მისი ქმნილებით — ადამიანის — მიმართ და ყოველმხრივ ეცადა (და ცდილობს კვლავ) ღმერთის მტრად ექცია (I. IV. c. 48). ზოგნი, კვალად, ფიქრობენ, — ეშმაკი იმიტომ გარდამოვარდა ზეცით, რომ ადამიანისათვის ჯეროვანი პატივის მიგება არ ისურვაო (Quaest. ad Antioch., q. 10); ამ გამონაგონის შემოღებად ბერძნებიც სახელდებიან და არაბებიც... წმ. იოანე დამასკელი, სხვა წმიდა მამათა თანახმად, ამბობს, რომ ეშმაკი ღმერთს აღუდგა განზრახვით — მისი, მალის, მსგავსი გამზდარიყო; სწორედ ასე განმარტავენ ერთ ადგილს წმიდა ესაიას წინასწარმეტყველების წიგნიდან, სადაც ნათქვამია: „ვითარ განვარდა ცისაგან მთიები. განთიად აღმომავალი? შეიმუხრა ქვეყანასა ზედა განმავლენელი ყოველთა წარმართთა. ხოლო შენ სთქუ გულსა შინა შენსა: ზეცად მიმართ აღვიდე, ზედაით ვარსკვლავთა ცისათა დავდგა საყდარი ჩემი, დავეჯდე მთასა ზედა მაღალსა, მათა ზედა მაღალთა ჩრდილოთ, აღვიდე ზედა ღრუბელთა და ვიყო მსგავსი მალლისა“ (ესაია. 14, 12-14). წმ. გრიგოლ ღვთისმეტყველი ამბობს, რომ ეშმაკი იმედოვნებდა დიდი ღმერთის მსგავსი ხელმწიფება მიეღო, მაგრამ სანაცვლოდ მისი ხვედრი უკუნი წყვდიადი შეიქმნაო (Carm. de substantia). წმ. იოანე დამასკელი თავის სხვა ნაშრომშიც („დიאלოგი მანიქეველთა წინააღმდეგ“) ამბობს, რომ ეშმაკი თავისი ნებით შეიცვალა და ნათლის ანგელოზიდან წყვდიადის ანგელოზად იქცა, რადგან ამპარტავნებამ შეიპყრო და ისურვა ღმერთის მსგავსი გამზდარიყო.

18. წმ. დიონისე არეოპაგელი. „საღმრთოთა სახელთათვის“, 4; რასაც წმ იოანე დამასკელი დემონთა ბუნების შესახებ ამბობს, ყოველივე ეს მანიქეველთა შეხედულებას უკუაგდებს, რომელნიც ამტკიცებდნენ, — ეშმაკი მატერიის უბოროტესი გენიააო, იგი უზენაესი ბოროტებაა. ამქვეყნად ყვილა სიბოროტის მიზეზი, თავად კი, დამოუკიდებელი და მარა-

დიული წყვილია; მანიქეველთა ცრუ-შეხედულების თანახმად, ეშმაკმა თავისი თავისაგან წარმოშვა ურიცხვი დემონები და მსგავსი თვისებებიც შესძინა, რათა ამით ღმერთი, ანუ უზენაესი სიკეთე მოეწყვა... მანიქეველთა ბოროტ შეცდომილებას შესანიშნავად უკუაგდებს წმ. დიონისე არეოპაგელი, რომლისგანაც ისესხა წმ. იოანე დამასკელმა ყოველივე ეს. უფრო დაწვრცელებით დემონთა შესახებ იგი საუბრობს თავის „ღიალოგში მანიქეველთა წინააღმდეგ“. დემონები ბოროტნი შეიქნენ, თუმცა „მათი ბუნება (თავდაპირველად) ისეთვე იყო, როგორიც ანგელოზებს აქვთ“, — ამ შეხედულებას ადვას ეალესიის ყველა უვამორჩეულესი მოძღვარი. მაგრაი იუსტინე, ათენაგორა და სხვები, რომლებიც პლატონის ფილოსოფიის გავლენის ქვეშ მოექცნენ, დემონებს შექმედებრივად განსაზღვრავდნენ: დემონები ანგელოზნი კი არ იყვნენ მხოლოდ, კაცთა ასულებს რომ ერთავდნენ ცოლად წარღვნამდე, არამედ მათგან შობილი გმირების სულებიც, ამასთან, ერთნიცა და მეორენიც შემოსილი იყვნენ ბილწი ჰაეროვანი სხეულებით და მიდრეკილნი იყვნენ ყოველნაირი გრძნობისმიერი სიამის მისაღებადო. წმ. იოანე ოქროპირმა თავისი ზოგიერთი სიტყვა იმათ წინააღმდეგ მიმართა, ვინც (ტერტულიანეს მსგავსად), წარმართი ფილოსოფოსების შეხედულებათა გავლენით ამტკიცებდა, სასტიკი სიკვდილით დაღუპულთა სულები დემონებში მკვიდრდებიანო. ზოგიერთი მამა გვასწავლის, დემონები ტკბობას განიცდიან მათდა მსხვერპლად მიტანილთა სისხლის ანაორთქლით და საზრდოობენ კიდევ ამითო; გარდა ამისა, ისინი, რა თქმა უნდა ადამიანთა არაწმიდა მიღრეკილებებითაც ტკბებიანო. ასე ასწავლიან წმ. გრიგოლ ღვთისმეტყველი (მე-19 და 38-ე სიტყვები), წმ. იოანე ოქროპირი (მე-2 სიტყვა), წმ. ბასილი დიდი (თ. I ესაიას წინასწარმეტყველების განმარტებანი), რომელიც ამტკიცებდა, დემონები უსხეულონი არიანო (იქვე, თავი III).

19. წმ. ნემეზიოსი „ადამიანის ბუნებისათვის“, 1.

20. წმ. ბასილი დიდი. „ექვსთა მათ ღღეთათვის“, მე-2 ჰომილია; Migne, s. gr., t. XXIX, coll. 21, 25, 28; რუს. თარგმ. მოსკოვის სასულიერო აკადემიისა, ნაწ. I (1891), გვ. 15, 18-20. წმ. იოანე დამასკელი ამბობს, რომ არსებობს მხო-

ლოდ სამი ცა: ჰაეროვანი სივრცე, მყარი („სამყარო“ — დაბად. 1. 8) და უფარსკვლავო სფერო. ეკლესიის მამები ფრთხილობდნენ, რომ ცათა რიცხვის განმრავლებით გნოსტიკოსთა წისქვილზე არ დაესხათ წყალი, რომელთაგან ზოგიერთი შეიღი ცის არსებობას ამტკიცებდა, ამდენივე ძალის მიერ რომ იყვნენ შექმნილნი; სხვანი კი, უფრო მეტი ცის არსებობასაც ამბობდნენ, და ისეთიც იყვნენ, 365 ცა არსებობსო, რომ ამბობდნენ. ამიტომ წმ. იოანე ოქროპირი (ჰომილია 4, „დაბადებაზე“) აღიარებს მხოლოდ ერთ ცას; ნეტარი აგვუსტინე — ორს, რომელთაგან ერთი დასაბამად შექმნა ღმერთმა ქვეყანასთან ერთად, მეორე კი წყალთა განყოფის შემდგომ და მას „სამყარო“ უწოდა. წმ. ბასილი დიდი (ჰომილია 3, „ექვსთა მათ დღეთათვის“) ლაპარაკობს სამი ცის შესახებ, და ამასთან წმიდა პავლე მოციქულს ეყრდნობა, რომელიც „აღტაცებულ იქნა მესამედ ცაღმდე“... პერიპათეტიკოსები ცას „მეხუთე სხეულად“ მიიჩნევდნენ, რომელიც არ ექვემდებარება რღვევას და ისეთი რაღაცაა, რასაც არაფერი საერთო არა აქვს ჩვენთვის ცნობილ ოთხ სტიქიასთან ამა ქვეყნისა (მიწა, ჰაერი, წყალი, ცეცხლი). წმ. ნემეზიოსი („ადამიანის ბუნებისათვის“, 5) ამბობს, რომ არისტოტელეს შემოაქვს მეხუთე სხეული, ზეციური და წრიულად მოძრავი, რადგანაც არ სურს, ცა ოთხი ელემენტისაგან შემდგარი რამ იყოსო; წრიულად მოძრავს კი იმიტომ უწოდებს, რომ ცა დედამიწის ახლოს ბრუნავსო; პლატონი ცას მიწისა და ცეცხლისაგან შემდგარად მიიჩნევსო. ნემეზიოსისავე სიტყვით, არისტოტელემ იმის გამო შემოიღო „მეხუთე სხეული“, რომ ელემენტებს (სტიქიებს) უნარი აქვთ იმოძრაონ ზევით ან ქვევით, წინ ან უკან, ცა და ვარსკვლავები კი, წრიულად მოძრაობენ. არისტოტელეს ასეთი შეხედულება წმიდა მამებისათვის იმდენად არ იყო მისაღები, რამდენადაც იგი ამ მეხუთე ელემენტს თითქოსდა ღმერთის სხეულად მიიჩნევდა.

21. აქ წმ. იოანე დამასკელი გადმოსცემს სამყაროს აგებულების იმ სისტემას, რომელიც არისტოტელესა და პტოლომეოსს ეკუთვნის, ამასთან იგი ითვალისწინებს მათ მოწინააღმდეგეთა შეხედულებებსაც. ბერძენ მამათაგან ამ მოწინააღმდეგეთა შორის პირველი ადგილი ეკუთვნის წმ. იოანე

ოქროპირს, რომლის მტკიცებითაც სამყარო ნახევარწრიული ოგებულებისაა, და ამიტომ, ზეცა წრიულად არ მოძრაობს, დედამიწას თაღის სახედ ევლება, დედამიწა კი, სამყაროს თაღის უდაბლეს ადგილას მდებარეობს, როგორც რამ ნალექიო. ბსეთ დასკვნას იგი წმ. პავლე მოციქულზე დაყრდნობით აკეთებს, რომელიც ღმერთის მიერ „აშენებულ“ ჭეშმარიტებას კარავზე ლაპარაკობს (ებრ. 8, 2). სად არიანო, — ამბობს წმ. იოანე ოქროპირი. — ისინი, ვინც ამტკიცებდა — ცა ბრუნავსო? სადა არიან ისინი, რომელნიც ამბობენ — ცა სფეროსებრიიაო? — ერთიცა და მეორე შეხედულებაც აქ უარყოფილია წმიდა პავლე მოციქულის მიერ... ამავე აზრს, თითქმის იგივე სიტყვებით იმეორებს პროკოფი დაზელიც („შექმნათათვის“, თ. 1), რომელიც ესაია წინასწარმეტყველისა და დავით მეფის სიტყვებს ეყრდნობა (ესაია 40, 22: „...რომელმან დაადგინა ვითარცა კამარა ცაჲ და გარდაართხნა ვითარცა კარავი დამკვიდრებად“; ფს. 18, 7: „ცის კილითგან არს გამოსვლია მისი და მიწევნაჲ მისი ვიდრე კიდედ ცისადმდე“; იგივეა ნათქვამი მათეს სახარებაშიც — 24, 31: „...და შეკრიბნეს რჩეულნი მისნი ოთხთაგან ქართა კილითგან ცათაჲთ ვიდრე კრდემდე მათა“). მისი დასკვნა ასეთია: თუკი ცა მართლაც სფეროსებრია, მაშინ არ უნდა ჰქონდეს კიდეებიო. წმ. ბასილი დიდი (III ჰომილია „ექვსთა მათ დღეთათვის“) ფიქრობს, რომ დედამიწა და ცა — მრგვალია და ცა წრიული მოძრაობით ბრუნავს. ამასვე აღიარებს წმ. მაქსიმე აღმსარებელიც. იგივე შეხედულებას ადგას წმიდა იოანე დამასკელი.

22. წმ. ბასილი დიდი. „ექვსთა მათ დღეთათვის“, III ჰომილია, Migne, 57; რუს. თარგმ., გვ. 39-40.

23. არისტოტელე ასწავლიდა, რომ ცა დაურღვეველია სწორედ მისთვის დამახასიათებელ თვისებათა გამო. წმიდა ირინეოს ლიონელი (წგ. 4, 6) და სხვა მამები საწინააღმდეგოს ამტკიცებენ: ისინი საღმრთო წერილის მოწმობას ეყრდნობიან და ამბობენ, რომ ცა, ისევე როგორც ქვეყანა, უნდა დაირღვეს (წარხდეს); ამაზე საუბარია წმიდა პავლე მოციქულის ეპისტოლეში ებრაელთა მიმართ. (1, 10.12), სადაც ვკითხულობთ: „და შენ, დასაბამსა, უფალო, ქვეყანაჲ დააფუძნე, და ქმნულნი ხელთა შენთანი — ცანი, არიან; იგინი წარხდენ, ხო-

ლო შენ ეგო უკუნისამდე; და ყოველნი ვითარცა სამოსელნი დაძველდნენ, და ვითარცა შესამოსელნი სცვალნენ იგინი, და იცვალნენ“. ამასვე ამბობენ წმ. ბასილი დიდი და წმ. იოანე დამასკელი, — რასაც დროში დასაბამი მიუღია, იმას უსათუოდ დასასრულიც უნდა ჰქონდესო. ამის გამო წმ. ბასილი დიდი საცინლად იგდებს ე. წ. მათემატიკოსებს, რომელნიც ამ მხრივ საოცარ აზრებს გამოთქვამდნენ. წმ. იოანე ოქროპირი აღიარებს მხოლოდ ცვალებას (და არა — „წარხდომას“) ცისა და ქვეყანისა, რომელნიც უნდა განახლდნენ.

24. წარმართთა დიდი შეცდომა ის იყო, რომ ცასა და ვარსკვლავებს გასულიერებულ (ანუ გონიერ) არსებებად მიიჩნევდნენ, და ღმერთებადაც სწორედ მათ აღიარებდნენ. ასეთივე შეხედულებისა არიან არა მხოლოდ მანიქეველნი, არამედ ორიგენეც... წმ. იოანე დამასკელი ამ შეხედულების წინააღმდეგია.

25. წმ. ბასილი დიდი. „ექვსთა მათ დღეთათვის“, ჰომილია I და III.

26. წმ. ბასილი დიდი. იქვეა, ჰომილია II.

27. იქვეა.

28. იქვე, ჰომილია VI.

29. წმ. ნემეზიოსი (35 და 36) ბრწყინვალედ აბათილებს წარმართთა შეხედულებას მასზედ, რომ ადამიანთა საქმენი აუცილებელ ბედისწერას ექვემდებარება. თავის მსჯელობაში წმ. იოანე დამასკელიც მას ეყრდნობა. საოცარია, რომ ასტროლოგიას ქრისტიანულ სამყაროში ჰქონდა გასავალი და ზოგჯერ ქრისტიანი მორწმუნენი შესაძლებლად მიიჩნევდნენ ამოცნოთ მომავალი მოვლენები ვარსკვლავებზე დაკვირვებით, რომლებიც, თითქოსდა, წინდაწინ განსაზღვრავდნენ ადამიანის ცხოვრებას. ორიგენე („სათნოთმოყვარეობა“, 22) ამტკიცებდა, რომ ვარსკვლავებს არ ძალუძთ იყვნენ ადამიანთა საქმეთა თუ სხვა რაიმეს წარმოქმნელი მიზეზი, ანუ ყველაფერ იმისა, რაც ადამიანის თავისუფალ ნებაზეა დამოკიდებული; მაგრამ, ამასთანავე, იგი ეთანხმება იმ შეხედულებას, რომლის მიხედვითაც ყველაფერი, რაც ჩვენს თავს და ჩვენს გარშემო ხდება, ვარსკვლავებით არის მინიშნებული; „თორ-



მეტი მამამთავრის ანდერძში“ მას (ორიგენეს) წაუკითხავს, ვითომცდა, იაკობის მიერ იოსებისათვის თქმული სიტყვება, რომელთა შინაარსი შემდეგია: ცის „დაფაზე“ (ძელზე) შესასაღებელია ყველაფრის წაკითხვა, რაც მოპაველში შეგვემთხვევაო. ამის საფუძველზე ორიგენე ამტკიცებდა, რომ ცა გრანოლის სსგავსია, რომელზეც ღმერთმა ყოველივე ის აღბეჭდა, რაც უნდა აღსრულდესო. ამის დასაბუთება მას კვლავაც საღმრთო წერილის მოხმობით სურს, რომელშიც ნათქვამია: ცა წარიგრაგნება როგორც წიგნით (პოს ბიბლიონ). პროკოფი ღაზელი გადაჭრით უარყოფს ამგვარ შეხედულებას, როგორც ყოველად უსაფუძვლოს და ქრისტიანი მორწმუნისათვის შეუფერებელს. თუმცა ორიგენე იმასაც დასძენს, ადამიანს თავისით არ ძალუძს ზეციურ ნიშთა გაგება, თუკი ზეც-სავე მკვიდრნი, ანუ ანგელოზნი არ დაჰმოდვრჩავენო. ადამიანია ბედზე ვარსკვლავთა გავლენის უმართებულობას უფრო ნათლად ამტკიცებენ წმ. ბასილი დიდი („ექვსთა მათ დღეთათვის“, პომილია 7), ნეტარი ავგუსტინე („საღმრთო ქალაქისათვის“, წვ. 1) და სხვანი. ასტროლოგთა წინააღმდეგ მათ ერთნაირი მავალთი მოპყავთ — ტყუულების ცხოვრება, რომელნიც თუმცა ერთად ჩასახულან და თითქმის ერთდროულად დაბადებულან, მაინც სხვადასხვა ხასიათი აქეთ და სხვადასხვა ცხოვრებითაც ცხოვრობენ ხოლმე. ამასთანავე წმ. ბასილი დიდი ეთანხმება იმას, რომ წელიწადის დრონი, პაერთა ცვალებადობანი და სხვა ამგვარი მოვლენები მზისა და ვარსკვლავების ზემოქმედებით წარმოიშვებიან, ანდა მნათობთაგან არიან მინიშნებულნი.

30. წმ. ბასილი დიდი. „ექვსთა მათ დღეთათვის“, პომილია 6; წმ. ნემეზიოსი. „ადამიანის ბუნებისათვის“, 36-37.

31. წმ. ნემეზიოსი. იქვე, 5.

32. იქვე.

33. წმ. ბასილი დიდი უარყოფდა ორიგენის იმ შეხედულებას, რომ ცათა მადლად მდებარე წყალნი ანგელოზთა ძალნია, ხოლო ცის ქვემოთ მდებარე წყალნი — წყვილიადის მთავრის, ეშმაკის ძალნია. ზენა წყალთა ქვეშ წმ. ბასილი დიდი ცულისხმობს ზღვათა და მდინარეთაგან აორთქლებულ წყალთ, რომელნიც კვლავ დედამიწას უბრუნდება: წვიმების სახით.

ასე მსჯელობს სევერიანე გავალელი და ბევრი სხვა მამაც, რომელთა შეხედულებას იზიარებს წმ. იოანე დამასკელი.

34. „ორი ზღვა, რომლებიც ეგვიპტეს ერტყმიან გარს“... — ერთი ხმელთაშუა ზღვაა, მეორე — მეწამული ზღვა.

35. „ფისონი — ინდოეთის განგია, გეონი — იგივე ნილოსია“... ასეთი მსჯელობა დასტურდება სექტუაგინტას მონაცემითაც (იხ. იერემ. 2, 18), სადაც ნაცვლად დედნის „სელორას წყალი“-სა და „ნილოსის წყალი“-სა, წერია — „წყალი გიონისა“. ევლათის მხარე (ქვეყანა), რომელსაც მორწყავს მდინარე ფისონი, არის არაბეთის ქვეყანა (შდრ. დაბად. 25, 18). ქუსი, ანუ ეთიოპია, მდინარე გიონი რომ რწყავდა, აზიის ქვეყანა იყო, სპარსეთის სრუტის მეზობლად მდებარე, და არა — აფრიკისა, რომლიდანაც ნილოსი მოედინება. საოცარია, რომ გიონის ქვეშ ნეტარ თეოდორიტეს რომელიდაც კერპის სახელწოდება ესმის („მდინარეთათვის“, დაბადების მეორე თავის განმარტება).

36. წმ. ბასილი დიდი. „ექვსთა მათ ღღეთათვის“, ჰომილია 8.

37. წმ. იოანე დამასკელმა არ გაიზიარა წმ. ბასილი დიდის ვარაუდი, რომ გველი თავდაპირველად, სანამ ეშმაკი მისი მეშვეობით პირველ ადამიანებს აცთუნებდა, ფეხებით დადიოდა და მხოლოდ შემდგომ იწყო მიწაზე ცურვა, რადგან დაისაჯაო.

38. წმ. ბასილი დიდი. „სიტყვა სამოთხის შესახებ“, *Migne, s. rg., t. XXX, coll. 61-72.*

39. წმ. გრიგოლ ნოსელი. „ადამიანის აგებულების შესახებ“, 2, თარგმ. რუს. ენაზე მოსკოვის სასულიერო აკადემიისა, ნაწ. 1, (1861), გვ. 85; წმ. ანასტასი II ანტიოქიელი (VII წგ. In Hexaem) ამბობს, რომ ფილონს, წმ. პაპიოს იერაპოლელს, წმ. ირინეოს ლიონელს, წმ. იუსტინეს — მოწამესა და ფილოსოფოსს, პანტენიოს ალექსანდრიელს, წმ. კლიმენტი ალექსანდრიელსა და სხვებს ყოველივე ის, რაც საღმრთო წერილში სამოთხის შესახებ წერია, სულიერად ესმოდათ, როგორც ქრისტეს ეკლესიის შესახებ (სიმბოლურად, იგავურად) ნათქვამი, ასევე ესმოდათ ეს ადგილები ორ წმიდა გრიგოლს — ნაზიანზელსა და ნოსელს. მათი აზრით, სხვადასხვა

მწვალებლობანი სწორედ იმის გამო აღმოცენდა, რომ ბევრს დაბადებაში სამოთხისა და ღმერთის შესახებ ნათქვამი სხეულებრივად ესმოდა; ისინი ღმერთს წარმოიდგენდნენ როგორც სხეულის მქონეს, ისეთივე ნივთიერისა, როგორც ადამიანს აქვს შემოსილი; კვლად სხვათა მწვალებლობა იქიდან აღმოცენდა, რომ ისინი მაღლიერებით იყვნენ აღვსილი გველის მიმართ, რადგან მისი რჩევის წყალობით დედაკაცისგან წარმოიშვა მთელი კაცობრიობა, — ესენი ამის გამო ოფიტებად იწოდებიან (იხ. 37-ე მწვალებლობის აღწერა წმ. იოანე დამასკელის შრომისა „მწვალებელთათვის“, სადაც ნათქვამია, რომ ამ უკეთური სწავლების მიმდევარი სწორედ გველს მიიჩნევენ ქრისტედ); მანიქეველნი, ვითომცდა ადამისა და ევას მიბაძვით, თავიანთ საკრებულოებში ხშირად შიშვლები იკრიბებოდნენ, მამაკაცები და დედაკაცები ერთად. შემდეგ წმ. ანასტასი, გულისხმობს რა წმ. იეზეკიელის წინასწარმეტყველებას, სადაც საუბარია ეშმაკის შესახებ ტვიროსის მთავრის (მეფის) სახით, გვაუწყებს, რომ სწორედ ამ ადგილის ზეგავლენით ძველი განმმართველნი საღმრთო წერილისა სიმბოლურად (ალეგორიულად) ხსნიდნენ „დაბადების“ მონათხრობს სამოთხის შესახებ. წმიდა იეზეკიელთან სამოთხეს „ღმრთისა“ ჰქვია, წმიდა მოსესთან კი, უბრალოდ „სამოთხე“. შემდეგ წმ. ანასტასი ჰკიცხავს ორიგენეს, რომელიც საეკლესიო კრებამაც დაგმო იმისათვის, რომ მას ღმერთის ქმნილება, ექვსი დღის აღმონაცენი — გრძნობით აღქმადი ცა, ქვეყანა, წყალი, მცენარეები... პირდაპირი მნიშვნელობით კი არ ესმოდა, არაქედ ალეგორიულად; ამით შეიძლებოდა ისეთი შეხედულება შობილიყო, თითქოს ღმერთი არ იყო შემოქმედი ამა ხილული სამყაროსი... ამიტომ წმიდა მამები პირდაპირი მნიშვნელობით განმარტავდნენ საღმრთო წერილის სიტყვებს შექმნათა გამო და უარყოფდნენ ალეგორიას.

40. წმ. გრიგოლ ღვთისმეტყველი. 38-ე და 45-ე სიტყვები.

41. „ხე ცხოვრებისა“ — საღმრთო წერილის პირდაპირი (სიტყვა-სიტყვით) მნიშვნელობით გაგების მომხრენი ამბობენ, რომ ცხოვრების ხეს ჰქონდა ძალა უკვდავი სიცოცხლის მინიჭებისა, და იგი ადამიანს კეთილ საზღაურად უნდა მისცემოდა სიმდაბლისა და მორჩილებისათვის... წმ. ნემეზიოსი ამ-

აზრს, რომ ადამიანი ღმერთს არც მოკვდავი შეუქმნია და არც უკვდავი, ასე, რომ თუკი ის გულმოდგინედ ეცდებოდა სულიერ სიკეთეში დარჩენილიყო, მაშინ უკვდავებას მოიპოვებდა, რასაც ცხოვრების ხისაგან მიიღებდა, რადგან ამ ხეს ღმერთმა მიანიჭა ძალა უკვდავი სიცოცხლის მინიჭებისა: ხოლო თუკი ადამიანი ბიწიერებას მიეცემოდა, რაც მოხდა კიდევ სინამდვილეში, მაშინ იგი სხეულებრივ ცვალებას დაექვემდებარებოდა და სიკვდილს ეწეოდა... იგივე უნდა ითქვას შემეცნების ხის შესახებაც, — ამბობს ნემეზიოსი. — ანუ ის, რომ მისგან ნაყოფის მიმღებს დიდად სასარგებლო რამ უნდა მოეპოვებინა საკუთარი თავისთვის, მაგრამ ასე არ მოხდა ადამისათვის, რადგან მან ეს ნაყოფი დადგენილ დროზე ადრე მიიღო. ამ შეხედულებას არ იწონებდა წმ. მეთოდე ორიგენეს წინააღმდეგ მიმართულ წიგნებში. წმ. იოანე ოქროპირი (Hom. 16 in Len.), ნეტარი თეოდორიტე (qu. 27) და სხვა მამები გვასწავლიან, რომ შემეცნების ხეს ეს სახელი („ხე ცნობადისა კეთილისა და ბოროტისა“ — დაბად. 2, 17) იმის გამო კი არ ეწოდა, რომ მას შეეძლო კეთილისა და ბოროტის განჩივების უნარის მონიჭება, არამედ იმიტომ, რომ მისი ნაყოფის მიმღებისათვის საცნაური ხდებოდა, თუ რამდენადაა მოშორებული უმანკოების ნეტარი მდგომარეობა იმ ბუნების უბედური ყოფისაგან, რომელიც ცოდვაში ჩაეარდნილა. წმ. გრიგოლ ნოსელი ალეგორიულად განმარტავდა საღმრთო წერილის ამ ადგილს და დაუჯერებლად მიაჩნდა, რომ ხის ნაყოფის მიღებისათვის ადამიანი სიკვდილს სწეოდა — ასე სასტიკად დასჯილიყო — მაშინ, როცა თვით უფალი ამბობს. ადამიანს არ შეიძლება საზრდო, „პირით შემავალი“-ო; გარდა ამისა, ყოველივე ხომ, რაც ღმერთმა შექმნა — „კეთილ ფრიად“!.. წმიდა იოანე დამასკელი იმისათვის, რომ ერთმანეთს დაუახლოვოს წმ. მამათა განსხვავებული შეხედულებანი ამ საკითხის გამო, სამოთხესაც და მასში არსებულ ხეებსაც განმარტავს პირდაპირი მნიშვნელობითაც და ალეგორიულადაც.

42. წმ. ნემეზიოსი. „ადამიანის ბუნებისათვის, 1, Migne, გვ. 512, 516; რუს. თარგმ., 25, 26.

43. წმ. გრიგოლ ღვთისმეტყველი. 38-ე და 45-ე სიტყვები.

44. იქვე.

45. „ღმერთმა ადამიანს გონიერი სული შთაბერა“ — წმ. იოანე ოქროპირი ამ შთაბერვას უწოდებს სიცოცხლისმიერ მოქმედებას, და სწორედ ასეთ მოქმედებაში მდგომარეობს კადეც სულს არსიო... ნეტარი თეოდორიტე ამბობს, რომ (ადამიანის) სული არ არის ღვთაებრივი არსის რაღაც ნაწილი, მაგრამ ამ შთაბერვით სულისა აღნიშნულ იქნა მისი ბუნება, იმით, რომ სული გონიერი სამშვიინველიაო... ადამიანს ღმერთი თავის ხატად და სახედ ქმნის. იმისთვის, რომ უკუაგდოს ანტროპომორფისტიების შეცთომილება, წმ. იოანე ოქროპირი ამბობს: ხატი ღმრთისა არ ეხება ადამიანის არსებას; ეს ხატი ადამიანის არსებას შეძენილი აქვს მხოლოდ იმ მნიშვნელობით, რომ ადამიანი ღმერთმა ყველა ცოცხალი არსების მთავრად დაადგინა ამქვეყნად (ჰომილია 9 „დაბადებაზე“). წმ. ბასილი დიდი „ღვთის ხატსა და სახეს“ გონიერებაში ხედავდა, რომლითაც ამქვეყნად მხოლოდ ადამიანი დაჯილდოებული... წმ. იოანე დამასკელი თავის შრომაში „ორი ნების შესახებ“ წერს, რომ ანგელოზსაც და ადამიანსაც ღვთის ხატი აქვთ თავიანთი გონიერებისა გამო, ანუ შემეცნების უნარისა და თავისუფალი არჩევანის შესაძლებლობის გამო, აგრეთვე იმიტომ, რომ ღმერთიც და ადამიანიც სიტყვას ჰბადებენ და სულს (სუნთქვას) გამოსცემენ; და ბოლოს, იმიტომაც აქვთ ხატი ღვთისა, რომ ანგელოზებიც და ადამიანებიც მთავრად არიან დადგენილი მთელს ქმნილებაზე. მაგრამ ადამიანი ხატად და სახედ ღმერთისა შეიქმნა „ერთადერთი“ სახით, რამეთუ ადამისაგან, რომელიც არ იყო შობილი, აბელი იშვა და ევა შეიქმნა; და გარდა ამისა, მისი სული მთავრობს მის სხეულზე მსგავსად იმისა, როგორც ღმერთი მთავრობს მთელს ქმნილ სამყაროზე. სწორედ ამის გამო ადამიანი თავის არსებაში შეიცავს სრულიად საწინააღმდეგო ბუნებას, — სულიერ ბუნებასა და გრძნობისმიერ ბუნებას... წმ. ანასტასი II ანტიოქელი ამბობს, — ადამიანი იმიტომ იწოდება ხატად და მსგავსად ღმრთისა, რომ სიტყვა, რომელიც არის ხატი და ძლიერება ღმერთისა, განკაცდაო (ადამიანი შეიქმნაო, — ჰომილია 7 „ექვსთა მათ დღეთათვის“)... საერთოდ, წმიდა მამათა აზრით, ხატი ღმრთისა ადამიანის გონიერებაში მდგომარეობს, მსგავსება კი იმაშია, რომ ღმერთის შეწევნითა და სა-

კუთარი ძალისხმევების მეშვეობით ადამიანი შემკულია სათნო-  
ებითა და ქველის საქმეებით. ასე, რომ შეცოდების შედეგად  
ხატი ღმრთისა რჩება ადამიანში, მსგავსება კი, განქარდება.  
მაშასადამე, სიტყვები „ხატება“ და „მსგავსება“ — არ ყოფი-  
ლა სინონიმები. მართლაც, ბევრი წმიდა მამა უარყოფს, რომ  
ეს სიტყვები ერთსა და იმავე საგანს აღნიშნავენ (წმ. კლი-  
მენტი ალექსანდრიელი, წმ. ბასილი დიდი, წმ. გრიგოლ ნო-  
სელი და სხვანი). თუმცა წმ. კირილე ალექსანდრიელი არ  
იწონებს ასეთ განსხვავებას და თვლის, რომ ამ სიტყვებს  
ერთი და იგივე მნიშვნელობა აქვთ, მით უმეტეს, რომ კარ-  
გად არის ცნობილი ებრაელ მწერალთა ჩვევა — ორი სინონი-  
მური სიტყვის ხშირი გამოყენება საღმრთო წერილის წიგ-  
ნებში...

46. (ადამიანის) „სხეული და სული ერთდროულად შეიქმ-  
ნა“, — ორიგენე მცდარად თვლიდა, რომ ადამიანის სული იმა-  
ვე ბუნებისაა, რაც ანგელოზისა, და რომ იგი თავდაპირველად  
ზეცაში შექმნა ღმერთმა, და მხოლოდ ამის შემდეგ მოავლინა  
ქვეყნად სხეულში დასამკვიდრებლად... ეს შეცთომილება წმი-  
და მართლმადიდებელმა ეკლესიამ მრავალგზის დაგმო... ტერ-  
ტულიანე, აპოლინარიუსი და „დასავლეთელთა“ დიდი ნაწილი  
თვლიან, რომ როგორც სხეულისაგან იშვება სხეული, ასევე  
სულსაც ძალუძს სულის შობა... ეს შეცთომილება დავმობი-  
ლია წმიდა მართლმადიდებელი ეკლესიის მიერ. კონსტანტი-  
ნეპოლის V მსოფლიო საეკლესიო კრების (533 წ.) დადგენილება  
ასეთია: „ეკლესია, საღმრთო წერილის თანახმად, ამტკიცებს,  
რომ ადამიანის სული სხეულთან ერთად შეიქმნა, და არა  
ისე, თითქოს ერთი მეორეზე ადრე იყოს შექმნილი, რო-  
გორც ამას ორიგენეს ცრუ-სწავლება მიიჩნევს“ („დოგმატუ-  
რი ღვთისმეტყველების სახელმძღვანელო“, მ., 1888 წ., გვ. 99,  
რუს. ენაზე).

47. წმ. გრიგოლ ღვთისმეტყველი. 38-ე და 45-ე სიტყვები.

48. წმ. ათანასე ალექსანდრიელი. „აპოლინარიუსის წინა-  
აღმდეგ“, წგ. 1; „უფლის განკაცებისათვის; რუს. თარგმანი  
მოსკოვის სასულიერო აკადემიისა, ნაწ III (1903), გვ.  
315-340.

49. წმ. ნემეზიოსი შენიშნავს („ადამიანის ბუნებისათვის“,

1): პლოტინი და სხვა ფილოსოფოსები ასწავლიდნენ, რომ სული (ადამიანისა) სხვა რაჟაა, გონება კი, სულ სხვა რაჟ, ასე, რომ ადამიანი შედგება სხეულისაგან, სულისაგან (ე. ი. მგრძნობელობისაგან) და გონებისაგან, ანუ სამი არსისაგანო. ამ ფილოსოფოსების შეხედულებათა საფუძველზე აპოლინარიუს ლაოდიკიელი ამტკიცებდა, რომ უფალ იესო. ქრისტეს არ ჰქონდა ადამიანური გონება, რადგან მისი ადგილი უფლის არსებაში სიტყვამ (ლოგოსმა) დაიკავაო. წმიდა მამები უარყოფენ ასეთ შეხედულებას და ამბობენ, ადამიანი არ შეიძლება გონებას იყოს მოკლებულიო, რადგან მაშინ იგი არც იქნებოდა ადამიანი; ამიტომ ქრისტეც ადამიანური გონების გარეშე ვერ მიიჩნევა ჰემშარიტ ადამიანად, ამის თქმა კი დიდი შეცთომილებააო. პატრიარქი ფოტი ადამიანში ორი სულის არსებობას აღიარებდა, რაც დაგმო კონსტანტინოპოლის საეკლესიო კრებამ 869 წელს (ამ კრებას რომაულ-კათოლიკური ეკლესია VIII მსოფლიო საეკლესიო კრებად მიიჩნევს) და ასე დაადგინა: ადამიანში ერთი სულია, რომლითაც იგი ცხოვრობს, გრძნობს და აზროვნებს. წმიდა გრიგოლ ნოსელი ამბობს, რომ მხოლოდ ადამიანის გონება შეიძლება იწოდოს სულად, ხოლო სხვა, დანარჩენი ძალნი არ შეიძლება სულად იწოდებოდნენ ამ სიტყვის საკუთრივი მნიშვნელობით. წმიდა მაქსიმე აღმსარებელი და წმ. იოანე დამასკელი ადამიანის გონებას მიიჩნევენ სულის ყველაზე წმიდა ნაწილად, რომელიც გარედან როდია მასში შემოსული (წინააღმდეგ არისტოტელეს სწავლებისა, რომლის მიხედვითაც გონება არ ვანე-ქუთვნება ადამიანის არსს). და ბოლოს, ისიც უნდა აღინიშნოს, რომ ყოველივე, რასაც ქმნილი ბუნება აქვს, უნდა მივაკუთვნოთ ღმერთის მადლსა და ნიჭს; მადლით არიან უსხეულონი და უკვდავნი ანგელოზნი, დემონები და ადამიანთა სულნი. სხვაგვარად რომ იყოსო, ამტკიცებენ წმიდა მამები, მაშინ არც ანგელოზნი და არც სხვა სულიერი ქმნილებანი უკვდავნი არ იქნებოდნენ და სიკვდილი ეწოდათ.

50. წმიდა მაქსიმე აღმსარებელი. „სულის შესახებ“, Migne, s. gr. t. XCI.

51. წმ. ნემეზიოსი. „ადამიანის ბუნებისათვის“, 1, Migne, გვ. 505-508, რუს. თარგმ, გვ. 21-22.

52. წმ. ნემეზიოსი. იქვე, 23, Migne, გვ. 693, რუს. თარგმ., 83-132.

53. სიამეთა ასეთი კლასიფიკაცია, რომელსაც წმიდა იოანე დაპასკელი გეთავაზობს, გვხვდება წმ. იოანე ოქროპირთან (74-ე პომილია წმ. იოანეს სახარებაზე). მსგავსი დაყოფა გვხვდება ძველ ბერძნებთანაც, ციცერონის გადმოცემით, ეპიკურესთან. თვით ციცერონი კი ასეთ დაყოფას არ იზიარებდა.

66. წმ. მაქსიმე აღმსარებელი, „დიאלოგი პიროსთან“,

54. წმ. ნემეზიოსი. „ადამიანის ბუნებისათვის“, 11, Migne — გვ. 688, რუს. თარგმ., გვ. 127.

55. წმ. ნემეზიოსი. იქვე, 20, Migne, გვ. 688-689, რუს. თარგმ., გვ. 128.

56. წმიდა ნემეზიოსი. „ადამიანის ბუნებისათვის“, 21, Migne, გვ. 692, რუს. თარგმ., გვ. 130-131.

57. წმ. ნემეზიოსი. იქვე, 6, Migne, გვ. 632-633, რუს. თარგმ., გვ. 90-92.

58. იქვე, 11, Migne, გვ. 657-660, რუს. თარგმ., გვ. 106-107.

59. იქვე, 8, 9, Migne, გვ. 652, 656; რუს. თარგმ., გვ. 104-105.

60. იქვე, 12, Migne, გვ. 660, რუს. თარგმ., გვ. 107-108.

61. წმიდა გრიგოლ ნოსელი. „ადამიანის აგებულების შესახებ“, 12, 14-15.

62. წმ. ნემეზიოსი. „ადამიანის ბუნებისათვის“, 13, Migne, გვ. 660, 661, 684; რუს. თარგმ., გვ. 108-111.

63. წმ. ნემეზიოსი. იქვე, Migne, გვ. 673, 676, რუს. თარგმ., გვ. 117-120.

64. წმიდა მაქსიმე აღმსარებელი. „1 წერილი მარინისადმი“, Migne, s. gr., t. XCI.

65. წმ. მაქსიმე აღმსარებელი, იქვე.

66. წმ. მაქსიმე აღმსარებელი, „დიალოგი პიროსთან“, Migne, s. gr., t. XCI და I წერილი მარინისადმი.

67. წმ. მაქსიმე აღმსარებელი, I წერილი მარინისადმი.

68. წმ. მაქსიმე აღმსარებელი, „დიალოგი პიროსთან“.

69. წმ. მაქსიმე აღმსარებელის აზრით, არ შეიძლება გაიგივება „თელემა“-სი და „თელეტონ“-ისა, რადგან განა შეიძ-



ლება ერთი და იგივე იყოს სურვილი და ისიც, რაც სურვილის საგანს შეადგენსო. მაგრამ წმიდა პავლე მოციქული გვეუბნება: „ესე არს ნებაჲ ღმრთისაჲ — სიწმიდე ეგე თქვენი...“ (I თესალონიკ. 4, 3). ამიტომ წმ. იოანე დამასკელს სრული საფუძველი ჰქონდა ემტკიცებინა, — I „თელემა“ (სურვილი) ზოგჯერ „ტო თელეტონ“ —საც (სასურველი) აღნიშნავსო.

70. წმ. მაქსიმე აღმსარებელი. „ღიალოგი პიროსთან“... „ხშირად ქმედებებად (ენერგიებად) ბუნებრივი ვნებანიც იწოდება“... — ასეთ ვნებებს, რა თქმა უნდა უფალი ჩვენი იესუ ქრისტეც იყო დაქვემდებარებული, როცა, მაგალითად, უდაბნოში 40 დღის მარხვის შემდეგ „შეეშია“, და ეს მოხდა იმიტომ, რომ თვით უფალმა ინება და ბუნება აიძულა მისთვის დამახასიათებელი რამ აღესრულებინა... წმ. გრიგოლ ნოსელი (ევნომიანელთა წინააღმდეგ“, წგ. V) განმარტავს, თუ რას შეიძლება ვნება (პათოს) ეწოდოს სიტყვის საკუთრივი მნიშვნელობით, და რას — არა. ჭეშმარიტი ვნება არ შეიძლება იყოს რაიმე, თუკი მას ცოდვისაყენ არ მივყავართ. საკუთრივი მნიშვნელობით არავენ არ მიიჩნევდა ვნებად ბუნებას აუცილებელ მოვლენებს. საკუთრივი მნიშვნელობით ვნებას ჩვენ ვუწოდებთ მხოლოდ იმას, რაც იაზრება როგორც სპინაალქდეგო რამ უვნებობისა, რაც სათნოებას ახასიათებს. ამიტომ, ვნება არ იყო დამახასიათებელი ჩვენი უფლის იესუ ქრისტესთვის, რომელიც ყოველივეში გამოცდილი იყო, გარდა ცოდვისა. ვნება, როგორც სნეულება ნებისყოფისა, უცხო იყო მისთვის, ვისაც ცოდვა არ უქნია და ვის ბაგეთაც ზაკულება არ დასცდენია; ხოლო თუკი ჩვევისა გამო უწოდებენ კიდევ ვნებას ისეთ ბუნებრივ თვისებებს, როგორცაა შობა, საზრდოობა, ზრდა, ძილი და მისთანაწი, მაშინ, რა თქმა უნდა, შეგვიძლია ვთქვათ, რომ ეს უფლისთვისაც იყო დამახასიათებელი. „ცხოვრება, რომელსაც ჩვენ ნებაყოფლობით აღვირჩევთ, — ან გონიერი, ან თავისუფალი, არის კიდევ პირველი ქმედება (ენერგია) ბუნებისა“, — ამიტომაც წმ. ანასტასი ანტიოქიელი თავის წიგნში „მონოფიზიტთა წინააღმდეგ“ წერს, რომ სიცოცხლე არის პირველი ქმედება (ენერგია) ყოველი ცოცხალი არსებისა, ხოლო თუკი სიცოცხლე არ არის ქმედება, როგორც ამას, შესაძლოა, ზოგიერთნი ფიქრობდნენ, მაშინ, რა

თქმა უნდა, სიცოცხლეს ვნება უნდა ეწოდოს, რაც სრული ჟაზრობააო.

71. უფალ იესუ ქრისტეში ორი ქმედების დამცველნი იმაზე მიუთითებდნენ, რომ არ არსებობს არც ერთი არსი, რომლისთვისაც დამახასიათებელი არ არის ქმედება. წმ. გრიგოლ წოსელი ამბობს, რომ ქმედება არის ყოველი არსისათვის დამახასიათებელი ბუნებრივი ძალა და მოძრაობა, და მას მხოლოდ არაარსი რამ არის მოკლებული. ქმედება არის ქმედითი მოძრაობა, მოქმედად კი ის იწოდება, რაც თავისით მოძრაობს, რადგან ქმედებას ჩვენ ვუწოდებთ ყოველი არსისათვის დამახასიათებელ ბუნებრივ ძალასა და მოძრაობას, რომელთა გარეშე ბუნება არც არსებობს და არც შეიცნობა... ერთის სიტყვით, იმ თვისებას, რომლითაც ყოველი ბუნებაა შემოსილი, ჩვენ ვუწოდებთ ბუნებრივ ქმედებას, და ამ ბუნებრივ ქმედებას მოკლებული შეიძლება იყოს მხოლოდ არაარსი, ანუ ის, რაც არ არსებობს. უეჭველია, რომ ერთი ბუნების მქონეს, იგივე ქმედება უნდა ჰქონდეს. აქედან გამომდინარე, წმიდა მამები, არიანელთა შეცთომილების საწინააღმდეგოდ ამტკიცებენ, წმიდა სამების ბუნება ერთია იმის გამო, რომ ერთია ქმედება მისი შემადგენელი წმიდა პირებისაო. აბოლინარიუსისა და ეგტიხის მწვალებლობათა საწინააღმდეგოდ ეკლესიის მამები ამტკიცებენ, რომ ქრისტეს ორი ბუნება (ადამიანური და ღვთაებრივი) იმიტომ აქვს, რომ მისი ქმედებაც ორადი ხასიათისაა. კვალად, მონოთელიტთა ცრუსწავლების საწინააღმდეგოდ წმიდა მამები ამბობენ, იქიდან გამომდინარე, რომ უფალ იესუ ქრისტეს ორი ბუნება აქვს შემოსილი, უნდა ვილაპარაკოთ ამდენივე ქმედების შესახებაც მასშიო.

72. წმ. ნემეზიოსი. „ადამიანის ბუნებისათვის“, 29, Migne, გვ. 717-720, რუს. თარგმ., 146-147.

73. წმ. ნემეზიოსი. იქვე, 30 და 31, Migne, გვ. 720-728, რუსულ. თარგმ., 147-150.

74. წმ. ნემეზიოსი. იქვე, 32 გვ. 728-729, და 151-152.

75. წმ. ნემეზიოსი, იქვე, 39, Migne, გვ. 761-764, რუს. თარგმ., გვ. 172-174. ადამიანი თავისუფალია როგორც მზერობედი საკუთარი თავისა და როგორც თავისუფალი

არჩევანის მქონე, რადგან მას შეუძლია ერთი რამ აირჩიონ თავისთვის, სხვა რამ კი, უარყოს; ხოლო ამ თავისუფალი არჩევანის ძლით იგი იმას ესწრაფვის, რაც მის ხელმწიფებას ექვემდებარება...

76. წმ. ნემეზიოსი. „ადამიანის ბუნებისათვის“, 41, Migne, გვ. 773-776, რუს. თარგმ., გვ. 180-182.

77. ღმერთისაგან განშორებულ ძალთა შესახებ წმ. ნემეზიოსი, სხვათა შორის, შემდეგს ამტკიცებს: ნივთიერებას (მატერიალობას) მოკლებულ იმ ბუნებათაგან, ამა ქვეყნის ახლოს რომ მოძრაობენ, სხვებზე მეტად ცვალებას ექვემდებარებიან ის ბუნებანი, რომლებიც ადამიანების საქმეებში ერევიან და ხშირად წარმართავენ კიდევ მათ. წმიდა ანგელოზთა შესახებ იგი დასძენს: ის ბუნებანი კი, მარად შემოქმედი ღმერთისაკენ რომ მიისწრაფიან და მისი ჰერეტიკით ნეტარებენ, ანუ ის ბუნებანი, მოშორებულნი რომ არიან საქმეთა წარმართვისაგან და ნივთიერისაგან, მთლიანად ღვთის ჰერეტას რომ მისცემიან, ეს ბუნებანი უცვალებელნი არიანო... რა თქმა უნდა, თავისუფალი ნება ამ ბუნებათა აქვთ, მაგრამ ამ ნებას ისინი გონიერად იყენებენ და ზემოთქმული მიზეზის გამო არასდროს არ იცვლებიანო... მაშასადამე, ცვალებას ის ბუნებანი არიან დაქვემდებარებულნი, რომლებიც ამაქვეყნიურ საგანთა სიყვარულის გამო განიშორებენ თავს შემოქმედი ღმერთისაგან.

78. წმ. ნემეზიოსი. „ადამიანის ბუნებისათვის“, 42-43, Migne, გვ. 780-793, რუს. თარგმ., გვ. 186-193; საღმრთო განგებულების შესახებ წმ. ნემეზიოსი, რომელსაც ეყრდნობა წმ. იოანე დამასკელი, ამბობს შემდეგს: როცა ვამბობთ ხოლმე, ყოველივე ჭეროვნად განიგება და წარიმართება საღმრთო განგებულებითო, მაშინ, ცხადია, არ ვგულისხმობთ არც ადამიანთა ბოროტ საქმეებს და არც იმ საქმეთ, რომელთა ქმნა თუ არ ქმნა ჩვენს ხელთაა, ანუ ჩვენს თავისუფალ ნებაზეა დამოკიდებული; საღმრთო განგებულება შეეხება მხოლოდ იმ საქმეთ, რომელნიც ჩვენს ხელთ არაა, ანუ არ არის დამოკიდებული ჩვენს თავისუფალ ნებაზე და მთლიანად საღმრთო განგებულებით წარიმართება:

79. წმ. ნემეზიოსი და, შესაძლოა, წმ. გრიგოლ-ნოსელცი,

გადმოგვიცემენ პლატონიკოსთა შემდეგ დებულებას: საქმეთა აღსრულების სურვილი ჩვენს ხელთაა (ანუ ჩვენს თავისუფალ ნებაზეა დამოკიდებული), მათი ბოლო კი, (ანუ აღსრულება და შედეგი) დამოკიდებულია ბედისწერაზე. წმიდა მამები ასწორებენ ამ დებულებას იმით, რომ სიტყვა ბედისწერის ნაცვლად იყენებენ გამოთქმას — საღმრთო განგებულება.

80. თავის მეორე ეპისტოლეში კორინთელთა მიმართ ( 1. პავლე მოციქული ამბობს: „და გარდარეულებითა ამით გამოცხადებათათა რაითა არა აღვიმალლო, მომეცა მე საწერტელი ზორტთაჲ — ანგელოზ სატან, რაითა დამქენჯნიდეს მე, რაითა არა აღვიმალლო“ (12, 7), რის გამოც სამგზის ვევედრე ღმერთს, რათა განეშორებინა ჩემგან ეს სატანჯველიო. პასუხი კი უფლისაგან ასეთი მივიღეო: „კმა არს შენდა მადლი ჩემი, რამეთუ ძალი ჩემი უძლურებასა შინა სრულ იქმნების“ (12, 9); ამიტომაცო, დასძენს წმიდა მოციქული, „უმჯობესლა უკუე და უფრომს ვიქადი უძლურებათა შინა ჩემთა, რაითა დაიმკვიდროს ჩემ თანა ძალმან ქრისტესმან“ (იქვე).

81. წმ. ნემეზიოსი. „ადამიანის ბუნებისათვის“, 37, Migne, გვ. 749-763, რუს. თარგმ., გვ. 166-168.

82. განსხვავება წინამსწრობელ და შემდგომ ნებას შორის ჯერ კიდევ წმ. იოანე ოქროპირმა აღნიშნა თავის I ჰომილიაში ეფესელთა მიმართ წმ. პავლე მოციქულის ეპისტოლეზე; წმ. მოციქული აქ ამბობს: ღმერთმა „წინამსწარ გვიჩინა ჩვენ შევილებად იესუ ქრისტეს მიერ მისა მიმართ სათნოებისაებრ ნებისა მისისა“-ო (ეფეს. 1, 5). ამასთან დაკავშირებით წმ. იოანე ოქროპირი ამბობს, რომ „თელემა პროეგუმენონ“ (წინამსწრობელი ნება) არის რაღაც სასურველი და სასიკეთო; რამეთუ არის სხვა ნება, თითქოსდა (თელემა პროტონ), (პირველი ნება), რათა არ ილუპებოდნენ ისინი, რომელნიც სცოდნენ; ასევე არის მეორე ნებაც (თელემა დეუტერონ), რათა ისინი, რომელნიც ცოდვაში შთავარდნილან და მთლიანად ბოროტებას მისცემიან, ბოლომდ დაიღუპნენო; რადგანაც აუცილებლობით იძულებული როდი სჯის ღმერთი, არამედ თავისი ნებით; მე-18 ჰომილიაში ებრაელთა მიმართ ეპისტოლეზე წმ. იოანე ოქროპირი კვლავ საუბრობს ამ ორ ნებაზე ღმრთისა იმასთან დაკავშირებით, რომ ღმერთმა, ერთის მხრივ, ბრძანა,

მსხვერპლი შემომწირეთო, მეორეს მხრივ კი, არ ისურვა არც მსხვერპლი და არც შესაწირავი (იხ. ებრ. 5—6). წინააღმდეგობა (ანუ პირველი) ნებით ღმერთს ადამიანისათვის სიკეთე სურდა, შემდგომი (მეორე) ნებით კი, სურს სასჯელი მიაგოს ცოდვილთ ჩადენილი ბოროტებისთვის, ხოლო მართალნი და კეთილნი ნეტარ ცხოვრებად მიიყვანოს...

83. წმ. მაქსიმე აღმსარებელი თეოდოსი კესარიელთან პოლემიკაში და თავის „ცხოვრებაში“ (ი. 3) ამბობს, რომ წინათმცნობელობა განეკუთვნება ყოველივე იმას, რაც ჩვენს ხელთაა, რაც ჩვენს თავისუფალ ნებაზეა დამოკიდებული, მაგალითად, ჩვენს სიტყვებსა და საქმეებს, ხოლო წინათგანსაზღვრულობა განეკუთვნება იმას, რაც ჩვენს ხელთ არ არის და გარედან ზემოქმედებით ხდება; მაგალითად, კეთილი საზღაური, სასჯელი, შემთხვევა და სხვ. (ამის შესახებ იხ. აგრეთვე წმ. იოანე დამასკელის „დიალოგი მანიქეველთა წინააღმდეგ“)... ბერძენმა მამებმა, შიშობდნენ რა, მოპავლის საღმრთო ცოდნა ადამიანის თავისუფლებისათვის საზიანოდ არ მიიჩნიონო, (როგორც ეს გნოსტიკოებმა და მანიქეველებს დაემატათ), მრავალგზის ნათელ-ჰყვეს, რომ ადამიანთა მოქმედებანი თავისუფალი ნებიდან იმიტომ კი არ გამოპდინარეობენ, რომ ღმერთმა წინდაწინ იცის მათს შესახებ (მათი ბოლო), არამედ ღმერთმა იცის ისინი წინდაწინ იმის გამო, რომ მომავალში ჯერ არს მათი აღსრულება ადამიანის თავისუფალი ნების ძლით; და ასე იმიტომაა, რომ ღმერთი არ არის მიზეზი ბოროტი საქმეებისა. ნეტარი იერონიმე ეზეკიელის წინასწარმეტყველების განმარტებაში (თ. 24) ამბობს: რადმე საქმე მომავალში იმიტომ კი არ აღსრულდება ხოლმე, რომ ღმერთმა წინასწარ უწყის იგი, არამედ სწორედ იმის გამო, რომ იგი უნდა აღსრულდეს მომავალში, ღმერთმა, როგორც მომავლის მცნობელმა, უწყის კიდევ ეს... პელაგიანები ასწავლიდნენ, მაღლი ჯერეთ არააღსრულებულ და უკვე წინასწარცნობილ საქმეთა თუ ღვაწლთათვის ენიჭებაო ადამიანს. ლათინი მოძღვრები ფიქრობდნენ, რომ კეთილი საქმეები საღმრთო განგებულებას უნდა მიეწეროს, ბოროტი საქმეები — წინასწარმცნობელობას; ამ შეხედულებას ნეტარი ავგუსტინე თანაუგრძნობდა. აღმოსავლეთის ეკლესიაში კი მტკიცედ იყო დაძ-

კვირებული ძველი შეხედულება. პელაგიოსის სწავლებას ღრმად არ გაუღდამს ფესვები, თუმცა მიმდევრები მასაც ჰყავდა... ნეტარი თეოდორიტე და წმ. იოანე დამასკელი, როცა ისინი მწვალებლებს ჩამოთვლიან, პელაგიანებს არ ახსენებენ. ტიმოთე კონსტანტინეპოლელი პელაგიანებს მანიქეველთა ჟეჟეთურებასაც მიაწერს... — ბერძენ მამებს ეს სიტყვა — „წინათგანსაზღვრულობა“ — ისმოდათ როგორც შემდგომი (მეორე) ნება, რომლითაც ღმერთმა თითოეულს ცალ-ცალკე განუსაზღვრა ჯილდო თუ სასჯელი იმისდა მიხედვით, თუ ვინ რა დაიმსახურა — სიყვარული თუ სიძულვილი. წმ. იოანე ოქროპირმა თავის მე-19 ჰომილიაში რომაელთა მიმართ ეპისტოლეზე ასეთი კითხვა დასვა: რატომ იყო, რომ ღმერთმა ჯერ კიდევ მათ შობამდე გამოარჩია იაკობი, შეიყვარა, და მოიძაგა ესაი? — და პასუხობს: იმიტომ, რომ მან, ვისთვისაც განხმულნი არიან საიდუმლონი განჯებულებისა, ცხადად უწყის, თუ ვინ მიადწევს გვირგვინს და ვინ სასჯელს ეწევა... მან ერთმა მხოლოდ იცის ყოველი საქმის მართლიად დაგვირგვინება... და ადამიანის თავისუფალ ნებას იგი ამით არ ზღუდავსო...

84. შეცოდებამდე ადამიანს მიეცა სიკეთის თესლი და დაევალა მისი მომუშაება, ანუ კეთილი ნაყოფის გამოღება, როგორც ამბობს წმ. გრიგოლ ღვთისმეტყველი. მაგრამ იგი ბუნების თანახმიერი მდგომარეობიდან ბუნების საწინააღმდეგო მდგომარეობაში შთავარდა, ანუ ცოდვით დაეცა, — ასე მსჯელობს წმ. იოანე დამასკელი. წმ. კლიმენტი ალექსანდრიელი (lib. VI Strom.) იგნოსტიკოსთა შეხედულების საწინააღმდეგოდ ამბობს, რომ ბუნებით ჩვენ, რა თქმა, უნდა გვაქვს უნარი სათნოების შეძენისა, მაგრამ ვერ ვიტყვით, რომ იგი (სათნოება) დაბადებითვე გვაქვს მომადლებულიო. პელაგიოსმა გამორიცხა ღმერთის მადლის აუცილებლობა ადამიანისათვის, რაკი ცდებოდა, როდესაც ფიქრობდა, რომ უკვე თვით ბუნებაში ადამიანისა შთადებულია არა მხოლოდ მარცვალ სიკეთისა, რომელიც მან უნდა მოიმუშაოს, აღმოაცენოს და განამრავლოს, არამედ თვით სათნოებაც და ქველის-საქმეთა უნარიც; ასე, რომ თითქოს ადამიანს მხოლოდ თავის ძალთა მიერ შეუძლია სათნო შეიქმნას. ამის შესახებ მშვენიერად

ამბობს წმ. გრიგოლ ღვთისმეტყველი: ღმერთმა ადამიანში და-  
წერა უნარი მშვენიერის შეწყნარებისა, რასაც შესძინა სათ-  
ნობაში ადამიანის სრულყოფისათვის აუცილებელი ძალა.

85. წმ. იოანე დამასკელი ამბობს, რომ ღმერთი არის და-  
საბამი და მიზეზი ყოველი სიკეთისა, და მისი თანადგო-  
მისა და შეწვევის გარეშე ჩვენთვის შეუძლებელია მოსურვე-  
ბაც და აღსრულებაც რაიმე კეთილი საქმისა. მაშასადამე, წმ.  
იოანე დამასკელი აღიარებს აუცილებლობას წინამსწრობელი  
მადლისა... წმ. გრიგოლ ღვთისმეტყველი უფლის ცნობილი  
გამოთქმის („არა ყოველთა დაითიონ სიტყვაჲ ესე, რამედ რომ-  
მელთადა მოცემულ არსო“) შესახებ ამბობს, რომ ჯეროვანი  
(კეთილის) მოსურვებისთვისაც ღმერთის შეწევნა არის საჭი-  
რო... წმ. იოანე ოქროპირი (45-ე პომილია იოანეს სახარება-  
ზე) ამტკიცებს, რომ ქრისტეს რწმენა ადამიანური განსჯის  
(ფიქრის) ნაყოფი როდია, არამედ ზენაარი გამოცხადების  
გზით მიღებული მადლიაო. მაშასადამე, წინამსწრობელი მად-  
ლის აუცილებლობას წმ. გრიგოლ ღვთისმეტყველიც და წმ.  
იოანე ოქროპირიც აღიარებენ. და თუკი ოქროპირი ერთგან  
ამბობს, არც ღმერთი, არც სულიწმიდის მადლი არ დაასწრე-  
ბენო ჩვენს თავისუფალ ნებას, მას აქ მხედველობაში წინაჰ-  
სწრობელი საღმრთო მადლი კი არ აქვს, არამედ ის მადლი,  
რომელიც შეეწევა ადამიანის რწმენას სრულყოფილების  
გვირაგვინის მიღებაში, ისე, რომ ასეთი რწმენა ყოველთვის  
შეუტყვეველია. პომილიაში „საქმე მოციქულთაზე“ (16, 14 —  
ერთ დედაკაცს ქალაქ თვიატირში „უფალმან განულო გული  
მორჩილებად სიტყვათა პავლეს მიერ თქუმულთა“), წმ. იოანე  
ოქროპირი ამბობს, რომ „გულის გაღება“ — ღმერთის საქმეა,  
ხოლო მორჩილება (ანუ მიღება-შეწყნარება) მოციქულის სი-  
ტყვეებისა ადამიანის (ამ მემთხვევაში ლუდიას) საქმე. ასევე  
პომილიაში ებრაელთა მიმართ ეპისტოლეზე (12, 2 — „და  
ვხედავთ ჩვენი რწმენის წინამძღვარსა და აღმასრულებელს  
იესოს...“) იგი ამბობს, რომ აქ წმიდა მოციქული რწმენის და-  
საბამს ქრისტეს აკუთვნებს, რადგან თვით მან მოგვცა  
რწმენის დასაბამი, როგორც ეუბნებოდა კიდევ მოწაფეებს —  
თქვენ კი არ აღმირჩიეთ მე, არამედ მე ამოგირჩიეთო. მაშასა-  
დამე, როცა წმ. იოანე ოქროპირი ამბობს, ჩვენს თავისუფალ

ნებაზეა დამოკიდებული რწმენის მიღება, რასაც ღმერთის შეწყვენა მოსდევსო. როცა ის აცხადებს, რწმენა თავისუფალი არჩევანის საქმეაო, მაშინ ნების მხოლოდ იმ ერთ მოძრაობაზე ლაპარაკობს, რომლითაც ჩვენ თანხმობას ვუცხადებთ ჩვენდა მოსულ ღმერთს. ასე, რომ ოქროპირი არ გამორიცხავს წინამსწრობელ საღმრთო მადლს, ურომლისოდაც არ ძალგვიძს ქეშმარიტი მორწმუნენი ვიყოთ. ვინც ჯეროვნად შეიწყნარებს ამ (წინამსწრობელ) მადლს, იმას სხვა მადლიც მიენიჭება, რომლითაც თვით ნებელობა ადამიანისა ქმედითად აღიძვრის და განმტკიცდება სიკეთისადმი მისწრაფებაში. თუკი შენ ისურვებო, ამბობს წმ. იოანე ოქროპირი მე-8 ჰომილიაში ფილიპელთა მიმართ ეპისტოლეზე, მაშინ ღმერთი ისე იქმნს, რომ შენ ნამდვილად გინდოდეს, და თვითვე მოგცემს გულმოდგინებასა და ქმედებას, რადგან მადლი არამხოლოდ იმას შეგვაგონებს, რომ ბილწ ვნებათაგან შევიკავოთ თავი, (რასაც უწინ სჯული იქმნოდა), არამედ ძალასაც აკარგვინებს ჩვენში ამ ვნებებს და უზენაესი ცხოვრებისაკენ აღგვაშაღლებსო (იხ. აგრეთვე ჰომილია 5 გალატელთა მიმართ ეპისტოლეზე).

86. ზოგიერთი მამა ამბობდა, — ღმერთმა იმისთვის შეუქმნა ადამს ცოლი, რომ, რაკი წინდაწინ უწყოდა მისი მოძავალი შეცოდების შესახებ, რითაც ადამიანი ცოდვილი და მოკვდავი შეიქნა, ამიტომ არ ისურვა მისი მოდგმის შეწყვეტაო. გარდა წმ. იოანე დამასკელისა ასე ფიქრობდნენ წმ. ათანასე ალექსანდრიელი (50-ე ფსალმუნის განმარტება), წმ. იოანე ოქროპირი (ჰომილია 18 „დაბადებაზე“), წმ. გრიგოლ ნოსელი (De opif. hom. „ადამიანის აგებულებისათვის“) და სხვები...<sup>4</sup> მამაკაცისა და დედაკაცის ხორციელ შეერთებაზე ზოგიერთი ძველი მამა ფიქრობდა ავხორცობის გარეშე (რასაც ადამი და ევა მოკლებულნი იყვნენ ცოდვით დაცემამდე). იგი შეუძლებელი იყო სამოთხეშიო... ამასთანავე, წმ. გრიგოლ ნოსელიცა და წმ. იოანე დამასკელიც ამბობენ, რომ ღმერთს სხვაგვარადაც შეეძლო ადამიანთა მოდგმის გაგრძელება, თუკი ადამი ცოდვით არ დაეცემოდა და უმანკოებას შეინარჩუნებდაო. — აი შექმნა კიდევ ღმერთმა დიდი სიმრავლე ზეციურ ძალთა — ულოზებისა!..

87. აპოლინარიუსის ცრუ სწავლებით, ქრისტეს არ მიუ-



ღია ადამიანის გონიერი სული, და მაშასადამე, მას არც  
უხსნია მთლიანად ადამიანი, რომელიც დაცემული და დასჯი-  
ლი იყო პირველყოფილი ურჩებისათვისო. ეს შეხედულება,  
რა თქმა უნდა, ყოვლადშეცთომილია. ჟერ კიდევ წმ. ათანასე  
II ანტიოქიელი („ექვსთა მათ დღეთათვის“, წგ. VI) წერდა,  
რომ ნათლობის მაღლით ჩვენ ჰქეშმარიტად და სრულად გან-  
ვიწმიდებით პირველყოფილი ცოდვისაგან და სასჯელისაგან,  
რაც ადამისაგან გადმოგვეცა... მაშასადამე წმ. იოანე დამას-  
კელი ზუსტად და მართლიად გადმოგვცემს წმიდა მამებისა და  
მართლმადიდებელი ეკლესიის სწავლებას ამ საკითხზე.

**თარგმნა ვასილ ბურკაძემ**

სამგვარი ლოცვის შესახებ

არსებობს სამგვარი ყურადღება და ლოცვა, რომელთა მე-  
ოხებით სული ან ამალღებულია და წარმატებული, ან დაძა-  
ბუნებული და წარწყმედილი. ვინც სამთავე სახეობას დროუ-  
ლად და საჭიროებისამებრ გამოიყენებს, გაიმარჯვებს, ვინც —  
უგუნურად და უდროოდ, — დაჰმარცხდება. ყურადღებას ლოც-  
ვასთან ისეთი განუყრელი კავშირი მართებს, როგორც მიჯაჭ-  
ვია და შედუღაბებია სული სხეულს. ყურადღება ბრძოლაში  
მეწინავესავით უნდა წარუძღვეს მტრების მოსაგერიებლად,  
პირველი უნდა ჩაებას ცოდვებთან ორთაბრძოლაში და წინ  
აღუდგეს სულში შეპარულ ბოროტ გულისთქმებს. ყურადღე-  
ბის შემდგომ ჭერ-არს ლოცვა, შემმუსვრელი და განმაქარვე-  
ბელი მყისვე ყველა იმ ბილწ გულისთქმათა, რომელთაც თავ-  
დაპირველად ყურადღება აუმხედრდა. რამეთუ მარტოდმარ-  
ტო ყურადღებას არ ძალუძს მათი აღხოცვა. ყურადღებისა და  
ლოცვის ამგვარ ერთობლივ ჭიდილზეა დამოკიდებული სუ-  
ლის ცხონებაცა და სიკვდილიც. თუკი ყურადღებას გავამახ-  
ვალებთ და დავიცავთ ლოცვის აუმღვრეველობას, გავიმარ-  
ჯვებთ, ხოლო თუ უგულვებელვყოფთ ან შევბღალავთ ამ სიწ-  
მიდეს, ავი გულისთქმებით შებილწულნი ვხდებით ღონემიხ-  
დილნი და ფარხმალდაყრილნი. მაშასადამე, რაკილა არსებობს  
სამგვარი ყურადღება და ლოცვა, ჩვენი ვალია სათითაოდ და-  
ვასასიათოთ და განემატოთ მათი ნიშან-თვისებები, რათა გა-  
დარჩენის მსურველმა ამათგან უმჯობესი ამოიჩიოს.

ყურადღებისა და ლოცვის პირველი სახეობისათვის

პირველი სახეობისთვის ნიშანდობლივია შემდეგი: როდე-  
საც ლოცვად მუხლმოყრილი ადამიანი ზეცად აღაპყრობს ხე-  
ლებს, თვალებსა და გონებას, შთაგონებული ღვთაებრივი  
აზრებით წარმოისახავს ზეციურ მადლს, ანგელოსთა დასსა და  
წმინდანთა სავანეს, ერთი სიტყვით ყველაფერ იმას, რაც საღვ-

თო წერილიდან სმენია, გონებაში დაიუნჩებმ და განსჯის, მაშინ ლოცვისას ზეცად თვალმიპყრობილს სულში ჩაეღვენებდა ღვთისადმი ლტოლვა და სიყვარული, ჟამითი-ჟამად ცრემლებიც წამოსცვივიან და აქვითინდება. თუმცაღა ამგვარად მლოცველის გულს თავმომწონებაც მოეძალება ხოლმე მისდაუნებურად, აღმოაჩენს, რომ რაც მის თავს ხდება ღვთის წყალობაა, მისი მანუგეშებელი და უფალს შესთხოვს ამა საქმეთა ქმნად მარადღეამს ღირსპყოს. ეს უკვე ხიბლზე მიუთითებს, რამეთუ ვითარ შეიძლება ლამაზი ეთქმოდეს იმ სილამაზეს, რომელსაც ის სახე არ აქვს, როგორიც ხამს. ამ ადამიანს, გარინდებულს უკიდურეს მდუმარებაში, ცოტაღა უკლია ჭკუიდან შეიშალოს. მაგრამ თუ მოხდება და ჭკუას არ დაქარვავს, იმას მაინც ვერ მოახერხებს, რაიმე სათნოება მოიხვეჭოს, ანდა ვნებებისგან დაიხსნას თავი. ამ გზაზე შემდგართა შორის ისინიც მოხიბლულან, რომელთაც უხილავთ ნათელი ხორციელი თვალებით, კეთილსურნელება შეუყნოსავთ, ხმები სჩენიათ საკუთარი ყურებით და სხვაც ბევრი რამ ამისი მსგავსი. ნაწილი ეშმაკეული გამხდარა და გაგიჟებული დაეხეტება ერთი ადგილიდან მეორეში. ნაწილიც ხიბლში ჩაეარდნილა, რაკიღა ვერ ამოუცვნია ნათლის ანგელოსად გარდასახულ და ამგვარად გამოცხადებული ეშმაკი და ბოლომდე დარჩენილა მოტყუებული. ისიც არ მოუსურვებია, ყური მაინც ეთხოვებინა ძმათა რჩევა-დარიგებებისთვის. ამათგან ზოგმა, ეშმაკისგან წაქეზებულმა, თვითმკვლევლობით დაასრულა ცხოვრება, ერთნი კლდიდან გადაიჩეხნენ, სხვებმა თავი ჩამოიღრჩვეს. ვის ძალუძს, ნეტავ, ჩანოთვალოს ხიბლის ის უთვალავი ნარსახეობანი, რომლითაც ეშმაკი ხიბლავს ადამიანებს. ამ მონათბრობიდან ყოველი გონიერი კაცი მიხვდება თუ რა ზიანას მოტანა შეუძლია პირველი სახეობის ყურადღებასა და ლოცვას, თუკი ამგვარი ლოცვა დაგვაკვაყოფილებს და სრულყოფილად მივიჩნევთ. ვინც ამ სახეობას ამჯობინებს და არცერთი ის ბოროტება, რომელიც აქ ჩამოვთვალეთ, თავს არ დაატყდება შმებთან თანაცხოვრების წყალობით, (რამეთუ განმარტობულთათვისაა უფრო სახიფათო ამგვარი ხიბლი), ამოდ დაშვრება, არავითარ ნაყოფს არ გამოიღებს მისი მეცადინეობა ამგვარ ცხოვრებაში.

მეორე სახეობა ყურადღებისა და ლოცვისა ამგვარია: ადამიანი საკუთარ თავს ჩაულრმავდება, მოსწყდება გარესამყაროს, მოთოკავს გრძნობებს, გონებას მოიკრებს, რათა ამსოფლოურ ამო საგნებისაკენ არ გაექცეს იშუერა და ხან გამოწვლილვით იკვლევს საკუთარ გულისთქმებს, ხან წაკითხული ლოცვების სიტყვებს ჩაჰკირკიტებს, ხანაც კვლავ უბრუნდება გულისთქმებს, რომელთაც ეშმაკის მარწყუხებში მოუქცევია ამო და ფუჭი გარჯით. უდიდესი ძალისხმევითა და თვითშეჭირვებით თავს ძალას ატანს და ცდილობს დასძლიოს და უკუაგდოს ესა თუ ის ვნება. ამ სახეობის ძირითადი მახასიათებელი ისაა, რომ იგი გონებაში მწიფდება, აზრთა კიდლიში.

ვისაც ამგვარი ჭიდილი და ბრძოლა გაუმართავს საკუთარ თავთან, არასოდეს ძალუძს დამშვიდება და ვერც დრო გამოუნახავს სამოდვაწეოდ, სიმართლის გვირგვინი რომ მოეპოვებინა. ეს ადამიანი ჰგავს კაცს, რომელსაც მტრებთან ხელჩართული ბრძოლა გაუჩაღებია კუნაპეტ ღამეში, მათი ყვირილი ესმის, დარტყმებსაც იგერიებს, მაგრამ არ შეუძლია გარკვევით დაინახოს თუ ვინ არიან ისინი, საიდან მოსულან, რატომ ან რისთვის უღერებენ მუშტებს. რადგან ეს ყველაფერი გონებაში მიმდინარეობს, ბილწი გულისთქმანი გულში დაიძვრის და ისიც ვერ ხედავს მათ, რადგან გულს არ აყურადებს. ბურუსი, გონების დამბინდველი, და ქარიშხალი, გულისთქმათგან აღძრული, ხელს უშლის დაუსხლტეს მტრებს — დემონებს, რომლებსაც სასიკვდილოდ გაუმეტებიათ. საცოდავი, ამოდ დაშვრება და მთლიანად დაკარგავს მისაგებელსაც, რადგან ვერ ამჩნევს, რომ პატივმოყვარეობა მოძალებია და დარწმუნებულია ჭეროვნად ვაყურადებო საკუთარ გულისთქმებს. მზვობარს სძულს სხვები, განიკითხავს მათ, იკვებინს და ოცნებობს, რომ ღირსეული მწყემსი იქნება ცხოვართა, დამწყემსავს სხვებს და იმ ბრმას ემსგავსება, რომელიც ცდილობს უწინამძღვროს სხვა ბრმებს.

აი, ასეთია მეორე სახეობა. ამიტომ საჭიროა გადარჩენის მსურველი განერიდოს იმას, რაც სულს დაუზიანებს და კე-

თიღგონიგრულად მოიქცეს. მეორე სახეობა უკეთესია, გიდრე ზირველი, როგორც მთვარიანი დამე სჯობს უმთვარო, კუნა- ზიტ ღამეს.

### ყურადღებისა და ღოცვის მესამე სახეობისათვის

მესამე სახეობა ნამდვილად საოცარია და ასახსნედლად ძნე- ლი. მათთვის კი, რომლებმაც გამოცდილებით არაფერი უწყიან თავად, არა მარტო ძნელად ასახსნედლია, არამედ დაუ- ჟერებელიც. რადგან ვერაფრით შეასმენ რომ მსგავსი რამ შეიძლება ნამდვილად მოხდეს. მართლაცდა, ჩვენს დროში ამ სახეობის ყურადღებაცა და ღოცვაც სწორედ რომ იშვიათი გამოჩაყლისია, და ცფიქრობ, ეს მადლი მორჩილებასთან ერთად განგვეშორა. მორჩილება, თუკი სრულყოფილების მიზნით ებოძა ვინმეს სულიერი მამისაგან, მას ხომ ყოველ- მხრივ უზრუნველყოფს. რამეთუ სადარდებელი ერთხელ და საშუდამოდ სულიერი მამისთვის მიუნდვია. ამსოფლიურ საზ- რუნავს განშორებული განსაკუთრებული ჭულმოდგინებითა და სიბეჯითით აღასრულებს მესამე სახეობის ღოცვას, თუკი იბოვის ისეთ სულიერ შოძღვარს, რომელიც თავად არ არის ხიბლში. ვინც ღმერთს შეუდგა, თავისი ჭირ-ვარამი მიანდო უფალს და სულიერ მამას, გულწრფელი მორჩილების წყალო- ბით წყვეტს საკუთარ ნებით ცხოვრებას, და სიკვდილს ამჯო- ბინებს მიწიერ გულისთქმებასა და ხორციელ ვნებებს. განა შეძლებს წარმავალობა ამ ადამიანის დამარცხებასა და დამო- ნებას? ან კი რა საზრუნავსა და საფიქრალს მოახვევს თავს? ამგვარად, მორჩილებაში მყოფი მესამე სახეობის ღოცვისა და ყურადღების მეოხებით თავიდან აიცილებს და გააკაშტვე- რებს ყველა სასაჩელსა თუ ხრიკს, რომელსაც დემონები გა- ნუმზადებენ, როცა ცდილობენ გონება გაუფანტონ უამრავ სხვადასხვაგვარ საგნებზე ფიქრში. ასეთი ადამიანის გონებას სწორედ ამ დროს ძალუძს საღად, დროულად და დაუბრკო- ლებლად განჩხრიკოს ეშმაკეული გულისთქმანი, უდიდესი მოხერხებულობით გამოაძევეს ისინი და შემუსრვილი გულით ღოცვა ადავლინოს ღვთისადმი. აი, ასეთია რაობა ჭეშმარიტი ცხოვრებისა და მათ, რომელთაც არად ჩაუგდიათ ამგვარი

რამ, ამოდ დაშვრალან, რამეთუ ვერ მიმხვდარან რისთვის  
ზოსულან ამქვეყხად.

არსი იმ შესამე სახეობისა, იმაში როდი მდგომარეობს,  
რომ მივაშტერდეთ ცას, რაც შეიძლება მალა აღვაპყროთ  
ხელნი, გონებით აფერინდეთ ცაში, ეს, როგორც უკვე ვთქვით,  
დამახასიათებელია პირველი სახეობის ლოცვისთვის და არც  
თუ ისე შორსაა ხიბლისაგან, — არც იმაში, რომ გონებით  
შეგვეძლოს გრძნობათა მოთოკვა და აქეთ წარგმართოთ მთე-  
ლი ჩვენი გულისყური, ისე, რომ მხედველობიდან გამოგვრჩეს  
შინაგანი სულიერი ორთაბრძოლები მტრებთან რომ გავვიჩა-  
ლებია, — ეს ხომ მეორე სახეობას ახასიათებს და ვინც ამას  
გამოიყენებს, ეშმაკთა მარწუხებში მოქცეული, ვერ შემძლე-  
ბელ არს იძიოს შური თავის დამბეჩავებლებზე, ხოლო მტრე-  
ბი გაუთავებლად ექიშებიან, ცხადად თუ მალულად და ხდიან  
პატივმოყვარესა და ზვიანს.

შენ, კი, საყვარელო, თუ გასურს გადაარჩე, ამგვარად შეუ-  
დექი საქმეს: სრულყოფილი მორჩილების შემდგომ, რაც, რო-  
გორც უკვე ვთქვით, სულიერი მამისაგან უნდა გებოდოს, ყო-  
ველივე კეთილსინდისიერად აღასრულე, თითქოსდა ღმერთის  
პირისპირ იდგე. მორჩილების გარეშე ყოვლად წარმოუდგე-  
ნელია კეთილსინდისიერება. კეთილსინდისიერი უნდა იყო  
სამთავე შემთხვევაში: ღვთის, სულიერი მამისა და გარშემო-  
ბყოფ, როგორც სულიერ, ისე უსულო საგანთა წინაშეც.

ღვთის წინაშე კეთილსინდისიერება გავალებს, თავს უფ-  
ლება არ მისცე ისეთი რამ აკეთო, რასაც, თავადაც იცი, რომ  
ღმერთი არ შეაწყნარებს და გაგინაწყენდება. სულიერი მამის  
წინაშე აკეთო მხოლოდ ის, რასაც იგი გეუბნება, არ მოინდო-  
მო არაფერი, არც მეტი, არც ნაკლები, არამედ უნდა მოიქცე  
მისი განზრახვისა და ნების შესაბამისად. აღამიანებთან ურ-  
თიერთობაში კეთილსინდისიერებას შეინარჩუნებ, თუკი თავს  
ნებას არ დართავ, ისე მოიქცე, რაც თავადაც გძულს და არა-  
სოდეს ისურვებ, სხვები მოგექცნენ ასე. უსულო საგანთა წი-  
ნაშე კეთილსინდისიერება გავალებს საჭიროებისამებრ გამოი-  
ყენო ისინი, სახელდობრ: საქმელი, სასმელი, სამოსელი. შოკ-  
ლედ, ყოველივე ისე აღასრულე, თითქოს ღვთის წინაშე იდგე  
და არავითარ შემთხვევაში არ დაუშვა, რომ სინდისი გქეჭნი-

დეს და გასამართლებდეს იმის გამო, რომ ურიგოდ იქცეო-  
დი. თუკი ამგვარად მოიქცევი, ქეშმარიტად და დაუბრკოლებ-  
ლად წარემართები მესამე სახეობის ყურადღებისა და ლოც-  
ვის გზით, რაც შემდგომში მდგომარეობს:

გონება უნდა ჩავიდეს გულში ლოცვის ჟამს, მის სიღრმე-  
ში იბრუნოს გამოუსვლელად და იქიდან, გულის სიღრმიდან  
დაძრას ლოცვები ღმერთისაკენ. ბოლოსდაბოლოს, როცა ის  
დროც დადგება, რომ გონება გულის სიღრმეში მოიკალათებს,  
იგემებს, შეიგრძნობს და შეიტკბობს ღვთის მადლს, ადგილი  
გულის სიღრმიდან აღარც დაეთმობა. სწორედ მაშინ ისურ-  
ვებს აღმოთქვას იგივე სიტყვები, რაც მოციქულ პავლეს  
აღმოხდა: „მიმზიდველია ჩვენთვის იქ ყოფნა“. გონება კვლავ  
არაერთგზის ჩაიძირება გულის სიღრმეში, იქ იტრიალებს გა-  
მოუსვლელად და ეშმაკებისაგან აღძრულ ყოველგვარ ზრახვას  
განაქარებს. უმრავლესობას, რომელთაც ვერასგზით ვერ შე-  
უცნიათ ეს სულის მხსნელი საქმიანობა, და უვიცინი არიან,  
მიაჩნიათ, რომ ძალზე დამღლევი და ქანცგამწყვეტია. ხო-  
ლო ადამიანები, რომლებმაც ამგვარი ლოცვის თანამღვეი სი-  
ტკბო იგემეს და გულით შეიტკბეს, ღვთაებრივ პავლეს ეხმია-  
ნებიან და ამბობენ: „ვინ განმაშორნეს ჩუშნ სიყვარულსა მას  
ქრისტესსა?“ (რომ. 8, 38) და ასე შემდეგ.

რატომ იყო, რომ ჩვენი წმინდა მამები უსმენდნენ ღმერთს,  
რომელიც წმინდა სახარების ენით ამბობს: „გულისაგან გა-  
მოვლენ გულის-სიტყუანი ბოროტნი, კაცის-კლჳანი, მრუშე-  
ბანი, სიძუანი, ცალის-წამებანი, გმობანი, ესენი არიან, რომ-  
ელნი შეაგინებენ კაცსა“ (მათ. 15, 19-20), ისმენდნენ აგრეთ-  
ვე სახარების სხვა ადგილსაც, რომელიც გვმოდერავს, რომ  
განვსწმიდოთ „შინაგანი იგი სამოსლისა“... რათა იყოს გარე-  
შეცა იგი მისი წმიდა“ (მათ. 23, 26). მათ დაუტევეს სხვა სა-  
ხის სულიერი ღვაწლი, ამ საქმეს შეუდგნენ, რამეთუ მისი  
წყალობით მსწრაფლ მოიხვეჭდნენ ყოველგვარ სიჭკველეს, უა-  
მისოდ კი ვერცერთ სათნოებაში ვერ განმტკიცდებოდნენ. ამ  
სახის ღვაწლს წმინდა მამათაგან ერთნი უწოდებდნენ გულას-  
მიერ მღუმარებას, მეორენი — ყურადღებას, ზოგნი სიფხიზ-  
ლეს და გულისთქმებთან ჭიდილს, ზოგიც ზრახვათა გადა-  
სინჯვასა და გონების სიფრთხილეს. თითოეული მათგანი იყო

საოცრად გავარჯიშებული და შეძლეს კიდევ ღვთაებრივი ნიქის მოხვეჭა. სწორედ ამას გულისხმობს ეკლესიასტე, როდესაც ამბობს: „იხარებდი ჭაბუკი სიჭაბუკესა შინა შენსა, და რათა გნატრიდეს შენ გული შენი ღღეთა შინა სიჭაბუკესა შენსა და ვილოდი გზათა შინა გულისა შენისათა უბიწოდ“ (ეკლეს. 11, 9). მსგავს სიტყვებს ამბობს სხვაგან: „უკეთუ სული კელმწიფების აღუდეს შენ ზედა ადგილსა შენსა ნუ მიუტევებ“ (ეკლ. 10, 4). წმინდა სახარებაშიც ხომ გვეუბნება უფალი: „ნუცა განჰსცხრებითო“ (ლუკ. 1, 29) ესე იგი გონება აქეთ-იქით ნუ გაგეფანტებათო. კვლავ დაბეჭითებით იმეორებს: „ნეტარ-იყვნენ გლახაკნი სულითა“ (მათ. 5, 3). ანუ ბედნიერი არიან ადამიანები, რომელთაც არანაირი ამქვეყნიური გულისწადილი არ აღძვრიათ, ამსოფლიურ სულთქმათაგან განძარცვულთ. თითქმის ყველა წმინდა მამას ძალიან ბევრი დაუწერია ამის შესახებ. ვისაც სურს, დაე, წაიკითხოს მათი ნაწერები და თავად იხილავს. წაიკითხოს, თუ რას წერს მარკოზ მონაზონი, რა უთქვამს წმინდა იოანე კლემაქსს (კიბისალმწერელს), ღირს ევსუქს, ფილოთეოს სინაელს, აბბა ესაიას, ბარსონოფი დიდს და ბევრ სხვა წმინდა მამას.

ერთი სიტყვით, ვინც საკუთარ გულისტქმებს არ მიაყურადებს, და არც გონების სიტხზიზლეს გამოიჩინს, არ ძალუძს გულის შემუხსრვილებას მიიღწიოს, რომ ღმრთის ჭკერეტა ხელეწიფებოდეს. ვერ შეიძლება იყოს გლახაკი სულით მკმუნვარე, მგლოვიარე, მღუმარე, უწყინარი, სიმართლეს მოწყურებული, მოწყალე ანდა მშვიდობისმყოფელი, ვერ გაუძლებს დევნას სიმართლისათვის. ესე იგი, ყურადღების გარეშე ვერავითარ სათნოებას ვერ მოიხვეჭს. სწორედ ამიტომ, მთელი შენი მონღომება იქითყენ წარმართე, რომ, პირადი გამოცდილებით იწვნიო ის, რასაც გეუბნები. თუ გსურს, რომ ისიც შეისწავლო, როგორ კეთდება ეს, ამაზე მოგახსენებ.

ყველაზე მეტად სამი რამის დაცვა გმართებს: პირველი — არაფერზე იზრუნო და იფიქრო, რამეთუ ყოველივე ამას და წარმავალია. მეორე — კეთილსინდისიერად მოიქეცი, რათა სინდისი არ გქეჯნიდეს გამუღმებით, და მესამე — ებრძოლე ფნებებს, რომ ამქვეყნიურ სიამეთაყენ სწრაფვას არ დაუმონო ფულისტქმანი.



მაშ ასე, უნდა დაღუნო თავი, ნიკაპი მიაბჯინო მკერდს, რადრმადე საკუთარ თავში, მოიყრიბო გონება, აღიხილო გრძნობადი თვალნი, ოღნავ შეაკავო სუნთქვა გულის ადგილას და ეცადო გონებაც გულში მოამწყვდო, თავდაპირველად, ძალდატანებით, მერმე კი, როცა თანდათანობით შეეჩვევი ამგვარი ყურადღებით ქმედებას, განურჩევლად ყოველ-ჯამს, გინდ დღე იყოს, გინდ ღამე, გეჭნება დაუოკებელი სწრაფვა კვლავ და კვლავ ჰპოვო საოცარი ჩამ — სიხარული განუწყვეტელი<sup>1</sup>. შემდეგ გონება ცდილობს როგორმე მიაკვლიოს ის ადგილი, სადაც გულია, მთლიანად აქეთ გადმოინაცვლოს და დაემკვიდროს გულში. ყველაფერში ფხიზლად მყოფი გონება მაშინ მოახერხებს გულში მოკალათებას, როცა სულიწმიდის მადლით მოხდება ნეტარებისა და ლოცვის-ნიერი სიტბოს ვადაცემა. მყისვე, რაც შემდგომშიაც გრძელდება, საიდანაც არ უნდა წამოყოს თავი ან მოგვჩვენოს ჩაიმე გულისთქმა, მანამდე, ვიდრე იგი შენში შეაღწევდეს და დაგაფიქრებდეს, ანდა რაიმე სახეს შეიძენდეს შენს წარმოდგებაში, გონება მყისვე ვანდევნის და გაანადგურებს იესოს სახელით. ანუ „უფალო იესო ქრისტე შემიწყალე მე“ — ამისი თქმა და გონება მუყვითულად იმსკვალება დემონებისადმი ზიზღითა და სიძულვილით, მათთან ხელჩართულ ბრძოლებში ებძება და სპობს მათ. ხოლო რაც მოჰყვება ამგვარ მეცადინეობას საკუთარი გამოცდილებით გაიგებ, ღვთის შეწევნით, გონების მიყურადებისა და გულში იესოს ლოცვის აღბეჭდვით: „უფალო იესო ქრისტე შემიწყალე მე“. წმინდა მამათაგან

<sup>1</sup> წმ. სვიმეონ ახალი ღვთისმეტყველის ეს სიტყვა რუსულად უთარგმნია ეპისკოპოს თეოფანე დაყუდებულს (იხ. Слова Симеона Богоцлова, вып. II, М., 1890, стр. 188). მაგრამ ამ მონაცემს, ანუ პირდაპირ რჩევას დაყუდებისა და ლოცვისა აღვლენის წესის შესახებ, იგი შეგნებულად არ თარგმნის, რამეთუ ითვალისწინებს იმ საფრთხეს, რომელიც მორწმუნეს ემუქრება მისი თვითნებურად შესრულების შემთხვევაში. ამიტომ, გვიჩვენებს, უპირველეს ყოვლისა, ეკლესიაში სიარულსა და წირვა-ლოცვაზე დასწრებას. მას მიაჩნია, რომ გონებისა და გრძნობის გულში მომწყვდევა ჩვეულებრივ მოკვდავს არ ძალუძს, რადგან სულიწმინდის გარდამოსვლის გარეშე წარმოდგენილია ამგვარი ლოცვის აღსრულება რაც მხოლოდ რჩეულთა და სრულყოფილთა ხვედრია.

ერთ-ერთს კი, აი, რა უთქვამს: „დაეყუდე სენაკში და ეს ყვე-  
ლაფერში დაგაკვალიანებსო“.

კითხვა: რატომ არ მოსდევს იგივე შედეგი პირველი  
და მეორე სახეობის ლოცვას?

ბასუხი: იმიტომ, რომ საჭიროებისამებრ არ ვიყენებთ  
მათ. წმინდა იოანე კლემავსი, რომელსაც თითოეული სახეობა  
გამოუყენებია, ოთხსაფეხურიან კიბეს ადარებს და ამბობს:  
„ზოგიერთები ვნებებს თოკავენ და მშვიდდებიან, ზოგნი  
ფსალმუნობენ, ესე იგი ბაგეებით ლოცულობენ, სხვები გო-  
ნებრივ ლოცვაში ვარჯიშობენ, ზოგნიც ჭკრეტამდე მალდუ-  
ბიან“ ისინი, რომლებიც აპირებენ კიბეზე ავიდნენ, მაღალი  
საფეხურიდან როდი იწყებენ, და შემდეგ დაბალზე ჩამოდიან,  
არამედ დაბალი საფეხურებიდან მაღლისკენ მიიწევენ. — ჭერ  
პირველზე აღვამენ ფეხს, შემდეგ მეორეზე, მესამეზე და ბო-  
ლოს მეოთხეზე, ვისაც აქვს სურვილი მიწიდან ზეცად ამაღ-  
ლებისა, აი როგორ უნდა მოიქცეს: უპირველეს ყოვლისა, საჭი-  
როა, გონება მოიკრიბოს და შემუსროს ვნებები, მერმე უნდა გა-  
იწაფოს ფსალმუნებაში, ანუ ილოცოს ბაგეებით და როდესაც  
ვნებები დაცხრებიან, მაშინ ბუნებრივია ლოცვაც მიანიჭებს  
სიამოვნებასა და სიტკბოს თვით ენას და იგი სათნოა ღმრთი-  
სათვის. მესამე საფეხურზე უკვე ლოცულობს გონებით, ხო-  
ლო მეოთხეზე — გადადის ჭკრეტაში. პირველი საფეხური  
ახლადამწყებთათვისაა, მეორე — წარმატებულთათვის, მესა-  
მე, — რომლებიც წარმატების უმაღლეს ზღვარს მიუახლოვდე-  
ბიან, ხოლო მეოთხე — სრულყოფილთათვის.

ამგვარად, დასაწყისი სხვა არაფერია, თუ არა ვნებათა და-  
ოკება და აღზოცვა. შემუსრვილი გულის გარეშე მათი მო-  
თოკვა წარმოუდგენელია. რამეთუ, იტყვის უფალი, გულისგან  
გამოვალს ბოროტი გულისთქმანი, რომლებიც ადამიანებს  
შეაგინებენ. ამ დროს საჭიროა ყურადღება და ლოცვა. ოდეს  
ვნებები გულში გაუთავებელი ჭიდილის წყალობით საესებით  
დაცხრებიან, მაშინ გონება აღინთება ღვთის სიყვარულით,  
ეფალს აღიდებს ლოცვით და უმთავრესად ამაში გაჰყავს  
დრო. ღვთისადმი ამგვარი გულანთებული ლოცვით გონება  
ძლიერდება, განდევნის ყოველგვარ ბილწ გულისთქმებს,  
რომლებიც დაწრიალებენ, რათა როგორმე გულში შეაღწიონ

და ლოცვით მუსრავს მათ. აი, მაშინ იწყება ხელჩართული ომი — ყურთასმენის წამლები ღრიალით აიწყვეტენ გამძვინვარებულ დემონები, გულში ვნებათა ქარიშხალსა და ქარბორბალას დაატრიალებენ, მაგრამ იესო ქრისტეს ხსენებაზე უჩინარდებიან, ერთიანად იბუგებიან, იღვენთებიან, ვითარცა სანთლები ცეცხლის ალზე. მიუხედავად იმისა, რომ გაცამტვერებული და გულიდან გაძევებულნი არიან, მაინც არ ყრიან ფარხმალს, კვლავ ცდილობენ გონებას წაებლაუჭონ ისევ და ისევ გრძნობის საშუალებით. თუმცაღა გონება მალე იკრებს ძალებს და ცდილობს შეინარჩუნოს ჩვეულებისამებრ დაძახასიათებელი სიმშვიდის განცდა. რამეთუ ეშმაკებს როდი ხელეწიფებათ გონების სიღრმეში შეღწევა, არამედ მხოლოდ ზედაპირულად ეჭეთებიან. მაგრამ გონებას არ ძალუძს საბოლოოდ განთავისუფლდეს გულბოროტ დემონებთან ჭიდილისაგან და მათ არ ეწინააღმდეგებოდეს. ამგვარი მდგომარეობა ზომ სრულყოფილთა ხვედრია, ვინც ყოველივე დაუტყვა მთელი არსებით და გამუდმებით გულწმიერ ყურადღებაში იმყოფება.

ამრიგად, ვისაც სურს ღრულად გაიაროს ეს საფეხურები, ოდეს მიაღწევს ვნებათაგან გულის შემუსვრილებას, მთელი არსებით უნდა მიეცეს ფსალმუნობას, გულისთქმებთან ჭიდილს, ზეცად აღაპყროს გრძნობადი თვალნი, ანდა განკვირტოს ღმერთი სულის გონიერი თვალებით და ილოცოს გულწრფელად, ვითარცა ხაჰს. თუმცა მიშტერება ზეცად გრძნობადი თვალებით ყოველთვის როდი შეიძლება, არამედ იშვიათად, ჰაერში ნობორიალე ბოროტი ეშმაკების შიშით, რომელთაც სწორედ იმიტომ ეწოდებათ ჰაეროვანი სულები, რომ სხვადასხვაგვარი ხიბლის გამოწვევა შეუძლიათ ჰაერში და ამიტომ ყურადღებით ყოფნა გვემართებს. ღმერთი ჩვენგან ითხოვს მხოლოდ გულის განწმენდას ყურადღების მეოხებით. ამის შემდეგ, მოციქულის თქმით: „უკეთუ ძირი იგი წმიდა არს და რტონიცა მისნი“ (რომ. 11, 17). თუკი ვინმე იმ წესრიგით არ მოიქცევა, რაც ვთქვით, ზეცად აღაპყრობს თვალებსა და გონებას და აზრით წარმოისახავს რაიმეს, იგი თვალს მოჰკრავს ნაოცნებარს, რასმე საცთურსა და არა ჭეშმარიტს, და ეს იმიტომ, რომ გული არაწმინდა აქვს. მაშასა-

ღამე, პირველი და მეორე სახეობის ყურადღება და ლოცვა, როგორც არაერთხელ ვთქვით, ადამიანს წარმატებას ვერ მოუტანს. რატომ არის, როდესაც სახლის აშენება გვსურს, პირველად სახურავს როდი ვხურავთ და მერე საძირკველს ცყრიტ. იმიტომ, რომ ეს შეუძლებელია. ჯერ უნდა საძირკველი ჩავყაროთ, შემდეგ სახლი ავაშენოთ და მხოლოდ მერძე გადავხუროთ. სულიერთან მიმართებაშიც ასეთივე მოქცევა გვმართებს: ჯერ საძირკველი ჩავყაროთ ე. ი. მივალწიოთ გულის შემუსვრილებასა და ვნებები აღვხოცოთ, შემდეგ სულიერი სახლის შენებას შევუდგეთ, ე. ი. ავი სულების წყალობით ჩვენს შეგრძნებებში ატეხილი გრძნობათა ქარბუქი დავაშოშმინოთ, რაც შეიძლება სწრაფად შევეგუოთ ამ ორთაბრძოლის აღკვეთას და ბოლოს სახურავით დავაგვირგვინოთ ე. ი. სრულყოფილებას მივალწიოთ ყველაფრის უარყოფით, მთელი არსებით შევუდგეთ ღმერთსა და ამით განვასრულოთ ჩვენი სულიერი სახლი უფლისა ჩვენისა იესო ქრისტესი, რომელსა შევნიღ დიდება უკუნითი უკუნისამდე ამინ!

**ბერძნულიდან თარგმნა**

**მაია ინდუაშვილმა**

## ეპისტრატი ნიკიელი

ხოვლად ბრძნისა ეპისტრატი ნიკიელ მიტროპოლიტიისაჲ  
მოსახსენებელი შემოკლებული

„თუ ოდეს პრომნი და ეკლესიამ მათი რამსათეს  
ხალმრთოთა აღმოსავლისა ეკლესიათაგან განიჭრნენ“\*.

იყო ოდეს მყუდროებამ აქუნდა ყოველსა საეკლესიოსა დაწყნარებასა და ერთისა და მხოლომასა ყოველთა მიერ მსახურებულისა ღმრთისა სამთა გუამთა შინა აღსარებამ მშვიდობითა მტკიცითა და აღუძვრელითა. უმოხუცებულესსაცა შინა პრომსა და ახალსაცა და სხუათა სოფლებთა კეთილად მსახურათასა მოქალაქობდა და წარებართებოდა და ვითარცა კეთილად მსახური ვინმე უფრომსად საღმრთო პაპაი პრომისაჲ საღმრთოთა შინა მოსახსენებელთა წმინდათა პატრიარქთასა მოისხენებოდა. ხოლო სერგის ზე კეთილად მსახურისა პატრიარქისა კონსტანტინეპოლელთაისა დაყენებულ იქმნა მოხსენებაი მისი არა უმიზეზოდ, არა სადა არცა ვითარ ვინ თქუას განუნახველად, არამედ მართლად აღსარებულთა რათმე მიზეზთათვის. რამეთუ ბილწის მკამელ არიან პრომნი და იპარსვენ წუერთა. არა კაცნი ხოლო, არამედ მღვდელნიცა, ხოლო მონაზონნი ნაღნობსა ღორისცემელსასა ჭამენ და ბეჭედი ჰმოსია მღვდელთმთავართა და იტყვიან: ვითარმედ წინდად მოაქუს იგი სძალქმნილთა მათთა ეკლესიათად. ამას ყოველსა თანა შემსგავსებულსა პატივსა არა მიუზღვენ თაყვანის საცემელთა ნაცვალთა წმინდათასა, არცა პატიოსანთა ხატთა თაყუანის-სცემენ და ორნი ძმანი ორთა დათა ცოლად მიიყვანებენ, ჭამენ უკუე დამშთვარსაცა და იმარხვენ შაბათთა. მერმეცა ერთბამად იქმან ორსავე აღებაკრებასა ხორციელისა და ყველიერისასა პირველსა ორშაბათსა წმიდათა დიდთა მარხვათასა და რომელთა ცოლნი ესხნენ, არა შეუნდობენ მღვდლობისა მომართ. მოსლვად და ეამსა ეამისწირვისა და

\* ზემოთ მოცემული ტექსტი ქვეყნდება არსენ ივალთოელის „დოგმატიკონიდან“.

ზიარებისასა მწირველთა მიმართ და მიმღებელთა წმიდისა ზიარებისათა ამბორსყოფასა ჰყოფენ სხუანი და ამით სახითა იგინი უკუე მიმცემლობასა, ხოლო ესენი მიმღებლობასა ჰგონებენ სიწმიდეთასა. ხოლო მღდელთმთავარნი მათნი დღითიდღე ბრძოლად განსლვითა სისხლითა შეიღწიკულებენ ხელთა და უფროისლა უპირატეს მათსა სულთა. ნათელსცემენ ერთიანთა შთაყოფითა შერწყუმით მეტყუელნი ერთგზის, ხოლო სახელსა მამისა და ძისა და სულისა წმიდისასა; უცომოითა სრულ ჰყოფენ საღმრთოსა მღდელმემსხუერპლეობასა და განხრწნილად ჰქონან რომელთამე წერილთა შინა სიტყუანი რაიმე. რამეთუ მოცაქელისასა მას უკუე ვითარჲედ მცირე ცომი ყოველსა შესუარულსა აღაფუვნებს. თანამოსაჯულად შემწირველობისა მიმართ უცომოთასა იხუმევენ ესრეთ წარმკითხველნი ამისნი, ვითარჲედ მცირე ცომი ყოველსა შესუარულსა განხრწნის და უძღირესი, რამეთუ წმიდა მრწამსა შინა უბიწოისა სარწმუნოებისასა შემატებაი რაიმე მოუპოებიეს მქონებელი უღმრთოებისაი მეტყუელთა ესრეთ: „და სულისა წმიდისა უფლისა და ცხოველსყოფელისა, მამისაგან გამოვალისა და ძისა, და საღმრთოსა მღდელმოქმედებასა შინა ეგრეთვე ჰყოფენ შეძინებასა მხმობელნი ესრეთ: „ერთ არს წმიდაი, ერთ არს უფალი იესუ ქრისტე სადიდებელად ღმრთისა მამისა სულისა მიერ წმიდისა ამინ“.

14. ესენი უკუე არიან უთავადესნი, რომელთა თანა სხუათაცა რითმე ჰყოფენ მიმდგომთა ამათთა, გარნა აწ თქმულთა ამათ მიზეზთაგანნი რომელნიმე თანა წარსვლისა არიან ღირს და რომელნიმე დაუჭერებელ, რომელნიმე უნაშნო, ხოლო რომელნიმე სავლტოლველ და გარემისაქცეველ, რამეთუ ბილწის მკამელობაი და ჩუენთაცა შორის მრავალთა საპოვნელ არს მრავალგზის, რამეთუ ბითვინიელნი და თრაკნი და ლვდნი კვასა და კოლხოსსა და ელონასა ხმელისასა ჰაქმენ, რომელთა ხუმევაჲ დაუყენებლად დაუტევეს მამათა ვინაითგან ღმრთისა მიერ შექმნულთაგანი არარაჲ განსაგდელეჲ არს მადლობით რაჲ მიიღებვოდის და სახე ამისსა არს ზეცით გარდამოსრული იგი ქურქელი ტილოისაჲ, რომელსა შინა იყო ყოველი ოთხფერხი ქუეყანისაჲ და მხეცნი და ქუეყარმავალნი და მფრინველნი ცისანი და პეტრე ღმრთისა მიერ მსმენე-

818

ლი ესრეთ: „აღდე პეტრე დაკალ და ჭამე“. და იგი მეტყუე-  
ლი: „ვითარმედ ნუ იყოფინ მ უფალო, რამეთუ არასადა შე-  
გინებული ანუ არაწმიდაა შესრულ არს პირსა ჩემსა“. რო-  
მელსა კვალად ესმა: „რომელი ღმერთმან წმიდაყო შენ ნუ  
შეგინებულ გიჩნს“. და დიდი ბასილი იტყვის: „ვინათგან მზა-  
ლი არს კონლონიცა (?). ვითარ იგი ზორც არს ზორცი ძერ-  
საჲცა, გარნა ეგრეთა\* არავინ ჭამს ეგევითარსა რასმე. გო-  
ნების მქონებელი, არცა შეეხების მათ. არათუ დიდისა ჳირი-  
სა მიერ იძულებულ იქმნეს სადმე. ხოლო ჭამოს თუ ვიხჳე  
იძულებულმან, არა შეერაცხების უშჯულოებად.

და მოპარსვამ წუჭრთა მათთა მღღელთმთავართაგან ნუ-  
უკუშ და ნაცვალი არს ჩუენ მიერ მრგულად თხემისა მოპარ-  
სვისაჲ. რამეთუ იგინიცა და ჩუენ პატივად თხემისა მოციქულ-  
თაჲსა პეტრესსა ვჳყოფთ ამას და რაჲ იგი საგინებელად წმე-  
დისა ჰაენგლოვნებით მოიპოეს უღმრთოთა, ამას დიდებად  
და დიდად შუწნერებად\*\* შევჳრაცხთ ღმრთისმსახურნი.

ხოლო ცემლი ღორისაჲ მამათა მიერ შენდობილ არს მო-  
ნაზონთა და უფრომსდა რომელთა შორის ზეთი ცხებისაჲ\*\*\*  
არსაპოვნელიყოს და რამეთუ ამისთვის იტყუს ასკიტაკონთა  
შინა დიდი ბასილი: ვითარმედ „უკეთუ გამონადნობი ესე ჳა-  
მადი წმინდათა მამათა მიერ შენდობილ იქმნა ნაცვლად სხვისა  
რამსაჲჲ ჳამადისა წყლისა ანუ მხლისა იქმნებოდის, ნუშცა  
ვინ მიზნითა ვნებულისა ცუდად დიდებისაჲთა ვითარცა  
ზორცისაგან განყენებული ეძიებს უპატიოსნეთა ჳამადთასა  
და უსახმარესთა“ და კვალად შემდგომად მცირედისა: „რამე-  
თუ არა ჰურიებრ განვეყენებით ესე ვითართაგან არაჲმედ  
სავსებასა ვეველტით შუწმისაჲსა“.

ხოლო წმინდაჲ პახუმი მონაპტერთა შინა თჳსთა ზრდიდა  
ღორთა ნაფშუწნითა და ნამეტავითა ტრაპეზისაჲთა, და რაჲ  
იკლნნიან სხუაჲ უკუშ ზორცი სხუშბრ წარეგებოდა, ხოლო  
მუტლიერი და ფერხთა და თავისა მწუჭრვალნი მოუძღურე-  
ბულთა ბერთა მონაზონთა მიეცემოდეს, ამათ თანა არარაჲთ  
სავნებელ არს, არცა ბეჳდისა ცუჲამ მღღელთმთავართაჲ, და

\* ძნელად იკითხება.

\*\* აკლია — ი.

\*\*\* ზეთის ხილისასა ჰრქჳან ზეთი ცხებისაჲ.

რამეთუ, ჩვენ შორისნიცა მღდელთმთავარნი ოქრომოსილ არიან ოლარითა და სამკლავითა და ენჭირითა ოქროქსოვილითა მორტყმულნი, ესრეთ უკუშ ვითარცა ითქვა თანაწარსახდომელნი არიან ესე. ხოლო წმინდათა ნაწილებისა და პატიოსანთა ხატთა უპატივობა და უჩუქერებლად და ურწმუნოდ საგონებელ არსს. რამეთუ ნაწილნი თავთა მოციქულთანი პეტრესნი და პავლესნი მათ შორის მდებარე არიან, რომელთა ზედა უფრომს იქადიან იგინი, ვიდრელა სხუათა თხრობათა ზედა პრომაელებრთა და ადრიახე პაპამან პრომისამან მემუდესა კრებასა სხუათა პატრიაქთა თანა აღრაცხილმან დაამხუნა ხატთა მბრძოლნი და სრულიად შეაჩუშნნა. ხოლო უწესობაჲმ ქორწინებისაჲ და საქურველითა მბრძოლად განსვლაჲ მღდელთმთავართაჲ არა თანა-სათხო ყოფითა პაპასითა ქმნილი, არამედ ურცხვნობით და უმეტრებითა სათანადრომსა კრძალულებისაჲთა ადვილად საკურნებლად ჩანან და რამეთუ ჩუენ შორისთაცა ეპისკოპოსთაგანნი მრავალნი უჩუქროთა საქმეთა ხილულყოფენ, ხოლო სხვანი შემდგომნი თავნი ყოველნი სამართალსა და შჯასა შეამთხუშვენ მათ. რამეთუ განყენებისათვის მშოვარისაგან წიგნსა შინა საქმეთასა იტყუს ძმაჲ ღმრთისაჲ დიდი იაკობ: „ესრეთ ესჯიო მე რაჲთა არა ურვებდენ წარძართთაგან უფლისა მიმართ მოქცეულთა, არამედ ამცნებდენ მათ განყენებასა კერპთა ნაზორევისაგან და სიძვისა მშოვრისა და სისხლისა. არათუ დავიწყებისაგან ვიეთისამე იქმნას ოდესმე ხუშევაჲ მშოვრისაჲ, ვითარ იგი ჩუენ შორისცა მრავალნი კადნიერ იქმნებიან ჳამად სისხლისა დაშთომილისა ნაწლევთა შინა დაკლულისა ცხოველისათა“. ხოლო შაბათთათვის იტყუს კანონი წმინდათა მოციქულთა: „უკეთუ ვინმე იპოვოს სამღდელთათაგანი მმარხველად წმიდისა, კურიაკისა, ანუ შაბათისა, თვნიერ ერთისა მის ხოლო, განიკუშთენ, ხოლო უკეთუ ერისკაცი იყოს — უზიარებელ იქმენინ. ვინაიცა პრომნი მმარხველნი შაბათისანი თუსაგან დააყენა კანონმან წმიდისა და მეექუსისა მსოფლიომსა კრებისამან, ხოლო შემწინკულებისათუს პირველისა შუდეულისა დიდთა მარხვათამსა განაჩინებს მეთორმეტე კანონი წმიდათა მოციქულთაჲ ესრეთ: „უკეთუ ვინმე ეპისკოპოსმან, ანუ ხუცესმან, ანუ დიაკონმან, ანუ კერძოდიაკონმან, ანუ წიგნისმკითხველ-



მამ წმინდანი მარხვაში არა იმარხნეს, ანუ ოთხშაბათ-პარასკევსა არა ხმელის მკამელ იქმნეს, განიკუჭთენ. არათუ ვინმე უძლურებისაგან დაყენებულ იქმნეს, ხოლო ერისკაცი თუ იყოს—უზიარებელ იქმნინ, რამეთუ ცხად არს ვითარმედ გარეშე წმიდათა ორმოცთამსა არს შუდეული საცხოვრებლისა ვნებისაჲ, რომლისთვის იტყუის კანონი მეექუსისა მსოფლიომსა კრებისაჲ; ვითარმედ საცხოვრებელისა ვნებისა დღეთა მარხვითა და ლოცვითა და ღმობიერებითა გულისაჲთა გარდამხდელთა მორწმუნეთა უხმს, რათა საშუალსა ჟამსა დიდისა შაბათისა ღამისასა განხსნან მარხვაჲ და შედეგი. ხოლო არა შეწყნარებისათვის ცოლოსანთა მღვდელთამსა რომლისასა რეცა კანონის მიერ იტყუან მოცემულობასა პირდაყოფილ იქმნენ იგინი მეექუსისაგან მსოფლიომსა კრებისა, რომლისა მეთაორმეტე კანონი განთესებულად ჰრომთათჳს მოიხსენებს და დააყენებს მათ შჯულისმდებლობისაგან ესევეითართამსა და უერცელესადრე ჰყოფს წარმოთქმასა ამისსა მათთვის. მერმეცა განლევისათვის მღვდელისა მიერ წმიდისა ზიარებისა და სხუათა ამბორისყოფისა და ზიარებად მათდა შერაცხისა ამისისა ნამეტავ არს თქუმაჲ უკუნრღუჭვისაჲ, რამეთუ თუთ თავით თუისით დაშვილ არს ესე ვითარი ხელყოფაჲ და არა ხუებულ, არცა უნაწილო არს ზღაპრობითისა მენიშეობისაგან, რამეთუ „მიიღეთ ჰამეთო“ იტყუს მეუფე. არა ვითარმედ მკამელთა ამბორს უყავთ ურთიერთას.

ხოლო ერთითა შთაყოფითა ნათლისმცემელთათვის ესრეთ იტყუს: მეერგასისე კანონი წმინდათა მოციქულთაჲ: „უკეთუ ვინმე ეპისკოპოსმან, ანუ ხუცესმან არა სამნი ნათლისცემანი სრულყვნეს, ერთისა მესაიდუმლოობისანი, არამედ ერთი ნათლისცემაჲ სიკუდილისა მიმართ უფლისა მიცემული, განიკუჭთენ. ხოლო სამად ნათლისცემად უწოდს სამთა შთაყოფათა. კუალადცა უცომოთათჳს ჰრომნი ვიდრემდე მიზეზ იღებენ ვითარმედ თესლისა ადგილი უპყრიესო ცომსა და ვითარმედ თენიერ თესლისა შემტკიცენს სიტყუსა და ღმრთისა მიერ მიხუბულნი ხორცი და დაჰვიწყებიეს, ვითარმედ უფრომსლა აპოლინარელთამსა მიმართ მიდრკებიან წვალებისა, რამეთუ იგი ხორცთა, ხოლო უსულოთა და უგონებოთასა იტყოდა მიხუამსა ძისა მიერ და სიტყუსა, ხოლო ცომი ნაცვლად გონე-

ბისა. ვინაითგან უფალი ჩუენი იესუ ქრისტე ვითარცა არს სრული ღმერთი, ეგრეთვე არს სრული კაცი. ვინაჲცა უცომონი უკუჲ ებრაელთა მიეცნეს შჯულად, მოსახსენებელად ეგვპტით სივლტოლისა მათისა, ხოლო პური ქრისტიანეთა მოსახსენებელად ცხოველმყოფელისა სიკუდილისა ქრისტესისა, რამეთუ რაოდენ გზის შჯამდეთო პურსა ამას, იტყვს და ჰსუმიდეთ სასუმელსა ამას სიკუდილსა უფლისასა მოუთხრობდით, რამეთუ არა უცომოჲ მოილო ქრისტემან და მისცა მოწაფეთა, არამედ პური ვითარცა დაამტკიცებენ ოთხნი მახარებელნი და ყოვლით კერძო მოძღურებასა შინა წმიდათა მოციქულთასა. არა უცომოსა, არამედ პურსა ვჰპოვებთ მათ მიერ მიცემულად და განყოფილად. რამეთუ უკუჲთუმცა უცომოჲ იყო, არამცა ეწოდა პურად, რამეთუ პურად ითქუმის რეცა ტრფიალებით და სახითა რაჲთამე ცომისა მიერ ცხოველყოფისა მისისათჳს, ანუ ვითარცა უნაკლულოჲსა და სრულისათჳს და განტეხაი პურისა და არა უცომოჲსაჲ სილბოისათჳს და საჭამადად მარჯუშობისა მისისა, ანუ ვითარ არა უჯეროება არს.

უსრულისა და მკუდრისა უცომოჲსა ცხოველად და ცხოველსამყოფლად ხორცად მეუფისა ქრისტესსა შეცვალებისა ზმნობაჲ: რამეთუ რაჲ ზიარებაჲ არს სულიერთა ხორცთა ქრისტესთა და უსულოთა უცმოთაჲ, ხოლო უცმოთა ჰამისა მნებებელნი, რად არა წინადაიკუჲთენ. რამეთუ ქრისტემან წინადაიკუჲთა, არამედ ძუჲლნი წარხდეს, ვითარცა იტყვს პავლე: „და იჰმნნეს ყოველნივე ახალ“.

ხოლო ვითარმედ არა უცომოჲ იყო მწუხრსა დიდისა ხუთშაბათისსა მაცხოვრისა მიერ მოციქულთა და განყოფილი იგი ცხად არს ჯერეთ არღა სადა მოწევნულობისაგან მაშინ პასექისა. რამეთუ იტყვს ღმრთისმეტყუჲლი იოვანე: „ხოლო უწინარეს ღღესასწაულსა მას პასექისასა, იცოდა იესუ, რამეთუ მოიწია ჟამი მისი, რათა განვიდეს სოფლისაგან მამისა მიმართ, რამეთუ შეიყუარნა თჳსნი იგი ამას სოფელსა, სრულიად შეიყუარნა იგინი და სერობაჲ რაჲ იგი იყო და შემდგომნი“... და კვალად: „მოიყვანეს იესუ კაიაფაჲსით პრეტორად ხოლო იყო განთიად, და იგინი არა შევიდეს, რათა არა შეიგინნენ. არამედ რათა ჰამონ პასექი“. და კვალად: „ხოლო პურითა, რათა

არა დაადგრეს გუამი მისი ჯუარსა ზედა შაბათსა შინა. ვინათგან პარასკევი იყო რამეთუ იყო დიდი დღე იგი მის შაბათისაჲ. და შემდგომნი: „აწ უკუშ გამოჩინებულ იქმნა, ვითარმედ უწინარეს დღესასწაულისა პასექისასა იქმნა სერობაჲ იგი. ხოლო შჯულ არა იყო მათდა უწინარეს პასექისა ჭამად უცომოხსაჲ.“ ვინაცა მარკოზ ესრეთ იტყუს „ვითარმედ პირველსა დღესა უცომოთასა, ოდეს პასექსა დაჰკლვიდეს“ და კვალად ლუკა: „ხოლო მოიწია დღე უცომოებისაჲ, რომელსა შინა ღირდა დაკლვად პასქაჲ“. გარნა არა წინააღმდეგომად იოანესსა მეტყუჴლებენ, რომელი იტყუს: „ვითარმედ უცომოთად მეთუ დღე მოიღებვის თთვისაჲ, რომელი წინა განმზადებამ იყო პასექისაჲ“. ვიტყუ უკუშ ვითარმედ მეთოთხმეტისა დღისაჲ. ცხად არს, ვითარმედ სხვათა მათ თანა საშუალ დამთხუჴულთა დღეთა ვითარ იგი გამოსლვათა წიგნსა შინა ეტყვის ღმერთი მოსეს „ვითარმედ ათსა ამის თთვისასა მიიყვანენ კაცად კაცადმან ცხოვარი სახლად სახლად ცხოვარი. და იყავნ თქუენდა დაცვულ, ვიდრემდე მეთოთხმეტედმდე ამის თთვისა და ვითარი ესე ჩუენ შორის დიდი შუდებული განმზადებამ რამე არს წმიდათათვის ვნებათა და საცხოვრებელისა მის აღდგომისა. ეგრეთვე ებრაელთა შორის იყო ოთხეულობაჲ იგი დღეთაჲ. ვინაცა სანატრელმან იოანე ვითარცა შემდგომად სხუათა მახარებელთასა აღმწერელმან, და აღწერილთა მათთა მხილველმან. რომელნიმე მათ მიერ გამოუცხადებულად თქმულნი სახარებათა შინა მათთა უცხადესადრე განჰმარტნა. ხოლო რომელნიმე დაშთომილნი მათნი მოიხსენნა, ვითარ ლაზარეს ზედა აღსრულებული საკვრველებამ, ჟამი საღმრთოხსა სერობისაჲ და სხუანი. ვითარ უკუშ მოციქულთა მოსცეს უცომოჲ რომელნი არა მოელო მათ. რამეთუ შემდგომად სერობისა მისცა ესე საიდუმლო ოდეს იგი ეტყოდაცა. გულისთქმით გული მი-თქუმიდა ჭამად პასექსა ამას თქუენთანა. ვითარცა მოწევნულობასა სიკუდილისა ჟამისასა. რომელსა მოციქულიცა ეწამების იტყოდის რაჲ: „რამეთუ მე მოვიღეო უფლისაგან რომელიცა მივეც. რამეთუ უფალი იესუ ქრისტე ღამესა, რომელსა მიეცემოდა მოიღო პური ჰმადლობდა და განტენხა და თქუა: „მიიღეთ და ჭამეთ“ და შემდგომნი. ხოლო დაღათუ პეტრესცა და პავლეს მიუცემიეს მათდა უცომოჲ სეფე რომელი ესე არა

სარწმუნო არს, არავე სახსენებელ იყო თქმად. ვითარმედ მრავალი მოციქულთა მიერ მიცემული შეიცვალა მათ მიერვე განძლიერებასა შინა სარწმუნოებისასა და რამეთუ პეტრე წარმართთაგან მოციქულთა მორწმუნეთა წინადასცუტდა და ეგრეთ ნათელსცემდა. და პავლე ტიმოთეს წინადასაცუთა და კათაკუმეველნი ოცდა ათისა წლისანი ნათელს იღებდეს და შაბათი იცვებოდა და მღდელთ მთავარნი ცოლთა ისხმიდეს და შჯულიერთა რათმე წესთა პატივსცემდეს მაშინდელი მორწმუნენი. გარნა არღა რამ ესე ვითარი მოქალაქობს აწ წმიდისა ეკლესიისა, უსრულესისა მიმართ წარმატებითა და ვინათგან დიდი იყო მაშინ ჰრომს შესაკრებელი და სიმრავლე ებრაელთაჲ ვითარცა იტყუს წიგნი საქმეთაჲ: „არაივე საკვრველ არს უკეთუ შეენდო მათ პირველ სადმე შექმნაჲ უცომომსა სეფისაჲ. უძღურებისა მათისა თანა შთამოსლვისათვის, ხოლო უკუანასკნელ აღებულ იქმნა ესეცა. ეგერა კეთილად მსახურებისა მიმართ წარმატებასა შინა მათსა.

და რამეთუ ებრაელთაცა შეუნდვნა ღმერთმან მსხუმრპლნი, არამედ უკანადასკნელ დაჰსნნა.

ხოლო სულისა წმიდისა გმობისა მიმართ აღუძრვან იგინი არამართლიად გულისხმისყოფასა სახარებისა სიტყუსა ესრეთ მეტყუჴლისასა, ვითარ იგი იტყუს მაცხოვარი სულისა წმიდისათეს, ვითარმედ ჩემგან მიიღოს და გითხრას თქუენ და დიდისა პავლესსა იტყოდის რამ, ვითარმედ გამოავლინა ღმერთმან სული ძისა თვისსაჲ გულთა მომართ თქუენტა და არა ჰნებავს განხილვად, ვითარმედ თვისებისა და საკუთრებისა წარმომაჩინებელ არიან ესე. რამეთუ ერთბუნებობაჲ და სწორპატივობაჲ სამთავე გუამოვნებათაჲ იხილვების ამიერ. რამეთუ არა ესრეთ თქუა მაცხოვარმან, ვითარმედ „ჩემგან მიიღოს“, არამედ ჩემისაგან მიიღოსო, ესე იგი არს, რომელსა ზედა დაპრთო განსაცხადებელად სიტყუსა, ვითარმედ „ყოველნი, რაოდენნი ჰქონან მამასა, ჩემნი არიან“. ამისთვის თქუა ვითარმედ „ჩემისაგან მიიღოს და გითხრას თქუენ. რამეთუ უკეთუ ძესა და სულსა რაოდენნი რამ ესმნენ მამისაგან, მათ იტყვან, მისვე სადმე დიდებისა და ძალისანი არიან. ხოლო ვიეთნიმე ამას, „თუ ჩემისაგან“, ესრეთ თარგმნიან: „ვითარმედ ჩემისაგან მამისა“.

რამეთუ ჩუქულეზად გუაქუს მრავალ გზის ესევეთართა სიტყუათა მიერ წარმოდგინებად საკუთრებისა, და დიდმან პავლე თქუა რაჲ: „ვითარმედ სული ძისა მისისაჲ ერთბუნე-ბაობაჲ ცხადყო. რამეთუ არა, რომელიცა ითქმოდის ვისდად-მე ყოფად, ეგერა მისგან ქმნილ არს და გამოსრულ არს და რა-მეთუ მამადცა ძისად ითქუმის, ვითარ იგი ზემოგუთქუაჲს, არამედ არა ძისაგან იშვების. და სულსა სიბრძნისასა ვიტყუთ, და სულსა გულისხმისყოფისა, და სულსა მეცნიერებისასა და მრავალთა ეგევეთართა. არამედ არა ამათ მადლთაგან გამო-ვალს ყოვლად წმიდაჲ სული, რომელი უფროჲს მიმნიჭებელ და მიმცემელ არს მათდა ღირსთა მინიჭებისა მათისათა, ხო-ლო ვამხილოთ შეგულის სიტყუათაცა\* რათმე მიერ უჭერო-ბასა ესევეთართისა ამის სარწმუნოებისასა უკეთუ მარტივ უკუე არს სული, ხოლო მამისაგან და ძისა გამოვალს, უე-ჭუჲსლად ერთად პირად საგონებელ იქმნენ იგინი და ამიერ წემოყვანებულ იქმნეს შერწყუმაჲ საბელიოჲსი, ანუ უფ-როჲსლა ნახევარ საბელიანოზობაჲ, და კუალად უკეთუ სწო-რებით გამოვალს მამისაგან და ძისა, წინასწარ ცხად არს უშუჲრებაჲ ტყუილისაჲ. რამეთუ ვითარცა მიზეზითა უფ-როჲსმან ძისამან, მამამან უფროჲს გამოავლინოს. ხოლო უკეთუ უფროჲს გამოვიდეს მამისაგან განყოფილებაჲ მიზეზ-თაჲ, განყოფილებაჲსა შემოიყვანებს ბუნებისასა, რომელი ესე არიოზის სიცოფისაჲ არს. და კვალად უკეთუ თუთებაჲ არს გამომავლობაჲ, ვითარ იგი უშობებლობაჲ და შობილებაჲ იპო-გოს სული წმიდაჲ ორთა თუთებათა მომგებელად. ერთსა უკუჲს რომელ არს მამისაგან ქონებაჲ გამოსვლისაჲ, ხოლო მეორესა ძისაგან და ძე ვიდრემდე ერთითა თუთებითა განეყოს მამასა. ხოლო ესე ორითა და ამიერ უმრწემეს იყოს ძისა უგუნურება-თაებრ მაკედონიოსისთა, და ამათ თანა უკეთუ ძე ეზიარების მამასა, გამოვლინებას ზედა სული წმიდისასა და სულიცა წმი-დაჲ ეზიაროს მას შობასა\*\* ზედა სიტყუასასა, რამეთუ ყოველნი მამისანი რაოდენნი ზიარ არიან ძისა მიმართ. ესენი სულისაცა წმიდისა მიმართ, და მიერთგან იყოს ერთბამად მიზეზიცა და

\* ესე იკითხება ტექსტში.

\*\* შეიძლება ბუნებასა (ზ. ს.).

მიზეზისაგანაც. რომელი ესე უფრომს მენიშეობა არს ელლენთა მეზღაპრობისასაცა. მერმეთა უკეთუ უსრული არს მამისაგან გამოსლვაჲ სულისაჲ ნამეტნავიყოს ძისაგან ქმნა ამისი. მერმეცა უკეთუ მამისაგან და ძისაგან გამოვალს სული, ორკეცი იყოს იგი და შეზავებული, რამეთუ მარტივი ორთა ვითვანმე არა გამოვალს. მერმეცა უკეთუ ყოველი, რომელი არა არს სამთაჲვე. ერთისაჲ არს მხოლოდ, ხოლო გამომავლინებლობაჲ არა არს სამთაჲვე ზიარი, ერთისაჲ იყოს მხოლომსაჲ და ამაო იქმნეს სიტყუაჲ უგუნურებით გამომეძიებელთაჲ.

მერმეცა უკეთუ იგივე გამომავლინებლობაჲ სულისაჲ ძესაცა აქუს ვითარცა მამასა, ზიარ იყოს მათი თვთებაჲ გამომავლინებლობისაჲ, და ვითარ თვთება იყოს ზიარ რამეჲ; ხოლო უკეთუ წინააღმდგომ არს ესე გამოსლვაჲ მის გამოსლვისა, ვითარ არა განხრწნის ესე მას. რამეთუ ურთიერთას განმხრწნელ არიან წინააღმდგომნი და უკუეთუ მოყუსობა, კერძოჲ უკუჲ სულისაჲ ესრეთ. ხოლო კერძოჲ მისი სხუა სახედ გამოვიდეს და უსწოროთა კერძოთაგან იყოს იგი შემოკრებულ.

მერმეცა უკუეთუ ძე მამულისა სიმარტივისაგან არა უნდების. ხოლო სულსა ორთა მიზეზთა აქუს ალყუანებაჲ ორკეცი ვიდრემდე იყოს. და სადალა არს სამებისა სიმარტივე და სწორ პატივობაჲ. მერმეცა უკეთუ ორთა დასაბამთა მიმართ ალიყვანების სული, სადალა იყოს მრავალ საგალობლობაჲ ერთდასაბამობისაჲ, რამეთუ ელლენებრი მრავალდასაბამობაჲ რომელ არს მრავალმთავრობაჲ ამიერ.

მერმეცა უკეთუ თვთება მამისა არს გამომავლინებლობაჲ, ხოლო თანა ეზიარების ძე, უეჭუჭლად თვთებასა ძისასა, რომელ არს შობილობაჲ, ეზიარების მამაჲ, და მიერიტვან უშობელი მამაჲ შობილად იწოდებოდის. მერმეცა უკეთუ გამოავლენს ვიდრემე ძე, ხოლო სული ხუჭბულ არს, გამომავლინებლობისაგან უკნინესისა ძალისაჲ იყოს იგი თვნიერ ძისა, მერმეცა უკეთუ გამოავლენს ვიდრემე სულსა მამაჲ, ხოლო გამოავლენს მას რეცა იყოს სული მახლობელ მამისა თვთ მისგან გამოსლვისათჳს დამწორებელიცა ძისაგან გამომავლობისათჳს მისისა. მერმეცა უკეთუ თანა დაუსაბამო, ვიდრემე ძისა არს

სული ჟამისაებრითა დასაბამითა, ხოლო გამოვალს მისგან უეჭუჭლად შობასა შინა მისსა გამოვალს, და მიერიტვან თანაგამოჩინებული და შობილი იყოს და გამოსრული. ხოლო ძი-ზეზიდებენ, ვითარმედ ესრეთ უთქუამსო ამბროსის სიტყუათა შინა თვსთა და მისთანა კუალად ავლუსტინოსს და იერონ-ვმოსს, რომელთათვის სიტყუა უგებთ, ვითარმედ ანუ სულისა მბრძოლთაგან განირყუნნეს წერილნი მათნი. ანუ განგებულე-ბით თქვს ესე, ვინაითგან დიდმანცა ბასილი იხმარა განგებულე-ბაჲ და თვისა თვისისა შორის გამოუთქმელად დაჰმარხა ვიდრე რომლადმდე ჟამად ყოვლად წმიდისა სულისა ღმრთის-მეტყუჭლებაჲ ანუ ვითარცა კაცნი ამით ჯერიტა ხუჭბულ იქმნნეს უცთომელობისაგან, რომელი ესე მრავალთა დიდთა-განთა შეემთხვა რომელთამე შინა ვითარ იგი ალექსანდრიელ-სა მონუსიოსსა და მეთოდის პატრონელსა და პანტენოსს და კლიმის სტრომატელსა და პიერიოსს და პამფულოსს და თე-ოლნოსტოსს და ირინეოსს ლოდონელსა და იპოლიტეს მო-წაფესა მისსა, რამეთუ რომელთამე სიტყუათა მათთა არა მივიტუალავთ დაღათუ ფრიად საკურველ გვიჩნან სხუანი, და რამეთუ სარწმუნოებისა ჩუენისა წმიდაჲ საზღვარი ყოველთა საყდრის მონაცვლეთა ურთიერთასთა კეთილად დაამტკიცეს, რომელსა წინააღუდგომელად თანაჯერძჩინებულ-იქმნნეს წი-ნამძღუარნი და მნათობნი დიდისა ჰრომაელთა ეკლესიისანი და უქცეველად შჯულად დადვეს, რაჲთა არღარაჲ შეემატოს არცა დააკლდეს წარმოთქმულსა მას საზღვარსა სარწმუნოე-ბისასა, არამედ მკადრებელიცა ამისთა ყოვლად ყოვლითურთ ეკლესიით განყრაჲ ბრძანეს.

აწ უკუეშ საღმრთომან გრიგოლი დიოლოლოსმან არამრავ-ლითა ჟამითა შემდგომად მეექუსისა კრებისა გამოჩინებულ-მან ჰრომაელებრითა ხმითა და წერილითა იღმრთისმეტყუჭ-ლა. მხოლოჲსა მამისაგან ოდენ გამოსლვაჲ სულისა წმიდისაჲ, ხოლო ზაქარია, რომელმან შემდგომად ასსამოცდა ხუთის წლისა აღწერილნი დიოლოლოსისანი ელლენთა ენად გარდა-მოთარგმნნა, ნუგეშინისმცემელი სულიო, იტყუს — მამისაგან გამოვალს და ძისა თანა ჰგიეს, რამეთუ წინამორბედისა იო-ანესაგან ისწავა ესე, რომელმან იხილა სული გარდამომაველი, ვითარცა ტრედი და დადგრომილი მის ზედა.

ხოლო ლეონ და ვენედიქტე დიდისა ჰრომისა უკუანას-  
კნელთარე მღვდელთმთავართა საიდუმლოსა შინა მღვდელ-  
მემსხუტკპლეობასა ელლადელთა ენითა შჯულდებულჰყვეს.

თქმაჲ მრწამსსა სარწმუნოებისასა თუთ ჰრომსაცა შინა და  
სხუათა ყოველთა მის ქუტშეთა ეკლესიათა რაჲთა არა სივიწ-  
რემან ჰრომაულისა ენისამან მიზეზი გმობისაჲ მოატყუას; ეს-  
რეთვე ლეონ ფასის საცავი სამოციქულოჲსა ჰრომაელთა  
ეკლესიისაჲ განალო, და ფარის სახენი ორნი საღმრთოსა მას  
საუნჯესა შინა დაკრძალულნი გამოიხუნა, რომელთა ელლე-  
ნებრითა წერილითა და სიტყუთა აქუნდა კეთილადმსახურო  
აღწერაჲ სარწმუნოებისაჲ და ამათი წესი მრავლისა ჰრომა-  
ელთაჲსა აღმოკითხვაჲ საჯა და ვიდრე პირველ მოხსენებული-  
სა მის სერგი პატრიარქისა კონსტანტინუპოლელთაჲსამდე  
მღვდელთ მთავარნი ჰრომისანი დასაბამსა მღვდელობად მოს-  
ლისასა განსამტკიცებლობითსა თუსისა სარწმუნოებისასა  
წარსცემდეს ეპისტოლესა, ყოველთა საპატრიარქოთა საყდარ-  
თა და მრწამსსა სარწმუნოებისასა უცვალებლად შთასწერ-  
დეს.

გარნა რად სახმარ არს მრავლის მეტყუტლებჲჲ ძე და მე-  
უფე მამისაგან ღმრთისმეტყუტლებს გამოსლვასა სულისასა  
და დიდი პავლე ესრეთ ჩანს მეტყუტლად: „და დათუ ჩუენ,  
გინა ანგელოზი ზეცით გახარებდეს გარეშე მისსა, რომელი  
გახარეთ თქუენ, შეჩუენებულ იყავნ და ვინ ეძიებდეს მოძღუ-  
არსა სხუასა, არათუ ბორგნეულ ქმნილ იყოს განცხადებუ-  
ლად“.

ამენ.

**ნელნაწერიდან გადმოიტანა ზაზა სესიაშვილმა**



ლოცვისა და ფსალმუნების შესახებ

1. ღმერთმა აგვიხილა გონების თვალი და უხვად დაგვაიერტყა უსაზღვროდ მაღლიანი კალთა, დაგვამწყალობა მრავალი ნიჭი მაგრამ არავინაა კაცთაგან ისეთი, რომ შეეძლოს ღირსეულად მიაგოს ღმერთს ამის სანაცვლოდ. დავითი ამბობს: „რაჲ მივაგო უფალსა ყოვლისავეთჳს, რომელი მომაგო მე?“ (ფს. 115, 3). რაკილა წინასწარმეტყველი იმით მიძაოთავს, ვისთვისაც ადვილი მისახვედრია ამ სიტყვებში ნაგულისხმევი, დაწვრილებით აღარ ჩამოთვლის იმ წყალობებს, ადამიანის გაჩენამდე რომ არსებობდა. იგი მხოლოდ ისეთ წყალობებზე ჩერდება, რომლებიც ადამიანს ღმერთისგან ებოძა გაჩენის შემდგომ. რანი იყვნენ ისინი ადამიანის დაბადებამდე, ანუ ვიდრე ადამიანი ხორცს შეისხამდა, ღმერთს რაგვარი წყალობანი ჰქონდა უკვე განმზადებული მისთვის? ცა და დედამიწა, მთლიანად გარესამყარო და ცოტაოდენი შესაძლოა ზესამყაროსეულიც, რასაც სული ჩვენი გულისთვის შთაბერა. რამეთუ ეს ყოველივე არსებობდა ვიდრე ადამიანის შექმნამდე და არაფრისაგან ჰქმნილი, ჩვენთვის წინდაწინვე კაცთმოყვრულად იყო განმზადებული. რატომ არის, რომ უპირველესად იგი ეძლევა ამქვეყნად მოსულ ყოველ ძეხორციელს, საარსებოდ და შესატკბობად. ეს ხომ არც ჭილდოა რაიმე დამსახურების წილ, არც საზღაური, არამედ გაღებულია უანგაროდ, ვითარცა საჩუქარი ყოვლად სულგრძელი და მრავალმოწყალე ღმრთისაგან, რომელსაც განურჩევლად ყველას დამწყალობება ხელეწიფება. „რა გაქჴს?“ — კითხულობს პავლე — „რომელი არა მიგიღებოდა?“ (I კორ. 4, 7) „ანუ ვინ წინასწარ მირაამესცა მას და კუალად მიეგოს მას?“ (რომ. 11, 35). ასე, რომ თავს ვიკავებ ეგზომ მრავლისმომცველსა და ესოდენ მნიშვნელოვან საკითხში ჩაღრმავებისგან და მხედველობაში მაქვს მხოლოდ სამყარო, მასში არსებულით და ზესამყარო, ხოლო ჩვენ, შემყურეთ ამა წყალობათა, რომლითაც ღმერთმა

გაჩენის დღიდანვე დაგვასაჩუქრა, საგონებელში გვაგდებს. ეს, თუ ვითარ შეიძლება ამის წილ სანაცვლოს მიგება.

მაინც რა წყალობანი გვიბოძა ისეთი გაჩენის შემდგომ, რომელთა გამო წინასწარმეტყველის თქმით, გამუდმებულ ცალში ვიმყოფებით ღვთის წინაშე? ოდეს აღამიანს ცნობის-წადილი აღეძვრის იმის მიმართ, ვინც ხორცი შეასხა და შეუქმნა მთელი გარესამყარო, აღავლენს ღვთის დიდებას და მას რწმენითა და საქმეებით შეუდგება, რაც გარკვეულწილად წარმოადგენს კიდევ აღამიანისაგან ნაცვალსაგებს ღვთისათვის. რამეთუ ღმერთი მარადმჩქეფარე, უშრეტი წყარო სათნოებათა, მის მაღიდებელთ ერთიორად განადიდებს. დამწყალობებულნი კვლავ შესაბამის მაღლიერებას აღავლენენ თავიანთი მხრიდან, რაც სიტყვებში და საქმეებშიც განცხადდება. ასე გრძელდება მრავალგზის ნაცვალგების კანონისამებრ და ყალიბდება უთვალავი მონაგარი ურთიერთათვისა—აღამიანისთვის ღმერთის მხრივ და ღმერთისთვის — მაღლიერ აღამიანთა მხრიდან. ასე შეიცნო აბრაამმა შემოქმედი, მიაგო პატივი და დიდება ღმერთს და ღირს-იქმნა მოესმინა მისი ხმა და მიეღო ღვთაებრივი აღთქმაც: — წადი შენი ქვეყნიდან, შენი სამშობლოდან, მამაშენის სახლიდან იმ ქვეყანაში, რომელსაც მე გიჩვენებ. გაქცევ დიდ ხალხად, გაკურთხებ და განვადიდებ შენს სახელს და კურთხეულ იქნები. ვაკურთხებ შენს მაკურთხებელს და დავწყევლი შენს მაწყევვარს; კურთხეულ იქნება შენში მიწიერთა მთელი მოდგმა“. (დაბ. 12, 1-3).

ამგვარად, თავად ეს სიტყვებიცა და მათში განცხადებული აღთქმაც აბრაამს ღმერთისგან მიეცა, მის მიმართ აღვლენილი დიდების სანაცვლოდ. მან კვლავ ღვთის მორჩილებით წარმართა საქმეები, რის გამოც ხელახლა მოესმა: „ყოველსა ქუეყანასა, რომელსა შენ ჰხედავ, შენ მიგვე იგი და ნათესავსა შენსა უკუნისადმდე“ (დაბ. 12, 15.).

სწორედ, ამას გულისხმობს თანმიმდევრულობა ურთიერთობაში — აბრაამის მხრივ ღმერთის წინაშე მისაგებელი ნიშანდებული რწმენით, სიტყვით და საქმით, აბრაამისთვის ღმერთის გამოცხადება, აღთქმაც და წყალობაც, რაც ვითარ შეიძლება გადმოიცეს ენამჭევრობის გარეშე, რადგან მათ გვერდით ხომ უეჭველად უნდა ვახსენოთ აბრაამის სხვა უდი-

დესი სასწაულმოქმედებანი, კანონები, წინასწარმეტყველებანი და ისიც, რომ მისგან არს მოდგმა მეფეთა, თავად ქრისტეც — მეუფე მეუფებათა და ღმერთი ჭეშმარიტი. ვინც ყურადღებით დააკვირდებოდა, შესძლებდა შეენიშნა, რომ არა მარტო აბრაამს, არამედ ღვთის ყოველ მამებელს მსგავსი ბედი ეწევა.

მაშასადამე, ოდეს დავითმა გამოიკვლია, ასწონ-დასწონა იმჟამინდელი თავისი ყოფა, ეუწყა ისიც, რაც იყო მის გაჩენამდე (რამეთუ ესეც მის გამო მოხდა), შეიცნო უზომო ღვთაებრივი მადლი, ის მადლი, რომელიც ჭეშმარიტად 'შენის ღმერთს, ღმერთმა კი. ადამიანებთან ურთიერთობაში გამოაჩინა, ისიც გაიაზრა, რომ თავად ადამიანებს არაფერი გაგვაჩნია სანაცვლო ჩვენთვის ბოძებულ წყალობათა ტოლფასი, შეჭლადადა: რაჲ მივაგოთ უფალსა ყოვლისავეთუს, რომელი მომაგო მე? — რაკი არაფერი მოეძევებოდა ღვთის საკადრისი მისართმევად, სხვა რა გზა ჰქონდა, აღიარა ღვთისაგან გაღებული წყალობა მასზედ, შეავედრა მომავალში დამწყალობლებაც და წარსტევა შემდეგი „სასუმელი ცხოვრებისა მოვილო და სახელსა უფლისასა ვხადო“. (ფს. 115, 4). თუმცა არც ეს ჩაითვლება საზღაურად, რამეთუ რაც მეტს იღებს, მით უფრო მეტს ითხოვს მიეცეს, ნაცვლად იმისა, რომ თავად ზღოს. რადგან, თუკი მეუფისაგან დამწყალობლებული მუხლებზე დაეცემა და კვლავ მორიგ წყალობას შესთხოვს, ამით ხომ ვერაფერს მიუზღავს მეუფეს მიღებულ წყალობათა წილ. მან ხომ „სასუმელი ცხოვრებისა“ უწოდა ღვთისადმი სამადლობელ სადღეგრძელოს „ცხოვრების“ სანაცვლოდ. თუმცადა წინასწარმეტყველი, სულიწმინდით მოსილი, მომავლის წინასწარ შემცნობი, ვითარცა ჩვენი მამამთავარი რწმენაში, თავის თავზე იღებს იმას, რაც ჩვენც გვეხება. „სასუმელი“ — ამბობს იგი — „ცხოვრებისა მოვილო და სახელსა უფლისასა ვხადო“. ეს განცხადებაა ჩვენი ღმერთთან ზიარებისა, კავშირისა საიდუმლო ბარძიმთან, თანახმად ამისა, თამამი ლტოლვა ღვთისაკენ და ამავე მიზეზით ცხოვრებაც. თუკი ღვთისგან ბოძებული წყალობის სანაცვლოდ სხვა არაფერი გვაბადია, გარდა იმისა, რომ კვლავ ვილოცოთ ღვთისთვის, ოდეს ვიუსჯულოებთ ღვთის წინაშე ვითარცა დამნაშავენი, რითღა გამოვისყიდით

მას? რასაკვირველია ვერაფრით. რამეთუ სიკეთე უნდა ვაკეთოთ შეცოდებამდე და სიკეთე უნდა ვქმნათ, ოდეს შევცოდეთ ღვთის წინაშე, რაკილა, არაფერი გაგვაჩნია საკადრისი შენდობის სანაცვლოდ, ცოდვებისაგან განკურნების შემთხვევაშიც არაფერი დაგვრჩენია, გარდა იმისა, რომ ვადიდოთ უფლის განუზომელი მოთმინება და დავაფასოთ მისი ღვთაებრივი გულმოწყალება.

მაინც რატომ ხდება, რომ — მე თქვენ მოგმართავთ ამჟერად, — არ გაგვაჩნია არაფერი მისაგებელი ღმერთისთვის, არც იმ წყალობის სანაცვლოდ, რომელიც მან მოგვაგო, არც იმ ცოდვების წილ, რომლითაც იგი შეურაცხევავით, და ჩვენ უფრო და უფრო გავურბივართ ღვთის სადიდებელსაც და ლოცვებსაც? აი, ახლა მე ვხედავ ეკლესიას, სავსეს აქ შეკრებილი ხალხით და გული მევსება სიხარულით. წარსულიც მახსენდება, როს იდგა ჟამი რთველისა. (ამას გეუბნებით არა გაკიცხვის მიზნით, არამედ იმისთვის, რომ კეთილგონიერულად განსაჯოთ) — იყო ჟამი რთველისა და ეკლესიაშიც საგრძნობლად იკლო ღვთის სადიდებლად შეკრებილ და გულითად მლოცველთა რიცხვმა. ჩვეულებრივი დღეები ხომ საერთოდ ჩაკვდნენ მაშინ, ანდა კვირიაკეებში აღვავლინეთ განა ღვთისადმი ლოცვა და დიდება? მათ ღვთისა ეწოდებათ იმიტომ, რომ სწორედ, მაშინ უნდა მოვსწყდეთ ყოველგვარ გასართობს და თავი ვანებოთ ყოფით საქმიანობას. ან ყოველწლიური მოსაველიანობა საიდანღა გვაქვს? — ღვთისაგან არ არის ნუთუ ესეც? — ოდეს ჟამია ტკბობისა, რთველისა, განა მაშინ უფრო არ შეშვენის ღვთის სადიდებელს ჩვენიც დაუერთოთ? ჩვენ კი, სავსებით უხეიროდ და უსამართლოდ მოვიქეციეთ, რასაც თან მოჰყვა კიდევ ხელისმოცარვაცა და ღვთისათვის ზურგის შექცევაც. რატომ ვსაუბრობ მაინცდამაინც ამაზე ამჟერად? — იმად, რომ ბევრნი რთველამდეც და რთველის შემდგომაც კვირიაკეებშიაც ვერ „გამოფხიზლებულან“, საცისკრო ღვთისმსახურებას რომ დაესწონ. ისეთებიც არსებობენ აქ შეკრებილთა შორის, რომლებსაც ერთმანეთთან მუსაიფში გაჰყავთ დრო, ნაცვლად იმისა, რომ ილოცონ და ადიდონ უფალი. ბევრი გაცილებით მეტ ყურადღებას უთმობს ზიზილპიპილებს, ვიდრე წმიდათაწმიდა სიტყვებს, ყიდვა-გაყიდვას, ვიდრე სულ-

მოუთქმელად წასაკითხ საღვთო წერილში განსწავლას. ასე და ამგვარად, ტაძარი იქცა დუქნად, „სახლი ლოცვისა“, რაც იგივეა, რომ ვთქვათ, „სახლი ღვთისა“ — „სახლ სავაქროდ (იოან. 2, 16). აი, ეს ხალხი დაფუსფუსებს ჩვენს ირგვლივ, როგორც ხედავთ, ვითარცა მამალი ფუტკრები და თავად უსმინარნი, მოსმენას მოწყურებულთაც აბრკოლებენ.

რამ გამოიწვია მათი ასე დასნეულება? — თავი და თავი ამ ავადმყოფობისა იმაში მდგომარეობს, რომ არ მიაჩნიათ, ღვთისადმი ლოცვა-დიდებას, საღვთო წერილისა და ქადაგების მოსმენას თუ ძალუძს რაიმე სარგებლის მოტანა. ასე, რა თქმა უნდა, მხოლოდ ზოგიერთები ფიქრობენ (ვამბობ ზოგიერთები-მეთქი იმიტომ, რომ ეს სიტყვები ყველაზე როდი ვრცელდება. უსამართლობა იქნებოდა ამის თქმა). მაშასადამე, ზოგიერთები ამაში ვერავითარ სარგებელს ვერ ხედავენ, ფიქრობენ რომ უბრალოდ დრო გაჰყავთ ღვთის ლოცვა-დიდებაში და მეტი არაფერი. თვალსაჩინოებისთვის ის ფაქტიც კმარა, რომ მოაწევს თუ არა ჟამი სამეურნეო სამუშაოთა, იქნება ეს მკა, ან რთველი, ანდა რაიმე სხვა, რაც აუცილებელ საქმიანობად გვესახება, ისინი ღვთისმსახურების შეწყვეტასაც ითხოვენ, რასაც იმდენად დიდი ზიანი მოაქვს ცალკე ღვთისმსახურებასა და ცალკე ქრისტეში ცხოვრებისათვის, პირადად თქვენი სხეულებრივი ნეტარებისთვისაც, რომ შეუძლებელია გადმოგვცეთ. ვინც უქმად მიიჩნევს ღვთისადმი ლოცვაში გატარებულ დროს, უარყოფს ლოცვასა და მთლიანად ყოფით საქმიანობაში იძირება, არ სწამს უფლისგან თქმული: „თვნიერ ჩემსა არა რა ძალ-გიძსთ ყოფად არცა ერთი“. (იოანე, 15, 5). არც ის უწყის, რომ სიკვდილ-სიცოცხლის ღმერთი ჩვენს ჯანმრთელობასა თუ ავადმყოფობასაც განაგებს და ვითარცა მისი საქმე იყო ჩვენი გაჩენა, მასვე ხელეწიფება შემოგვაძარცვოს ის, რითაც ვსულდგმულობთ, ვმოქმედებთ და ვარსებობთ. ურწმუნოს წარსული საუკუნის ამბები ვერ დაუჭერებია და აბა, იმას როგორღა ირწმუნებს, რაც მომავალში უნდა მოხდეს? თუ მტკიცედ არ სწამს მომავალი ცხოვრება, სიკვდილის შემდგომი სიცოცხლე, ანდა საშინელი სამსჯავრო, როგორღა იზრუნებს სათნოებათა მოსახვეჭად? ამაზეც მაქვს პასუხი. ყოველგვარი სათნოება, ჩადენილი არა ღვთისათვის,

არა აღთქმული სასუფეველისათვის არა, მარადიული ტანჯვის შიშით, არ არის სათნობა. თქვენთვის უკვე თვალნათელია, რომ შეუძლებელია გქონდეთ მტკიცე რწმენა ან გულწრფელი სათნობა, თუკი მთელი არსებით არ მიეცემით საეკლესიო ღვთისმსახურებას. რამეთუ ცხოვრებისეულ საქმეებს ღვთის შეწევნის გარეშე წარმატებით ვერ აღვასრულებთ. ეს ყოველივე ბეჯითად ლოცვით მიიღწევა.

თუმცა თქვენ მეტყვიით — რამდენიც გინდა იმდენია ისეთი, რომელიც არც ეკლესიაში დადის ხშირად, არც იქ აღსრულებულ ლოცვებში ერთვება, და არა მარტო ხელი ეწყობა ცხოვრებაში, არამედ განცხრომაშია განდიდებული და ჯანსაღი. ახლომთ განეჩხრიკოთ. რატომ არა გვაქვს მუდამ დალხენილი ცხოვრება? რად არის იგი არამყარი და ტანჯვით სავსე? იმითომ, რომ ღმერთს არ მოვუხმობთ ამა თუ იმ საქმიანობისას, ამიტომ არც ის შეგვეწევა და ბოროტი მძლავრობს. ამგვარი დათმობის შედეგად არა მარტო უარესისკენ მიექანება ჩვენი საქმენი, არამედ სავალალო დასასრულიც აქვს, რამეთუ საკმარისია სულ მცირე ბიძგი, ანდა უმნიშვნელო საბაბი, ადამიანები ისე გაშმაგდნენ, რომ ერთნი გახდნენ მსხვერპლნი ძმისაგან მოღერებული მახვილისა, მეორენი კი. ცოცხლობდნენ ძმათა სისხლში შეღებილი ნებით, სულითა და ხელებით. რამეთუ გონება, რომელიც განუღდება ღმერთს, ადამიანს ამსგავსებს პირუტყვს ან ეშმაკს, აკარგვინებს ბუნებრივ იერს და ადამიანმა არ იცის, რას სჩადის, მისი ბუნებისათვის უცხო გაუმაძღრობისა და წრეგადასული სიხარბის მარწუხებში მოქცეული. იგი მთელი არსებით დანთქმულია ხორციელ გულისთქმებში, ვერაფრით ვერ კმაყოფილდება, სურს, პატივით ეპყრობოდნენ, როდესაც საქმიანობით ამას არ იმსახურებს, დაჟინებით ითხოვს, რომ ეპირფერებოდნენ, იწონებდნენ და ეთანხმებოდნენ მის ყოველგვარ განზრახვას. ხოლო მავანის აზრი მისას თუ არ დაემთხვა მთელი სიცხადით გააფთრებული, სიბრაზისა და ძალადობის წყალობით სისხლით ნათესავებთან ურთიერთობაშიც გველს ემსგავსება. ასე და ამგვარად, ადამიანი კაცისმკვლელი ხდება და ის, ვინც შეიქმნა ხატად და მსგავსად ღვთისა კაცისმკვლელი სატანის მინამგვანია. ყველაფერს ამას ერთი მიზეზი ეძებნება. გონება (სული) განე-

შორება ღვთისმოშიშებასა და ღმერთს ივიწყებს, უბოროტეს მტერს — სატანას უკაფავს გზას და მასთან წილნაყარი ხდება. თუკი წინდაწინ სულს განვადლიერებთ უფლისადმი დიდებასა და ლოცვაში ნებისმიერი საქმის აღსრულებისას, ეშმაკი ჩვენს სულებში ვერ დამკვიდრდება და ამასთანავე, მზაკვართა დასნიც განგვეშორებიან. სამაგიეროდ, ჩვენს სულებს დაეუფლება უმწიკვლობა, პატიოსნება, სიმშვიდე, მორჩილება და სიყვარულით შეკავშირებულთ აუღმღვრეველი და გაუზზარავი ცხოვრება გვექნება. ქრისტე — მეუფე ქვეყნისა. იქნება ჩვენს შორის მასთან თითოეული ჩვენგანის განუწყვეტელი კავშირის საფუძველზე.

ამიტომ, ვიდრე საქმეებში ჩავეფლობოდეთ, ყოველ ცისმარე ღვთის ეკლესია თავისკენ გვიხმობს წმინდა ბილებით<sup>1</sup>. ყოველდღიური კავშირი ღმერთთან ლოცვისა და ფსალმუნების გზით განაქარვებს ყოველგვარ გულარძნილებას, მათ გე'სს უცვლის სიკეთისაკენ, თრგუნავს ხორციელ ვნებათაღელვას, ებრძვის ანგარებიან ნებას, წარხოცავს მზვაობრობას, აოკებს შურს, დააცხრობს რისხვას, განაგდებს ღვარძლს გულში დაგუბებულს, განგვარიდებს გულისწყრომასა და უსიამოვნებებს. სანაცვლოდ, სათნობანი, კანონიერებანი, კეთილდღეობანი მოაქვს ქალაქებისა და ოჯახებისთვის, სულთა და ხორცთათვის, მეუღლეთათვის, ამკვიდრებს მონასტრული ცხოვრების წესს და ერთი სიტყვით, იგი არის დასაბამი და განმამტკიცებელი ყოველი კეთილისა, და განგვარიდებს და გვათავისუფლებს ყოველგვარი ბოროტებისა და განსაცდელისგან. იონა, მორევში ჩათრეული და ზღვის ვეშაპის მიერ შთანთქმული, კვლავ დედამიწაზე რამ დააბრუნა, თუ არა ლოცვამ. ისმინე, თუ ვითარ დაგვემოწმება თავად: „ღალად-ეყავ ქირსა შინა ჩემსა უფლისა მიმართ ღმრთისა ჩემისა და შეისმინა ჩემი მუცლისაგან ჭოჯოხეთისა ღალადებისა ჩემისა, ესმა ხმისა ჩემისა“ (იონა, 2, 3). ან სიკვდილის პირას მისული ეზეკია რალამ დააბრუნა სიცოცხლეში, თუ არა ისევ ამან, ლოცვამ? მოწმეა ესაია, ამის მაუწყებელი: „ამათ ეტყვის უფალი... მეს-

<sup>1</sup> ბილები — ხის დაფები, რომლებიც ეკლესიაში ზარების მაგირობას სწევდნენ.

მა ლოცვისა შენისა და ვიხილნე ცრემლნი შენნი. აჰა, შესძინე ჟამსა ზედა შენსა წელიწადი ათხუთმეტი“. (ეს. 38, 5). დანიელი რაღამ იხსნა ლომის ხახისგან? საკმარისი იყო უარისთქმა ღვთისადმი ლოცვაზე, რომ გასამართლებულს შთააგდებდნენ „მღვიმესა ლომისასა“. (დან. 6, 10-23). სამნი ყრმანი, ცეცხლში ჩაყრილნი, ცოცხლად რაღამ დაარჩინა? ყური დაუგდე, რას ამბობენ კოცონში: — „ყავ ჩუენ თანა სახიერებისაებრ შენისა და სიმრავლისაებრ წყალობისა შენისა... და ეც დიდება სახელსა შენსა, უფალო“ (დან. 3, 42-43).

დროებით შევწყვიტოთ საუბარი ძველ აღთქმაში მოხსენიებულთა შესახებ და ყურადღება მივაქციოთ იმათ, რომელნიც თანახმად სახარებაში მოთხრობილისა მადლით განიკურნენ უდიდესი შეჭირვებისგან. მკვდარი ასული იაიროსისა, შესაკრებელის მთავრისა — როგორც მოვისმინეთ დღევანდელი ლუკას საკითხავიდან, რამ გააცოცხლა, თუ არა ქრისტესადმი აღვლენილმა ლოცვამ? (ლუკ. 8, 41-42). ვინ უწყალობა თვალისჩინი ორ ბრმას? (მათ. 9, 27; 20, 30). განა „ერი“ არ „პრისხუდა“ ორთავეს დადუმებულთაგან, მაგრამ უფრო ხმამაღლა მღაღადებლებმა ხომ მიიღეს ის, რაზეც ასე ლოცულობდნენ (მათ. 20, 30-34). ანდა ქანაანელ დედაკაცს, მიუხედავად უკანონოდ მოპყრობისა და აბუჩად აგდებისა, რით განეკურნა ასული თუ არა დაჟინებული ლოცვით უფლისადმი? (მათ. 15, 22-28). ესეც გადავდოთ გვერდზე და გავიხსენოთ ჩვენი თანამემამულენი, ზეციური გვირგვინოსნები, მარადის უკვდავი და ჩვენგან მოწიწებით თაყვანისცემულნი. წამებულთა შორის საკვირველი ნესტორი, ვიდრე მოწამედ შეირაცხებოდა, გამოჩნდა ვითარცა მეორე დავითი და შეებრძოლა ახალ გოლიათს — ლიას. წმინდა ნესტორმა ჭერ გოლიათის თვალწინ ილოცა, შემდეგ შეება ლიას, ძლიერი მარცხი აგება და შემუსრა ტირან მაქსიმიანეს გულგორიზობა. განა წმინდანებისადმი აღვლენილი ლოცვა არ შეეწია ამ დიდ საქმეში, უპირველესად კი მოწამებრივად აღსრულებული დიმიტრი ექმნა მეოხ წინაშე ღმრთისა (იხ. წმინდანთა ცხოვრება, 26 ოქტომბერი).

მაშასადამე, თუკი ლოცვა კუდით ქვას ასროლინებს ავადმყოფობას, განკურნავს კეთროვანთ, თვალისჩინს დაუბრუნებს:



ბრმებს, ისნის მხეცის ხახიდან ადამიანებს, როგორც სმელეთზე, ისე ზღვაში, ცოცხლად დაარჩენს კოცონში ჩაგდებულთ, გარდაცვლილთ მოაბრუნებს სიკვდილის კარიბჭიდან, აღადგენს მკვდართ, წარმოაჩენს ვითარცა ზეციურ გვირგვინოსნებს და ხილულ და უხილავ მტრებზე გამარჯვებულებად, საუცხოო საჩუქარს უძღვნის მათ, რომლებიც სულით და გულით ლოცულობდნენ, ნუთუ ნათელი არ არის, რომ ლოცვისადმი უგულისყურო დამოკიდებულების მიზეზით და დაუდევრობის წყალობით ჩვენზედ მძლავრობს უდიდესი შეჭირვებანი? რამეთუ „ითხოვდით“ — ამბობს უფალი — „და მოგეცეს თქვენ. ეძიებდით, და ჰპოოთ; ირეკდით, და განგელოს თქვენ. რამეთუ ყოველი, რომელ ითხოვდეს, მოიღოს, და რომელი ეძიებდეს, ჰპოვოს, და რომელი ირეკდეს, განგელოს“. (მათ. 7, 7-8). და — „უკეთეთ თქვენ“ — ამბობს იგი, — „უკეთურთა იცით მისაცემელი კეთილი მიცემად შვილთა თქვენთა, რაოდენ უფროსლა მამამან თქვენმან ზეცათამან მოჰსცეს კეთილი, რომელნი ჰსთხოვდნენ მას“ (მათ. 7, 11). მაგრამ სადღა არიან „გულისხმისმყოფელნი“, სადღა არიან „გამომეძიებელ ღმრთისაჲ“. (ფს. 13, 2). რამეთუ, ოდეს გავიცნობიერებდით, თუ ვინ არის ჩვენი შემოქმედი, ვინ დაგვდო პატევი ხატად მისად ყოფნისა, ვინ დაგვასახლა სიამტკიბილობის წმინდა წალკოტში, ჩვენ, გადადრძებულნი და ცოდვებით დამძიმებულნი, გაძევებულნი ედემის ბაღიდან, კვლავ თავისი ძალისხმევით განგვაახლა, აღგვადგინა, ძველი დიდებისა და საუკუნო ცხოვნებისაკენ მოგვიწოდა. თუკი ამას გავიაზრებდით, სულელებს როდი დავიბინძურებდით ამაოებითა და წარმავალობით, არამედ სულმოუთქმელად მოვძებნიდით და ვიზრუნებდით იმაზე, რომელიც ძნელად თუ იპოვება და არც ირგვლივ მიმოფანტულა. ჩვენ კი, თითქოსდა წყალს ვასხამთ გახვრეტილ კასრში, გაწყვეტილ ძაფზე ვაცვამთ ძვირფას ნივთებს. არ გაგაჩნია სიმდიდრე? არც განძეულობას ფლობ? გული ხომ მაინც გითქუამს? ეს საკმარისია, თავს დაგატყდეს ათასი ბოროტება. რამეთუ, ვითარცა ბრძანებს დიდი პავლე, „რომელთა ჰნებავეს სიმდიდრე, შეჰსცვვიან განსაცდელსა, და საფრთხისა და გულის-თქმათა მრავალთა უცნაურთა და მავნებელთა, რომელთა დაანთქნიან კაცნი მოსასრველად და წარსაწყმედე-

ლად“, (1 ტიმ, 6, 9). ასე რომ, მხურვალედ ვითხოვოთ, ძმანო, ზეციური სიმაღლეები, დაე, მიველტვოდეთ სილაჟვარდეს, ვინძლო უწყინრად მოგვეცეს მიწიერი სიკეთე ამ საუკუნეში. შვეიტკბოთ სიცოცხლე, რათა არც ზეციური კეთილდღეობა და მომავალი გაგვიქრეს მომავალ საუკუნეში კურთხევიტა და კაცტმოყვარებიტა მეუფისა ჩუენისა იესო ქრისტესიტა, რომელსა ჰშვენის დიდება და პატივი და თაყვანისცემა თანადაუსაბამოჲთ მამიტ თვისიტ და ყოვლადწმიდით სულითურტ აწ და მარადის და უკუნითი უკუნისამდე, ამინ.

**ძველბერძნულიდან თარგმნა**  
**ბაია ინდუაშვილმა**

«Beet от мiра какою-то пустынею, или потому что я сам живу в пустыне, или потому, что и многолюдное общество, когда оно отчуждилось от Слова божiя, получает характер пустыни».

(სვ. ეპ. იგნატი,  
პისმო № 35)

### სახარების კითხვის შესახებ

სახარების კითხვისას ნუ ეძიებ ტკობას, ნუ ეძიებ აღფრთოვანებებს, ნუ ეძიებ ბრწყინვალე აზრებს; ეძიე, შეუბღალავად დაინახო წმიდა ქეშმარიტება.

ნუ დასჯერდები სახარების მხოლოდ უნაყოფო კითხვას; ეცადე, შეასრულო მისი მცნებები, იკითხე ის საქმით. ეს ცხოვრების წიგნია და იგი ცხოვრებით უნდა იკითხო.

შემთხვევითი როდია, რომ წმიდათაწმიდა წიგნი, ოთხთავი, მათედან იწყება და იოანეს სახარებით მთავრდება. მათეს სახარებაში მეტი ყურადღება ეთმობა იმას, თუ როგორ აღვასრულოთ ღვთის ნება, მასში გადმოცემული რჩევები განსაკუთრებით ახლადმოქცეულებს მიესადაგება; იოანეს სახარება ასახავს ღმერთის შეერთებას მცნებებით განახლებულ ადამიანთან, რაც მხოლოდ და მხოლოდ ღვთის გზაზე წარმართებულთათვისაა მისაწვდომი.

როდესაც წმიდა სახარებას გადაშლი, გახსოვდეს, რომ იგი შენს მარადიულ ხვედრს გადაწყვეტს. მისით განვისჯებით, და ამ ქვეყნად მის მიმართ ჩვენი დამოკიდებულებისდა მიხედვით ან მარადიული ნეტარება მოგვეგება, ან მარადიული სასჯელი<sup>1</sup>.

ღმერთმა საკუთარი ნება გამოუცხადა ადამიანს — უმნიშვნელო მტვერს! წიგნი, რომელშიც ეს დიადი და ყოვლადწმიდა ნებაა გადმოცემული, შენს ხელთაა. შეგიძლია, შემოქმედისა და მხსნელის ნება სურვილისამებრ მიიღო, ან უარყო. შენი

<sup>1</sup> იოანე 12, 48.

მარადიული სიცოცხლე და მარადიული სიკვდილი შენ გეკუთვნის: განსაჯე, რამდენად ფრთხილი, და კეთილგონიერი უნდა იყო. ნუ ეთამაშები შენს მარადიულ ხვედრს!

უფლის მიმართ ილოცე, შემუსვრილი სულით, რათა მან განანათლოს თვალნი შენნი და განიცადო საკვირველებანი შჯელისა მისისანი<sup>2</sup>, — სახარებისა. თვალი გეხილება და ამჩნევ ღვთის სიტყვის მეშვეობით ცოდვებისაგან სულის გასაოცარ განკურნებას. ხორციელ უძღურებათა განკურნება მხოლოდ სულის განკურნების დამადასტურებელი იყო, დამადასტურებელი ხორციელ კაცთათვის, ავხორციობით დაბრძანებულ გონებათათვის<sup>3</sup>.

იკითხე სახარება უკიდურესი მოკრძალებითა და ყურადღებით. მასში ნურაფერს მიიჩნევ მცირემნიშვნელოვნად, განხილვისათვის მცირედღირებულად. ყოველი მისი სიტყვიდან სიცოცხლის სხივი გამოკრთის, სიცოცხლის უგულვებელყოფა კი სიკვდილია.

როდესაც უფლის მიერ განკურნებულ კეთროვანთა, უძღურთა, ბრმათა, მკელობელთა, ეშმაკეულთა შესახებ კითხულობ, იფიქრე, რომ ცოდვის მრავალგვარი წყლულის მატარებელი, დემონთა ტყვეობაში მყოფი შენი სული ამ სნეულთა მსგავსია. სახარებისაგან ისწავლე რწმენა იმისა, რომ უფალი, რომელმაც ისინი განკურნა, შენს მხურვალე ვედრებასაც შეისმენს და კურნებას მოგმადლებს.

ისეთი სულიერი განწყობა მოიპოვე, რომ კურნების მიღება შესძლო. მისი მიღების უნარი გააჩნია მას, ვინც საკუთარ ცოდვებს გრძნობს, ვისაც გადაწყვეტილი აქვს, მათ განუდგეს<sup>4</sup>. ამპარტავან მართალს, ანუ ცოდვილს, რომელიც თავის ცოდვებს ვერ ხედავს, არ ესაჭიროება, მისთვის უსარგებლრა მხსნელი<sup>5</sup>.

ცოდვების ხედვა, ხედვა იმ დაცემისა, რომელშიც მთელი ადამის მოდგმა იმყოფება, განსაკუთრებული მადლია ღვთისა. ითხოვე ეს მადლი, და შენთვის უფრო გასაგები გახდება სახარება — წიგნი ზეციური მკურნალისა.

შეეცადე, სახარება გონებასა და გულს შეეთვისოს, რათა

<sup>2</sup> ფსალმუნი 118; 18. <sup>3</sup> ლუკა 5; 24. <sup>4</sup> იოანე 9; 39, 41. <sup>5</sup> მათე 9; 18.

გონება მასში ეფლობოდეს, მასში ცხოვრობდეს: მაშინ უენი მოღვაწეობაც იოლად გახდება სახარებისეული. ამას სახარებინ განუწყვეტელი კითხვითა და შესწავლით შეიძლება მიაღწიო.

ძველი მამების ერთ-ერთმა წარმომადგენელმა, ღირსმა პახუმი დიდმა წმიდა სახარება ზეპირად იცოდა, და ღვთის გამოცხადებისამებრ თავის მოწაფეებსაც მისი შესწავლის აუცილებლობას შეაგონებდა. სახარება ყველგან თან სდევდა და მარადის ხელმძღვანელობდა მათ<sup>6</sup>.

და ახლა, განა არ სჯობს, ქრისტიანმა აღმზრდელებმა უცოდველი ბავშვის გონება სახარებით გაალამაზონ, ვიდრე ეზოპეს იგავებითა და სხვა არარაობებით დაანაგვიანონ?

რა ბედნიერებაა, რა სიმდიდრეა, — მეხსიერებაში აღიბეჭდო სახარება! შეუძლებელია, წინასწარ განსკვრიტო ის გადატრიალებები და უბედურებები, რომელიც მიწიერი ცხოვრების განმავლობაში შესაძლოა, თავს დაგვატყდეს. სახარება, რომელიც მეხსიერებას ეკუთვნის, ეკითხება ბრძმებს, საპყრობილეში თან ახლავს პატიმარს, საკუთარი ოფლით მორწყულ ყანაში ესაუბრება მიწათმოქმედს, სამსჯავროს დროს არიგებს მსაჯულს, ვაჭრობისას ხელმძღვანელობს ვაჭარს, ახარებს ავადმყოფს დამღლევი უძილობისა და აუტანელი მარტოობის უამს.

არ გაბედო, თავად განმარტო სახარება და საღმრთო წერილის სხვა წიგნები! საღმრთო წერილი წმიდა წინასწარმეტყველების და მოციქულების მიერ არის დაწერილი, დაწერილი არა თვითნებურად, არამედ სულიწმიდის ჩაგონებით<sup>7</sup>. განა უგუნურება არაა, იგი თვითნებურად განმარტო?

სულიწმიდამ წინასწარმეტყველთა და მოციქულთა პირით წარმოთქვა, ხოლო წმიდა მამების მეშვეობით განმარტა ღვთის სიტყვა. ღვთის სიტყვაც და მისი განმარტებაც — სულიწმიდის მადლია. მხოლოდ ამ ერთადერთ განმარტებას ღებულობს წმიდა მართლმადიდებელი ეკლესია! მხოლოდ ამ ერთადერთ განმარტებას ღებულობენ მისი კეშმარიტი შვილები!

<sup>6</sup> პახუმი დიდის ცხოვრება. *Vies des Pères des déserts d' Orient par le R. P. Michel—Ange—Manin.*

სახარება ზეპირად იცოდა წმიდა ტიხონ ვორონეჟელმა.

<sup>7</sup> 2 პეტრე 1; 21.

ვინც სახარებას და მთელს საღვთო წერილს თვითნებურად განმარტავს, ის ამით უარყოფს მის განმარტებას წმიდა მამების, სულიწმიდის მიერ. ვინც უარყოფს საღვთო წერილის განმარტებას სულიწმიდის მიერ, ექვეგარეშეა, ის უარყოფს თვით საღმრთო წერილსაც.

და მათთვის, ვინც მას კადნიერად განმარტავს, ღვთის სიტყვა, ხსნის სიტყვა სასიკვდილოა, ორღესული მახვილია, რომლითაც ისინი თვითონვე განიგმირავენ თავს, რათა საუკუნოდ წარწყმდნენ<sup>8</sup>. ასე წარიწყმიდეს სული არიოზმა, ნესტორმა, ევტიხიმ და სხვა მწვალებლებმა, რომლებიც საღმრთო წერილის თვითნებური და კადნიერი განმარტებით ღვთისმგებლობაში ჩავარდნენ.

„და ვის ზედა მივიხილო, არამედ ანუ მდაბალსა ზედა და მყუდროსა და მძრწოლარესა სიტყუათაგან ჩემთა?“<sup>9</sup> — ამბობს უფალი. ასეთი იყავი სახარებისა და მასში დაფარული უფლის მიმართ.

დაუტევე ცოდვით სავსე ცხოვრება, დაუტევე მიწიერი მიდრეკილებანი და განცხრომანი, უარყავ სული შენი, მაშინ სახარება შენთვის მისაწვდომი და გასაგები გახდება.

„რომელსა სძულდეს სული თვისი ამის სოფელსა“, თქვა უფალმან, — სული, რომლისათვისაც დაცემის გამო ცოდვისადმი სიყვარული თითქოს ზუნებრივი, თითქოს ცხოვრებისეული გახდა, — „ცხოვრებად საუკუნოდ დაიმარხოს იგი“<sup>10</sup>. სახარება დახურულია მისთვის, ვისაც საკუთარი სული უყვარს, მისთვის, ვინც ვერ ბედავს, თავი გასწიროს; ის ასოებს კითხულობს, ხოლო ცხოვრების სიტყვა, როგორც სული, მისთვის შეუღწევი კრეტსაბმელის მიღმა რჩება.

— როდესაც ხორცშესხმული ღმერთი დედამიწაზე იმყოფებოდა, მრავალმა იხილა იგი, მაგრამ ვერ დაინახა. რაღა სარგებელია, თუ ადამიანი ცხოველთა მსგავსად ხორციელი თვალებით იქტირება, მაგრამ ვერაფერს ხედავს სულიერი თვალით — გონებითა და გულით? ახლაც ბევრი ყოველდღიურად კითხუ-

<sup>8</sup> 2 პეტრე 3; 16. 2 კორინთელთა 2; 15, 16. <sup>9</sup> ესაია 66; 2.

<sup>10</sup> იოანე 12; 25.

ლობს სახარებას, და ამასთანავე, არასოდეს წაუკითხავს იგი, სრულიად არ იცნობს მას.

სახარება წმინდა გონებით იკითხება — თქვა რომელიღაც ღირსმა მეუღაბნოე მამამ, — გასაგები ხდება მისი მცნებების თვით საქმით შესრულებისა და მიხედვით. მაგრამ შეუძლებელია, სახარების ზუსტ და სრულყოფილ შეცნობას საკუთარი ძალისხმევით მიაღწიო: ეს — ქრისტესმიერი მადლია<sup>11</sup>.

როდესაც სულიწმიდა თავის ჭეშმარიტ და ერთგულ მსახურში დაისადგურებს, მას სახარების სრულყოფილ მკითხველად და ჭეშმარიტ შემსრულებლად აქცევს.

სახარება იმ ახალი ადამიანის თვისებებს გამოხატავს, რომელიცაა „უფალი ზეცით“<sup>12</sup>. ეს ახალი ადამიანი ღვთაებრივი ბუნების მქონეა. ღმერთი მადლით განაღმრთობს ადამიანთა იმ წმიდა მოდგმას, რომელთაც მისი სწამთ და რომელთაც მოსებრ იცვალეს ფერი.

თქვენ, ვინც ცოდვათა მყარლსა და ბინძურ ჭაობში ეფლობით, მასში განცხრომას პოულობთ! ასწიეთ თავი, შეხედეთ მოწმენდილ ცას! იქ არის თქვენი ადგილი! ღმერთი ღვთაებრივ ღირსებას გიბოძებთ; თქვენ უკუაგდებთ ამ ღირსებას, და ირჩევთ მეორეს: ღირსებას პირუტყვთა, თანაც ყველაზე უფრო უწმინდურთა. გონს მოეგეთ! დაუტევეთ მყარლი ჭაობი; ცოდვათა აღსარებით განიწმიდეთ; სინანულის ცრემლით განიბანეთ; ღმობიერების ცრემლით გამშვენდით; აღმართენით მიწიდან; ამალღლით ზეცად: იქ სახარება აგიყვანთ. „ვიდრე ნათელი გაქუს“, — სახარება, რომელშიც დაფარულია ქრისტე — „გრწმენინ ნათელი, რადთა ძე ნათლისა“ — ქრისტესი — „იყვნეთ“<sup>13</sup>.

თარგმნა მარიაშ კობახიძემ.

<sup>11</sup> ღირსი მარკოზ მოღვაწის „სულიერი კანონის შესახებ“. თავი 32; «Ποιροτ». 4. 1. <sup>12</sup> I კორინთელთა 15; 47.

<sup>13</sup> იოანე 12; 36.

„შეინანეთ და გრწმენინ სახარებისა! შეინანეთ, რამეთუ მოახლებულ არს სასუფეველი ცათა“ (მარკ. 1, 15). ესაა ღმერთკაცის ქადაგების პირველი სიტყვები. უფალი ღღემდე გვიმეორებს ამ სიტყვებს სახარების მეშვეობით.

როდესაც მიწაზე მეტისმეტად მომძლავრდა ცოდვა, მაშინ მალლით ყოვლადძლიერი მკურნალი მოგვევლინა. იგი მოვიდა ჩვენი დევნულების, გვემისა და ვაების ქვეყანაში, რომლის ყველა სატანჯველი ჯოჯოხეთის საუკუნო ტანჯვათა წინამავალია, და გვახარა ხსნა, სასოება, კურნება ყოველთა კაცთა, გამონაკლისის გარეშე. შეინანეთ!

სინანულის ძალა ღმრთის ძალაზეა დაფუძნებული — მკურნალიც ყოვლადძლიერია და მის მიერ მოვლენილი კურნებაც. დედამიწაზე ქადაგების ჟამს უფალი განკურნებისაგან მოუწოდებს ყველას, ვინც ცოდვით იყო სნეული, მას არავითარი ცოდვა არ მიუჩნევია უსაშველოდ, და ღღესაც ყველას მოუწოდებს, აღუთქვამს და მიჰმადლის კიდეც ყოველი ცოდვის მიტევებას, ყოველი სატკივარის კურნებას.

ჰოი, სტუმარნო ამა სოფლისანო! თქვენ, ვისაც გიზიდავთ ფართო გზა, ამქვეყნიური ზრუნვის, შექცევის და მხიარულების შეუწელებელი ხმაურით სავსე, თქვენ, ვინც ამ გზით ყველასათვის ცნობილი და ყველასაგან დავიწყებული აღსასრულისკენ — პირქუში კუბოსკენ და კიდეც უფრო პირქუში მარადისობისკენ მიექანებით, შეჩერდით! ჩამოიბერტყეთ ამაო სოფლის ხიბლი, მუდამ მონობაში რომ გამყოფებთ! ისმინეთ, რას გამცნებთ მაცხოვარი, ჯეროვანი ყურადღება მიაგეთ მის სიტყვებს! „შეინანეთ და გრწმენინ სახარებისა, შეინანეთ, რამეთუ მოახლებულ არს სასუფეველი ცათა“.

სტუმარნო ამა სოფლისანო, შეისმინეთ ეს მთავარი, მხსნელი შეგონება, სხვაგვარად ისე მიალწევთ საფლავს, ხრწნილებსა და მარადისობის კარიბჭეს, რომ სწორ წარმოდგენას ვერც მარადისობაზე მოიპოვებთ და ვერც საკუთარ მოვალეობებზე ამ მარადისობაში შებიჯების წინ, და მხოლოდ სამართლიან სასჯელს განიმზადებთ თქვენი ცოდვების გამო. ცოდ-



ვათა შორის კი, უმძიმესია მაცხოვრის სიტყვების არად ჩაგდება, მაცხოვრის შეუარაცხოფა. შეინანეთ!

კრუ და მაცთურია ამქვეყნიური ცხოვრების გზა: ასლად-მოსულს იგი ათასგვარი მოვლენებით სავსე უსასრულო ასპარეზად ეჩვენება, იმას კი, ვინც უკვე გალია იგი, ფუქი ზმანებებით მოფენილ უძოკლეს ბილიკად. შეინანეთ!

სახელიც, სიმდიდრეცა და სხვა ხრწნადი უპირატესობებიც, რომელთა მოხვეჭანაც დაბრმავებულმა ცოდვილმა მთელი ამქვეყნიური ცხოვრება, სულისა, და ხორცის ყველა ძალა შეაღლია, უნდა დატოვოს იმ წუთებში, როდესაც სულს იძულებით შემოაძარცვავენ სამოსს — სხეულს და ანგელოზები წარადგენენ ღმრთის სამსჯავროზე, კაცთათვის უცნობ და კაცთაგან დავიწყებულ სამსჯავროზე. შეინანეთ!

ძმებო! სახარების უუქზე მიუკერძოებლად დაეკვირდეთ ჩვენს ცხოვრებას — არარაობაა იგი! ყველა მის სიკეთეს გეტაცებს სიკვდილი, ხშირად კი, სიკვდილზე უფრო ადრეც ვკარგავთ სხვადასხვა მოულოდნელ გარემოებათა გამო. ეს ხრწნადი, მსწრაფლწარმავალი სიკეთეები არც კი არიან იმის ღირსნი, რომ სახელად სიკეთეს ვუწოდებდეთ. მათ უფრო ტყუილის, ქსელის სახელი შეჰფერიტ. ამ ქსელში გაბმულნი და შიგ გახლართულნი აკლდებიან ზეციურ, ჭეშმარიტ, მარადიულ სიკეთებს, რომელთაც გვანიჭებს ქრისტეს სარწმუნოება და შედგომა ქრისტესი, სახარების მიხედვით ცხოვრების საიდუმლო გზა. შეინანეთ!

რა მწარედა ვართ დაბრმავებულნი! რა ნათლად ჩანს ამ დაბრმავებით ჩვენი დაცემა! ვხედავთ ჩვენს ძმათა სიკვდილს. ვიცით, რომ ჩვენც უცილობლად, და ვინ იცის, იქნებ ძალიან მალეც, მოგვეღის იგი, რამეთუ კაცთაგან არავინ დარჩენილა სამუდამოდ ამქვეყნად. იმასაც ვხედავთ, რომ ბევრს სიკვდილამდე უმუხტლებს ხოლმე წუთისოფელი და ყოველდღიური სიკვდილის მსგავს სატანჯველში ვარდება. და ასეთი აშკარა გამოცდილების მიუხედავად მაინც ისე მიველტვიტ დროებითი სიკეთეებს, როგორც რაღაც უცვალებელსა და მარადიულს. მხოლოდ მათზეა მიჯაჭვული ჩვენი გულისყური! ღმერთი დაგვაფიწყდა! დაგვაკიწყდა ღიადი და თანაც სასტიკი მარადისობა. შეინანეთ!

გვიმტყუნებს, ძმებო, უცილობლად გვიმტყუნებს ყველა  
ნრწნადი სიკეთე: მდიდარს — სიმდიდრე, სახელოვანს — სახე-  
ლი, ჭაბუკს — სიჭაბუკე, ბრძენს — სიბრძნე. ერთადერთი, მა-  
რადიული, უმთავრესი სიკეთის მოხვეჭა ხელეწიფება კაცს —  
ესაა ჭეშმარიტი შეცნობა ღმრთისა, მასთან შერიგება და შე-  
ერთება, რასაც ქრისტე გვანიჭებს. მაგრამ ამ უზენაეს სიკე-  
თეთა მოსაპოვებლად აუცილებელია დავუტევოთ ცოდვილი  
ცხოვრება და მოვიძაგოთ. შეინანეთ!

შეინანეთ! და რას ნიშნავს სინანული? ეს ნიშნავს შევიხა-  
ნოთ ჩვენი ცოდვები და მეტად აღარ ვცოდოთ — ასე უპასუ-  
ხა ამ შეკითხვას პიმენ დიდმა. ამ გზით მრავალი ცოდვილი  
წმინდანად იქცა და მრავალმა უსჯულომ მართალის სახელი  
დაიმკვიდრა.

შეინანეთ! მოიკვეთეთ არა მარტო აწკარა ცოდვები — კა-  
ცისკვლა, პარვა, მრუშობა, ცილისწამება, ტყუილი, არამედ  
განადეთ დამლუპველი შექცევა, ხორციელი ტკბობა, არაწმიდა  
ოცნებები, უსჯულო ზრახვები — ყველაფერი, უკლებლივ ყვე-  
ლაფერი, რასაც სახარება გვიკრძალავს, გულწრფელი სინანუ-  
ლის ცრემლში განბანეთ უწინდელი ცოდვილი ცხოვრება.

სასოწარკვეთილი და სულიერ დახსნილებას მიცემული ნუ  
ეტყვი შენს თავს: „მძიმე ცოდვებში ჩავვარდი, ამდენი ხნის  
ცოდვილი ცხოვრებით ბოროტი ჩვევები შევიძინე, ისინი თი-  
თქოს ბუნებრივ თვისებებად მექცნენ, ამიტომ ჩემთვის უკვე  
შეუძლებელია სინანული“ (მაკარი დიდი, სიტყვა 7, თავი 2).  
ამ უიმედო აზრებს ჩაგდახის შენი ცხოვნების მტერი, რომელ-  
საც ჯერ კიდევ ვერ ხედავ და არ იცნობ (მაკარი დიდი, იქვე).  
იცის ეშმაკმა სინანულის ძალა, შიშობს იმან არ გამოსტაცოს  
შენი თავი კლანჭებიდან და ცდილობს გაგიტყუოს ჭეშმარიტი  
გზიდან, ამისთვის ღმრთის ყოვლადძლიერ წამალს, სინანულს,  
უძლურებას სწამებს.

ვინც სინანული დაგიწესა, შენი შემოქმედია, რომელმაც  
არარაისგან შეგქმნა. მით უფრო ძალუძს კვალად აღგაშენოს,  
ძალუძს შესცვალოს შენი გული. ცოდვისმოყვარე გული აქ-  
ციოს ღმრთისმოყვარედ, გრძნობადი, ხორციელი, ავისმზრახ-  
ველი, ვნებას დამონებული გული სუფთა, განწმენდილ გუ-  
ლად ქმნას.

ძმებო! გულისხმავყოთ ღმრთის გამოუთქმელი სიყვარული<sup>1</sup> კაცთა დაცემული მოდგმისადმი. უფალი განკაცდა, რათა ამით თავს-ედო ადამიანების წილხვედრი სასჯელი, და თავისი ჭვარცმით გამოეხსნა დამნაშავენი. რამ მოიყვანა იგი აქ, მიწაზე, ჩვენი დევნულების მხარეში? სიმაართლემ ჩვენმა? არა! იგი მოიყვანა იმ უბადრუკმა ყოფამ, რომელშიც ჩვენი ცოდვილი ცხოვრების გამო ჩავცვივდით.

გავმხნევედეთ, ცოდვილნო! ჩვენთვის, სწორედ ჩვენთვის აღასრულა უფალმა დიადი საქმე თავისი განკაცებისა, ჩვენს სნეულებებს მოხედა მიუწვდომელი მოწყალებით. დავეტევოთ მერყეობა! დავეტევოთ სასოწარკვეთილება და ექვები! შევიმოსოთ სარწმუნოება, გულმოდგინება, მადლიერება და შევეუდგეთ სინანულს. ხოლო სინანულის მეშვეობით შევეურიგდეთ ღმერთს. „და უშჯულომან უკუეთუ მოაქციოს ყოველთაგან უშჯულოებათა, რომელნი ქმნნა, და დაიცვნეს ყოველნი მცნებანი ჩემნი, და ყოს მსჯავრი და სიმაართლე და წყალობა, ცხოვნებით ცხოვნდეს და არა მოკუდეს. ყოველნი უსამართლოებანი მისნი, რომელნი ქმნნა, არა აღესხენნეს მას, სიმაართლესა შინა მისსა, რომელნი ქმნნა, ცხოვნდეს“ (ეზეკ. 18, 21-22). ამას ამცნებს უფალი ცოდვილს თავისი დიდი წინასწარმეტყველის პირით.

ჩვენი სუსტი ძალების შესაბამისად შევემსგავსოთ უფლის დიდ სიყვარულს ჩვენდამი, რამდენადაც შეუძლია შევემსგავსოს უფლის სიყვარულს მისი ხელით ქმნული, დაცემული ნათესავი კაცთა: შევიწინაოთ! შევიწინაოთ არა მხოლოდ სიტყვით, არა მხოლოდ ხანმოკლე, უმნიშვნელო ცრემლით, არა მხოლოდ გარეგნული მონაწილეობით საეკლესიო ღმრთისმსახურებაში და საეკლესიო წესების შესრულებით, რასაც ფარისევლები სჯერდებოდნენ, არამედ ცრემლსა და გარეგნულ ღმრთისმოშიშობასთან ერთად ვყოთ ნაყოფი, ღირსი სინანულისა: ცოდვილი ცხოვრება დავეტევოთ და სახარების მცნებებს მივდეთ.

„რამათვის მოსწყდებით, სახლო ისრაელისაო?“ (ეზეკ. 18, 31)? რისთვის მოსწყდებით მარადიული სიკვდილით, ქრისტიანებო, თქვენი ცოდვების გამო? რისთვის ავსებთ ჯოჯოხეთის ჯურღმულს, თითქოს ქრისტეს ეკლესიაში არც კი

არსებობდეს ყოვლისშემძლე სინანული? ეს უსასრულოდ კეთილი ნიჭი მიეცა სახლსა ისრაელისასა — ქრისტეანებს, და ნებისმიერ დროს, ნებისმიერი ცოდვის მიუხედავად ერთნაირი ძალით მოქმედებს: განწმენდს ყველა ცოდვას, აცხოვნებს ყოველს, ვინც ღმერთს შეუფრდება, თუნდაც ეს მისი სიცოცხლის უკანასკნელ წუთებში მოხდეს.

„რამათვის მოსწყდებით, სახლო ისრაელისაო“? ქრისტეანები იმიტომ კვდებიან მარადიული სიკვდილით, რომ მთელი ამქვეყნიური ცხოვრების მანძილზე ერთადერთი რამით არიან გართულნი: ნათლისღებისას დადებულ აღთქმებს არღვევენ, ცოდვას ემონებიან, უგულვებელყოფენ უფლის სიტყვას, რომელიც მათ სინანულისკენ მოუწოდებს. თვით სიკვდილის წინაც კი, უკანასკნელ წუთებში, ვერ ახერხებენ სინანულის ყოვლისშემძლე ძალის გამოყენებას! ვერ ახერხებენ, რამეთუ არავითარი წარმოდგენა არა აქვთ ქრისტეანობაზე, ან თუ აქვთ, ერთობ ნაკლები და უთავბოლო, რომელსაც სრული უმეცრების ნახელი უფრო შეჰფერის, ვიდრე რაიმე ცოდნისა.

„ცხოველ ვარ მე“, იტყვის უფალი, თითქოს იძულებულია ამით დაარწმუნოს ურწმუნონი და გულისხმა შთაბეროს უგულისხმოებს, — „არა მინებს მე სიკვდილი უთნოსა, ვითარ მოქცევა მისი გზისაგან მისისა და ცხოვრება მისი“ (ეზექ. 33, 11) „რამათვის მოსწყდებით, სახლო ისრაელისაო“?

იცოდა ღმერთმა კაცთა უძლურება, იცოდა რომ ისინი ნათლისღების შემდეგაც განაგრძობდნენ ცოდვილ ცხოვრებას, ამიტომ დააწესა თავის ეკლესიაში სინანულის საიდუმლო, რომელიც აღზოცს ნათლისღების შემდეგ ჩადენილ ცოდვებს. სინანული თან უნდა ახლდეს ქრისტეს რწმენას, წინ უნდა უძლოდეს ნათლისღებას, ხოლო მის შემდეგ უნდა განაქარვოს ქრისტეს რწმენას შედგომილი და ნათელღებული კაცის ცოდვები.

როდესაც იერუსალიმიდან და მთელი იუდეიდან მოდიოდნენ იოანესთან, სინანულის მქადაგებელთან, რათა ნათელდოთ იორდანეში, თან თავიანთ ცოდვებსაც აღიარებდნენ მის წინაშე. იოანე კიბისაღმწერელი (სიტყვა 4) ამბობს, ეს იმიტომ როდი ხდებოდა, რომ იოანე ნათლისმცემელს მათი ცოდვების ცოდნა რადმე ჰქირდებოდა, არამედ იმიტომ, რომ

სინანულის სიმტკიცისათვის ცოდვების მონანიებასთან ერთად მათი აღიარებაც იყო საჭირო.

იგივე წმ. მამის თქმით, სულს, რომელმაც იცის, რომ მოვალეა აღიაროს თავისი ცოდვები, ეს ცოდნა აღვირს ასხამს, ეხმარება, რომ აღარ გაიმეოროს ისინი, და პირიქით, აუღიარებელი ცოდვები სიბნელეში ჩადენილს ჰგვანან, მათ გამეორებას არაფერი უდგას წინ.

ცოდვების აღიარებით ირღვევა მათთან კავშირი. ცოდვების სიძულვილი ჰეშმარიტი სინანულის ნიშანია, ღმრთის სათნო ცხოვრების წესის არჩევის ნიშანი. თუ ცოდვების ჩადენას მიეჩვიე, მათ აღიარებასაც მოუხშირე და მალე გათავისუფლები ცოდვების ტყვეობისგან, მაშინ მსუბუქად და სიხარულით შეუდგები უფალ იესო ქრისტეს.

ვინც ნიადაგ ლალატობს თავის მეგობრებს, იმას მეგობრები მტრებად უხდებიან და შორდებიან, როგორც მოღალატეს, მათი დაღუპვის მოსურნეს. ასევე, ვინც აღიარებს თავის ცოდვებს, იმას სტოვებენ ისინი, რამეთუ დაცემული ბუნების სიამაყეს ეფუძნებიან და ვერ უძლებენ მხილებას, შერცხვენას.

ვინც განზრახს, შეგნებულად სკოდავს იმის იმედით, მერე მოვინანიებო, ის თვით ღმერთის მიმართ იქცევა მზაკვრულად. განზრახ და შეგნებულად მცოდველს უცაბედი სიკვდილი ეწევა და არ ეძლევა ის ღრო, რომელიც მოსანანიებლად ჰქონდა განსაზღვრული.

აღსარების საიდუმლოთი აღიხოცება ყოველი ცოდვა, ჩადენილი სიტყვით, საქმით, გულისხმისყოფით. იმისათვის, რომ გულიდან ამოიძიკვოს დიდი ხნის ფესვგადგმული ცოდვილი ჩვევები, ღროა საჭირო, საჭიროა მუდმივი სინანული. მუდმივი სინანული კი ნიშნავს მუდმივ შემუსკრილებას გულისას, ბრძოლას გულისთქმებასა და გრძნობებთან, რომლებიც გულში ჩაბუდებული ცოდვილი ვნებების გამოვლინებას წარმოადგენენ, ხორციელი გრძნობებისა და მუცლის დათრგუნვას, სიმაბლით ლოცვას და ხშირ აღსარებას.

ძმებო! ნებისთ ცოდვით დავკარგეთ წმიდა უბიწოებ, რომლისათვისაც უცხო იყო არა მარტო ცოდვა, არამედ ბოროტის შეცნობაც. ამ უბიწოების სულიერი ნათლით მოსილნი

მოვედით სოფლად, შემოქმედის ხელით ქმნულნი, ჩვენ კი ის უბიწოებაც დავკარგეთ, ნათლისღებით განახლების შემდეგ რომ მოგვენიჭა, ჩვენი შესამოსელი, მხსნელის მიერ განსპეტაკებული, ცხოვრების გზაზე ათასგვარი ცოდვით შევებლალეთ. ერთილა დაგვრჩა განსაბანად — წყალი სინანულისა. და რა მოგველის, თუ განბანის ამ გზასაც უგულვებელვყოფთ? წარვუდგებით უფალს ცოდვით დამახინჯებული სულებით, რისხვით მოხედავს ღმერთი შესვარულ სულს და ჯოჯოხეთის გეპენიას განუჩინებს სასჯელად.

„განიბანენით“, ეუბნება ღმერთი ცოდვილებს, „წმიდა იქმნენით, მოსპენით უკეთურებანი სულთაგან თქუენთა წინაშე თუალთა ჩემთა, დასცხერით ბოროტთაგან თქუენთა და მოვედით და შევიტყუნეთ“ (ესაია, 1, 16—18). რითი მთავრდება ღმერთის ეს სამსჯავრო, სინანულის სამსჯავრო, რომლისკენაც ღმერთი განუწყვეტლივ მოუწოდებს ცოდვილს მისი ამქვეყნიური ცხოვრების მანძილზე? თუ კაცი აღიარებს ცოდვებს, თავს-იდებს გულწრფელ სინანულს და ცოდვათა დატევებას, მაშინ ღმერთს თავის სამსჯავროზე ასეთი განჩინება გამოაქვს: „უკეთუ იყვნენ ცოდვანი თქუენნი, ვითარცა ღებილნი, ვითარცა თოვლი განვასპეტაკო, ხოლო უკუეთუ იყვნენ, ვითარცა ძოწეულნი მეწამულნი, ვითარცა მატყლი განვასპეტაკო“ (ესაია, 1, 18).

და თუკი ქრისტიანი შეურაცხყოფს ღმრთის ამ უკანასკნელ, მრავალმოწყალე მოწოდებას, მაშინ ეუწყოს ღმრთისგან საბოლოო წარწყმედა: „ხოლო უკუეთუ არა გინდესთ, არცა ისმინოთ ჩემი, მახვილმან შეგჰკამნესთ თქუენ, რამეთუ პირი უფლისა იტყოდა ამათ“ (ესაია, 1, 20), ამენ.

თარგმნა რუსიკო ბუაჩიძემ.

## სასწაულებისა და ნიშების შესახებ

ფარისევლები არ დააკმაყოფილა იმ სასწაულებმა, რომლებსაც უფალი იქმნოდა, ისინი ითხოვდნენ განსაკუთრებულ სასწაულს, „სასწაულს ზეცით“ (მარკ. 8, 11). უფალი გვიძიწმებს, რომ ასეთი მოთხოვნა ხშირად მეორდება: „რამ არს ნათესავი ესე, რამეთუ ეძიებს სასწაულსა?“ (მარკ. 8, 12). ფარისეველთა ამ მოთხოვნას ასერიგად განსხვავებული სარჩუნობების მქონე საღუკვევლნიც იზიარებდნენ (მათე, 16, 1). „სასწაულს ზეცით“ ხანდახან ხალხიც ეძიებდა, ასე, მაგალითად: მას შემდეგ, რაც უფალმა სასწაულებრივ განამრავლა ხუთი პური და განაძლო „მრავალი ერი“, ანუ ხუთი ათასი კაცი, გარდა ქალებისა და ბავშვებისა, ამ სასწაულის მოწმენი, ამ ტრაპეზის მონაწილენი უფალს ეუბნებთან: „რასა სასწაულსა იქმ, რათა ვიხილოთ და გვრწმენეს შენი? რასა იქმ? მამანი ჩუენნი ჰამდეს მანანასა უდაბნოსა ჩედა, ვითარცა წერილ არს: პური ზეცით მოსცა მათ ჰამად“ (იოანე, 6, 30-31). მათ ვერაფერი დაანახა იმ ამბავმა, რომ ხუთი პური სასწაულებრივად განმრავლდა მაცხოვრის ხელში, რადგან ეს მოხდა უხმაუროდ, სიმდაბლით, რაც მაცხოვარის ყველა საქციელს თან სდევდა, მათ კი, სანახაობა და ეფექტი სჭირდებოდათ: ზეცა შავი ღრუბლებით უნდა დაფარულიყო, ელვა და ჰქეჩუხილი ამტყდარიყო და პური ციდან ჩამოცვენილიყო. სასწაულს მოითხოვდნენ მაცხოვრისგან იუდეველი მღვდელმთავრები და ხალხის წინამძღოლები, როდესაც ღმერთკაცი ნებსითა ჯვარს ეცვა: „ეგრეთვე მღვდელთმოდვარნი ემღერდეს მწიგნობართა თანა და მოხუცებულთა და ფარისეველთა და იტყოდეს: „სხუანი აცხოვნა, თავი თვისი ვერ ძალ-უც ცხოვნებად, უკუეთუ მეუფე ისრაელისა არს, გარდამოხედინ აწ მაგიერ ჯუართ, და გურწმენეს იგი“ (მათე, 27, 41-42). ისინი აღიარებდნენ უფლის სასწაულებს და თან დასცინოდნენ მას. ამ დაცინვით უარყოფდნენ მოწყალე ღმრთისგან მინიჭებულ სასწაულებს და იმავე დროს ითხოვდნენ. სასწაულს, ოღონდ ისეთს, როგორიც თავად წარმოედგინათ. ის კი არ იცოდნენ, რომ თუკი ეს მოთხოვნა შეუსრულდებოდათ, გაქარწყლდებოდა მიწაზე ღმერთკაცის მოსვლის მიზანი და აღარც კაცთა გა-

მოხსნა განხორციელდებოდა. ამ ხალხთან ერთად იყო ჰეროდესი. მასაც სასწაულის ხილვა სურდა უფლისგან და საკუთარი ცნობისმოყვარეობის, უგუნურების, თავპარიანობის დაკმაყოფილება (ლუკა, 23, 8). ჰეროდესს სასწაული გასართობად უნდოდა, და რაკი სურვილი არ შეუსრულდა, სასაცილოდ აიგდო მაცხოვარი და ამით შეიქცია თავი. რას ნიშნავს, რომ სასწაულებს მოითხოვს ასეთი სხვადასხვა მიმართულების ხალხი, თან ისე, რომ ყველა უგუნებელყოფს ღმრთის დიდ-დიდ სასწაულებს? ასეთი მოთხოვნა არის სასწაულების შესახებ ზორციელი ზრახვის გამოხატულება.

ხორციელი ზრახვა რაღაა? ესაა აზრთა ისეთი წყობა, როდესაც კაცი ღმერთზეც და ყოველივე სულიერზეც მსჯელობს თავისი დაცემული ბუნების მიხედვით და არა საღმრთო წერილით. ღმრთის მტერობისა და ღმრთის წინააღმდეგობის სული, რითაც ხორციელი ზრახვაა სნეული, ყველაზე ნათლად იქიდან ჩანს, თუ როგორ მოითხოვს კაცი ღმრთისაგან სასწაულს თავისი მტყუვარი გონების თანახმად, და არაფრად აგდება დიდ-დიდ სასწაულებს, რომლებსაც უფალი იქმნოდა თავისი გამოუთქმელი სახიერებით. ხოლო უფალი იქმნოდა ამ სასწაულებს, რამეთუ იყო „ღმრთისა ძალ და ღმრთისა სიბრძნე“ (1 კორ. 1, 24).

### ნ ა წ ი ლ ი პ ი რ ვ ე ლ ი

მძიმე ცოდვა იყო სასწაულის მოთხოვნა ღმერთკაცისგან, მოთხოვნა, რომელიც ხორციელ ზრახვას ეფუძნებოდა. ეს კანნიერი, ღმრთისმგმობი მოთხოვნა რომ მოისმინა, მაცხოვარმა „სულ-ითქუნა სულითა თვისითა და თქუა: რაჲ არს ნათესავი ესე, რამეთუ ეძიებს სასწაულსა? ამინ გეტყვი თქუენ: არა ეცეს ნათესავსა ამას სასწაული. და დაუტევნა იგინი და კუალად შევიდა ნავსა და წარვიდა მიერ კერძო“ (მარკ. 8, 12-13).

ერთი მონანული ცოდვილის პოვნა ახარებთ ზეციურ მკვიდრთ და პირიქით, მწუხარება იპყრობთ, როდესაც კაცი ეცემა და უარყოფს სინანულის ძალას (ლუკა, 15, 10, მაკარი



დიდი, საუბარი 30, თავი 7). მაკარი დღმა, როდესაც იხილა ღმრთის გამოუთქმელი სახიერება კაცობრიობის მიმართ, როდესაც იხილა უფლის ნება, რომ ყველა ადამიანი ცხონდეს, თქვა, რომ თვით ყოვლადწმიდა, უვნებელი ღმერთიც კი ტირის, კაცთა მოდგმის დაცემის მომსწრე. ღმრთაებრივი სულისთვის უცხო არაა ტირილი, რომელიც მიუწვდომელია ჩვენი გონებისთვის, და სული ღმრთისა, კაცში დამკვიდრებული, ამოხ არს ჩუენთვის სულ-თქემითა მით უსიტყუელითა“ (რომ. 8, 26). ასეთი სულთქმა გამოიწვია მაცხოვარში სასწაულის ამაყმა და უგუნურმა მოთხოვნამ, როცა „სულთ-ითქუნა სულითა თვისითა და თქუა: რაა არს ნათესავი ესე რამეთუ ეძიებს სასწაულსა?“ (მარკ. 8, 12). რა ნათლად ისმის ტირილის სმა ღმრთის ამ პასუხში რა ნათლად იგრძნობა გაოცება მოთხოვნის უაზრობისა და კადნიერების გამო აქედან ჩანს, რომ უფალმა დაკარგა იმ ხალხის ხსნის იმედი, ვინც ღმრთაებრივი სულის საწინააღმდეგო მოთხოვნა წამოაყენა. იმ ადამიანებს, რომლებიც მყარად ადგანან ამ გზას და განუკურნებლად არიან სნეულნი, უფალი ტოვებს და საკუთარ ნებას მიანდობს, უშვებს დაღუპვის გზაზე, რომელიც თავისი ნებით აირჩევს და საკუთარი ნებით უპყრიათ: „და დაუტევნა იგინი და წარვიდა“ (მათე, 16, 4). ჭეშმარიტად, „ზრახვად იგი ხორცთაჲ სიკუდილ არს“ (რომ. 8, 6). მკვდრები ვერ გრძნობენ სიკვდილს, ასევე ხორციელი ზრახვაც ვერ განიცდის და ვერ ხვდება, როგორ იღუპება სული. და რაკი ამას ვერ ხვდება, ვერც გაცოცხლების აუცილებლობას გრძნობს, აქვს ყალბი განცდა იმისა, რომ ცხოვრობს, და უარყოფს ჭეშმარიტ ცხოვრებას — ღმერთს.

რამდენად სარწმუნოა ზეციური სასწაულები? ცხადია, ვინც ღმრთისაგან სასწაულებს ითხოვდა, სარწმუნოდაც მიაჩნდა ისინი. მაგრამ, სინამდვილეში არის კი ზეციური სასწაული უსნათუოდ ღმრთისაგან მოვლენილი? საღმრთო წერილით ისე ჩანს, რომ პირიქითაა. თვითონ ეს გამოთქმა, „სასწაული ზეცით“, საკმაოდ გაურკვეველია. მაშინაც და ახლაც უმეცარი ადამიანები ცით მოვლენილად მიიჩნევდნენ იმასაც, რაც ჰაერში და ჰაერის ზედა სივრცეშიც ხდება. მაგალითად: ფიქრობენ, რომ მზე, მთვარე და ვარსკვლავები ცაზე ანათებენ,

სინამდვილეში კი, ისინი სივრცეში იმყოფებიან. წვიმას, ქექვა-ქუხილს, ელვას ზეციურ მოვლენებად მიიჩნევენ, ამ დროს ყოველივე ეს ხდება პაერში, დედამიწის ატმოსფეროში, და მიწას ეკუთვნის. საღმრთო წერილი მოგვითხრობს, რომ „ცეცხლი გარდამოვარდა ზეცით და დაწუა ცხოვარი იგი, მწყემსნი იგი შექამნა (იობი, 1, 16). ეს ცხვრებიცა და მწყემსებიც მართალი იობისა იყო. როგორც ჩანს, ცეცხლი პაერში გაჩნდა, ისევე, როგორც ელვა ჩნდება. სიმონ მოგვი სასწაულებით აკვირვებდა დაბრმავებულ ხალხს, რომლებსაც სატანის ძალა ღმრთის ძალა ეგონათ (საქმე, 8, 10). სიმონმა განსაკუთრებით განაცვიფრა კერპთმსახური რომაელნი: მან ხალხმრავალ საკრებულოში თავი ღმერთად გამოაცხადა და თქვა, ახლავე ცად აღვმალდებო, და უეცრად მოსწყდა კიდეც მიწას. ამის შესახებ მოგვითხრობს სვიმეონ მეტაფრასტი, რომელიც ძველ ქრისტიან მწერალთა გადმოცემას იმეორებს (წმ. მოციქულ პეტრეს ცხოვრება, თთვენი, 29 ივნისი). მსგავს სასწაულებს სჩადიოდა ვინმე პინეტი, რომელიც XVIII—XIX საუკუნეთა მიჯნაზე ცხოვრობდა, და მრავალი სხვა. საშინელი უბედურებაა, როცა კაცი მოკლებულია ღმრთის ჭეშმარიტ ცნობას — მას ეშმაკის საქმე ღმერთისად ეჩვენება. ქრისტეს მეორედ მოსვლის წინ, როდესაც თვით ქრისტიანობა, სულიერი ცოდნა და განსჯის უნარი უკიდურესად დაეცემა, „აღდგენ ქრისტე-მტყუარნი და ცრუწინასწარმეტყველნი და ჰყოფდენ სასწაულებსა დიდ-დიდსა და ნიშნებსა ვიდრე ცთუნებადმდე, უკუეთუმცა შეუძლეს, რჩეულთა მათცა“ (მათე, 24, 24). ყველაზე მეტად თვით ანტიქრისტე გაირჩება, უხვად მიმოაბნევს სასწაულებს, რითაც მოხიბლავს და დააკმაყოფილებს ხორციელ ზრახვასა და უმეცრებას, ანტიქრისტე მოუვლენს მათ ზეციურ სასწაულებს, ასე რომ სწყურიათ და ასე რომ ეძიებენ. წმ. პავლე მოციქული ამბობს: „რომლისა-იგი მოსვლამ არს შეწევნითა ეშმაკისადათა, ყოვლითავე ძალითა და ნიშნებითა და სასწაულებითა ტყუილისადათა, და ყოველითავე საცთურისადათა სიცრუისადათა წარწყმედულთა მათ შორის. რამეთუ, ვინადათგან სიყუარული იგი ჭეშმარიტებისა არა შეიწყნარეს, რადათამცა ცხოვნდეს იგინი“ (2 თეს. 2, 9-10). უმეცარნი და ხორციელი ზრახვით შეპყრობილნი არც კი შეყოყმანდებიან, ისე მიიღე-

ბენ ამ სასწაულებს, რამეთუ ანტიქრისტეს სული მათ სულს ენათესავენ. თავიანთი სიბრძნის გამო სატანის ძალას ღმრთაებრივი ძალის უდიდეს გამოვლინებად აღიარებენ და გამოაცხადებენ. ანტიქრისტეს მიიღებენ განუსჯელად და ნაჩქარევად (წმ. ეფრემ ასური, სიტყვა 106, ანტიქრისტეს შესახებ). ვად, რომ ვერ გულისხმავოფენ კაცნი, რომ სატანის სასწაულებს არავითარი კეთილი მიზნები არ გააჩნია, რომ მათთვის უცხოა ჭეშმარიტება, რომ ისინი ტყუიან, რომ ესაა თავიდან ბოლომდე რაღაც საზარელი, უბოროტესი, უაზრო სპექტაკლი, რომელსაც მიზნად დაუსახავს მაინც და მაინც გააოცოს, თავდავიწყება მოკვდაროს, 'მოზიბლოს, მოატყუოს ადამიანი, გაიტაცოს იგი ფუჭი, მდიდრული, სულელური ეფექტებით.

გასაკვირი ის კი არაა, რომ ანტიქრისტეს სასწაულებს უყოყმანოდ და აღტაცებით მიეგებებიან ქრისტესაგან განდგომილნი, ჭეშმარიტების მტრები, ღმერთის მტრები: ისინი მზად არიან სატანის მოციქულისა და იარაღის, მისი სწავლების, მისი ყოველი გამოვლინების მისაღებად, მათ უკვე სულიერი კავშირი აქვთ სატანასთან. ცრემლისა და გაოცების ღირსი ისაა, რომ ანტიქრისტეს სასწაულები თვით ღმერთის რჩეულებსაც აცთუნებს. ადამიანებზე ანტიქრისტეს ესოდენ ძლიერი გავლენა ემყარება მის ჯოჯოხეთურ მზაკვრობასა და ფარისევლობას, რითაც კარგად ინიღბება უსაშინლესი ბოროტება, ემყარება მის მოუთოკავ და უტიფარ კადნიერებას, დაცემულ სულთა შემწეობას, და ბოლოს, სასწაულების მოხდენის უნარს, რამეთუ ეს ცრუ სასწაულები ამასთანავე მეტისმეტად შთამბეჭდავნი არიან. კაცის გონება უძლურია ანტიქრისტეს წარმოსადგენად, რამეთუ გული კაცისა, თუნდაც სიბილწით სავსე, ვერ დაიჯერებს, რომ ბოროტებას შეუძლია ასეთ ხარისხს შიადწიოს. ანტიქრისტე ისე აუწყებს ადამიანებს თავისი თავის შესახებ, როგორც ამას მისი წინამორბედები და ხატები<sup>1</sup> სჩადიოდნენ: უწოდებს საკუთარ თავს მქადაგებელსა და ჭეშმარიტი ღმრთის ცნობის ამალორძინებელს, ქრისტეანობის უმეტარი ადამიანები მასში დაინახავენ ჭეშმარიტი რე-

<sup>1</sup> მწვალებლები, პოლიტიკური დიქტატორები, ტირანები — ნერონი, ნაპოლეონი, ჰიტლერი, ლენინი, სტალინი (მთარგმნელის შენიშვნა).

ლიგიის დამცველს და შეუდგებიან. საყვირს დასცემს ანტი-ქრისტე და მესიად გამოაცხადებს თავს. ხოლო ხორციელი ზრახვის შვილნი სიხარულით შეეგებებიან, რამეთუ იხილავენ მის დიდებას, ძლიერებას, გენიალურ მონაცემებს, უდიდეს განსწავლულობას თანამედროვე მეცნიერებებში, ღმერთად გამოაცხადებენ ანტიქრისტეს და დაემოწაფებიან მას ( ღირსი ეფრემ ასური, სიტყვა 106). თავიდან ანტიქრისტე თავს მოაჩვენებს ადამიანებს ძდაბალ, მოწყალე, სიყვარულით სავსე, ყოველგვარი სათნოებებით შემკულ კაცად. ასეთად აღიარებენ და დაემორჩილებიან მას ისინი, ვინც სიმართლედ სცნობს ადამიანის დაცემულ ბუნებისეულ სიმართლეს, და მას არ უარყოფენ სახარებისეული სიმართლის გულისთვის (მაკარი დიდი, საუბარი 31, თავი 4). ანტიქრისტე კაცობრიობას შესთავაზებს უმაღლეს ამქვეყნიურ კეთილდღეობას და პატივს, სიმდიდრეს, ფუფუნებას, ხორციელ განცხრომას. ისინი, ვინც ამქვეყნიურ სიკეთებს მიეღტვიან, მიიღებენ ანტიქრისტეს და თავიანთ მეუფედ სახელდებენ. (მახარობელი, იოანე, 5, 43-ის განმარტება) ანტიქრისტე კაცობრიობას უჩვენებს თეატრის მსგავს სანახაობას — გასაოცარ სასწაულებს, რომლებსაც თანამედროვე მეცნიერება ვერ ახსნის, ძრწოლას მოჰგვრის ადამიანებს ამ სასწაულებით, დააცხრობს უგუნურ ცნობისმოყვარეობასა და უმეცრებას, კაცობრივ სიამაყესა და დიდებისმოყვარეობას, დააკმაყოფილებს ცრუმორწმუნეებს, გააოცებს განსწავლულებს — ყველა ადამიანი, ვინც თავისი დაცემული ბუნების ნათელსაა მინდობილი და უცხო-ექმნა ნათელს ღმრთისას, თაყვანსა სცემს ანტიქრისტეს მაცთურ ძალას (გამოცხ. 13, 8). ანტიქრისტეს სასწაულები უფრო მეტად ჰაერში მოხდება, რადგან სწორედ ჰაერში ბატონობს სატანა (ეფეს. 2, 2; 6, 12). ისინი გაწსაკუთრებით მხედველობით არეზე მოქმედებენ, ხიბლავენ და ატყუებენ მას (სიკეთის მოყვარეობა, ნაწ. 1. „სიმეონ ახალი ღმრთისმეტყველი, ყურადღებისა და ლოცვის სამგვარი სახეს შესახებ. როდესაც წმ. იოანე ღმრთისმეტყველი თავის გამოცხადებაში აღწერს მოვლენებს, რომლებიც ქვეყნიერების აღსასრულს წინ უძღვის, ამბობს, რომ ანტიქრისტე „იქმნ სასწაულთა დიდთა, და რაფთა ცეცხლი გარდამოხდეს ზეცით წინაშე კაცთა“ (გამოცხ. 13, 13). ამ

ნიშანზე წმ. წერილი მიუთითებს, როგორც ანტიქრისტეს უდიდეს სასწაულზე. ესეც ჰაერში მოხდება, და იქმნება დიდებული და საშინელი სახილველი. ანტიქრისტეს სასწაულები დააგვირგვინებს მის მზაკვრულ საქმეებს, მათი გავლენით მრავალი კაცი სცემს თაყვანს ანტიქრისტეს, მის მოწინააღმდეგეებს შერაცხავენ განხეთქილების შემომტანებად, საყოველთაო წესრიგისა და კეთილდღეობის მტრებად, მათ გამოუცხადებენ აშკარა და ფარულ დევნას, შეამთხვევენ ათასგვარ სასჯელსა და წამებას. ქვეყნად გაიფანტება მრავალი ბოროტი სული, რომლებიც კაცთა შორის დათესავენ საუკეთესო აზრს ანტიქრისტეს შესახებ, გამოიწვევენ საერთო აღტაცებასა და დაუძლეველ ღტოლვას მისკენ (ღირსი ეფრემ ასური, სიტყვა 106-ე). საღმრთო წერილმა ბევრნაირად აღწერა, თუ რა მძიმე იქნება ბოლო დროს ქრისტეანთა დევნა, რა სისასტიკით იქნება გამორჩეული თვით მღვდნელი. ამ საზარელ კაცს საღმრთო წერილი უწოდებს მხეცს (გამოცხ. 13, 1), ისევე როგორც დაცემულ ანგელოზს—ვეშაპს (გამოცხ. 12, 3, შესაქმე, 3, 1) ოროვე ეს სახელწოდება ზუსტად ასახავს ღმერთის ორივე მტრის ხასიათს, ოღონდ ერთი უფრო ფარულად მოქმედებს, მეორე — აშკარად. ამ მხეცს რაღაცა აქვს საერთო ყველა სხვა მხეცთან და აერთიანებს თავის თავში თითოეული მათგანის სისასტიკეს: „და მხეცი იგი, რომელ ვიხილეთ, იყო მსგავსი ვეფხისა, და ფერხნი მისნი, ვითარცა დათვისანი, და პირი მისი, ვითარცა პირი ლომისა. და მისცა მას ვეშაპმან მან ძალი თვისი და საყდარი თვისი და ხელმწიფება თვისი“ (გამოცხ. 13, 2). მძიმე განსაცდელის უამრავი დაუდგებათ უფლის ერთგულებს: მათ მოხიბლვასა და მოტყუებას შეეცდებიან ცბიერება, ფარისევლობა, სასწაულები, შავ დღეში ჩაცვივდებიან დახვეწილი, მზაკვრული ხერხებით შენიღბული დევნისა და შევიწროების, მტარვალის განუსაზღვრელი ძალაუფლების გამო. მათი წილხვედრი იქნება საერთო სიძულვილი, აბუჩად აგდება, ცილისწამება, დევნა და მოძალადური სიკვდილი. მხოლოდ ღმერთის მაღლის განსაკუთრებული შეწევნითა და ხელმძღვანელობით შეძლებენ რჩეულნი ღმერთისანი წინ აღუდგნენ ამ მტერს ღმერთისას, და აღიარონ უფალი იესო ქრისტე ანტიქრისტეს წინაშეც და კაცთა წინაშეც.

ყოველივე ზემოთქმულიდან აშკარაა, რომ როდესაც ფარისეველნი და სადუქეველნი უფლისაგან სასწაულებს მოითხოვდნენ, ეს იყო ანტიქრისტეს სასწაულების მოთხოვნა, და ამით აიხსნება უფლის დამოკიდებულება მის მიმართ. ერთხელ, როდესაც ასეთი მოთხოვნა კვლავ განმეორდა, უფალი შეწუხდა, მტკიცე უარი უთხრა და საერთოდ გაშორდა კიდევ მათ, არ მოისურვა დარჩენა იმ ხალხთან, ვინც ასე გაკადნიერდა. სხვა დროს მრისხანე პასუხი გაცა მათ: „ნათესავი ბოროტი და მემრუშე სასწაულსა ეძიებს, და სასწაული არა ეცეს მას, გარნა სასწაული იონა წინასწარმეტყუელისა“ (მათე, 16, 4; 12, 39). ნათესავად სახელდებს უფალი ყველას, ვინც სულით ენათესავება ერთმანეთს, ნათესავად მემრუშად სახელდება, რადგან მათ სატანასთან დაამყარეს კავშირი („მახარებელი“<sup>1</sup>, სახარების ზემოთ მოხმობილი ადგილების განმარტება). და გაწყვიტეს კავშირი ღმერთთან, ნათესავად ბოროტად სახელდება, რამეთუ გულისხმაყვეს ღმერთკაცის სასწაულები და თავი კი ისე მოაქვთ, თითქოს ვერ გულისხმაყვეს, არად აგდებენ და გმობენ მათ და ითხოვენ თავიანთი არასწორი განწყობის, სულისკვეთების შესაფერის სასწაულებს. ზეციური სასწაულების მოთხოვნა იმდენად სასწაულების მოთხოვნა არ იყო, რამდენადაც ღმერთკაცის სასწაულების აბუჩად აგდება და მათ მიმართ უმეცარი, ყალბი დამოკიდებულების გამოხატვა. იონა წინასწარმეტყველის სასწაულს თვით მაცხოვარი განმარტავს (მათე, 12, 40), როგორც თავისი სიკუდილისა და მკვდრეთით აღდგომის მომასწავებელს. სწორედ, ეს იყო სასწაული ზეციით! როდესაც მაცხოვარი ევნო, მაშინ დაბნელდა მზე შუადღისას, მხილველი ჯვარცმული მაცხოვრისა, სამი საათით ბნელმა მოიკვა ქვეყანა, ორად გაიბო კრეტსაბმელი იერუსალიმის ტაძრისა, მიწა იძრა, კლდეები დასკდა, საფლავები გაიხსნა, მრავალი შესვენებული წმინდანი აღსდგა და მრავალს გამოეცხადა წმინდა ქალაქში (ლუკა, 9, 23, 45; მათე, 27, 45; 51-53). ქრისტეს აღდგომის შემდეგ კვლავ იძრა მიწა, უფლის ანგელოზი, ნათლით შემოსილი, გარდამოხდა ზეციით როგორც მოწამე მაცხოვრის აღდგომისა, შეძრწუნდნენ საფ-

<sup>1</sup> იგულისხმება ნეტარი თეოფილაქტე ბულგარელის „მახარებელი“.

ლავის მცველნი, მისი მხილველნი, ზეციური სასწაულის მეძიებელთა მიერ დადგინებულნი (მათე, 28, 2-4) და აუწყეს მღვდელმთავრებს ქრისტეს აღდგომა. მათ კი ახლაც, როგორც აქამდე, არად ჩააგდეს და შეურაცხყვეს ეს უდიდესი სასწაული, მოისყიდეს მცველები და ტყუილის საფარველში გახვიეს ქრისტეს აღდგომა (მათე, 28, 11-15).

ახლა უფლის მიერ ქმნილ სასწაულებს გადავხედოთ.

უფლის სასწაულები ღმრთისაგან კაცობრიობისადმი მიმალეული ნიჭია. ამ ნიჭის მიცემა ღმერთის მოვალეობა როდი იყო, ღმერთმა იგი ადამიანებს მხოლოდდამხოლოდ თავისი კეთილი ნებისა და მოწყალების გამო უბოძა. ადამიანებს კი, მართლაც მოეთხოვებოდათ, რომ ამ ნიჭსა და მის მომცემელს უდიდესი მოწიწებითა და კეთილგონიერებით მოქცეოდნენ. რამეთუ მან თავს უწოდა ღმერთი, რომელმაც აღიღო კაცობრიობის ცოდვა და თავს-იღო კაცთა გამოხსნა. ხოლო სასწაულები არის ამ ნიჭის მოწმობა. უფლისაგან ბოძებულ ნიჭს უეჭველი ღირებულება ჰქონდა, მაგრამ რადგანაც ცხოვნების მიღება-არმიღება ადამიანის თავისუფალ ნებაზე ჰკიდია, ამიტომ მათ უფლება მიეცათ შეეფასებინათ ქრისტეს სასწაულები, განესაჯათ, რამდენად სარწმუნონი და ჭეშმარიტნი იყვნენ ისინი, მათი მიხედვით ემსჯელათ ამ სასწაულთა მოქმედზეც, რათა მაცხოვრის მიღება და აღიარება თავისუფალი, მტკიცე რწმენის შედეგი ყოფილიყო და არა ნაჩქარევი, ქადაგშუტული, ნაძალადევი გატაცებისა.

ქრისტეს სასწაულები სრულიად გარკვეული იყო. მათ შესახებ თავისუფლად შეიძლება იმის თქმა, რაც უფალმა უთხრა მოციქულს: „მოყვენ თითნი შენნი და იხილენ ხელნი და მოიღე ხელი შენი და დამდეგ გუერდსა ჩემსა და ნუ იყოფი ურწმუნო, არამედ გრწმენინ“ (იოანე, 20, 27). ქრისტეს სასწაულები ხელშესახები იყო, ისინი ყველაზე უბრალო ადამიანებისთვისაც ცხადი გახლდათ. მათში არაფერი იყო იღუმალი, ყველას შეეძლო მათი ხილვა და არც იმ ეჭვისათვის რჩებოდა ადგილი, ნამდვილად სასწაულია თუ მხოლოდ ჰგავს სასწაულსო. მკვდარნი აღდგებოდნენ, სნეულნი იკურნებოდნენ, კეთროვანნი განიწმინდებოდნენ, ბრმადშობილებს თვალი ეხილებოდათ, უტყვნი იტყოდნენ, მშვიერთათვის პური უეცრად

მრავლდებოდა, ზღვის ტალღები და ქარები ხელმწიფებით თქმული ერთი სიტყვით მშვიდდებოდა, ვისაც ქარიშხალი და-  
ლუპვას უქადდა, ხსნას პოულობდა, მებადურთა ბადეები,  
აქამდე ცარიელი, თევზით ივსებოდა ღმრთის უსიტყვო ბრძა-  
ნებით. უფლის სასწაულებს მრავალი მოწმე ჰყვანდა, რო-  
მელთა დიდი ნაწილი ან ემტერებოდა უფალს, ან უგულისხმო  
იყო, ანდა მხოლოდ ხორციელ შველას მოელოდა მისგან.  
თვით სასწაულებში ექვს ვერავინ შეიტანდა, უფლის უბორო-  
ტესი მტრებიც კი, ვერ უარყოფდნენ მათ, ისინი მხოლოდ  
იმას ცდილობდნენ, რომ დაემციოებინათ უფლის სასწაულები  
მრუდე განმარტებით და ყველა იმ საშუალებით, რასაც ბოღმა  
და სიბოროტე კარნახობდათ (მათე, 12, 24, იოანე, 9, 24). უფ-  
ლის სასწაულებში არაფერი იყო ამაოებას, ეფექტს გამოკი-  
დებული, მაცხოვარს არც ერთი სასწაული არ უქმნია ხალხის  
დასანახად, ყოველი მათგანი ღმრთაებრივი სიმდაბლით იყო  
დაფარული და მიზნად ტანჯული კაცობრიობისთვის სიკეთის  
მოტანას ისახავდა. ამასთან ერთად მათ მთელი სიცხადით  
წარმოაჩინეს შემოქმედის ხელმწიფება შექმნილ ხორციელ  
არსებებსა და უხორცო სულებზე, გამოხატეს და დაამტკიცეს  
ღირსება ღმრთისა, რომელმაც აღიღო კაცობრივი ბუნება და  
განცხადდა, როგორც კაცი კაცთა შორის.

თუმცა არსებობს ქრისტეს სასწაული, რომელსაც არავი-  
თარი ხილული სიკეთე არ მოუტანია ერთი კონკრეტული პი-  
როვნებისთვის. მას საიდუმლო მნიშვნელობა ჰქონდა და წი-  
ნასწარ მოასწავებდა მთელი კაცობრიობისათვის მოვლენილ  
სიკეთეს — ცხოვნებას. ეს სასწაული იყო გახმობა უნაყოფო  
ლედვის ხისა, რომელსაც მხოლოდ ფოთლები ესხა (მარკ. 11,  
13, 14, 20). ამ ხეს ძველი აღთქმაც ახსენებს (შესაქმე, 3, 7).  
სამოთხის ხეებს შორის, როდესაც ჩვენი წინაპრების დაცემის  
ამბავს გადმოაგვიცემს. ამ ლედვის ფოთლები ადამ და ევამ გა-  
მოიყენეს სიშიშვლის დასაფარავად, იმ სიშიშვლისა, რომელ-  
საც ვერც ამჩნევდნენ ცოდვაში ჩავარდნამდე და რომელიც  
სახილველი გახდა მათთვის მაშინვე, როგორც კი სცოდეს. შე-  
საძლოა, სამოთხის ბაღში მდგარი ლედვის ხის ნაყოფი იყო  
სწორედ აკრძალული ხილი. უფალმა ლედვის ხეზე ვერ ჰპოვა  
ნაყოფი, და არც იყო ამ ხისგან ნაყოფის გამოღების დრო.



მაგრამ მაცხოვარმა ნება მისცა თავის ხორციელ ზუნებას უდროო სურვილისა, ამით აიხსნება წინაპართა არასწორი სურვილი, რომელიც უფალმა, როგორც კაცთა ყველა სისუსტე, იტვირთა და განაქარვა.

რაკი ნაყოფი ვერ ჰპოვა, უფალმა უარყო ფოთლელოც; უარყო თვით არსებობა სისა; უკვე მზადდებოდა სხვა ხე, ძელი ჯვარისა კაცთა გამოსახსნელად. ხე, კაცთა წარწყმედის იარაღი, განხმა მაცხოვრის ბრძანებით. საიდუმლო სასწაული მოხდა მსოფლოდ უფლის მოწაფეების, მისი საიდუმლო მოძღვრების მიმდევართა თანდასწრებით. ეს სასწაული იყო ცოტა ხნით ადრე, ვიდრე დაიწყებოდა ღმერთკაცის ვნება და ჯვარცმა, რომელმაც ცხოვნება მოუტანა კაცობრიობას.

უფლის სასწაულებს წმინდა მნიშვნელობა და წმინდა მიზანი ჰქონდათ. თავისთავად ეს სასწაულები დიდი სიკეთე იყო, მაგრამ ღმრთაებრივი განგებულებით ბევრად უფრო მაღალ სიკეთეთა მოწმობას წარმოადგენდნენ. უფალმა თავისი განკაცებით ადამიანებს უბოძა მარადიული, სულიერი, ფასდაუღებელი ნიჭი—ცხოვნება, ცოდვისაგან განკურნება, მარადიული სიკვდილის ძლევა. სიტყვა უფლისა და მისი ცხოვრების წესი ყოველივე ამის სრული ცხადყოფა გახლდათ; უფალი იყო უცოდველი და ყოვლადწმიდა (იოანე, 8, 46), მის სიტყვას უდიდესი ძალა ჰქონდა (მარკ. 1, 42). მაგრამ კაცნი ხორციელი ხრახვის ბნელ უფსკრულში ჩაცვივდნენ და დაბრმავდნენ გულითა და გონებით. აუცილებელი გახდა ღმრთის განსაკუთრებული მოწყალეობა კაცთა დასნეულებული მოდგმის მიმართ, აუცილებელი გახდა მათი ხორციელი გრძნობებისათვის აშკარა საბუთების მიცემა, ხოლო ამ ხორციელი გრძნობების მეშვეობით მაცხოვრებელი ცოდნის მიწოდება გულისა და გონებისათვის, რომლებიც მომკვდარნი იყვნენ მათთვის ჩვეული, მარადიული სიკვდილით. ამიტომ ღმრთის სიტყვას შემწედ მიეცა ღმრთის სასწაულები. იმისათვის, რომ ადამიანებს გაეგოთ და მიეღოთ სულიერი ნიჭი, რომლის დანახვაც მხოლოდ სულიერი თვალითაა შესაძლებელი, უფალმა სულიერ, მარადიულ ნიჭს დაუმატა დროებითი, ხორციელი ნიჭი, რომელსაც კაცობრივი ბუნება უფრო ადვილად დაინახავდა—ეს ნიჭია ხორციელ საღმრთოთა კურნება. ცოდვა არის თავი კაცთა ყვე-

ლა სნეულები, ხორციელისა თუ სულიერისა, იგია დროებითი და მარადიული სიკვდილის მიზეზი. უფალმა გვიჩვენა, რომ ხელმწიფება კაცთა ხორციელი ცოდვებით გამოწვეული სნეულებების განკურნება და ამით დაგვანახა, რომ ყოველგვარი ცოდვის განწმენდა ძალუძს. ხორციელი ზრახვისათვის უხილავია სულიერი სნეულებებიც და მარადიული სიკვდილიც, მაგრამ ხორციელ სნეულებებსა და ხორციელ სიკვდილს კარგად ხედავს და აღიარებს. ისინი აფიქრებენ და აშფოთებენ მას. უფალმა, რომელიც ჰკურნავს თავისი ერთი სიტყვითა და ერთი ბრძანებით ყველა სნეულს, რომელიც მკვდრებს აღადგენს და არაწმიდა სულებს იმორჩილებს, განაცხადა თავისი ხელმწიფება, ღმრთის ხელმწიფება კაცზე, ცოდვაზე, დაცემულ სულებზე, და ეს განაცხადება სრულიად აშკარა იყო ხორციელი გრძნობებისათვის, თვით ხორციელი ზრახვისათვის. ხორციელ ზრახვას ლოგიკურად უნდა ეღიარებინა, რომ უფლის ხელმწიფება ვრცელდება არა მხოლოდ ხორციელ ცოდვაზე, არამედ სულიერზეც, უნდა ეღიარებინა უფლის ძალაუფლება კაცის სხეულზე, მით უმეტეს, რომ ზოგიერთი სასწაულით, მაგალითად, მკვდართა აღდგინებით, განაცხადდა ღმრთის შეუზღუდველი ხელმწიფება სულზეც და სხეულზეც. მკვდრის აღდგინებისას ცოცხლდებოდა სხეული და მასში სახლდებოდა სული, ამქვეყნით უკვე სულთა სამყაროში გარდასული, იგი უერთდებოდა სხეულს, რომელსაც სამუდამოდ გაეყარა. ამ სასწაულით კაცს სადმე მის გარეთ კი არა, შიგნით მიეცა ნიშანი, სადმე გარეთ კი არა, შიგნიდან გაუჩნდა ცხოვნების იმედი. სულისა და ხორცის მარადიული ცხოვნების ნიშანი კაცს ეძლეოდა ხორციელ საღმობათა და ხორციელი სიკვდილის დროებითი კურნებით. თუ უფლის სასწაულებს სწორად აღვიქვამთ, ისინი ღმრთაებრივი სიბრძნით სავსენი ჩანან და ზეციური სასწაულების მოთხოვნა უაზრობა ხდება. იშვიათად, მაგრამ მაინც იყო შემთხვევები, როდესაც უფლის ხელმწიფება კაცის გარეთ, ნივთიერი ბუნების სამყაროში ცხადდებოდა. ეს იმას მოწმობს, რომ უფლის ძალაუფლება მთელ ბუნებაზე ვრცელდება, და ესაა უსაზღვრო ხელმწიფება, ხელმწიფება ღმრთისა.

ასეთია უფლისა და მის მოციქულთა მიერ ქმნილი სასწა-

ულების მნიშვნელობა და მიზანი. ეს გვამცნო უფალმა, გვამ-  
 ცნეს მისმა მოციქულებმა. ერთხელ იმ სახლში, სადაც უფალი  
 იმყოფებოდა, ზღვა ხალხი შეიკრიბა. სახლი სავსე იყო, კა-  
 რებშიც ბევრი იდგა, შიგნით შესვლა უკვე შეუძლებელი გახ-  
 ღდა. ამ დროს მიიყვანეს განრღვეული, რომელიც სარეცელიდან  
 ველარ დგებოდა. სნეულის პატრონებმა, ასეთი ხალხმრავლობა  
 რომ იხილეს, სხვენზე აიყვანეს იგი, ჭერი გახსნეს და იქიდან  
 ჩაუშვეს ავადმყოფი თავის სარეცელიანად უფლის წინაშე.  
 ასეთი სარწმუნოება რომ იხილა, უფალმა უთხრა განრღვე-  
 ულს: „შვილო, მიგეტევნენ შენ ცოდვანი შენნი!“ ამ დროს იქ  
 მწიგნობრებიც იხდნენ. მათ იცოდნენ სჯული წიგნებიდან,  
 თან სძულდათ მაცხოვარი და შურდათ კიდევ მისი, ამიტომ  
 გადაწყვიტეს, რომ უფლის ეს სიტყვები ღმრთის გმობას შეი-  
 ცავდა. „ვის ხელ-წიფების მიტევებად ცოდვათა, გარნა მხო-  
 ლოსა ღმერთსა?“ ამბობდნენ ისინი გუნებაში. გულთამხილავ-  
 მა გაიგო მათი აზრები და უთხრა: „რამსა მაგას ჰზრახავთ  
 გულთა შინა თქუნთა? რა უადვილეს არს სიტყუად განრღუ-  
 ეულსა ამას: მიგეტევნენ ცოდვანი შენნი, ანუ თქმად: აღდეგ,  
 აღიდე ცხედარი შენი და ვიდოდე?“ მიგეტევნენ შენ ცოდვახი  
 შენნიო, ამის თქმა ფარისეველსა და მატყუარასაც შეუძლია.  
 „ხოლო რამთა უწყოდით, რამეთუ ხელმწიფება აქუს ძესა კა-  
 ცისასა ქუეყანასა ზედა მიტევებად ცოდვათა, ჰრქუა განრღუ-  
 ეულსა მას: შენ გეტყვი: აღდეგ და აღიდე ცხედარი შენი და  
 წარვედ სახიდ შენდა“. განრღვეული მყისვე განიკურნა, ადგა,  
 აიღო თავისი საწოლი და გამოვიდა ყველას წინაშე (მარკ. 2,  
 2-12). ეს სასწაული ღმრთაებრივი სიბრძნითა და სახიერები-  
 თაა სავსე. პირველად უფალი უმთავრეს სულიერ მადლს ანი-  
 ჭებს სნეულს—ცოდვათ მიტევებას, რომელიც უხილავია ზორ-  
 ციელი თვალისთვის. ამან სწავლულ იუდეველებში უნებლიე  
 აღმსარებლობა დაბადა — მათ აღიარეს, რომ ასეთი მადლის  
 მინიჭება მხოლოდ ღმერთს ხელეწიფება. ამ ფიქრის საპასუ-  
 ხოდ უფალი ერთხელ კიდევ უმტკიცებს მათ, რომ იგი ნამ-  
 დვილად ღმერთია. და ბოლოს, სულიერი ნიჭი და სულიერი  
 მოწმობა წივთიერი ნიჭითა და ნივთიერი მოწმობითაც მტკიც-  
 დება — სნეულის მეყვსეული და სრული განკურნებით. წმ.  
 მარკოზ მახარებელი თავისი სახარების დასასრულს ამბობს,

რომ მოციქულები უფლის ამაღლების შემდეგ „ქადაგებდეს ყოველსა ქვეყანასა უფლისა შეწევნითა და სიტყვისა ამის დამტკიცებითა მის მიერ, რომელნი იგი შუდგეს მას სასწაულსა“ (მარკ. 16, 20). იგივე ითქვა ყველა მოციქულის ლოცვაში, რომელიც ღმერთს აღუვლინეს მას შემდეგ, რაც სინედრიონმა აუკრძალა მათ იესოს სახელით სწავლება და მოქმედება: „მოეც მონათა შენთა ყოვლითა განცხადებულებითა სიტყუად სიტყვისა შენისა, განრთხმად ხელი შენი კურნებად და სასწაულებისა და ნიშნებისა ყოფად სახელითა წმიდისა ძალა შენისა იესომისითა“ (საქმე, 4, 29-30). უფლის სასწაულები ღმერთის სიტყვის შემწედ იყო მოცემული, სასწაულები სიტყვის ძალასა და მნიშვნელობას მოწმობდნენ (ლუკა, 4, 36). ჩინავარი მოქმედი ძალა სიტყვაა. სადაც სიტყვას დებულობენ, იქ სასწაულები აღარაა საჭირო, რადგან ესმით სიტყვის მნიშვნელობა. სასწაულები ადამიანის სისუსტის გამოა დაშვებული.

სიტყვა და სასწაული სხვადასხვაგვარად მოქმედებენ. სიტყვა უშუალოდ გულსა და გონებაზე ახდენს გავლენას, სასწაულები კი, იმავე გულსა და გონებაზე ხორციელი გრძნობების გზით ზემოქმედებენ. სიტყვით მოხდენილი გავლენის შემდეგი უფრო მყარი და ძლიერია, ვიდრე სასწაულისა. როდესაც სიტყვა და სასწაულები ერთად მოქმედებენ, მაშინ სასწაულების ზემოქმედება როგორცაა შეუძინეველი რჩება, რამეთუ სიტყვა უფრო ძლიერია, ვიდრე სასწაული. ეს კარგად ჩანს სახარებიდანაც: ნიკოდიმოსზე სასწაულმა იმოქმედა, მაგრამ აღიარა უფალი მხოლოდ ღმერთისაგან მოვლენილ მოძღვრად (იოანე, 3, 2). პეტრე მოციქულზე კი, სიტყვამ მოახდინა გავლენა და აღიარა მაცხოვარი ქრისტედ, ძედ ღმერთისად „სიტყუანი ცხოვრებისანი საუკუნომისანი გქონან შენ. და ჩუენ გურწმენა და გვიცნობიეს, რამეთუ შენ ხარ ქრისტე, ძე ღმერთისა ცხოველისა“ (იოანე, 6, 68-69). წმ. პეტრე უფლის მრავალი სასწაულის მოწმე იყო. ამ აღიარებამდე მცირე ხნით ადრე მოხდა ხუთი პურის განმრავლება და ამ პურით მრავალი კაცის განძღება, მაგრამ მოციქული საერთოდ არ ახსენებს სასწაულებს, იგი მხოლოდ სიტყვის ძალასა და ზემოქმედებაზე ლაპარაკობს. იგივე ითქმის ქრისტეს ორ მოწაფეზე, რომლებიც, ემაოსისკენ მიმავალნი, ესაუბრნენ ქრისტეს ისე, რომ

ვერ იცნეს იგი, და იცნეს უკვე დაბაში, უფლის მიერ პურის-განტეხისთანავე. ამის შემდგომ მოძღვარი მყისვე თვალს მიეფარა. მოწაფეებს არც კი უხსენებიათ ეს სასწაული, მათ მთელი ყურადღება სიტყვაზე გაამახვილეს: „და იგინი იტყოდეს ურთიერთას: ანუ არა გულნი ჩუენნი განსურვებულ იყვნეს ჩუენ შორის, ვითარ-იგი მეტყოდა ჩუენ გზასა ზედა და ვითარ-იგი გამომითარგმანებდა ჩუენ წაგნთა?“ (ლუკა, 24, 32).

მაცხოვარმა ნეტარნი უწოდა მათ, ვისაც არ უხილავს სასწაული და ისე ირწმუნა ქრისტე (იოანე, 20, 29). ებრალებოდა, ვინც არ იქმარა სიტყვა და სასწაულებს თხოულობდა: „უკეთუ არა იხილოთ სასწაულები და ნიშნები, არა გრწმენეს“ (იოანე, 4, 48), უთხრა მან კაპერნაუმელ დიდებულს. კეშმარიტად, სიბრაღელის ღირსნი არიან, ვისაც სიტყვა დაუტევებია და სასწაულებისგან მოკლის სარწმუნოების შექენას. ეს მოთხოვნა ამჟღავნებს კაცში გაბატონებულ ხორციელ ზრახვას, უმეცრებას, ხრწნისა და ცოდვისათვის მსხვერპლად შეწირულ ცხოვრებას. საღმრთო სჯულის შესწავლისა და ღმერთის სათნო საქმეთაგან სრულ განდგომას, სულის უგრძნობლობას სული წმიდის მიმართ, სიტყვაში მისი მონაწილეობისა და თანაზიარობის მიმართ. სასწაულები უფრო გრძნობად, ამსოფლიური საზრუნავით შეპყრობილ კაცთათვის იყო მოვლენილი. ათას საქმეში გართულ, გულით მიწას მიჯაჭვულ ადამიანებს სიტყვის ძალის შეფასების უნარი ნაკლებად აქვთ, ამიტომ მოწყალე ღმერთი ცხოვნების გზისკენ მათ იზიდავდა ხილული სასწაულების მეშვეობით, რომლებიც გრძნობებზე ახდენდნენ ზემოქმედებას და უძლური სული ყოვლადღლიერი, მაცხოვრებელი სიტყვისკენ მიჰყავდათ. ისინი, ვინც სასწაულების მეშვეობით ირწმუნა ქრისტე, მორწმუნეთა ყველაზე დაბალ ფენას შეადგენდნენ. როდესაც მათ შესთავაზეს სულიერი, ამაღლებული, ყოვლად წმიდა სწავლება, ბევრმა მათგანმა იგი თავისებურად ახსნა. (იოანე, 6, 60), და ისე, რომ ღმრთისთვის არ უთხოვიათ განმარტება ღმრთაებრივი სიტყვისა, განიკითხეს ეს სიტყვა, რომელიც იყო „სულ და ცხოვრება“ (იოანე, 6, 63), ამით გაამჟღავნეს თავიანთი ზედაპირული სარწმუნოება, უგულობა, „ამის გამო მრავალნი მოწაფეთა მისთაგანნი უკუნიქცეს და არღარა ცილოდეს მის თანა“ (იოანე, 6, 66).

ვერც ღმერთის სიტყვამ და ვერც მისმა სასწაულებმა ვერ იმოქმედეს იუდეველ მღვდელმთავარზე, მწიგნობრებზე, ფარისევლებსა და საღუკეველებზე, თუმცა ამ უკანასკნელთა გარდა ყველა კარგად იცნობდა საღმრთო სჯულს წიგნებიდან. ისინი არა მარტო უცხო ექმნენ ღმერთს, არა მარტო მტრად ლოკიდნენ მას ცოდვის გამო, რომლითაც მთელი კაცობრიობა მოწამლული, არამედ ასეთებად იქცნენ, ასეთ მდგომარეობაში გაიყინნენ საკუთარი ნებით, საკუთარ თავზე მაღალი წარმოდგენის გამო, იმის გამო, რომ სურდათ იმ ცხოვრებით ეცხოვრათ, რომელსაც სახარება კრძალავდა. მათ არ ესმოდათ უფლის სიტყვები, რამეთუ ისე არ უსმენდნენ, როგორც ჯერ არს, მათ გონებამღე მხოლოდ ის სიტყვები აღწევდა, რომლებიც შეეძლოთ არასწორად აეხსნათ და მათი საშუალებით უფალი რაიმეში დაედანაშაულებინათ. „რამათვის სიტყუანი ჩემნი არა იცნით?“ ეკითხება მაცხოვარი თავის მტრებს, რომლებიც ჯიუტად, გამწარებით უარყოფენ უფლისგან მომადლებულ ცხოვნებას. რატომ არ გულისხმავოფთ ჩემს სწავლებას? რატომ არ შეიწყნარებთ საკუთრებელ სიტყვას? და ამ კითხვაზე პასუხს თავადვე იძლევა: „რამეთუ ვერ ძალგიც სიტყუათა ჩემთა სმენად“ (იოანე, 8, 43). თქვენ ვერ იტვირთავთ მათ, — ამბობს უფალი, — თქვენა ხართ იენი სიცრუისანი და მისევე მსახურნი, „ხოლო მე ჭეშმარიტსა გეტყვი თქვენ, და არა გრწამს ჩემი“ (იოანე, 8, 45)“ რომელი ღმრთისაგან არს, სიტყუათა ღმრთისათა ისმენს: ამისთვის არა ისმენთ თქვენ, რამეთუ არა ხართ ღმრთისაგან“ (იოანე, 8, 47). „უკეთუ არა ვიქმ საქმესა მამისა ჩემისასა, ნუ გრწამნ ჩემი. უკეთუ ვიქმ, დალაკათუ ჩემი არა გრწამს, საქმენი გრწმენედ, რამთა სცნათ და უწყოდით, რამეთუ მამამ ჩემ თანა არს, და მე მამისა თანა“ (იოანე, 10, 37-38). ამოა იყო სიტყვები, რომლებიც, როგორც ღმრთაებრივი ჭეშმარიტება, სრულად სარწმუნონი იყვნენ (იოანე, 8, 14). ამოა იყო სასწაულები, რომლებიც ასევე სარწმუნონი და იმდენად თვალსაჩინონი იყვნენ, რომ ღმერთკაცის მტრებიც კი. ვერ ახერხებდნენ მათ უარყოფას (იოანე, 9, 21). სასწაულებმა იმოქმედა იმ ხალხზე, ვინც არ იცოდა ან ნაკლებად იცოდა საღმრთო სჯული, ვინც ამქვეყნიური საზრუნავით იყო დაკავებული, მაგრამ თავისი ნებით არ უარ-

ყოფდა საღმრთო სჯულს. სამაგიეროდ, ამ სასწაულებმა ვერავითარი გავლენა ვერ იქონია მათზე, ვინც კარგად იცოდა საღმრთო სჯული წიგნებიდან, მაგრამ თავისი ნებიითა და ცხოვრებით უარყოფდა მას (იოანე, 5, 46-47; 7, 19). ღმერთმა თავისი გამოუთქმელი მოწყალებით ყველაფერი იღონა კაცთა საცხოვნებლად. „უკუეთუმცა არა მოვედ და ვეტყოდე მათ, ცოდვამცა არა აქუნდა, ხოლო აწ მიზეზი არა აქუს ცოდვათა მათათვის. რომელსა ვსძულდე მე, მამამცა ჩემი სძულს. უკუეთუმცა არა ვქმენ საქმენი იგი მათ შორის, რომელნი სხუამან არავინ ქმნნა, ცოდვამცა არა აქუნდა. ხოლო აწ მიხილეს და მომიძულეს მეცა და მამამცა ჩემი“ (იოანე, 15, 22-24), ამბობს მაცხოვარი. ქრისტიანობა ისე ნათლად გადმოგვეცემს, რომ არავითარი გამართლება არ მოეძებნებათ მათ, ვინც არ იცის იგი. არცოდნის მიზეზი მხოლოდ კაცის ნებაა. მზესავით ბრწყინავს ქრისტიანობა და ვინც თვითონ ხუჭავს თვალებს, დაე, სიბრმავე საკუთარ ნებას დააბრალოს და არა სინათლის ნაკლებობას. კაცთა მიერ ღმერთკაცის უარყოფის მიზეზით თვით კაცთა შიგნითაა, ისევე როგორც მათ შიგნითაა ანტიქრისტეს მიღების მიზეზი. „მე მოვედ სახელითა მამისა ჩემისაითა, და არა შემიწყნარებთ. უკეთუ სხუა მოვიდეს სახელითა თვისითა, იგი შეიწყნაროთ“ (იოანე, 5, 43). მათ ერთდროულად ჰქვიათ ქრისტეს უარყოფელნი და ანტიქრისტეს შემწყნარებელნი, თუმცა ანტიქრისტეზე ლაპარაკია, როგორც იმაზე, ვინც მოვა. მათ უარყვეს ქრისტე თავიანთი სულიერი მდგომარეობის გამო და იგივე მდგომარეობის გამო მიიღეს ანტიქრისტე. ისინი შეირაცხნენ, როგორც ანტიქრისტეს შემწყნარებელნი, თუმცა მიწიერი მსხემობა დაასრულეს მრავალი საუკუნით ადრე ანტიქრისტეს მოსვლამდე. მათ ადასრულეს ანტიქრისტეს უდიდესი საქმე — მოჰკლეს ღმერთი. როცა ანტიქრისტე მოვა, ამაზე დიდ დანაშაულს ველარაფერს ჩაიდენს. მათი სული მტრულად იყო განწყობილი ქრისტეს მიმართ და შესაბამისად, ანტიქრისტეს ენათესავებოდა, თუმცა მისგან დროის უზარმაზარი მონაკვეთი აშორებდათ. მას აქეთ, აგერ, უკვე მეორე ათასწლეული გადის. იოანე ღმრთისმეტყველი ამბობს: „და ყოველმან სულმან რომელმან არა აღიაროს იესო ქრისტე ხორციელად მოსრული, იგი არა ღმრთისაგან არს. და

ესრე არს ანტიქრისტესთვის, რომელ გასმიეს, ვითარმედ მოს-  
ლვად არს და აწცა სოფელსა შინა არს“. (3 იოანე, 4, 3). ანტი-  
ქრისტეს სულით ძღვანებულნი უარყოფენ ქრისტეს, თვით  
მათი სული შეიწყნარებს ანტიქრისტეს, მასთან ამყარებენ  
ურთიერთობას, ემორჩილებიან და თაყვანს სცემენ, ანუ თავი-  
ანთ ღმერთად აღიარებენ. „ამისთვის მოუვლინოს მათ ღმერთ-  
მან შემწე საცთურებისად, რაათა ჰრწმენეს მათ ტყუილისა,  
რაათა ისაჯნენ ყოველნი, რომელთა არა ჰრწმენა ქეშმარიტე-  
ბისა მის, არამედ სათნო-ეყვნეს სიცრუესა შინა“ (2 თესალ,  
2, 11-12). ღმერთი მართლმსაჯულია თავის მიშვეებებშიც. და  
ეს მიშვება იქნება დაკმაყოფილება, იმავე დროს კი, მხილება  
და სამსჯავრო კაცთათვის. ანტიქრისტე მოვა მისთვის წინას-  
წარგანჩინებულ დროს, და მისი მოსვლის წინ კაცობრიობის  
დიდი ნაწილი განუდგება ქრისტეანობას. ამ განდგომით კა-  
ცობრიობა ანტიქრისტეს მისაღებად მოემზადება და შეიწყნა-  
რებს მას თავისი სულისკვეთების თანახმად. ადამიანთა ეს  
სულისკვეთება თავისთავად მოითხოვს ანტიქრისტეს, ეპატაჟე-  
ბა და თანაუგრძნობს მას, ისევე, როგორც სასიკვდილო სას-  
მელი სწყურია კაცს მძიმე ავადმყოფობის ჟამს. უკვე გაისმის  
მოპატიჟება კაცობრიობა უკვე მოითხოვს უდიდეს გენიოსს,  
რომელიც მატერიალურ კეთილდღეობას უმალღეს საფეხურ-  
ზე აიყვანს და დედამიწაზე ისეთ ნეტარებას დაამკვიდრებს,  
რომ სამოთხე და სასუფეველი სრულიად ზედმეტი გახდება.  
ანტიქრისტე იქნება კაცთა საერთო მორალური და სულიერი  
მომართულების ლოგიკური, სამართლიანი, ბუნებრივი დაგვირ-  
გვინება.

განკაცებული ღმერთის მიერ ქმნულმა სასწაულებმა უდი-  
დესი მატერიალური სიკეთეები მოუტანა კაცობრიობას. რა  
შეიძლება იყოს მკვდრის აღდგინებაზე მეტი სიკეთე? რა შე-  
იძლება იყოს მეტი სიკეთე, ვიდრე უკურნებელი სნეულების  
მორჩენა, როცა კაცის სიცოცხლე სიკვდილს უფრო ჰგავს,  
ვიდრე სიცოცხლეს? მაგრამ მიუხედავად ქრისტეს ამ სასწაუ-  
ლების სიწმინდისა, სიკეთისა და მათი სულიერი მნიშვნელო-  
ბისა, ეს მაინც დროებითი ნიკები იყო. უფრო სწორად, ეს  
იყო ნიშნები, ნიშნები მარადიული ცხოვნებისა, რომელიც  
უფალს უნდა მიენაცხებინა კაცობრიობისთვის. ღმერთკაცის-



გან მკვდრეთით აღდგენილი ადამიანები თავის დროზე მაინც დაიხოცნენ: მათ მხოლოდ მიწიერი ცხოვრების განგრძობა მიეცათ და არა მარადიული ცხოვრება. ღმერთკაცისაგან განკურნებული ადამიანები ოდესღაც ისევ ავად გახდნენ და დაიხოცნენ კიდევ, ჯანმრთელობა მათ დროებით დაუბრუნდათ და არა სამუდამოდ. დროებითი, ნივთიერა სიკეთეები ადამიანებს მარადიული და სულიერი სიკეთეების მომასწავებელ ნიშნებად მიენიჭა. გრძნობებს დამონებულ ადამიანებს ხილული ნიჭები იმისთვის მიეცათ, რომ მათ ერწმუნათ უხილავი ნიჭების არსებობა და მიეღოთ ისინი. სასწაულებს უმეცრებისა და გრძნობადი სამყაროს უფსკრულიდან ამოჰყავდათ კაცი და სარწმუნოებისკენ მიუძღოდნენ, სარწმუნოებას მარადიულ სიკეთეთა შეცნობა მოჰქონდა და ამ სიკეთეთა შექმნის სურვილს აღვიძებდა. საკვირველი ნიშნების შემწეობით მოციქულებმა სწრაფად გაავრცელეს ქვეყანაზე ქრისტიანობა, სასწაულები ამ სარწმუნოების ქეშმარიტებას უმტკიცებდა განათლებულ ერებსაც და უმეცარ, ბარბაროს ხალხებსაც. ხოლო როდესაც ქრისტიანობა ყველგან დამკვიდრდა, როდესაც სიტყვა გაბატონდა, მაშინ სასწაულების დანიშნულება ამოიწურა და მათ შეწყვიტეს მოქმედება. შეწყვიტეს მოქმედება ყველგან, იშვიათად თუ ახდენდნენ სასწაულებს ღმრთის რჩეული წმინდანები. იოანე ოქროპირი, მე-4 საუკუნის წმ. მამა, ამბობს, რომ მის დროს უკვე აღარ იყო სასწაულების ნიჭი, თუმცა ზოგან, განსაკუთრებით ბერებს შორის, ჯერ კიდევ იყვნენ სასწაულმოქმედნი (2 კორ. მიმართ ეპისტოლეს 3, 18-ის განმარტება). ბოლო დროის შესახებ კი, მამებმა იწინასწარმეტყველეს, რომ მაშინ საერთოდ აღარ იქნებიან სასწაულმოქმედნი (წმ. ნიფონტის მე-4 პასუხი ძმას). „ბევრი მეკითხება, რატომ აღარ ხდება დღეს სასწაულებიო? განსაკუთრებული ყურადღებით მოისმინეთ ჩემი პასუხი ამ შეკითხვაზე, რამეთუ ძალიან ხშირად მიმეორებენ ამას. რატომაა, რომ ოდესღაც ყველა ხათვლადებული უცხო ენებზე იწყებდა ლაპარაკს, ახლა კი, მსგავსი აღარაფერი ხდება? რატომ წაერთვათ ადამიანებს სასწაულების ქმნის ნიჭი? ღმერთმა ინება ასე, და ამით კი არ გვაკლებს პატივს, მეტ პატივსაც მოგვაგებს. რანაირად? ახლავე ავიხსნით. მაშინდელ ხალხს უფრო მწირი გონება ჰქონდა,

მათ ხომ ის-ის იყო თავი დაანებეს კერპების თაყვანისცემას. მძიმედ და შეზღუდულად აზროვნებდნენ, ნივთიერ საგნებს იყვნენ მიჯაჭვულნი და ვერც კი წარმოედგინათ სულიერი ნიკების არსებობა, ვერც სულიერი მადლის მნიშვნელობას ჩასწვდებოდნენ, ყოველივე ეს მხოლოდ სარწმუნოებით მიიღება — ამიტომაც იყო დაშვებული სასწაულები. სულიერ ნიკთაგან ზოგიერთი უხილავია, მათი მიღება მხოლოდ სარწმუნოებით შეიძლება, ზოგიერთს კი, თან ახლავს სასწაულები, რათა ურწმუნოებში სარწმუნოება გააღვიძოს. მაგალითად: ცოდვათა მიტევება სულიერი და უხილავი ნიკია, ხორციელი თვალი ვერ ხედავს, როგორ აღიხოცება ჩვენი ცოდვები. ამგვარად, ცოდვათაგან განწმენდა არის სულიერი ნიკი, უხილავი ხორციელი თვალისთვის, ხოლო უცხო ენებზე ლაპარაკი, თუმცა სულიერი ნიკია, მაგრამ გრძნობის ორგანოებზეც მოქმედებს, ამიტომ იგი ურწმუნო კაცისთვისაც ადვილად დასანახია. ამ დროს უხილავი მოქმედება, რომელიც სულში მიმდინარეობს, საჩინო ხდება გარეგნული, სამეტყველო ენის მეშვეობით. ამიტომ ამბობს პავლე: „ხოლო თვითეულსა ჩუენსა მიცემულ არს გამოცხადება იგი სულისაჲ უმჯობესისათვის“ (1 კორ. 12, 7). ამგვარად, მე სასწაულები არ მკვირდება. რატომ? იმიტომ, რომ სასწაულების გარეშეც მჯერა უფლის მადლისა. ურწმუნოს მტკიცებები ჭირდება, მე კი, არც მტკიცებები მინდა და არც სასწაულები, და თუმცა უცხო ენაზე არ ვლაპარაკობ, მაგრამ ვიცი, რომ ცოდვებისგან განწმენდილი ვარ. ძველებს არ სწამდათ ღმერთი, ვიდრე სასწაულები არ იხილეს. სასწაულები მათ მიეცათ, როგორც მტკიცება მათ მიერ მიღებული სარწმუნოებისა. ამგვარად, ნიშნები ეძლეოდათ არა მორწმუნეებს, არამედ ურწმუნოებს, რათა მათ სარწმუნოება შესძენოდათ. ამას ამბობს პავლეც: „ამისთვისცა ენანი სასწაულად არიან არა მორწმუნეთათვის, არამედ ურწმუნოთათვის“ (1 კორ. 14, 22).

სასწაულები რომ აუცილებელი იყოს, ისინი ახლაც იქნებოდა დაშვებული, მაგრამ მათ ნაცვლად დამკვიდრებულია სიტყვა, რომელსაც ადრე თანაშეეწოდნენ სასწაულები. სიტყვა გავრცელდა, გაბატონდა, მოიცვა ქვეყანა. იგი სრულიად ნათლადაა განმარტებული ეკლესიის მამების მიერ: მისი მიღე-

ბა და შეთვისება გაადვილდა. სიტყვაა მთავარი და აუცილებელი, იგია კაცთა მაცხოვრებელი, მარადიულ სიკეთეთა მომტანი და ზეციური სასუფევლის მომნიჭებელი, მასშია დაფარული უფლის უმაღლესი სულიერი სასწაულები (ფს. 118, 18) „ხოლო სიტყვა ღმრთისა ჰგიეს უკუნისამდე, ხოლო ესე არს იგი სიტყუა, რომელი გეხარა თქუნ“ (1 პეტრე, 1, 25). „მის თანა ცხოვრება იყო და ცხოვრება იგი იყო ნათელ კაცთა“ (იოანე, 1, 4). სიტყვაშია ცხოვრება და სიტყვაა ცხოვრება, ცოდვისაგან მომკვდარ ადამიანებს იგი ხელახლა შობს მარადიული ცხოვრებისათვის, თავისი თავისგან ანიჭებს მათ ყოვლადწმიდა ცხოვრებას, ხოლო მსმენელი და მუშაკნი ამ სიტყვისა შობილ არიან „არა თესლისაგან განხრწნადისა, არამედ უხრწნელისა, სიტყვითა ღმრთისა ცხოველისაჲთა, რომელი-იგი ჰგიეს უკუნისამდე“ (1 პეტრე, 1, 23). სიტყვის მნიშვნელობა რომ შევიცნოთ, ჯერ უნდა შევასრულოთ იგი. თუ სახარების მცნებები სრულდება, ისინი მაშინვე იწყებენ კაცის გარდაქმნას, გარდასახვას, განცხოველებას, მისი აზრების, გრძნობების, თვით ზორციელი სახის შეცვლას. „რამეთუ ცხოველ არს სიტყვაჲ ღმრთისაჲ და ძლიერ, და უმკუთეთლეს უფროჲს ყოვლისა მახვილისა ორპირისა: და მის წუთების იგივე განსაყოფელამდე სამშვიინველისა და სულისა, ნაწევართა და ტვინთა, და განმკითხველ გონებათა და ზრახვათა გულისათა“ (ებრ. 4, 12). უფლის სიტყვა თვითონ შეიცავს მტკიცებას თავის თავში. იგი, ისევე, როგორც კურნების სასწაულები, თვით კაცის შიგნით მოქმედებს, და ამით მოწმობს თავის თავზე. სიტყვა უმაღლესი სასწაულია, იგია სულიერი სასწაული, რომელიც მიენიჭა კაცს და რომელიც მისი ცხოვრების ყველა პირობას აკმაყოფილებს, ამიტომაც უხმარ-იქმნა ნივთიერი სასწაულები. ქრისტეანი, რომლისთვისაც უცხოა სიტყვის ეს თვისება, ამჟღავნებს, რომ იგი გულგრილია სიტყვის მიმართ, არ იცის სიტყვა ღმრთისა ანდა მხოლოდ მკვდარი, წიგნისმიერი ცოდნა აქვს.

შეუძლებელია უყურადღებოდ დავტოვოთ თანამედროვე ქრისტიანულ საზოგადოებაში გავრცელებული მისწრაფება სასწაულების ხილვისა და მათი ქმნაც კი. ეს მისწრაფება გულმოდგინე ანალიზს მოითხოვს. სასწაულმოქმედების სურვილს წმ. მამები სასტიკად გმობდნენ: ამით ამქლავნებდა, რომ სული ხიბლის მდგომარეობაშია, ეს ხიბლი კი, ეფუძნება დიდებისმოყვარეობასა და თავისმოყვარეობას. მონაზონთა უადი მასწავლებელი, წმ. ისააკ ასური ამ საკითხზე წერს: „უფალი მუდამ შეეწევა თავის წმინდანებს, მაგრამ საჭიროების გარეშე არ იჩენს თავის ძალას რაიმე ცხადი საქმით ანდა ხილული სასწაულით, რათა მისი შეწევნა ჩვენთვის რალაც ჩვეულებრივი არ გახდეს, ღმერთისადმი მოწიწება არ დაგვაკარგვინოს და არ გვავნოს. ამით ღმერთი ზრუნავს თავის წმინდანებზე: იგი უშვებს, რომ მათ თავს იღონ მათი ძალების შესაბამისი ღვაწლი, ილოცონ, და ამასთან ერთად უჩვენებს, რომ არც ერთი წუთით არ წყვეტს იღუმალ ზრუნვას მათზე. თუ გარემოებათა სიმძიმე აღემატება მათ ძალებს, თუ ისინი მოუძღურდებიან და თავიანთი ბუნების არასრულყოფილების გამო ვერ შეძლებენ ამა თუ იმ საქმეს, მაშინ თვით უფალი მოველინებათ შემწედ თავისი ხელმწიფებით, როგორც ეგების და როგორც მან თავად უწყის. იგი იღუმალ შეეწევა მათ და აძლევს განსაცდელის დათმენის ძალას“, ანიკებს ადამიანს ღმრთაებრივ გულისხმისყოფას და განაქარვებს თითქოსდა გამოუვალ მდგომარეობას, თავის განგებას უმქლავნებს კაცს და ამით ღმრთის დიდებას ჩააგონებს, რაც მისთვის ყველანაირად სასარგებლოა, ხოლო როდესაც აუცილებლობა მოითხოვს, მაშინ ცხად შეწევნასაც მოუვლენს. შეწევნა ღმრთისა და მისი სახეები ყოველად ბრძნულია, იგი ჭირსა და ნაკლოვანებაში ეძლევა კაცს და არა შემთხვევით, უაზროდ. ვინც კანნიერდება ევედროს ღმერთს სასწაულთმოქმედების ნიჭის მიცემას ისე, რომ ამას არავითარი აუცილებლობა არ აიძულებს, ის ეშმაკსგანაა მოცთუნებული და გამასხარავებული, დიდებისმოყვარებითაა შებყრობილი და სინდისთანაც უბრადაა. უფლის შეწევნა უნდა ვითხოვოთ განსაცდელის დროს, ღმრთის

განცდა ყოველგვარი აუცილებლობის გარეშე დიდი დანაშაუ-  
ლაა, ჭეშმარიტად უსჯულოა ამის მსურველი. წმინდახთა  
ცხოვრებებში ვხედავთ მაგალითებს, რომ უფალმა, თუმცა არ  
მოსწონდა ასეთი თხოვნა, მაგრამ მაინც მიანიჭა მათ სასწაუ-  
ლების მქმნელი ძალა. ვისაც თავისი ნებით სურს ამ მადლის  
მიღება, ის ეცემა, აკლდება ღმერთის შეწევნას და სცდება  
ჭეშმარიტი გულისხმისყოფის გზას. თუ ღმერთმა ისმინა და  
შეუსრულა თხოვნა, მაშინ ბოროტი ეუფლება, როგორც მო-  
შიშების გარეშე, კადნიერებით მავალს უფლის წინაშე, და კი-  
დეც უფრო მეტ განსაცდელში აგდებს მას. ჭეშმარიტ წმინდა-  
ნებს არათუ არ სურთ სასწაულთმოქმედების ნიჭის მიღება,  
არამედ მაშინაც კი, როცა ღმრთისაგან ეძლევათ, უარს ამბო-  
ბენ მასზე. და ამას კაცთა დასანახად როდი სჩადიან, შინაგანა-  
დაც ნამდვილად არ სურთ ამ ნიჭის ქონა. ერთ წმ. მამას მიე-  
ცა უნარი მასთან მომსვლელთა ვინაობის გამოცნობისა, მაგ-  
რამ მან თვითონაც შესთხოვა ღმერთს და სხვა ძმებსაც შე-  
ევედრა ელოცათ, რომ ეს ნიჭი წაეღო მისგან. და თუ ზოგი-  
ერთმა წმ. მამამ მაინც მიიღო სასწაულთმოქმედების მადლი, ეს  
მოხდა ან აუცილებლობის გამო, ან თვით ამ მამის უბრალო-  
ების გამო, სული წმიდის განსაკუთრებული მინიშნებით, და  
არა შემთხვევით, უმიზეზოდ. ჭეშმარიტი წმინდანები მუდამ  
ფიქრობენ, რომ არ არიან ღირსნი ღვთისაგან ასეთი მადლის  
მიღებისა. და სწორედ ის, რომ ისინი თავიანთ თავს უღირსად,  
არარაობად შერაცხავენ, არის ნიშანი მათი ჭეშმარიტი სიწმი-  
დისა“ (ისააკ ასური, სიტყვა-36). წმ. მამის ამ მსჯელობიდან  
აშკარაა, რომ სასწაულების ქმნის სურვილი მოდის ხორცის  
განხურვებისგან, მოჭარბებული ვნებებისგან, თუმცა კაცი ამას  
ვერ ხვდება და ჰგონია, რომ საღმრთო შურიტაა აღძრული.  
ასევე ხიზლისა და განხურვების მდგომარეობაში არიან ისინი,  
ვისაც სასწაულების ხილვა სწყურია. ღმრთის განცდა, მისდა-  
მი მოწიწების გრძნობის დაკარგვა არასოდესაა გამართლებუ-  
ლი, დასაშვებია მხოლოდ ღმრთის შემწეობის თხოვნა გამო-  
უვალ მდგომარეობაში, როდესაც კაცი საკუთარი ძალები ა-  
ვერ აღწევს თავს გასაჭირს, მაგრამ თუ რა გზით შეგვეწევა  
უფალი, ეს უკვე მას უნდა მივანდოთ და ჩვენი თავი მთლიან-  
ნად ღმერთს ჩავაბაროთ. იგი ყოველთვის იმას მოგვცემს, რაც

ჩვენი სულისთვის სასარგებლოა, სწორედ იმ შეწევნას მოგვივლენს, რაც ჩვენთვისაა საჭირო, და ამით სიმდაბლესაც გვასწავლის. ღმრთის შეწევნას არასოდეს ახლავს თან გარეგანი ბრწყინვალება, რომელიც ასე სწყურია ხორციელ ზრახვას — არ ახლავს, რათა კაცის სულს ვნება არ მიადგეს დიდებისმოყვარეობის დაკმაყოფილებით. ყოველგვარ საღმრთო საქმეში, თვით საეკლესიო მსახურების დროს, ნიადაგ ღმერთს უნდა ვევედრებოდეთ კურთხევასა და შეწევნას, და გვწაძღეს, რომ მხოლოდ ღმრთისაგან მოვლენილი საშუალებები შეიძლება იყოს სასარგებლო სარწმუნოებისა და ღმრთისმოშიშებისთვის, და არა ხორციელი ზრახვის მიერ ნაკარნახევი გზები.

უჭირს კაცს დიდების ტვირთის ტარება თავისი სულისთვის ზიანის მიუყენებლად (ისააკ ასური, სიტყვა 1). უჭირთ ეს არა მხოლოდ ვნებებს დამონებულებს, არამედ იმათაც, ვინც დასძლია ვნება, თვით წმინდანებსაც კი. მათ თუშცა ცოდვების დათრგუნვის ნიჭი აქვთ მიცემული, მაგრამ ცვალებადობას მაინც განიცდიან, ამდენად მათთვისაც არაა გამორიცხული ვნებებისა და ცოდვებისკენ მიქცევა, რაც კიდევ შემთხვეა ზოგიერთს იმის გამო, რომ დაკარგა სიფხიზლე თავის სულზე, მიენდო საკუთარ თავსა და საკუთარ მდგომარეობა. მაკარი დიდი ამბობს, რომ სიამაყისკენ მიდრეკილება თვით განწმენდილ სულებშიც არის (საუბარი 7, თავი 4). ეს მიდრეკილებაა სწორედ გარდაქცევისა და შეორგულების დასაწყისი. ამიტომ კურნების მაღლი და სხვა ხილული ნიჭები მეტად საშიშია მათთვის, ვისაც ისინი ეძლევა, რამეთუ განდიდების საფრთხე ემუქრებათ კაცთაგან. უხილავი მაღლისმიერი ნიჭები, მაგალითად, კაცთა სულების ცხოვნების გზაზე დაყენება, ვნებებისაგან მათი განკურნება ბევრად უფრო მაღლა დგას, ვიდრე ხილული ნიჭები, მაგრამ მათ სოფელი ვერ ხედავს და ვერ გულისხმავოფს, და არათუ არ განადიდებს ღმრთისმსახურთ, ვისაც ეს ნიჭები აქვს მიმადლებული, არამედ სდევნიან კიდევ მათ, როგორც ამა სოფლის წესთა მტრებს, სატანის მეუფების დამამხობლებს (წმ. ტიხონ ვორონეჟელი, ტ. 15, წერილი 103, პუნქტი 4). მოწყალე ღმერთი აძლევს ადამიანების იმას, რაც მათთვის ყველაზე აუცილებელი და სასარგებლოა, თუმცა მათ ეს არ ესმით და ვერ აფასებენ, და არ აძლევს

იმას, რაც მათთვის ნაკლებადაა საჭირო და ხშირად შეიძლება ძალიან მავნეც იყოს, თუმცა ხორციელ ზრახვას, როგორც წესი, სწყურია იგი. წმ. ისააკ ასური ამბობს: „მრავალი იქმოდა სასწაულებს, მკვდრებს აღადგენდა, შეცთომილების მოქცევაზე ზრუნავდა, დიდ-დიდ საკვირველებებს სჩადიოდა, მათ მრავალი მიიყვანეს ღმრთის ცნობამდე, და ყოველივე ამის შემდეგ ისინი, ვინც სხვები აცხოვნეს, თვითონ საშინელ და საძაგელ ვნებებს მიეცნენ, მოკვდნენ სულიერად და მრავალი დააბრკოლეს, როდესაც მათი საქმეები გამოქვეყნდა“ (სიტყვა 56). ღირსი მაკარი დიდი მოგვითხრობს მასთან ერთად მყოფი ერთი მოღვაწის ამბავს, რომელმაც კურნების ისეთი დიდი მადლი მიიღო, რომ ხელის დადებით არჩენდა სნეულებს, მაგრამ კაცთაგან დიდებას ვერ გაუძლო, საშინელ სიამაყეში ჩავარდა და ცოდვათა უღრმეს უფსკრულში დაინთქა (საუბარი 27, თავი 16). ანტონი დიდის ცხოვრებაში ნახსენებია ერთი ჭაბუკი მონაზონის ამბავი, რომელიც უდაბნოში ველურ სახედრებს იმორჩილებდა. ეს რომ ანტონი დიდმა შეიტყო, თავისი შეშფოთება გამოთქვა ჭაბუკი სასწაულთმოქმედის სულიერი მდგომარეობის გამო. მალე მის ყურამდე ამ მონაზონის დაცემის ამბავმა მიადწია (ანბანური პატერიკი). მეოთხე საუკუნეში ეგვიპტეში ცხოვრობდა ბერი, რომელსაც სასწაულთმოქმედების განსაკუთრებული ძალა ჰქონდა მიცემული და კაცთა შორისაც დიდი სახელი გაუვარდა. მალე მან იგრძნო, რომ სიამაყე შეეპარა და თავისი ძალებით ვერ უმკლავდებოდა. მაშინ ბერმა მხურვალე ლოცვა აღუვლინა ღმერთს, რომ დასამდაბლებლად ეშმაკეულად ექცია იგი. ღმერთმა აღუსრულა თხოვნა და მიუშვა სატანა ბერის სხეულში ჩასასახლებლად. მართლაც, სასწაულთმოქმედი ეშმაკეულად იქცა და ხუთი თვის მანძილზე იძულებულნი იყვნენ, ჯაჭვებით დაეხატათ. ხალხმა, რომელიც თაყვანს სცემდა მას, როგორც წმინდანს, მიატოვა, რადგან, ხმა დაირხა, ბერი შეიშალაო. ასე გათავისუფლდა იგი კაცთა დიდებისგანაც და სიამაყისგანაც, და მადლობა შესწირა ღმერთს, რომელმაც დალუპვას გადაარჩინა. ხსნა განხორციელდა უმნიშვნელო ტანჯვისა და კაცთა წინაშე დამცირების გზით. ხალხს, ცხადია, არ ესმოდა, რომ სასწაულების საშუალებით ეშმაკმა განსაცდელი მოუვლინა ბერს,

ხოლო ეშმაკეულად ქცევით ღმერთის გამოუთქმელმა მოწყალებამ იგი უსაფრთხო გზაზე დააბრუნა (*Patrologiae L., LXXIII. De vitis patrum, lib. IV, cap. XIII.*). ამის შემდეგ გასაგებია, რატომ მალავდნენ დიდი მამები — პიმენი, სისო და სხვები კურნების უდიდეს მადლს, რომელიც ღმერთისაგან ჰქონდათ მინიჭებული: ისინი არ ენდობოდნენ საკუთარ თავს, იცოდნენ კაცის ცვალებადობა და სიმდაბლით იზღუდავდნენ თავს სულიერი დაცემისაგან. წმ. მოციქულებს ღმერთმა ქადაგების შემწველ სასწაულთმოქმედების ძალა მისცა, მაგრამ ღმერთისავე მიშვებით მათ ათასი ჭირი და დევნაც თან ახლდათ, რათა ამპარტავნებას გადარჩენოდნენ. წმ. ისააკ ასური ამბობს: „ნიჭი, რომელსაც განსაცდელი არ ახლავს, დამღუპველია ამ ნაჭის მქონეთათვის. თუ შენი ღვაწლი სათნო-ეყო ღმერთს და მან რაიმე მადლი გიბოძა, მაშინ შესთხოვე უფალს, მასთან ერთად მოგმადლოს გულისხმისყოფაც, როგორ დაიმდაბლო თავი, ევედრე, მცველი დაუყენოს მის მიერ მოცემულ ნიჭს (ასეთი მცველი მოციქულებისთვის მათზე მოწვევული განსაცდელები იყო), ანდა წაიღოს შენგან იგი, რათა დაღუპვის მიზეზად არ გექცეს: ყველას როდი შეუძლია საუნჯის შენახვა ისე, რომ საკუთარ სულს არაფერი ავნოს“ (31-ე სიტყვა).

სულიერი განსჯა ხორციელი სნეულებებისა და მათი სასწაულებრივი კურნების შესახებ სრულიად განსხვავდება ხორციელი ზრახვის განსჯისაგან. ხორციელი ზრახვა ავადმყოფობას უბედურებად მიიჩნევს, მის განკურნებას კი, მით უმეტეს, სასწაულებრივ განკურნებას, უდიდეს სიკეთედ. ამასთან, ნაკლებად აწუხებს, ეს განკურნება სულისთვის სასარგებლოა თუ მავნე. სულიერი განსჯა ღმერთის განგებით მოვლენილ სნეულებებშიც და ღმერთის მადლითვე მოხდენილ კურნებაშიც ღმერთის მოწყალებას ხედავს. ღმრთაებრივი ნათლით განათლებული სულიერი განსჯა ორივე შემთხვევაში ღმერთის სათნო და სულის საცხოვნებელ ქცევას ჩააგონებს ადამიანს. იგი გვასწავლის, რომ განკურნების სურვილი და ღმერთისთვის ამის თხოვნის უფლება კაცს მხოლოდ მაშინ აქვს, თუ მტკიცედ გადაწყვიტა, რომ თავისი ძალაცა და ჯანმრთელობაც ღმერთის სამსახურს შესწიროს და არა ცოდვასა და ამაოებას. სხვა შემთხვევაში საკვირველი განკურნება კიდევ უფრო მეტი



განკითხვის მიზეზად ექცევა, მეტ სასჯელს მოუტანს აქაც და იქაც. ეს უფალმაც დაადასტურა, როდესაც მის მიერ განკურნებულ განრღვეულს უთხრა: „აჰა ცოცხალ იქმენ, ნუღარა სკოდავ, რათა არა უძვირესი რაიმე გეყოს შენ“ (იოანე, 5, 11). კაცი უძღურია და ცოდვებისკენ მიდრეკილი. თუკი წმინდანთაგანაც კი, ზოგიერთმა, ვისაც კურნების მადლიც ჰქონდა მინიჭებული და სულიერი განსჯის უნარიც, ვერ გაუძლო ცთუნებას და დაეცა, მაშ ხორციელი კაცნი, ვისაც სულიერ საგნებზე ოღნავი წარმოდგენაც არა აქვთ, მით უფრო ბოროტად გამოიყენებენ უფლისმიერ ნიჭს. და განა ბევრი ასე არ მოიქცა? საკვირველი განკურნების შემდეგ არად ჩააგდეს უფლის ეს დიდი წყალობა და დაივიწყეს, რომ მადლიერებით უნდა მიეღოთ იგი, ცოდვილი ცხოვრება დაიწყეს, უფლის მადლი სასჯელად ექცათ, უცხო ექმნენ ღმერთს და დაკარგეს ცხოვნება. ამიტომ ხორციელ საღმობათა საკვირველი კურნებები იშვიათად ხდება, თუმცა ხორციელი ზრახვა დიდ პატივს სცემს და სწყურია ისინი. მოციქული ამბობს: „ითხოვთ და ვერ მიიღებთ, რამეთუ ბოროტად ითხოვთ, რათა გულის თქუმათა შინა თქუენთა განილინეთ“ (იაკობ, 4, 3).

სულიერი განსჯა გვასწავლის, რომ სნეულებები და სხვა მწუხარებები, რომელთაც ღმერთი მოუვლენს ადამიანებს, ღმრთის განსაკუთრებული მოწყალების ნიშანია. როგორც მწარე წამალი კურნავს სნეულს, ისე შეეწევინა მწუხარებები ჩვენს ცხოვნებას, ჩვენს კეთილდღეობას, და ბევრად უფრო შეეწევინა, ვიდრე საკვირველი კურნებანი. ძალიან ხშირად ავადმყოფობა გაცილებით მეტი სიკეთეა კაცისთვის, ვიდრე განკურნება, ასე რომ მისი მორჩენით სნეულს ისეთ სიკეთეს წავართმევდით, რომელსაც დროებითი კურნება ვერც კი შეედრება. სახარებისეული გლახაკი, სნეული ლაზარე უფალს არც განუკურნავს და არც სილატაკისგან უხსნია, ისევე მოკვდა, როგორც იცხოვრა, მაგრამ მოთმინებისთვის ანგელოზებმა აბრაამის წიაღში განუსვენეს. (ლუკა, 16, 22). წმ. წერილი ყველგან გვიმოწმებს, რომ იმათ, ვინც უყვარს, ღმერთი ხშირად მოუვლენს ხოლმე სხვადასხვა მწუხარებებს და მათ შორის ხორციელ სნეულებებსაც (ებრ. 12, 6 და სხვ.). წერილი იმასაც ამბობს, რომ უკლებლივ ყველა წმინდანი ამქვეყნად

ვიწრო და საჭირველი გზით ვიდოდა, მათი ცხოვრება ათასგვარი ჭირითა და განსაცდელით იყო სავსე (ებრ. 12, 3). ღმრთის ჭეშმარიტმა მსახურებმა იცოდნენ ეს და მათზე მოწვეულ მწუხარებებს უდიდესი სიბრძნითა და თავგანწირვით ეგებებოდნენ. მოვლენილ ჭირს, რაც არ უნდა მძიმე ყოფილიყო იგი, თავიანთ წილხვედრად ღებულობდნენ, და გულწრფელად სწამდათ, რომ განსაცდელი არ დაატყდებოდათ თავს, თუკი ყოვლადსახიერი და მართლმსაჯული ღმერთი არ მიუშვებდა მათივე სასიკეთოდ. როდესაც რაიმე მწუხარება მოაწვედა მათზე, პირველად იმას გაიფიქრებდნენ, რომ რალაცით დაიმსახურეს იგი, ეძიებდნენ და ყოველთვის პოულობდნენ კიდევ საკუთარ თავში ამის მიზეზს. შემდეგ თუკი ნახავდნენ, რომ მწუხარება დაბრკოლებად ექცათ ღმრთის სათნო-ყოფის გზაზე, შესთხოვდნენ უფალს, რომ მიეღო იგი მათგან, მაგრამ დაბეჭითებით კი არ იყვნენ დარწმუნებულნი თავიანთ სიმართლეში, არამედ ღმრთის განგებას მიანდობდნენ ხოლმე ამ თხოვნის შესრულება-არშესრულებას. შესაძლებელიცაა, რომ ადამიანის წარმოდგენა მწუხარების შესახებ აბსოლუტურად სწორი იყოს: შეზღუდული კაცის გონება, თუნდაც ეს კაცი წმინდანი იყოს, ვერ ხედავს და ვერ სწვდება მწუხარების გამომწვევ ყველა მიზეზს ისე, როგორც ამას ხედავს და სწვდება უფლის ყოვლისმხედველი თვალი, რომელიც მიუშვებს ხოლმე მწუხარებებს თავის საყვარელ შვილებზე. პავლე სამგზის ევედრა უფალს, რათა განეშორებინა მისგან ანგელოზი სატანა, რომელიც მოციქულს ქრისტიანობის ქადაგებაში უშლიდა ხელს, მაგრამ უფალმა არ შეისმინა მისი. ეს საკითხი ღმერთმა სხვაგვარად განაგო და არა ისე, როგორც ღმერთშემოსილმა მოციქულმა (2 კორ. 12, 7-10). ჭეშმარიტი სულიერი განსჯის ბუნებრივი შედეგი ისაა, რომ კაცი თავის თავს მთლიანად ღმრთის განგებას მიანდობს და გულწრფელად სურს, რომ ღვთაებრივი ნება წარმართავდეს მის ცხოვრებას. როდესაც წმ. ბერები ავად ხდებოდნენ, სნეულებას ისე ღებულობდნენ, როგორც ღმრთის უდიდეს წყალობას, ჰმადლობდნენ და აღიღებდნენ უფალს, არ ეძიებდნენ განკურნებას, თუმცა საკვირველი კურნებანი უფრო ხშირად სწორედ მათ შორის ხდებოდა. მათ სურდათ მოთმინებითა და სიმდაბლით გადაეტანათ

ღმრთისაგან მიშვებული განსაცდელი, სწამდათ და აღიარებდნენ, რომ ეს ყოველგვარ ღვაწლზე მეტია. ღირსი პიმენ დიდი ამბობდა: „სამი მონაზვნური საქმე უტოლდება ერთმანეთს ღირსებით: თუ კაცი სიბრძნით იმარხავს მღუმარებას, თუ კაცი სწეულია და ღმერთს ჰმადლობს, და თუ კაცი სწორად ასრულებს მორჩილებას“ (პატერიკი).

ეგვიპტის სკიტეში, სადაც უდიდესი წმიდა მამები ცხოვრობდნენ, მოღვაწეობდა ღირსი ბენიამენი. მართალი ცხოვრებისათვის ღმერთმა მას სწეულებათა კურნების ნიჭი მიჰმადლა. ამ დროს ბერს თვითონ შეეყარა მძიმე და ხანგრძლივი ავადმყოფობა — წყალმანკი. იგი ძალიან გასივდა, იმდენად, რომ იძულებულნი გახდნენ სხვა, უფრო ფართო სენაკში გადაეყვანათ და ამისთვის მისი სენაკის კარი წირთხლებიანად ამოეღოთ. ახალ ოთახში სპეციალური დასაჯდომი მოუწყვეს, რადგან საწოლზე წოლა არ შეეძლო. ამ დღეში მყოფი ღირსი მამა სხვების კურნებას განაგრძობდა, ხოლო მათ, ვინც თანაუგრძნობდა ასეთი ტანჯვის გამო, სთხოვდა, ილოცეთ ჩემი სულისთვის, სხეული კი, ნუ განაღვლებთო. იგი ამბობდა, როდესაც ჩემი სხეული ჯანმრთელია, დიდად არაფერში მარგია, და როცა დასნეულდა, არაფერს მიშავებსო. აბბა პეტრე მოგვითხრობს, რომ ერთხელ, როდესაც ღირსი ესაია განშორებული მოინახულა, იგი მძიმე ავადმყოფი დაუხვდა და თანაგრძნობა გამოხატა. პასუხად ღირსმა მამამ უთხრა: „ასეთი მძიმე სენი მჭირს და ძლივს ვახერხებ, რომ მუდამ მახსოვდეს სასტიკი ჟამი სიკვდილისა და უფლის სამსჯავროზე წარდგომისა, და ხორციით ჯანმრთელი რომ ვიყო, მაშინ ხომ საერთოდ აღეგზნება ღმრთის წინააღმდეგომი ვნებები. მწუხარებები ღმრთის მცნებათა დამარხვაში შეგვეწევა“ (ღირსი ესაია განშორებული, სიტყვა 27). როდესაც ავადმყოფობა ან რაიმე სხვა განსაცდელი შეემთხვეოდათ, წმ. მამები უპირველეს ყოვლისა ცდილობდნენ მოთმინებით მიეღოთ იგი. ჰყვედრიდნენ და განიკითხავდნენ საკუთარ თავს, ამით გულს შეაიწრებდნენ და მოთმინებას ასწავლიდნენ (აბბა დოროთე, მე-7 სწავლება). იხსენიებდნენ სიკვდილს, ღმრთის სამსჯავროს, მარადიულ სატანჯველს, რომელთა გვერდითაც ამქვეყნიურ მწუხარებათა მნიშვნელობა ფერმკრთალდება (მათე, 10, 28-31).

ფიქრობდნენ ღმრთის განგებაზე, იგონებდნენ უფლის აღთქმას, რომ თავის მიმდევრებთან იქნება და დაიფარავს მათ ქვეყნის აღსასრულამდე. ეს აღთქმა სიმხნევეს მატებდა ღმრთის ერთგულ შვილებს (მათე, 28, 20). ისინი ცდილობდნენ მაღლი და დიდება შეეწირათ უფლისათვის მათზე მოწვეული მწუხარებებისთვის, ცოდვილებად შერაცხავდნენ თავს და სწამდათ, რომ ღმერთი ცოდვების გამო სჯიდა და ასწავლიდა მათ, რამეთუ იგი მართლმსაჯულია და სახიერი. ამ საკუთარ შრომას, მოთმინების მოსახვეჭად გაწეულს, ისინი უმატებდნენ გულმოდგინე ლოცვას, ევედრებოდნენ ღმერთს სულიერი ნიჭის — მაღლისმიერი მოთმინების, და მისგან განუყოფელი სხვა სულიერი ნიჭის — მაღლისმიერი სიმდაბლია მოცემას, რამეთუ ეს ორივე ნიჭი ცხოვნებისა და მარადიული ნეტარების მტკიცე საწინდარია. დიდი სასწაულმოქმედი მამები არ კურნავდნენ თავიანთ მოწაფეებს, რომელთაც ღმრთის მიშვებით ან მისივე განგებით სნეულება შეეყრებოდათ. რამეთუ არ სურდათ წაერთმიათ მათთვის სულიერი წინსვლა, ამ სნეულების დათმენით რომ მოიპოვებდნენ. ლაზის მონასტრის ილუმენი სერიდი, ბარსონოფი დიდის მოწაფე, დიდხანს იყო ავად. ბარსონოფი დიდი იმავე მონასტერში იყო დაყუდებული. რამდენიმე უფროსმა ძმამ სთხოვა მას, განეკურნა ილუმენი. ბარსონოფიმ უპასუხა: „მე შემეძლო მეთხოვა ზოგიერთი აქ მოღვაწე წმიდა მამისთვის, ისინი ილოცებდნენ ჩემი შვილისთვის და იგი მყისვე განიკურნებოდა, მაგრამ მაშინ მოთმინების ნაყოფს ველარ იგემებდა. ეს ავადმყოფობა ძალიან არგებს მას მოთმინებისა და მაღლობის საქმეში“ (130-ე პასუხი). ისაჲ ასურიც ამბობს, რომ მწუხარებები აუცილებელია, და ამას ასე ასაბუთებს: „თუ მწუხარებები საჭირო იყო პავლესათვის, მაშ იგი ყოველი კაცისთვის საჭირო ყოფილა, „რაფთა ყოველი პირი დაიყოს, და სასჯელსა თანამდებ-იყოს ყოველი სოფელი ღმრთისა“ (რომ. 3, 19). ძლიერ მოღვაწეებს განსაცდელი იმისთვის ეძლევათ, რომ გაამრავლონ თავიანთი სიმდიდრე, სუსტებს — იმისთვის, რომ უფრო მეტი ვნებისაგან დაიცვან თავი, მძინარეებს — გასაღვიძებლად, სარწმუნოებისგან შორს მდგომებს — ღმერთთან მისაახლოებად. უწვრთნელ შვილს მამის სიმდიდრის პატრონობას

არავინ ანდობს, რამეთუ ვერ შეძლებს სწორად განაგოს იგი. ამიტომ ღმერთი ჯერ სწავლის და ტანჯვის, მერე კი, ნიჟს მიჰმადლის. დიდება უფალს, რომელიც თავისი მწარე წამლებით ჯანმრთელობით დატკობის უნარს გვაძლევს. არ არის კაცი, სწავლის დროს რომ არ იტანჯებოდეს. არ არის კაცი, მწუხარების ჟამი უმძიმესად რომ არ ეჩვენებოდეს. მაგრამ შეუძლებელია, უპირველად სულიერი სიმტკიცის მოპოვება, და არც ამ პირთა თმენა ჰკიდია ჩვენზე, რამეთუ როგორ შეიკავოს წყალი თიხის ქურქელმა, თუ მას ღმერთაებრივი ცეცხლი არ განამტკიცებს? თუ ღმერთს სიმდაბლით, მოწიწებით შევთხოვთ და მოთმინებით დავემორჩილებით, მაშინ ყოველივეს მივიღებთ უფლისა ჩვენისა იესო ქრისტესაგან“ (სიტყვა 37).

### ნ ა წ ი ლ ი მ ე ს ა მ ე

ქრისტეს მეორედ მოსვლის წინ „იყო სასწაული მზესა შინა და მთოვარესა და ვარსკულავთა... ოხრისამთა ზღვისაგან და ძრვისა“ (ლუკა, 21, 25). როგორ გავარჩიოთ ეს ნამდვილი ნიშნები ანტიქრისტეს ნიშნებისგან? როგორ გავარჩიოთ, თუკი ანტიქრისტეც ახდენს სასწაულებს მზით, მთვარით, ვარსკვლავებითა და ჰაერით? (მახარებელი, განმარტება მარკ. 8, 11-12-ზე) ქრისტეს სასწაულები ჰეშმარიტნი იქნებიან და ამით განირჩევიან ანტიქრისტეს მაცთური სასწაულებისგან. ანტიქრისტეს სასწაულებს მოახდენენ თვით ანტიქრისტე და მისი მოციქულები, ხოლო ქრისტეს სასწაულები, „მზესა შინა, მთოვარესა და ვარსკულავთა“, ქრისტეს მეორედ მოსვლის მომასწავებელნი, თავისთავად, ყოველგვარი შუამავლის გარეშე მოგვევლინებიან. ციური მნათობნი შეასრულებენ თავიანთ დანიშნულებას, რომელიც მათ შემოქმედმა დააკისრა (შესაქმე, 1, 14), ეს ერთხელ უკვე მოხდა ქრისტეს შობის ჟამს, როდესაც ვარსკვლავმა გზა უჩვენა მოგვებს (მათე, 2, 2), და მეორედ — ქრისტეს ჯვარცმისას, როდესაც მზე დაბნელდა შუადღისას (მათე, 27, 45). წმ. მათე მახარებელი ამბობს, რომ ანტიქრისტეს მეფობის დასასრულს ქრისტეს მეორედ მოსვლის დრო დადგება, ამის დასაწყისი ის იქნება, რომ „მზე დაბ-

ნელდეს, და მთვარემან არა გამოსცეს ნათელი თვისი, და ვარსკვლავნი დამოკვივენ ზეცით“ (მათე, 24, 29). ნეტარი თეოფილაქტე ბულგარელი ამბობს, რომ ეს მნათობები თავ-თავის ადგილას დარჩებიან, მაგრამ ჩაქრებიან და კაცთა თვალისთვის უხილავნი გახდებიან, თითქოს მოწყდნენო ცას, რამეთუ ქვეყანას გაანათლებს ზეციური ნათელი, რომელიც უფლის დიდებით მოსვლას მიეგებება.

გავკადნიერდებით და ვიტყვი, რომ ჩვენს მიერ აქ გადმოცემული სწავლება სასწაულებისა და ნიშნების შესახებ წმ. მართლმადიდებელი ეკლესიისა და წმ. მამათა სწავლებაა. სრულიად აშკარაა ამ სწავლების ზუსტად, ზედმიწევნით გადმოცემის აუცილებლობა. ჭეშმარიტი სასწაულები უფლის ჭეშმარიტ ცნობას, მის მიერ მონიჭებული ცხოვნების დანახვას შეეწეოდა, მტყუვარი ნიშნები კი, შეცთომილებასა და მისგან გამომდინარე წარწყმედას. ანტიქრისტეს სასწაულების უმძიმესი შედეგი ის იქნება, რომ ბედკრული კაცობრიობა სატანის მოციქულს ღმერთად აღიარებს. ქკუის სასწავლებელი, ნუგეშინიმცემელი, მაცხოვნებელია კაცისთვის უფლის ჭეშმარიტი სასწაულები. რა უბრალონი არიან ისინი! რა იოლი ხდება მათი მეშვეობით ღმერთის შეცნობა! რაოდენი სახიერება, სიმდაბლე, შთამაგონებელი ძალაა მათში! ქრისტეს სასწაულების განხილვას მიეყვართ ქრისტემდე, რომელიც თავად ღმერთია. ღმერთმა მისგან განდგომილ კაცობრიობასთან კავშირის აღსადგენად ინება, რომ მისი სიტყვა განკაცებულიყო, განცხადებულიყო, კაცთა შორის ეცხოვრა, უახლოესი ურთიერთობა ჰქონოდა, შეეთვისებინა და ცად აეყვანა ისინი. განკაცებული სიტყვა ღმერთის სიტყვადვე რჩება და მოქმედებს ვითარცა ღმერთი, თავისი ღმრთაებრივი ღირსებისამებრ. იგი მჭდომარე არს მარჯვენით მამისა და ყოველგან ჰგიეს, ვითარცა ღმერთი. მისი სახელი ქალაღლზეა დაწერილი და ბგერებადაც გამოითქმის, მაგრამ „სულ არს და ცხოვრება“ (იოანე, 6, 63), ამიტომ გულსა და გონებაში აღწევს, აღაშენებს. სულით მასთან შეერთებულებს, და ზორცსაც სულიერი ცხოვრებისკენ მიიზიდავს. ქრისტეს სასწაულების განხილვას მიეყვართ ღმერთის სიტყვის მნიშვნელობის შეცნობამდე, რომელიც „ერთისა არს სახმად“ (ლუკა, 10, 4) ჩვენი ცხოვნებისა-

თვის, სიტყვისა, რომელიც ემსახურება და აღასრულებს ცხოვნებას. ღმრთის სიტყვის შეცნობა სული წმიდის მიერ ნაკარნახევი და მისგანვე განმარტებული წმ. წერილიდან, შეერთებული იმ ცოდნასთან, რომელიც წმ. მამების ცხოვრებიდან მივიღეთ, და ბოლოს, ღმრთაებრივი მადლით მონიჭებული მეცნიერება ქრისტეანს გულისა და გონების სიწმინდეს მიჰმადლის. ამ სიწმინდეში მხესავით ბრწყინავს სულიერი განსჯა. როდესაც დილა თენდება, საგანთა ღამეული გამოსახულებები იცვლება: ზოგი მათგანი, აქამდე უჩინარი, ახლა ხილული ხდება, სხვები, ბუნდოვნად რომ ჩანდნენ და თითქოს სხვა საგნებთან იყვნენ შერწყმულნი, ახლა მკაფიოდ გამოიკვეთებიან. ეს იმიტომ როდი ხდება, რომ თვითონ საგნები იცვლებიან, არამედ იმიტომ, რომ კაცის თვალი ხედავს სხვაგვარად სინათლის მეშვეობით. სწორედ იგივე ემართება გონებას ზნეობრივ და სულიერ საგნებთან დამოკიდებულებაში, როდესაც გონება სული წმიდისაგან გამოძვალა ცოდნით ნათლდება. მხოლოდ სულიერი ხედვის მეშვეობითაა შესაძლებელი გულისა და გონების იღუმალა სვლა ღმრთისაკენ! მხოლოდ სულიერი ხედვის გზით ძალგვიძს გავექცეთ შეცდომებს, უღრან ტყვისა და დამლუპველ უფსკრულებს. იქ, სადაც არ არის სულიერი ხედვის ნათელი, არც ჭეშმარიტების ცნობაა და არც ღმრთის სათნო საქმეები, რომლებიც აცხოვნებენ და სამოთხეს დაუმკვიდრებენ კაცს (ისააკ ასური, სიტყვები 25, 26, 27, 28). სულიერი ხედვის ნათლით უნდა იყოს განათლებული სასწაულებისა და ნიშნების აღქმა მშვენიერი თვალის მიერ, რათა გავექცეთ იმ საფრთხეს, რაც ზორციელ ზრახვას შეუძლია შეგვამოთხვიოს სასწაულებისა და ნიშნების მისეული ხედვის გამოისობით.

ამრიგად, ვნახეთ, თუ რა ხასიათისანი იყვნენ ღმერთკაცის სასწაულები, ისიც ვნახეთ, რა იყო მათი მიზანი. მას შემდეგ, რაც აღასრულეს თავიანთი მსახურება, უფლის სასწაულებმა დატოვეს ასპარეზი და გადასცეს იგი მთავარ მუშაკს — სიტყვას, რომელიც არის და იქნება ვიდრე ქვეყნის აღსასრულამდე როგორც თვით მან გვამცნო თავის თავის შესახებ: „აჰა ესერა მე თქვენთანა ვარ ყოველთა დღეთა და ვიდრე აღსასრულამდე სოფლისა“ (მათე, 28, 20). მას შემდეგ, რაც ყველ-

გან შეწყდა ნიშები და სასწაულები, რომლებიც თან ახლდა მოციქულებისა და მათი მოწაფეების მიერ ქრისტიანობის ქადაგებას, სული წმიდის რჩეული ჭურჭელნი მაინც ახდენდნენ აქა-იქ სასწაულებს. დროთა მანძილზე, ქრისტიანობის მოკლებისა და ზნეობის შესუსტების კვალდაკვალ, სასწაულთმოქმედი მამების რიცხვმაც იკლო, (კლემექსი, სიტყვა 26, თავი 52). დღეს ისინი საერთოდ აღარ არიან. ამასობაში ადამიანებმა დაკარგეს ყოველგვარი კრძალვა და პატივისცემა სიწმინდის წინაშე, დაკარგეს სიმდაბლე, რომელიც ჩააგონებს კაცს, რომ არაა ღირსი არა თუ სასწაულთა ქმნისა, მათი ხილვისაც კი, და უფრო გაშმაგებით სწყურიათ სასწაულები ვიდრე ოდესმე. საკუთარი თავის მოიმედე, მაღლადმჩენი, უმეცარი ადამიანები განურჩევლად, განუსჯელად, ხელალებით მიელტვიან ყოველივე სასწაულებრივს, არც იმაზე ამბობენ უარს, თვითონ მიიღონ მონაწილეობა ამ სასწაულებში, და ამას ისე წყვეტენ, რომ ოდნავაც არ იწუხებენ თავს ფიქრით. ასეთი მისწრაფება დღეს ბევრად უფრო საშიშია, ვიდრე ოდესმე. ჩვენ ნელ-ნელა ვუახლოვდებით იმ ხანას, როდესაც უნდა დაიწყოს ურიცხვი და საკვირველი ცრუ სასწაულები, და დაღუპვისკენ წარიტაცონ ხორციელი ზრახვის ბედკრული შვილნი, რომელნიც ამ სასწაულებით მოტყუვდებიან!

სულის ღმრთის სიტყვით განცხობველება იესო ქრისტეს ცხოველ სარწმუნოებას ბადებს. ცხოველი სარწმუნოება კი ქრისტეს, უხილავს ხილულად შერაცხავს (ებრ. 11, 27) მისთვის უკვე განცხადებულია ქრისტიანობის საიდუმლო, აქამდე მიუწვდომელი ახლა ნათელი და გასაგები ხდება და აღარაა დაფარული მძიმე, გაუმკვირვალი ფარდით, რომლითაც იგი მკვდარი სარწმუნოებისთვისაა დამალული. ცხოველი სარწმუნოება არის სულიერი ხედვა (ისააკი, სიტყვა 28). მას უკვე აღარ სჭირდება სასწაულები, მისთვის სრულიად საკმარისია ქრისტეს სასწაულები და მისი უდიდესი სასწაული, სასწაულთა გვირგვინი, ანუ უფლის სიტყვა. სასწაულების წყურვილი ურწმუნოების ნიშანია, და სასწაულები მიეცა კიდევ ურწმუნოებს მოსაქცევად. მთელი გულით შევუდგეთ უფლის სიტყვას, შევეუერთდეთ მას და ვიქმნეთ ერთსულ მასთან, მაშინ ანტიქრისტეს სასწაულები აღარც კი მიიქცევენ ჩვენს ყურა-



დღებას. ძრწოლითა და ზიზლით შევაქცევთ ზურგს მათ, როგორც ეშმაკურ სახილველს, როგორც უფლის გაბოროტებულ მტერთა საქმეს, როგორც ღმრთის შეგინებას, როგორც საწამლავსა და მომაკვდინებელ, გადამდებ სნეულებას. კარგად დავიმახსოვროთ მამათა გამოცდილებით მიღებული სწავლება: ეშმაკის ყველა საქმეს ერთი საერთო თვისება აქვს — თვით უმცირესი ყურადღების მიქცევაც კი. დიდ საფრთხეს უქმნის კაცს. ერთმა ასეთმა ყურადღებამ, თუნდაც ეს ყოველგვარი თანაგრძნობის გარეშე ხდებოდეს, შეიძლება სულს ყველაზე მავნე შთაბეჭდილება დაამჩნიოს და მძიმე განსაცდელი შეამთხოვოს.

სიმდაბლე განუყოფელია სულიერი ხედვისაგან. წმ. ისააკ ასურის ამბობს: „მხოლოდ მდაბალი კაცი შეიძლება გონიერად შეირაცხოს, ვისაც სიმდაბლე არ გააჩნია, ვერასოდეს მოიპოვებს სულიერ ხედვას“ (სიტყვა 89). ცხოველი სარწმუნოების მეშვეობით სულიერი თვალი ღმერთს ხედავს; სიტყვა ღმრთისა სულს ღმერთთან შეაერთებს. ვინც ასე იხილა და განიცადა ღმერთი, ის თავის არარაობასაც ხედავს, გამოუთქმელი მოწიწება ეუფლება ღმერთის ყოველი საქმის, ყოველი ბრძანების მიმართ, და სიმდაბლეს მოიპოვებს. მდაბალი კაცი ვერც კი გაბედავს დაინტერესდეს იმით, რაც ღმრთის ნების გარეშე ხდება, და რაც წინასწარ დაგმო უფალმა: ანტიქრისტეს სასწაულები არ შეეხებიან ერთგულებს, რამეთუ არაფერი ექნებათ მათთან საერთო.

საკუთარი არარაობისა და უძლურების ხედვა, ღმრთისა და მისი დიდებულების, ძლიერებისა და უსასრულო სახიერების ხედვა სულს ჩააგონებს, რომ ლოცვით შეუვრდეს ღმერთს, ასეთი სულის მთელი იმედი ღმერთს ემყარება, ამიტომ არცა აქვს მიზეზი ლოცვის დროს გაფანტვისათვის, იგი ისე ლოცულობს, რომ ერთად შემოკრებს მთელ ძალებს, მთელი არსებით ღმრთისკენ მიილტვის და რაც შეიძლება ხშირად იწყებს ლოცვას, ანდა განუწყვეტლივაც კი ლოცულობს. ანტიქრისტეს მოსვლისას, როდესაც უდიდეს განსაცდელთა ხანა დადგება, ყველა ჰეშმარიტი მორწმუნე გაძლიერებული ლოცვით შეუვრდება ღმერთს (ეფრემ ასური, სიტყვა 106). ისინი შესთხოვენ შეწვენას, მფარველობას, ღმრთაებრივი მადლის

გარდმოვლენას განსამტკიცებლად და გასაძლღლად. მაგრამ კაცის ძალა, თუნდაც ეს კაცი ღმრთის ერთგული იყოს, არაა საკმარისი დაცემულ ანგელოზთა და დაცემულ კაცთა შეერთებულ ძალებთან გასამკლავებლად, რომლებიც გამძვინვარებითა და თავზებელალებით შემოგვიტევენ, რამეთუ იგრძნობენ მოახლოებულ დაღუპვას (გამოცხ. 12. 12). ღმრთაებრივი მადლი, რომელიც ღმრთის რჩეულებზე გადმოვა, განაქარვებს მაცთურის ხიბლს, მის მუქარას ძალას დაუკარგავს და მის სასწაულებს არარად აქცევს. მიჰმადლის მათ იმის ძალას, რომ აღიარონ კაცთა გამოხსნის თავსმდები მაცხოვარი და ამხილონ მათვე წარსაწყმედად მოსული ცრუ-მესია. ღმრთის მადლი ისე აიყვანს ერთგულებს ეშაფოტებზე, როგორც სამეფო ტახტებზე, როგორც საქორწინო ღვინაზე, რამეთუ ღმერთის სიყვარული სიცოცხლის სიყვარულზე ტკბილია (ისააკ ასური, სიტყვა 38). როგორც ცოდვილთათვის სიკვდილისწინა ტანჯვაა მარადიული ტანჯვის დასაწყისი (ეს აზრი ეკუთვნის იაკობ სპარსს) ისე მართალთათვის ქრისტესთვის ტანჯვა და მოწამეობრივი სიკვდილია მარადიული ნეტარების დასაწყისი. ეს კარგად ჩანს იქიდანაც, თუ როგორ მოქმედებდა ღმრთაებრივი მადლი პირველი საუკუნეების ქრისტეანებზე: მათ ჯერ თავიანთი ნება უნდა ეჩვენებინათ — წამების პირველი სიმძიმე უნდა დაეთმინათ, ამის შემდეგ კი, ღმრთის შეწევნა მოველინებოდათ ხოლმე, და ეს შეწევნა სასურველად ხდიდა მათთვის ქრისტესთვის ტანჯვასა და სიკვდილს. უფალმა იწინასწარმეტყველა, რომ მეორედ მოსვლის წინ განსაკუთრებულ განსაცდელთა დრო დადგებოდა და თავის მოწაფეებს ამცნო ლოცვა და მღვიძარება: „მღვიძარე იყვენით და ილოცევდით, რამეთუ არა იცით, ოდეს იყოს ჟამი იგი“ (მარკ. 13, 33). ლოცვა ყოველთვის საჭირო და სასარგებლოა კაცისთვის, ამით იგი ღმერთთან მუდმივ კავშირშია, მისი საფარველითაა დაფარული. და ეს საფარველი იცავს მას თავდაჯერებულობის, დიდებისმოყვარებისა და ამპარტავნებისაგან, სულერთია, ეს აზრები მისი დაცემული ბუნებიდან მოდის თუ დაცემულ სულთა მიერაა შემოტანილი. ხილული და უხილავი განსაცდელების დროს კი, ლოცვა განსაკუთრებით აუცილებელია: იგი თავდაჯერების უარყოფის, მთელი სასოების ღმერთზე დამყა-

რების გამოხატულებაა და მის შეწევნას მოუვლენს ადამიანებს. ყოვლადძლიერი ღმერთი მლოცველის გვერდითაა გაჭირვების ჟამს და თავისი მიუწვდომელი განგებით იხსნის კაცს განსაცდელისგან.

ღმრთის ცნობა, ცხოველი სარწმუნოება, მადლისმიერი სიმდაბლე, წმიდა ლოცვა — ეს ყოველივე სულიერი ხედვის ნაყოფია, მისი შემადგენელი ნაწილები. და პირიქით, უმეცრება ღმრთისა, ურწმუნოება, სულიერი სიბრმავე, სიამაყე, თავდაჭერება და თავისმოყვარება, ხორციელი ზრახვის ნიშნებია. ხორციელი ზრახვა არ იცნობს ღმერთს, არ ღებულობს იმ საშუალებებს, რომლებსაც ღმერთი სთავაზობს თავის შესაცნობად, და თვითონ ირჩევს ღმრთის შეცნობის მცდარ, დაძლუპველ გზას, თავისივე სულიკვეთების შესაფერს. სწორედ ეს სულისკვეთება მოითხოვს „სასწაულს ზეცით“. ამინ.

**თარგმნა რუსიკო ბუაჩიძემ.**

„მაშინ პრქუა იესო მოწაფეთა თვისთა: რომელსა პნებავს შემოდგომად ჩემდა: უარ-ჰყავნ თავი თვისი, და აღიდენ ჯუარი თვისი, და შემომიდეგინ მე“ (მათ. 16, 24).

რას გულისხმობს „ჯვარი თვისი“? რატომ არის „ჯვარი თვისი“ ჯვარი ცალკეული ადამიანისა და იმავდროულად ჯვარია ქრისტესი?

„ჯვარი თვისი“ — ეს ხომ ვაებანია და ტანჯვანი ამა სოფლისანი, რომელთაც პირადად ყოველი ადამიანი განიცდის.

„ჯვარი თვისი“ — ეს ხომ მარხვაა, მღვიძარებაა და კიდევ სხვა კეთილგონიერული ღწვა, რომელიც აკვდინებს ხორცს და სულს აღორძინებს. თითოეული ეს ღვაწლი ვერ აღემატება მოღვაწე ადამიანის ძალებს და შესაბამისად, ყოველ კაცში სხვადასხვაგვარადაა გამოხატული.

„ჯვარი თვისი“ ცოდვით დაცემაა ანუ ვნებანია, რომელიც ყოველ კაცს თავ-თავისი აქვს. ზოგი ვნება დაბადებიდანვე დავყვება, ზოგიერთი წუთისოფლის გზაზე დავგასნეულებს. „ჯვარი ქრისტესი“ მაცხოვრის სწავლებაა: „დაამტკიცე მონისა შენისა თანა სიტყუა შენი, რაჲთა მეშინოდის მე შენგან“. (ფსალმ. 118, 38). როგორი მძიმე ჯვარიც არ უნდა იტვირთო, იგი ფუჰია ამაო, თუკი მაცხოვრის შედგომის შემდგომ „ქრისტეს ჯვრად“ არ გარდაისახა.

„ჯვარი თვისი“ მაშინ გარდაისახება ქრისტეს ჯვრად, ოდეს ადამიანი უფალ იესოს დაემოწაფება, ღრმად იწამებს მის მფარველობას, თავს დამტყდარ უბედურებებსაც მაცხოვრისგან მოვლენილად შერაცხავს, ვითარცა ქრისტეანობის აუცილებელ და გარდაუვალ პირობას, უღრტვინველად აიტანს ყოველგვარ გასაჭირს, რამეთუ სწამს, რომ მწუხარებები შეაერთებს მაცხოვართან, მისი ხვედრის თანამოზიარეს გახდის ამქვეყნად და შემდგომ — ცათა შინა.

„ჯვარი თვისი“ ქრისტეს ჯვრად გარდაისახება მათთვის, ვინც ქრისტეს შეუდგა, რამეთუ ცხოვრების მიზნად მცნებების აღსრულება დაუსახავს. ყოვლადწმინდა მცნებების აღსრულება არის ჯვარი იმ ადამიანისა, რომელზეც თავად უნდა გაეკრას, ჯვარს აცვას გადაღრძუებული და ხრწნადი ადა-

მიანური ბუნება „ენებითურთ და გულისთქმით“ (გალატ. 5, 24).

აჟედან გამომდინარე, ცხადია ვიდრე ვიტყვირთავთ ქრისტეს ჯვარს საკუთარი თავი უნდა უარვეყოთ, რათა არ წავწყდეთ. ვიდრე ჯვარს აღვიღებდეთ, სხეული უნდა განვიწმინდოთ ბილწებისაგან და მხოლოდ არსებობისათვის აუცილებლად დავეკმაყოფილდეთ. ჩვენი სიმართლე უმძიმეს დანაშაულად უნდა შევრაცხოთ უფლის წინაშე, ხოლო გონიერება — უგუნდრებად, დაბოლოს, მთელი ძალისხმევითა და რწმენით მივსდეთ უფალს და დავეწაფოთ სახარებას პირადი ნების უარყოფელნი.

ამრიგად, ვინც განუდგა საკუთარ თავს, მას უკვე უტყვირთავს „ჯვარი თვისი“. ეს ადამიანი შეიგრძნობს თავის უსუსურობას, უფალს ესავს და ევედრება გააძლიეროს, უდრტვინველად და უშფოთველად შესცქერის მოსალოდნელ უბედურებას, ცდილობს დიდსულვონად აიტანოს ყოველგვარი გასაკირი და ამ გზით უფალი იესოს ვნებათა თანამონაწილე, თანაზიარქმნილია უფლის საიდუმლო აღმსარებლობასთან მართოდენ გონებითა და გულით კი არა, საქმითა და ცხოვრებით.

ჯვარი მძიმეა ვიდრე იგი არის „თვისი“, „ქრისტეს ჯვრად“ გარდასახული კი, უჩვეულოდ აღმსუბუქდება: თავად უფალიც ხომ ამბობს: „უღელი ჩემი ტკბილ არს, და ტვირთი ჩემი სუბუქ არს“ (მათე, 11,30).

მოწაფე ქრისტესი ჯვარს აღიღებს, ოდეს შეიცნობს, რომ ღვთაებრივი განგებით ღირს-ქმნილა ჳმუნეა და წუხილი დაითმინოს.

მოწაფე ქრისტესი „თავისი ჯვრის“ ტარებას მხოლოდ მაშინ შეძლებს, ოდეს ტანჯვას შერაცხავს ქრისტეს რწმენაში განმტკიცებისა და ცხოვნების გარდაუვალ პირობად.

ჯვარს ატარებდე მოთმინებით, ეს ნიშნავს, რომ ჳეშმარიტად ხატავდე და აღიქვამდე საკუთარ ცოდვებს. ამ აღიარებაში არ არსებობს თვითცთუნება. ხოლო ვინც საკუთარი ცოდვები შეიცნო, მაგრამ მოსთქვამს და გოდებს, მაშინ თვალსაჩინო ხდება, რომ ცოდვა ზერელედ უღიარებია და ფარისე-

ველი და პირმოთნე საკუთარ თავს იტყუებს. ჯვარს ატარებ-  
დე მოთმინებით ეს ქეშმარიტი სინანულია.

მტკირთველთ ჯვრისა! უფლის წინაშე აღიარე მისი გან-  
გების მართებულობა. დაადანაშაულე საკუთარი თავი, ღვთის  
მართლმსაჯულება გაამართლე და მოგეცემა მიტევება ცოდ-  
ვათა თვისთა.

მტკირთველო ჯვრისა! შეიცან ქრისტე! აი, მაშინ განგეხვ-  
ნება ბჭენი სამოთხისანი, აღიდე უფალი, გოდება და ჩივილი  
უარყავ, განაგდე შენგან ყვედრება და გმობა უფლისა. დაე,  
მადლობდე უფალს საუცხოო საბოძერისთვის — „ჯვარისა თვი-  
სისათვის“ და უბედნიერესი ხვედრისთვის — ტანჯვითა შენი-  
თა ჰბაძვიდე ქრისტეს. დაე, ღვთისმეტყველებდე, რამეთუ ჯვა-  
რი ერთადერთი და ქეშმარიტი სავანაა მეცნიერებისა, ტახტ-  
საყდარ-საბრძანებელია ქეშმარიტად ღვთისმეტყველისთვის:  
იესო ქრისტეს ვერ შეიმეცნებ ცხოვლად ჯვრის გარეშე.

ნუ დაეძებ ქრისტესმიერ სრულყოფილებას ადამიანურ სათ-  
ნოებებში, ვერ იპოვი, რამეთუ იღუმალია და ქრისტეს ჯვარ-  
შია დაფარული.

„ჯვარი თვისი“ „ქრისტეს ჯვრად“ გარდაისახება, ოდეს მო-  
წაფე ქრისტესი აღიარებს საქმეებში განცხადებულ საკუთარ  
ცოდვებს და დამსახურებულ სასჯელს მოელის. თუკი შესწი-  
რავს მადლობას უფალს და დიდებისმეტყველებს, მაშინ დი-  
დებითა და მადლობით ჯვარცმულში მკვიდრდება სულიერი  
ნუგეშისცემა. ვმადლობდეთ უფალს და დიდებისმეტყველებ-  
დეთ ეს სათავეა მიუწვდომელი, განუხრწნელი სინარულისა,  
მადლმოსილ გულში რომ სდულს, იღვრება სულში და თვით  
სხეულსაც განანსპეტაყებს.

იტკირთო და ატარო ჯვარი ქრისტესი ხორციელი თვალი-  
სათვის, ერთი შეხედვით უმკაცრესი განაჩენია. ქრისტეს მო-  
წაფესა და მიმდევარს კი უმალლეს სულიერ სიტკბოებას გა-  
ნაცდევინებს. ეს ნეტარება იმდენად დიდია, რომ ქმუნვა-წუ-  
ხილს განაქარვებს, ტკივილებს აყუჩებს და უსაშინლესად გვე-  
მული ენით უთქმელს შევებას განიცდის.

ყრმა მავრა ჰბაუკი მეუღლის — ტიმოთეს წამების მხილ-  
ველი მისი ტანჯვის თანამოზიარეც ხდებოდა და ასე მიმარ-  
თავდა: „ძმაო ჩემო, შიშს მგვრის და მაძრწუნებს გულბოროტ

ჯალათის დანახვა, მხნეობა მღალატობს, მუხლები შეკვეთება და ვძაბუნდები სინორჩისა გამო“. წამებული ტიმოთე კი ასე პასუხობდა: „ესავდე უფალსა ჩვენსა და იქნება შენთვის ტანჯვა ვითარცა ზეთი სურნელოვანი დაფრქვეული შენს სხეულზე და ვითარცა ცვარი შენს ძვლებში, რომლებიც შეგიმსუბუქებს ყოველგვარ ტკივილს“. (თვენი; 3 მაისი).

ჯვარი ძლიერებაა და დიდება საუკუნიტგან ყოველთა წმინდანთა. ჯვარი მკურნალია ვნებათა, განმდევნელია დემონთა. ჯვარი ანადგურებს იმ ადამიანებს, რომლებმაც „ჯვარი თვისი“ „ქრისტეს ჯვრად“ არ გარდააქციეს, მხოლოდ საკუთარი ჯვარი იტვირთეს, შფოთვენ და დრტვიან ღვთაებრივი განგებულების მოლოდინში, ყვედრიან უფალს და უიმედობასა და სასოწარკვეთილებაში ვარდებიან. ცოდვილნი, თუკი არ შეიგნებენ და არ მოინანიებენ თავიანთ ცოდვებს, ჯვარზე შემსკვეალულნი მარადიული სიკვდილით კვდებიან. ისინი სულსწრაფობით კარგავენ ქეშმარიტ ცხოვნებას. ცხოვნებას ღმერთში. „თავისი ჯვრიდან“ გარდამოიხსნებიან და წარწყმედილი სულებით მარადიულ სამარეში — ჯოჯოხეთში შთაცვივიან.

„ჯვარი ქრისტესი“ ჯვარცმული ქრისტეს მოწაფეს დედამიწას წარსტაცებს, საკუთარ ჯვარზე გაკრული, შემმეცნებელი ამალღებული სიბრძნისა, გონებითა და გულით ზეცად აღიტყორცნება და ჰვრეტს სულის საიდუმლოებებს უფლისა ჩვენისა იესო ქრისტესსა. „რომელსა ჰნებაეს შემოდგომად ჩემდა: უარ-ჰყავნ თავი თვისი, და აღიდენ ჯუარი თვისი, და შემომიდევინ მე“. ამინ!

თარგმნა გელა აროშვილმა

1. Творения блаженного Августина Епископа Иппонийскаго. Часть 7. Киев. 1912 г.
2. Творения иже во святых отца нашего Ефрема Сирина. Часть 5. Москва. 1887 г.
3. Творения иже во святых отца нашего Ефрема Сирина. Москва. 1849 г.
4. Собрание поучений избранных из творений святого отца нашего Иоанна, Архиепископа Константинопольскаго, Златоустаго. Том I, Том II. Москва. 1889 г.
5. Настольная книга священнослужителя. Том I. Москва. 1977 г.
6. Творения иже во святых отца нашего Аббы Исаака Сириянина, подвижника и отшельника.  
Слова Подвижническия.  
Сергиев Посад. 1911 г.
7. Полное Собрание творений св. Иоанна Дамаскина. Том I. с.-Петербург. 1913 г.
8. ანან ნუალთოალი „ლოვებიკობი“.
9. PATROLOGIAE GRAECA. T. 120.
10. PATROLOGIAE GRAECA. T. 150.
11. Сочинения Епископа Игнатия Брянчанинова. Том I. «Аскетические Опыты». с.-Петербург. 1886 г.
12. Сочинения Епископа Игнатия Брянчанинова. Том IV. с.-Петербург. 1905 г.
13. Жизнь и труды св. отцов и учителей церкви. Сочинение Ф. Фаррара. с.-Петербург. 1891 г.



## შ ი ნ ა ა რ ს ი

ნეტარი ავგუსტინე	8
ჰეშმარიტი სარწმუნოებისათვის	9
წმ. ეფრემ ასური	76
სიტყვა უფლის მოსვლისათვის, სოფლის აღსასრელისა და	
ანტიქრისტეს გამოჩინებისათვის	76
სიტყვა მღვდლობის შესახებ	85
ანდერძი	91
წმ. იოანე ოქროპირი	106
როგორ გავზარდოთ შეილები უფლის სწავლითა და	
მოძღვრებით	106
სიტყვა ხუმრობისათვის	113
პრისხანებისათვის	116
რჩევა დაქორწინების მსურველებს	117
ნუ დაუჭერებთ მისნებს	124
მღვდლობის შესახებ	127
წმ. ისააკ ასური	228
სიტყვა იმის შესახებ, რომ უნდა ვერიდოთ უღებ და დახსნილ	
ადამიანებს	230
სიტყვა ახალდამწყებთათვის	238
სიტყვა იმის შესახებ, თუ რა გზით მიეახლება კაცის გული	
ღმერთს	241
გონების დაცვისა და ჰეშმარიტი შინაგანი ხედვისათვის .	246
წმ. იოანე დამასკელი	248
მართლმადიდებელი სარწმუნოების ზუსტი გადმოცემა,	
წიგნი II	248
წმ. სვიმეონ ახალი ღვთისმეტყველი	356
სამგეარო ლოცვის შესახებ	356
ევსტრათი ნაქიელი მიტროპოლიტი	367
	443

თუ ოდეს ჰრომნი და ეკლესიაჲ მათი რამსათვის საღმრთოთა იმოსაველისა ეკლესიათაგან განიჭრნენ	367
წმ. გრიგოლ პალამა	379
სიტყვა ლოცვისა და ფსალმუნების შესახებ	379
წმ. ეპისკოპოსი ეგნატე	389
სახარების კითხვის შესახებ	389
სინანულისათვის	394
სასწაულებისა და ნიშების შესახებ	401
„ჯვარი თვისი“ და ჯვარი ქრისტესი	438

რედაქტორი ე. ნადარეიშვილი  
მხატვარი დ. ზიდაშელი  
მხატვრული რედაქტორი ლ. კინწურაშვილი  
ტექნიკური რედაქტორი ზ. არაშვილი  
კორექტორი რ. კობახიძე

გამომცემლობა „ზელოვნება“  
თბილისი, დავით აღმაშენებლის გამზ. 179  
1991

ჩაბარდა წარმოებას 16.02. 91 წ. ხელმოწერილია საბეჭდად 27. 03. 91 წ.  
ფორმატი 84 X 108<sup>1</sup>/<sub>82</sub>. კალალდი საბეჭდი № 2 ბეჭდვა მაღალი პირობითი  
ნაბეჭდი ფურცელი 22, 4 სააღრიცხვო-საგამომცემლო ფურცელი 20, 5  
ტირაჟი 10.000. შეკვეთა № 37

ფასი 80 მან,

საქართველოს რესპუბლიკის ბეჭდვითი სიტყვის სახელმწიფო კომიტეტის  
თბილისის ი. ჰეკავაძის სახ. წიგნის უბრია, გრ. რობაქიძის გამზირი № 7.  
Тбилисская книжная фабрика им. И. Чавчавадзе Государственного  
комитета пе печати Республики Грузия, пр. Гр. Робакидзе № 7.